

# CHIRURGIE FRANÇOISE,



RECUEILLIE PAR M.  
JAQUES DALECHAMPS,  
Docteur Medicin, & Lecteur or-  
dinaire de ceste profes-  
sion à Lyon,

*Avec plusieurs figures des instrumens neces-  
saires pour l'operation manuelle.*

La page 14. contient les principaux chefz de  
qui se discourt en cest œuvre.



IN VIRTUTE,




ET FORTUNA.

83415

A LYON,  
PAR GVILLAVME ROVILLE.  
M. D. LXIX.

Avec priuilege du Roy.



## Extrait du priuilege du Roy.



A R grace & priuilege du Roy est permis à Guil-  
laume Rouille libraire de Lyon, d'imprimer, ou faire  
imprimer, vne fois ou plusieurs, ce present liure in-  
titulé, La Chirurgie Françoisse, recueillie par  
M. Iaques Dalechamps, Docteur medicin, il-  
lustree de plusieurs figures. Lequel liure il a recourré avec grâs  
frais mises & despences : & pource est faict desence de par ledict  
Seigneur, à tous autres Libraires, Imprimeurs, & personnes quel-  
conques, de non imprimer, vendre, ny distribuer en ses pays, terres  
& seigneuries, ledict liure imprimé par ledict Rouille, si ce n'est  
par son consentement, & ce iusques au temps & terme de neuf ans,  
à compter du iour & datte que sera parachuee la premiere impres-  
sion, sur peine d'amende arbitraire, & de confiscation des liures  
qu'ilz auroyent imprimé. Et à fin qu'aucun ne puisse pretendre  
ignorance du present priuilege, ledict Seigneur veut & entend que  
l'extrait d'iceluy estant mis au commencement, ou à la fin dudict  
liure, serue pour toute notification, comme si la signification estoit  
faicte sur l'original. Car tel est son plaisir, comme plus à plein est  
contenu & déclaré par les lettres de priuilege sur ce donnees à Mou-  
lins le vingtiesme de Feburier, l'an de grace, mil cinq cens soixâte six,  
& de son regne le sixiesme.

Par le Roy en son Conseil.

Signé,

De Vabres.

Et scellé du grand seau en cire iaune à simple queue.





# AV LECTEUR,

## *Preface sur la Chirurgie.*



**C**'EST chose plus que notoire, la medicine de laquelle nous exerçons & faisons ordinaire profession, estre composee de trois parties: la premiere

qui par manuelle operation cure les maladies: la seconde qui par bonne & conuenable maniere de viure donne secours aux indispositions de nostre personne: la troisieme qui par medicamens appropriés guerit noz infirmitéz. De ces trois combien que chacune ayt vne particuliere intention, outre la cômune, qui est de remedier à noz maux, si ne peut-on employer l'vne sans les autres, par ce qu'elles sont tellement conioinctes & liees ensemble, que l'office de l'vne sans l'ayde des autres, ne toucheroit iamais au but que l'on se propose. Vray est que la Dic-

*Scribo-  
nius La-  
gus chap.  
200.*

tetique, qui ordonne le regime, & la Therapeutique qui montre l'vsage des medicamens, nous seruent, encor qu'actuellement ne soyons malades, pour nous preseruer des maladies, qui par interualles nous visitent, ou que ià elles nous menassent, ou que doutes pour l'auenir leurs coustumiers assaux : mais la Chirurgie ne s'exerce point sus noz corps, sans expresse necessité de son industrie, & vrgence de mal important, qui requiere son ayde. Plusieurs grans personages tant des anciens que des modernes, debattent & non sans cause, de ces trois parties, laquelle doit estre tenue la plus excellente, estant chacune d'icelles auantagée par quelques raisons & tesmoignages des illustres medecins. Herophile dit, les medicamens bien inuentez & composez estre la main de Dieu. Apollo, si nous croyõs Ouide en sa Metamorphose, s'attribue l'honneur d'auoir trouué les Simples, principalement herbes & plantes, combien que Pline chapitre cinquãtesixieme, liure huietieme, assure Cheiron filz de Saturne & Phillyra, auoir decouuert cela. L'effect des medicamens est tel, qu'avec iceux Circé a conuertty les hommes en bestes, & derechef les retirant

retirant de la figure brutale, les a reuoquez en leur pristine forme. Je pourroys en cest incidant reciter l'incroyable vertu du Moly, & du Nepenthes celebrés d'Homere, de l'herbe qui pour l'auoir seulement goustee, mua Glaucus en poisson, & autres telles preuues, souz lesquelles iacoit qu'il semble de prime-face y estre contenu quelque chose de fabuleuse vanité, est neantmoins cachée la verité & confirmation de la vertu des medicamens. Laisant donc ce qu'on pourroit extrauaguer plus au long sus ce proiect, quant à la Dietetique, Hippocrates au liure des Alimens, afferme la souueraine medicine estre celle qu'on prend avec le manger, à quoy s'accorde Pline chap. premier, liure 24. disant le plus pource du monde tous les iours prendre en soupāt les vrayes remedes des maladies: & de cest auis ont esté tous les medecins les plus estimez & recommandables en l'antiquité, qui par leurs escrits & pratique nous ont monstré la cure des maladies faicte par regime, surmonter celle qui se fait par autre voye: outre ce qu'au sens & iugement naturel d'un chacun, pour sortir d'une maladie, il est meilleur s'accommoder au manger & boire sa-

lubre, qui nous est familier & vñté, qu'es-  
 fayer son estomach par medicamēts facheux  
 à prendre, difficiles à retenir, penibles en  
 leur operation: ce qui donna occasion à  
 Asclepiades tant prisé, & presque adoré à  
 Romme, de reicter & blasmer toutes potiōs  
 medicinales, comme nuisibles à l'estomach:  
 & aux Arcades d'auoir en horreur toute  
 droguerie, & se vuider au printemps, avec  
 le laiēt seul des vaches, qui auoyent mangé  
 par leurs montaignes de toutes herbes me-  
 dicamenteuses, à raison dequoy il estoit sain  
 & purgatif. Voyla certes des raisons appa-  
 rentes pour adiuger l'excellence & prefe-  
 rence à l'vne de ces deux parties. Toutes-  
 fois en ce different se presentent plusieurs  
 choses dignes de consideration: & premie-  
 rement, qu'en la curation des maladies fai-  
 cte par diete, ou medicamens, la fortune a  
 grand pouuoir, & ce qui a proufité quelque-  
 fois, autrefois ne sert de rien, tellemēt qu'on  
 peut reuoquer en doute, si la santé nous est  
 rendue, ou par benefice de nature, ou par la  
 faculté du medicament & regime. D'avan-  
 tage, qu'aux maladies où nous fondons plus  
 d'esperance sus l'vsage des medicamens &  
 du regime, combien que souuent cela suc-  
 cede

*Pline cha-  
pit. 3. li-  
ure 26*

*Pline cha-  
pitre 8. li-  
ure 25.*

*Celse en  
la preface  
de son li-  
ure 7.*

cede heureusement , neantmoins avec ces  
 moyens en vain nous cherchons aucune-  
 fois la santé, & sans iceux aucunefois la re-  
 couurons , comme il auient aux passions  
 des yeux, qui maintefoys guerissent d'eux-  
 mesmes sans y rien faire, apres que longue-  
 ment on les a vexés de collyres , & autres  
 remedes par lesquelz on n'auoit rien auan-  
 cé, tout autrement qu'en la Chirurgie , la-  
 quelle manifestement de son adresse & pro-  
 pre dexterité remedie aux vices du corps,  
 bien qu'elle soit secondee & soulagee des  
 deux autres parties en ses actions . Outre  
 plus, il conste que ceste partie est plus an-  
 cienne que les autres, par ce qu'en la guer-  
 re de Troye, Podaleirius & Machaon en-  
 fans d'Esculape, appelez d'Homere, Iliade  
 2. sauans, & bons medecins, donnerent grans  
 secours à leurs compagnons, non pour les  
 guerir ou garentir de la peste , qui lors par  
 la cholere & despit d'Apollo rauageoit au  
 camp, ny pour les sauuer de diuerses au-  
 tres maladies, ains pour penser leurs bles-  
 seurs avec medicamens & ferremens , &  
 neantmoins Hippocrates l'a traictee plus  
 diligemment, que ses predecesseurs : & tant  
 de rares esprits apres luy y ont dependu

*Première  
de la  
Chirurgie.*

*Celse  
en la pre-  
face de  
son liu. 1.  
Plin cha-  
pitre 1. li-  
ure 29.*

toute leur vie, & tous leurs estudes, comme Philoxenus en Egypte, Gorgias, Sostratus, Hieron; l'un & l'autre Apollonius, Ammonius Alexandrin en Grece, Tryphon le pere, Euelpistus filz de Phleges, & de ce nombre le plus docte Meges à Romme, & infinis autres fameux en diuers lieux, singulierement de nostre aage, lesquels ie ne veux nommer, pource que leur reputation est assez diuulguee, & pour ne faire croire à quelqu'un, que souz ce pre-texte i'affecte ambitieusement obtenir reciproque louange d'eux. Examinant & pesant toutes ces choses, ie conclu, & resou en mon opinion, ceste partie de medicine pour son antiquité, necessité, vtilité, certitude, & delectatiō merueilleuse qu'elle nous apporte, outrepasser de beaucoup les deux autres: sur quoy ie regrette & deplore l'infelicité de nostre siecle, auquel si peu de medicins s'addonnent à manier, enrichir, & apprendre ceste diuine science, reduicte n'augures par leur nonchaloir à vne estrange confusion & obscurité: mais depuis quelques ans illustree par les liures de plusieurs medicins & chirurgiens de marque, suscitez à cest'entreprise, par la bonté de Dieu, & poussez

# P R E F A C E.

poussez d'un genereux & ardent desir de  
 procurer le bien public. Viuant Galien &  
 Hippocrates nous lisons ceste partie de me-  
 decine reserree dans ses limites, ne s'estre oc-  
 cupee en autres maladies qu'en celles qui  
 se guerissent par œuure de main, & telles  
 sont les tumeurs contre nature qui deman-  
 dent extirpation totale, ou reposition, les  
 fractures, les deloueurs, & quelques au-  
 tres comprises souz les susdictes, comme  
 renuersement de paupieres, surcroist de  
 poil, pierre en la vescie, enfantement la-  
 borieux, & autres semblables, comme font  
 entendre ces paroles d'Hippocrates liure  
 premier, des maladies. En la chirurgie (dit-il)  
 on peut faire ces fautes, ne cognoistre point  
 la matiere purulente, qui est amassée en l'ul-  
 cere, ou en l'aposteme: ne cognoistre point  
 les fractures & deloueurs des os: ne cognoi-  
 stre point la fracture du tés avec l'éprou-  
 uette: ne pouuoir conduire la sonde dans  
 la vescie, quand elles'y doit mettre: ne co-  
 gnoistre point l'empyeme en secoüant le  
 buste du corps: cauterisant & incisant, errer  
 en la longueur ou profondeur raisonnable  
 de l'operation: inciser & bruler ce qui ne le  
 doit pas estre: mais de nostre tēps au moins

*Liure 14.  
 de sa Me-  
 thode, &  
 sus la fin  
 du 6.*

de noz ayeuls & bisayeuls, la Chirurgie a estendu ses bornes plus auant, & s'est mise en possession de pourueoir aux vlcères, de gouverner les tumeurs contre nature curables par resolution, ou repercussion: de bastir vn antidotaire, recueil, ou inuentaire de ses remedes les plus experimentez, choses sans faute empruntees, pour ne dire dérobees du riche thresor qui appartient en propriété aux deux autres parties: en quoy ne faut tant accuser son vsurpation, par laquelle il ne reste pas moins aux autres de ce qui leur fait besoin, comme excuser & trouuer bonne sa vigilance & prudence, laquelle ne laisse & mesprise rien de ce qui tend & concerne à sa perfection. Ce seroit veritablement vn grand auantage pour nous, que les escrits de Leonidas, Meges, Antylus, Soranus, & autres de tel estoffe, desquels Galien, Paul, Aëce, confessent liberalement auoir entendu, copié, & transcrit plusieurs choses, ne fussent peris par l'iniure du tēps, ou que Galien eust laissé à la posterité sa Chirurgie qu'il auoit promise. Le cours des ans nous a priuez de ceste felicité, le temps goulu a engouffré tout cela. Il ne nous demeure autre chose de tels monumens, & si precieux,



P R E F A C E.

cieux, que quelques pieces arrachees çà & là dans Aëce, & ce fixieme liure de Paul, Epitome ou abbrege, de tout ce que les anciens auoyent mis en lumiere sus cest argument, liure fort incorrect & depraué en son Grec, assez legerement & inconsiderement tourné des traducteurs en plusieurs endroits, difficile à entendre & declarer, ou pource qu'on a excogité quelque autre procedure qui a esté iugée plus aisee: ou pour la rarité des maladies qui requierent telles operations: ou pource que tous chirurgiens & medecins ne sont doués de si vif & prompt esprit, que de telles narrations ils apprehendent la suite & progres des operations en iceluy mentionnees, & tant l'apprest que les instrumens ordónez pour icelles: ou pource que la mignarde & delicate complexion des hommes non seulement refuse de s'exposer aux distentions violentes, aux sections & vstions, remedes extremes & souuerains des maladies contumacieuses & rebelles aux medicamens & regime, ains blasme & deteste telles executions & inuentions, par lesquelles nostre corps est, comme ils se plaignent, miserablement desiré, decoupé, brulé, & inhumainement torturé,

*Hippocr.  
aphor. 91.  
liure 7.*

Pline cha  
pitre 1. li-  
ure 29.

ré, alleguans sur ce propos, que l'an cinq  
cens trente cinq de la fondation de la cité,  
& l'an du Consulat de L. Acmius & M. Li-  
uius, vint de la Moree à Romme vn medi-  
cin surnommé Vulnereaire, ou Chirurgien,  
savoit-est Archagathus fils de Lyfias, au-  
quel de premiere arriuee on donna droit  
de bourgeoisie, puis soudain on luy acheta  
des deniers communs vne boutique au car-  
refour lors nommé Acilien: estant du com-  
mencement sa venue fort agreable au peu-  
ple: mais que quelque peu apres pour la  
cruauté des sections & brulemens qu'il fai-  
soit, il auoit esté iniurié & appelé Bour-  
reau, avec grande haine du peuple contre  
l'art, & contre tous les medecins generale-  
ment. La difficulté de ce liure, qui est de si  
grande consequence & vtilité à nostre pro-  
fession, veu que selonc le proverbe Grec  
*καλὰ πὰ τὰ καλὰ*, toutes choses exquisés sont  
ardues & difficiles, ne m'a point estonné, ou  
intimidé, ains plustost piqué & reueillé à y  
mettre la main pour le traduire en nostre  
vulgaire, avec toute la curiosité & fidelle  
diligence qu'il m'a esté possible: conserant  
les exemplaires vieux & escripts, avec les  
nouveaux & imprimés: les versions des vns  
avec

## P R E F A C E.


avec les traductions des autres : & qui est le principal, la nature, & pratique de la chose sus la deduction de l'auteur. L'ay de surplus accompagné ce mien labeur de plusieurs autres discours, desquels l'indice titulaire se lira en la page prochaine. Je l'ay aussi embelly & agencé de plusieurs figures & pourtraicts d'instrumens chirurgiques, desquels partie ie suis redeuable à monsieur M. Ambroise Paré, premier chirurgien du Roy, & partie à monsieur M. Iaques Roy chirurgien dudit Prince, homme qui a des parties aussi grandes & bonnes que chirurgien de nostre memoire, & spécialement qui est aussi subtil, ingenieux, & inuētif en telles choses, que i'aye onq cogneu. Je ne fay quel contentement on receura de mon dessein. Quant à moy, ie n'ay pretendu autre gaing que de seruir au publiq, & à mon exemple inciter les autres qui ont de quoy mieux faire, à cōmuniquer l'intelligence de ceste discipline aux amateurs & studieux d'icelle. Si i'attein ce blanc, loué soit Dieu, source de toutes bonnes, sainctes, & honnestes cogitations. Si ie demeure en chemin, la conscience de ma sincere & candide volonté me satisfera.



## SOMMAIRE DES PRINCIPaux chefz contenus en ceste Chirurgie.

1. *Le sixième liure de Paul Aeginete, où est declarée la vraye Chirurgie, traduit fidelement du Grec.*
2. *Les passages d'Aëce Grec, Cornelius Celsus Latin, Auicenne & Albucrasis Arabes, qui concernent la matière traitée de Paul.*
3. *Les discours d'Hippocrates sus les fractures des os, & delouëures des jointures, amplement & richement deduits, outre ce que Paul en escrit.*
4. *La conformité des illustres & fameux praticiens, tant de nostre siecle, que de noz predecesseurs, sus les operations exposees de Paul.*
5. *Les corrections, Annotations, & Commentaires sus le texte de Paul par M. Iaques Dalechäps, de Caen en Normandie, Docteur medicin, & Lecteur ordinaire de Chirurgie à Lyon.*
6. *Plusieurs figures d'instrumens Chirurgiques ou mentionnés de l'Auteur, ou excogités des modernes Chirurgiens pour executer les operations desirittes d'iceluy.*

*Le tout en nostre vulgaire François, en faueur des compagnons & maistres Chirurgiens, qui n'ont point esté nourris aux lettres Greques & Latines.*





Addideris vocem, fuerit Dalechampius ipse,  
Expressa ad viuum, cuius imago fuit.

Δείκνυσιν ἥδε γραφὴ μορφήν καὶ γήσιον εἶδος  
Εὐμαθίῳ αὐτῷ πολλὰ γραφέντ' ἔοικε.

# TABLE DES PRINCIPALES matieres contenues en ce Volume.



Abſces nômé Aegilops, & la curation d'iceluy. 105. 106

Quatre manieres d'abſces, & leur origine. 107. 108. La curation. 109. 110

Abſces curables, ou incurables. 109

Signes bons ou mauuais de l'abſces ou apoſtème. 180. 181

Tous abſces froids peuuent eſtre appelez nodofités. 195

Aconitum & ſon vſage cõtre les beſtes qui ont les piedz fendus en pluſieurs doigts, & autres ſortes de beſtes. 593

Acrochordõ pourquoy ainſi nommẽ. 543

Aegineta ſtudieux de brieuetẽ. 1

Aegineta ne s'attribue point la chirurgie de Galien, comme aucuns le calumnient. 3

Affectiõs qui endommagẽt le corps. 603

Aiguilles à ſeton pour tenir la playe ouuerte, & ſonder où eſt la balle. 572

Aiguilles & canons pour cou

dre les playes du viſage & autres. 573

Comment faut reſerrer la cavitẽ de l'aixelle, pour garder que l'oſ de l'auanbras ne s'y puiſſe trãſporter. 246

Maniere de cauteriſer l'aixelle. 240. 241

Angeliologie eſt incifion des veines. 23

Anacollemata, terme des anciens, qu'eſt ce. 26

Androgynes en Affrique & leur couſtume. 423

Aneurysme qu'eſt ce, d'où procede, & les ſignes pour le cognoiſtre. 20. 196

Difference des aneurysmes, & leur curation. 197. 198

Discours d'Aẽce touchãt l'aneurysme, ſes cauſes, ſignes, differences, & la curation manuelle. 199. 200

Emplaſtre de Cypres, fait & inuentẽ par Necheſos roy d'Aegypte, propre pour l'aneurysme, ou tumeur de la gorge. 200

Medicament dict Anthera, & la compoſition, & la qua-

lité d'iceluy.	129.130	ge.	167.178
Apollonius a escrit des reme des contre la douleur de la teste.	663	Autres remedes par M. Guy de Cauliac & Albucrafis.	168.
Aposteme, ou absces, est cor- ruption & mutation de chair.	171	Arrierefois. voy Matrice.	
Curation manuelle des apo- stemes, & les signes quand elles sont meures.	171	Incision des arteres comme doit estre faicte. 16. 17. & seq.	
& 175. 176. 177. & seq.		Artere respiratoire comment doit estre incisee. 169. 170. 171.	
Incision de l'aposteme pour- quoy se fait auant la parfai- cte maturité en certains en- droicts.	173	Exemple d'une curarion fai- cte par Albucrafis d'une châbriere qui se coupa vne partie de l'artere respiratoi- re.	171
Differentes incisions des apo- stemes.	173. 174. 178. 179	Façon de l'artere respiratoi- re.	171
Remede pour le flux de sang en l'incisiõ des apostemes, & pour eüter putrefaction en l'vlcere.	174. 175	Arteres temporelles trãchees par vn Medicin oculaire de reputation, pour la fluxion des yeux.	18
Difference de curer l'vlcere de l'aposteme en esté, ou en yuer.	175	Cordes propres pour lier les arteres tranchees.	18. 19
Curation de l'aposteme vlce- ree recidiuant.	181	L'artere trãchee ne doit estre liee de fil, ne de corde su- gette à putrefaction soudai- ne.	18. 19
Arballeste àtirer fleches du corps.	684	Ligament des arteres & des veines incisees,	19
Incision de l'atherome, meli- ceride, & steatome.	196	Astelles & leur vſage aux fra- ctures.	739
Maniere de tirer les arestes des poissons attachees à la gorge.	166. 167	Astelles de Ferule.	708
Cataplasmes suppuratifs pour l'arestte attachee à la gor- ge.	166	Atheromes sont especes d'ab- sces,	189. 190
Remede par toux, ou sternu- tatoire, selon Aëce, pour ie- ter hors quelque areste, ou autre chose, de la gor-		Difference entre les athero- mes, steatomes, & meliceri- des, & leur curatiõ. 189. 190. 191. 192. 193.	
		Discours de Corn. Celsus sur les	



# T A B L E.

- les atheromes, steatomes & melicerides. 193.194.195
- B** Acinement d'huile & de vin à quoy sert. 29
- Bec de corbin propre à tirer les vaisseaux pour les lier. 528
- Bec de corbin à tirer mailles & autres petits corps estranges. 557
- Bec de lezard pour tirer la balle apres qu'ell'est applatie. 565
- Bec de grue coudé. 563
- Bec de grue & de corbin pour tirer hors des playes les choses estranges. 574.575
- Bec de perroquet pour tirer pieces de harnois du fons des membres & des os. 567.
- Bec de cygne pour dilater la playe. 568
- Bendages de plusieurs sortes descrits par Oribase. 703
- Bendage appelé Museliere. 708
- Bendage inuenté par Soranus en figure du licol d'un cheual. 711
- Bendages de diuerses sortes de l'inuention d'Oribasius. 718
- Boite dentelee dicte en Grec χοιρίκιον, & son vsage. 687 688.
- Boulettes d'or ou d'argent pour tenir vn vlcere ouvert. 471
- Boyau qui sort, ou pend, voy Hernie.
- Bras de fer. 532
- Byssus en quel pays croist. 61
- C** Allosité qu'est-ce. 467. 480
- Canules de plomb & leur vsage aux playes. 703
- Cataplasme de Damocrates. 467
- Cataplasme de farine d'orge cruë, poistrie avecq huile & eau chaude, & son vsage. 459
- Cattilage, sa cõposition, & les remedes quand elle est blesee. 709
- Cautere à quoy est vtile, & ses effects. 7. & 8
- Cautere sur les vaisseaux sans faire incision. 23
- Cautere double cultellaire d'Albucrasis. 27
- Curation des parties cauterisees selon diuers auteurs & pays. 35.36.37
- Caurere petit pour les palpèbres, quand les poils sont renuersez dedans. 43
- Cautere actuel avec sa piece pour les fistules lacrymales. 106
- Cautere doit estre appliqué là où les medicamens ne peuuent donner remede. 131
- Le cautere doit estre appliqué apres auoir euacué le corps. 162.
- Fueilles de pourreaux avecq du sel, bonnes pour appliquer sur le cautere. 241.247
- Cauteres actuels de diuerses

- sortes. 241. 242. 243  
 Cautere triangulaire propre  
 au nodus de la verolle.  
 Cauteres actuels avec canu-  
 les. 245  
 Cauteriser à la façon Arabi-  
 que. 462  
 Cauteres plats pour l'extirpa-  
 tion des membres. 533  
 Cautere d'Antylus. 462  
 Precepte general touchant le  
 temps auquel faut fermer  
 les vlceres qu'on fait par cau-  
 tere. 462  
 Cauteres potentiels. 467  
 Cautere actuel pour retenir  
 le sang. 576  
 Celsus excellent auteur en  
 Chirurgie. 685  
 Cephalalgie, ou cephalée,  
 c'est vne antique douleur  
 de toute la teste. 24  
 Cercosis, & la curation d'icel-  
 le. 424. 425. & 427  
 Cerion & ses especes. 470.  
 483. 484.  
 Curation de la blesseure du  
 cerueau par vn traict. 553  
 Le froid est ennemy du cer-  
 ueau & des parties nerveu-  
 ses. 681. 682  
 Chancre d'où procede, sa dif-  
 finition, & couleur. 252. 253.  
 254.  
 Parties des femmes suiettes  
 au chancre. 253  
 Châcre de la matrice ne peut  
 estre curé par operatiõ ma-  
 nuelle. 253  
 Operatiõ de Galie aux chan-  
 cres des mamelles. 253. 257  
 Bref discours de Galien sur  
 la curation des chancres.  
 253. 254  
 Chancre non vlceré, & l'vlce-  
 ré de quelle matiere sont  
 faictz. 255  
 Discours d'Aëce sur les chan-  
 cres, suyuant Archigenes &  
 Leonides. 255  
 Chancre non vlceré de la ma-  
 melle & ses signes. 256  
 Chancre vlceré, & son venin,  
 256  
 Chancres en quels endroits  
 sont incurables. 257  
 Curation des chancres aux  
 mamelles selon Leonides.  
 257.  
 Ladrerie est comme vn chan-  
 cre vniuersel du corps, & de  
 quel sang procede. 255  
 Charbon de quel sang est  
 faict. 255  
 Office d'un charlatan en me-  
 decine. 604  
 Charpie seiche & son vsage.  
 491.  
 Façon de Columelle pour cha-  
 strer les pourceaux. 418  
 Chastrer les hommes en com-  
 bien de sortes & en quel aa-  
 ge. 417. 418.  
 Ceux ausquels en chastrant  
 on escache les coillons, desi-  
 rent quelque fois la compa-  
 gnie des femmes, & pour-  
 quoy. 418  
 L'vsage de bailler les femmes  
 & filles en garde aux hom-  
 mes

# T A B L E.

- hommes chastrés, n'est pas chose nouvelle. 419
- Exemple pris sur vn cheual chastré qui assaillit vne iument, de chastrer les eunuques, coupant la verge res le penil. 419
- Diuers nōs des chastrez. 419
- Privileges des hommes chastrés. 410
- Chirurgie est la troisieme partie de la medecine. 2. ses effects & son but là mesme.
- Actions du Chirurgien quelles. 2. & 3
- Galien promet d'escrire vne Methode chirurgique, mais elle ne se trouue point. 3. 541 161
- La Chirurgie à quoy tent. 417.
- Chirurgie de M. Guy de Cauliac correcte laborieusement par M. Tagaut. 203
- Ciseau ou fermail courbe, & autre Ciseau droit. 648
- Curation du clou des piez. 308. 309
- Collyre nommé Crocinum diarhodon, & sa composition & vsage. 41
- Collyre d'Erasistrate, furnōmé Panchrestos, & sa composition. 64
- Collyre de Seuerus. 71
- Collyre de Cleon & sa composition. 95
- Collyre de Nileus & sa composition, & l'vsage vtile d'iceluy. 95. 96
- Collyres fistulaires, leur composition & vsage. 132. 133
- Compas pour couper l'os du crane. 639
- Condylome qu'est-ce. 507. sa curation tant aux hommes qu'aux femmes. 508. 509. 510. 511.
- Cousteau courbé pour couper promptement les muscles iusques aux os és gangrenes. 526
- La conionction & assemblage des os de nostre corps, est en deux sortes. 799
- Cousteau à vis enchassé de fer pour couper grād quantité de chair. 529
- Petit crochet pour tirer les mailles & autres choses estranges. 558
- Signes du cuer blecé. 607. & des autres parties. 608. 609
- Curé eradicatiue, & palliatue. 482
- D**artos, tunique qui couure les vaisseaux spermatiques. 418
- Definition de la delouure & les differences d'icelle. 798. 800
- Signes de la delouure de l'axelle. 246
- Delouure parfaicte a six differences. 800 & l'imparfaicte en a trois. 801
- Causes des delouures. 802
- Signes des delouures. 802
- Discours de Celsus sus les delouures 803. & seq.

- Deloueuze parfaicte & imparfaicte. 806  
 Curation de la machoïre delouee, & les signes. 806. 807 & seq.  
 Celsus sus la deloueuze de la machoïre. 813 & seq.  
 Nourriture du patient à la deloueuze de la machoïre. 814  
 Remede de Celsus pour la deloueuze de la teste. 814  
 Rabillage de la clauette, ou forcelle delouee, & de la sommité de l'espaule. 815. & seq.  
 Galien guery de tel mal en l'aage de trêtescinq ans. 816  
 Deloueuze de l'auanbras, & la curation. 817. & seq.  
 Auau bras deloué dâs le ventre de la mere. 821. 822  
 Figure de la reduciõ de l'auuâbras deloué au deffouz. 823.  
 Reduciõ de l'auau bras par contournement. 824  
 Reduciõ de l'auau bras par le talon. 825  
 Reduciõ de l'auuâbras mettant le malade sur l'espaule d'vn autre. 826  
 Autre maniere de reduciõ par l'eschelle. 827  
 Instrument pour reduire l'auau bras deloué. 828  
 Autre figure de ladicte reduciõ par colomnes & vn foliueau trauerfier. 829  
 Reduciõ du hautbras avec vn siege Theffalique 830  
 Autre reduciõ dudiçt bras sur vne porte double. 831  
 Figure de deux bras pour lauoïr où se doit cauterizer l'auau bras deloué. 832  
 Six differences de situation en la ioincte de l'espaule, vers lesquelles se fait la deloueuze. 833  
 Exemple de deloueuze amené par Galien. 833  
 Curations diuerses, de deloueuze aussi diuersement faites. 834 & seq.  
 Discours de Celsus de la deloueuze de l'auau bras. 836  
 Bendage pour telle deloueuze. 838  
 Deloueuze du coude, les signes, & la curation. 838  
 Difference entre la deloueuze faicte en deuant, ou derriere, & celle qui se fait du deuant, ou du derriere. 840  
 Estrié, ou Esquif pour la deloueuze. 841  
 Signes de la separation du rayõ & de l'os du coude. 844  
 Deloueuze du poignet, & des os de la main, & la curation. 845. 846.  
 La main se deloue en quatre parts selon Celsus. 846  
 Deloueuze des doigts & la curation. 847  
 Deloueuze parfaicte des rouelles dq l'espine du dos fait à l'instant mourir le patient. 848

- Diuerſes ſortes de la deloueu-  
re des rouelles de l'eſpine du dos. 849. 855. 863  
Reprehenſion que fait Hippocrates d'aucuns, touchât  
la curatiõ de telle deloueu-  
re. 849  
Signes de telle maladie. 850  
& la curation. 851 & ſeq.  
Extension de l'eſpine ſur l'e-  
chelle, l'homme ayant la  
teſte en bas. 853  
Autre extension de l'eſpine. 854  
Quatre manieres d'affectiõs  
cõcernans la viciuſe ſitua-  
tion des rouelles de l'eſpi-  
ne. 855. & ſeq.  
Remedes de diuers auteurs  
& en diuerſes ſortes de tel-  
le maladie. 860. & ſeq.  
Les meſmes accidens vien-  
nent en la deloueu- re des  
rouelles de l'eſpine, qu'en  
la deloueu- re de la teſte. 862  
& ſeq.  
Deloueu- re de la hanche, & la  
curation d'icelle. 863 & ſeq.  
Quatre façons de ladiçte de-  
loueu- re. 863  
Signes quand la deloueu- re  
eſt faiçte en dedans, ou de-  
hors. 863. 864. & leur cura-  
tion. 868. 871  
Curation d'icelle par Hippo-  
crates. 864  
Extẽſion commune aux qua-  
tre eſpeces de la deloueu- re  
de la hanche. 865. 866  
Situation du patient en telle  
curation. 867. & 876 & ſeq.  
Autre maniere d'extẽſion  
par Hippocrates. 867. 868  
Banc d'Hippocrates pour la  
deloueu- re. 870  
La deloueu- re en derriere  
vient rarement en la hâche  
& pourquoy. 873  
Signes pris d'Albucraſis quãd  
la cuiſſe eſt reduicte. 877  
Reſolution de Galien ſur la  
diſpute de la remiſſion de  
l'oſ de la cuiſſe deloué. 882  
883.  
Contr'extẽſion de la deloueu-  
re faiçte en dedans, & en  
deuant. 877  
Bendage apres la reduccion  
de la deloueu- re. 877. & ſeq.  
Aſtelle pour la reduccion de  
la deloueu- re de la cuiſſe.  
878.  
Figure de telle reduitiõ. 879  
Diſcours ſuccinçt de Celfus  
ſur la deloueu- re de la cuiſ-  
ſe. 880  
Deloueu- re du genoil, & en  
combien de ſortes ſe fait.  
883. 884. & 887.  
Pourquoy le genoil ſe de-  
loue, & eſt reduicte plus ai-  
ſement que le coude. 884.  
Deloueu- re des cheuilles &  
des doigts du pied, & la cu-  
ration. 885. 886.  
La reduccion de la deloueu-  
re du pied pourquoy eſt dif-  
ficile. 889  
Les oſ de la plante du pied ſe  
delouent & remettent en

- telle façon que ceux de la  
 main. 890  
 Deloueuſe avec vlcere, & la  
 curation d'icelle. 890 & ſeq.  
 Deloueuſe avec fracture. 892  
 & ſeq.  
 En toutes deloueuſes l'abſti-  
 nence eſt fort vtile. 494  
 Maniere d'arracher les dêts.  
 113. 134  
 Dents ſuperflues ou ſurdents  
 commēt ſont arrachees. 134  
 Déchauffoir des dents. 135  
 Pelicans & Dauiet pour rom-  
 pre & arracher les dents.  
 136. 137.  
 Limes propres à limer les  
 dents. 138  
 Façon d'Aëce pour limer les  
 dents. 139. 140  
 Curation du mal de dêts par  
 Celfus. 140  
 Arracher vne dent par force  
 quels maux il cauſe. 140. 141  
 La dent courte a pour la plus  
 part longues racines. 141  
 Cataplaſme pour le mal de  
 dents. 141  
 Neroyement de la dent rude  
 & alpre. 142  
 Remedes pour les dents qui  
 branlent. 142. 143  
 Fauces dents faiçtes d'os de  
 vache, ou d'iuoir. 143  
 Abſces & chair ſuperflue des  
 genciues només des Grecs  
 Epoulides & Paroulides, &  
 la curation. 118. 130. 131  
 Composition dicte Antherō  
 pour les playes de genci-  
 ues. 128  
 Cautere pour la putrefaction  
 des genciues. 129  
 Medicamens cōuenables aux  
 playes des genciues. 129  
 Curation de la machoire, &  
 quelles viandes ſont bōnes  
 au patient. 714  
 Poudre iaune & ſa compoſi-  
 tiō & vſage pour les playes  
 des genciues. 131  
 Dilatatoire de la bouche tour-  
 nant à viz. 131  
 Dilatatoire caue au dedans  
 pour dilater la playe, & pré-  
 dre les deux ailes du fer,  
 puis le tirer avec le Bec de  
 grue. 558  
 Dilatatoire pour ouurir les  
 playes, à fin de mieux trou-  
 uer les choſes eſtrāges. 572  
 Doigts ſuperflus de deux ſor-  
 tes, & leur cauſe. 248  
 Maniere de retrancher les  
 doigts ſurcroiſſans. 248. 249  
 Nombre commode & vtile  
 des doigts. 249  
 Le deſaut des doigts ne ſe  
 peut reſtituer: mais le ſu-  
 perflu ſe peut oſter. 249  
 Cautere d'eau bouillāt apres  
 l'extirpatiō du doigt ſuper-  
 flu. 249  
 Curatiō des doigts attachez,  
 ou par nature, ou par acci-  
 dent, priſe de Celfus. 249.  
 250  
 Dragonneau, qu'eſtce. 524.  
 en quelz pays s'engendre.  
 520. & s'il eſt vn animal ou  
 non,

- non, & les remedes pour le guerir. 521.522.523
- E**Aue chaude aux fomentations, comme doit estre entendue, & en quelle qualité. 751.752
- Ellebore blanc, & son vsage pour les chasseurs Espagnols. 593
- Figure de l'Ectropion, & de l'incision necessaire tant interieurement qu'exterieurement. 57. & d'où procede. 59
- Eleuatoires, 660
- Emplastrum Basilicum & son vsage. 29
- Emplastrum Tetrapharmacū (autremēt dict Basilicum) sa cōposition & qualité. 29
- Emplastre de Philocrates & sa faculté. 627
- Emplastie de Hecataus & son vsage. 627
- Emplastie nommé Rhypodes. 509
- Emplastrum Barbarū des anciens, 477. 615
- Maniere de cauteriser les Emphyiques. 250.251.252
- Enchantis qu'estce, & sa curation. 71.72. ses causes. 73
- Eprouuette dictē Teste d'ail, & son vsage, 487
- Eprouuette large au bout, pour tirer la balle du thorax. 578
- Espagne dictē Iberia, du fleuve Ebro. 467
- Particularité de l'espine du dos, à noter selon l'auis de Celsus. 735. 736
- Maniere de cauteriser l'estomach. 262.263
- Cauterisation faicte sans ferremēs, pour l'estomach. 263
- Iscaë ( qui sont champignons naissans aux chênes & noyers ) peuuent seruir pour cauteriser l'estomach sans ferrement. 263.266.268
- Curation des playes du fons de l'estomach. 283
- Escrouëles d'où procedēt. 185
- Difference entre les steatomēs & les escrouëles. 193
- Escrouële, ou Scrophule, quelle maladie est. 181.184
- Quelles parties du corps sont subiectes aux escrouëles. 182.184
- Etymologie d'escrouële. 182
- Curatiō des escrouëles. 182. 183.187
- Escrouëles de diuerſes sortes & qualités. 184. 185. 186
- Les mamelles des femmes sont ſuiectes aux escrouëles. 184
- Curation des escrouëles aux petis enfans, & ceux qui ne veulent endurer operation manuelle. 188
- Six manieres de guerir les escrouëles, & autres tumeurs froides, selon M. Guy de Cauliac. 183. 189
- Eunuchos & Eunuchias en quoy different. 419. 420

**F**Emmes qui de leur naissance n'ont point la nature percee, & leur curatiō. 430 & seq.  
 Fente qu'est-ce. 632. & cōtre-fente. 633  
 Fente en poil ou capillaire. 632. & leur curation. 634. 635  
 Figure d'un corps plein de diuerses playes. 582  
 Figure pour monstrier comment il faut tirer la balle. 583  
 Fiel de veau & de pourceau & leur qualité. 44  
 Curatiō des fistules. 467. 468. 469. & 470  
 Fistule fermee quelles maladies cause. 480  
 Fistule pourquoy est ainsi nommee. 472. 473  
 Signes diuers aux fistules. 473 474. & le docte discours de Celsus sur cela. 475. 476. 477. 478. 479  
 Opinion d'Auicenne & de Lanfranc touchant la fistule du fondement. 494  
 Lauement de Rasis pour la fistule du fondement. 494. 495  
 Fistules du ventre & leur curation. 492  
 Curenon des fistules du fondement. 492. & 493  
 Fistules guerissables par medicamens. 491  
 Sostratus estime fausement les fistules dessous le vētre estre incurables 491. 492

Curation des fistules aux delicats & craintifz selon Celsus. 490. 491  
 Usage du fil de lin aux fistules. 487  
 Leonides sur la curation des fistules occultes. 487. 488  
 Fistules du fōdemēt cachees. 484. & les manifestes, & tortueuses, & leur curatiō. 485. 486. 487  
 Conseil d'Hippocrates sur la curation des fistules, touchant les pusillamines. 487  
 Fistule qu'est-ce, & comme se fait, & en quelles parties de nostre corps. 467. & 468  
 Fistules de plusieurs sortes, & leur curatiō. 475. 476. & 477. 478.  
 Tentens pour les fistules, & combien de temps doyuēt demeurer en icelles. 481  
 Tente couuerte d'arsenic, ou avec eau fort, singuliere pour les fistules. 481  
 Esprouete trouēe & son usage aux fistules. 481  
 Fistule incurable de soymesme. 482  
 Maniere de viure aux malades des fistules. 477. & 480  
 Remede prompt de Meges pour les fistules. 478  
 Maniere de bender, debēder & lauer la fistule. 478. 479  
 Histoire memorable d'Albu-  
 crasis, touchāt vne curation de fistule, & les neuf causes pourquoy les vlcères demeu-  
 rent



- rent ouuertes sans se glutiner n'incarner. 479. & 480.  
 Maniere de tirer les fleches, dards, & autres armes hors du corps. 545. 546. 547  
 Fleches & dards de diuerſes eſpeces. 555  
 Remedes à prouoquer les fleurs aux femmes. 460  
 Methodique procedure pour curer les fluxions. 7. & 8  
 Remede d'Albucraſis pour le flux de ſang ſuruenant à l'incifion des veines ou arteres. 26. 27  
 Remede pour le fondement clos de nature aux enfans. 512. 513. & 514  
 Foret pour cōmencer le trou à poſer la trepane : avec le ciſeau pour ſeparer le pericrane d'avec l'oſ. 636  
 Section qu'il faut faire pour euacuer le pus du foye. 261  
 Remede d'Hippocrates pour la tumeur du foye. 261  
 Apoſtemes, ou abſces, du foye de diuerſes qualitez. 260.  
 Purgation diuerſe du pus du foye. 260  
 Signes des apoſtemes, ou abſces du foye. 260  
 Maniere de cauteriſer le foye. 260  
 Cataplaſme pour le foye cauteriſé. 260  
 Fracture eſt ſolution de continuité en l'oſ. 708  
 Difference des fractures de la teſte. 664  
 Fracture & fiſſure en quoy ſont differentes. 693  
 Forcelle, ou clauette rompue & la curation d'icelle. 714. 715. 716. 717. 718 & ſeq.  
 Operation manuelle aux fractures du tés. 673 & ſeq.  
 Signes de la fracture du tés de la teſte. 666. 667. 668  
 Fractures des os & leurs differences. 629. 630. leur curation. 631  
 Abſtinence eſt requiſe aux fractures de la teſte. 681  
 Fractures de la teſte, & leurs differences. 631. 632. leur curation. 632. 633. 634  
 Fracture de la teſte requiert la ſaignee du bras. 219  
 Signes apparés de la teſte fracturée. 633  
 Iugement de la fracture faiçt par la ſonde eſt fallacieux. 668,  
 Precepte d'Hippocrates touchant la fracture de l'oſ. 668 669.  
 Diſcours de Celfus ſur les fractures des os, & de tout vice & corruption d'iceux. 685. 686. 687. & ſeq. iuſques à 693.  
 Fracture du palleron & la curation d'icelle. 721. 722  
 Fracture du brichet & ſa curation. 722. 723. 724  
 Fracture des coſtes & les remedes. 724. 725  
 Viandes venteuſes ſont conu

- uenables à ceux, qui ont les  
 ostes rompues. 725  
 Curation de la rupture des  
 costes par Soranus. 725. 726  
 Abstinence n'est point bõne  
 pour la rupture des costes.  
 726. 729  
 Les hõmes vètrus sont moins  
 affligez de douleur aux fra-  
 ctures des costes que les  
 maigres. 726  
 Emplastre Oxycroceü pour  
 la fracture des costes. 727  
 Discours ample de Celsus  
 touchant les costes rõpues.  
 728. 729. & seq.  
 Signes par lequelz on co-  
 gnoist la coste n'estre entie-  
 rement rompue. 728. 729  
 Cataplasme pour la douleur  
 des costes fracturees. 730  
 Fracture des hanches & de  
 l'os du penil, & la curation.  
 731. 732  
 Fracture des rouelles, & cre-  
 ste de l'espine, & du cropiõ,  
 & les remedes. 733. 734  
 Signes si telle fracture est gue-  
 rissable ou non, selon Albu-  
 crasis. 734. 635  
 Discours en general de la fra-  
 cture de tous os, & leur cu-  
 ration. 712. 713. 714  
 Fracture des doigts du pied  
 est rabillee cõme celle des  
 doigts de la main. 781  
 Figures pour l'extension du  
 pied rompu. 773 774  
 Extension à mesme vsage fai-  
 cte avec vn bois sous l'ai-  
 xelle. 775  
 Autre extension avec vn soli-  
 ueau. 776  
 Autre extension faicte avec  
 aixeuls. 777  
 Figure du glossocome. 778.  
 779. 780  
 Curatiõ de la fracture des os  
 de l'auanpied. 781  
 Fracture ou precipitation de  
 la matrice & la curation.  
 782  
 Fracture, ou violente distor-  
 sion de la verge. 782.  
 Exemple d'un qui s'efforça  
 avec vne femme, en telle  
 sorte que la verge luy de-  
 meura courbe; & vn autre à  
 qui la verge demeura com-  
 me pliee au milieu, sans la  
 pouuoir dreer de toute sa  
 vie. 782  
 Maniere de reposer la iambe  
 rompue rabillee & bendee.  
 784. 785  
 Fractures ioinctes avecques  
 playe & la curation. 785 &  
 seq.  
 Precepte d'Hippocrates sur  
 le bendage des fractures.  
 739  
 Bédage pour la fracture d'un  
 membre. 757. 758  
 Astelles de ferule pour les fra-  
 ctures. 759  
 Fracture des os la moins dan-  
 gereuse. 656  
 Fracture de l'auanbras & sa  
 curation. 736. 737 & seq.  
 Curation de l'auanbras fra-  
 cturé

- Aurt. 759.760.761  
 Fracture de l'os du coude & du rayon, & la curatiō. 761. 762  
 Fracture de la main & de ses doigts & la curation. 763  
 Histoire d'un pilote d'une nef qui pour la fracture du doigt miroyen mourut. 764  
 Fracture de l'os de la cuisse, & les remedes. 765. 766 & seq.  
 La fracture de la cuisse ne peut estre si bien guérie, que le patient ne demeure boiteux. 769  
 Figure de l'extension de l'os de la cuisse avec billons. 789  
 Os de la cuisse rompu se consolide dās cinquante iours. 766  
 Canaux d'Hippocrates pour les fractures de la cuisse, & de quel bois sont meilleurs selon Galien. 767  
 Glottocome des anciens pour les fractures des membres. 767.768  
 Fracture de la grēue & sa curation par Celsus. 768  
 Ciment naturel des os rōpus avec la callosité. 749  
 Remede d'Albucrafis pour diminuer la callosité excessive. 793  
 Maniere de viure du patient. 793.  
 Emplastre pour avancer la generation de la callosité aux fractures. 754  
 Curation de l'excessive callosité aux fractures. 790.791  
 Decoction pour fortifier & endurcir la callosité aux fractures. 754  
 Signes de la generation de la callosité aux fractures. 792.  
 Emplastre Oxycroceū pour adoucir la callosité aux fractures. 754  
 Bacinement sur la fracture pour oster la demangeson. 554  
 Fracture mal abillee cōment doit estre racoustree, & le moyen d'y proceder. 754  
 Coustume des anciens à remuer le bendage aux membres fracturés, 750  
 Fomētation d'eau chaude, & son effect aux fractures. 750.751  
 Discours de Celsus sus la curation des fractures. 793. 794. & seq.  
 Fracture en la machoire inferieure, & la curatiō d'icelle. 706. iusques à 710.  
 Remede quand le membre membre fracturé est plus court que son compagnon. 796  
 Les maux qui suruiennent aux fractures des membres par trop long temps estre bendez, & les remedes. 739. 740. & 741  
 Emplastre Catagmatique pour

- pour les fractures. 741  
 Figure pour l'extension du  
 hautbras fracturé. 742  
 Operations requises aux fra-  
 ctures grandes des extremi-  
 tez. 743  
 Remede pour empescher l'in-  
 flammation d'une fracture  
 de membre. 744  
 Les bendes doyuent couvrir  
 toute la partie malade, &  
 grande portion de la saine  
 aux fractures. 744  
 Façon & matiere des bēdes,  
 surbendes, & soubēdes aux  
 fractures. 744.745.746  
 Fracture conglutinee, l'os  
 estant entorcé & mal rabil-  
 lé, quels maux cause, & la  
 curation. 791  
 Fractures qui ne peuent estre  
 conglutinees par la callosi-  
 té. 792  
 Debender trop souuent vne  
 fracture empesche la con-  
 glutination. 792  
 Fracture en la meule du ge-  
 noil, les signes d'icelle, &  
 la curation. 660.670  
 Fracture en la grēue doit e-  
 stre rabillee en la mesme  
 sorte que celle du petit  
 bras. 771  
 La grēue est subiecte à auāt  
 de fractures que le petit  
 bras. 771  
 Curation de la fracture de la  
 grēue selon Albucrasis. 772  
 Fracture en l'extremité du  
 pied, & la curation. 772
- Fungus, ou *μυκηται*, & la gene-  
 ration selon Alexandre  
 Aphrodisée. 700.701  
 Furet ou perçoir. 664  
**G** Angrenes, & leur cura-  
 tion. 534.535 536.537  
 Cause & origine de la gāgre-  
 ne, & la curation d'icelle.  
 625.626  
 Gāgrene quels maux fait aux  
 membres. 622 623  
 Le cautere est requis genera-  
 lement par tout, où l'on a  
 incisé la gangrene. 311  
 Exemple notable d'une cura-  
 tion de gangrene. 336  
 Ius pour faire dormir vn gan-  
 greneux profondemēt auāt  
 qu'on le cauterise, 536  
 Sinapisme tielbon pour les  
 gangrenes. 537  
 Industrie de M. Amb. Paré  
 pour arrester le flux du sāt  
 en l'extirpation du mem-  
 bre gangreneux. 537  
 Rasoir pour diuiser le cuir &  
 la chair aux profondes gan-  
 grenes. 526  
 Gaule Cheuelue pourquoy  
 ainsi appelée. 37  
 Genciues. voy Dent.  
 Glan. voy Verge.  
 Glandules de la bouche en-  
 grossies, nommees vulgai-  
 rement Amygdales, & leur  
 curation. 148.149 151.153.  
 Office des glandules qui sont  
 en la gorge. 151. 152 fort su-  
 gettes à inflammation. 152  
 Ceux qui sont subiects à telle  
 maladie

- maladie. 152  
 Diuision des glandules par Albucrafis. 153  
 Curation d'vne femme mala de des glandules, faicte par Albucrafis. 153. 154  
 Guerir est parfaictement curer, & deliurer du mal selon Hippocr. 498  
 Goitre qu'est-ce, ses differences, signes & curation. 200. 201  
 Le goitre qui vient de nature est incurable: les autres tumeurs du col sont curables. 201  
 Discours de Celsus sur le goitre, & la curation. 202  
 Gryffon pour tirer les traicts à deux crochets de chaque costé. 588  
 Crochets plus commodes aux choles rondes qu'on veut tirer. 589  
 Gryffon fermé à vn crochet double de chaque costé. 590  
 Gryffon ouuert, à vn crochet double de chaque costé. 592  
**H**erbe de l'arballestier dicte Aconitum, ou Veraire, ou Baraire. 593  
 Hemorrhoides comme sont cogneues & curees. 495. 496  
 Trochisque de Faustin & son vsage sur les hemorrhues. 496  
 Hemorrois qu'est-ce. 497  
 Differēce des hemorrhoides & quels maux elles causent. 497. 502. & 503  
 Hemorrhoides en la matrice de la femme, & leur curatiō. 427. & 428  
 Curatiō des hemorrhoides, & mode de viure du patiēr. 498. 499. 500. 501. 502. 503. 504. 505. & 506  
 Diffinition des hemorrhoides selon les anciens. 502  
 Hemorrhoidale purgation dangereuse, & pourquoy. 503.  
 Cerat de Galien pour les hemorrhoides. 505  
 Hemorrhoides vuales, vesicales, & morales, & leur remede. 507  
 La generatiō des hermaphrodites est contenue sous le genre des monstres. 423  
 Hermaphrodite & sa deriuatiō & ses quatre differences. 421. & si elles sont curables ou non. 422  
 Hermaphrodite (selon Auienne) qui n'a nature de d'hōme, ny de femme. 422  
 Tribades femmes abusans de la nature de l'homme, dictes Hermaphrodites. 422  
 Hermaphrodites autrement dicts Androgynes, comme homine-femmes. 422  
 Entre les bestes se trouuent des hermaphrodites. 422  
 Quatre iumens hermaphrodites tiroient la coche de Nero. 423  
 Les lieures assauoir si sont her

- hermaphrodites. 423  
 Curation de la hernie intestinale d'un petit enfant selon Celsus. 407  
 Brayer pour la hernie. 407. 408  
 Le bendage quel proffit peut causer à telle maladie. 408.  
 Il est difficile & d'agereux de tailler vn homme d'age, & par quels moyēs y faut proceder autrement. 408  
 Curation d'un homme robuste sans oster le testicule, combien que le vice soit grand. 409  
 Hernie de l'eine dictē en Grec Bubonocēle & la curation. 410  
 Curation de la hernie aqueuse, selon Albucasis, Avicenne & Salicer. 378. 379  
 Difference entre la hernie aqueuse & la venteuse. 379  
 Difference des hernies, & les signes pour les discerner. 381. 382. & seq.  
 Hernie qui aduient sans lesion ny fracture, d'oū procede. 383. 384  
 Regime du patient qui doit estre taillē. 384. 389  
 Maniere de tailler vn hernieux. 384. & seq.  
 Toute tunique incisee doit estre aussi trenchee. 387  
 Remede si dās la bourse flue ou est demeurē quelque sang. 388  
 Cataplasmes pour l'inflammation. 388  
 Maniere de curer la hernie aqueuse des femmes, que Aēce a extraiēt des liures d'Aspasia. 413. 414. 415  
 Discours de Celsus sur l'incision des petis enfans. 389. 390  
 Causes de la hernie charnue & calleuse, & la curatiō. 390. & seq.  
 Signes de double hernie. 371. & la curation. 373. 374  
 Cousture d'Antillus. 373  
 Curatiō incarnatiue des modernes. 373  
 Cauteres de la hernie. 374. 375  
 Tenailles à seton pour la hernie aqueuse. 376  
 Figure d'un homme rompu des deux costēs, avec le brayer & ligature espauliere. 377  
 Signes de la hernie variqueuse, & la curation. 392. 393  
 Discours de Celsus sur la curation de la hernie variqueuse. 395. & seq.  
 Causes de la hernie intestinale, ou auateure du boyau, les signes, & la curatiō. 397. 398. & seq.  
 Cinq sortes de curation manuelle, selō diuers auteurs touchant la hernie. 402. 403  
 Figures tāt de l'incision, cousture, que des instrumens. 405. 406  
 Inflammation du testicule, & quelle douleur fait. 384  
 Maladies des parties, q̄ sont autour

- autour des testicules. 380  
 Les testicules n'ont aucun  
 sentiment, & de quelle sub-  
 stance sont. 380  
 Couuertures & rampars des  
 testicules. 380, 381  
 Oscheos, c'est Scrotum, ou la  
 Bource des testicules, & les  
 maladies qu'y suruiennent.  
 381  
 Cause de la pente de la bour-  
 ce des testicules, & les re-  
 medes pour la reduire à  
 son naturel. 415, 416  
 Le gros boyau peut estre cou-  
 sù en esperance & non as-  
 seurance de guerison. Car  
 l'esperance douteuse est  
 meilleure qu'un desespoir  
 assuré. 287  
 Le boyau grelle pertuisé ne  
 peut estre guéri. 287, 288  
 Medicamens glurinatifs pour  
 la cousture du ventre. 289  
 Causes de la rupture du peri-  
 toine. 289  
 Incision de la tumeur en fa-  
 çon de feuille de myrte. 290  
 Curation des playes du peri-  
 toine, avec sortie du boyau,  
 ou de la coiffe & la maniere  
 de coudre le vêtre. 279, 280.  
 281 & seq.  
 Causes de l'enfleure du bo-  
 yau. 279  
 Fomētatiō d'Albucrasis pour  
 remettre le boyau forti.  
 280  
 Lancetes propres à inciser le  
 peritoine. 280  
 Situation conuenable pour  
 le patient. 280, 287  
 Medicamens conuenables à  
 ce mal. 282  
 Playe du boyau ieun est du  
 tout incurable. 283  
 Si la coiffe sort par la playe,  
 elle viét à pourriture selon  
 Hippocrates. 283  
 Signes de l'absces putride  
 faict au boyau, & les reme-  
 des. 285, 286  
 Façons des coustures du peri-  
 toine. 286, 287  
 Cousture à point lacé. 286  
 Diffinition d'Hydrocele, sa  
 cause, & son lieu, les signes,  
 & la curation d'icelle. 370  
 & seq.  
 Huile rosat, & ses proprietés.  
 29  
 Conseil d'Hippocrates tou-  
 chant la curation d'hydro-  
 pisie. 272  
 Aux hydropiques ne faut tou-  
 cher au penil & pourquoy.  
 273  
 Hydropisie nommee Ascites,  
 est subiette à manuelle ope-  
 ration, les autres especes,  
 non. 264  
 Maniere d'ouurir le ventre  
 aux hydropiques. 264  
 Causes diuerſes de l'hydro-  
 pisie. 264  
 Incision pour l'hydropisie.  
 265, 266.  
 Canule pour euacuer l'eau  
 de l'hydropisie. 265  
 Danger de mort en tirant &

- euacuant l'eau de l'hydropique. 265
- Le sable marin & de riuere defeché l'eau des hydropiques. 266
- Cautere des champignons (dicts autrement Ifcæ) qui viennent sur les arbres, com modes pour l'hydropisie, sans ouuerture, ny autre cautere de fer. 266.268
- Situation du malade d'hydropisie quelle doit estre apres l'incision, ou cautere. 267
- Cautes de diuerses sortes pour l'hydropisie, selon les anciens. 267.268.269.
- Discours de Celsus sus l'hydropisie. 269.270
- Dispute entre Euenor, Erasistratus, & Thessalus, touchant l'hydropisie. là mes.
- Excellent remede d'hydropisie, tiré par Aëce des souverains docteurs. 271
- Scarification pres de la cheuille, est le plus excellent remede pour l'hydropique, 271
- Scarification des testicules & autres parties selon le conseil de Leonides, pour l'hydropisie. 272
- Hyposphathisme, & son vsage. 30
- I**Ambe de bois pour les pauvres. 330
- Instrument creux pour reposer la iambe abillee sans bendes. 380.381
- Ichor est vne matiere sanieue se. 610
- Incision de l'hydrocephalos, & les deux figures. 13
- Maniere d'inciser les vaisseaux au front. 27.28.29
- Instrumens à tirer fers de fleches dont le fust est dehors. 356
- Instrumens pour couper l'os corrompu, & oster la corruption en frapant d'un maillet. 385
- Instrument tranchant d'un costé, pour couper le pericrane, s'il en reste quelque chose que la rugine n'ayt tranché. 655
- Iugement des Iuriconsultes pour sauoir si l'homme blecé est mort du coup. 671
- L**Adrerie. voy Chancre.
- Lame de corne pour souleuer les intestins fortis. 579
- Lancettes courbes & droites tant pour saigner que pour autre incision. 212
- Lanfranc Milanois Chirurgien fameux. 887
- Lagophthalmie, d'où procede, & sa curation. 45. 51.52. 53.
- Empechement & retraction de la langue, naturel, ou accidentel, & la curation. 144 & seq.
- Medicamens incarnatifs pour la maladie de la langue. 144



- Cautere pour ouurer la ranu-  
la souz la langue, avec sa  
piece. 145
- Maniere de couper le fil de la  
langue aux petis enfans.  
147
- Maladie sous la langue nom-  
mee Grenoille & sa cura-  
tion selon Celsus, Paulus  
& Aëce. 147.148
- Jugement d'Albucrafis sur  
ladiète grenoille de la lan-  
gue, & le remede. 148
- Signes du vice naturel de la  
retraction de la langue. 146  
147
- Vnguēt Ægyptiac & sa com-  
position pour le mal de la  
langue. 147
- Lenticulaire. 651
- Leonides fameux chirurgiē,  
& loué des auteurs cele-  
bres. 14
- Leuier, dict en Grec *Μετρητή-  
φύλαξ*. 652
- Ligature dictée autrement *γί-  
ρανίς*, ou la petite Grue. 352.  
738.
- Limeum espece d'aconitum,  
& son vsage pour les chaf-  
seurs Gaulois. 593
- Cause & source de la Loup-  
pe, & la curation, selon Au-  
cenne & Aëce. 204.205
- Loupe, autrement Gangliū,  
ou Lupia qu'est-ce, & la cu-  
ration d'icelle. 202. 203.  
204. 205
- Quelles parties du corps  
sont subiectes à la Loup-  
pe. 203
- Luete & sa diffinition. 155.  
160.
- L'occasion & opportunité  
meilleure de couper la lue-  
te. 161.162
- Inflammation & allongemēt  
de la luete, & la curation  
d'icelle. 155.156.157
- La luete sert comme de tou-  
che pour faire resonner la  
voix. 155.160
- La luete s'appelle en Grec  
*σταφυλή*, pource que son  
bout ressemble à vn grain  
de raisin. 155
- Signes de la luete guerissa-  
ble. 155.156
- Cautere de la luete. 157
- Canules fenestrees pour cau-  
teriser & couper la luete re-  
laxee. 158.163
- Ligateurs pour la luete, ou  
vuule relaxee, le pourpre  
du nez, & les verrues de la  
matrice. 159
- Vsage de la luete, & noms di-  
uers d'icelle par diuers au-  
teurs. 160.161
- Curation de la luete par M.  
Guy de Cauliac, fameux  
chirurgien & medicin. 163
- Aduenāt flux de sang à la lue-  
te, est bon (selon Auicēne)  
d'appliquer des ventouses.  
163
- Trochisques de carabe (c'est  
Ambre iaune) pour le ma-  
lade de la luete. 163
- Decoction d'Albucrafis pour

la curation de la luette.

164.

Le pot avec la canule pour  
parfumer la luette. 164

Cane vuidee, avec la coque  
d'un œuf peut seruir, deffail-  
lant le susdict pot, pour par-  
fumer la luette. 165

Remede pour rehaucer la  
luette pendente, selon Philu-  
menus. 165

**M**Achoire. voy Dent.

Main de fer exterieure  
pour attacher au bras, & à  
la maché du pourpoint. 531

Mamelles des hommes trop  
grosses, & laides, leur inci-  
sion & curation. 258. 259

Curation d'Albucrasis sur  
l'incision desdictes mamel-  
les des hommes. 259

Substance des mamelles. 259  
Aduertissement sur la cure des  
mamelles. 260

Marteau de plomb, & la gou-  
ge. 650

Aux douleurs de la matrice  
faut ouurir les veines du  
dessus de la cheuille inter-  
ne. 211

Absces de la matrice & la cu-  
ration d'iceluy. 435. & seq.

La maniere de tirer & couper  
les enfans qui ne peuuent  
naistre. 438 & seq.

Causes de l'obstruction de la  
nature des femmes, & in-  
habileté de pouuoir auoir  
compagnie avecq les hom-  
mes, & les remedes. 434. 435

Signes bons ou mauuais de  
la femme qui trauaille d'en-  
fant. 438. 439

Speculum matricis pour dila-  
ter le col de la matrice, &  
appliquer remedes aux vl-  
ceres. 443. & vn autre pour  
seulement dilater le col de  
la matrice, non pas pour ex-  
traire l'enfant. 444

Crochets pour tirer vn en-  
fant mort de la matrice.  
445

Couteau courbé à fendre la  
teste de l'enfant mort dans  
la matrice & le ventre aussi.  
445

Pessaires en ouale pour gar-  
der que la matrice ne sorte  
dehors. 446

Maniere de tirer le liêt de  
l'enfant retenu dans la ma-  
trice. 458

Difficulté d'enfanter d'où  
procede. 446 & seq.

Os du penil tât aux hommes  
qu'aux femmes quels ils  
sont. 447

En enfantant lesdicts os ne  
s'entr'ouurent point aux  
femmes. 448

Femme qui a fait cinq enfans  
d'une portee, vne autre,  
sept, & vne autre qui s'affo-  
lant & auortant, en a fait  
quinze tous formés. 449

Naturelle & meilleure issue  
de l'enfant du ventre de la  
mere. 449. 450

Arriere-fais rend l'enfante-  
ment

- ment quelque fois plus difficile. 450
- Curation pour l'arrierefais & la diligence du medicin requise. 451.452
- Albucrafis dit qu'un arrierefais seul couure plusieurs enfans dans le ventre d'une femme. 457
- Aduertissement d'Albucrafis touchant l'arrierefais tiré en partie seulement. 460
- Enfant mort dans le ventre, & les signes pour le cognoistre. 452.453
- Curation de la femme qui a vn enfant mort au ventre. 453 & seq.
- Pierre de l'aigle profite à l'enfantement des femmes. 456.457.
- Femmes qui esternuent au temps de conception, se gaſtent, & meurent, si sur l'enfantement bâillent. 457
- Retenſion de l'aleine aide aux femmes à l'enfantement. 456
- Curation merueilleuſe faicte par Albucrafis d'une femme qui conceut par deux fois, ayant vn enfant mort dans le ventre. 457. & 458
- Medicament de Seuerus pour produire la chair sur l'os racle. 21
- Medicament d'Archigenes & ſa cōpoſition & qualité. 44
- Medicaments cathetiques ſont mal nommez cicatrifiſantz. 51
- Medicament de racine de la cane & ſon vſage. 627
- Medicament de faugere eſt contraire à la cane, & la cane à la faugere. 627
- Medicaments ayans faculté attractiue, ſont vtils pour ieter hors les eſtocs plantés en noſtre corps. 627
- Diligence du Medicin non ſeulement ſur le malade, mais ſur ceux qui le gardēt. 753
- Le Medicin ſage ne met la main ſur celuy qui ne peut eſtre gueri. 604
- Hippocrates pere & auteur de la Medicine. 726
- Meliceria & meliceris en quoy ſont differens. 483
- Membranes qui couurent le cerueau. 664.665
- Meningophylax, dict autrement Leuier, ou Eleuatoire. 675.690
- Migraine requiert l'incifion des veines pour ſa gueriſon. 23.24
- La generation du moſtre. 423
- Morſeure de la coleure eſt venimeuſe, combien qu'on mange ſa chair ſans domage. 602
- Morſures de ſerpens & leur curation. 601.602.603
- Murete, on ſaumeure, & ſa qualité. 68
- Oribafius n'a point eſcrit du bendage dict Muſeliere. 711

- Definition de mutilatiō. 123  
 Curation des mutilatiōs des oreilles, des ailes du nez, & des leures. 123. 124. 125  
 Causes des mutilations. 124  
 Figure de la mutilation en la leure supérieure. 127  
 Myrmecie qu'est-ce, & la curation d'icelle. 542. 543  
**N** Ez quassé & rompu, & la curation d'iceluy. 701  
 Os du nez rompus dedans le dixieme iour se consolident. 702  
 Ligature n'est point cōuenable aux fractures du nez, selon Hippocrates. 703  
 Tentés de diuerses sortes pour mettre au nez rompu. 704.  
 Nez rompu, s'il n'est incontinent redressé, se peruertit & entorce. là mesme.  
 Pourpres du nez, les differēces & curation d'iceux. 117 & seq.  
 Curation manuelle du pourpre est dangereuse, & donne grand torment au malade. 122  
 Description du pourpre du nez, & la curation par Celsus. 120. 122  
 Causes de la tumeur du nombril, & la curation.  
 Dispositiōs vitieuses du nombril. 276  
 Composition de la coiffe du ventre. 275. 276  
 Signes quand le boyau sort avec la coiffe au nombril. 276. 277  
 Ceux qui peuuent estre guéris ou non, de telle maladie. 279  
 Le temps propre à la curation du nombril. 279  
 Diffinition de Nympha selon Aëce. 425. maniere de la couper aux filles Egyptiennes. 426  
**O** Deurs puantes chassent la matrice en bas. 459  
 L'œil est suiect à cēt & treize maladies selon Galien. 111  
 Œil plein de matiere purulente, & la curation. 92  
 Curation du mal, qu'on dit œil de lieure. 52. 53  
 Aiguille, crochet, & lancette pour separer le Sebel de l'œil. 81  
 Maniere de cauteriser les poils qui piquent l'œil, avec fer chaut, ou les reculer avec vn lacet. 39. 60. 61  
 Inconueniens à la curation de l'ongle de l'œil. 80  
 Trois sortes de blesseure que fait le poil en l'œil, & la curation. 43. 44  
 Staphyloma (autrement dict raisin de l'œil) d'où procede, & sa curation. 84. & seq.  
 Figure de l'operatiō qui doit estre faicte en la curation du staphyloma, ou raisin de l'œil. 86. 88. 90  
 Saignee

- Saignee des veines iugulaires pour remedier à la maladie des yeux. 211
- Maladie des yeux appelée Teste de mouche. 72
- Maladie dictée Rhœas, ou Rhyas. 72.73
- Aiguilles pour abbattre les cataractes & rayes des yeux 100
- Cataracte des yeux, d'où procède, ses especes. 97.98 la curation. 98.99 100.101
- Cataracte des yeux d'un vieil homme ne se peut guerir. 101
- Maniere de succer l'humeur de la cataracte des yeux par vne aiguille caue selon Albucasis. 103
- Suffusions des yeux, leurs differences, & curation. 104
- Curation de la fluxion des yeux. 18.19
- Fluxions des yeux guerissables, & autres incurables & leurs signes. 34
- Curatio de fluxion des yeux est vaine à ceux qui ont tel mal d'enfance. 34
- Emplastres propres à telle maladie. 16
- Cendre de la teste des viperes (selon Aëce) est vn excellent remede pour arrester la fluxio qui tombe sur les yeux. 26
- Fluxion longue sur les yeux, d'où procede. 17
- Remede singulier (quand tous les autres n'ont de rien seruy) pour la fluxio des yeux. 25.26
- Les vaisseaux des yeux sont doubles. 18
- Orgéolet des yeux, & sa curation. 70
- Goutte seraine des yeux. 100 101
- Les maladies des yeux comme sont diuerses, aussi requierent diuers medemens. 64
- Curation des yeux purulens en secouant la teste du patient. 92
- Suppurations des yeux, leur noms diuers, & leur curation. 93.94.95.96
- Ongle des yeux, qu'on dit en Grec Pterygion, sa cause & curation. 75. & seq.
- Clou des yeux, & ses effects & curation. 87 & seq.
- Collyre pour le clou des yeux. 88
- Signes des yeux malades, & requerans incision de la peau de la teste. 30.31
- Remede des Æthiopiés pour les rheumes des yeux. 33.34
- Dilatatoire des palpebres pour tenir l'œil ferme en abbatant la raye. 42
- Calcule des paupieres. 69
- Hydatis (qui est vne substance grasse souz la paupiere)

- Quels maux cause. 61.  
 La curation d'icelle. 62.  
 Maniere de coudre & cauteriser la paupiere inferieure. 63.  
 Renouellement de la paupiere inferieure dicte en Grec *οφθαλμοειδης*, & la curation. 55  
 Maniere de rebauer & renouer par cousture la paupiere superieure. 38, 39  
 & seq.  
 Cousture de la paupiere, comment doit estre faicte. 44.  
 & seq.  
 Verrues des paupieres & la curation d'icelles. 71  
 Curation des paupieres prises & ioindres. 65, 66  
 Grelle des paupieres, & la curation. 68, 69  
 Curation des poils extraordinaires de la paupiere, & les maux qu'ilz font en l'œil. 47  
 Poils superflus es paupieres, quels maux causent en l'œil & la maniere de les guerir. 47, 48  
 Curation de la paupiere relaxee. 48, 49  
 La paupiere inferieure ne doit point estre incisee. 49, 54  
 Maniere de cauteriser les paupieres. 50  
 Auis des anciens sur le cautere des paupieres, & quelz maux en peuvent venir, s'il n'est bien faict. 50  
 Celsus de formy & leur usage. 44  
*διελαμν*, son usage, & confession. 29  
 Remedes pour les ongles aquassies. 539, 540, 541, 542  
 Ongle qu'est-ce, & d'où elle est produicte. 541  
 Onguent faict de pierreponce &c. 21, 32  
 Opium contraire aux facultés des sens, & qui peut causer la mort. 36  
 Substance de l'oreille incisee est mal-aïsee à reioindre. 710.  
 Tabourin de l'oreille. 68;  
 Remede par Celsus de la rupture de la chartilage de l'oreille. 711, 712  
 Contusion en l'oreille & les remedes d'icelle. 706  
 & seq.  
 Cautere des veines derriere les oreilles. 12  
 Allusion à la corneille d'Esoppe, pour tirer l'eau hors de l'oreille. 116  
 Conduict & passage de l'oreille bouché, la cause, & curation. 111. & seq.  
 Mutilation des oreilles & la curation. 123  
 Curation & extraction des choses

- choses , qui tombent dans  
 le conduict de l'oreille. 113.  
 & seq.  
 Os du penil. 732  
 Os appellé le Flanquet, & des  
 Latins, Os ilium. 732  
 Os appellé Basilaire. 665  
 Os creux & leur composition  
 472  
 Os carieux, & sa curation.  
 469  
 Accidens & curationes en l'os  
 de la cuisse, sont pareilz à  
 ceux de l'auanbras. 756  
**P**arfus sternutatoires pour  
 la femme trauaillant à  
 ietter le lict de l'enfant. 459  
 & autres. 460  
 Parfuns aromatiques. 460  
 Paralytie & les causes d'icel-  
 le. 671  
 Paupiere. voy. Œil.  
 Penil. voy Matrice.  
 Petitoinc. voy Hernie.  
 Periscyphismos d'Aëce. 33  
 Pied de griffon pour les balles  
 de gros calibre. 366  
 Causes de la generation de  
 la pierre aux petis enfans.  
 346  
 La pierre des roignons d'ou  
 procede. 246  
 Signes de la pierre tant par  
 la douleur du patient, que  
 par les vrines. 347 356  
 Jugement difficile, si la pierre  
 est aux roignons, ou en la  
 vescie. 347  
 Incision des patiens pour la  
 pierre est fort hazardeuse,  
 & pourquoy. 346. 350  
 Le ieune medicin ne doit en  
 treprendre telle cure : ains  
 la remettre au chiturgien  
 expert. 348  
 Difference des pierres. 348  
 Sable amassé dans la vescie.  
 348  
 Auant l'operation il faut pur-  
 ger le patient par vn cly-  
 stere, selon Albucrasis, &  
 pourquoy. 349  
 Si la pierre est fort grosse, as-  
 sauoir s'il faut faire inci-  
 sion. 349. 357  
 Remede quād demeure quel-  
 que sang caillé dans la ves-  
 cie. 349  
 Remede pour la pierre, qui  
 est tombee en la verge.  
 349. 350  
 Perçoir d'acier triangulaire  
 pour rompre la pierre dans  
 la verge. 350  
 Discours de Celsus sur la pier-  
 re, & de l'operation ma-  
 nuelle. 350. & seq.  
 Temps propre à l'operation  
 pour la pierre. 350  
 Régime du patiēt auant l'ope-  
 ration. 350. 351  
 Pierres espineuses, & com-  
 ment doyuent estre extrait-  
 tes. 355  
 Tranchet de Meges pour  
 couper les eminences de la  
 pierre. 356  
 Jugement quelle est la pierre

- par l'vrine. 356
- Inuétion d'Ammonius pour rompre la pierre si grosse qu'elle ne pourroit ( sans rupture du col de la vefcie ) estre tiree. 357
- Curation de la pierre pour les femmes, & pour les filles. 357. 358
- Exercice du patient apres l'incision. là mefme.
- Ceux qui gueriffent aisémēt pour estre taillez de la pierre. 317
- Operation manuelle pour la curation, & maniere de furer le patient. 318.
- & feq.
- Tenōs pour serrer les bords de l'vlcere apres l'extraétion de la pierre. 340
- Crochetz pour extraire la pierre apres l'incision de la verge. 317
- Autres crochets à tel effect pour les petis enfans. 318
- Sondes ouuertes au dehors pour mettre fous le rafoir, & guider la main de l'incifeur. 329
- Conducteurs de deux sortes pour aider à tirer la pierre. 330
- Bec de cane caue au dehors pour dilater la playe. 331
- Dilatatoire ouuert. 332
- Dilatatoire clos. 333
- Tenailles en forme de bec de cane courbe pour empoigner la pierre. 334
- Allerons à viz & la pierre prise en iceux avec le bec de cane. 335
- Curettes pour apres l'extraétion d'vne pierre, sonder s'il y en a d'autres. 336
- Canules d'argent qui feruent en la playe, apres l'extraétion de la pierre. 338. 339
- Poudre nommee Anthera, & fa compositiō, propre pour mettre sur la playe. 365
- Bain pour celuy qui a esté incisé pour la pierre. 359.
- 360
- Signes de bonne operation par le patient. 360. & de mauuaife. 361
- Emplastre Enneapharmacū, & fes qualitez. 360
- Regime & mode de viure du patient. 363
- Canule pour inferer en la verge, & conduire le rafoir. 342
- Tenailles incisives & nō incisives pour tirer la pierre. 343. 344
- Fundamental pour tirer la pierre. 345
- Curation par Aëce de la pierre engendree dans la matrice des femmes. 364.
- 365
- Maniere de sonder & faire iniection en la vefcie. 312.
- & feq.
- Conseil de M. Guy de Cauliac.



- liac, & de Celsus sur la son-  
de de la vescie. 315.316
- Figure du conduict de l'vri-  
ne. 314
- Sondes de diuerſes ſortes  
pour la curatiõ de la vescie.  
314
- Autres sondes pour les hom-  
mes & pour les femmes, &  
leur difference. 315.316
- Sondes d'argent pour tel ef-  
fect, pourquoy ſont meil-  
leures. 316
- Situation du patient ſur la cu-  
ration. 316.317
- Le conduict de la vescie eſt  
different aux femmes à ce-  
luy des hommes. 316
- Les femmes ſont ſubiectes à  
tel mal comme les hom-  
mes. là meſme.
- Syringues pour telle opera-  
tion. 315
- Maniere de tirer la pierre de  
la vescie. 317. & ſeq.
- Signes quand la pierre eſt  
en la vescie. 317.347
- Aux enfans la pierre s'engen-  
dre en la vescie, & aux hom-  
mes auancez d'aage, aux ro-  
gnons. 317.346
- Ventouſes pour faire deſcen-  
dre la pierre en la vescie.  
325
- Syringue pour faire iniection  
en la vescie. 326.340
- Tirefond, avec canule pour  
rompre la pierre dans la  
vescie. 327. 340
- Bec de corbin pour prendre  
les pierres en la vescie. 337
- Pourquoy la pierre s'engen-  
dre rarement en la vescie  
des femmes. 365
- Sondes pour cognoiſtre ſi la  
pierre eſt en la vescie, avec  
le fil d'argent. 321
- Sondes & canule pour cou-  
per les carnoſités engen-  
drees au conduict de la ve-  
scie. 322
- Sondes pour faire incision  
au col de la vescie, & tirer  
la pierre aux femmes. 341
- Sable amaſſé dans la vescie.  
348
- Iugement difficile ſi la pierre  
eſt aux rognons, ou en la  
vescie. 347
- Playes de la teſte ſont ſuſpe-  
ctes de mauuais accidens  
iuſques au quinzieme, ou  
centieme iour. 672
- Playe de l'epigaſtre comme  
doit eſtre curee. 553
- Bendage proprement fait  
aux playes. 616
- Playes exterieures & inte-  
rieures & leur curation dif-  
ferente. 616.617
- Vſage du vin eſt nuſible à la  
playe. 617.621
- La chair malaiſement ſe ren-  
gendre aux playes entre les  
deux ſourcils. 700
- Signes exterieurs bons ou  
mauuais des playes. 617.  
618. 620

Playes des ioinctes, & leur  
curation. 619.620  
Vſage du bain aſſauoir s'il  
eſt bon aux blecez. 620.626  
Signes euidens d'une playe  
nette. 620  
Signes des playes incur-  
ables. 604.605  
Playes difficilemēt curables.  
605  
Playe ronde eſt pire ſur tou-  
tes les autres. 605  
Les ieunes gueriffent pluſtoſt  
d'une playe que les vieux.  
606  
Matiere trop retenue en la  
playe quels maux peut cau-  
ſer. 612  
Couſture de playe propre-  
ment faicte. 613.614  
Happes & leur vſage, és pla-  
yes. 613.614  
Emplaſtrum Barbarū, & ſon  
vſage. 615  
Emplaſtrum Alexandrinum  
eſt vtile aux playes des  
nerfs. 615  
Indices mauuais des playes  
de la teſte. 673  
Curation des playes plus dan-  
gereuſes. 626  
Remedes pour eſtancher le  
ſang d'une playe. 611  
Playe rendant vn bon ſang,  
eſt plus aiſee à guerir. 610  
Qualirés des matieres qui  
ſortent des playes. 609. 610  
& ſeq.  
Medicamens vtils à remplir

la playe. 621  
Curatiō heureuſe des playes.  
618. & ſeq.  
Vſage de laine grace aux  
playes. 621  
Plumaceau dict en Grec Mo-  
tophylax, & ſon vſage. 20  
Simples qui empêſchent la  
regeneration du poil. 44  
Poiſſon de Diocles vuide,  
598 & vn autre avec le fer.  
599  
Poudre Cephalique & ſon v-  
ſage. 32  
Poudre d'Anthera. 365  
Prepuce. voy. Verge.  
Pſylles quelle propriété ont,  
& leur origine, & denomi-  
nation. 602.618.619  
Mārſes en Italie, iſſus du ſils  
de Circé, ont meſme pro-  
priété que les Pſylles. 619  
Pterygium de trois ſortes ſe-  
lon les Arabes. 81  
Pterygium des ongles qu'eſt  
ce, & la curation d'iceluy.  
338.339  
**R** Acine du coucombre  
ſauuage & ſon vſage.  
628  
La ratelle eſt ſubiette à cinq  
maladies. 261  
Cautere à trois fourchons,  
pour cauteriſer la ratelle.  
261  
Aux maladies de la ratelle en  
quel lieu faut ouurir la vei-  
ne. 211  
On cauteriſe la ratelle, quād  
tous

- tous autres medicamens  
 n'y seruent de rien. 261  
 Les rateleux sont tousiours  
 pleins de mauuais es-  
 humeurs. 262  
 Resine Colophonie d'ou  
 estoit apportee au temps  
 passé, selon Dioscoride &  
 Galien. 32  
 Rugines, en latin Radulæ.  
 659  
 Rugines de deux sortes. 649  
 Rugines pour l'os corrom-  
 pu. 586. 587  
 Rupture. voy Fracture.  
**S**aignee necessaire à la chi-  
 rurgie, son but, & la con-  
 sideration du temps pour  
 icelle. 205. & seq.  
 A la saignee faut plus consi-  
 derer la vertu du patient  
 que l'age. 215  
 Tirer du sang. pourquoy est  
 dangereux & difficile aux  
 ignares. 219. 220  
 Maladies requerans la sai-  
 gnee. 216. 217  
 Saignee aux maladies, où  
 n'y a point espoir de con-  
 ualescence. là mesme.  
 Iours conuenables pour la  
 saignee. 218  
 Saigner vn homme sur l'ac-  
 ces de la fieure vehemente,  
 c'est luy couper la gorge.  
 là mesme.  
 Il vaut mieux experimenter  
 vn remede hazardeux par  
 saignee, que du tout n'en  
 faire point. 217  
 De quelles parties du corps  
 on peut tirer du sang. 218  
 Opinion fauce, que le sang  
 doit estre tiré, au plus loing  
 qu'on peut, du lieu où il  
 fait le mal. 219  
 La saignee vuide premiere-  
 ment le lieu plus prochain.  
 là mesme.  
 Saignee du bras aux fractu-  
 res de la teste. là mesme.  
 Maniere de bien ouurir la  
 veine. 224  
 Signes de la veine qu'on  
 doit ouurir, & maniere de  
 la piquer. 220. 221  
 Qualitez du bon & mauuais  
 sang. là mesme.  
 Figures de l'incision de la  
 veine. 222  
 Albucrasis remarque trente  
 veines, qui peuent estre  
 ouuertes. là mesme.  
 Remede quand le gros sang  
 ne peut sortir par la veine  
 ouuerte. 225  
 En quel age faut saigner les  
 hommes, & en quel temps.  
 207  
 En quelz lieux faut ouurir la  
 veine. 207. 220  
 Dangers suruenans d'vne sai-  
 gnee faicte par vn ignorât,  
 ou temeraire. 219  
 La maniere de guerir les ma-  
 ladies par saignee se reduit  
 en huit chefz. 214  
 La principale industrie du  
 medic

- medicin en la saignée en  
 quoy consiste. 215.  
 216  
 La quantité du sang en la sa-  
 gnee. 208  
 Euacuation du sang pour-  
 quoy est faicte, tant en re-  
 plerion, qu'en mal vehe-  
 ment. 208. 209  
 Remede quand le sang ne  
 veut sortir en la saignée  
 210  
 Saignee des veines de la te-  
 ste. 210. 211  
 Remede quād le malade syn-  
 copise en la saignée. 215  
 La saignée ne doit estre fai-  
 cte à celuy qui est dur de  
 ventre, ou qui s'est enyuré.  
 223  
 Saignee des veines derriere  
 les oreilles aux passions de  
 la teste. 211  
 Remede pour l'artere piquee  
 en piquant la basilique. 223  
 Remede pour l'aposteme sur  
 uenant à la saignée. 225.  
 226  
 Saignee pour la squinance.  
 211  
 Reiteration de saignée quād  
 doit estre faicte. 226  
 Saignee des veines du iarret  
 pour l'inflammation des  
 rognons. 211  
 Au commencement des in-  
 flammations faictes, on ti-  
 re du sang de la partie op-  
 posite. 207
- Les maigres ont plus de sang  
 & les repletz plus de chair.  
 216  
 En la saignée des phreniti-  
 ques, & ceux qui réuēt faut  
 faire petite ouuerture de  
 la veine, & pourquoy. 221  
 Saignee des enfans, des per-  
 sonnes aagees, & femmes  
 grosses, selon Celsus, com-  
 ment se peut faire. 215. 216  
 La vertu du corps est mieur  
 cognuē par les veines, que  
 par l'apparence exterieure.  
 216  
 Il ne faut saigner le malade  
 trop craintif & effroyé. 224  
 Petit discours de Celsus sur  
 la saignée. 214. 215  
 Anneaux avec lācettes pour  
 saigner ceux qui sont timi-  
 des, & lancettes à canon, ou  
 cachees. 213  
 Opinion d'Antyllus touchāt  
 la saignée. 208  
 A quelle cause, en ouurant  
 les petites veines des mains  
 & des piedz, on met les mē-  
 bres dans l'eau doucement  
 chaude. 226  
 Il est meilleur au commen-  
 cement de la fièvre allegier  
 le malade, en le purgeant  
 parfaictement, qu'en luy  
 ostant tout d'un coup la for-  
 ce, le precipiter en inconue-  
 nient. 218  
 Sang caillé en la membrane  
 du cerueau, & les douleurs  
 qu'il

- qu'il cause, & la curation  
d'iceluy. 694
- Sansues sont appliquees sus  
les endroiçts où les vêtou-  
ses, à raison de leur petites-  
se, ne peuuent tenir. 238
- Maniere de choisir les san-  
sues bonnes à l'operation,  
& comment il les faut ap-  
pliquer. là mes. 462
- Si la sansue ne veut mordre,  
qu'est-ce qu'il faut faire. là  
mesme. 419
- Maniere pour faire tirer beau-  
coup de sang à la sansue,  
auant qu'elle lasche prise.  
là mes. 458
- Remede pour arrester le sang  
apres la morsure de la san-  
sue. là mes. 99
- La sansue ne veut estre ma-  
niece de la main nue. là mes. 109
- Maniere de tirer vne sansue  
attachee à la gorge. 168. 169
- Parfum pour la sansue attia-  
chee à la gorge. là mes. 641
- Drogues pour faire tomber  
la sansue. 239
- Saphis du visage. 69
- Sciastique guerrie par l'auteur  
faisant ouuerture au des-  
sous du genoil en toutes les  
deux iambes. 467
- La sciastique requiert ouuer-  
ture des veines du pié. 211
- Maniere de cauteriser la scia-  
tique. 460. 461
- Cautere d'Albucrasis à dou-  
ble cercle, pour cauteriser  
avec eau fort en la sciati-  
que. 465
- Cautere à triple cercle d'Al-  
bucrasis, pour la sciastique  
là mes. 462
- Simple cercle pour la sciati-  
que &c. 462
- Les Scythes par cōtinuation  
d'aller à cheual deuiennent  
gouteux & inhabiles à co-  
gnoistre les femmes, s'abil-  
lans en femmes. 419
- Sebel, voy Œil.
- Maniere de tirer la secondi-  
ne, ou liçt de l'enfant, rete-  
nu dans la matrice. 458
- Sel de Cappadoce, & ses espe-  
ces. 99
- Seuerus fameux Chirurgien.  
109.
- Maniere de guerir les mala-  
dies du siege. 509. 510. 511
- Sie pour extirper les mēbres.  
527
- Sies de Vidius pour l'os de la  
teste. 641
- Sies courtes pour sier le cra-  
ne. 658
- Signes euidens de la blessure  
du cuer, du poulmon, &  
des membranes du cerueau  
552. 553
- Sonde pour trouuer la balle  
en la poitrine. 577
- Specula oris pour tenir la  
bouche ouuerte és mala-  
diēs d'icelle. 150
- Spasme d'où procede. 671
- Spathe, spathion, spathome-  
le, &c.

- le, & leur signification. 30  
 Squinace cause quelquefois  
 pleuresie. 176  
 Figures du Syringotome. 284. 285  
 Syringue à clystere. 323  
 Syringue à femme pour se  
 bailler elle mesme vn cly-  
 stere. 324  
**T** Axis arbre veneneux,  
 que nous disons If. 594  
 Respect du temps aux cura-  
 tions fort requis. 681  
 Tenailles percées pour don-  
 ner vn caustere au cuir du  
 col. 686  
 Tenailles incisives pour cou-  
 per les doigts. 533  
 Tenailles incisives pour cou-  
 per vn os fracturé. 571  
 Tenailles incisives pour cou-  
 per le boys demeuré avec  
 le fer, & autres tenailles dé-  
 telees pour tirer le fer de  
 vne cuisse. 559. 560. 561  
 Tenailles à lime. 562  
 Tentés de diuerses sortes &  
 leur vsage. 119  
 Terieres de deux sortes. 687.  
 688  
 Curation de l'eau assemblee  
 en la teste, dictée des Grecz  
 Hydrocephalos. 8. 9. 10.  
 11. 12. & 15  
 Exemple d'vn enfant qui par  
 telle maladie ne pouuoit  
 soutenir sa teste. 13  
 Cause de l'hydrocephalos  
 aux enfans, & la curation  
 d'icelle. 15. & 16  
 Curation de telle maladie  
 par André Vessal, restaura-  
 teur de l'Anatomie. 11  
 Regime du blecé au tés de la  
 teste. 677  
 Vourure du tés qu'estce. 631  
 Excisions que fait Celsus au  
 tés de la teste enfoncée. 697  
 698  
 Dangers des grans coups &  
 violentes percussions du tés  
 du cerueau. 696  
 Fractures & fissures du tés  
 doyuent premieremēt estre  
 tractees par emplastres que  
 par ferremens. 695  
 Curation des fractures du  
 tés par Hippocrates. 684. &  
 685  
 Signes du tés de la teste rom-  
 pu par le rapport euident du  
 patient. 691  
 Coustures ordinaires du tés  
 de la teste. 662  
 Coniecture qu'on peut auoir  
 de la contrefente par les  
 effects du patient. 662. 663  
 Coustume des Grecs medi-  
 cins de faire neuf incisions  
 en la peau de la teste pour  
 la fluxion des yeux. 35  
 Caustere des Africains sur le  
 tés de la teste. 37  
 Eleuatoire à trois pieds pour  
 eleuer les os de la teste en-  
 foncée. 640  
 Causes & occasions du mal  
 de

- de teste, & les signes. 24. 25.  
 Sagittale cousture de la teste. 25  
 Les vaisseaux de la teste sont doubles comme ceux des yeux. 18  
 Cavit  en la teste pour recevoir les especes des odeurs. 683  
 Maniere d'inciser la peau de la teste. 30. & seq.  
 En quelles maladies faut cauteriser la teste. 55 & seq.  
 Diffinitio  du testicule, & son office naturel. 366  
 Tuniques des testicules & leurs noms particuliers. 369 370  
 Pour la curation des testicules, voy Hernie.  
 Thymion qu'est-ce, & sa curation. 307.  
 Tireballe pour les parties charnues. 164  
 Tirefond pour tirer les balottes des os. 569  
 Tirefond duquel les bours seruent d'elevatoires. 569  
 Tirefond avec canule. 570  
 Tir'os de Galien. 654  
 Toxicum & son etymologie. 594  
 Maniere de trepaner vn os. 471  
 Les petits enfans a s avoir si peuvent estre trepan s sans danger. 682  
 Aduertissement avant que trepaner, bien necessaire. 683  
 Figures de trepanes representees curieusement par M. Par  en son liure. 680  
 Trepanes inuent s par M. Botallus. 656 & seq.  
 Trepane ne doit point estre appliqu  sur les temples. 683  
 Trepane avec son c pressif. 637  
 Trepane quadrangulaire & sexangulaire. 636  
 Trepane sans arrest & avec arrest. 642 & d'autre sorte 643  
 Trepane selon aucuns, ou Broucal selon les autres. 645  
 Traicts de diuerse fa ons. 546. 547  
 Traicts empoisonnez comment sont tirez hors du membre blec . 550  
 Maniere d'extraire les traicts de diuerse sortes, selon Celsus, & Albucasis. 595 & seq.  
 Trochisque deterisif & l'usage d'iceluy. 515  
 Remedes contre la toux. 730  
 Tumeurs de la teste quels medicamens requierent. 13  
 Les anciens ont appell  toute tumeur Celo. 201  
 Vaisseaux spermatiques, & leur naturel. 366  
 d'o  procedent. 367

- Vaisseaux ciaculatoires, &  
 leur composition. 368  
 Comparaison des vases sper-  
 matiques avec les charges  
 des pistoles. 369  
 Maniere de couper les vais-  
 seaux, & de les cauteriser.  
 22  
 Varice qu'est-ce & sa curatiõ.  
 514. & seq.  
 Varices appellees Vignes. 518  
 Generation des varices, &  
 quelles gens sont suiets à  
 icelles. 519  
 Emplastre pour les varices in-  
 flammees. 520  
 Emplastre desiccatif sans  
 mordication, pour la vari-  
 ce. 517  
 Venins qui ne nuisent point  
 en les goustant. 602  
 Ventouse quand doit estre  
 appliquee aux maladies. 227  
 231. 234  
 Façon de la ventouse. 238  
 Ventouses & scarifications  
 ne doyuent estre faictes en-  
 trant au baing, ou à l'estu-  
 ue, mais vne ou deux heu-  
 res apres en estre sorty. 237  
 Apres les ventouses pour-  
 quoy ne pe tirer le sang par  
 Maniere faut dormir. 237  
 ventouses. 227  
 Maniere de scarifier vne ou  
 deux fois selon la qualite du  
 sang qu'on veut tirer. 236  
 Mesure raisonnable aux sca-  
 rifications & incisions. 228  
 & 236  
 Instrument à trois lancettes  
 pour scarifier. là mes.  
 Scarificateur de M. Paré à  
 dixhuit roues tranchantes.  
 228  
 Vusage des ventouses sans sca-  
 rification. 237. 238  
 Ventouses diuerfes, & cõmet  
 les faut appliquer. 229. 232.  
 233  
 Il ne faut appliquer les ven-  
 touses pres des mamelles.  
 229. 232.  
 Cornets avec flammettes  
 pour scarifier & decharger  
 la partie tendant à gangre-  
 ne. 230  
 Cornets attirans sans feu. 231  
 La ventouse ne doit estre ap-  
 pliquee, si le corps n'est eua-  
 cué. 232  
 Discours des ventouses selon  
 Eclufus. 232  
 Vtilite principale des ventou-  
 ses. 233  
 Aux maladies agues, si la ven-  
 touse est bonne. 234  
 Aux dangers precipiteux on  
 a plustost refuge à la vêtou-  
 se qu'à la saignée. 234  
 Quatorze lieux du corps, où  
 les ventouses de toutes sor-  
 tes peuuent estre mises. 234  
 Signes qui viennent à ceux  
 qui ont acoustumé de se  
 faire ventouser. 235  
 Les maux que cause la ven-  
 touse induement appliquee  
 sus



sus aucunes parties. 232  
 Ventouses sur les cheuilles &  
 autres lieux, & leur vilité.  
 235.236

Effets de la ventouse sans  
 scarification. 227.232

Onction, tant en hyuer qu'en  
 esté, du lieu qu'on veut ven-  
 touser. 236.237

Curation du vêtre percé par  
 blesseure. 287

Discours de Celsus sus les  
 maladies de la verge, & les  
 remedes. 309 & seq.

Remede quand le glan de la  
 verge tombe. 310

Gangrene suruenant à l'ulce-  
 re de la verge, & la cura-  
 tion. 310

Cataplasme pour la gâgrene  
 de la verge. 310

Après l'incision de la gangre-  
 ne est tousiours requis le  
 cautere. là mesme.

Remede de la callosité qui  
 vient sus la verge. 312

Coustume des anciens de  
 boucler la verge aux ieunes  
 enfans, & la fin pourquoy  
 ilz le faisoient. 420 & seq.

Encheuestreure de la verge.  
 299

Chien du glan, dict autremēt  
 le Filet. 294

Plusieurs de leur naissance  
 n'ont point le glan percé.  
 294

Curation & incision de tel-  
 le imperfection. 295

A l'endroit du glan le pre-  
 puce est double. 297

Trois especes de l'imperfe-  
 ction & maladie du glan.  
 296

Vsage du canal de plomb  
 pour la curation du prepu-  
 ce. 297

Scarification du prepuce. 298

Curation d'un prepuce ferré  
 naturellement. 299

Mal de Chaudepisse d'où pro-  
 uient. 300

Deux especes de constriction  
 du prepuce, par lesquelles  
 on ne peut decourrir, ou re-  
 courrir le glan de la verge,  
 & leur curation. 296 & seq.

Deux manieres pour reme-  
 dier aux fautes du prepuce.  
 290.

Curation de la coherence du  
 prepuce. 300.301

Maniere de couper le prepu-  
 ce, qui tombe en gangrene.  
 301.302

Cautere pour l'incision du  
 prepuce. 302

Preparation pour la coupe-  
 re du prepuce. 302

Curation du prepuce selon  
 Celsus & Galien, 292. & seq.  
 & 300.

Albucasis pourquoy n'a  
 point parlé des maux du  
 prepuce. 291

Verrues qui suruiennent tāt  
 au prepuce, que sus le glan,  
 & la curation. 304.305

Vertigo qu'est ce , quels  
maux elle fait , ses especes  
les causes & curation d'i-  
celle. 19.20.21

Diffinition des verrues , &  
quatre especes d'icelles. 305  
306

Verrue appelée des Lyon-  
noys Oyaffat. 307

Verrue appelée Morale. 306

Verrues de plusieurs especes  
& leur curation. 344.34

Ruptoires pour les verrues  
& myrmecies. 309

Comme faut appliquer le ru-  
ptoire sur les verrues. 309

Figues cuites en eau pour  
guérir les verrues. 309

Curation du clou, myrmecié,  
& acrochordon, especes de  
verrues. 342.343

Verrues, nommees Thymès  
en la matrice de la femme,  
& leur curation. 427.428.&  
429

Discours de Celsus touchât  
aucunes tumeurs sembla-  
bles à verrues. 307

Verrues fourmillieres. 307

Curation de plusieurs sortes  
de verrues. 307

Vescie. voy Pierre.

Vibrequin ou perçoir. 647

Vinaigre est bon & singulier  
pour retenir le sang, mesme  
distillé sur la playe. 611. 638

Ulcere est solution de conti-  
nuité en la chair. 708

Vleeres inueteres, & leur in-  
cision. 623.624

Voirre broyé & son vsage  
pour engendrer la chair. 110

## F I N.



# CHIRVRGIE FRAN- COISE, DV SIXIEME

LIVRE DE PAVL

AE GINETE:

*Auquel il traite de la curation des  
maladies par Chirurgie, ou  
operation manuelle.*

CHAP. I.



PRES auoir diuisé ce  
qu'on peut discourir,  
& traiter des opéra-  
tiōs manuelles en deux,  
c'est assauoir aux ope-  
ratiōs, qu'on exerce sur  
la chair, & en celles  
qu'on pratique & con-  
sidere sur les fractures,

& déloëures des os: nous commencerōs ce liure  
par les operations faictes en la chair, vsants en  
ce de nostre coustumièr briueté: & entrans  
en propos par les opératiōs faictes aux plus hau-  
tes parties de nostre corps, declarās la maniere  
de cauteriser la teste, & principalement le fest  
& sommité d'icelle.

## ANNOTATIONS.

Les Anciens, comme Galien dit liure 14. de la Methode, ont appellé Chirurgie, la troisieme partie de la medecine, qui oste ce qui est superflu & contre nature, par manuelle operation. En ceste façon & intelligence on a reduit la Chirurgie, comme dans ses propres bornes & limites: qui sont remettre les os deloués: rabiller les fractures: ouvrir les absces: couper les membres: retourner en sa place ce qui en est sorty: comme aux hernies: transposer ce qui occupe un lieu qui ne luy appartient point, comme aux cataractes: cauteriser: tirer ce qui de violence a penetré le corps, & les membres, comme les traits: extirper ce qui est du tout contre nature, & ne peut estre restitué au naturel, comme les uerruës & callosités des fistules, & autres telles operations qui s'executent par adresse & industrie de la main, & non par medicamens. Galien en son Introduction commet au chirurgien les fractures, delouëures, playes & ulceres, ne faisant aucune mention des tumeurs contre nature: & dit toutes les actions du chirurgien estre composer, & separer: specifiant la composition ou rabillage des fractures: restitution des delouëures: reduction des boyaux tombez en la bourse des testicules, de la matrice precipitee, du boyau cullier avalé & relaxé, ligature, consture du uentre, & reionction des parties mutilees, comme aux nez, aux léures, aux oreilles. Il specifie les especes de separation en incision simple: excision, hypospathisme, periscyphisme: angeologie: extirpation: racleure: limature: cauteriser: & sicer. En ceste oeuvre, nostre auteur parle de toutes ces especes selon l'occurrence de la matiere

matiere qu'il traite. Nous aioustons à composer & separer encor cest office du chirurgien, ôster le superflu: & par cest' addition l'auantageons de la cure & maniemment des tumeurs contre nature, de sorte que redigeons les operations du chirurgien à cinq, qui sont curer les tumeurs contre nature, les playes, les delouères, les fractures, les ulceres. Galien chap. 13. liure 14. de la Methode promet escrire la chirurgie: mais au catalogue de ses liures il ne fait aucune mention d'en auoir escrit: & ne se trouue auteur ancien, qui die auoir ueu & leu ses liures chirurgiques. Du temps que nostre auteur uiuoit, il n'est pas croyable que ces liures se trouuassent, car il en eust cité des passages concernant son propos, comme il a fait en plusieurs lieux de la Methode. Aucuns sans apparence ont cuidé ce sixiesme liure de nostre auteur estre la chirurgie de Galien, qu'ambitieulement il s'attribue. Leur iugement en cela est assez cōuaincupar les allegations que fait nostre auteur des passages de Galien, recitez de mot à mot. Or n'est il homme si lourd & de si mauuais iugement, qui croye qu'un auteur s'allegue soy mesme, souz un nom deguisé & emprunté. La procedure de nostre auteur commence d'une diuision generale prise du suiet, que maistre Ianim, vulgairement appellé Ioannitius, suit aussi, qui est que toutes operatiōs chirurgiques, s'exercent, ou aux parties dures de nostre corps, ou aux parties molles, ou en celles qui sont de moyenne nature entre les extremes. Le rabillage des fractures, & restitution des delouères se pratiquent seulement aux plus dures parties de nostre corps, assauoir les os, la curation des tumeurs contre nature, ulceres &

playes, se manie aux parties les plus molles, les plus dures, & de mediocre consistence, prenant les exostoses, caries, & éclaturs des os, pour tumeurs, ulceres & playes. Les autres operations cydessus recitees, qui sont comprinses sous les trois generales, separer, composer, oster le superflu, se pratiquent les unes en parties dures, comme sier, ruginer & limer aux os: les autres en parties molles, ou de moyenne consistence, comme incision, excision, hyposthisme, aneologie, periscyphisme, les autres en toutes sans exception & difference, comme extirper & cauteriser. Nostre auteur traite premierement des operations qui se font aux parties molles, ou de mediocre consistence, commençant aux affections de la teste, qui requierent l'industrie de la main. Icelles sont quatre especes d'hydrocephalos, & les dispositions qui demandent le cauter, arteriologie, aneologie, hyposthisme, & periscyphisme, differant la tractation des fractures du tés, des melicerides, & steatomes de la peau de la teste, maladies pour lesquelles est aussi necessaire la main du chirurgien, en leurs propres lieux. Galien en son Institution nomme aussi l'alopecie, pour curation de laquelle on scarifie la peau de la teste. Nostre auteur en a parlé au troisieme livre, avec les melicerides & steatomes. on ne denombre point, quant à la consideration de la chirurgie, les atheromes, par ce que sans operation de la main ils peuvent estre gueris par medicamens.

La maniere de cauteriser la teste, à ceux qui ont inflammation des yeux, difficulté d'aleine, & qui sont ladres.

EN l'ophthalmie ou inflammation des yeux, causée par fluxion enuoyee des parties\* supérieures, à ceux qui ont peine de respirer, procédante de ce qu'une abondante humidité superflue, enuoyee de la teste contrebas en la poitrine par assiduité & cōtinuation offense & travaille les parties comprises en icelle, on cauterise le milieu de la teste en ceste façon, Apres auoir razé le fest d'icelle, & parties circonuoisines, on y applique des\* cauterres à bouton, en brûlant & cauterisant la peau iusques à l'os : puis ruginant & raclant l'os, apres que la crouste est tombee. Quelques vns ayans cauterisé l'os, en font cheoir vne petite piece & écaille, à fin que par ce lieu-là, la transpiration & vacuation des humeurs assemblees en la teste se face aisémēt, & ayant entretenu l'vlcere ouuert quelque temps, en fin le cicatrisent. A ceux qui sont dangereux & douteux d'estre ladres, aucuns font par cautere cinq croustes en la teste: vne en l'antérieure partie d'icelle au plus haut lieu des deux quartiers, només des Grecz βρέγματα: la secōde au dessouz de la susdicte, vn peu au dessus du frōt, au bout & racine des cheueux: la troisieme au quignon de la teste, appellé des Grecz ὀπίσθορράνιον: & les autres deux sur les os écailleux, que les Grecz nomment λεπιδόσση προσκλήμματα, au dessus des oreilles: l'une en la partie dextre, l'autre en la fenestre. Par ceste operation en leuant & emportant plusieurs écailles d'os, on fait exhaler la quantité des grosses humeurs accumulees en la teste, & par ces vlce-

\* Par les vaisseaux semi-  
mez au perti-  
crane, qui vōs  
en l'exterieu-  
re tunique de  
l'œil.

\* πυγλωα-  
δός.

ἀνώγει  
βρέγματ'.

res comme par ruisseaux & tuyaux ouverts on les tire & conduit du profond au dehors, ce qui preserve la \* veuë & la face d'estre gastee. On applique aussi en telle infirmité vn \* cautere sur la ratelle, à fin que par la crouste faicte en la peau, on aide & decharge ce membre, lequel principalement \* engendre l'excrement melancholique.

\* *Sup: ie le traduy, faciem, & visum.*


\* *à l'endroit du flanc fenestre, où ell'est située.*

\* *elle ne l'engendre pas. mais à faute qu'elle ne l'attire & purge point, il redonde en la masse du sang.*

*Tenailles percees pour donner un cautere au cuir du col.*

A le poinçon qui passe par le trou des tenailles.

B l'eguille enfilee du feron.





Le cautere, (dit Galien en son Introduction) est utile aux ulcères & affections corrosives & ambulantes: aux fluxions des yeux, aux delouëures de la cuisse, & de l'avantbras, qui tombe en l'aisselle: aux affections des parties interieures, comme aux tabides & ratelleux: en égilops, aux dispositions qui rendent la partie noire, aux extirpations des membres, pour arrester le sang, & aux autres flux de sang. Nostre auteur en use icy pour arrester la fluxion qui tombe sur le poulmon: & qui prouoque la toux: ulcerer le poulmon, si elle est acre, ou salee: cause asthme: dyspnoë, orthopnoë: & quelque fois empyeme par putrefaction de l'humeur pituiteuse receuëe & alteree dans le poulmon. Il en use pour retenir les fluxions des yeux, qui engendrent diuerses maladies en iceux, comme cy-apres nous dirons: & pour obuier aux fluxions des lades, qui leur ulcerent le nez & la bouche par dedans: les enrouent, leur causent difficulté d'aleine, leur abbatent le poil des cillons & sourcils, leur gastent par dehors le uisage, tellement qu'ils sont hydeux & effroyables à uoir. La procedure methodique de curer les fluxions, principalement celles qui sont faictes par transmission, comme les susdictes, est ayant esgard à tout le corps, euacuer par reuulsion ou deriuation en sagnât, ou purgeant & temperant l'humeur qui irrite la faculté expultrice par sa trop grande quantité, ou par sa qualité mordicante, ou ueneneuse. Aucuns aioussent sa substance trop subtile & liquide, qui debilite la retentric: puis, en desechant, tarir les excremens & superfluités de la partie qui les enuoye, & la corroborer qu'elle n'en-

gendre ny recoiue plus d'autre par mauuaise ou imbecille cōcoction de son aliment: & apres fortifier la partie affligee, de sorte qu'elle soit moins disposée à souffrir l'iniure de la fluxion: & detourner en partie contraire la matiere d'icelle, par ligatures douloureuses, uentouses, frictions, pications, ou dropaces, phœnigmes, sinapismes, cauterres, caustiques, & semblables moyens. Il faut presupposer ces operations de nostre auteur estre l'extreme & dernier remede, auquel on a recours, apres auoir eprouué tous les autres. Le cautere en cest'occasion deseché & consume la matiere de la fluxion: la diuertit du dedans au dehors, tant par l'attraction uiolente du feu, que par l'ulcere y demeurât, par lequel sont euacuez & transferez les excremens du cerueau. Nostre auteur commande qu'estant cheute la crouste de la peau brulee on racle l'os. La raison est, qu'estant l'os alteré de la sanie accumulee sous la crouste, des medicamens appliquez pour le ramollir, & faire cheoir, & de l'air qui le frappe quand il est decouuert, la chair ne se peut rengendrer dessus, si la superficie qui pour les causes susdictes est rude, aspre & inegale, ou alteree, n'est raclee & applanie.

De l'eau assemblee en la teste, nommee des Grecz hydrocephalos.

CHAP. III.

**L**A maladie hydrocephalos, a esté ainsi nommee pour la propriété de l'humeur qui l'a causée, laquelle est de substance aqueuse. Ce mal vient aux enfans à l'heure de l'enfantement, quand les sages femmes leur pressent trop & indiscretement la teste: ou de quelque cause latente

\* latente & occulte: ou pour quelque rompure d'un ou plusieurs vaisseaux: lesquels estés éclatez, le sang repandu se corrompt & change en humeur vitieuse & inutile: il se fait aussi par  
 \* rarefaction, par laquelle l'humeur qui est matiere de ceste affection, coule & penetre entre la grosse peau de la teste, & la subtile, ou membraneuse, ioignante au tés, qu'on nomme pericrane. Car en ceste maladie l'humeur s'assemble entre la grosse peau de la teste & le pericrane: ou entre le pericrane & le tés: ou entre le tés, & la membrane située au dessous. Quand il s'assemble entre la grosse peau & le pericrane, il se fait vne tumeur aisée à toucher & trouver: sans changement de couleur: sans douleur: releuee & courbe: qu'on rencontre pres, & avec peu de \* distance: qui obeit facilement, quand on l'enfonce, & foule avec les doigts, mais aussi retourne & se releue tost. Quand l'humeur s'assemble entre le pericrane & le tés, les signes sont semblables, fors \* seulement, que la tumeur est plus dure, & s'enfonce moins soudainement, par ce qu'on la touche avec plus de distance & interposition de plusieurs parties: la douleur aussi y est plus grande. Quand l'humeur s'assemble entre le tés, & la membrane située au dessous, il y a bien tumeur: mais quand on la veut presser avec les doigts, elle n'enfonce pas, ny se peut trouver ainsi aisément: mais quand on la \* presse de force & violence, lors ell'obeit & enfonce, par ce que le tés des enfans en tel aage estant comme fraichement caillé & épais,

\* Il nomme ainsi les causes internes ou antecedentes, par ce mot, les separant des externes ou primitives, qui sont manifestes à tous.

\* Il entend ce que les medecins nomment *διαπύκνωση*, qui se fait par la subtilité, ou chaleur de l'humeur, & par la rarefaction des vaisseaux.

\* *ἡ δὲ δύξις διατέμνεται*, & non σπύμαται.

\* *μείνιον*, non *μᾶλλον*.

\* aux jeunes enfans.

preste, & obeit, principalemēt, quand estre rare  
 fies lachees & entrouuertes les coustures d'ice-  
 luy, l'humeur sort au dehors. Cela se cognoist  
 aisément par ce qu'en pressant l'humeur sortie  
 au dehors, elle retourne & refuit au profond du  
 tés. En ceste disposition la douleur est plus gran-  
 de: toute la teste est \* grosse & enflē: le front  
 s'auance & foriette en dehors: quand ils auient  
 quelque chose ils la regardent, l'œil ferme & ar-  
 restē: les yeux leur pleurer souuent. A ceux qui  
 sont malades pour ceste occasion, nous ne fai-  
 sons operation manuelle pour les guerir, encor  
 qu'aucuns chirurgiens ouurent & leuent vne  
 portion du tés avec teriere ou \* vibrequin, com-  
 me nous dirons en traittant des fractures de la  
 teste. Or si l'humeur est assemblee entre la gros-  
 se peau de la teste & le pericrane, & la tumeur  
 est petite, nous y ferons par le milieu vne seule  
 incision trauesiere. Si l'humeur est assemblee  
 entre le pericrane & le tés, & la tumeur est grā-  
 de, nous y ferons deux incisions, qui au milieu  
 \* s'entrecouperont. Si la tumeur est plus grā-  
 de, nous y ferons trois incisions de figure sem-  
 blable à la lettre Grecque *Η*, en ceste manie-  
 re, H. L'operation executée, & ayant fait sortir  
 l'humeur cōtenue: & rempli l'incision de char-  
 pies \* & plumaceaux, nous y appliquerons vn  
 bandage conuenable, & iusques au troisieme  
 iour l'arrouserons \* & bacineros avec d'huile  
 & de vin. Le troisieme iour passé, auoir deban-  
 dé la playe au second appareil, nous y appli-  
 querons encor des charpies & plumaceaux: &  
 si l'os

\* *ἰσχυρά:*  
 non *δυσχρά:*  
 combien que  
*Albucasis*  
 traduisant ce  
 passage, die:  
 Et le plus cer-  
 tain signe est,  
 que tu verras  
 toutes les cou-  
 stures de la te-  
 ste ouuertes,  
*δυσχρά:*  
 \* *ἰσχυρά:*  
*καὶ ὁ*

\* en vulgaire  
 cela se dit, en  
 forme de sau-  
 toir, ou de  
 croix saint  
 André.

\* *ἀκαμάρ-*  
*καὶ ὁ*

\* vulgaire,  
 ment on dit  
 cela embro-  
 quer.

si l'os demeure longuement sans que la chair y soit engendree & restauree, nous le \* raclerōs doucement.

## ANNOTATIONS.

Hydrocephale, comme le uocable Grec porte, est une aquosité ou serosité accumulée en la teste. Celsus liure 4. chap. 2. décrit ce mal estre, quand la peau enflée d'humidité s'eleue en tumeur, & obeit au doigt qui la foule. Cest' aquosité se fait par effusion de sang, qui estant hors de ses uaisseaux se putresce & corrompt en une substance d'humeur aqueuse, principalement aux enfans qui ont le sang sereux. L'effusion du sang se fait par ruption, ouuerture, erosion, rarefaction des uaisseaux : & ce, ou par cause externe, comme coup, chute, contusion, compression, qui rompent les uaisseaux : auquel cas i'ay souuent obserué se trouuer avec l'aquosité, du sang caillé : ou par cause interne, comme abondance, impetuosité, acrimonie & subtilité trop grande du sang, ou qui rompt la tunique des uaisseaux, principalement si elle est tendre & delicate cōme aux enfans, & si le sang est uaporeux, ou qui dilate & debouche les orifices des uaisseaux, ou qui ronge les tuniques d'iceux, ou qui resude à trauers d'icelles. Cest' aquosité se ramasse, ou entre la peau d'ou sort le poil, & le pericrane, ou entre le pericrane & le tés, ou entre le tés & la grosse membrane du cerueau, ou entre la grosse membrane & le cerueau, comme i'ay ueu faisant ouurir la teste d'un, qui estoit mort d'une playe au tés, penetrante iusques à la membrane, avec eleuation & abscission de la piece. Nostr' auteur a omis ceste quatrieme difference : Galien l'ajouste en son Introduction. En l'hydrocephale

\* car la chair ne peut se re-engendrer sur l'os, quand il est alteré de la sanie qui le mouille, ou des medicamens qui l'arrosent. Parquoy il le faut ronger pour oster ce qui est alteré.

drocephale (dit Celsus) il est nécessaire de tondre le malade iusques à la peau: puis appliquer de la graine de moutarde, en sorte qu'elle face ulcérer. Si cela profite peu, il faut inciser d'un petit rasoir à deux tranchants. Ceste maladie a des remedes communs avec l'hydropisie, que le patient face grand exercice, sue, se face froter fort, use de manger & boyre qui ayt faculté & uertu insigne de prouoquer l'urine. En la premiere & seconde espeece d'hydrocephale, Galien use d'une, deux, trois incisions: en la troisieme il leue & coupe l'os: la quatrieme est incurable. A ceste tumeur sont semblables les atheromes de la peau de la teste: les Arabes les nomment Talpa: les melicerides, les Arabes les nommēt Testudo: & les steatomes, les Arabes les nommēt Napta. La curation de l'atherome se fait par medicamens: du meliceris & steatome par operation manuelle descrite cy deffous chap. 36. qui se fait par incision, ou excision de la peau, écorchant par-apres la bourse qui contient la matiere, & l'ostent. M. André Vessal anatomiste excellent de nostre aage, ou plus-tost restaurateur de l'Anatomie oubliée, corrompue, & deprauee, escrit auoir ueu à Ausbourg une fille de deux ans malade de cest'affection, qui auoit la teste plus grosse que nul homme: le tés luy estoit tout membraneux, comme aux enfans qui ne sont que naistre, excepté qu'en sa base: haussant la teste soudain elle touffoit avec difficulté d'alerne: les yeux luy ploroyent: le uisage luy rougissoit, & se chargeoit de sang: l'eau estoit accumulée iusques au poix de neuf liures, qui est une chose admirable, & presque incroyable: & s'estoit amassée en la capacité des deux uentricules antérieurs du cer-

ueau, qui seroit une cinquieme difference de ce mal, outre les quatre susdictes. Albucasis dit n'auoir ueu ce mal qu'aux enfans, qui en mouroyent tous, & qu'à ceste raison il n'entreprendoit iamais la cure. Entr'autres il dit en auoir ueu un, duquel la teste s'aggrandissant tous les iours pour cest'occasion, en fin deuint si grosse que l'enfant ne la pouuoit soustenir, ny s'asseoir, ny demeurer debout, iusques à ce qu'il en mourut. Ce mesme auteur fait incision de la tumeur en trois sortes. Si la tumeur est petite, & entre la peau & le tés, il fait une incision selon la largeur de la teste, longue à la largeur de deux doigts ioincts ensemble. Si la tumeur est plus grande, il fait l'incision en forme de croix potencee.

Si la tumeur est soux le tés, il fait l'incision en potence, commandant que soigneusement on se garde d'inciser les arteres, pour ne causer flux de sang incurable. Nôs praticiens notent qu'en toutes tumeurs de la teste il ne faut user de repercussif plus adstringent que l'huile rosat, à fin de ne rechasser l'humeur uitieuse dans le cerueau: que se uoyant apparence de suppuration, incontinent on face ouuerture, à fin que la sange ne corrompe le tés: & que l'ouuerture se face en triangle, duquel un angle soit tourné & dressé contremont, pour donner plus facile issue à la matiere. En ceste tumeur faicte d'aquosité en la teste des enfans, ils essayent de le resoudre, avec souphre incorporé en huile d'anet & chamomille: & ou ce remede n'est suffisant, depuis le front iusques au derriere de la teste,



la teste, ils appliquent deux ou trois cauterres pour euacuer l'aquosité, par les ulceres qu'ils tiennent longuement ouuertes. Tout le discours de nostre auteur est pris de Leonides fameux chirurgien, cōme il appert par le texte d'Aëce, lequel ie reciteray de mot à mot, combien qu'il redise quelqu'une des choses ia traittees. L'affection hydrocephale (dit Aëce le prenant de Leonides,) est nommee à cause d'une aquosité amassée en la teste. Telle est l'humeur pour la plus part qui fait ceste disposition: & quelque fois ell'est sanglante, ou grosse, & semblable à de fange: mais tousiours ell'est de tardif \* mouuement. La cause est externe & manifeste: ou interne & latente. La cause interne est la rarefaction des uaisseaux contenant le sang faicte sans aucune occurrence exterieure, de sorte que l'aquosité meslee avec le sang, coule & s'amasse en un lieu. Voila comme par cause interne ceste humeur est assemblee. La cause externe est rupture des uaisseaux par contusion, ou playe, à raison de quoy le sang est épandu, qui se liquefie, & dissout en humidité sanglante, & semblable à fange. Ce mal auient fort souuent aux enfans, quand la sage femme qui ne sait point bien son mestier, maniant l'enfant rudement, luy quasse quelque partie de la teste. Ceste humeur s'assemble entre la peau de la teste & le pericrane: ou entre le muscle temporel, & le pericrane: ou entre le pericrane & le tés: ou au dessouz du tés, entre iceluy & la membrane du cerueau: ou (comme disent nōs predecesseurs) entre la membrane & le cerueau: qui est une maladie pernicieuse. Si ceste humeur uitieuse & de tardif mouuement est accumulee entre la peau & le pericrane, au dehors d'iceluy

\* ne faisant  
punctions ou  
douleurs agues



d'iceluy, ou entre le pericrane & le tés, la tumeur est au lieu ou cest excrement est amassé, molle, obeissante & remuante quand on la touche des doigts, sans douleur & changement de couleur, principalement si la cause est interne: mais si ell'est externe de playe ou contusion, premierement la tumeur est rouge & douloureuse, puis comme l'humeur se reduit en un certain lieu, & se liquesie en humidité subtile, la douleur & le changement de couleur passent. Si l'humeur est assemblee au dessouz du tés, entre iceluy & la membrane du cerueau, la tumeur est petite du commencement; la teste est chargée: & assiduellemēt tourne: les sens sont hebetez, assauoir l'ouie, la uëue, & les autres: & comme l'humeur est plus abondante, les coustures de la teste à cause de la quantité de l'humeur se lachent & separent: parquoy la teste s'engroffit, & le lieu où est l'accumulation de l'humeur se manifeste à l'endroit où la tumeur obeit au doigt. Pour euacuer l'humeur amassée entre la peau & le pericrane, semblablement aussi entre le pericrane & le tés, on use de mesme operation. Si la tumeur est petite, on l'incise en sa summité, avec une simple taillade. Si elle est plus grande, on y en fait deux, ou trois, proportionnées à sa grandeur, aux lieux commodés pour l'euacuation de l'humeur. Les sectiōs faictes, il ne faut comme quand on ouure un absces, mettre dedans une tente, ains separer les bords avec de la charpie, qui sans cela, estant sortie l'humeur, aisément se reioindroiēt: cela dōc nous suffira. Apres auoir mis la charpie, si le patient est enfant, nous ne luy chargerons point la teste de bēdage, ains appliquerons sur la charpie de la laine trempée au iaune & blanc

Et blanc d'un œuf : Et luy courirons la teste d'un petit bonnet. Aux malades aagez & robustes, nous assurons l'appareil avec bendage. Passé le troisieme iour, on peut auancer la glutination de la playe par quelque emplastre qui ayt uertu glutinative. Si l'humeur est accumulee souz le muscle temporel, pour ne l'inciser point, il faut attendre que la matiere soit augmentee, & lors faire l'incision à costé du muscle : puis separer & écorcher avec le manche du petit rasoir les parties qui sont au deuant de l'humeur, & l'ayant ietté dehors, poursuiure le reste de la curation cōme a esté dict. Si l'amas est faict au dessouz du tés, il faut semblablement attendre que l'humeur soit augmētée, & les coustures entr'ouuertes & lachees : & lors inciser à l'endroiēt qui est plus eminent & releué. le reste de la curation est tel qu'aux coustures de la teste separees.

\* Et sus la poitrine. *Albucrasis.*

\* trauesiere-ment, comme dit Aëtius, chap. 90. liure 3. section 7. & non oblique. ment.

\* pour la faire mieux appareillistre, *Albucrasis* cōmande qu'on serre le col avec vne seruiette, & qu'on frotte le lieu avec vn linge rude.

La maniere d'inciser les arteres, dictée en Grec *ἀρτηροτομία.* CHAP. II. III.

**A**Vx affligez d'une fluxion & rheume inueteré sur les \* yeux, ou ausquels la veüe s'obscurcit & éblouit soudainement, nous auōs accoustumé d'inciser & trācher les arteres qui sont derriere les oreilles : pour quoy faire, premierement il faut raser le derriere de la teste : puis marquer avec les doigtz le lieu où est situee l'artere, ce que tresfacilemēt on cognoist par le poux & batement d'icelle. En après il la \* faut couper, en tranchant iusques à l'os, & faire l'incision longue de deux doigtz, s'uyuāt la marque & \* trace de la longueur, que premierement on aura faicte avec d'encre. Et si on ne

peut sentir & trouuer l'artere souz le doigt, qui en tastât la cherche, il faut mesurer l'espace & largeur de trois doigts derriere les oreilles, & en cest espace faire l'operation, coupât & incisant de trauers les arteres, iusques à ce qu'on voye saillir le sang comme en sautant, ainsi que le batement des arteres le pousse, & que le ferrement rouchie & morde au tés. Estant vuidée vne raisonnable & moderee quantité de sang, on incise le pericrane, & ce à fin que par distension, inflammation ne luy suruienne: puis apres auoir raclé l'os, on met dans la playe vne tente faicte de drapeau vsé, & au reste on la cure & gouuerne avec medicamens appliqués sur charpie: & si l'os demeure long temps sans se couurir de chair, il le faut racler de mesme sorte qu'on a faict au par-auant.

## ANNOTATIONS.

\* La douleur qu'on sent en l'incision, cause fluxion, laquelle en estendant le pericrane fait inflammation. or comme le nerf totalement couppe de trauers, ne donne grand sentiment de douleur, ainsi ne fait le pericrane du tout incisé, qui est une membrane nerveuse. La fluxion longue & rebelle sur les yeux se fait & perseuerer, par ce que tout le corps enuoye sur iceux les humeurs qui le sâchent, & irritent la faculté expultrice par leur excessiue quantité, ou acre & uitieuse qualité, ou toutes deux ensemble: & si le corps n'est replet, ny cacochyme, par ce qu'une partie, ou deux, ou plusieurs enuoyent la redondance de leurs excremens sur les yeux, & principalement la teste, par les veines & arteres qui vont en iceux.

\* iusques à ce que le cœur saille, si le patient est robuste. Nece.

\* pour ne laisser en la playe aucune portio du pericrane adherente au tés.

\* pour oster ce qui est alteré en iceluy, & qui empesche la regeneration de la chair.

Or comme les vaisseaux de la teste sont doubles, assavoir internes & externes; ainsi sont ils des yeux, & par tous les deux se peut faire la fluxion. Ceste fluxion est enuoyée du cerueau intemperé, ou chargé d'humeurs, ou des vaisseaux si foibles, qu'ils recoiuent les excremens des autres vaisseaux du corps. Si elle se fait par les vaisseaux interieurs, comme ceux qui sont épandus par la grosse & subtile membrane, desquelles est enucloppé le nerf optique, & autres tels, l'incision des vaisseaux n'y sert de rien: mais si elle se fait par les vaisseaux extérieurs, il est fort bon en inciser quelques uns ou tous, à fin d'interrompre leur continuité par la cicatrice dure qui s'y engendre, & qui empêche que des uns il ne passe & flue rien aux autres. Or si la matiere de la fluxion est un sang chaud, bouillant & uaporeux contenu dans les arteres, il les faut inciser: & pour ce faire (dit <sup>\*</sup>Galién) apres auoir raze la teste, on cherche curieusement en tastant avec les doigts, les arteres du front, des temples, & celles qui sont près des oreilles, pour choisir & inciser les plus chaudes, & celles qui battent le plus fort. or si les arteres sont petites & prochaines de la peau, il sera bon en trancher & oster une grande partie, comme on fait aux varices, & comme de nostre temps un medecin oculaire de reputation a tranché une bonne partie des arteres temporelles. Ayant osté & retranché l'artere de ceste facon, les deux bouts presque tousiours se retirent vers ce qui leur est continu. Si l'artere est grande, & bat fort, le plus seur est, la lier dessus & dessous, puis inciser ce qui est au milieu des deux fils, lesquels doiuent estre de quelque matiere peu suie de à putrefaction,

\* chap. de  
nier liure 13.  
de la Me-  
thode.

faction, comme de soye, de lin, de cordes de luc, à fin  
 qu'ils ne tombent point auant que l'incision soit rem-  
 plie de chair, qui bouche & ferme comme un estoup-  
 pon, l'orifice du uaisseau incisé. cela faict, sans dan-  
 ger on peut laisser tomber les fils. Quand on incise  
 les ueines, il n'est point necessaire que les fils soyent  
 si forts, & mal aisez à pourrir: par ce que le mouue-  
 ment perpetuel des arteres lache le fil, & debouche  
 le uaisseau: mais depuis que la ueine est fermee, ou par  
 le fil qui la serre, ou par le medicament adstringent,  
 elle permet que la chair s'engendre à l'entour de l'in-  
 cision, & principalement si le patient ne remue point  
 la partie, & si apres l'euacuation uniuerselle de tout  
 le corps il la tient en situation haute. La maladie  
 nommee communement Vertigo, est de trois especes:  
 l'une appelée des Grecz Scotoma, qui est un soudain  
 éblouissement & offuscation de la ueuë: l'autre nom-  
 mee des Grecz Aſſas, qui est imagination que ce  
 qu'on regarde tourne; combien qu'il ne soit pas ainsi:  
 la tierce nommee des Grecz *σποδίασ*, composee  
 des deux. La cause est, un esprit chaud & uapo-  
 reux, montant par les arteres en la teste, qui remplit  
 le cerueau, & fait un mouuement des humeurs &  
 esprits contenus en iceluy, inegal, confus & turbu-  
 lent, comme quand nostre corps est souuent tournoyé  
 en uireuolte, ou l'on a beu trop de uin, puissant, su-  
 meux & mal trempé. Cest esprit bouillant pour la  
 plus part est enuoyé du cœur au cerueau par les ar-  
 teres produictes du Res admirable, qui s'insèrent en  
 la base d'iceluy: quelque fois est engendré dedans le  
 cerueau mesme, intemperé en chaleur: quelque fois  
 uient d'autre part, comme de l'estomach, du foye, de

la matrice. Les malades aisément perdent le uoir, & pour peu qu'ils tournoient le corps, ou regardent quelque chose qui tourne comme une rouë, ou qui coure, comme l'eau, tombent: si la cause est au cerueau mesme, ont douleur & pesanteur de teste: du bruit aux oreilles: ne sentent rien du nés. Si elle est en quelque autre partie, sentent en icelle quelques accidents propres au mal & au membre, comme mordication, & enuie de vomir en l'estomach: & ainsi des autres. En ce mal l'incision des arteres derriere les oreilles est profitable, si l'esprit uaporeux monte par les externes: mais non, s'il est enuoyé par les internes.

Aucuns ont suspecté cest'incision des arteres, pour ce qu'il est difficile d'arrester le sang: & que se faisant la cicatrice aux parties qui enuironnent l'artere, premier qu'icelle soit bien consolidee, souvent y succede un Aneurysme, maladie fascheuse & dange-reuse. Seuerus, de qui Aëce a pris cest'operation, la louë fort non seulement aux affections susdictes: mais aussi au dormir profond, que les Grecz nomment Caros, aux excessiues douleurs, aux staphylomes & prominance des yeux, brief en toutes maladies de la teste, & ses parties, engendrees de fluxion chaude, uaporeuse, spiritueuse, choisissant les anterieures ou posterieures selon la partie où est le mal: & laissant fluer du sang, peu ou beaucoup, selon la uertu du malade. L'euacuation faicte, il icste dans la playe un plumaceau long, de grâdeur & grosseur suffisante pour la remplir toute: par dessus il met bonne quantité de charpie: & par dessus icelle, un flac de laine trempé en eau & aimaigre, qui la contienne: les Grecz nomment cela motophylax, avec ligature autant serree qu'il

qu'il est de besoin, attachant les deux bouts de la ben-  
de sus le front. Le second iour il arroufe le bendage  
de vin & huile, sans le defaire: le troisieme il deben-  
de, & ayât laué la playe pour oster le sang glacé, il  
racle l'os, continuant de le racler tous les iours ius-  
ques au cinquieme, & iusques à ce qu'en raclant l'os  
iette du sang. Cela monstre qu'il est assez ruginé.  
Après il est bon d'y appliquer l'oignement fait de  
pierre ponce, huile, & cire: puis la poudre cephalique  
faicte d'Ers: ou nostre medicament, dit Senerus,  
qui après la racleure de l'os incontinent produit la  
chair. Il est composé de deux parties de farine de fro-  
ment, & une partie de colophonia. On iette ceste  
poudre dessus: puis on y applique de la charpie: &  
par dessus icelle une compresse, & en fin un emplastre  
de cerusse qui contient le tout, & a faculté de cicat-  
riser. Hippocrates au liure 2. des Maladies pour  
mesme occasion, assavoir en longues & diurnes ma-  
ladies de teste, causees par repletion d'humeurs &  
uapeurs chaudes, commande cauteriser les ueines qui  
sont derriere les oreilles. Ce mesme auteur au liure  
de l'air, des eaux, & des regions, dit la cause princi-  
pale pour laquelle les Tartares ou Scythes deuien-  
nent si effeminez, qu'ils ne peuuent approcher les  
femmes, estre, que pour guerir des gouttes & de la  
Sciastique, qui leur retirent les iambes: & les redent  
boiteux: maladies auxquelles ils sont suiets, pource  
qu'ayans le corps humide, mol, lache, phlegmatique,  
engendré & nourry en pays froid & humide, ils  
sont ordinairement à cheual: pour guerir donc de ces  
maladies ils se font ouvrir les deux ueines derriere  
les oreilles, & laissent tant sortir de sang, que de soi-

blesse ils s'endorment. Estans cueillés, les uns sont guéris des gouttes les autres non : mais plusieurs demeurent impuissans à s'accompagner des femmes, ce que nous auons récité plus amplement aux annotations du chap. 68. or Hippocrate sous le nom de neime comprend aussi l'artere.

La maniere de couper les vaisseaux, dictée en Grec ἀγγειομία, & de les cauteriser. CHAP. V.

**E**N douleur de migraine, & en rheume ia facheux de long temps, ou soudainement venu, tombant sur les yeux, chaud, acré & cuisant, de sorte que mesme on sent vne grâde chaleur aux muscles des temples, & que lesdicts muscles en deuiennent gros & enflés, tous approuuent & louent qu'on trache les vaisseaux. Pour ce faire, on rase & oste le poil des tēples : & apres les auoir bacinés \* & fomentés d'eau chaude, ou ferré le \* col, on marque d'encre les vaisseaux qu'on peut voir : puis on souleue des doigts de la main gauche la peau, en la tirant de costé, ou bien on commande à vn seruiteur qu'il la souleue : apres on fait vne incision superficielle al'endroit qu'on a marqué sus le vaisseau : & acheuant de couper la peau du tout, & la hauçant par des crochets on découure le vaisseau avec des \* écorchoirs, & l'auoir séparé de toutes parts, on l'eleue : & s'il est petit & grele, l'ayant haucé & tordu avec vn \* crouchet mouce, on le coupe du tout, en sorte que l'vne & l'autre de ses parties se retire & cache : mais s'il est gros, par dessous avec vne eguille on passe vn las double, ou vn fil de lin cru, ou quelque

\* pour faire eleuer & rendre plus apparents les vaisseaux.

\* avec vne seruiette entortillée : Albucrasis veut aussi qu'on les frotte d'un lin ge rude pour les faire enfler, comme a esté noté cy-dessus.

\* ce sont instruments propres à separer les membranes : les Grecs les nomment ἀγγειομήτρα. \* les Grecs le nomment τυράχμιτρον



quelque autre chose semblable, qui soit forte & puissante: cela fait, premierement avec la lancete on coupe \* droit à trauers le vaisseau, & auoir laissé sortir raisonnablement du sang, on lie les deux bouts & extremités de ce qui a esté decouuert du vaisseau, & à l'heure mesme, ou au premier appareil suyuant, on coupe & oste ce qui est d'un costé & d'autre, depuis le filet ferré, iusques à l'incision faicte: L'operation executée, on met dessus de la charpie seiche, avec vne compresse & bendage conuenable. Apres le second appareil, ayant debandé la playe, on la pense & gouuerne avec medicaments qui engendrent la chair, ou secz, & mis en poudre, ou reduicts en consistance liquide, qui s'appliquent avec charpie: & finalement on la clot pour la derniere curation avec medicaments cicatrifiants, c'est assauoir quand les lacs ou filets, desquels on a ferré & attaché le vaisseau, sont pourris & tombez: Aucuns sans \* incision cauterisent les vaisseaux fort profond, avec vn bouton de \* cautere.

\* à fin que ses parties plus éloignées se puissent moins rejoindre.

\* Leonides fameux chirurgien en vsoit ainsi, comme dit Aëtius chap. 93. liure 3 de la sect. 2. \* les Grecs le nomment *ωβλωσνδύ*.

ANNOTATIONS.

Cela mesme commande & dit Galien chap. dernier du 13. de la Methode. Comme Arteriotomie est incision des arteres, & principalement de celles qui sont derriere les oreilles, ainsi Angeiologie est incision des veines ou arteres en l'antérieure partie de la teste, sauoir est, aux temples, combien qu'Albucrasis par ce mot entende seulement l'incision des arteres aux temples. Nostre auteur la louë en la migraine, & aux fluxions inueterées des yeux. Avec la

dit estre utile, quand un œil seul est malade : en la migraine, & aux larmes des yeux. Albucasis aiouste, à la cephalée, qu'il nomme Soda : c'est une antique douleur de teste : cephalgie, cephalée, hémicranie ou migraine signifient douleur de teste : les deux premiers uocables, douleur de toute la teste : le troisieme douleur de la moitié seulement. Cephalgie est douleur de toute la teste, recente, & legiere. Cephalée est douleur de toute la teste griue & antique. Les parties affligées de douleur en ces trois dispositions sont ou le corps du cerueau, dit Galien liure 2. de la compos. des med. locaux. iasoit qu'on le tienne estre insensible : ou ses membranes : ou les nerfs, arteres, ueines, tant du dedans que du dehors : ou le pericrane, ou la peau de la teste, ou toutes ces parties ensemble, ou aucunes d'icelles. La cause est ou externe, comme chaud, froid, coup, blesseure, trop boire : ou interne, assauoir intemperature, simple, ou avec humeur : inflammation : tension. La pesanteur de teste monstre abondance d'humeur : la douleur piquante, acrimonie d'humeurs ou uapeurs : la douleur pulsatiue, inflammation : la douleur tensiue sans pesanteur, & pulsation, abondance d'une uentosité subtile & uaporeuse : avec pulsation, inflammation des deux membranes interieures, ou de l'exterieure : avec pesanteur, abondance d'humeur contenue entre les membranes. La fièvre y est, quand il y a inflammation : ou quand l'humeur qui cause la douleur se putresce. la douleur superficielle monstre la cause du mal estre au pericrane. La douleur profonde & qui s'estend iusques à la racine des yeux, signifie la cause estre aux membranes du cerueau. En la migraine les causes, differences, signes

signes & parties offencees sont semblables, excepté que la douleur tient seulement la moitié dextre ou senestre de la teste, sans passer outre la cousture droite que nous nommons Sagittale. Quelque fois la douleur ne monte point plus haut que les muscles temporels: quelque fois elle monte iusques au fest de la teste: & pour la plus part est si cruelle que le malade ne peut mesme endurer qu'on luy touche la teste: qui est signe que le pericrane & la peau sont offencés. Les humeurs & uapeurs qui causent ces douleurs sont engendrees au cerueau, ou mandees de tout le corps, ou de quelque membre particulier. Ces douleurs sont quelquefois continues: & quelques fois ont des paroxysmes, qui uiennent ou sans ordre, ou avec quelque ordre: & souuent tormentent de sorte, que le patient ne peut souffrir qu'on face bruit: qu'on parle haut: la clarte: l'odeur & le boire du uin: les choses odorantes: le mouuement de son corps, ou de sa teste, & cuide qu'on la luy perce & rompe avec un maillet. Donc aux fluxions & larmoyemens des yeux, à la migraine & douleur de teste uieille, qui ont leur cause d'une fluxion de sang chaud, bouillant, subtil, uaporeux, quand tous les autres remedes n'ont de rien seruy, l'incision des uaisseaux aux temples, & principalement des arteres, est un singulier remede: par ce qu'il retire du dedans au dehors, si la fluxion est interne: & si ell'est externe, luy coupe chemin. Tous s'accordent en la maniere de la faire. Estant faicte, Aëce y met de la charpie, avec un floc de laine trempee en eau froide, & bendage: le second iour il fait embrochation de uin & huile meslés ensemble: le troisieme il debende, & apres auoir usé de l'em-

brochation susdicté, il applique de la charpie trempée en eau-miel, continuant par apres ce remede iusques à ce que les fils tombent, & que l'ulcere soit du tout rempli de chair : en fin il la cicatrise avec l'emplastre de Cadmia, ou celuy qu'on nomme Emplastrum melinum. Leonides, estant la fluxion inueterce & conculquee en la partie, cauterisoit le dessus du front, & le petit coing d'iceluy, à l'endroit oic le sourcil se termine, avec un bouton de feu, qu'il nomme cautere pyrenoidé, & nous clauai, ou oliuaire se prenant garde de ne toucher le muscle temporel : si la fluxion estoit recente, serroit le col du patiét, marquoit d'encre les uaisseaux les plus apparents, & ayant raze le poil, les cauterisoit. Entre les remedes qu'on applique sur le front & sur les temples pour arrester la fluxion qui tombe sur les yeux, & qui ont esté nommés des anciens Anacollemata, Aëce n'en trouue point un plus excellent & singulier, que la cendre de la teste des uiperes avec la decoctiō des lupins amers.

Albucrasis, si pendant qu'on incise les arteres ou ueines aux temples, il surnient flux de sang, commande qu'on l'arreste avec un bouton de feu, ou bien qu'on remplisse de uitriol la diuision & ulcere du uaisseau, tenant le doigt dessus, iusques à ce qu'il soit arreste. & si on n'a ny le cautere, ny le uitriol pour s'en seruir, qu'on mette seulement le doigt dessus iusques à ce que le sang se caille, & du caillou bouche son issue : ou bien qu'on baigne le lieu avec d'eau la plus froide qu'il est possible d'auoir, qui nitigue la chaleur bouillante du sang, & le retient. Au reste il trouue meilleur & plus seur de cauteriser le uaisseau que de l'inciser : & à cela se sert d'un cautere de figure presque

presque circulaire, qui porte feu par deux boutons, forgez quasi en forme cultellaire à demy ronde, mais plus époïs que le tranchât d'un couteau, à fin qu'ils tiennēt mieux leur feu, separés l'un de l'autre par l'époisseur d'un doigt. Ayant marqué d'encre le vaisseau qu'il veut cauteriser, il imprime ce cautere embrasé iusques à l'os, & ainsi coupe & brule tout ensemble le vaisseau en deux lieux, qui se retirēt vers les extremités d'iceluy, & ne se peuuent iamais reioindre ou reunir.

La maniere d'inciser les vaisseaux au front, dictē en Grec *ῥοσφαισιμὸς*. CHAP. VI.

**L**E nom de ceste operation luy est donné de l'espece de l'instrument par lequel on la fait. Nous vsons de telle incision, pour arrester vn rheume chaud & abundant, qui tombe sur les yeux, & qui se cognoist, par ce que la face est fort rouge, & que le malade sent alentour du front, cōme si des vers ou formis remuoyēt & couroyent au dessouz de le peau. La maniere de proceder en ceste operation est: Apres auoir razé le poil du front, nous commandons au patient remuer la machoire inferieure, à fin que

Cautere double cultellaire d'Al bucrasis.



que nous gardions de toucher là où se voit le  
mouuement des muscles \* temporels, par les-  
quels ell'est principalement remuée: puis ayant  
fait trois incisions \* droictes au front, egalemēt  
distantes l'une de l'autre, qui ayent chacune de  
longueur deux doigts, de profondeur iusques à  
l'os, & separees l'une de l'autre par l'espace de  
trois doigts, nous iettons par dessouz la peau  
incisee vne \* spathule, commençans de l'inci-  
sion faicte à la téple gauche, & poussans vers  
l'incision faicte au milieu du front, en écorchāt  
& separant toute la peau qui est entremy, & le  
pericrane aussi, d'auec l'os. Puis derechef  
nous iettons semblablement la spathule en l'in-  
cision du milieu: la menans & auançans vers la  
troisieme: & ce faict, soudain nous mettōs dans  
la premiere incision le tranchāt d'un petit cou-  
teau \* long & estroit, de sorte que le costé du-  
quel il taille, soit tourné & appliqué contre la  
partie interieure & charnue de la peau, & le  
dos duquel l'instrument ne tranche point, soit  
posé sur l'os: puis on le pousse outre, iusques à  
l'incision du milieu, en coupant tous les vais-  
seaux qui de la teste descendent aux yeux, & ce  
iusques à la superficie exterieure de la \* peau.  
De mesme façon on conduit le couteau depuis  
l'incision du milieu iusques à la derniere, en  
coupant semblablement les vaisseaux: & lais-  
sant couler raisonnablement du sang, en pres-  
sant on fait sortir les cailloux dudict sang qui  
seroit pris & glacé: puis on iette dans chacune  
incision vne rente faicte de drapeau roulé &

\* qui reccint  
plusieurs nerfs  
& insignes,  
de la troisieme  
& cinquieme  
coniugetion  
du cerueau.  
\* tirant de  
haut en bas,  
& non de tra-  
uers.

\* qui soit pro-  
pre à cela, &  
faicte expres-  
sément, les  
Grecs la nom-  
ment *κορυμβο-  
μήτρα*.

\* les Grecs le  
nomment *κορυμβο-  
μήτρα*: il est sem-  
blable à nos  
canives, ou  
tranche-plu-  
mes.

\* car la peau  
du front par  
dessouz a des  
fillets charnus,  
comme un mu-  
sclé, tellement  
qu'on la diroit  
estre un mu-  
sclé desché.

tors: & doit-on tenir ces tentes prestes: & par dehors on applique vn linge en plusieurs doubles, bagné d'eau, avec bendage conuenable. Le iour suyuant on arrouse & bacin<sup>a</sup> de vin & d'huile meslez ensemble, non seulement les incisions & playes, mais aussi les muscles temporels, & les oreilles, pour empescher qu'inflammation n'y suruienne: le troisieme iour apres auoir defaict & leué le bandage, on reitere longuement & curieusement le bacinement susdict, puis mettant avec charpies dans les playes l'emplastre nommé<sup>b</sup> Basilicum, destrempe & dissolu en huile rosat: au reste on vse des remedes conuenables.

## ANNOTATIONS.

<sup>a</sup> Ce remede est dict en Grec *dividasiou*: on le feroit en ceste occasion avec d'huile rosat, qui appaise la douleur, conforte le membre, repercute & resout quelque peu: & de gros uin, noir & rude, qui repercute, deseché, resout, & conforte. <sup>b</sup> Cest emplastre au 7. liure chap. 17. est aussi nommé *Tetrapharmacum*, pource qu'il est composé de quatre simples meslés également, c'est assauoir, cire, resine colophonie, poix, & suif de taureau: il seche & absterge, on nettoye mediocrement: à raison dequoy il est sarco-tique: il cuit & meurit les superfluitez des playes & ulceres: il appaise la douleur, principalement estant destrempe avec huile rosat, cōme l'auteur cōmande.

Ceste operation & la subsequente sont ordonnees pour mesme fin, assauoir pour arrester & retenir une fluxion acre, chaude, & corrosiue, qui tombe sur les yeux, & est portee par plusieurs naissceaux profondement

fondemēt cachés & distribués par le pericrane. Mais pource que l'operation subsequente laisse une grande cicatrice ronde, qui est fort empechante & laide, aucuns ueulent plustost endurer & se presenter à ceste chirurgie, qu'à l'autre, combien que cest'operation ne soit si bonne & parfaite que l'autre. Le mot de Hypospathismus est pris du uocablé spathe, qui signifie un glaive trāchant: de ceste diction les Grecz en font un diminutif spathion, qui est instrument nommé aussi spathomele tel cōme seroit nostre spathule vulgaire, si elle n'auoit que la moitié de son extrēmité large: l'ayant toute, les Grecz la nomment Amphimelen. Et pource que les anciens usoyent d'une demispathule en ceste operation, pour separer le pericrane, par la substance duquel sont épanchus les uaisseaux qu'ils pretendoient inciser d'avec le tēs, ils l'ont nommee hypospathisme. Albucasis traicte cest'operation au chap. 4. liu. 2. par mesme mots que nostre auteur, excepté que plus particulièrement il la dit estre necessaire en une si grande & si brulante fluxion des yeux, qu'ils en sont extēuez, amoindris & pleureurs: la ueuë affoiblie: les paupieres ulcerées, & echaufes par l'acrimonie des larmes: le poil tombe d'icelles, tous lesquels signes nostre auteur recite au commencement du chapitre suyuant.

\* *κύπε* en Grec signifie la coupe de vne tace: & par ce que le tēs renuersé semble à la coupe d'une tace, voire que aucuns comme il se lit aux histoires, ont ben deslans, au lieu d'une tace, les Grecz le nomment *κύπε*: de là est pris ce mot de *κύπε*.

La maniere d'inciser la peau de la tace, dicté des Grecz \* *κύπε*.

CHAP. VII.  
**Q**Uand plusieurs uaisseaux & profonds enuoyent grande abondance de rheume aux yeux, nous faisons l'incision dicté Perisephismus. L'indisposition des yeux pour laquelle on fait cest'operation se cognoist, en ce que les



les patiens ont les yeux defaiçts, fondus, priez de nourriture, & petits, foibles & impuissans à regarder quelque chose: les coings d'iceux, rongez, les sourcils vlcerez: le poil desdicts sourcils leur tombe: ils iettent des larmes fort subtiles, acrés, cuisantes, & chaudes: ils sentent douleur vehemente, poignate, & transperçante au profond de la teste: ils esternuent souuent. En cest'operation premierement on rase la teste: puis se donnant garde de toucher l'endroit où lon voit le mouuement des muscles temporels, on fait vne incision trauersiere, commençant de la temple fenestre, & finissant à la dextre. l'incision tiree vn peu plus haut que le front, se doit terminer d'vne part & d'autre, là où ne se voit aucun mouuement des muscles susdicts: & la faisant, on doit bien se prendre garde de toucher & blesser la cousture coronale. Leonides veut ceste incision estre tiree par le milieu du front. Ayant decouert l'os, nous separons les \* bords de la playe avec tentes, ou plusieurs charpies, y appliquant bendage conuenable, comme cy-dessus a esté dit, la bacinons de vin & huile meslés ensemble. Apres le second appareil, qu'on aura changé & de fait le bendage, l'inflammation estant ia diminuee, & en declination, on racle \* l'os iusques à ce que la chair commencè à reuenir & renaistre: puis on traite la playe avec medicamens qui engendrent la chair, en ysant principalement de poudres sarcotiques, ou incarnatiues, quelle est la suiuatee composée de farine de froment, deux parts: de  
resine

\* τὰ χεῖλη,  
non τέλη.

\* pour ôter  
ce qui peut  
estre alteré de  
l'air, du medi-  
cament, & de  
la sanie.

resine <sup>a</sup> colophonie, vne part. La poudre nommee vulgairement <sup>b</sup> Cephalique, pource que l'est vtile aux fractures & playes de la teste, est de semblable vertu: comme est aussi le médicament <sup>c</sup> epulotique, ou cicatrisatif, faict de pierre ponce. L'operation susdicte apporte ce profit, qu'estant la peau condensee, & rendue plus epaisse par vne grande & grosse cicatrice, les orifices des vaisseaux sont bouchés, & cela empesche que le rheume ne tombe plus sur les yeux, comme il faisoit au par-avant.

## A N N O T A T I O N S.

<sup>a</sup> De Colophon uille d' Ionie s'apportoit le temps passé. la meilleure resine seche & liquide, qu'on peust trouuer, comme tesmoigne Dioscoride, & Galien au 2. & 7. liure de la compos. des medic. gener. à ceste cause on la nommoit Colophonie. nostre uulgaire Colophonie qui est espee de resine cuicte, en bonté, prix, & uertu seroit fort differete d'icelle. <sup>b</sup> Galien chap. 2. liure 3. & chap. 7. liure 6. de la Methode compose ce medicament de racine d'Iris, pousse d'encens, d'encens, aristolochie, farine d'ers, écorce de racine de panax, & cadmie lauee. <sup>c</sup> L'auteur mesme au 7. liure descriit l'emplastre de pierre ponce, & le dit estre cicatrisatif. Voyci la recepte, Huile de meurte, deux liures: cire une liure: pierre ponce brulee, & estamée en uin, six drachmes, ecaille de fer, dicte stomoma, six drachmes, cuiure brulé, terre cimolie, de chacun cinq drachmes.

Aeece uent cest operation estre faicte au dessus du front en l'antérieure partie de la teste nommee des Latins Sinciput: mais au dessous de la cousture tranuersiere

uersiere coronale, à fin qu'on ne coupe les attaches qui tiennent suspendue la grosse & dure membrane, & qui passent par ladicte cousture: cōmandant nommément tracer & marquer d'encre le lieu par lequel on meine le rasoir, tant pour euitier ladicte cousture, que les muscles des temples. Et si la fluxion se fait non seulement par les uaisseaux qui descendent du haut de la teste, mais aussi par ceux qui procedent des temples, il commande qu'outre l'incision trauersiere on en face deux d'auantage: une près de chacune temple, en forme de croissant, ou demitercle, qui commence à l'extremité de l'incision trauersiere descendant uers les sourcils & les temples, sans toucher à leurs muscles, & s'auancans de leurs pointes tournées en dedans, iusques au milieu du front, de sorte que ceste figure ressemble à la lettre *C*.

Ces deux incisions faictes on met dedans des tentes, & fait on les mesmes choses qu'auōs dit deuoir estre faictes en l'incision trauersiere. Les Ethiopiens, à ce qu'on dit, incontinent que leurs enfans sont uenus au monde, par ce



**Periscyphif  
mos d'Aëce**

**A** L'incision  
trauersiere,  
**BB** Les deux  
incisions  
tournées en  
dedans,

qu'ils sont subiects aux rheumes des yeux, leur usent du periscyphisme, & leur font ceste incision trauersiere de laquelle a esté parlé. Albucrasis la décrit semblablement que nostre auteur chap. 5. liure 2.

Nous auons ia traité (dit Celse) de la fluxion pituiteuse & subtile qui tombe sur les yeux, en tant qu'on y procede par medicamens. Maintenant ie parleray des fluxions qui requierent l'operation manuelle. Nous uoyons quelques uns n'auoir iamais les yeux secz, ains tousiours mouillés d'une humeur subtile, \* qui leur cause une continelle asperité : pour legiere occasion excite inflammation & \* lippitude: en somme tourmente le patient pour toute sa uie. En d'aucuns ce mal est curable : en quelques uns il ne se peut guerir par aucun remede : & faut cognoistre ceste premiere difference, à fin qu'à l'un on remédie, à l'autre on ne mette point la main. Premièrement la curation est inutile & uaine, à ceux qui ont ce mal d'enfance. Car necessairement il leur dure & perseuerer iusques à la mort. Apres la \* curatiō n'est point necessaire quād la fluxion pituiteuse n'est point abondante, mais acre, En ce cas l'operation manuelle ne proufite de rien, ains les malades guerissent par medicamens & regime qui engrossissent l'humeur \* pituiteuse. Les testes grosses & larges à peine iamais recoiuent proufit de la medicine, Dauantaige il y a grande difference par quelles ueines la fluxion se fait, ou par celles qui sont entre le tés & la peau de la teste: ou par celles qui sont entre le tés & les membranes du cerueau. Les premieres qui sont au dessus du tés, abreuent l'œil par les temples: les secondes qui sont au dessous, enuoyent la fluxion par les

memb

\* acre & chaude.

\* c'est l'ordure blanche qui sort de l'œil, & quelques fois tient les paupieres jointes ensemble, cōme de colle. Les Lyonnois la nomment pi quarne.

\* faite par chirurgie.

\* corrigent & temperent son acrimonie & subtilité.

membranes qui du cerueau uont aux yeux. On peut remedier quand l'humeur flue par les ueines qui sont au dessus du tés, mais non quand ell'est enuoyee par les ueines, qui sont au dessous d'iceluy. Il n'est aussi possible de secourir \* ceux ausquels l'humeur \* par chirurgie. flue par les ueines du dessus & du dessous tout ensemble. Car ayant soulage une partie, l'autre neantmoins donne facherie & ennuuy. On cognoist par ce moyen quelles ueines portent & conduisent la fluxion. Apres auoir rasé la teste on applique depuis les sourcils iusques au faist d'icelle un des \* medicamens \* Les Anciens les nomment *Ana collemata*. qui arrestent & retiennent la fluxion pituiteuse, quand en l'oeil y a lippitude. Si par l'application de ce medicament les yeux se seichent, cela monstre que la fluxion tient son chemin par les ueines exterieures: si pour ce medicament ils ne cessent point d'estre humides & pleureurs, c'est signe que la fluxion descend par dessous le tés. Si les yeux sont encor humides, mais moins qu'au par-auant, c'est indice que la fluxion est exterieure & interieure. A la plus part des malades la fluxion est exterieure: & à ceste raison, à plusieurs d'iceux peut-on donner secours, comme est la coustume non seulement en Grece, mais aussi aux autres nations: de sorte que nulle partie de la \* medicine n'est plus commune & diuulguee, entre \* de la chirurgie. plusieurs regions & peuples, que celle qui remedie à ceste indisposition. En \* Grece ils se sont trouuez \* Ceste operation pourroit estre au lieu de ce que nostre auteur nomme *hypophthalmismus*. des medecins qui font neuf incisions en la peau de la teste: deux en droicte ligne sur la posterieure partie de la teste, & par dessus icelles une trauersiere; deux \* au dessus des oreilles, & une trauersiere par dessus icelles: trois droictes entre le sommet de la teste \* droictes.

\* Cest operation est le Periscyphisme de nostre auteur.

Et le front. Aucuns \* font une incision droicte sur l'antérieure partie de la teste nommée Sinciput, depuis une temple iusques à l'autre: & ayant cogneu les chefz des muscles des temples, en observant leur mouvement, incisent legierement la peau au dessus d'iceux: puis écartans les bords de la playe avec des crochets mouces, iettent entremy de la charpie, à fin que les anciens bords de la playe ne se reioignent point. & qu'au milieu croisse une \* chair qui reserre les veines par lesquelles l'humour flue aux yeux. Aucuns tracent d'encre deux lignes: l'une du milieu \* de l'oreille dextre, qui se rend au milieu de l'oreille senestre: l'autre qui va du nez au faist de la teste: & là où ces \* deux lignes se croisent, & rencontrent, font incision avec le rasoir: puis ayant laissé sortir du sang, cauterisent l'os: & outre ces incisions cauterisent d'un fer chaud les veines apparentes & eminentes entre le front & les temples. La plus usitée & fréquente curation est, cauteriser les veines des temples, lesquelles en ce mal pour la plus part sont enflées & tumides: neantmoins pour les enfler & faire apparoir d'avantaige, avant l'operation on serre & lie doucement le col: puis avec des ferremens subtils & mouces, on cauterise les veines iusques à ce que la fluxion \* pituiteuse qui charge l'œil, soit arrestee. Quand elle s'arreste, cela nous assure, que le chemin qu'elle tenoit, & par lequel elle couloit, est estouppé. Si les veines qui la portent, sont profondes, cachees & subtiles, de sorte qu'on ne les peut choisir & recognoistre, l'operation est un peu plus violente. Il faut bander & serrer le col, comme a esté dit, faisant retenir l'alcine au patient, à fin que les veines sortent & se

\* comme une cicatrice.

\* Ceste ligne du milieu de une oreille va par le faist de la teste au milieu de l'autre. \* En cest operation faut bien auiser de ne toucher la costure sagittale ou coronale.

\* Il appelle Pituite une humeur serense & subtile, acre, chaude, & corrosive.

Et se montrent mieux en dehors : puis les marquer d'encre sur les temples, & entre le front & le faist de la teste. Ce fait, on lache & delie le col, puis on incise les ueines, à l'endroit où elles sont marquées, en laissant couler le sang : & en estant sorty assez, on les cauterize avec des ferremens subtils à l'endroit des temples, sagement & discrettement, à fin que les muscles situez au dessous, qui remuent & contiennent la machoire, ne sentent le feu : à l'endroit du front & du faist de la teste, hardiment, sans doute, & si fort, que l'écaille se separe de l'os. L'operation des Africains est encor de plus grand effect. Ils cauterisent le tés en la sommité de la teste, de façon que l'écaille s'en lue. Mais la meilleure procedüre est celle qu'on tient en la \* Gaule Cheuelue, où ilz coupent & serrent les ueines aux temples, & en la superieure partie de la teste. Nous auons ia declaré comme il faut curer les parties cauterisees. Maintenant ie diray d'auantaige, qu'il ne se faut point haster de faire tomber la crouste : ny de remplir l'ulcere, quand on a cauterizé les ueines, à fin qu'il n'aitenne flux de sang, ou qu'on ne supprime & arreste trop tost l'euacuation de la matiere purulente. Car tirant l'ulcere & iettant longuement, l'œil se deseché : & n'est utile ou besoing luy oster son nourrissement \* par un flux de sang immodéré. Toutesfois s'il y auient, on y applique les medicamens qui sans faculté caustique le retiennent. En la curation des uarices des iambes ie declareray comme il faut choisir & remarquer les ueines qu'on uent couper, & ce qu'on doit faire apres les auoir remarquées.

\* Ainsi nous voyent ilz la partie de la Gaule qui est entre les Alpes, & principalement en la Lombardie, par ce que les habitans nourrissoient leur perruque, & ne se faisoient iamais tondre. Ceste operation est l'Angeologie des Grecs.

\* D'où s'en suit emaciation & consommation de l'œil et de la face, ngē arropia.

La maniere de rehaücer & renuerfer par cousture la \* paupiere superieure, & d'autres telles operations. CHAP. VIII.

\* *Albucasis* chap. xi. liure 2. nomme cest'operation *tachmir*. les Grecz l'appel *ἀναρράσιν*.

\* *Aëce* nomme d'un vocable general toutes ces trois affections auxquelles le poil pique l'œil, *τριχίασις*.

\* cōme nous voyons en la terre que l'abondance d'eau engendre beau coup d'herbe.

*Aëce*.

\* Les Grecz le nomment *Tarsus*, les Latins *Ciliū*, du verbe *cillere* mouuer: c'est l'extremité & bord de la paupiere d'oü naist le poil, & comme dit *Pline*, *extremus ambitus genæ superioris*, unde *supercilium*.

**L**E double rang des poils aux cillons des yeux, que les Grecz nommēt \* *διτρίχιασις*, est vne sortie de poils vitieuse, & contre nature, outre le rang de ceux qui naturellement croissent en la paupiere. La cause d'ou procede ce mal, est vne disposition rheumatique, entreteneue d'humeur affluente, qui est certes \* abondante: mais sans aucune acrimonie, cuisson, ou mordication. Car si l'humeur estoit acree, salee, ou en quelque sorte cuisante & mordicante, sejourant & s'arrestant en la paupiere, elle gasteroit & corromproit le poil qui naturellement y est produit. En ceste maladie nous vsons quelque fois de coudre ceste paupiere superieure, ce que les Grecz nomment *ἀναρράσιν*: quelquefois aussi nous en vsons en la maladie appelée des Grecz *καταγγρασις*, qui se fait, quand le cillon \* se baïsse & incline au dedās de l'œil, & avec luy se tourne aussi le rang du poil: outre ces deux occasions, nous en vsons d'auantage estant la paupiere relaxee, quand le poil naturel à cause de ladicte relaxatiō pique la prominēce de l'œil, que les Grecz nomment *βολβόν*. Pour executer cest'operation, nous faisons asseoir le malade en vne chaire, droit \* vis à vis de nous, ou à la main fenestre, puis nous renuerfons contremont \* la paupiere, en prenant

\* Contre la clarté du iour. *Aëce*. \* Avant que faire cela, on doit premierement marquer avec un collyre noir, ou avec vne incision superficielle la superfluité de la peau, à fin qu'on n'en coupe ny plus ny moins qu'il est le poil



le poil, s'il est long & facile à prendre, par l'indice & pouce de la main gauche: & s'il est trop court, nous passons vne eguille enfilee au milieu du cillon, la tirant du dedans au dehors: & hausant la paupiere de la main gauche, par le moyen & attraction du filet, & l'ayant redoublée en derriere, de la main dextre, nous la renuersons avec le bouton d'une éprouuette: puis au dessouz d'icelle nous faisons incision sur le cillon, qui prend depuis le grád coing de l'œil, iusques au petit, & plus au dedans de la paupiere que ne sont les poils qui piquent. L'incision faicte par dessouz, & ayant retiré le fil, avec le pouce de la main gauche, on iette souz la paupiere vn petit drapeau double, pour la tenir haute, & met-on d'autres petits drapeaux doubles en l'extremité des deux coings, commandant au seruiteur qui est debout derriere du malade, que sur lesdicts drapeaux il estende la paupiere, & avec vn petit rasoir, faict expres pour ceste operatiō, à raison dequoy les Grecz le nomment ἀναρραζικὸν σμιλῖον, premierement nous faisons par dehors sur icelle vne incision droicte cōme vne fleche, à cause dequoy on la \* nōme ὀβελιαίαν, vn peu plus haut que le poil naturel, qui préd depuis vn coing de l'œil iusques à l'autre, & si peu profonde que la peau seulemēt soit diuisee & \* entamee. Apres ceste incision nous en faisons vne secōde courbe en forme de croissant, les Grecz la nōmēt μυχροειδῆ: & là cōmençans au lieu mesme où a cōmencé l'incisiō droicte, nous la tirōs si haut qu'il est de

de besoing: on doit aussi faire au milieu du cillon vne marque de mesme sorte. *Acce.*

\* comme aussi les anatomi-  
stes appellent  
la cousture  
droicte du tés,  
que vulgaire-  
ment nous di-  
sons Sagittale.  
\* car qui pro-  
fonderoit da-  
uantaige, on  
blesseroit les  
muscles, fai-  
sans le mouve-  
ment de la  
paupiere.

besoing pour comprendre & enclore toute la peau que cuidés estre superflue, & la finissons au lieu mesme où se termine la droicte. la peau cōprise & enfermee entre les deux incisions a figure de feuille de meurte. Avec vn crochet nous perçons l'angle & bout d'icelle, qui est vers nostre main dextre, & ecorchons toute sa pellicule exterieure ou superficielle: puis auoir essuyé d'une esponge les rayes & taillades faites en écorchât, nous ioignons & cousons ensemble les bords de la playe avec trois ou quatre points d'eguille, commençans au milieu de l'incision, en passant & menant ladicte eguille de l'incision droicte & inferieure, en la courbe & superieure. Le fil dequoy se fait la cousture doit estre de laine: & si ne faut couper ce qui est superflu dudict fil pres des poinçts: ains le laisser pendre à la longueur de trois doigts, à fin que souleuās ceste reste, on la colle sur le front, avec quelque emplastre visqueux & glueux: & s'il y a quelque poil de la paupiere trauersé dans les points, nous le deliurons & iettōs dehors avec la pointe de l'eguille. Ceste operation est la plus commune & seure de toutes. Aucuns ne veulent & ne permettēt qu'exterieurement on écorche la peau comme a esté dict: & à ceste cause, faicte l'incision au dedans & dessouz de la paupiere, avec vnes tenailles ou pinceites accōmodees à la rondeur & figure de la paupiere, que pour cela on nomme en Grec \* *ἐλεφανοειδὲς τοχον μάδιον*: ils souleuent la paupiere, tranchent & incisent avec vn petit rasoir la peau qu'ils pensent estre superflue, puis

\* Monsieur  
Paré en sa  
Chirurgie mō-  
stre vn instru-  
ment de mes-  
me vsage, pro-  
pre à tenir  
l'œil ferme,  
qu'il nōme Di-  
latatoire.

font les points d'éguille, cōme nous auōs dict.  
 Or si le poil pique seulement en quelque partie de la paupiere, & non en toute, en ce seul endroit l'operation doit estre faicte. Apres l'operation, on iette sur la peau des petis drappeaux doubles, mouillés en eau & vinaigre meslés ensemble, avec bandage conuenable, lequel sans le délier & defaire, on baigne & arrouse semblablement avec vinaigre fort detrempe en grande \* quātité d'eau, iusques au troisieme iour, lequel passé on defait ledict bandage, & coupe ce qui restoit du fil, puis on oingt les paupieres tout alentour de safran, ou de glaucium, ou de quelqu'un des collyres empêchant l'inflammation, cōme est le collyre composé de roses & safran, nommé \* crocinū Diarrhodon: & si les paupieres sont ia inflammees, on applique dessus quelque emplastre mol, ou bien on mitigue & apaise l'inflammation en instillant quelque remede liquide, comme est le lait, & le blanc d'œuf. Si les poinçts se lachent, il les faut couper, & reserrer. L'ay cogneu quelque maistre qui apres auoir ecorché la paupiere, ne faisoit point de cousture: ains vsoit seulement de medicamens cicatrisatifz. Par ce moyen estant la playe cicatrisée, la paupiere petit à petit s'eleuoit contremont, & contraignoit le poil de se tourner en dehors. Vn autre maistre n'ecorchoit point la paupiere, & ne faisoit les deux incisions exterieures au dessus d'icelle: ains ayant seulement fait l'incision au dessous & dedans icelle, il hauçoit avec les

\* à fin qu'il seiche moins, & tienne son humidité plus longuement.

\* La composition de ce collyre est: Spica nardi, roses seiches, aloës, opium: de chacun deux drachmes: sem. de insquiane blāc vne drachme & demye: safran quatre drachmes & demye, glaucium, sarcocolla, de chacun six drachmes, tragacāt. vne once: on le forme avec eau de pluye.

doigtz, ou avec vn crochet le pli de la paupiere, puis apliquât deux astelles de cane, ou deux petites lames de bois, de la lógueur de la paupiere, larges comme vne lancette estroite, il pinçoit & prenoit entredeux toute la peau superflue, puis les serroit & lioit par leurs deux bouts: ainsi toute la peau posterieure ne receuant aucun nourrissemēt, à ceste cause se mortifie, & en l'espace de dix ou quinze iours au plus, tombe avec les astelles, ou lames de bois, n'y restant presque aucune cicatrice.

\* τὸς πλά-  
noit petites la-  
mes de bois: l'in-  
terprete d'Al-  
bucrasis dit,  
fac arte duas  
cannas vel  
duo ligna sub-  
tilia.

\* noircit, &  
pourrit. Al-  
bucrasis.

\* Si elle de-  
meure trop à  
tomber, Al-  
bucrasis l'in-  
cise par dessus  
les astelles.



Dilatatoire  
des palpebres  
pour tenir  
l'œil ferme en  
abbatant la  
taye, ou ostāt  
autre chose  
estrange: in-  
strument ex-  
cogité de noz  
practiciens.

## ANNOTATIONS.

Le poil blesse l'œil en trois sortes. La premiere quand il uient en un rang double, & de surcroist, au dedans de la paupiere: les Grecz la nomment *Distichiasis*. La seconde, quand sans relaxation de la paupiere le cillon avec le poil qu'il porte se tourne au dedans de l'œil, de sorte que le poil est caché, & ne se uoit point si on ne separe & hauec fort la paupiere: les Grecz la nomment *Phalangosis*. La tierce quand estant relaxee la paupiere, le poil tombe sur le rond de l'œil & le pique: les Grecz la nomment *Ptofis*: & d'un uocable general appellent toutes ces trois sortes *Trichiasis*. Les medecins ont excogité diuers remedes, & diuerses procedures en ceste maladie. Premièrement, aucuns redressent le poil tourné dedans l'œil, & le collent au dehors & dessus de la paupiere, ou avec la salie glueuse d'une limace: ou avec de mastic appliqué avec une éprouvette chaude, ou avec quelque espece de colle destrempee. Secondement, aucuns arrachent le poil renuersé dans l'œil avec des pincettes: car il n'y a ordre pour la prochaineté de l'œil, de l'abbatre avec *psilothre caustique*: & l'ayât osté, pour empescher qu'il ne reuienné, y appliquent diuers medicamens: les uns composez de choses froides au quatrieme degre *pyncotiques* & *condensati-*



Petit caute-  
re pour les  
palpebres,  
quand les  
poils sont  
renuersez  
dedans.

ues des conduits de la peau par lesquels sort la matiere du poil, comme la graine de cigue, & de psyllium: les autres composez de choses qui ont particuliere uertu d'empescher la regeneration du poil, comme les œufz de formy, terra merita, le fiel du veau, & du pourceau: le sang de toutes les especes des grenouilles, & principalement des uerdes qui chantent dans les buissons: mais entre tous y est singulier le medicament d'Archigenes, composé de Castoreum, fiel & sang d'herisson, autant de l'un que de l'autre. Tiercement aucuns par manuelle operation releuent & renuersent la paupiere en dehors: & ce en plusieurs manieres: les uns avec caustique, comme l'auteur declare au chap. suyuant: les autres avec incision, excoriation, & cousture de la paupiere. Albucasis en son Arabesque nomme ceste operation Atachmir. Les autres par excision de la peau superflue & cousture: les autres par incision & excoriation, sans cousture: les autres avec des astelles. Aëce declare fort amplement la plus commune operation qui se fait par incision, excoriation, & cousture. Pour coudre la paupiere par dessus, il faut (dir il) que le malade soit assis à la gauche du chirurgien, plus bas que luy, & en une belle clarté de iour. Il faut auoir deux seruiteurs, sauans à ce mestier, qui soyent debout aupres de luy, l'un par derriere & l'autre à costé. Le chirurgien auant toute chose marque d'encre, ou de quelque collyre noir, ou par une petite & superficielle incision, combien y a de superfluité en la peau ridee de la paupiere qui doye estre couppee, à fin qu'il n'en tranche ny plus ny moins qu'il faut. Car en coupant moins, la paupiere se lache de-  
reches,

rechef, & le poil pique l'œil comme au par-avant: en coupant trop, le malade tombe au vice nommé Lagophthalmie. Il faut aussi faire une marque \* au milieu de la paupiere iouxle le cillon. Ces marques faites, au dessouz de la paupiere, outre & plus en dedans que les poils extr'ordinaires & uicieux, on fait une incision, à fin qu'ils se renuersent en dehors, uers les naturels. Quelque fois nous faisons ceste incision sur la racine mesme des poils uicieux, quand ils sont par trop enracinez, à fin que la cicatrice qui y succede, les empesche d'y reuenir. On peut aussi faire deux incisions en cest endroit: l'une outre & plus en dedans que les poils uicieux, à fin que le cillon se renuerse en dehors: l'autre sur leur racine \* mesme. Ces incisions qu'on fait au dessouz de la paupiere, doyuent estre profondes, & aller depuis un bout du cillon iusques à l'autre. Cela fait renuerser plus aisément la paupiere en dehors, & la rend plus legiere à se releuer. Les incisions faites, on plie en double & en forme triangulaire deux petis drapeaux, desquels on met l'un iouxle le grand coing de l'œil, & l'autre iouxle le petit. Le seruiteur qui est derriere le malade, appuye les deux pouces de ses mains sur ces deux drapeaux, & tout d'un effort estend la paupiere, iettant l'indice au dessouz d'icelle, à fin qu'elle soit également tendue: ce qu'on cognoist à la marque du milieu, quand elle se trouue en sa place, c'est-à-dire au milieu de la paupiere. L'auoir estendue, au dessouz d'icelle, iouxle le cillon par dehors, on fait premierement l'incision droicte ou sagittale: car qui feroit premierement l'incision oblique & superieure, le sang coulant d'icelle contrebas empescheroit

\* cy-apres il en dira l'usage.

\* pour l'intention n'agueres declaree.

l'operation. En apres on fait la seconde & superieure incision en forme de croissant, qui commence en bas au grand coing, & môte en haut iusques au droit de la marque faicte au milieu de la paupiere, & de là descend iusques au petit coing: & doit estre ceste incision superficielle, à fin qu'on ne blesse point les muscles situez au deffous de la peau: & lors le scruteur qui est à costé du malade, doit estendre la paupiere \* par dessus, pendant que le maistre iette un \* crochet sur l'eguillette de la peau incisee, commencât du petit coing en l'œil gauche, du grand au dextre. Tenant son crochet sousleué en la main gauche, de la dextre avec un petit rasoir faict expres pour cela, il écorche l'eguillette de la peau incisee, se dōnant garde de n'aller trop profond, à fin de ne blesser les muscles, qui causeroyent par leur blesseure une relaxation incurable de la paupiere. Ayant ecorché & emporté l'eguillette de la peau, il faut coudre la playe pour retirer contremont la paupiere. Le premier point d'eguille se fait au milieu de la playe: puis en chaque costé on en fait deux autres, qui sont cinq en tout. La cousture faicte, on renuerse & rehauce doucement la paupiere iouxte les incisions faictes par deffous, puis on y applique une compresse de grandeur proportionnee, qui soit oincte de quelque médicament \* glueux, & sur les incisions exterieures on applique de petites compresses abbreuees d'un médicament qui ayt uertu d'empescher l'inflammation: en apres on applique sur tout l'œil de la laine trempée en blanc d'œuf, avec bendage. Et pource que la fluxion abondante, acre, & salee, fait tomber le poil naturel, endurecit le bord de la paupiere, fait croistre le poil

\* Comme l'autre seruiteur l'estend par deffous.

\* Albucrasius la sousleue avec trois, ou separez l'un de l'autre, ou qui tiennent tous trois à un manche, & incise la peau superflue avec des ciseaux petis & bien tranchés: qui est une plus gentile industrie & plus facile à exécuter.

\* pour tenir ferme la paupiere, qu'elle ne se renuerse plus en dedans.



le poil extr'ordinaire, & uicieux, à raison dequoy il est mal aisé de renuerser la paupiere en dehors, il sera bon passer, par le milieu du cillon \* une eguille enfilee de quelque fil robuste, à fin que tirant le fil contremont, on puisse avec l'eprouuette renuerser la paupiere, comme est de coustume, & faire les incisïos par dessouz comme a esté dict. Les poils de la paupiere (dit Celse) piquent & irritent l'œil en deux manieres: l'une par ce que le dessus de la peau en la paupiere superieure se relaxe & tombe: à raison de quoy le poil se tourne dans l'œil, par ce que la chartilage ne se relaxe & ne s'abbaisse point comme la peau. L'autre maniere est, que sous le rāg naturel des poils il en croist un autre, qui se tourne incontinent dedans l'œil. La curatiō est: s'ils naissent des poils qui n'y doyuent pas estre, il faut mettre au feu & embraser une eguille de fer, subtile, large par le bout, cōme le fer d'une \* iaculine: & cōm'elle sera toute rouge, on hausse contremont la paupiere, de sorte que l'opérateur puisse uoir le poil uicieux, & lors il applique son fer chaud sur la racine des poils, commençant du coing de l'œil, iusques à ce qu'il passe & penetre la troisieme partie de la paupiere. Ce faict il mene son fer plus outre en long, & puis plus outre, iusques à ce qu'il paruienne à l'autre coing. Par ce moyen toutes les racines des poils cauterisees meurent. Apres l'operation on applique un medicament qui empesche l'inflammation: & quand la crouste

\* du dedans au dehors. Albucrasius la passe en trois lieux, l'un au grand coing, l'autre au petit: & le troisieme au milieu: soulevant la paupiere egualement par ces trois fils, pour commodement faire l'operation.

\* à fin qu'on puisse cauteriser des deux quarres. Ceste eguille faicte à quarres, porte plus de sens qu'une simple, & avec ses quarres s'insprime & enfonce mieue



est

est cheute, on cicatrise l'ulcere, qui se guerit & consolide fort aisément. Aucuns ueulent que iouxte le poil uicieux on passe du dedans de la paupiere au dehors un'eguille enfilce d'un cheueu de femme mis en double: & l'auoir passée, qu'on iette le poil uicieux dans l'anse du cheueu, qui est où il se double, & que par ceste industrie on tire le poil en l'exterieure partie de la paupiere, sur laquelle on le colle, appliquant quelque medicament sur le trou fait de l'eguille, qui le bouche & conglutine. Par ce moyen (disent ils) le poil uicieux est retourné en l'exterieure partie. Mais premierement cela ne se peut faire, si le poil uicieux n'est long: & pour la plus part, celuy qui croist extraordinairement au cillon, est court. D'auantage, s'il y a beaucoup de poils, necessairement le tourmēt de percer la paupiere sera long: & si on uent passer l'eguille autant de fois qu'il y a de poils, la douleur & la peine excitera grande inflammation. Outre ce, qui est la derniere consideration, ueu qu'en ce mal y a tousiours de l'humidité superflue, pource que l'œil au par- auant estoit offensé du poil qui le piquoit, & après est irrité à cause des trous qui se font en la paupiere: pour ceste raison à peine se peut il faire, que la colle qui tient le poil attaché ne se deface: quoy auenant, le poil retourne là d'où on l'a renuersé & retiré. La curation de la paupiere relaxee qui est practiquee de tous, n'a doute aucun. Faisant serrer l'œil, on prend avec les doigts la paupiere, soit inferieure, ou superieure: & la souleuant on considere combien il en faudroit oster pour la reduire en sa grandeur naturelle. Car il y a deux dangers, l'un, si on en coupe trop, que la paupiere ne puisse apres

courrir l'œil: si on en coupe moins qu'il ne faut, que ne soit peine perdue, & que sans prouffit on ayt fait l'incision. Cecy consideré il faut marquer d'encre, & tracer deux lignes, à l'endroit où l'on ueut faire l'incision: de sorte qu'en l'inférieure partie de la paupiere qui soustient le poil, & à l'endroit de la ligne qui se fait en icelle, on laisse entiere quelque portion de la peau, que par apres, l'eguille puisse empogner. Toutes ces choses ainsi drecees, il faut operer du petit rasoir: & si la paupiere du dessus est offencee, premierement on fait l'incision la plus prochaine du poil: si l'inférieure, on la fait la seconde: commençant en l'œil gauche, du coing qui \* est pres de la temple: en l'œil dextre, du coing qui est pres du nés: & tranchant la peau qui est comprise entre les deux lignes marquees. En apres on ioint les deux bords de la playe avec un seul point d'eguille: puis on commande au malade qu'il ferme l'œil: & si la paupiere ne descend assez bas pour le couvrir, on lâche le point: si elle descend trop bas, ou il faut reserrer le point, ou couper encor une petite liste \* du bord de dessus. L'ayant coupee, il faut d'auantage faire d'autres points: & tous ensemble ne doyuent estre en plus de nombre que trois. Outre ce, estant le mal en la paupiere de dessus, il faut faire au dedans & au dessous du poil une incision en ligne droite, à fin que le poil rehaucé se tourne contremont. Ceste incision seule peut assez defendre & contregarder l'œil d'estre piqué du poil, si l'inclination du poil au dedans d'iceluy est petite. En la paupiere inférieure il n'est besoing de faire ceste incision. L'operation faicte on applique une éponge trempee en eau froide, & pressee, avec

\* du petit rasoir

\* car qui couperoit d'auantage au bas, on ne trouueroit assez de peau, pour planter l'eguille.

bendage. Le iour suyuant on y applique un emplastre glutinatif. Le quatrieme iour apres auoir osté la cousture, on oingt la partie d'un collyre qui empeche & reprime l'inflammation.

La maniere de cauteriser les paupieres. CHAP. IX.

**T**ous les anciens, pour le faire coust, ont blasmé & refusé de cauteriser les paupieres avec ruptoire, par ce que l'acrimonie de tel médicament offence l'œil, & qu'estant faicte la cauterisation outre mesure, il succede vne maladie nommée des Grecz τὰ ἴαλα γὰρ ὁ οὐδὲν ἔστιν ἐν αὐτῇ, en laquelle demeurant tousiours la paupiere ouuerte, la veuë pour bien petite occasion & legere cause est blessée. Mais pource que plusieurs estans ordinairement & incessamment piquez du poil des yeux, souuètesfois n'ont pas mesme le courage d'ouïr parler de la cousture susdicte, & nous importunét d'y remedier malgré nous, cōme forcez & contraincts, & n'ayās autre moyen d'y pourueoir, nous vsons & employons le ruptoire, duquel la composition & recepte est telle: Pren de chaux, deux parties: saun de France ou cōmun, deux parties: quelques vns aioustent \* d'aphronitrum, quatre parties: auoir broyé le tout, on l'incorpore avec de lexiue commune, ou de lexiue de saun, ou de lexiue faicte de cédre de chesne, ou de figuier, & avec l'yrine d'un ieune garson qui n'a point hanté les femmes: puis avec le bouton d'une éprouette on l'applique sur la paupiere en figure d'une feuille de myrte, cauterisant autant de

\* Cela veut dire le mal qui rend tousiours l'œil en uertu comme il est aux heures,

\* nostre Salpêtre gras est de mesme ou semblable vertu & faculté que l'aphronitrum,

la peau, que nous auons dit en deuoir estre osté & écorché, quand on veut coudre la paupiere. A la premiere application si la peau n'est suffisamment brulée, nous effuyons & leuons le ruptoire avec vne esponge, & pour la secôde fois y en appliquons vn autre, lequel permettons & laissons y demeurer iusques à ce que la peau noircisse: & si lors elle ne deuient noire, pour le troisiéme coup nous y appliquons encor le ruptoire. Estant noircie, brulée, & au reste surpri-  
 se d'vne crouste, nous osons le ruptoire en le  
 \* lauant, & iusques à ce que la crouste tombe,  
 nous vsons de fomentatiôs & \* lauemens: apres  
 estre cheute. ladiète crouste il faut cicatrifer l'ul-  
 cere avec plumaceaux faicts de charpie raclee,  
 & collyres doux qui ne soyent point violens  
<sup>a</sup> ny douloureux.

\* avec eau  
 tiede.

\* de la deco-  
 ction de mal-  
 uë, guimauue,  
 violette: & au-  
 tres choses sem-  
 blables, qui en  
 humectât sans  
 cheoir la crou-  
 ste.

## A N N O T A T I O N S.

<sup>a</sup> Cela dit il à raison de ce que les medicamens ca-  
 theretiques douloureux, estans appliquez en petite  
 quantité, aucunes fois cicatrisent les ulceres & sont  
 appelez, mais improprement, cicatrisatifz. Voy Ga-  
 lien chap. 16. liure 5. des Simpl.

<sup>a</sup> De ceux que les Grecz nomment λαγοφθαλμος,  
 comme si nous disions œil de lieure.

## CHAP. X.

**L**Es Grecz nôment λαγοφθαλμος ceux qui  
 ont la paupiere superieure retiree contre-  
 mont, & tousiours ouuerte. Ceste imperfection  
 viét ou de nature, ou par cicatrice d'vne playe,  
 ou vlcere: & ce, ou se faisant l'vlcere \* de soy-  
 mesme, ou apres auoir rehaucé la paupiere par

\* cômme apres  
 vn charbon.  
 Sice.

cousture:ou apres l'auoir cauterisee indiscretement, comme auons dit n'agueres, si la paupiere a esté trop atteinte & brulee du ruptoire. Quand ce vice est accidentalement venu par cicatrice, en tel cas seulement on le peut corriger & rabiller mediocrement, pourueu que la paupiere ayt suffisante & raisonnable épaisseur. Il faut inciser & diuiser la cicatrice, puis avec charpie separer les bords, & la tenir tousiours ainsi bendee, iusques à la fin de la curation, en vsant de remedes non desiccatifz, ains relaxatifz & composez de choses grasses & vntueuses, comme est vne fomentation de la muillage de fœnugrec, & l'oignement Basilicum, composé de quatre \* simples, appliqué sur charpie.

\* Voy la recepte aux annotations du chap. 6.

#### AN NOT A T I O N S.

On appelle Lagophthalmos ( dit Aëce ) le prenât de Demosthenes, ceux qui ont la paupiere superieure retiree, & en dormant l'œil ouuert, comme les lieures. Ceste maladie se fait aucunesfois pour auoir en la cousant trop retiré la paupiere superieure, de sorte qu'elle ne peut couvrir l'œil: aucunesfois de quelque ulcere precedente, faicte sans artifice, comme apres un charbon. La \* curation se fait par une incision en forme de croissant, tiree sur toute la cicatrice, de maniere que la circonference d'icelle soit en haut, & ses pointes se terminent en bas pres du cilion. On separe les bords de l'incision ou playe, avec de la charpie raclee, à fin que la paupiere s'abaisse, & retourne égale à sa naturelle figure & grandeur. Si la cause de ce vice est pour auoir indiscretement cousu

la

\* En ceste seconde cause: quand le vice procede d'une grosse cicatrice engendree en l'ulcere.

la paupiere, au lieu où elle est retiree on fait l'incision, à fin que pareillement elle se lâche & abbaïsse. En ceste curation il ne faut point user de medicamens siccatifs, ny d'eau-miel : ains appliquer l'oignement dict Tetrapharmacum, & faire embrochation avec la mucillage de scœnugrec : somme, toute la procedure doit estre faicte avec medicamens gras \* & laxatifs. En incisant la paupiere superieure, pour apres la coudre, quelques fois il auient (dit Celse) qu'on coupe trop de la peau, & qu'à ceste raison l'œil est decouvert : ce qui uient aussi pour autre cause. Les Grecz nomment ce vice Lagophthalmum. S'il manque trop de la paupiere, il n'est possible par curation & operation aucune la restituer. S'il en faut peu, on y peut remedier. Il faut inciser la peau un peu au dessous du sourcil, en forme de croissant, qui ayt ses cornes & pointes tournees contrebas. La profondeur de l'incision doit descendre iusques à la \* chartilage, sans toutes fois la toucher. Car si on l'incise, la paupiere tombe, & par-apres ne peut estre releuee. Il faut donc seulement diuiser la peau, à fin qu'elle descende un peu sur le bord inferieur de l'œil, donnant à cela commodité la playe, qui par dessus est entr'ouuerte. Dans icelle on met de la charpie qui empesche que la peau separee ne se reioigne, & fait engendrer au milieu de l'incision une petite chair, qui remplit ce lieu-là, de sorte qu'en apres l'œil est aisément & commodement couuert. Albucrasis nomme ce vice Alchatrati, & recite la curation telle que nostre auteur.

\* Comme la decoction de la racine d'Althaa, & de semence de lin. Albucrasis.

\* à l'interieure partie & chartilagineuse de la paupiere qui attouche l'œil.

La maniere de coudre & cauteriser la paupiere inferieure, les Grecz la nomment *καταρραφισ*. CHAP. XI.

**L**A paupiere inferieure est sujette à souffrir autant & telles incommodités du poil, que la superieure. Quelquefois elle s'agrandit plus qu'elle n'estoit, à raison dequoy le poil se renuerse dans l'œil : quelquefois le cillon d'icelle avec le poil qu'il soustient, se tourne au dedans de l'œil, ce que les Grecz nōment φαλδγλωσι: aucunesfois il y sort vn second rang de poil, ce que les Grecz appellent διςχιζισι. La cousture doit estre faicte de mesme sorte en ceste paupiere, qu'en la superieure : mais en changeant l'ordre des incisions: car il faut faire premiere-ment l'incision courbe en forme de croissant, puis la droicte, ou sagittale: par ce que faisant la droicte premiere, le sang qui en degousteroit nous donneroit empeschement. Il n'est besoing faire \* incision par dessouz ceste paupiere, par ce qu'avec sa naturelle grauité aisément & promptement elle se renuerse contrebas. Le reste de la curation se conduit & manie comme en la paupiere superieure, excepté que nous ne collons point au front les bouts du fil qui auancent & pendent. Or si le patient craignant l'operation manuelle, veut plustost le ruptoire, j'ay enseigné comme il le faut appliquer.

## ANNOTATIONS.

*Aêce, premier que de faire l'operation, marque d'encre, comme en la paupiere superieure, ce qui est de peau superflue, qui doit estre coupé. Car en ostant trop, s'ensuyuroit le renuersement de la paupiere, nommé Ectropium, duquel on traictera cy-apres: en ostant peu, l'operation ne seruiroit de rien. Ayant*

*marqué*

\* au dedans d'icelle, outre le rang du poil: comme il a commandé de faire en la paupiere superieure.



marqué ce qu'il veut trancher, il applique des drappeaux mis en double sur les coings de l'œil, comme en la paupiere superieure, commandant à un seruiteur de mettre son doigt sur le rond de la iouë, à fin d'estendre & tirer contre bas la paupiere, & lors le maistre fait l'incision & excoriation de la peau, & la cousture de la playe, comme a esté dict en la paupiere superieure. Celsus & Albucrasis ne traitent point particulièrement de ceste operation: mais l'ont comprins sous la cousture de la paupiere superieure, qu'auons nomme *πλὴ ἀναρροφῆν* en Grec.

Du renuërsement de la paupiere inferieure, nommé des Grecz *ἐκτροπή*. CHAP. XII.

Comme en la paupiere superieure se fait le vice duquel a esté parlé, que les Grecz nomment *λαγρόθαλμον πάθος*, ainsi en l'inferieure se fait le vice appellé d'eux *ἐκτροπή*, quand ell'est renuersee. Ce mal ne vient point de nature, cōme l'autre: ains. quelquesfois pour auoir esté trop relaxee la paupiere, par vsage des medicamēs qui ont vertu & faculté de relaxer, appliqués en la curation de quelque inflammation precedente: quelquefois aussi elle se renuerse, à cause d'un hyperсарcose, ou chair superflue, engendree apres quelque vlcere, ou à cause d'une grande & grosse cicatrice, quand on l'a cousue ou cauterisee indiscretement & ignoramment. Pour guerir ce vice fait d'hyperсарcose, par operation manuelle, on prend vn'eguille enfilee d'un fil double qu'on passe à trauers de la chair superflue, tirant du coing fenestre de l'œil au dextre: on nouë les deux

bouts du fil ensemble, & ayant remis l'eguille dedans le trou, haufant avec le fil noué la chair superflue, on l'incise d'un petit rasoir, sur l'eguille qui sert comme de table ou soustien. L'incision faicte, en ostant & coupant la chair superflue, on retire aussi l'eguille par l'ouuerture de la playe. Si par ce moyen la paupiere recouure sa figure naturelle, & se retourne en dedans, ceste operation suffira, & nous en cōtenterons: mais si apres auoir osté la chair superflue, la paupiere derechef tombe & se renuerse, il faut par dehors appliquer la \* couppe d'une éprouuette faicte en cureoreille sur le lieu, où nous auons fait l'incision susdicte: \* puis en l'interieure partie de la paupiere on fait deux incisions, cōmençantes des deux angles de l'incision faicte exterieurement, en les reduisant en poincte: & assemblant l'une avec l'autre, nous osons & emportons une petite piece semblable à la lettre maiuscule des Grecz nommee Lambda  $\Lambda$ , de sorte que la poincte soit au bas & profond de l'œil, & son ouuerture large soit contremôt, vers & iouxte le cillon. Cela faict, on ioint les bords separez de la playe avec une eguille enfilee d'un fil de \* laine, & suffiront à cela \* deux poincts d'eguille. Or si la paupiere est renuersee pour auoir esté ignoramment cousue ou cauterisee, outre les deux sections interieures, nous ferons une seule & simple incision \* par dehors au dessouz du poil d'icelle, sur la premiere cicatrice: puis separerons les bords, mettant entre deux de la charpie: & au reste procederons en la

\* *l'usage non qu'on ne: cela est la partie caue & vnidee de l'éprouuette, comme en une cureoreille, celle par laquelle nous tirons hors l'ordure des oreilles.*

\* *par ce qu'il ne coupe pas tant, cōme un fil de lin, ou de chanvre.*

\* *Accé ne veut qu'un poinct faict pres le cillon.*

\* *Celsus veut qu'elle soit courbe en figure de croissant, duquel les cor.*

en la curation, comme a esté dict au vice lagophthalmique, iusques à ce que la \* cousture soit glutinee, <sup>b</sup> excepté les fomentations.

## ANNOTATIONS.

<sup>a</sup> Pour entendre comme les incisions se doiuent faire au dedans de la paupiere, & cōme l'auteur dit, commençant aux angles de l'incision exterieure, ceste figure suiuite ne sera point hors de propos.

nes & pointes voyent vers la pomme de la iouë.  
\* faicte aux deux sections interieures.

Figure de l'Ectropion, & de l'incision necessaire tant interieurement qu'exterieurement.



A L'incision exterieure faicte de long.

B B L'incision interieure faicte de long au droict de l'exterieure.

cc Les deux incisions obliques.

<sup>b</sup> Il defend l'usage des fomentations laxatiues, par ce que la paupiere inferieure se renuersant aisement contrebas par sa naturelle pesanteur, comme il a dit chap. ii. si ell'est outre sa naturelle inclination amolie par medicamens relaxatifs, cherra, & se renuersera plustost, & plus facilement. Aëce donne une autre raison plus apparente, qui est, que carieusement nous deuons faire cicatrifer les sections interieures, à fin que la cicatrice d'icelles releue la paupiere. Or si la cicatrice se fait par grande resiccation, la fomentation exterieure qui est humide l'empescheroit:

parquoy il n'en faut point user que ladicte cicatrice ne soit faicte, & lors elle proufite pour adoucir l'œil, & rendre la cicatrice plus mince.

Aëce, du texte duquel j'ay corrigé cestuy cy, le prenant d'Antylus excellent & fameux chirurgien, dit, comme fait aussi nostre auteur chap. 22. liure 2. de mal proceder ou d'une hypersarcome qui reste & demeure apres quelque ulcere: ou d'une grande, dure, & fort empeschante cicatrice apres la co'stiture ou cauterisation indiscrete de la paupiere. Si l'hypersarcome est petite & tendre, il abbat & consomme avec medicaments catheteriques: si ell'est plus uieille & dure, il la coupe avec le rasoir: si ell'est encor plus ferme & de plus long temps, il fait les deux incisions au dedans de la paupiere, & leue l'eguillette de la peau, & de la substâce charnue qui est au dessous. Car (dit il) la paupiere inferieure n'est point charnueuse comme la superieure: euitant neantmoins de trancher & inciser la peau. Mais si c'est une cicatrice grande, dure, & fort empechante, outre les deux sections interieures, il fait la troisieme incision exterieure avec le fil, l'eguille, & le rasoir, sur l'eminence de la cicatrice, qu'il appelle τὸ ἐξὺς σάρκωμα. Cela mostre clairement le texte de nostre auteur estre corrompu, & que les traducteurs Latins ont mal tourne ce uocable σάρκωμα, qui signifie chair superflue, pour la partie charnue de la paupiere. Aëce mesme dit, ce renuement de la paupiere inferieure estre faict, quand la chair du grand coing de l'œil est creuë outre mesure: & se guerir par excision de ladicte chair, quand la paupiere tombe en paralysie, quand on a coupé une trop grande piece d'icelle en la voulant coudre: &

quand

quand apres un grand ulcere, cōme d'un charbon, il se fait une cicatrice fort large: & que cest trois dernieres sortes sont incurables. Celsus dit que ceste maladie uient de uieillesse, que l'expose de paralysie, à quoy s'accorde la curation qu'il en fait la cauterisant d'un fer chaud. Tout ainsi (dit il) que c'est un vice de la paupiere superieure quand elle ne descend point assez bas, & à ceste cause ne couure point l'œil, ainsi est il en l'inférieure, qu'elle ne monte point assez haut, mais pend & s'entr'ouure, & ne se peut ioindre avec la superieure. Cela quelquefois auient par semblable faute commise en l'operation manuelle, cōme a esté dit, en parlant de l'imperfection nommee cy dessus lagophthalmos: quelquefois par uieillesse. Les Grecz appellent ce mal Ectropium. Si la cause est une faute commise en l'operation manuelle, il faut curer en la mesme facon qu'auons dit parlant du lagophthalmos, fors que les cornes ou pointes de l'incision faicte en croissant, doyuent tendre uers la pomme de la iouë, & non uers l'œil. Si la cause depend de uieillesse, par dehors il faut cauteriser tout ce qui est relaxé, avec un ferrement subtil, & l'engresser de miel. Le quatrieme iour apres il le faut estuuer avec une euaporation d'eau chaude, & l'oindre de medicamens qui ayent uertu & faculté de cicatrifer.

La maniere de cauteriser les poils qui piquent l'œil, avec fer chaud, ou les reculer & transposer avec vn lacet, ce que les Grecz nomment  
*ἀναβροχισμός.* CHAP. XIII.

**Q**Vand on ne trouue en la paupiere plusieurs poils qui piquent l'œil, mais seulement vn, ou deux, ou trois, au plus, prochains

\* *Albucra-  
fis le nomme  
Alinchatati.*

& ioignans l'un l'autre, nous iugeons le \* lacet  
vtile & conuenable. La maniere d'en vser est:  
On passe par le trou d'une eguille fort fine &  
delice, vn cheueu de femme, ou<sup>a</sup> vn filet de  
lin, le plus mince & delicat qu'on puisse trou-  
uer : l'ayant premierement mis en double, de  
forte que les deux bouts soyent ensemble, &  
qu'estant ainsi double, apres l'auoir passé outre  
le pertuis de l'eguille, il monstre & ouure com-  
me vne anse de lacet, dans laquelle nous iettôs  
vn autre \* cheueu, ou filet de lin. Nous perçons  
avec l'eguille ainsi enfilee & accoustree, l'en-  
droit du cillon où apparoissent les poils qui  
sont creux outre le rang naturel, & avec le bout  
d'un éprouvette ayant fait entrer le poil, ou les  
poils, dans l'anse susdicte, nous tirons l'eguille  
en dehors contremont. Si le poil de la paupiere  
se trouue pris & serré dans l'anse, nous la tirons  
dehors avec l'eguille : mais si vn poil ou plu-  
sieurs sont glissiez, cheuts & échappez, retirant  
contre bas l'anse avec le cheueu, ou filet qu'on  
y a passé du commencement, derêchef on y  
fait rentrer le poil ou les poils echappez, puis  
on tire l'eguille dehors & contremont. Or si vn  
poil seul & fort greslé \* picque l'œil, nous le  
releuons & haussons de dessus l'œil qu'il pique,  
puis le colons avec vn autre des poils naturels,  
avec de gomme Arabic, ou autre chose glueu-  
se, les attachans ensemble, iusques à ce que des  
deux ne se face qu'un, qui se tienne droit sans  
se renuerser sur \* l'œil. Aucuns estimans le cau-  
tere en ce mal estre plus vtile que le lacet, ren-  
uerfent

\* à cause de-  
quoy il ne peut  
bien estre serré  
dedans l'anse  
du lacet.

\* Ce passage  
est traduit au  
long par ma-  
niere de para-  
phrase.

uerfent la paupiere, & avec vnes pincettes propres à prendre le poil, arrachent celuy qui pique l'œil, soit vn, deux, ou trois, puis avec le bout d'une éprouuette à deux boutés, ou d'une éprouuette à cureoreille, ou quelque autre ferrement ainsi gresle, ardant & embrasé, ils cauterisent le lieu duquel on a arraché le poil, ou les poilz. Par ce moyen la peau deuenāt épaissie & dense n'y permet renaistre vn autre poil.

## ANNO TATIONS.

<sup>a</sup> Le texte Grec demande un poil tresdelié de byssus. Byssus signifie un'espece de lin precieux, croissant en Elis pays uoisin d'Athenes, & en Iudee, duquel il se faisoit un fil merueilleusement delicat & subtil: il signifie aussi une cheueleure qui se trouue en une espece de conche, nommee Pinna, composee de plusieurs fils longs, roussastres & noirastres, doux au toucher comme soye, & tressubtils. Les paroles de l'auteur se peuuent entendre de l'un & l'autre fil. Albucrasis demande ce fil de soye fine. <sup>b</sup> Le texte Grec a ἀναρῶμεν, qui en cest endroict ne signifie que releuer & rehaucer, combien qu'incontinent apres il signifie arracher. Cy dessus nous auōs recité l'operation de Celsus chap. 8.

D'une substance grasse couchee souz la paupiere, dictée des Grecz ὑδαρίς.

CHAP. XIII.

**H**Y datis <sup>a</sup> est vne substance grasse couchee au dessouz de la peau superieure de la paupiere contre nature. En aucuns, & principalement aux petis enfans, qui sont fort humides, ceste substance croist & cause plusieurs facheux accidens, chargeāt l'œil, & à ceste cause  
faisant

faïſant deſcendre le rheume, les paupieres ſouſ les ſourcilz ſemblent eſtre enflés, & quand beſoyn eſt, ne peuuent ſe leuer contremont: ſi on les comprime avec les doigts écartez & ſeparez, ce qui eſt au milieu des doigts \* ſ'enfle. Au point du iour les patients ſont fort vexez du \* rheume: ils ne peuuent regarder la clarté du ſoleil, ains l'œil leur tremble & pleure: ſouuent leur viennent des \* ophthalmies. Voulant oſter ce vice par operation manuelle, premierement on ſitue commodement le malade: puis avec le doigt du milieu & l'indice quelque \* peu écartez & ſeparez, on foule la paupiere pour amaffer toute la ſubſtance graſſe, ou l'hydatis, au milieu des deux doigts: & lors on commande à vn ſeruiteur eſtant debout au derriere du patient, & luy appuyant la teſte, que par le milieu du ſourcil il ſouleue doucement la paupiere. Ce faiët on prend vne lancette, & fait on vne incision traueſſiere en la paupiere, qui ne ſoit point plus grande que quād on ouure & ſaigne vne veine, & qui ayt de profond, tant que la peau ſoit toute diuiſée, ou bien qu'on touche à la ſubſtance graſſe ou hydatis: & de cela ſe faut il donner curieuſement garde, par ce que pluſieurs picquans & pouſſans plus profond, ou couppent la tunique de l'œil nommée des Grecz *υπαρτεροειδης*, & de nous la corne de l'œil, ou pour certain bleſſent les muſcles de la paupiere. Or ſi l'incision faiëte, la ſubſtance graſſe ou hydatis, apparoiſt \* incontinent, il la faut tirer: & n'apparoïſſant pas, on croiſt doucemēt l'incision

\* Et ſe ſent l'hydatis au milieu d'eux.  
*Albucraſis.*

\* qui ſ'eſt amaffé la nuit.  
Les enfans, dit *Albucraſis*, qui ont ce mal, ſe couchēt & dorment ſouſiours ſur le viſage.

\* inflammation des yeux.  
\* *Albucraſis* fait de drap peau vn petit bourrelet rōd, pour tenir l'hydatis de toute part, & la preſenter ſerme à l'incifio.

\* *Albucraſis* dit, que ſouuent elle ſort, comme vn morceau de greſſe blanche.



cision ia faicte, & quād elle se monstrera, avec les doigts enuoloppez d'un linge mol, on la prend, & la remuant deçà, delà, & quelque foys la tournoyant on l'arrache. Estant ostee nous trempons en eau & vinaigre, meslez ensemble, vn drapeau plié, & l'appliquons dessus, avec bendage conuenable. Aucuns iettent en l'incision, du sel broyé fort menu, avec le bouton de l'eprouiette, à fin que s'il reste quelque chose de ladicte substance grasse ou hydatis, elle soit consumee. Au second appareil, s'il n'y a point d'inflammation en l'œil, on y applique des collyres en forme d'oignement, ou lycium, ou glaucium, ou du safran: & s'il y a inflammation, on y vse outre les collyres, de cataplasmes, & autres remedes propres à celz.

#### ANNO TATIONS.

Ce mot sembleroit de prime face signifier une uescie pleine d'eau, toutes fois comme Paulus expose icy, & Galien aux Definitions medicinales, c'est une substance grasse, couchee sous la peau, qui fait une tumeur molle & laxee, comme si la paupiere auoit un oedeme qui se fait d'aquosité sereuse.

Galien chap. 7. liure 10. de l'usage des parties dit ceste affection estre faicte aux corps glanduleux, gras & unctueux, couchez entre le redoublement de la membrane pericrane, estendue souz la paupiere, quand du cillon elle se replie en dedans pour faire la coniuinctiue, là où elle s'attache avec les aponeuroses des muscles de l'œil. Lesdicts corps glanduleux seruent d'humecter la paupiere pour faciliter son mouvement. Albucrasis la nomme Achirnath.

Auicenne

Auicenne en a parlé tractatu 3. sect. 3. lib. 2. cap. 17. l'appellant en son Arabesque *Alfarnac*, disant outre le texte de nostre auteur, que quand cest affection est recente, on la guerit sans chirurgie, avec medicamens resolutifz. Aëce nomme ceste disposition *Tumor oculi*: & dit, sa cause, pour la plus part, estre une fluxion aqueuse: ses signes, que par dehors la paupiere est enfle & eleuee, decoulouree, pesante, & difficile à remuer: quelque fois palle: quelque fois si relaxee, que le cillon descend outre le noir de l'œil: avec une tumeur laxee, qui obeyt & se perd au fouler du doigt, & soudain retourne, comme les tumeurs uentuses: toutes fois pour la plus part sans douleur, & de mesme couleur que l'habitude naturelle. Il la guerit sans chirurgie par abstinence, clysteres, masticatories, fomentations & onctions de la partie, laumens du uisage, & singulierement avec le collyre liquide d'Erasistrate, surnommé *Panchrestos*, à raison de plusieurs utilitez qu'il a. La composition est, myrrhe, misy rosti: de chacun trois drachmes, cuyure brulé, deux drachmes: saffran, une drachme & demie: uin uieux, gros & rude, trois cuillerees: uin passi de \* Candie, deux cuillerees: on broye les simples qui se peuuent mettre en poudre, & leur fait-on boyre le uin rude: puis on y aiouste le uin passi, & les fait-on cuire à petit feu dans un vaisseau de cuyure, iusques à ce qu'ils soyent reduits en consistance de miel, & lors pour garder ceste cōpositiō, on la serre dans une boîte de cuyure. Les maladies des yeux (dit Celse) qui requierent l'operation manuelle, sont différentes, & se guerissent en diuerses manieres. En la paupiere superieure uienent des uescies, grasses & pesantes,

\* c'est la Mal  
nesie douce.

& pesantes, qui à peine permettent de leuer l'œil,  
 & prouoquent en iceluy une fluxion de \* pituite le-  
 giere & petite, mais assidue. Pour la plupart ce  
 mal uient aux enfans. Il faut comprimer l'œil avec  
 deux doigts, & estât par ce moyen estendue la peau,  
 l'inciser de trauers d'un petit rasoir à deux tran-  
 chans, tenant la main doucement suspendue, à fin de  
 ne toucher & blesser la uescie, & comme on a de-  
 couuert l'endroit ou ell'est, pour luy donner issue, il  
 la faut prendre avec les doigts, & l'arracher, aisé-  
 ment elle suit. Apres l'auoir emportee on engresse le  
 lieu avec un des collyres desquels on use en la lippi-  
 tude des yeux: en fort peu de iours avec ceste proce-  
 dure la playe se cicatrise. Mais c'est une grande pei-  
 ne quand la uescie est incisee, car ell'epand son humi-  
 dité: & pource qu'ell'est tenue & mince, par apres  
 on ne la peut r'amasser. Si cela auient, il y faut ap-  
 pliquer des medicamens suppuratifs. Voyla le dis-  
 cours de Celsus. Aucuns praticiens nomment aussi  
 hydatidas des petites uescies pustules ou aigueroles  
 pleines de serosité aqueuse, qui se font entre la con-  
 iunctiue & la corne de l'œil, comme i'ay ueu souuēt  
 en quelques uns avec commencement de pterygium:  
 aux autres sans cela: aux uns petites comme la teste  
 d'une epingle: aux autres si larges que toute la con-  
 iunctiue estoit souleuee: comme n'agueres en mōsieur  
 l'Archediacre de S. Vidal à Lyon.

\* vn larmoye  
 mēt d'humour  
 serense &  
 subtile.

Des paupieres prises & ioinctes. CHAP. XV.

**L**A paupiere superieure se prend & ioinct  
 quelquefois avec le cillon de l'inferieure:  
 quelquefois avec la tunique membraneuse ex-  
 terne, queles Grecz nomment *ὀφθαλμική*, &

\* Les Grecs nomment ce vice τὸν ὀφθαλμοφύσιν.

\* Aëce commande nommément qu'il soit mouce, l'appellant τυφλάγειρον.

\* Les Grecs nomment ce vice τὸν ὀφθαλμοφύσιν, & le vulgaire Procidéce de l'œil.

\* Albucrasis y iette de l'eau siccée, ou un collyre fait de verdet detrépé en eau.

\* autres li-sent, de mitiger la douleur: Albucrasis lit, de collyres consolidatifs.

le vulgaire Coniunctiuam : quelque fois avec la \* corne de l'œil. Ce mal empêche le mouvement de l'œil. Pour le guerir, il faut ietter souz la capacité de la paupiere vne éprouvette à cureoreille, ou bien la souleuer avec vn \* crochet, & avec l'instrument duquel on separe & coupe l'ongle des yeux, nommé à ceste cause *περυγολόμον*, diuiser & defaire la conionction de ladicte paupiere, auisant soigneusement qu'on ne blesse la corne de l'œil, par ce que la blesseure d'icelle donneroit occasion à l'œil de se forietter \* & tóber en dehors. Estant faicte l'incision & diuision, nous mettrons dans l'œil quelque chose \* liquide, puis avec charpie tiendrons la paupiere écartée, à fin que derechef elle ne s'attache & ioigne pas : puis ayant appliqué dessus de laine mouillée au blanc d'un œuf, passé le troisieme iour nous vserons de collyres qui ayent vertu de \* subtilier & cicatrifer.

#### ANNOTATIONS.

Aëce nomme ce mal en Grec *ὀγκύλωσις* : Celsus *ὀγκυλολέφρον* : Auicenne *inuisationem palpebræ*. Aëce veut estre separee la conionction de la paupiere, qu'on consomme la chair accreuë, avec quelque poudre, comme seroit le cuyure puluerisé, & que iusques à la fin de la curation on n'applique point de bendage. Et pource que Celsus estime la seconde espece de ce mal presque incurable, ie reciteray de mot à mot ce qu'il en escrit. Quelque fois, dit il, les paupieres se prennent & ioignent ensemble, & l'œil ne se peut ouurir : & d'auantage il auient souuent en ce mal, que la paupiere s'attache avec le blanc de l'œil

de l'œil, quand on cure negligemment & ignoramment quelque ulcere faicte en ces deux parties là: par ce que se guerissans lesdictes ulceres, ce qu'on pouuoit & deuoit tenir separé s'attache & glue. Les Grecz nomment l'un & l'autre uice ἀγνυδὲ λέφαρον. Si les paupieres seulement sont ioindtes ensemble, on les separe aisément, & quelques fois sans prouffit, par ce que derechef elles se reioignent. Ce neantmoins il faut éprouuer ce remède qui le plus souuent succede bien: & pour ce faire nous iettions dans l'œil la couppe d'une éprouuette à cureoreille, & separons d'ensemble les paupieres: puis mettons entredeux de petis drapeaux, iusques à ce que l'ulcere desdictes parties soit finie & guerie. Mais quand la paupiere est attachée avec le blanc del'œil, Heraclides de Tarente commande que par dessouz on l'incise d'une lancette tournée contremont, avec grande discretion & sagesse, à fin qu'on ne coupe rien ny de l'œil, ny de la paupiere: & quand il seroit necessaire couper de l'un ou de l'autre, il ueut que plustost on coupe de la paupiere. Ayant fait cela, il engresse l'œil des medicamens qui ayent faculté de curer \* l'asperité: faisant renuerser la paupiere tous les iours, non seulement pour appliquer les medicamens sur l'ulcere: mais aussi pour empecher qu'elle ne se reioigne pas: commandant pareillement au malade de la leuer souuent avec deux doigts. Quant à moy ie n'ay onc ueu aucun guery par ce moyen là. Meges aussi escrit auoir essayé beaucoup de choses, & sans prouffit, par ce que la paupiere se reioint à l'œil.

\* qui reste a.  
pres la separa-  
tion de la pau-  
piere.

De la grelle des paupieres, dictée des Grecs  
χαλάσιον. CHAP. XVI.

\* Tant supérieure qu'inférieure. *Albugo crasis.*

\* Celsus veut que cela se fasse avec le manche de la lancette, ou petit rasoir, duquel on fait l'opération.

\* Aëce dit que l'incision faite il en sort une humeur semblable au blanc d'œuf.

\* avec emplâtres glutinatifs.

ON<sup>a</sup> appelle grelle, vn'amas d'humeur superflu, fait en la<sup>\*</sup> paupiere, semblable à vn grain de grelle. Si ceste tumeur se presente en la superficie extérieure de la paupiere, par dehors on incise d'vn petit rasoir ladicte paupiere à trauers, puis avec<sup>\*</sup> vne éprouvette à cureoreille, ou autre semblable instrument on iette dehors<sup>\*</sup> le grain: & si l'incision est grande & fort ouuerte, on ioint les bords avec couture, appliquant par dessus vn emplâtre: mais si l'incision est petite, ne faisant aucune coutsure, nous la curons & traitons comme<sup>\*</sup> dessus. Or si le grain de grelle est au dedans de la paupiere, de sorte qu'il reluisse à trauers de la substance charnue d'icelle, renuersant ladicte paupiere, on fait par dedans vne incision trauersiere, puis apres auoir sorty ledict grain, on<sup>b</sup> la baigne avec de saumure ou murette.

#### ANNOTATIONS.

<sup>a</sup> Aëce fait une seconde espece de ce mal, qui uient en l'extérieure partie de la paupiere, & la dit estre une tumeur aucunement dure, semblable à une fève, laquelle fait douleur uehement, quand on la touche rudement, & quelque fois si excessiue, que le cœur saut au patient. La curation qu'il en donne est semblable à celle de nostre auteur. <sup>b</sup> La murette ou saumure, tient de la uertu du sel, qui desèche fort avec faculté adstringente. Aëce veut qu'apres ceste incision on y applique une poudre corrosiue, & septique pour consommer le reste de la tumeur, s'aucune

cune en y a, dont la recette s'ensuit: Verdet, saf-  
 fran, sel ammoniac, de chacun trois drachmes: cuyure  
 brulé, deux drachmes: écaille de cuyure: orpiment  
 rouge: de chacun une drachme: myrrhe, deux oboles.  
 Celsus dit le grain de gresle n'estre dissemblable à  
 l'orgeolet, toutesfois de figure differente: mais mo-  
 bile, & quand on le pousse du doigt, changer de pla-  
 ce, & non pas demeurer fixe & arresté en un lieu,  
 comme l'orgeolet, duquel nous parlerons cy-apres  
 incontinent: item plus qu'estant faicte l'incision au  
 dedans & deffouz de la paupiere s'il est sous la char-  
 tilage: au dehors s'il est souz la peau, on la doit oin-  
 dre premierement de medicamens doux, & qui ap-  
 paisent la douleur, puis de forts & acres, quand l'in-  
 cision est faicte par deffouz la paupiere, & si ell'est  
 faicte par dessus, on doit appliquer un emplastre glu-  
 tinatif. A ceste maladie est semblable celle que  
 Aëce nomme le calcul des paupieres. On appelle  
 (dit il) calcul des paupieres, quand apres les auoir  
 renuersees, on y uoit certaines durtés, semblables à  
 morceaux de touue, blanches, aspres, & de figure  
 semblables aux \* saphis du uisage. La curation est: \* *Varis.*  
 ayant renuersé la paupiere, on incise la pointe de la  
 tumeur avec un petit rasoir à deux tranchans; puis  
 avec la curette d'une éprouuette, on iette dehors la  
 matiere contenue en ceste tumeur. Ce faict on y ap-  
 plique de la poudre du cuyure brulé: & par dessus  
 de la laine trempée en huile rosat, uin, & le dedans  
 d'un œuf, avec bendage. Le second iour on applique  
 le mesme. Le troisiéme, on l'oingt de miel. Si le cal-  
 cule uient au dehors de la paupiere, apres l'incision  
 & extraction de la matiere cōtenue, avec une com-

presse on y applique l'emplastre Tetrapharmacum.

Nostre auteur n'a point traité icy de l'orgeolet, qui est un petit absces suppuré au cillon de l'œil, iou- xte le poil de figure languette, comme un grain d'orge, par ce que pour la plus part il se guerit avec medicamens, comme fomentation du bouillon d'orge: le sang d'une mouche qui coule apres luy auoir arraché la teste: un emplastre de cire blanche, & autres tels: mais Celsus y procede par chirurgie. En la paupiere (dit il) au lieu où naist le poil, s'engendre un petit tubercule, nommé des Grecz *ῥιθὼν*, pour la similitude qu'il a avec l'orge. C'est une matiere contenue dans une tunique qui se meurit difficilement.

On le foment avec du pain chaud, ou avec de la cire souuent echaufée, de sorte que la chaleur ne soit point trop uiolente, & que la partie l'endure sans peine. Par ce moyen il est souuentefois resolu, & aucunesfois meuri. Si la bouë y apparoist, on l'incise avec un petit rasoir à deux tranchans, & en pressant fait-on sortir toute la matiere qui y est contenue: puis on le foment avec la mesme \* uapeur: & apres on y applique un oignement iusques à ce qu'il soit guery. Si la chartilage est corrompue par dehors, pour purger l'ulcere Aëce use du muel & du dedans de l'œuf meslez ensemble: & pour l'incarnier, de poudre capitale. Mais si ell'est corrompue par dedans, il renuerse la paupiere, racle ce qui est gasté de la chartilage, y applique du cuyure brulé, puluerizé fort subtilement, & par dehors, le dedans d'un œuf battu avec muel & huile rosat. Le second iour il use de fomentation, puis par dedans applique le cuyure brulé, & par dehors l'œuf, cōme dessus. Le troisieme iour  
il eng

\* Du pain  
chaud & de  
la cire échan-  
see.



il engresse la paupiere de miel, & en apres applique un collyre repercuſſif. Ce discours d'Aëce est pris de Demosthenes.

Des verrues nommees en Grec ἀποχρίδωνες, & de la tumeur de la chair qui est au grand coing de l'œil, nommee ὑγκάριθς.

## CHAP. XVII.

Nous prenons avec vnes pincetes propres à cela, dictes en Grec Ἀγκύλας, les<sup>a</sup> verrues des paupieres, & la chair du grand coing de l'œil creuë outre mesure, puis la tenant ferme, la coupons avec vn petit \* rasoir, & en apres ictons dessus de la \* chalcitis puluerisee.

## A N N O T A T I O N S.

<sup>a</sup> Pource que nostre auteur a parlé fort brièvement des uerrucs de la paupiere, & d'encanthis, j'aiousteray ce qu'escriit Aëce dudit encanthis, remettant le discours des uerrues au chap. 87. On appelle Encanthis (dit il) quand la chair du grand coing de l'œil prochain du nez, est creuë outre mesure: ce qu'auient principalement aux chiens: & des homes à ceux qui nauigent \* & frequentēt sur la mer. Or si la chair ainsi creuë n'a point de malignité, ell'est molle, lasche, & sans douleur: mais si ell'a de la malice, ell'est dure, inegale, & avec douleur piquante. La benigne & petite se guerit avec poudres siccatives de cadmia, & chalcitis: ou bien par celle qui s'ensuit, & qui est excellente: Alum de plume, misy brulé, uitriol, de chacun même pois. Ce remede consume brauement toute augmentation de chair superflue. Tu useras aussi du collyre de Seuerus, nommé Theodotion, mis en poudre, & de celui qu'on fait

\* ou avec des ciseaux minces. Album crasis.

\* Celsus demande du vitriol.

\* par ce que les vents qui soufflent ordinairement sur la mer, leur debilitent le cerueau & les yeux, dont procede le rheume: & que ceux qui nauigent sont contrains user viandes qui donnent gros nourrissement.

\* Ce mot signifie teste de mouche: nous parlerons de ce vice au 19. chap.

avec du vin pour appliquer en la maladie de l'œil nommée \* Myoecephalon. Mais si l'encanthis est grand & malicieux, on le coupe, le prenant avec unes pincettes: & s'il est fort eminent & augmenté, on passe par le fons d'iceluy un'eguille enfilée d'un fil double qu'on serre: puis apres quelque peu de temps, deuenant ia la chair plombée, on le coupe avec le rasoir, & l'incision faite on iette dessus la poudre ordonnée pour la rogne & demange son des yeux, appliquant dessus un drapeau mis en double.

\* d'eau chaude, pour appaiser la douleur.

Le iour suyuant on use de \* fomentation: & passé le troisieme iour, on poursuit la cure en usant de miel. Or faut-il auiser curieusement qu'avec ceste chair augmentee contre nature, nous n'emportions du tout, & deracinions celle qui doit estre au coing de l'œil: car il en suyuroit une autre maladie dictée Rhœas, ou Rhyas, qui est une trop grande diminution de ladicte chair, avec un larmoyement continu. Les Grecz nomment aussi Rhyas, comme dit Aëce, une euacuation assidue & inuoluntaire de la matiere fecale pour auoir esté incisé le muscle sphinctere du siege. Celsus dit ce vice estre un tubercule qui ne permet de separer les paupieres, que bien peu, & uient quand on n'a pas coupé suffisamment l'ongle de l'œil, & d'autres causes aussi: & ueut qu'on l'empoigne d'un crochet, & qu'on la tranche alentour d'un petit rasoir, conduisant sagement la main, afin qu'on n'en coupe trop: puis qu'on applique un peu de charpie couuverte de poudre de cadmia, ou vitriol, & qu'on la mette dans le coing de l'œil, en separant les paupieres avec bendage: & qu'aux premiers iours apres l'incision on foment la partie avec

avec de l'eau froide, ou un peu demortie. Albucrasis nomme les uerrues Althelil, qui est un uocable commun à toutes uerrues, en quelque partie du corps qu'elles soyent: & la tumeur dictée des Grecz Encanthis, alguardenici. Apres l'incision s'il auient flux de sang, il l'arreste avec un lenticulaire petit & mince, & dit, le plus seur & meilleur estre de les cauteriser tousiours apres l'operation, par ce qu'aucune-fois il demeure quelque racine qui les fait repulluler, à quoy on obuie par le cautere, qui les extirpe & brule iusques à la racine, de sorte qu'apres elles ne reuiennent point. Les causes principales d'Encanthis sont trois: la premiere, une fluxion ou cōgestion d'humeur melancholique, qui engrossit la substance de la chair, qui naturellement doit estre au coing de l'œil, comme il auient aux uerrues. La secōde qu'Albucrasis nomme *carnem natam & additam*, est une hypersarcome succedante à un ulcere mal gouuerné en ce lieu là. La troisieme est, le reste de l'ongle, qu'on n'a pas suffisamment coupé, & qui recroist, ou demeure trop gros. Albucrasis defend de n'entreprendre & faire cest'operation en l'œil qui naturellement, ou pour quelque occasion accidentale, est debile & foible. La raison pourquoy ayant trop coupé, ou cauterisé au grand coing de l'œil, la chair glanduleuse qui est là située, pour toute la uie l'œil reste pleureux & larmoyāt, ce que les Grecz nomment *ῥοιδα*, & *ῥοαδα* est telle. L'usage de ceste chair est double. Le premier, de boucher le trou, qui du coing de l'œil perce dans le nez, à fin que les excremens fereux, manifestes en la coryze, qui distillent par le crible du tez, dans l'éponge du nez, de

l'extremité des uentricules anterieurs du cerueau, principalement du lieu où sont les auancemens mammillaires, principaux instrumens du flairer, en coulant & passant, n'entrent dans l'œil. Item quand nous faisons quelque grande efflation, comme nous mouchant, esternuant, ou ronflant pour chasser ce qui estouppe le nés, empescher que l'air violentemēt poussé ne se iette par ce pertuis dans l'œil : quoy auenant l'œil seroit merueilleusement offensé. Le second usage est, couvrir le canal graué en ce coïn de l'œil, par lequel s'écoule dans le nez la superfluité naturellement abondante en l'œil, qui est une humidité liquide & subtile, que nous pleurons euidentement en riant, nous contristans, & quand le cerueau se decharge de ses excremens sur l'œil. Quand telle superfluité est mediocre en quantité, & louable en qualité, ceste chair glanduleuse la reçoit, & la reserve, pour l'epandre doucement en l'œil, comme il se fait aux glandules posées en la racine de la langue, qui est un moyen pour le tenir humide, & faciliter son mouuement. Mais si ell'a quelque uitieuse qualité, ou si elle passe mesure en quantité, elle cause ulceres, delachrymations, & autres affections mentionnees par noz auteurs, au grand preiudice de l'œil. Or quand ceste chair est par trop couppee & cauterizee, sans qu'il s'engendre cicatrice qui tienne son lieu, le pertuis respondant au nez demeure ouuert, & par iceluy les excremens du cerueau sans empeschement fluent en l'œil, qui à ceste raison pleure assiduelement. Mais si au lieu de ceste chair trop couppee, ou cauterizee, il s'engendre une cicatrice al'entour du pertuis, premierement elle ferme l'egouttoir

& issue

& issue des excremens ordinaires de l'œil : secondement, ueu que cicatrice n'est autre chose qu'une chair endurcie & desechee, à cause de sa densité, elle ne les peut boire & recevoir, comme au par-avant: tiercement l'œil debilité par l'excessiue coupeure, ou bruleure, en engendre de soy, & en recoit du cerueau plus grande quantité qu'il n'auoit accoustumé, & ne les peut uider, comm'il souloit, & pour toutes ces causes incessamment larmoye.

De l'ongle des yeux, nommée en Grec  
*αἰσχύνη.* CHAP. XVIII.

**L'**Ongle de l'œil se fait, quand vne membrane nerueuse, qui sans doute prend son commencement du grand coing, petit à petit s'estend & auance en dehors. Ce vice offence l'œil, par ce qu'en le serrant il empêche le mouuement de sa prominance, & que se dilatant il couure toute la prunelle. L'ongle subtile & blanchastre, est plus aisée à oster par operation manuelle, qui se fait comme s'ensuit: On ouure la paupiere, & avec vn crochet peu courbe on prend & souleue l'ongle: puis on passe vne eguille quelque peu courbe enfilee d'un poil de cheual, & ensemble d'un fil de lin bien ferme, par le milieu de l'ongle, la faisant entrer par la superieure partie d'icelle: & avec le fil de lin ayant detaché & séparé l'ongle, on la souleue, puis avec le poil de cheual, premierement on coupe & sie la partie d'icelle qui s'estend vers la prunelle, l'écorchant & diuisant iusques à son extremité: & le reste qui s'estend vers le grand coing, se coupe avec  
l'instr

l'instrument duquel on écorche la paupiere auant que de la coudre:& se fait l'excision iufques à la racine & bafe de l'ongle, en laiffant toutesfois la petite chair naturellement fituee au grand coing, par ce que fi on la coupoit, s'en enfuyuroit la maladie dicté *pterygion*. Aucuns fouleuans l'ongle avec le fil de lin: comm'a esté dict, l'écorchent & feparent du tout, avec vn instrument approprié à cela, nommé des Grecz pour ceste cause *πτερυγοτόμος*: se donans foigneusement gardé de toucher la corne de l'œil:& l'operation faicte iettent fur la playe vn peu de fel broyé, appliquans par dessus de la laine mouillée en blanc \* d'œuf, avec bandage requis: & au fecond appareil distillent par long temps en la playe de la murette: mais s'il y vient inflammation, nous vfons des remedes cy-deuant efcris, conuenables à l'apaiser & guerir.

\* Le Grec a  
abreuuee d'un  
œuf.

## A N N O T A T I O N S.

Pource que Celsus & Aëce ont déclaré ce vice, & l'operation manuelle pour le guerir plus curieusement, & par le menu que nostre auteur, il ne sera hors de propos aioufter ce qu'ils en ont efcrit. On appelle (dit Aëce) l'ongle de l'œil, quand le blanc d'iceluy s'augmente outre mesure, ou qu'au blanc s'engendre une excroiffance de chair superflue, apres une cōtinuelle fluxion, ou quelque rogne & demangeson inflammee. Ce mal le plus fouuent commence à s'augmenter du grand coing, qui est aupres du nez: plus rarement du petit coing:& moins encor se voit il cōmencer de la paupiere superieure ou inferieure.

il s'estend iusques au noir de l'œil, & s'aggrandissant d'auantage, il couure la prunelle & offusque la ueuë. L'ongle blâchastre & qui a son fonds estroit, se guerit aisément: celle qui n'a rien de ces qualités, malaisément. L'ongle rougeastre apres l'operation cause mal de teste & la migraine: toutesfois ces accidens \* passez, l'œil demeure net. Quand il y a commencement de cataracte, on ne doit essayer de guerir l'ongle avec operation manuelle, par ce que la uoulant extirper & couper, la cataracte s'en fait & forme plustost: il ne faut aussi mettre la main à l'ongle, si elle est grosse, renuersee, eminente, endurcie, & que par consentement elle cause douleur aux temples: car celle qui est telle, est malicieuse, & tiët du chancre. Si on coupe & oste l'ongle qui s'estend iusques à la prunelle, & obscurcit la ueuë, on preserue & deliure l'œil du rheume: mais la cicatrice qui apres l'operation demeure iouxte & sus la prunelle, empesche la ueuë. L'operation manuelle est utile & requise, quand l'ongle s'estend seulement iusques pres du noir de l'œil: mais si elle est petite, & sur le blanc, nous essayons de l'arrester & consommer par medicamens, entre lesquels \* cestuy-cy est singulier & éprouué, Chalcitis brulee uingt drachmes: cadmia, dix drachmes: écaille de cuyure rouge, poivre, de chacun une drachme. Pour oster par chirurgie l'ongle de l'œil, on procede en ceste facon, On ouure & separe les paupieres: puis on perce l'ongle par le milieu avec un crochet, l'estendant doucement, à fin qu'on ne souleue la corne de l'œil, qui estant souleuee excite tresgrande inflammation: puis on iette par deffoux l'ongle ainsi souleuee, une eguille enfilee

\* qui prouoquent rheume & defluxion.

\* J'ay laissé plusieurs des remedes escripts d'Aëce, qu'on pourra trouuer & chercher en son liure, si besoing est.

enfilee d'un poil de cheual & d'un filet : & haucant l'ongle ainsi prise par le filet qui passe dessous, on la tire contremont doucement, puis on baille le bout du dict fil à quelque seruiteur, qui le tiennne industrieusement: ce faict, nous prenõs le poil de cheual à deux mains, & le menons dessus-dessous, en écorchant l'ongle, & cõmençant à l'ecorcher du noir de l'œil, tirant uers le grand coing. Ayant separé ce qui touche & adhère au noir de l'œil par le poil, & l'estendant par le fil, avec un instrument accommodé à cela nous couppons & extirpons iusques à sa racine la portion de l'ongle qui tient au grand coing, auisans de ne blesser ledict \* coing, ny la paupiere: car si on l'entame, elle se prend & glue avec l'autre, ou avec les tuniques de l'œil: & si on coupe du tout la chair du coing, s'ensuit la maladie nommee *pua*: & si on laisse la racine & base dudit ongle, elle s'engendre derechef, qui ne le consommera avec les remedes susdicts. Parquoy il faut bien coniecturer & mesurer la quantité suffisante, qui doit estre coupee. Si le patient de crainte & frayeur n'ose ouurir l'œil, on iette au dessous de la paupiere superieure un crochet, pour la renuerfer & souleuer doucement: puis on fait l'operation ainsi qu'a esté dict, laquelle executee, on distille en l'œil de la mure forte, puis on met dessus de la laine abreuuee d'un œuf, avec bandage conuenable. Le iour suyuant on debende l'œil, & ayant faict une fomentation \* moderee, on y distille le collyre blanc & mitigatif de Seuerus. Le quatrieme iour on y applique les collyres utiles & propres à telle affection, n'usant plus au reste de collyres mitigatifs & \* incarnatifs. Les collyres propres

\* Il entend la chair assise dessus.

\* qui modere & mitigue la douleur.

\* ains de ceux qui ont insigne vertu de se-



propres à ceste affection sont ceux qu'on appelle Nardina Theodotia, & ceux qui se font de uin. Voila ce qu'en dit Aëce. Oyons maintenant Celsus, qui escrit le principal de l'operation semblable, & quelque chose de plus. L'ongle (dit il) nommee des Grecz *νηδύγανον*, est une petite membrane nerueuse naissante du coing, qui s'auance quelquefois iusques à la prunelle, & luy empesche. Souuent elle prend son origine en la partie du nez, & aucune fois de la temple. Quand ell'est recente, il n'est difficile la resoudre par medicamens ordonnez & usitez pour extenuer & subtilier les cicatrices des yeux: si ell'est inueterree, & d'auantage époissie & engroissie, il la faut couper. Ayant fait abstenir de manger le patient un iour entier, on le fait asseoir en une chaire le uisage tourné contre l'operateur, ou bien au contraire, de sorte que se renuersant en derriere, il recline & pose sa teste sur le giron du maistre. Aucuns ueulent si l'œil fenestre est entaché, qu'on le face seoir le uisage tourné contre le maistre, & si le mal est en l'œil dextre, au contraire. L'operateur doit separer une des paupieres, & son seruiteur l'autre. Si le patient a le uisage tourné contre le maistre, il doit separer l'inférieure: s'il est assis autrement, la supérieure. Le mesme operateur tenant un crochet perçant, qui toutes fois ayt la poimëte quelque peu courbe en dedans, le iette souz l'extremité de l'ongle, & l'ayant planté & fiché en iceluy, il baille la paupiere qu'il tenoit separee, à un autre, & prenant le crochet souleue l'ongle, & par dessouz iette un'eguille trainäte un fil: puis laissant l'eguille, il prend les deux bouts du fil, & par iceux leuant & haucant l'ongle, si en

cher, pour composer l'humour qui pourroit estre matiere d'engendrer yne autre fois l'ongle.

quelque

\* de la chair  
assise là.

quelque lieu il est adherent à l'œil, il le separe avec le manche de sa lancette, iusques à ce qu'il soit uenu au coing: puis tantost il tire le fil, tantost il le lâche, à fin qu'il trouue le commencement de l'ongle, & la fin du \* coing. Car il y a danger de deux inconueniens, assauoir, qu'on ne laisse quelque piece de l'ongle, laquelle estant ulcerée, malaisément soit curée: ou qu'on ne coupe la petite chair assise au coing, laquelle suit & s'arrache aussi, quand on tire l'ongle de trop grande force, & pour ceste raison trompe les operateurs. Or si elle est coupee, le pertuis qu'elle fermoit demeure ouuert, & par iceluy coule incessamment de l'eau, ce que les Grecx nommēt *puada*. Il faut donc cognoistre la uraye extremite du coing, & quand on est bien assure d'icelle, il faut couper l'ongle avec la lancette, sans la tirer trop, & faire l'excision de ladicte membrane, de sorte qu'on ne blesse la chair du coing. Ce fait, on met dessus de la charpie ointe de miel, puis sur icelle, ou un drapeau, ou une éponge, ou de la laine grasse, & chacun des iours immediatement suyuant il faut ouurir l'œil, à fin que les paupieres ne se gluent ensemble, qui est un troisieme danger & inconuenient outre les deux susdicts: & faut continuer d'y mettre la charpie, comme l'auons commandé: & en fin faut appliquer un collyre, qui ayt uertu de cicatrifer l'ulcere. Ceste operation doit estre faite au printems, ou deuant l'hyuer, ce que nous nous contenterons de dire icy, combien qu'il touche à plusieurs autres telles curationes. Car il y a deux manieres de curation: l'une en laquelle ne nous est permis de choisir le temps, ains employons celuy qui se rencontre, comme en une playe


playe & fistule: l'autre, ou le temps ne nous presse point, estant tresseur & facile d'attendre, comme aux maladies qui ne tourmentent d'aucune douleur, & qui croissent lentement. En icelles faut attendre le printemps: & si nous sommes pressés de faire autrement, l'esté, ou l'automne sera meilleur que l'huyuer, principalement le milieu de l'automne, estant ia abbatue la chaleur de l'esté, & deuant que le froid de l'huyuer soit entré. Or d'autant que la partie qu'on traite est plus necessaire, d'autant ell'est suiette à plus grand danger, & souuent d'autant que la playe doit estre faite plus grande, on doit aussi auoir plus grand respect du temps. Albucrasis & les Arabes font trois sortes de pterygium, le premier membraneux, descript de nostre auteur: le second naissant de mesme endroict que le premier, semblable à une humeur congelee, qui se rompt quand on le touche avec le fer, ou avec le crochet: Guidon le nomme Adiposum: le tiers nommé des Arabes Sebel, qui est un pterygium maligne, entretissu de ueines, avec ulceres, rongne, demangeson, & inflammation, lesquelz accidens se trouuent aussi en psorophthalmie. Ce sebel empesche de uoir, & avec le temps affoiblit & debilitte fort l'œil. Albucrasis enseigne trois operations en la curation de l'ongle: la premiere descripte de nostre auteur, avec le fil & le poil, qui conuient à l'ongle nerueuse: la seconde propre à ceste mesme espece d'ongle, qui se fait la souleuant avec un crochet, ou un fil, comm'a esté dict, puis l'écorchant & separant avec un petit rasoir à deux tranchans, cōme aussi nostre auteur mesme l'escrit: la troisieme utile en l'espece de l'ongle qui n'est point nerueuse, & ne

peut endurer ny le fil, ny le crochet, & laquelle souuent est guerrie par medicamens sans operation manuelle. L'industrie est, On ouure l'œil du malade : puis avec un ferrement subtil, delicat, & peu pointu, on racle doucement l'ongle par dessus : & quand on voit que par l'impression du fer elle se rompt & separe, on iette dessus le collyre de uerdet, ou le collyre rouge, ou du sel broyé, puis on couure & bande l'œil iusques au lendemain, qu'on reitere ceste mesme operation, continuant ainsi iusques à ce que l'ongle soit du tout consommee & destruite, s'il n'y suruiuent

inflammation, à laquelle il faut obuier par remedes propres, delaisât pour quelque temps la curation susdite, iusques à ce que l'inflammation soit passée.

Albucasis pour extirper le sebel, en plein midi, & en un beau soleil, met la teste du malade en son sein : souleue les uelnes & leur membrane avec

Aiguille,  
crochet &  
lancette  
pour separer le se-  
bel.



un crochet seul, ou avec deux qui soyent separez ou ioincts ensemble : les coupe avec des ciseaux minces, delicats & pointus, essuyant d'heure en heure le sang qui flue, iusques à ce qu'on uoye les ueines du sebel se perdre & cōsumer par l'euacuation du sang. En ceste operation se fait donner garde de n'inciser autres ueines que celles du sebel, & de ne blesser l'œil & ses membranes avec la pointte des ciseaux. L'operation faicte on met en l'œil du collyre uerd ou rouge, qui mange & dissipe ce qui reste du sebel. Si on ne peut inciser toutes les ueines du sebel en une operation, on met sus l'œil un emplastre sedatif de douleur, & de quelques iours on n'y touche point iusques à ce que la douleur soit passée, & qu'on soit asseuré du danger de l'inflammation: puis on reitere l'operation, comme dessus. Icsus Hali l'extirpe & tranche comme l'ongle: le souleuant avec le crochet ou le fil: le separant avec le poil, ou le tuyau de plume, ou la pointte de la lancette : le coupant avec les ciseaux. Auicēne dit sebel estre un'excroissance membraneuse en l'œil, avec inflation de ueines apparentes sus la conionctiue & la corne de l'œil, entre lesquelles ueines se monstre comme une nuce fumeuse. Ce vice est accompagné de cuisson, demangeon, rougeur, ulceres, larmes, tumeur des paupieres, & empesche de sorte la ueuë de l'œil, que mesme il ne peut souffrir la lumiere. Il se fait par fluxion interne, ou externe. En l'externe les ueines apparoissent fort grosses & rouges: sus la corne on uoit une obscurité tenebreuse comme de fumee: les iouës sont rouges: le sebel se monstre eleué sus la coniuñctiue: au front & aux sourcils on sent grande chaleur & douleur:

L'excroissance du sebel est aucunement adhérente à la paupière. En l'intérieur les veines ne sont si grosses, ny si rouges: le malade esternue souvent, principalement quand il est au soleil: on sent douleur & pulsation au profond de l'œil: on sent en l'œil grande démangeaison: l'œil est fort pleureux. Ceste maladie est longue, difficile à guérir, en quelques uns héréditaire, aucune fois contagieuse, cause souvent un amoindrissement de la prunelle, que les Grecs nomment *φθίσιν κόρης*, toujours affoiblit la vue, & n'y peut estre appliqué médicament si convenable qu'il ne chauffe, fâche, & tourmente l'œil. Somme, en sebel y a phlegmon, inflation, ou emphyseme, de lachrymation, psorophthalmie. La cause est repletion de la teste, & principalement de sang sereux, & meslé avec phlegme salé, & la disposition de l'œil à recevoir telle fluxion à cause de sa faiblesse. Il succede à quelque ophthalmie mal gouvernée, & induëment refroidie: ou à la rongne de l'œil inuétérée, & s'engendre plustost en un corps, temps, & lieu froid: en un corps froid, comme d'un vieil homme qui est abondant en pituite salée, ou d'un intemperant, qui par trop boire a beaucoup diminué sa chaleur naturelle: en temps & lieu froid, quand ils multiplient & prouoquent ces fluxions par la refrigeration de la teste, en ceux qui sont chargez de telles humeurs.

De la maladie nommée des Grecs *ταφύλωμα*.

CHAP. XIX.

**S**Taphylome<sup>a</sup> est vne eleuation de la corne de l'œil avec la rhagoeide: estant la corne de l'œil debilitée ou de rheume, ou à cause d'un

d'un vlcere. Nous y vsons d'operation manuelle, non pour restituer la veuë perdue, car cela est impossible: ains pour donner au patiët quelque mediocre \* agencement. Il faut donc passer vne eguille par la base & racine du staphylome, la tirât du bas contremont: puis en ietter vn'autre enfilee d'un fil double par la susdicte base, la tirât du grand coing prochain du nez vers l'autre: & demeurant la premiere eguille en la racine du staphylome, on coupe la doubleure du fil, puis avec les deux extremittez superieures, on lie la moytié \* superieure du staphylome: & avec les deux extremittez inferieures, la \* moytié inferieure: puis auoir osté l'eguille, on applique dessus de la laine trempee au dedans d'un œuf: & apres le secôd appareil on appaise la douleur avec fomentations mitigatiues, iusques à ce que les fils & le staphylome tombent.

## A N N O T A T I O N S.


\* Je prendray hardiesse de nommer staphyloma le raisin de l'œil, par ce qu'il ressemble à un grain de grappe ou raisin, qu'aucuns de nostre France appellent aujourdhuy un Aice de raisin, comme uoulans dire racemū acinum. Ce que le staphylome ressemble à un grain de raisin, n'est pas tousiours en couleur noire, mais en rondeur: car tousiours est il rond: mais si la corne de l'œil est seulement relaxee, ou poussee en dehors par une pustule engendree au dessous, sans erosion & ulcere, ceste rondeur est blanche, & semblable à un grain de raisin qui n'est encor meur: & si la corne de l'œil est ulcerée & entamee, de

\* Pour rabil-  
ler son visage  
que l'œil gasté  
desfigure, &  
enlaidit.

\* à l'entour  
de la superieu-  
re partie de  
l'eguille. Al-  
bucrasis.

\* à l'entour  
de l'inferieure  
partie de l'e-  
guille qui y est  
plantee. Al-  
bucrasis.

sorte que la tunique rhagoeide saille par l'ulcere, la rondeur est noire, & semblable à un grain de raisin noirci par sa maturité, comme plus amplement cy-apres nous le monstrerons, recitant les paroles d'Aëce. Pour rendre plus intelligible l'operation de nostre auteur i'ay aiousté ceste figure,



Le cercle est la circonference du staphylome : a, b, est l'eguille qui ua du bas contremont, & le tient suspendu : c, d, e, f, sont les deux filz, que la seconde eguille tire, qui ua d'un coing en l'autre : avec les extremittez superieures c, d, on lie la moitié superieure du staphylome : & avec les inferieures e, f, on serre la moitié inferieure. il faut noter que quand la corne de l'œil estant rompue ou ulcerée, la rhagoeide sort, si ce qui apparroist dehors est fort petit, les Grecz l'appellent *μυοκέφαλον*, qui signifie teste de mouche : s'il est plus gros, *σαφύλωμα*, pour la raison susdicte : & si à l'endroi& de l'ulcere ou rupture, la corne de l'œil se faisant dure & calleuse, le serre & comprime, *ῥῆλον* qui signifie clou, par ce que s'elargissant, il ressemble à la teste d'un clou. Et pource que Aëce parle amplement de la nature, cause, diuersité & curation de ce mal, l'escriray ce qu'il en recite. Il y a (dit il) plusieurs differences de staphylomes,

par



par ce que les causes de ceste maladie sont diuerses. toutesfois en quelque sorte que se face le staphylome, le plus souuent il destruit & gaste la ueuë. On appelle staphylome quand la corne de l'œil s'eleue, & fait une eminence semblable à un grain de raisin. Cela uient aucunes fois, par ce que quelques \* humeurs assemblees souz aucunes des pelailles\* de la corne de l'œil, la poussent en dehors, l'estendent, la souleuent, & la courbent de maniere que le staphylome se fait sans rupture d'icelle. Ce mesme auient, quand une pustule engendree entre les pelailles de ladicte tunique assez profond, la souleue sans la rompre. On nomme aussi staphylome, quand estant rompue la corne de l'œil, il choit en dehors une grande portion de la rhagoeide. Ceste espeece differe de la premiere, par ce qu'en icelle la corne de l'œil est seulement eleuee, & à ceste cause la tumeur du staphylome est toute blanche: mais en ceste-cy la corne est rompue, & ce qui sort, apparroist noir ou bleu. Quand le staphylome est fort grand, de maniere qu'il s'auance & fortiette outre & hors les paupieres, & s'endurcit, puis que la corne de l'œil se faisant calleuse al'entour d'iceluy le serre & comprime, on nomme ceste maladie Clou, par ce que du tout elle ressemble à une teste de clou. En quelque sorte que ce mal auienne il apporte deux incommoditez & dangers: l'un de ruiner & destruire la ueuë: l'autre de gaster & desfigurer le uisage. Quant à la ueuë perdue, l'art ne la peut restituer: quant à la laideur du uisage, on y peut remedier, & principalement par chirurgie. Si le staphylome est recent, & causé d'inflammation qui souleue la corne de l'œil, il le faut curer par cata-

\* Comme en phlegmon, & autres telles tumeurs.


\* Aïce, comme il est notoire par le chap. De pustulis oculi, estime la corne de l'œil estre composee de quatre peaux membranueuses, fortes, & puissantes, ce qu'Auicenne repete, au chapitre d'Anatomia oculi.

plâsmes ordonnez pour les inflammations, & régime conuenable. Si quelque humeur amassée sous les pelailles de la corne de l'œil fait ceste tumeur, avec douleur, on met dessus la semence de lin & foenugrec cuicte avec eaumiel: & s'appaisant la douleur, de la farine de seues avec des roses, & semence de lin: le tout cuict en d'eau, ou des feuilles de ronce, ou des tendrons molletz de \* Bryonia, broyez avec égale portion de beurre & terbenthine, faisant tenir ce médicament avec bendage conuenable. Le suc de la morelle avec du lait de femme est aussi proufitable pour appaiser la douleur. Le collyre suyuant est bon aux staphylomes qui ne sont point inflammez, Alcyonium \* quatre drachmes: sel ammoniac une once: escume de nitrum, gomme d'oliuastre, de chacun une drachme: gomme Arabic deux onces. incorpore le tout avec de l'eau. Le collyre Theodotion de Seuerus, destrempé avec ius de chou, & appliqué assez épais sur l'œil, avec une esponge retenue d'un bendage, consomme & dissipe ceste tumeur, si la maladie n'est point inueterée. Les staphylomes qui ont le fons large & ample, & les ueines pleines de sang, sont difficiles à guerir. Ceux qui ont grand' éminence, & une couleur \* changeante, & qui font une douleur montante iusques aux temples, sont incurables. Quand les staphylomes sont tels, il n'y faut appliquer autres remèdes que ceux qui appaisent la douleur, lesquels cy-dessus nous auons décrits en la curation des ulcères malings. Aux staphylomes desquels le fons est estroit, & qui ne sont point malings, la curation qui se fait par ligature est proufitable. La maniere est, On prend deux eguilles, enfilees

\* On la nomme vulgairement de la Couleuree.

\* On l'appelle vulgairement Escume de mer.


\* Comme est celle de la rha-goïde.

les toutes deux d'un fil redoublé, & de parçille longueur: on fait asseoir le patient pres des piedz du maistre, ayant la teste renuersee, de facon que le quignon d'icelle repose sus les genoux de l'operateur: puis ayant separé les paupieres, on passe une des eguilles d'enhaut \* contrebas, par le milieu de la racine du staphylome: & ne doit estre l'eguille trop grosse, ny trop longue: & cependant que le staphylome est retenu & suspendu par ladicte eguille, nous en passons une autre semblablement enfilee d'un fil redoublé, par le milieu du fons du staphylome, la tirant du petit coing uers le grand, de maniere que la figure de ces deux eguilles se croise en ceste forme : ou bien en la forme de la lettre Chi maiuscule, qui est X. Car si les eguilles passent un peu plus de biais, on les tirera dehors plus aisément. Ce faict, ayant coupé les bouts des fils redoublez, nous lions ensemble les superieurs, avec les inferieurs, & les inferieurs avec les superieurs, & les serrons fort: le même faisons nous des obliques: & la meilleure facon de les serrer est, qu'on tire les bouts droicts du fil uers les droicts, & les obliques uers les obliques, & qu'on les nouë ensemble. Puis on coupe la pointe du staphylome, laissant son fons & racine seulement, pour retenir & conseruer les fils: car s'ilz tomboyent, les humeurs de l'œil sortiroyët, & l'œil s'enfonceroit. Nous coupons le staphylome, premierement pour abreger la cure, par ce que le fil en tombe plustost, & l'ulcere en est guerrie plus soudain: d'auantage le patient durant tout le temps de la curation en souffre moins de douleur, par ce que la partie a plus d'exhalation, & ne s'ensuit point inflam-

\* Nostre auteur, d'en bas contremont.

mation grande. Estant coupee la poignée du staphylome, & les fils serrez, comme dict est, il faut ietter dehors les aiguilles, & distiler sus la playe ou du lait, ou le blanc d'un œuf: & par dessus l'œil, il faut appliquer le dedans d'un œuf battu avec d'huile rosat, & un peu de vin, estendu sus de la laine molle, de laquelle on mettra pareillement un floc ainsi trempé & mouillé sur la tempe: puis ayant fait un bandage cōuenable, on tient le malade en repos. Le iour suuant on foment l'œil avec des épōges bien pressées, & y ayāt distillé du lait, on applique par dehors de la laine mouillée du dedans de l'œuf. Cela se doit faire par plusieurs iours, iusques à ce que les fils tombent: & estāt tōbez, on applique les remedes\* doux, ordonnez pour les ulceres, qui nettoient & abstergent l'ulcere: & en fin on use de cicatrisatifz. Voyla ce qu'en dit Aëce bien au long. La figure suyuante declarera l'operation susdicte. qui se fait par deux aiguilles:

\* Il entend  
les sarcotiques  
& absterifs.



En la premiere figure a f se lient ensemble: puis b e: puis c g: puis d h. En la seconde a d: se lient ensemble: puis b e: puis b g: puis c f. En l'œil (dit Celse) la derniere tunique est au cunefois eminente, par ce qu'au dedans quelques membranes sont rompues ou relaxees, & se voit la tumeur de figure

figure semblable à un grain de raisin, à raison dequoy les Grecz la nomment *staphylome*. L'operation se fait en deux manieres. l'une en passant par le milieu de sa racine une eguille enfilee d'un fil double, puis serrant les deux bouts d'un des fils par dessus, & les deux autres par dessous, qui petit à petit coupent & tranchent la tumeur. L'autre maniere d'operation est, qu'on coupe en la superficie de la tumeur, ce qui est prominent d'icelle, à la grandeur d'une lentille: puis on frotte la partie de *spodium puluerizé*, ou de *cadmia*. En quelque sorte de ces deux qu'on face l'operation, il faut appliquer dessus de la lame trempée en blanc d'œuf: puis fomentier l'œil d'eau chaude, & l'oindre de medicamens sedatifs & mitigatifs de douleur. On appelle *Clou*, un tubercule ou tumeur blanche, qui apparçoit sus le blanc de l'œil, & ce nom est imposé pour la similitude de sa figure qui ressemble à un clou. La meilleure operation est, le percer d'une eguille en sa racine, & le couper pres de sa racine: puis y appliquer un medicament lenitif & sedatif de douleur. Là où l'operation des eguilles ne se uerroit, on iugeroit estre conuenable, selon qu'a esté dict, au raisin de \* l'œil. *Al-*  
*bucrasis* commande qu'alentour de la tunique *rhagoeide* qui sort par l'erosion & ulcere de la corne de l'œil, on mette un drappeau qui la tienne serrée, à fin que les parties circonuoisines de l'œil ne la frottent & causent douleur: puis quand la tumeur sera fort grande, qu'on la pique d'une lancette friande, pour faire sortir l'humeur albugineuse contenue dans la *rhagoeide*. Comme ceste humeur sera épandue, ce qui s'auancoit en dehors s'entrera dedans, & lors il faut bander

\* *Staphylome*.

bander l'œil, iusques à ce qu'il soit totalement guery de la piqueure. Ainsi le malade échappe avec la perte de la uue en l'œil piqué.

De l'œil plein de matiere purulente.

CHAP. XX.

**Q**uant aux yeux pleins de matiere purulente, il me suffira reciter ce qu'en dit

\* Chap. dernier du 14. de la Methode.

\* qui environnent & embrassent l'œil, à sauoir la rhagoïde, la corne, & la conjunctiue.

\* Noz exemples ont tenu, que les traducteurs tournent miel melé avec la mucilage de saennegrec: mais les vieux exemples ont dit μέλι. Albucasis lit, ou de l'eau de la decoction de saennegrec & miel.

\* Galien, duquel les propres paroles sont, Entre noz medecins oculaires, vn nommé Iuste en branlant & secoüant la teste a guery plusieurs ayans les yeux purulens: les faisant asséoir tous droicts sus vne selle: puis leur prenant la teste d'un costé & d'autre, de biais, & leur secouant de sorte, que nous voyons manifestement la matiere purulente & fangeuse descendre contre bas: laquelle estant descendue, y demouroit à cause de la pesanteur de sa substance sans plus remonter, comme remontent les cataractes, si on ne les abat & presse curieusement. Passant outre il dit: Souuentesfois nous auons euacué la matiere purulente, incisans la corne de l'œil quelque peu au dessus du lieu, ou toutes les\*uniques sont coniointes ensemble, qu'aucuns nomment Iris, & d'autres la corne de l'œil. Voyla les paroles de Galien en son liure de la Methode curatiue. Estât vuidee la matiere purulente, on mondifie l'ulcere en y distillant de l'eau miel, ou du\* vin-miel, & au reste on poursuit la cure avec remedes accommodés.

ANNOTATIONS.

Aëce traite de ceste maladie, & de l'operation manuelle qui y est requise, plus amplement & clairement:

rement: parquoy i'aiousteray ce qu'il en recite. Les suppurations des yeux (dit il) faictes à cause d'ulceres \* ont diuers noms. On les appelle Onglets, en Grec *ὄνυχας*, quand la matiere purulente engendree en un ulcere profond, coulant entre les tuniques, & se presentant en la prunelle, monstre sa figure semblable aux retailions des ongles. Quand la matiere purulente est en plus grande quantité, de sorte qu'elle occupe la moitié du noir de l'œil, ou qu'elle est transparente par dessus toute \* la corne, nous disons l'œil estre suppuré, en Grec *ὀφθαλμίων*. Ceste maladie se fait aussi sans ulcere, apres \* douleur de teste, ou inflammation de l'œil suppuree. Elle se fait pareillement sans precedente inflammation, quand pour une abondante repletion d'humeurs, quelques uaisseaux se rompent, & le sang resspandu est supuré, & tourné en bouë: & cecy auenant on sent une douleur uiolente & pulsatiue: l'œil tout à l'entour est rouge: les temples deulent. Au commencement on doit euacuer le patient par clysteres, sans user d'aucune fomentation\*, puis il faut saigner la veine cephalique au bras: & consequemment la veine qui est ioignant le grand coing de l'œil, sans lier ou \* serrer le col, comme est la coustume de faire. D'auantage nous appliquons une uétouse sus le derriere de la teste, ou des sanfues sus les temples: puis usons des collyres ordonnez pour les inflammations, & principalement du collyre de Nileus: ou du collyre \* diarhodon, les distillant en l'œil avec du lait, ou du blanc d'œuf. Passé le troisieme iour, on foment l'œil avec une éponge,

\* De la corne de l'œil, superficielles, profondes, ou moyennes.

\* par dessus toute la partie d'icelle qui couvre la prunelle.

\* faicte d'humeurs chaudes & putrides, qui apres leur putrefaction tombent sur les yeux. Pour ceste cause i'ay veu perdre en moins de trois heures, les deux yeux à vne femme, laquelle secourus qu'on luy aye fait.

\* relaxatiue & mitigatiue, combien que la douleur soit grande. car telles fomentations ont vertu suppuratiue.

\* Par ce que liant le col & serrant les veines, le sang est rechassé en l'œil.

\* Les receptes sont au septième liure de nostre auteur.

pour

\* adstringens,  
ou simplement  
emplastiques.

pour le commencement un peu, puis petit à petit continuant tousiours d'auantage, & plus longuement: il ne faut user des \* collyres, qui bouchent & ferment les porosités de l'œil, ains de resolutifz & mitigatifz de douleur, comm' est Collyrium chiacum d'Apollonius, & autres semblables, nommez Diasmyrna, pource qu'il entre de la myrrhe en leur composition. Les collyres trop resolutifz & desiccatifz incontinent font grande euacuation de la plus subtile partie du pus, mais la plus grosse qui reste, est tellement condensée & endurcie, que mal aisément par apres on la peut resoudre. Quant à la matiere purulente engendree pour raison d'un ulcere, si l'ulcere & le pus sont superficiels, nettoyant & mondifiant l'ulcere, le pus se resout: mais si le pus est en grande quantité, & les medicamens ne le peuuent resoudre, & l'ulcere est profond, il faut piquer l'œil purulent avec une eguille pour euacuer le pus, la faisant entrer de biais, à l'endroit de l'Iris ou couronne de l'œil. Ceste operation se doit faire quand il n'y a point d'inflammation. Si la suppuration se fait au blanc de la tunique coniuñctiue, on incise avec une lancette sa partie inferieure, en écorchant & separant doucement par dessous ladicte tunique, & le pus estant sorty, on distille apres les deux operations cy deuant exposees, sus la playe le blanc d'un œuf: puis on bat avec du uin-miel le dedans de l'œuf entier, & l'estendant sus de la laine molle, on l'applique par dehors, avec bandage conuenable. Le second iour on foment l'œil d'eau chaude avec une éponge, & de-rechef ayant distillé du blanc d'œuf sur la playe, on applique par dehors la laine susdicte. Apres trois iours



iours on met exterieuremēt par dessus l'œil le collyre de Dion, ou quelque autre de ceux qui sont bons quand on a piqué l'œil. Voycy la recepte du collyre de Dion, Gōme Arabic, six drachmes: spodium, trois drachmes: encens, myrrhe, acacia spica nardi, écaille de cuyure, opium, de chacun une drachme: incorpore le tout avec eau de pluye: & quand tu en uoudras user, détrempe le avec le blāc de l'œuf, puis y mouille la laine susdicte, & l'applique. Si l'inflammation cesse, il surcroist quelque chair superflue al'endroit de l'incision, distille dessus ce mesme collyre détrempe avec du lait. Le Collyrium chiacum d'Apollonius est aussi fort bon, à consommer & purger telles excroissances. Quelquefois (dit Celsus) l'inflammation sort avec telle impetuosité, qu'elle pousse les yeux hors de leur place. Les Grecz appellent ceste maladie Proptosis, c'est à dire Procidence, par ce que les yeux tombent en dehors. En ce mal il est nécessaire, si la force le comporte, de saigner le patient: s'il ne se peut faire, le purger par le uentre, & luy commander une longue abstinence. Les remedes doyuent estre fort mitigatifz de douleur. A ceste cause aucuns usent du premier collyre de \* Cleon. Mais le collyre de Nileus est singulier: & en l'usage d'iceluy s'accordent plus les auteurs que de nul autre. La recepte est: Spica nardi, opium, gōme Arabic: de chacun une partie: saffran deux parts: feuille de rosier fraiche, quatre parts: on les incorpore avec d'eau de pluye, ou avec de uin delicat, quelque peu brusque. Il est bon aussi faire bouillir l'écorce de grenade en uin, ou du melilot, puis les broyer, & y aiouster de la myrrhe noire avec des feuilles de rosier, ou des

\* Il est composé d'égalles parties d'opium fricassé, saffran & gomme Arabic.

feuilles de iusquiamme, avec un iauue d'œuf cuit, ou de la farine de froment avec d'acacia, ou du uin passi, ou du uimmiel: & si on y aiouste des feuilles de pauot, ce remede sera de plus grand effect. Ayāt tout prest l'un de ces medicamens, on bacinne les yeux d'un drapeau mouillé en eau chaude, où l'on aura fait bouillir des feuilles de myrte & rosier, & exprimé: puis on applique ledict medicament: outre ce on met sus le derriere de la teste une uêtouse, apres auoir scarifié la peau. Si par ces moyens l'œil n'est remis en son lieu, ains demeure sorty & forietté, il faut estimer la ueuë estre perdue, & que l'œil ou uienda en suppuration, ou se tarira & fletirra. S'il y a apparence de suppuration, il le faut inciser au coing qui est prochain de la temple, à fin qu'estre uuidee la bouë, l'inflammation & la douleur cessent, & les tuniques retournent dedans, à fin que par apres le uisage en soit moins difformé. Ce fait, on use des collyres susdicts detrempés en du lait: ou l'on use du dedans de l'œuf: ou du saffran avec le blâc d'œuf. Si l'œil est mort & tari, à fin qu'il ne uienne en suppuration, il en faut couper autant qu'il a de laide & uilaine prominence en dehors. Pour ce faire on empoigne d'un crochet la tunique exterieure: puis par dessous on l'incise d'un petit rasoir: apres on y applique les medicamens conuenables, iusques à ce que toute la douleur soit appaisée. On use de mesme remedes, quand l'œil prominent est fendu & creuacé en plusieurs lieux. Albucrasis nomme la suppuration de l'œil en son Arabesque, Alcomnati.

**C**ataracte, en Grec ὑπόρυμα, est vne accumulation d'humeur inutile souz la corne de \* l'œil al'endroit de la prunelle, qui empêche de veoir, ou de choisir bien & claiement ce qu'on aulse. (Elle se fait principalement pour la refrigeration & imbecillité de l'esprit, par le benefice duquel nous voyons, appellé pour ceste raison optique, & à ceste cause ell'auient plustost aux vieilles gens, & après vne longue maladie.) Elle se fait aussi par vn violent effort de vomir, ou pour quelque coup, & pour plusieurs autres causes. Nous auons ia traité des Cataractes, qui ne sont point encor confirmées, & qui ne requierent point operation manuelle. au troisiéme liure. Donnons maintenant les signes par lesquels nous cognoistrôs celles qui sont parfaictement condensées, & congelées. Tous ceux qui ont les cataractes voyent, ou prou ou peu de clarté, & par ce signe nous distinguons la cataracte des maladies que les Grecz nomment ἀμαύρωσις, & γλαύκωσις, auxquelles les malades ne voyent tant soit peu de clarté. Galien enseigne la maniere de cognoistre les cataractes, quand elles sont assez épaissies, les differences d'icelles, & auxquelles est necessaire la chirurgie. Pour iuger lesquelles sont curables ou non, on ferme l'œil malade, puis avec le pouce on presse & frote la paupiere sur l'œil, la menant ça & là en la comprimant, puis soudain ouurant l'œil fermé, & l'auant on regarde la cataracte. Si elle n'est point

\* Entre la corne de l'œil, & l'humeur cristalline, cōme dit nostre auteur au 3. liure.

Ce qui est enfermé entre ces deux demicercles, à mon iugement, est superflu, & ne conuient point aux causes de la cataracte: & de vray Aëcel'a écrit de la foiblesse & diminution de la veüe, qu'il nôme Hebetudinē oculi, en Grec ἀμβλυωπία: suruant ce que Galien en écrit chap. 5. liure 10. de vsu partium.

encor assez épaissie, elle s'epand & separe avec la compression du doigt, se montrant plus large du commencement, puis derechef retour nant en la precedente grandeur & figure: mais si ell'est épaissie & congelee, on ne remarque aucun changement de grandeur ny de figure en icelle, pour auoir esté frottee & pressée: mais pource que ce signe est commun à celles qui sont mediocrement & suffisammēt \* épaissies, & à celles qui le sont par trop, nous les discernons par la couleur. Celles qui tirent sus la couleur du fer, ou du plomb, ou sus vn bleu clair, comme de la pierre qu'on nomme \* Eau-marine, sont médiocrement épaissies, & facilement s'abbatent avec l'eguille: celles qui ressemblent à du plâtre, ou à vn grain de grêle, sont trop dures. Ayāt entendu cela de Galien, nous faisons asseoir le patient vers la clarté du iour, sans que le soleil luy \* donne: puis nous bandons curieusement l'œil sain, & separant les paupieres de l'autre, en nous reculant de la couronne de l'œil vers le petit coing, autant qu'est gros le bout d'une éprouuette, nous marquons avec la teste de l'eguille le lieu qui doit estre piqué, besoignans de la main droicte en l'œil gauche, & de la gauche en l'œil droit: puis tournans la teste de l'eguille arrondie en son extremité, nous la poussons fort en dedans par le lieu ia marqué, iusques à ce qu'elle descende en l'interieure capacité de \* l'œil. La mesure de ce qu'on doit profiler, & faire entrer, est, que la poussions autant auant, que la

\* Les maistres qui abaissent les cataractes, les appellent meures.

\* Cyanus.

Aucuns exposent Turquoise: aucuns saphis du Puy.

\* de sorte que l'operateur soit assis vn peu plus haut que le patient. Celsus.

\* si l'œil est si dur, cōme il se trouue en quelques hommes, que l'eguille ne puisse entrer, Albucrasis veut, qu'avec vn poinçon nommé de luy Alburid, on perce la cornée seulemēt, à fin que par ce trou l'eguille puisse mordre sus la corne de l'œil.

prunelle


prunelle de l'œil est distante de l'iris ou couronne d'iceluy. Donc prenans avec l'eguille la cataracte par son extremité superieure ( ce qui se verra aisément, par ce que le bronze de l'instrument apparoit manifestement à trauers la corne de l'œil ) nous l'abaissérons & deprime-rons en l'inferieure partie de l'œil. Or si incontinent elle descent, nous \* arresterons & reposerons quelque peu l'eguille dessus : & si elle remonte , nous l'abaissérons derechef. Estant du tout abaissée & arrestée, nous retirerons l'eguille en la tournant doucement : puis distillerons dans l'œil vn peu de sel de \* Cappadoce détrempé avec d'eau, & appliquâs par dehors de la laine mouillée en huile rosat & blanc d'œuf, banderons l'œil , non seulement le malade, mais aussi le sain , à fin que se remuant il ne prouoque & incite le malade à se remuer. Nous commanderons au malade qu'il se couche en quelque petite chambre \* pres de terre, se tenant du tout en repos : & luy faisâs faire grande abstinence, l'entretiendrons ainsi bandé iusques au septième iour, si quelque chose n'empesche. Passé ce terme nous le debanderons & essayerons de cognoistre s'il voit ou non, luy monstrant & faisant regarder quelque chose : ce qu'on ne doit faire , pendant qu'on execute l'operation manuelle, ny incontinent apres qu'elle est executée , par ce que quand il s'efforce de regarder ententiement, la cataracte derechef promptement remonte. Si apres l'operation il suruiuent quelque in-

\* Pour la mieux serrer, au lieu où il faut qu'elle demeure.

\* En Cappadoce, dit Plin. ne, se faisoient trois manieres de sel : l'un en vn lac, qui estoit menu, & nō en quartiers : cōme seroit celui qui se fait au lac de marsonnette pres Carcasonne en Languedoc : l'autre de source & fontaine, cōme à Salins de la Frâchecôte : la troisième se fouissoit & tiroit de terre, en gros quartiers & pesans semblables au Talc, iannes transparents & de fort bonne odeur.

\* à fin qu'elle soit plus obscure.

inflammation douloureuse & pressive, nous débiterons l'œil devant le septième jour, & résisterons à icelle.



Aiguilles  
pour abatre  
les cata-  
ctes & tayer  
des yeux.

#### ANNOTATIONS.

\* Les Grecs appellent *ἀμαύρωσις*, ce que vulgairement on nomme goute seraine. C'est un aveuglement sans apparence de mal en l'œil, causé de l'obstruction du nerf optique si grande qu'elle ne permet l'esprit animal passer & descendre en l'œil. γλαύ-

ὁμα ou γλαύκωσις, est un auëuglement procedant  
 de ce que l'humeur cristaline qui doit auoir sa su-  
 perficie nette, luisante, & polie, est desechee, enäur-  
 cie, & changee en une couleur uerde blanchastre,  
 que les Grecz nomment Glaucum: parquoy il ne  
 peut plus receuoir les especes des choses qui se pre-  
 sentent à l'œil. On appelle aussi, mais improprement,  
 Glaucoma, une cataracte, qui pour estre trop des-  
 chee & congelee, tire sur ladicte couleur blanche  
 uerdastre. Cornelius Celsus particularise un peu  
 plus l'operation manuelle que nostre auteur: par-  
 quoy ne sera hors de propos aiouster ce qu'il en  
 escrit. Il y a (dit-il) plusieurs especes de ce mal, les  
 unes curables, les autres incurables. Si la cataracte  
 est \* immobile, & de couleur semblable à l'eau de  
 mer, ou à fer bruni, & qu'elle laisse encor entrer de  
 quelque costé aucun sentiment de clarté, on a espe-  
 rance de l'abbatre: mais si ell est grande, & le noir de  
 l'œil ayant perdu sa naturelle \* figure se tourne en  
 un autre: si la couleur de la cataracte est bleuë, ou  
 dorée: si la cataracte \* branle & se remue ça & là,  
 à peine y peut on iamais remedier par chirurgie. La  
 cataracte est d'autant pire, qu'elle procede d'une  
 plus grande maladie, ou d'une plus uehementë dou-  
 leur de teste, ou d'un coup & blesseure plus griëue.  
 En un uieil homme, qui sans ceste imperfection a la  
 uenë foible, on ne la peut guerir, non plus qu'en un  
 enfant. Vn aage moyen est plus propre à receuoir cu-  
 ration: & aussi si la cataracte est suffisamment meu-  
 re, & l'œil n'est petit ny enfoncé. Il faut donc at-  
 tendre, qu'elle soit endurcie & époissie, & qu'elle  
 ne s'épande & dilate plus. Trois iours deuant la cu-

\* qu'elle ne  
 s'épande point  
 quand on la  
 frote.

\* sa couleur  
 noire natu-  
 relle.

\* si elle s'é-  
 pand & diuise  
 quand on la  
 frote: les pre-  
 miers signes  
 mōstrent qu'el-  
 l'est trop meu-  
 re, & le der-  
 nier qu'elle ne  
 l'est pas assez.

ration: le patient doit manger fort peu, & boire de l'eau: le iour precedant il se doit totalement abstenir de boire & manger. Ce fait, on l'assiet en un siege tourné contre l'operateur, en lieu clair, de sorte que le iour luy tombe par deuant sur le uisage, & que l'operateur soit assis un peu plus haut que le malade, au derriere duquel doit estre un seruiteur qui luy tiennne si fermement la teste qu'il ne la remue point: car la remuant tant soit peu, on le pourroit rendre aveugle pour iamais. Il faut aussi empêcher l'œil malade de se remuer, en couurant l'autre de laine, & le bandant. L'œil gauche se doit traiter avec la main droite, & le droit avec la main gauche. Ces choses ainsi ordonnees & preparees, nous approchons l'eguille qui soit piquante & non trop gresse, & la poussons tout droit dedans, à trauers des deux tuniques \* superieures, au milieu du \* noir de l'œil & du coing prochain de la temple, la menant & adressant sur le milieu de la cataracte, de sorte qu'on ne blesse aucune ueine: & toutesfois la faut pousser hardiment, & sans doute, pource qu'elle ua en un lieu \* uuide, ou apres qu'elle est descendue, l'operateur encor qu'il fust mediocrement practique, ne sauroit faillir, pource que pressant & auansant l'eguille, ne se trouue rien qui luy resiste. Quand l'eguille a penetre, il la faut incliner sus la cataracte, & la tournant doucement, petit à petit mener ladicte cataracte vers l'inférieure partie de la prunelle: & quand elle sera abaissée outre icelle, il la faut serrer & comprimer plus fort, à fin qu'elle prenne assiete au bas de l'œil. Si elle s'y arreste & demeure, la curation est parfaite: si incontinēt elle remôte, avec la même eguille il la

\* La coniu-  
ctiue & la cor-  
ne de l'œil.

\* de la couron-  
ne de l'œil.

\* où elle ne  
rencontre rien  
qu'elle blesse.



il la faut rompre & decouper en plusieurs pieces : à fin que chacune d'icelles soit cachée plus aisément, face moins d'empêche, & tienne moins de place. Ce fait, nous retirons l'eguille tout droit, & appliquons dedans l'œil un blanc d'œuf, estendu sus de la laine molle, & par dehors un remede qui mitigue l'inflammation, avec bandage conuenable. Ces choses faites, il faut que le patient demeure en repos, & face abstinence : & qu'on use d'onctions douces & mitigatiues. Ce sera assez tost de donner le lendemain de l'operation à manger au malade quelque viande liquide, pour ne trauailler point les machoires. L'inflammation cessée on gouuerne le patient comme ceux qui ont esté blecez de playe, & faut necessairement qu'il boyue de l'eau. Voyla le discours de Celsus. Noz operateurs auant que piquer l'œil appliquent sus le front & sus les temples quelque emplastre adstringent, qui empêche la defluxion des humeurs sus l'œil, le serrans fort avec un bandeau : & comme ils ueulent faire l'operation, machent du poyure, ou du commun, ou quelque autre chose acre & chaude, puis soufflent trois ou quatre fois dans l'œil malade, pour luy oster le sentiment de la piqueure, échauffer & émouuoir la cataracte. D'auantage ne font ceste operation quand le soleil est au signe d'Aries, qui regarde la teste : & si la lune ne décroist. Albucrasis escrit auoir ouy dire, que de son temps en Alayrach on auoit excogité de piquer l'œil avec une eguille caue, & que par l'interieure cauité d'icelle on tiroit & sussoit l'humeur de la cataracte. Aëce ne parle point de l'operation manuelle en ceste maladie; mais explique sa nature fort

\* Car cela  
prouueroit  
defluxion sur  
l'œil.

amplement, suyuant ce qu'en auoit escrit Demosthenes. Suffusion (dit il) est un'affluxion d'humeurs qui s'epoississent alentour de la prunelle, de sorte que estant formee & parfaicte ell'empesche la ueuë. Cōme la suffusion commence, ces accidens uiennent aux malades: il leur semble uoir deuant les yeux de petites choses obscures & tenebreuses semblables à des moucherons. Aucuns pensent uoir des poils: les autres des filets de laine, ou des toiles d'araignee: aucuns cuident uoir des cercles autour des lampes. Quand ces choses apparoissent, quelquefois si on n'y auise bien & curieusement, la prunelle semble estre nette & pure: & quelquefois elle retire à la couleur de la mer. Comme l'affection & maladie croist, les accidens aussi s'augmentent: & comme ell'est parfaicte, le malade perd la ueuë: la prunelle change sa couleur naïfue en couleur blanche. Les suffusions sont de plusieurs & differentes couleurs: aucunes semblables à l'air: aucunes au uoirre: aucunes blanchastres: aucunes de couleur celeste: aucunes de couleur de mer, qui sont incurables. Les malades au commencement doyuent estre curés par saignée: & si rien n'empesche, par clysteres acres & purgations. Puis on applique une uentouse sus le derriere de la teste, avec scarification. Apres on use par intervalles de masticatories, & \* caputpurges. Pendant toute la curation il faut s'abstenir de uin, de toutes choses qui remplissent la teste, des estuues, n'estoit qu'on fust contrainct s'estuuer & baigner, pour se delasser, ou pource que la cuiete de l'estomach a esté tardieue: & encor ne faut il longuement demeurer, ny en l'air de l'estuue, ny en la cuue chaude ou l'on se baigne, ains y

\* Aëce cōtre les preceptes de noz praticiens, aux maladies des yeux, use d'er-rhines, ou caputpurges.

entrer

entrer, & sortir tost. Le regime doit estre attenuatif. Au cōmencemēt on use de medicamēts simples, cōme ius de fenoił, miel, huile uieus: puis de collyres cōposez, secs & liquides, qui serōt parapres d'escripts.

De l'absces nommé Aegilops. CHAP. XXII.

**A**gilops est vne tumeur qui facilement se conuertit en absces, entre le grand coing de l'œil & le nez. C'est vne maladie difficile à guerir, pour la subtilité de la partie, & pource qu'on craint que le mal ne se \* communique à l'œil. Si l'absces se rompt par dehors en la superficie exterieure, il faut couper tout ce qui est eminent & éleue iusques à l'os: mais si la matiere purulente prend son cours par dessouz, touchant l'os de la iouë, nous decouurirōs tout le lieu, par lequel elle tombe: & si l'os n'est point encor gasté & corrompu, nous le racle-rons: mais s'il est corrompu, nous le cauteriserons avec vn cautere à \* bouton, puis appliquerons sus l'œil vn'eponge mouillée en eau froide. Quelques vns ayant incisé la chair, ouurent le nez avec vne tairiere, pour donner conduict & passage à l'humeur de l'absces, ou à la matiere purulente par le dedans d'iceluy. Quāt à nous, tousiours nous nous sommes contentés du cautere actuel, vsant de cauterēs propres à ceste maladie, à ceste raison nommez Aegilopiques, & les imprimāt de sorte que l'os s'écaille & deflore. Le cautere appliqué nous vsons de miel avec farine de lentilles, ou avec écorce de migraïne puluerizée, & autres tels remedes qui ont vertu desiccatīue. si l'ægilops se tourne vers


\* y estant l'os corrompu. Aice.  
\* coulant le pus dans iceluy par le petit trou qui naturellement est pres du coing. Aice.

\* Guidon appelle ces cauterēs en son latin *Cauteria clauaria rotunda*, cauterēs ronds, semblables à vne teste de clou.

le coing de l'œil, par le profond de la peau, & nō superficialemēt, avec vne lancette, ou le ferremēt duquel on écorche l'ongle de l'œil, nous separons les parties situes au milieu du coing alendroit de l'absces, & souleuant la chair \* du profond, la desechōs\* moderement. Le voirre broyé tresmenu, & ietté par dessus, la desecherueilleusement. Le même fait l'aloé avec manne d'encens. Le reste de la curation de ces absces qui se fait par medicamēs, a esté déclaré & traicté au troisiēme liure.

\* Qui bouche le trou du grād coing.

\* pour consumer l'humeur superflue, qui de l'absces seroit coulee sur icelle.



Cautere actuel avec la piece pour les fistules lacrymales.

## ANNOTATIONS.

Il commande nommément qu'on la defeché modérément, par ce qu'estant chair, elle requiert remedes mediocrement desiccatifs : d'avantage, pource que telz remedes sarcotiques nourrissent, & augmentent la chair: en outre, pource que les remedes trop desiccatifs en amoindrissant & consommant ceste chair naturellement tendre & molle, causent le vice duquel nous avons parlé souuent, nommé des Grecz *ποιός*. Nostre auteur au troisiéme liure, loüe pour cela le collyre de croco, ou un collyre composé de saffran, aloë, & glaucium : ou un peu d'alum avec du uin. Pour mieux entendre nostre auteur, faub presupposer qu'il y a quatre especes & manieres d'absces. La premiere se fait par maturation & supuration de phlegmon uray, erysipelateux, scirrheux, œdemateux: la seconde nommée proprement des Grecz *ἀπὸ σκηνυμῶν*, se fait par transmutation, quand la matiere d'une tumeur d'une partie soudainement passe en l'autre: comme quand la squinance se change en pleuresis. La tierce se fait par soudaine irruption & fluxion de matiere ia corrompue & putresciee dedans les ueines. Si on ouvre incontinent ceste sorte d'absces, on y trouue de l'humeur semblable à sang, lie de uin, crasse d'huile, avec si grande puanteur qu'on ne la peut souffrir: quelquefois apres une grande contusion ou ruption, ilz sont pleins de sang caillé. Mais si n'ouvrant point ces absces, on laisse defecher la matiere contenue, selon qu'ell'est diuerse, & diuersemēt corrompue, elle se change en diuerses formes, ressemblant ou à un'ongle, ou à du poil, ou à un os, ou à un carron, ou à une pierre, ou à

de corne, ou à quelque morceau de touue, & quelquefois s'y engendrent des uers. Ces trois manieres d'absces sont chauds, & se font avec douleur, rougeur, chaleur, inflammation, & n'ont dedans aucun sac: mais sont contenus ou entre deux tuniques, cōme en l'œil: ou entre deux membranes, comme celles qui separent les muscles les uns des autres: ou entre la peau & les parties du dessous. Nostre auteur traite cy-apres chap. 34. de la premiere espee: & chap. 36. de la quatrieme. La quatrieme maniere qui est froide, se fait petit à petit par congestion, sans douleur, chaleur, rougeur, & contient dans une bourse, ou sac, de la matiere semblable à miel, ou bouillie, ou suif. Or nostre auteur au troisieme liure dit, *egilops* estre absces du grand coing de l'œil: fait d'une tumeur suppuree & conuertie en ulcere: mais si la tumeur n'est point encor suppuree & conuertie en ulcere, il le nomme *Anchilops*. A cecy nomme *Aegilops* cest absces, quand il est de l'une des premieres especes sus declarees, & principalement par suppuration d'un phlegmon, & *anchilops*, quand il est de la quatrieme, assavoir ou *atherome*, ou *steatome*, ou *meliceris*, qui petit à petit croist, & ne fait point de douleur. Celsus dit, *egilops* estre la fistule lachrymale, & en escrit ce qui s'ensuit: Au coing de l'œil prochain du nez, de quelque maladie precedente se fait une petite fistule, par laquelle continuellement il distille de la \* pituite: les Grecz la nomment *Aegilops*. Ce mal incessamment fache l'œil, quelque fois rongéant & penetrant iusques dans le nez. Quelquefois il tient de la nature du chancre, & lors les veines sont tendues & recourbees: la couleur est

\* Ou dedans l'œil, ou le long de l'os de la joue.

\* palle: la peau est dure, & quand on la touche, encor que ce soit legerement, elle irrite, & prouoque inflammation sur les parties qui luy sont coherentes & conioinctes. Il est dangereux uoloir guerir les patients affligez de ce mal, quand c'est un chancre: & la curation auance leur mort. C'est aussi peine sans prouffit de les uoloir curer, quand l'absces penetre dans le nez: par ce qu'ilz ne guerissent iamais. On peut curer ceux ausquelz ce mal est au coing de l'œil, iasoit qu'on n'ignore point la curation & estre difficile, & d'autant plus que le mal est plus pres du trou du coing: il est plus aisé de le guerir estant recent. On souleue d'un crochet la superieure partie du pertuis de la fistule: puis comm'a esté dict parlant des fistules, on incise toute la cavitè de ladiète fistule iusques à l'os: & ayant soigneusement couuert & ramparé l'œil, & les parties circonuoisines, on cauterise bien fort l'os: & s'il est ia atteint de corruption & carie, à fin qu'il en sorte & s'efflore une plus grosse écaille, aucuns y appliquent des caustiques, comme uitriol, chalcitis, & uerdet raclé: mais l'operation de ces medicamens est moindre & plus tardiuë que du feu. Estant l'os cauterisé, le reste de la curation se poursuit comme aux autres parties cauterisees. Aëce le prenant de Seuerus, fameux chirurgien, traite ceste operatiõ un peu d'autre fason. Quand (dit il) ceste maladie ia inueterée a corrompu l'os, ou estant faicte cicatrice en la superficie de la peau, la fistule est paruenue au coing de l'œil, on oste une piece de la chair couchee au dessus, en forme triangulaire, accommodant le plus estroit de la section à l'endroit du coing: puis ayant caché & cou-

\* Non palle  
izupe, comme  
de la cholere,  
mais palle li-  
uide.

uert l'œil d'une éponge, on iette dans la section un cautere embrasé brulant l'os, iusques à ce qu'il s'en leue une écaille, de sorte qu'on cauterise aussi les parties obliques en la cavitè de l'ulcere, & principalement les superieures. Car si ayant appliqué le premier cautere, tu regardes curieusement l'os, tu uerras une petite cauerne fort estroicte, laquelle enuoye à l'ulcere une humeur semblable à larmes, de la partie oblique & superieure. Parquoy on doit imprimer fort le cautere sus ladicte cauerne : & l'ayant suffisamment cauterisee, on applique dessus des lentilles cuictes avec miel. Quand la crouste sera tombee, & l'ulcere un peu modifiee, on mêle avec terebinthine liquide de l'alum de plume puluerisé, & reduisant le tout en forme d'emplastre on en met dans la cavitè de l'ulcere, & par dehors aussi on en met sus ladicte cavitè avec un drapeau lōg & estroit. Ce medicament nettoye l'ulcere incontinent, engendre la chair, & cicatrise. Le uoirre broyé est pareillement bon à engendrer la chair. Vse en, & tu le trouueras singulier pour cela. Le mesme Aëce cure son anchilops, comme les autres absces froids, faisant incision superficielle: écorchant la bourse qui contient l'humeur, & l'emportant du tout. L'ayant ostee, pour y proceder plus seurement, & empêcher sa regeneration, il cauterise le lieu: puis applique de la farine de lentilles avec du miel: & quand la crouste est tombee, traite l'ulcere avec terebinthine & alum, iusques à ce que la cicatrice soit faicte. Maistre Guy de Cauliac, suyuāt l'opinion de Mesue, ne trouue point bon d'ouurir le nez avec une tairiere pour faire degouter la fistule dedans: car incontinent le pertuis



pertuis est rempli de chair, & l'humeur reprend son cours là où elle l'auoit au par-auant. Aucuns deuant qu'appliquer le cautere preseruent l'œil avec de paste: les autres avec un cuillier d'argent ou de bronze renuersee dessus: les autres pour le preser- uer iettent le cautere par dedans une canule. Or ce n'est point de merueilles si nostre auteur recite dix maladies de l'œil curables & traittables par chirurgie, ueu que Galien en son Introdution dit l'œil, ou les parties creées & ordonnées pour sa tuition, estre suiet à cent & treze maladies: assauoir tout l'œil à vingt & deux: sa couronne, ou iris, à dixhuit: la pupille à douze: le dedans des paupieres, à dix: le dehors à sept: les tuniques à neuf: le cillon à onze: toute la paupiere à trois: le dedās & dehors des coings à sept: le blanc à dix: les uaisseaux descēdants du cer- ueau, à quatre.

Du conduict & passage de l'oreille bouché.

## CHAP. XXIII.

**C**Est empeschemēt vient de nature, quand quelque membrane estendue tantost au profond de l'oreille, tantost en la superficie d'icelle, bouche son conduict. Il se fait aussi par occasion & accident depuis nostre natiuité, quand il a precedé quelque vlcere, & qu'une chair superflue engendree en icelle, estoupe le conduict. Si la membrane qui empesche, est au profond de l'oreille, l'operation manuelle est difficile. Neantmoins on essaye de la couper avec quelque subtil ferrement: mais si elle apparoit en la superficie de l'oreille, on l'incise avec vn cousteau long & estroit, & si be- soing

soing est, on la taille tout-alentour. Si le conduit est fermé par excroissance d'une chair superflue, on la coupe tout à l'enuiron, avec l'instrument duquel on tranche & écorche l'ongle de l'œil, ou avec la petite spathule tranchante, de laquelle on extirpe & separe le pourpre du nez: puis on fait vne tente de drapeau tors de grosseur proportionnee à la largeur & ouverture du conduit, & l'ayant mouillée

\* *Albucrasis*  
*veut que ce*  
*soit eau rose.*

\* d'eau, on la roule sus de la chalcitis puluerisée, ou sus quelque autre médicament de pareille vertu, reduit en poudre, & la met-on dans le conduit, à fin que derechef la chair superflue ne s'y engendre<sup>a</sup>. S'il suruiet inflammation, nous retirons & osons soudain la tente: s'il en suit flux de sang, nous trempons vne éponge en eau froide, & l'appliquons dessus: vñt au surplus des autres remèdes conuenables.

#### ANNOTATIONS.

<sup>a</sup> *Albucrasis* qui de mot à mot a transcrit ceste curation de nostre auteur, lit, S'il suruiet inflammation, nous retirons & osons soudain la tente, au lieu d'icelle, en y mettant un'autre ointe de cerat rosat, iusques à ce que l'inflammation soit mitiguée: puis nous traitons l'ulcere avec remèdes conuenables, iusques à ce qu'il soit guery, s'il en suit flux de sang &c. Ces paroles manquent en noz exemplaires. *Celsus* recite ceste operation un peu d'autre maniere, comme s'ensuit: Ainsi (dit il) que les yeux requierent plusieurs & diuerses operations manuelles, ainsi se trouuent peu de dispositions aux oreilles

oreilles qui soyent traictées par chirurgie. Neant-  
moins il auient dès le premier iour que sommes nez,  
ou bien par quelque ulcere faicte depuis, & par la ci-  
catrice qui s'y engēdre, que l'oreille soit remplie &  
bouchée, de sorte qu'il n'y ayt point de trou, & que  
l'homme soit priuē d'ouye. Le cas auenant, il faut  
sonder avec une éprouuette, si le conduict \* est rem-  
pli fort profond, ou seulement empesché & congluti-  
né en la summité. s'il est plein iusques fort bas & pro-  
fond, il n'obeit point quand on foule & presse de  
l'éprouuette: s'il est seulement bouché en la summité,  
il recoit & laisse entrer incontinent l'éprouuette. Il  
ne faut point toucher au premier, à fin que sans espe-  
rance d'effect & proufit, nous n'excitions & cau-  
sions une conuulsion, avec danger de mort. Le second  
se guerit aisément. A l'endroit où le conduict de  
l'oreille doit estre pertuisé, nous appliquons quel-  
que médicament caustique: ou l'ouurons avec un fer  
chaud: ou l'incisons avec une lancette. Estant ouuert,  
& l'ulcere ia mondifiée, nous y iettons une plume  
oincte d'un médicament cicatrisatif: & de ce medi-  
cament même oignons la partie du conduict qui est  
al'entour de la plume, à fin que la peau prochaine  
qui enuironne ladicte plume, s'endurcisse, seche, ren-  
de ferme & saine: & qu'auoir osté la plume, on  
puisse ouyr.

\* De la mem-  
brane, cicatri-  
ce, ou chair su-  
perflue.

Des choses qui tombent dans le conduict de  
l'oreille.

CHAP. XXIII.

**D**E dans les oreilles tombent non seulemēt  
de petites pierres: mais aussi du voirre,  
des feues, & des petites graines de carrubes. Le  
voirre & les petites pierres se conseruent & de-

meurent dans l'oreille en leur propre & precedente grandeur : mais les feues, les graines de carrubes, & autres telles choses s'abbreuuent & enflent de l'humidité qui naturellement est dans l'oreille, & causent tresgrieues douleurs. Parquoy il les faut tirer & ietter dehors avec vne éprouvette à cur'oreille, ou vn crochet, ou vnes pincetes: ou en secouant & brânlant fort la teste, apres auoir mis l'oreille dans quelque <sup>a</sup> cercle & bourrelet. Souuent nous auons ietté dehors ces choses en fustant par dedans vne cane. De ceste mesme façon nous tirons l'eau tombee dans l'oreille, bouchant alentour & couurant de cire le bout de la cane qui va dedans l'oreille, à fin que de nulle part l'air ne trouue acces pour y entrer : & quant aux petites pierres, ou autres telles substances grossietes, pour les tirer, nous enueloupons de laine le bout d'une éprouvette à cur'oreille, puis le trempons dans resine terebinthine, ou autre chose ainsi \* glueuse, & doucement le metons dans le côduict de l'oreille: & si par ce moyen ne pouuons tirer ce que pretendons, nous ietôs dans le nez vn \* sternutatoire, commandant au patient de fermer la bouche, & serrer les narines avec les doigts quand il esternuera. Et quand par aucun de ces moyens nous n'auancerons rien, premier qu'il suruienne inflammation, conuulsion, ou autre danger, nous tirerôs ce qui est cheu dans l'oreille par operation manuelle: pour laquelle faire, nous colloquerons le patient à nostre commodité: puis renuersant l'oreille,

\* comme du  
glu: Albucra  
sis: ou de la  
poix. Aée.

\* Albucrasis  
vent qu'auant  
le sternutatoi-  
re on mette  
dans l'oreille  
de l'huile vio-  
lat, ou de sesa-  
mum, pour ren-  
dre le conduict  
plus glissant.  
Aucuns font  
non seulement  
esternuer les  
patients, mais  
aussi cracher,  
& toussir d'es-  
fort.

l'oreille, en la racine d'icelle, au derriere de ce qu'on nôme le \* filet, nous faisons vne petite incision en forme de croissant, & avec le cur'oreille de l'éprouvette, nous tirôs ce qui est tombé dedans : l'ayant tiré nous cousons la playe, & la gouuernons comme les autres playes fraiches, & encor sanglantes.

## ANNO TATIONS.

\* Albucrasis fait ce bourrelet de drapeau, ou de laine. Son usage est de rehaucer, estendre contremôt, & tenir droicte l'oreille, pour faire son cōduict plus pendant, ce qui donne plus aisée sortie, & cheute à ce qui est tombé dedans. Aëce traite ceste maniere & industrie de secourre & branler la teste, & de tirer les choses qui s'enflent dans l'oreille, plus exactement que nostre auteur: parquoy ne sera hors de propos aiduster ce qu'il en escrit. Pour ieter (dit il) ce qui est entré dans l'oreille, il aide & sert beaucoup de branler & secouer la teste. Si c'est un enfant, on le prend par les iambes, & en le secouant, celuy qui le tient le leue au dessus de sa teste. Si c'est un homme d'aage, qui endure ce tourment, on le fait coucher sur une \* table, de sorte que l'oreille malade soit tournée uers ladicte table, & l'auertit-on de serrer, autant qu'il luy sera possible, la teste contre ladicte table: puis hausant le bout de la table on touche la teste, on le laisse cheoir contre bas: & fait on cela par plusieurs & reiterees fois. Par ce moyen ce qui est tombé dans l'oreille s'emouuera, & passera en la partie du conduict la plus spatieuse & aisée pour le tirer, de sorte que ietant habilement dedans le cur'oreille de l'éprouvette, on \* l'emportera. Si

\* c'est la plus basse & molle partie de l'oreille.

\* De beaucoup plus longue que n'est le personnage. \* c'est inuention est d'Archigenes, cōme escrit Galien liure 3. de la comp. des med. partic. & nom d'Aëce.

\* ainsi le tra-  
duit Corna-  
rius: à cela se-  
roit meilleur  
un ferrement  
pointu, comme  
celuy qu'Al-  
bucrasius nōme  
spathion sub-  
til, ou vnes  
pincettes tran-  
chantes.

une feue ou autre chose semblable tombe dās l'oreil-  
le, en y demeurant long temps elle s'abbreuue & en-  
fle, à raison dequoy le patient endure grande dou-  
leur. Or n'est il possible la tirer entiere: parquoy  
avec le cur'oreille de l'eprouuette \* il la faut rom-  
pre, & briser dextrement, puis la tirer par pieces:  
cela faict, faut distiller en l'oreille du uin cuit, ou du  
uin doux, chaud, pour adoucir le conduict offencé de  
la uiolence faicte en tirant. Albucrasius pour faire  
sortir l'eau hors de l'oreille, premierement emplit  
l'oreille de coton, & puis faisant coucher le patient  
sus icelle, use de sternutatoires: secondement fait sau-  
ter le malade sus le pié du costé de l'oreille, pendant  
la teste de ce costé mesme: tiercement prend un mor-  
ceau de ionc ou cane: & l'ayant mis dans l'oreille par  
un bout, il allume l'autre bout qui sort dehors, à fin  
qu'en brulant, il attire & consomme l'eau, & reite-  
re cela par plusieurs fois: quartement il fait expres  
de petites pierres, longues comme le petit doigt, de  
diuerse grosseur, grelles & lisses, & les ayant mi-  
ses dans l'oreille, il les pousse en frappant douce-  
ment, iusques à ce que l'eau sorte, & essaye suc-  
cessiuement les unes apres les autres: & c'est une  
industrie semblable à celle de la corneille d'Aesop-  
pe, qui ne pouuant boire en un uaisseau trop pro-  
fond pour son col, iettoit des pierres dedans, &  
ainsi elle faisoit remonter & approcher l'eau.  
Aucuns en ce cas battent fort l'oreille pleine de  
eau avec la paume de la main estendue, faisans  
pancher la teste au patient, comme a esté dict  
cy-dessus.

Des pourpres du nez.

CHAP. XXV.

**L**E pourpre est vne tumeur contre nature faicte au nez. On le nomme ainsi pour la similitude qu'il a avec le pourpre marin en sa figure, & aussi pource qu'il ressemble de consistance à la chair d'iceluy : d'auantage comme le pourpre marin avec ses longs piés se defend contre le pescheur qui le veut prendre, s'attachant & entortillant al'entour de ses mains, ainsi ceste maladie bouche & empesche le nez des patiens, leur faisant ennuy & incommodité tant à parler qu'à respirer. Il ne faut point mettre la main aux pourpres du nez, s'ils sont durs, avec renitence, couleur tirant sur le liuide ou plombé & malignité, par ce qu'ils tiennent de la nature & peruersité du chancre. Ceux qui sont plus mols, laxes, \* endormis, & point malings, se laissent traicter par chirurgie. Nous colloquons le patient en figure commode, le faisant asseoir, & le tournant vers la clarté du soleil : puis ouurant & elargissant de la main gauche le cœduit du nez, avec la dextre nous coupons tout alentour ce pourpre ou chair superflue, d'un instrumēt faict expres pour ceste operation, & à ceste cause nommé des Grecz *πολυπικὸν σκελεθριον*, qui soit faict en forme de feuille \* de meurte, & qui ayt le tranchant friand & affilé. A l'endroit où le pourpre est attaché au nez, nous ietons le tranchant de ce ferrement : puis tournans l'autre bout dudict instrument, avec sa \* coupe nous tirons & forrons dehors la chair tranchée. Ce faict, si nous

\* au Grec γ  
a vapnódas,  
stupides; il nō  
me ainsi ceux  
qui ne réueil-  
lent point le  
malade par  
mauuais acci-  
dens, qui sont  
cōme assoupis,  
qui ne sont ir-  
ritēz ny indi-  
gnés.

\* comme vne  
lancette vul-  
gaire.

\* Il presu-  
pose qu'au  
bout duquel  
on tient l'in-  
strument, y  
ayt com. me la  
coupe d'un  
cur'oreille.

voyons le conduict du nez debouché & nettoyé, nous curons & traitons l'ulcere faicte par l'incision comme il appartient : mais s'il reste encor quelque piece ou morceau du pourpre, nous prenons vn autre ferrement tel que le susdict, & avec son tranchant raclons ce qui demeure, le tournant & imprimant fort, iusques à ce que l'ayons emporté dehors. Si le pourpre est maling, nous le cauterisons d'vn cautere à bouton : & apres l'auoir cauterisé, y appliquons remedes conuenables apres l'usage du feu. L'operation manuelle faicte, avec vne éponge nous essuyons curieusement le sang qui coule, puis ietons dans le nez ou du \* vin, ou de l'eau meslee avec du vinaigre : & si l'iniecton par le palais va & passe iusques au destroit de la gorge, l'operation est bien & deuément executée : si elle ne passe point, c'est vn manifeste signe, qu'alentour des os nommez des Grecz \* ἠθμοειδῆς, ou en la plus haute partie du nez y a quelque chair superflue, qu'on n'a point touchée ny empognée avec le ferrement duquel le pourpre a esté coupé. Il faut donc prendre vn fil de lin, moyennement gros, comme vne cordelette, & y ayant faict des nœuz distans l'vn de l'autre à deux ou trois doigts, l'enfiler au \* pertuis d'vn'eprouuette à deux boutons : puis ieter dans le nez l'autre bout de l'eprouuette, rendant contremont vers le conduict ou couloir ethmoide : & ayant passé ledict fil par le palais iusques à la bouche, le mener & tirer avec deux mains, & en ceste maniere cōme en fiant,

\* Gros & rude.

par ce qu'ilz ressemblent à vn couloir nommé des Grecz ἠθμοειδῆς. les anatomistes appellent cest os le huitiesme de la teste.

\* Il presuppose que l'vn des bouts de l'eprouuette ayt vn pertuis cōme vne eguille.

avec



auec ses nœuz couper la chair superflue. L'operation acheuee, nous tenons le nez ouuert & large auec vne tente faicte \* du drapeau qu'on allume & brusle aux lāpes: & apres le troisieme iour, si quelque chose reste encor, on la mange & consomme auec les trochisques de \* Musa, & autres semblables medicamens, qui aussi ont vertu de \* secher la partie: cōsequemment on vse des trochisques cicatrisatifs: & si besoin est, durant toute la curation, on accommode & approprie dans le nez des \* canules de plomb.

## ANNOTATIONS.

\* Les tentes ou charpies nōmees des Grecz μα-  
τι, se font ou d'un drapeau tors, les Grecz les nom-  
ment σπιττα: ou de labourre d'un drapeau racle, les  
Grecz les nomment ζυσδ: ou des fils d'un drapeau  
arrachez, les Grecz les nōment τιττα: ou de dra-  
peau laue, parfume, prepare auec du souphre, nitrū,  
& autres choses semblables pour bruler & seruir  
de meche aux lampes: les Grecz les nomment ελδω-  
χιωτας. Ces drapeaux s'acoustroyent en Tharse-  
uille d'Asie, & de là se portoyent à Rome. Leur  
uirtu, à cause de leur preparation, estoit fort desicca-  
tiue. Galien en fait mention chap. 3. liure 14. de la  
Methode. Les tentes longues & semblables à un  
suppositoire, comme ordinairement on les fait, se  
nomment des Grecz ωριαπισκωτοι, pource qu'elles  
ressemblent à la uerge de l'homme. Il suffira auoir  
noté cela en ce passage, pour ne le repeter cy-apres.  
Ce que Celsus liure 6. & 7. escrit de ce mal, & de  
l'operation manuelle requise en iceluy, seruira de

\* Albucra-  
sis vse en cela  
d'vnguent

Aegyptiac.  
\* l'ulcere fai-  
cte en icelle  
par l'operation  
manuelle.

\* pour le te-  
nir ouuert, &  
donner issue  
aux excremens  
ordinaires que  
en mouche.

beaucoup pour l'instruction du lecteur : parquoy ne sera impertinent l'ajouter. Le pourpre (dit-il) est une petite chair quelque fois blanche, quelque fois rougeastre, adhérente à l'os du nez. Aucune fois pendant sus les leures elle remplit & bouche la narille: aucune fois elle croist en derriere, dans le trou par lequel l'air & le uent descend du nez au destroit de la gorge, de telle grandeur qu'on la peut voir au derriere de la luette, & estrangle le patient, & principalement quand Auster uent de midi, ou Eurus uent de leuant soufflent. Ceste chair quasi tousiours est molle, & peu souuent est dure. Celle qui est dure, tiét de la nature du chancre pour la plus part, empesche plus l'alcime, dilate & fait plus large le nez: & n'y doit-on point \* toucher. L'autre espece de pourpre est ordinairement guerie avec le fer: neantmoins quelque fois elle se deseché, si avec une charpie ou tente on met dans le nez la composition qui s'ensuyt, Minium \* Sinopique, chalcitis, chaux, orpiment rouge: de chacun une partie: uitriol, deux parties. Le pourpre qui requiert operation mauuelle doit estre separé de l'os avec un serrement agu & tranchant, faict en maniere d'une lame d'espee: & faut bien auiser de ne blesser la chartilage, car elle seroit mal-aisée à guerir. Apres auoir coupé ladiète chair, on la sort dehors avec un serrement crochu: puis doucement on remplit le nez d'un drapeau replié, ou d'une tente couuerte & saupoudree de quelque médicament ayant uertu d'arrester le sang. Le sang arresté, on mondifie la playe avec \* charpies. La playe mondifiée & nettoyée, on met dedans le nez une plume engressée d'un médicament cicatrisatif, en la même

façon

\* Par chirurgie, ains se doit traiter comme le chancre par medicamēt re-frigeratifs, desiccatifs, mitigatifs, de douleur, qui empesche son accroissement.

\* Sinopé ville de Ponté pays de Diogenes Cynique: d'où s'apportoit vne espece de Rubrica, ou terre rouge, nommée pour ceste cause Sinopis. Celsus la nomme improprement Minium. Car Minium n'est autre chose que le cinabre artificiel, ou naturel & metallique.

\* seules, ou engressées de quelque médicament absterfif & mondificatif.

fason qu'auons dit se deuoir faire en l'oreille, iusques à ce qu'elle soit du tout guerie. Voylà ce qu'en dit Celsus. Les quatre maistres fameux chirurgiens, n'estant possible par caustiques & catheteriques consumer le pourpre iusques à sa racine, par ce qu'il est caché trop profond, fendent de costé la charnilage du nez iusques à l'os d'iceluy: puis ayant coupé & cauterisé le pourpre decouuert par ce moyen, cousent fermement & proprement la fente. Maistre Guy tresdocte & assuré praticien sagement nous auertit de ne la coudre point, iusques à ce que le sang du tout soit arresté, & le pourpre totalement arraché & deraciné: par ce qu'il ne peut demeurer tant soit peu de sa racine, qu'il ne recroisse, quoy auenant l'operation seroit faicte en uain. Le sang arresté & le pourpre deraciné, on la peut recoudre, & si besoing est, rafraichir & renouueller la playe, tranchant un peu de ses bors, à fin qu'ils reprennent & se resoudent mieux apres la cousture. Maistre Rogier coupe le pourpre avec un fer chaud, iette par dedans une canule: mais souuent le fer échaufe tellement la canule, que le patient ne la peut souffrir: & si on la uent enuelopper de drapeau pour obuier à ceste incommodité, & garder qu'elle ne brule le malade, cela est si empeschant que mal-aisément on fait l'operation. Si le patient craint le fer chaud, ledict maistre Rogier, avec un\* tuyau ou une tente mouillée en quelque ruptoire le cauterise: puis quand la crouste est cheute, le pense & traite à la fason des autres ulceres. En toutes ces operations quelconques elles soyent, il faut appliquer alentour du nez medicamens qui refrigerent, appaisent la douleur,

\* Appliqués  
le ruptoire par  
dedans iceluy.

& repercutent : & si besoing est, mettre au dedans  
 une canule de plomb, comme nostre auteur le com-  
 mande. Les praticiens Arabes semblent auoir  
 appris l'industrie de cauteriser le pourpre avec canu-  
 le, & couper la charnilage du nez, de Celsus, escri-  
 uant ainsi: Si la maladie nommee des Grecz *ozæna*  
 ne peut estre curee par medicamēs, ie ne trouue point  
 aux liures des grāns chirurgiens comme elle doit  
 estre guerrie: & comme ie cuide, par ce que l'opera-  
 tion manuelle n'est suffisante pour la guerir, uen-  
 qu'en operant on tōrmente trop le malade. Aucuns,  
 toutesfois, disent qu'on doit mettre dans le nez une  
 canule subtile, ou une cane delaquelle on escrit, qui  
 n'ayt point de nœuz, & la pousser contremont ius-  
 ques à ce qu'elle touche l'os ulceré: puis que par ladi-  
 cte canule on doit appliquer sus l'os un ferrement ou  
 cautere mince tout embrasé: & en apres qu'il faut  
 mondifier la partie cauterisee, avec du uerdet & du  
 miel: & estant mōdifice, qu'il la faut acheuer de gue-  
 rir avec lycium: ou bien qu'il faut par bas inciser la  
 narille, iusques à l'os du nez, à fin qu'on puisse noir  
 le lieu du mal, & appliquer plus facilement & com-  
 modement le fer chaud: puis qu'il faut recoudre la na-  
 rille, & traicter l'ulcere cauterisé par le mesme  
 moyen qu'auons dit: & ietter sus la cousture ou du  
 litharge, ou quelque autre medicament cōglutinatif.  
 Au pourpre du nez se peut rapporter la maladie  
 nommee d'*Albucrasis Althelul*, c'est une uerrue. Souuēt  
 (dit il) au bout du nez sort une uerrue qui croist &  
 s'augmēte tous les iours, & en fin défigure le uisage  
 de la personne. A ceste cause il la faut trancher dès  
 le commencement & la déraciner, puis y appliquer

un cautere actuel, ou potentiel. Si pour n'auoir esté tranchée on l'a laissé croistre, il faut considerer si elle est dure, lapideuse, peu sensible, & de couleur noirastre. Estant telle, il n'y faut point toucher, car elle tient de la nature du chancre. En plusieurs ie l'ay ueüe inciser, & estre deuenue fort malicieuse. Mais si elle est laxé, molle, & d'autre couleur que noirastre, & il est possible de la retrancher toute, il faut purger le malade: puis la trancher hardiment, & curer l'ulcere avec medicamens adstringens & desiccatifs.

Des Mutilations, nommees des Grecz *κολοβώματα*.

## CHAP. XXVI.

**L**es mutilations des oreilles & leures sont traictées en ceste maniere: Premièrement par dessous on écorche legieremēt & superficiellement la peau: puis apres auoir osté ce qui estoit calleux & endurci, on ioint ensemble les bords de la playe fraîche: & les ayant cousus, on les conglutine.

## ANNOTATIONS.

Galien au liure des Definitions medicinales dit *κολοβώματα* ou mutilation estre faite d'une particule en quelque membre & partie du corps. Ceste definition comprend toute mutilation generalement, en quelque partie qu'elle soit: mais cōme Galien mesme dit chap. 16. liure 14. de la Meth. (duquel lieu nostre auteur prend ce chap.) nous appellons proprement *Coloboma* defectuosité aux leures, aux oreilles, & aux ailes du nez, quand par un uice naturel ces parties sont fendues, de sorte qu'il semble qu'on en ayt leuē & emporté une piece qui leur manque pour estre

estre entieres. La cause de ce vice & defectuosité naturelle, est ou foiblesse de la uertu, qui forme nostre corps dans la matrice, ou indigence & faute de la matiere, de laquelle sont faictes & formees les parties de nostre corps. Or n'est il possible refaire & restituer la substance qui defaut en ces parties mutilees : cela est oeuvre de nature, & non du medecin : mais bien peut-on agencer & rabiller la deformité qui apparoit en la partie mutilee, comme nous enseigne icy nostre auteur, & Galien au lieu sus allegué. Celsus appellant *Curtum*, ce que le Grec dit *Coloboma* ou τὸ κερὸν, & *Compévor*, en escrit ce qui s'ensuit : Les mutilations ( dit il ) au nez, aux oreilles, aux leures, & aux autres parties, si elles sont petites, se peuuent guerir : si elles sont grandes, ou elles ne recoiuent point curation, ou les voulant curer on les rend si laides, qu'au par auant de la curation elles n'estoyent point si deformes. Quant au nez & aux oreilles, on ne craint seulement que la deformité. Quant aux leures, si elles sont trop retirees, il s'ensuit perte & destruction d'un usage necessaire, parce que plus malaisément le patient mange, & moins distinctement parle. Or pour curer ceste mutilation, le medecin n'engendre point la substance qui la remplit, ains approche les parties voisines l'une de l'autre : quoy faisant, si la mutilation & defectuosité est petite, il l'accoustre en sorte qu'elle n'incommode rien, & qu'elle n'apparoist point, quand on la regarde : mais si ell'est grande, cela ne se peut faire. Le corps d'un homme uieil, ou mal habitué, ou auquel les ulceres \* se guerissent difficilement, ne seroit propre à endurer l'operation manuelle : parce qu'il

\* à cause de l'intemperature qui est en l'habitude du corps, par laquelle les parties d'iceluy corrompent leur nourrissement : ou à cause d'une fluxion d'humours chaudes & acres, qui assiduelement fluent sur la partie ulcerée.

n'y a lieu en nostre personne où le chancre uienne pluſtoſt, & y eſtant uenu, duquel on l'oſte plus malaiſémēt. La faſon de curer ce uice eſt: il faut reduire en figure quarree la partie qu'on ueut & pretend curer, tranchant en ſes coings interieurs de chaque coſté une ligne à trauers, qui diuiſe totalement la partie interieure ou citerieure, de l'exterieure ou ulterieure: puis il faut ioindre & approcher les bors qui ſont ainſi diſpoſez & preparez: ſi bonnemēt ils ne peuuent ſ'entretoucher, outre les deux lignes ia faiſtes, il en faut faire encor deux autres, en forme de croiſſant, tournees deuers la playe, leſquelles diuiſent & entament ſeulement la ſuperficie de la peau. Par ce moyen les bors de la playe qu'on tire, ſuyuent & obeiſſent plus aysément. Car il ne les faut point contraindre de force, ains les mener & aiouſter doucement ſans uiolence, de ſorte qu'ils ſuyuent aiſément, & les lâchant qu'ilz ne ſe reculent beaucoup. Quelquefois d'un coſté ſeulement la peau ne ſe peut totalement ioindre, & rend deſorme le lieu de la playe qu'elle laiſſe, & qu'elle ne couure point. S'il ſe rencontre ainſi, il faut incifer ceſte partie-là en forme de croiſſant, ſans toucher à l'autre. Or nous n'eſſayerons point d'attirer la peau de l'extremite inferieure de l'oreille, ny au milieu du nez, ny de l'inferieure partie de la \* iouë, ny aux coings des leures: mais nous pouuons faire telle attraction d'une part & d'autre, en la plus haute partie de l'oreille, ou de la iouë, comme auſſi au milieu de la narille & des leures mutilees; leſquelles aucuneſois ont mutilation en deux lieux: mais cela n'importe, pource que la mutilation encor qu'elle ſoit double, ſe traite & guerit

\* Pource que la peau reſſerree en ces endroits là, cauſe ou empêche d'action, ou de ſtortion contraincte, ou de laideur & deſormite.

\* Aux bors de la mutilation, qu'on incise pour faire une playe fraiche & sanglante avant que de les coudre.

\* pour tenir le point ferme, car les bors de la chartilage qui est dure & solide, estàs amenez par force, se retirent & rompent le point.

\* d'inflammation, douleur, & fluxion: par ce qu'aux parties de la face icy mentionnees, aisément s'engendre chancre maling, comme il escrit liure 5.

\* pour appaiser la douleur: & pour humecter la partie, qui de son temperament est seche, & qui par l'effusion du sang a esté en plus dessechée.

guérit de mesme façon que la simple. Si quelque chartilage se foriète, & est éminente au lieu qu'on incise, il la faut couper: car elle ne peut estre glutineuse, ny perçee de l'éguille \* seurement: neantmoins il ne la faut couper de sorte qu'elle soit trop éloignée & reculée de la peau qui luy est au dessus, à fin que d'un costé & d'autre, entre les deux bors de la peau separés de la chartilage ne se face un amas de matiere purulente. Cela fait il faut coudre les bors qu'on a ioincts ensemble, prenant la peau d'un costé & d'autre, & ietter les points sus l'endroit où l'on a fait les deux premières lignes trauesières. En partie seche, comme aux narilles, il suffit mettre sus la cousture du litharge: mais si outre l'incision trauesière, on en fait une en forme de croissant, il faut appliquer sus icelle de la charpie, à fin que la chair qui recroistra emplisse la playe: & la partie ainsi cousue doit trescurieusement estre \* preseruee, comme il peut apparoir par ce que j'ay escrit du chancre. A ceste cause chaque troisieme iour il la faut fomentier avec euaporation d'eau \* chaude, & derechef mettre dessus le mesme medicament susdict. Le plus souuent au septiesme iour la cousture est glutineuse, & lors ayant osté les points on traite l'ulcere par remedes conuenables iusques à ce qu'elle soit guerie. Ceste figure suyuant rendra plus intelligible le dire de Celsus:

La



## La mutilation en la leure superieure.



A. B. La leure.

C. D. E. F. La mutilation.

C. E. La partie citerieure ou interieure d'un costé.

A. La partie ulterieure ou exterieure d'iceluy.

D. F. La partie citerieure ou interieure de l'autre costé.

G. La partie ulterieure ou exterieure d'iceluy.

A. B. La longueur de la leure.

E. C. D. F. Les incisions & lignes trauersieres qui separent la partie ulterieure de la citerieure.

C. H. Les incisions faictes en figure de croissant.

Nostre auteur ne parle point des nodositez & creuaces des leures, desquelles Albucrasis & Celsus traitent. A plusieurs hommes (dit il) en l'interieure partie des leures, uiennent des petites tumeurs dures, semblables à des grains d'ers: les unes plus grosses, les autres moindres. Pour les curer il faut renuerfer la leure: la fendre sus chacune des tumeurs: les souleuer d'un crochet: & de toute part les separer & couper: puis emplir l'incision de chalcitis puluerisee, iusques à ce que le sang soit arresté: en apres la lauer de uinaigre, & iusques à ce qu'elle soit guerrie, y appliquer des remedes adstringens. Les leures

(dit

(dit Celsus) souuent sont fendues, qui est un mal douloureux & fâcheux, par ce qu'il empesche de parler, & que souuent en parlant les creuaces s'ouurent avecques douleur, & iettent du sang. Si les fissures sont superficielles, il uaut mieux les guerir avec les medicamens propres aux ulceres de la bouche. Si elles sont profondes, il est necessaire les cauteriser avec un ferrement subtil, semblable à une spatule, legerement, & en passant seulement, & non en imprimant fort. En apres on fait les mesmes choses qu'auons dit deuoir estre faictes, quand on a cauterisé les oreilles.

Des absces & chair superflue des genciues, nommez des Grecz Epoulides & Paroulides.

#### CHAP. XXVII.

**E**Poulis est vne excroissance & eminence de chair, faicte en la genciue, à l'endroit de quelque dent. Paroulis est vn petit absces faict en la genciue. La curation d'Epoulis est de souleuer avec vnes pincettes, ou avec vn crochet la chair superflue, & la couper. La curation de Paroulis est de trancher l'absces en rond, suivant sa circonscription, puis remplir la cavitè de charpie. Souuent i'ay veu tel absces estre seulement piqué d'vne lancette, & sortie la bouë d'iceluy, auoir esté guery. L'operation faicte, nous commandons au patient se lauer incessamment la bouche avec du \* vin: le iour suivant, avec eau-miel: \* & les autres subsequens nous appliquons sus la playe la composition dictè Anthéro en poudre, iusques à ce qu'elle soit parfaitement guerie. Si quelque putrefaction

\* Rude & noir, pour descher, conforter, repercuter, & arrester le flux du sang.  
\* pour absterger.

ction vient aux genciues qui ne puisse estre curee par medicamens conuenables à telle disposition, on la cauterise avec vn cautere \* faict à bouton.

\* *M. Guy,*  
comme est noté cy dessus,  
nomme telz cauteris Clauaux.

## ANNOTATIONS.

<sup>2</sup> Galien chap. 10. liure 5. de la Methode, dit les ulceres simples de la bouche deuoir estre curees par medicamens qui desechent mediocrement; comme sont ceux que les Grecz nomment stomatiques, assauoir nostre diamoron, nostre dianucum & celuy qui est composé du fruit de la ronce, ou des pilules de cypres & du moust. Mais si les ulceres sont fort humides ou profondes; de sorte qu'elles touchent aux os, tellement qu'on pourroit douter & presumer de la carie & corruption d'iceux, comme seroit l'ulcere proposé de nostre auteur apres auoir ouuert le paroulis, il uent qu'on y applique medicamens fort desiccatifs, quel est diphryges, iris ( & non pas isis, cōme il se lit en noz exēplaires ) anthera, le uerius, le suc du sumach, & les trochisques de Musa composés, d'alum, myrrhe, uitriol, alae, de chacun demie once: écorce de grenade, saffran, crocomagma, de chacun six drachmes: le tout incorporé avec du uin. Les anciens ont nommé les filets iaunes de la rose qui sont adstringens & fort desiccatifs, Antheram, & à raison d'iceux une composition où ils entrent, & l'iris aussi, Antheram en féminin genre, ou Antheron en neutre. La composition est telle, Alum de plume, iris de Sclauonie, \* crocomagma: des filets iaunes de la rose, de chacun deux drachmes: orpiment rouge, trois drachmes: saffran, une drachme: myrrhe, douze drachmes: racine de cyperus, ou fouchet, huit

\* c'est vne composition descrite en deux sortes de nostre auteur.

drachmes. Aëce en recite une autre composition prinse d'Oribase, qui est, Racine de cyperus, saffran, de chacun deux drachmes : alum de plume, orpiment rouge, iris, galles, fleur de grenadier cultivé, de chacun demie once : filets jaunes de la rose, six drachmes. Aëce commande qu'ouvrant la paroulis on face incision large & spatieuse : par ce que si on ne la fait grande, il y survient fistule. Apres qu'elle sera ouverte, pendant qu'il y aura cavité, il veut qu'on y applique la poudre capitale, où il entre la farine d'Ers. La composition est, Farine d'Ers, cinq onces : iris, aristolochie, écaille de cuyure, de chacun une once & demie : manne d'encens, une once : & quand l'ulcere sera remply & egaté, il veut qu'on applique la poudre susdite nommée Antheron, pour le cicatrifer. Quant à l'Epoulis, voyci qu'il en escrit, Epoulis (dit il) est un'excroissance de chair, faite & engendrée apres une inflammation près de la dernière & plus intérieure dent, de celles qu'on nomme les Marteaux, en latin Molares : quelquefois avec fièvre & uehementé douleur, de sorte que le malade ne peut ouvrir la bouche. Premièrement il faut resoudre & guerir l'inflammation par gargarismes qui la mitiguent & diminuent, comme sont l'eau-miel, l'orge mondé, bouilli & passé, la decoction de la semence de lin : il est aussi bon de mettre sus toute la mâchoire un cataplasme fait de semence de lin & eau-miel. Quand l'inflammation sera terminée, & le malade pourra ouvrir la bouche, il faut appliquer sus l'epoulis quelque médicament en poudre qui consomme la chair superflue, comme celui qui est fait d'égaler les parties de souphre, poivre, & alum de plume : on

celuy qui est composé de chalcitis crue, deux onces, cadmia une once, le tout broyé avec du uimaigre au soleil le plus chaud de l'esté, en les abreuvant par plusieurs fois dudit uimaigre: il faut aussi mettre sus ceste chair de la bourre raclee d'un drapeau de lin. Si ces medicamens aisément ne la consomment, on y applique une poudre qui la mange, comme est la poudre de uerdet seul, ou avec autant de galle: ou celle qu'on nomme poudre iaune: composée de chalcitis brulee, quarante drachmes: uitriol, huit drachmes: misy, dix drachmes: cuyure brulé, cinq drachmes: puis derechef on met dessus de la bourre du drapeau raclee: & si avec tous ces remedes la chair n'est point consummee, la prenāt avec unes pincetes, on la coupe avec une petite lancette, ou avec un ferremēt fait comme une lame d'espee: puis apres on traite l'ulcere avec lauemens d'eau-miel: & avec la poudre capitale appliquee sus la bourre du drapeau: & en fin la curation se par fait avec la poudre nommee Antheron. Quant à ce que nostre auteur escrit de la putrefaction suruenante aux genciues, il faut noter que les ulceres des parties contenues en la bouche aisément se font putrides & corrosiues, pour la chaleur & humidité d'icelles. Pour oster la putrefactiō, & arrester la corrosion, les poudres susdictes, comme la poudre capitale, la poudre iaune, la poudre antheron sont conuenables: & où elles ne seroyent assez fortes, suyuant l'aphorisme tant commun, *Que medicamenta non sanant, ferrum curat* &c. il faut user du cautere, ou avec le fer chaud, comme ueut nostre auteur, ou avec de l'huile bouillant, comme Aëce conseille, trempant en iceluy un floc de laine

Poudre iaune.

attaché au bout d'un éprouvette, puis l'appliquant sus la gencieve iusques à ce que de toute part elle apparaisse blanche, & que l'ulcere soit applanie. Par ce moyen on arreste la corrosion de l'ulcere, & fait-on que la chair saine s'avance pour remplir & couvrir ce qui est rongé & consume. Nos praticiens veulent, si l'epoulis est molle & traictable, qu'on la tranche ou cauterise, principalement si l'ayant coupée une, ou plusieurs fois elle retourne, ainsi que note Albucasis, comme il semblera estre plus utile: & neantmoins s'il est possible lier sa racine d'un fil, pour la couper & consumer petit à petit, que ce moyen est plus seur pour éviter le flux de sang, & donne moins de frayeur au malade que ny le fer, ny le feu: mais si l'epoulis est dure & chancreuse, tous unanimement commandent qu'on n'attente la vraye curation d'icelle, ains qu'on se contente de la palliative. Et pource, qu'après la paroulis souvent se fait une fistule en la gencieve, qui aucunes fois penetre iusques à l'os de la machoire, où sont attachees les dents, il ne sera hors de propos en escrire la curatiō par chirurgie. Il faut (dit Aëce) inciser & decouvrir les fistules des gencives, puis l'incision faicte, guerir l'ulcere par remedies cōvenables ia \* recités. Mais si la fistule s'estend iusques à la racine de la dent prochaine, on s'efforce tant qu'il est possible de l'aplanir & consumer la \* callosité par collyres & imedtions dictes pour ceste raison Fistulaires, comm'est ceste cy: \* Vitriol, misy, chalcitis crue, uerdet, alum de plume, terre rouge Smiopique, gomme Arabic, de chacun portion egale; mesle les avec du vinaigre. Après avoir usé de ces collyres, on traite l'ulcere avec la poudre iaune

\* Comme les poudres sus mentionnees.

\* Qui la fait inegale,

\* Aëce la décrit au cha. De fistula.

iaune incorporee avec du miel : puis avec la poudre capitale où entre la farine d'Ers : & si le malade ne s'esjonne ou trouble point, ou bien le ueuille souffrir uoluntiers, tu luy arracheras la dent offensee; par ce moyen on extirpera la fistule: la genciuë s'abaissera: & ce qui reste de la curation sera plus facile.

Noz practiciens, quand la fistule penetre iusques à l'os, ou (comme ils parlent) elle est enossée, arrachent les dents qui sont alendroiët de la fistule : puis elargissent le trou avec une goutte d'eau fort, ou un peu d'arsenic sublimé, \* corrigé. Si par ce moyen la fistule n'est mortifrice, il faut decouurer l'os tant qu'il sera possible, & cauteriser ce qui est corrompu, avec un poinçon ou un'eguille d'argent, ou de cuyure. Si l'entree de la fistule va contremont, & à ceste raison la sanie ne peut estre commodement uidee, plusieurs font contr'ouuerture en l'inférieure partie. Neantmoins ce faisant l'ulcere est difficile à cōsolider pour la saliuë, qui coulant emporte & delauë les medemens appliqués: & aussi pource que penetrant l'ouuerture de l'ulcere dehors & dedans, nature ne trouue aucun lieu, ou comme sus un fondement ietté en terre, ell'appuye le commencement de la chair qui doit estre regeneree, comme dit Galien des absces rompus au dedans & dehors du uentre, aphorisme 37. liure 1. du Prognostic.

La maniere d'arracher les dents.

## CHAP. XXVIII.

**A** Pres auoir scarifié la genciuë qui est autour de la dét, & icelle dechausé iusques à la fosse où ell'est enclauée, l'ebranlant doucement, & petit à petit avec vnes<sup>a</sup> tenailles,

\* M. Guy ne specifie point, comme l'arsenic sublimé se corrige: on le peut corriger cōme maisire Roger corrige le realgar cha. 7. liure 2. de sa chirurgie.

en fin nous l'arrachons. Si la dent est pourrie, rongee & pèruiſſee, nous emplifſons premièrement le trou avec vne petite & mince tente de drapeau, comme d'un coing, à fin que eſtant ſerrée par l'inſtrument, elle ne ſe briſe. Eſtant arrachée, nous iettons du ſel broyé fort menu ſur la petite chair, qui apres l'extraction demeure à l'entour de la place de la dent pour la conſommer: & puis nous faiſons laver la bouche au patient de vin, ou d'eau \* & de vinaigre, iuſques à ce qu'il ſoit guéri. Et pource qu'aucunefois viennent des ſurdents, ou dents ſuperflues, ſi elles ſont enclauées & plantées dedans vne ſoſſe en l'oſ de la mâchoire, nous les couperons avec vn cifeau propre à cela: & ſi elles ne ſont plantées dans aucune ſoſſe, avec les tenailles nous les arracherons. Si vne dent croiſt & ſe foriétte outre les autres, ou ſi elle ſe \* rompt, avec vne lime nous oſtons ce qui s'auance, ou qui eſt ſuperflu d'icelle. Nous nettoions l'ordure amasſée, ainſi qu'ordinairement on la voyt ſur les dents comme vn'écaille, avec vne petite lime, ou vne petite rugine, ou la cureuil-

\* Pour empêcher le flux de ſang, & la fluxion que la douleur pourroit cauſer.


\* de ſorte que la piece qui demeure, piſſe & offenſe quelque partie de la bouche.

uette.


Deſch




*Deschaussoirs avec le pousseir au  
milieu pour deschausser  
les dents.*



*Pelicans & Daviet pour rompre  
& arracher les dents.*




*Daviet*

*Daniel pour arracher les dents.*

A. N. O. N. A.

*Limes propres à limer  
les dents.*



ANNOTATIONS.

\* Ce que les Grecz nomment *ἰστροτάριον*, comme si nous disions Empognedent, ou Tiredent, & nous traduisons Tenailles, est appellé par ceux qui aujourdhuy font expresse profession d'arracher & acoustre les dents (les anciens du temps de M. Guy  
les

les nommoient Dentistes & Dentateurs) Dauiet  
& Pellican. En ce mestier on use encor de plusieurs  
autres instrumens, comme crochets, rugines, rassa-  
toires, limes, eleuatoires simples & doubles, canu-  
les, terieres, tenailles dentelees, éprouuettes de di-  
uerfes sortes, caniuets droicts & courbes qu'ils ap-  
pellent spathumes, burins, pouffoirs & autres tels.  
Aëce traicte curieusement la façon de limer les dents.  
Les dents (dit il) emeuës, & qui branlent, coustume-  
rent s'auancent plus que les autres, & principa-  
lement si pour coup cela est auenu. Or d'autât qu'el-  
les s'auancent par dessus les autres, il me semble  
qu'on les doit limer, à fin qu'en parlant & machant,  
elles ne blessent les parties qui les rencontrent : &  
l'experience monstre mon auis estre bon, là où i'en  
ay fait preuue. Pour les limer plus soudain & plus  
dextrement, ie me fers d'une lime de fer qui ayt la  
teste semblable à un noyau ou bouton, mouce, &  
fort lisse. Car qui n'expedie en ceste operation, don-  
nant plusieurs atteintes à la dent, qui a besoing de  
repos, si nous pretendons de l'asseurer & rasfermir,  
il l'ebrouille d'auantage. Quelque fois les dents s'auan-  
cent avec une eminence inegale, & lors il faut limer  
seulement la partie eminente : quelque fois leur su-  
perficie est egale, mais leurs bouts s'auancet : & lors  
il faut limer leur extremité auancee, pour la rendre  
à plain des autres : & pour ce faire nous appliquons  
un drapeau mol sus la genciue iusques à la racine de  
la dent, puis doucement la prenons avec les doigts de  
la main gauche, & discrettement sans l'offencer me-  
nons la lime, à fin que la foulant & pressant d'icelle,  
nous ne l'ebrouillions. Or si le malade sent douleur  
pour

pour l'empreinte de la lime, ou pource que la dent est trop pressée des doigts, il faut cesser incontinent, & ce pendant user de lauemens qui appaisent la douleur: puis reiterer l'operation, & la limer petit à petit, de maniere qu'au moins le premier iour, on ne s'ingere de faire cela plus souuent que deux ou trois fois, & le second iour qu'on y retourne, commandant au patient de ne parler trop, ou manger quelque viande dure à mascher, ains se nourrir d'œufs mollets, & de pain trempé. Si les dents croissent plus que de coustume, à cause que la gencive est relaxee, il les faut semblablement limer, puis user de lauemens qui resserrent & restreignent la gencive. Cornelius Celsus parle assez clairement & ample-ment de ceste operation, escriuant ainsi: Quelques affections de la bouche sont curées (dit il) par operation manuelle. En premier lieu les dents sont ebran- lées quelque fois pour l'imbecillité de leurs racines, quelque fois pour la defectuosité & uice des gencives \* desechées. En l'une & l'autre occasion il faut appli- quer un fer chaud sus la gencive, tellement que sans faire incision, on la touche legierement. On oingt la gencive cauterisée de miel: puis on luy fait un laue- ment de vin-miel. Comme les ulceres commencent d'estre nettes, il les faut frotter de poudres repercus- sives. Si la dent fait mal, & par ce que les remedes ne seruent de rien pour l'appaiser le patient ayme mieux qu'on la luy arrache, il la faut dechauffer & racler d'entour, pour la separer de la gencive: puis l'ebranler, & faire tantost l'un, tantost l'autre, ius- ques à ce qu'aisément on la remue. Car il est tresdan- gereux d'arracher une dent par force, quand elle

\* Rongees par  
quelque ulcere  
putride.

tient

tient ferme, & quelque fois essayant de ce faire on deloë \* la machoire : & mesme cela s'entreprend avec plus grand danger en la machoire supérieure, par ce que l'extraction uiolente fait concussion facheuse & douloureuse aux temples & aux yeux. Ayant ebranlé la dent, on l'empogne, s'il est possible avec la main, & s'il n'est possible, avec les tenailles ou dauiet : & si elle est pertuisée, deuant que la tirer il faut emplir le trou de \* drapeau, ou d'un plomb bien accommodé, à fin qu'elle ne se brise sous le dauiet : lequel il faut tirer biē droit : par ce qu'autrement en courbant & pliant la racine de la dent, l'os de la machoire où elle est plantée, se rōpt en quelque endroit : & ne deuons cūider, si la dent \* est courte, que cela soit sans danger : par ce que la dent courte pour la plus part a les racines longues ; & souuent quand le dauiet ne peut empoigner la dent, ou qu'elle luy echappe, il prend l'os de la genciuē & le rompt. Nous presumons & sauons l'os estre rompu, quand soudain il s'ue beaucoup de sang : quoy auant il faut chercher la piece éclatée avec une éprouvette, & la sortir avec unes pincettes. Si on ne la peut auoir, il faut inciser la genciuē, iusques à ce qu'on emporte ledict éclat qui branle : & certes si cela n'est soudain fait, la machoire par dehors deuient si enflée, que le patient ne peut ouurir la bouche : & lors on applique dessus un cataplasme composé de farine \* & de figues, iusques à ce que la tumeur soit suppuree : puis il faut inciser la genciuē. Quand la matiere purulente sort abondamment, c'est signe de l'os rompu lequel doit estre tiré apres l'incision. Aucune fois estant l'os bleśsé, il se fait une fistule

\* Cela peut auenir en l'inférieure, non en la supérieure.

\* Le coton est fort propre à cela.

\* Comme aucuns du temps de Celsus estimoient.

\* de froment incorporée avec la decoction de figues, comme Galien enseigne liure 2. ad Glauc.

fistule

\* Pour rai-  
son d'une gros-  
se ordure en-  
gendree des-  
sus.

\* Des filets  
jaunes, des ro-  
ses, nommez  
des Grecs *An-  
thera*.

stule qui doit estre raclec. Si une dent est \* rude & aspre, il la faut netoyer & racler, puis appliquer dessus de la fleur \* de rose puluerisee, avec la quatriesme partie de galles, & la moitié de myrrhe: puis il faut tenir souuent dans la bouche du uin pur. D'auantage quand cela auient, il faut se couvrir bien la teste: cheminer beaucoup: se froter la teste: & user de viandes qui ne soyent point acres ny piquantes. Si les dents branlent pour quelque coup, ou quelque autre semblable accident, il les faut attacher d'un fil d'or avec celles qui tiennent ferme, & tenir en la bouche des medicamens qui les reserrent, comme du uin où aura bouilli l'ecorce de grenade, ou bien avec lequel on aura estainct des galles embrasees. Si quelquefois il sort aux enfans une seconde dent auant que la premiere soit tombee, il faut dechausser & netoyer al'entour celle qui deuoit tomber la premiere & l'arracher: & celle qui est sortie la seconde doit estre tous les iours poussee au lieu de la premiere, iusques à ce qu'elle croisse en sa iuste grandeur. Quand apres auoir arraché la dent, la racine y demeure, il la faut soudain ietter hors avec un dauiet fait pour cela expressement, que les Grecs nomment *πιζαρ*. Nostre auteur ne traite point comment il faut serrer & tenir fermes les dents qui lochent avec un fil, qui est une gentile industrie, de laquelle Celsus dit un mot seulement en passant, & Albucrasis a parle amplement. Quand (dit-il) les dents anterieures sont emeues & ébranlees par une cheute, ou coup, ou concussion, & le malade ne peut serrer ce qu'il ueut manger, sans dāger que ses dents luy tombent, apres luy auoir usé en uain, & sans prouffit



proufit des remedes adstringens, il faut ingenieusement les serrer avec un fil d'or, & non d'argent: par ce que l'argent deuient uerd, & avec succession de temps se pourrit: mais l'or ne se change & sallit iamais. Le fil doit estre mediocre en subtilité & grosseur, autant qu'il est de besoin pour le ietter entre les dents. La maniere de les attacher & enfiler est, Apres auoir mis le fil en double, on iette son redoublement entre deux dents saines: puis on meime les deux extremités du fil sur les dents qui lochent, soit une ou plusieurs, iusques à ce qu'on l'ayt tiré iusques à la dent saine de l'autre costé: apres on remeime le fil iusques au lieu d'où l'on auoit commencé, le serrant abilement & sagement pres de la racine des dents, à fin qu'il n'échappe, & si fort que les dents emeuës ne branlent plus. Ce faict on coupe avec des ciseaux les bouts du fil qui sont superflus: puis on ioint ensemble ceux qui restent, & les renuersant avec une éprouvette, on les cache entre la dent ferme, & celle qui loche, à fin qu'ils ne blessent point la langue: laissant les dents ainsi serrées, autant de temps qu'elles y peuuent demeurer. Si elles se lâchent, où le fil se defait & destache, il les faut reserrer avec un autre. Quand les dents sont du tout tombees, & non seulement ébranlées, où l'on les remet en leur place, puis on les attache & serre avec le fil, comme a esté dict: ou en leur lieu on met de fauces dents, faictes \* d'os de uache, les serrant comme dessus. D'icelles on se peut commodement ser-  
uir long temps.

\* \*

\* on d'inoire.

De l'empeschement & retraction de la langue, dicté des Grecz. ἀγκυλίγλωσσον.


## CHAP. XXIX.

**L'**Empeschement & retraction de la langue dicté des Grecz ἀγκυλίγλωσσον παθος, aucune fois est naturelle, estant la langue retenue par membranes, qui des le premier iour de nostre natiuité sont ou trop dures, ou trop courtes: quelque fois ce vice est accidental, causé de quelque cicatrice dure, apres vn vlcere fait souz la langue. On cognoist ce vice estre naturel, quand le patient commence tard à parler, & quand le fil ou attache du dessouz de la langue, sans vlceration precedente, est racourcie plus que du deuoir. Quand ce vice est accidentel, la cicatrice qui le fait, apparoit manifestement. Pour le guerir on fait asseoir le malade, puis luy commandant qu'il souleue la langue cōtremonst vers le palais, on coupe de trauers l'attache nerueuse qui la retiēt. Si la retraction est faicte par cicatrice, apres l'auoir percee avec vn crochet, on tire cōtremonst la callosité, & avec vne incision faicte de biais, on defait & delie l'attache: en quoy se faut donner garde qu'on ne coupe la partie trop profondement, par ce que souuent en auient vne perte de sang qu'on ne peut arrester. L'operatiō executee on fait lauer la bouche avec d'eau froide, ou avec  
 \* d'eau & de vinaigre: puis \* on gouuerne la playe avec medicamens incarnatifs, qui entretiennent le fil de la langue plus lache qu'il n'estoit au parauant.

\* Ou d'eau rose, comme veut & commande Albu crasis.

*Cautere*

*Cautere pour ouvrir la ranula souz  
la langue avec sa piece.*



# ANNOTATIONS.

L'operation faicte Albucrasis iette souz la langue une tente de drapeau de lin , & la fait porter au malade, la nuit quand en dormant il ne parle point, ny travaille la langue, à fin de retarder & empescher la consolidation de la playe : & s'il auient flux de

sang, il met sus le vaisseau coupé du vitriol puluerisé pour le retenir : & si cela n'est suffisant, y applique un caustere lenticulaire. Pour euitier ce danger, Aui-cenne passe à trauers de la membrane qui tient la langue liee, un filet avec l'eguille, & le serre iusques à ce que la membrane soit coupee: & Lanfranc fameux praticien, le coupe & cauterise tout ensemble avec un rasoir embrasé. Aëce traite de ce mal plus particulièrement que les autres, parquoy ne sera inutile aiouster ce qu'il en escrit. Aucuns (dit-il) ont la langue empeschée de nature : les autres pour quelque affection precedente. Ce vice est naturel, quand les membranes inferieures sus lesquelles la langue est appuyee, naturellement sont trop dures, ou trop courtes. Il est accidentel, quand apres quelque ulcere il demeure sous la langue une cicatrice dure. Ceux qui ont cest imperfection parlent avec peine, à raison dequoy les Grecz les appellent *μωλιδαίς*. Si ce vice est naturel, du commencement les patients sont fort tardifs à parler: mais quand la parole leur est uenue, ilz parlent hastiement, & sans empeschement, fors qu'en prolacion des mots qui sont difficiles à prononcer, comme ceux qui ont beaucoup de r, k, & l. Telle indisposition se doit guerir par seule operation manuelle: & pour l'executer, ayant fait seoir le patient, on haue sa langue contremont uers le palais: & si les membranes ausquelles ell'est attachée sont cause de son empeschement, on les empogne avec un crochet courbe, & apres les auoir fort estendus on les coupe, se donnant garde de ne couper les uèines qui sont au dessous d'icelles. Si la retraction de la langue prouient de quelque cicatrice, on

l'emp

L'empogne semblablement avec un crochet, & l'estendant on coupe tout ce qui est dur, & qui n'obeit point au mouuement de la chair naturelle d'icelle. L'operation faicte, le malade laue la bouche avec d'eau froide, ou avec d'eau & uinaigre meslés ensemble: puis sus la playe on iette de la manne d'encens, en y appliquant par-apres de charpie tiree: & les iours suyuās, on laue la playe avec eau-miel, ou bien on l'oingt d'unguēt \* Aegyptiac, puis on y applique de la charpie tiree, à fin que la cicatrice succedente en l'espace & distance qu'elle tient ouuerte, soit large & ample, & non si serrée ou contraincte, qu'au parauant. Quand il est question de trancher le fil de la langue aux enfans, noz chirurgiens ordinairement sans plus grande ceremonie la leuent, & avec la poincte des ciseaux coupent de la membrane qui est au deffoux, autant qu'il leur semble deuoir estre coupé, puis frotent la playe avec du sel, sans continuer autres remedes. Au deffoux de la langue uient quelquefois une maladie nommée des Grecz *Ράγχαχος*, comme s'ils disoyent grenoille. Columelle chap. 8. liure 6. la nomme Ranam, & Celsus Abscessum sublingua, le disant pour la plus part estre contenu dans une bourse, comme les Atheromes, & autres absces froids. Or c'est selon Paulus & Aëce, une tumeur semblable à phlegmō, des parties situees au deffoux de la langue, & principalement, comme dit Aëce, des ueines, qui uient souuent aux enfans. Les deux auteurs susnomés pour la curation d'icelle n'y employent que medicamens resolutifs, desiccatifs, adstringens, & en fin catheteriques. Albucrasis presupposant & entendant ceste maladie estre une

\* Comme dit l'auteur mesme au chap. de abscessibus. il est composé de miel, terebinthine liquide, & huile rosat, ou beurre, autant de l'un que de l'autre.

tumeur semblable à une grenouille, engendrée au dessous de la langue, & empêchant son action, quelquefois si grande, qu'elle occupe & emplit la bouche, si elle est noire, dure, & sans sentiment, c'est assavoir un scirrhe maling & cancéreux n'y touche point: mais si elle est blanche, molle, à comparaison de l'autre & humide, c'est à sauoir un scirrhe pituiteux & sans malice, ou quelque absces froid, comme atherome, steatome, ou meliceris, la saisit d'un crochet, puis la tranchant & séparant de toute part avec un caninet ou rasoir propre à cela, l'extirpe, comme aussi fait Celsus.

Des glandes de la bouche engrossies, nommées des Grecz ἀμυγδαλῆς, des Latins Tonsillæ, & des praticiens vulgairement Amygdales.

CHAP. XXX.

Comme les glandules scirrheuses sont appelées des Grecz σκίρρῆς, des Latins strumæ, & de nous ecrouelles, ainsi les glandules situées l'une vis à vis de l'autre, aux deux costés du destroit de la gorge, & à ceste raison nommées ἀμυγδαλῆς, engrossies, inflâmées, & comme endurcies, à cause dequoy elles empêchent d'engloutir la viande, & prendre aleine, sont appelées des Grecz ἀνιῶδες. Lors qu'elles sont inflâmées, il ne faut les irriter par manuelle opération: mais quand l'inflammation est médiocrement appaisée, il est temps d'y user & employer la chirurgie, & principalement si elles sont blanches, retirées, \* & portées sur une base estroite: car les molles, laxes, \* rouges, & fondées sur une base large, sont dangereuses de  
flux

\* rondes. Al  
bucrasis.

\* πλατὺς καὶ χαλκός.

flux de sang. On tourne donc le patient contre la clarté du soleil, & luy commandant ouuoir la bouche, on luy fait tenir la teste par vn seruiteur, & par vn autre luy baissér la langue contre la machoire inferieure avec vn speculum oris, nommé des Grecz \* *γλωσσόκοιτον* : puis on saisit & transperce la glandule avec vn crochet, & la tirant en dehors tant qu'il est possible, sans toutesfois tirer avec icelle les \* membranes circonuoisines, on l'extirpe & coupe toute iusques à sa racine, d'un ferrement appresté pour cela, duquel on coupe aussi l'attache de la langue, à raison dequoy on le nomme en Grec *ἀγκυλοτόμον*. Cest \* instrument est composé de deux, courbes, ayans leurs taillans tournez l'un contre l'autre. En ayant coupé l'une, consequemment nous couperons l'autre de mesme façon. Apres l'operation on commande au malade qu'il laue la bouche avec de l'eau froide, ou de l'eau & du vinaigre meslez ensemble: & s'il suruient quelque flux de sang, on le fait gargariser de la decoction de ronce, roses, & myrtilles tiede. Si pour cela le sang ne s'arreste, ains flue plus abondamment, on luy fait iniection dans la bouche de suc de plantain, & de la grande consoude, ou bien des trochisques de charabe, ou de la terre sigillée detrempee en eau & vinaigre meslez ensemble. Estant le sang arresté, on applique par apres sus la partie vn medicamēt composé des filets iaunes de la rose, safran & amydon, le tout incorporé avec du lait, ou de l'eau, ou le


\* *M. Guy,*  
au chap. de la  
curation de  
vne tumeur  
cest instrument  
vne palette.  
\* d'où depend  
la luete.

\* Ce ferremēt  
font des ci-  
seaux courbes,  
cōme qui men-  
trent deux fan-  
ceoles, ou bistou-  
riers ensemble.  
Aice separe  
et diuise la  
glandule d'a-  
vec les mem-  
branes qui l'en-  
uelopent et  
contiennent,  
ou avec vne  
eguille pene-  
trante, ou avec  
vn petit rasoir  
à deux tran-  
chans.

blanc d'un œuf, ou d'eau rose. Quand l'ulcère  
sera fardé, on y versera de laumens, iniections,

\* Côme d'hy- & linimens \* faicts de miel.  
dromel. Aëce.


*Specula oris pour tenir la bouche ou-  
uerte és maladies d'icelle.*



*Autre*



*Autre dilatatoire de la bouche  
tournant à viz.*



ANNOTATIONS.

A l'entree du destroit de la gorge, nommé des Grecz  $\iota\delta\mu\delta\varsigma$ , aux deux costez de la luete & derriere icelle, nature a colloqué deux glandules, l'une uis à uis de l'autre, pour ces raisons nommees  $\alpha\alpha\pi\lambda\alpha\mu\alpha$  &  $\alpha\alpha\tau\iota\alpha\delta\epsilon\varsigma$ . Ces glandes sont de grandeur insigne & notable, de figure iustement semblables à un glan, ou bien comme les modernes les comparent à une amande, pourquoy ils les nomment Amygdales. Leur office est, non de remplir les espaces uuides des parties de nostre corps, & soustenir la diuision

des uaisseaux, comme de celles qui sont aux eimes & aixelles: non de couvrir quelque partie d'importance, comme celle qui est assise sus le filé du cerueau qu'on surnomme admirable: non d'engendrer du lait, comme celles des tetins, ou de la semence, cōme celles des testicules: ains recevoir l'humeur salieueuse distillante du cerueau, qu'elles repandent sur la langue pour l'arrouser & tenir fraiche, par un conduict manifeste, à fin qu'en parlant la langue ne se deseché par trop, & n'interrompe la continuation de la parole, tout ainsi comme les prostates glanduleux possez à l'endroiect où les uaisseaux spermatiques s'inscront dans le conduict de l'urine, iettent dans le canal de la uerge un'humeur gluieuse & salieueuse, qui l'entretenant gras, le preserue d'estre piqué & ulceré par l'acrimonie de l'urine passant dans iceluy. Ces glādules pour estre situees en lieu chaud & humide, sont fort suiettes à inflammation, qui souuent est scirrheuse, parce que le sang affluant pour la plus part traîne avec soy quelque portion d'humeur phlegmatique, uisqueuse, ou crue, & à ceste cause nostre auteur en son liure troisieme definit Antia-des, estre une tumeur scirrheuse des paristhmies. Les personnes abondantes en sang: les enfans qui ont la chair humide & molle, & qui mangent beaucoup: ceux qui tetent encor, & qui sont nourris de mauuais \* lait, sont plus subiects à ce mal. Ceste affection & maladie uient souuent pour boire trop de uin pur: pour māger goulument beaucoup de uiande, & principalement si en la gorge ell'est fort acree & cuisante, les patiens ont peine d'aualler leurs morceaux, grande douleur, & aucunesfois fieure. Il  
sera

\* chaud, acree,  
& cuisant.

sera bon adnoter, que traitant ceste maladie par medicamens, on les applique commodement, les metant sus le ponce, ou sus le doigt mitoyen du patient mesme, & luy commandant qu'avec le doigt il frote & presse la glandule, pour en faire sortir la matiere qui y est contenue, mais discrettement, & sans uiolence: car autrement faisant, & y procedant de force, il augmenteroit & indigneroit l'inflammation. Aëce ne ueut qu'on face cela, sinon quand il n'y a point d'inflammation. Albucrasis diuise ces tumeurs, comme les polypes, & les grenoilles de la langue, en cancreuses & malignes, dures, noirastres, peu ou rien sensibles, ou rouges, & qui ont grosse racine, sus lesquelles on ne doit rien attenter par chirurgie ny ferremens: & en d'autres blanches, rondes, & qui ont la racine grelle, sus lesquelles il fait operation manuelle, recitant à ce propos auoir gouuerné une femme malade d'une telle tumeur, noirastre & peu sensible, qui luy auoit presque bouché la gorge, de sorte qu'en respirant elle sentoit le passage fort estroici, ne pouuoit manger ny boire, mesme de l'eau, estant en danger de mort, si elle fust demeurée ainsi encor un iour: & estoit la tumeur tellement creuë, qu'elle auoit produit comme deux branches, qui s'auanceoient & ietoient dans les pertuis du nez. En ceste necessité, usant pour le peril euident d'une diligence hastiue, il empogna avec un crochet l'un de ces auancemens qui entroyent dedans le nez, & le tirant en fit sortir une grande portion, laquelle il coupa au plus profond du nez qu'il luy fut possible: & ayant faict le mesme en l'autre narille, il luy ouurit la bouche, & baissant la langue, luy saisit la tu-

meur avec un crochet, & en coupa une grande part, sans qu'il en coulât que fort peu de sang. Ce fait, incontinent la bouche de la patiente fut ouverte, & commença boire de l'eau & manger. Les iours suivans par plusieurs fois il luy coupa des piéces de la tumeur, & tousiours elle recroissoit au lieu de ce qu'il en ostoit, iusques à ce qu'elle devint excessivement longue: quoy voyant il la cauterisa, & par ce moyen l'empescha de croistre: mais estant pressé de voyager autre part, il ne seut point quel fut le succes de sa curation & chirurgie. A ceste uent, apres avoir tiré & soulevé la glande avec le crochet, qu'on la coupe tant seulement par le milieu, pour oster ce qui est de superflu, & non pas qu'on la retranche du tout, comme nostre auteur commande: disant ceux qui avec l'excroissance superflue extirpent la chair naturelle de la glande iusques au fons, causer un dangereux flux de sang. A quelques uns (dit Celse) la langue dès leur naissance est ioincte avec les parties qui sont au dessous d'icelle, & à ceste cause ilz ne peuvent parler. Pour les guerir il faut prendre leur langue par le bout avec unes pincettes: & sous icelle couper la membrane qui la tient, se donnant bien garde d'outrager les veines prochaines, qui pourroyent exciter & provoquer un flux de sang. Le reste de la curation, quant à ce qui concerne la playe, a esté déclaré cy-dessus. Plusieurs apres estre gueris de l'incision recourent la parole. I'en ay cognu un, qui luy ayant esté coupé le filet, tiroit assez la langue hors des dents, & neantmoins ne luy fut restituée la parole: & ainsi en la médecine, où les preceptes de ce qu'on doit

doit faire, sont tousiours uns & semblables: ce qui par raison deuroit suyure & succeder, n'est tousiours semblable.

De l'inflammation & alongement de la luete, nōmee des Grecz *σαφυλή*, & *λίαν* ou *luois*: des Latins Columella, ou Vua. CHAP. XXXI.

**L**A luete, qui est comme vne\* touche pour \* *πληντιον* faire resonner la voix, souuent reçoit de la reste abondance de rheume, & croissant outre sa naturelle grandeur, deuiét longue & gresse, ce qu'ils nomment en Grec *κίλων*, comme qui diroit pilastre, par ce que de figure elle ressemble à vne petite colonne: mais si son extremité inferieure est ronde, & grosse, ils nommēt cest'affection *σαφυλή*, comme qui diroit raisin, par ce que son bout ressemble à vn grain de raisin. Or s'il n'est possible la guerir par euacuations vniuerselles, qui retirent des parties superieures les humeurs contrebas, c'est assai- uoir par saignée & purgatiō, ny aussi par reme- des topiques, qui ont vertu de condenser, reper- cuter, & resoudre, nous venons à l'operation manuelle pour garantir & preseruer le malade des facheux accidens y suruenans, comme sont la toux par vne continuelle irritation de ceste partie alongee, perdre le dormir, & quelque- fois suffocation. Si la luete est retiree de figu- re\* ronde & non lōgue, si ell'est rouge & plei- ne de sang, ou\* noirastre, il n'y faut\* em- ployer la chirurgie: mais si bien, quand ell'est subtile & longue: qu'elle se termine en poin- cte, comme la queue d'un rat: que par le bout ell'est

\* Comme les tumeurs cance- reuses.

\* comme les charbons, ou phlegmōs scir- rheux, ou phleg- mons tendans à gangrene.

\* pour doute du flux de sang.

ell'est laxé: & qu'elle n'est trop rouge, ny trop pleine de sang, ains que plustost elle tire sus la couleur blanche. Car estant telle, nécessairement ell'est sans inflammation. En l'operation manuelle il faut seulement en oster ce qui excède sa grandeur & longueur naturelle. Car la coupant du tout, on blefferoit extremement toutes les parties pectorales: & rendroit-on le patient muet. On fait donc asséoir le patient contre la clarté du soleil, luy cōmandant d'ouvrir fort la bouche: puis avec vn instrument fait expres pour la prendre, & à ceste cause nommé des Grecz *σαφυλαχτα*, ou avec vnes pincettes, on saisit, presse, & tient ferme ce qui est de superflu: & le tirant contrebas, on le coupe avec vn instrument expressement préparé pour cela, & à ceste cause nommé des Grecz \* *σαφυλατόμων*, ou avec le petit \* rasoir à deux tranchans, duquel on écorche la paupiere auant que de la coudre. Quant à ce qui est nécessaire apres l'operation, on doit faire tout ainsi, comme nous auons dit cy-deuant, & cōmandé quand on a incisé vn \* vaisseau. Souuent pour la crainte du patient, ou pour la doute du flux de sang, ayans en main quelque médicament de soudaine actiuité, il nous semble plus seur abbatre & consommer la luete avec vn caustique, & ne nous seruons point de ferremens. Il faut donc prendre le caustique descript en declarant la maniere de \* cauteriser les paupieres par ruptoire, ou vn autre de semblable faculté, & d'iceluy emplir la cavitè de l'instru

\* *M. Guy*  
*use de forcetes*  
*mouces, ou de*  
*spathume sem*  
*blable à vn*  
*fanceole.*

\* *τῷ ἀναρῶ*  
*φικῷ σμιλῶ.*

*Voy le chap. 8.*

\* *En coupant*  
*les amygdales,*  
*on le fil de la*  
*langue: c'est*  
*assauoir arre-*  
*ster le sang:*  
*mondifier l'ul-*  
*cere pour y en*  
*gèdrer la chair*  
*& la cicatri-*  
*zer.*

\* *chap. 9.*

l'instrument faict expres pour appliquer ru-  
ptoire à la luette, appellé pour ceste cause *σα-  
φυλόπαιον*\* puis cōmandant au malade d'ou-  
vrir fort la bouche, & à vn seruiteur de luy  
baïsser & fouler la langue avec vn speculum  
oris, nous prenons avec \* l'instrument, suffisa-  
ment ouuert, autant de la luete que nous en  
couperions, & avec les medicamēs cauterisons  
ce qu'auons pris. Le caustique ne doit estre de  
consistencē liquide, à fin qu'il ne coule pas de  
la luete, n'y pouuāt mordre, & tōbant sus quel-  
qu'vne des parties situes au dessouz, ne la bru-  
le: & aussi pour obuier à cest incōuenient, nous  
commandons au patient pendant tout le temps  
que le caustique sera sus la luete, de n'aualler  
aucune chose: il ne doit semblablement estre de  
consistencē trop dure, à fin que aisément il mor-  
de & s'attache à la luete. Or si par la premie-  
re application du caustique, le bout de la luete  
deuiant noir, elle sera suffisamment cauterisee:  
& s'il ne change point couleur, nous y appli-  
querons le caustique pour la seconde fois, don-  
nans ordre, pendant tout le temps de cest ope-  
ration, que le malade s'encline contre bas, à fin  
que la salue avec les parties du medicamēt qui  
se fond, puisse couler hors de la bouche. En vne  
heure la luete est cauterisee & mortifiee. Enui-  
ron le troisieme ou quatrieme iour elle tōbe.  
Estant faicte ceste cauterisation, on s'envelope  
le doigt indice de laine, ou d'estoupe molle &  
douce, pour nettoyer les parties qui sont a'en-  
tour\* de la luete: ou bien on fait lauer la bou-

\* *Albucra-  
sis* décrit &  
depeint cest  
instrument,  
ayant comme  
la coupe d'une  
cuillere au  
bout.


\* *Le Staphy-  
lagra*, ou les  
pincetes.

\* à fin qu'il  
n'y demeure  
rien du causti-  
que. *Albu-  
crasis* fait cela  
avec du coton  
engressé de  
beurre: comme  
aussi il appli-  
que le causti-  
que avec du co-  
ton enuélé  
& accōmodé  
sus le bout d'u-  
ne eprouvette.

che

che au patient avec d'eau. En apres, tât en ceste operation, que quâd on oste les amygdales, on arrouse & fomenté tout le col ( qui a grande sympathie & consentement avec la bouche ) d'huile de chamomile : yfâns aussi de semblables gargarismes & onctions.


*Canules fenestrees pour cauteriser & couper la luete relaxee.*



A. Canule avec son cautere pour ouvrir quelque aposteme froid de au gosier.



Ligateurs pour l'vuule relaxée, le polypus du nez, & les verrues de la matrice.



- A. Anneau dont la partie supérieure est un peu caue.  
 B. Vn fillet double lequel s'incere dedans la cavité supérieure dudit anneau, & se serre par le moyen d'un nœud coulant.  
 C. Vn fil de fer, dedans lequel ledit fil passe pour estre serré, lors qu'on aura pris les choses supercroissantes.

## ANNOTATIONS.

La luete est une partie charnue & spongieuse, pendante en l'extremité du palais, qui se peut voir aisément, en ouvrant la bouche de quelqu'un. Les Latins la nomment Gurgulio, les Grecz γαργυριον, & comme dit Aphrodiseus χλυν: quand ell'est en sa naturelle disposition, Celsus & Plinè improprement la nomment Vuam. Mais si ell'est relaxee les Grecz la nomment κλωα, & κλωιδα, les Latins Columellam: si ell'est inflammee & son extremité noire, & ronde comme un grain de raisin, les Grecz la nomment σαφυλιν, Aristote σαφυλεφόρον: & les Latins Vuam. Toutesfois Archigenes n'observant ceste distinction, encor qu'elle fust saine, l'appelloit σαφυλιν, dequoy Galien le reprend au 6. liure de Comp. medic. gener. & les mediciens successeurs des plus anciens, comme en celymesme lieu Galien tesmoigne, l'ont nommee κλωα, & κλωιδα, encor qu'elle n'eust aucun vice. Son usage est faire resonner & retentir la voix, comme la touche d'une cithre qui touche les chordes les fait sonner: & ce en diuisant l'air qui sort du poulmon, & qui est matiere de la voix, & l'epädant par le palais, à fin qu'il soit articulé & formé de la langue, des dents, des leures, & du nez en parlant: & pour ceste cause ceux qui l'ont trop grosse, ou trop longue, ou autrement viticee, ont la voix si casse qu'on ne les peut entendre parler, ou bien parlent du nez: & si ell'est du tout ostee, perdent la parole, & deuiennent muets. Ell'a d'auantage deux autres usages, l'un qu'ell'empesche la poussiere & autres telles choses, d'entrer dans l'artere respiratoire, avec l'air que nous tirons, estant tendue cōme un

tapis au deuant du sifflet ou larynx: & l'autre de grande importance, qu'en retenant & échaufant l'air qui entre par le nez & par la bouche, elle le tempere & modere de sorte, qu'il n'offence point les poulmons de sa froideur: & à ceste raison ceux qui l'ont du tout perdue, se sentent les parties pectorales fort interessées & refroidies. Celuy qui a escrit le liuret de Compagine membrorum, faucemēt attribué à Galien, dit sans propos, & contre la uerité, l'utilité de la luete estre arrouser la langue d'une humidité subtile, pour la rendre aisée & prompte à son mouuement: puis, ietter souz les dents la uiande qui est dans la bouche, pour la faire moudre: & tiercement cōduire la uiande machée dans le gosier pour l'aualer: & que sans ce moyen on ne la pourroit engloutir. Aëce recite de Galien, comme il dit, l'operation manuelle de couper la luete, fort curieusement, qui toutes fois ne se trouue aux œuures de Galien restantes aujourdhuy en noz mains: & cela me fait penser Galien auoir escrit quelque chirurgie, qui à nostre grand dommage, par l'iniure du temps s'est perdue. Quand (dit il) la luete inflammee donne affliction continuelle, avec danger de suffocation, & ulcere du poulmon: ou bien que pour ne faire son proufit de l'aliment qui luy est enuoyé, ou pour n'en receuoir point du tout, ce que disons Atrophie, elle deuiert gresse, & semblable à une courroye: ou bien qu'elle tombe en\* paralysie, cōme il auient aucune fois, lors il importe de resoudre si on la doit couper, ou non. La meilleure occasion & opportunité de la couper est, quand la suffocation presse, pour secourir le patient en un danger eminent, & manifeste.

\* Combien qu'au texte, il se lise ainsi, i'enten relaxation, & allongement excessif, & extr'ordinaire.

\* Il entend  
l'instrument  
nommé Sta-  
phylagra, qui  
est comme mes  
tenailles pla-  
tes.

Or pour plus commodement executer l'operation manuelle, il faut mettre le patient en un lieu clair, & bien allumé: puis luy ayant ouuert la bouche, tirer en dehors la luete avec unes \* tenailles, de sorte qu'avec unes pincetes propres à cela, on l'empogne par le milieu, ou quelque peu plus bas, & en la tirant en dehors on la torde. Car estant tordue elle se fait stupide & endormie, comme qui l'auroit serree avec une fiscelle, & se courbe, & deuient liuide, & ne s'ensuit grand flux de sang quand on la coupe. Parquoy il faut demeurer quelque temps, la tenant ainsi serree, autant que le patient le peut endurer: puis la couper, non au dessus de l'instrument, mais au dessous. Car pource qu'elle est couuerte de membranes, & qu'elle obeit aisément quand on la tire, à la uoir elle sembleroit estre fort longue: en quoy plusieurs medecins ou pour ignorance, ou s'abusans se trompent, & la tranchent toute, ce qui cause de tresgriues & facheuses maladies au patient. parquoy il faut laisser son fonds ou racine, où elle est attachee au palais. L'ayant coupee on fait lauer doucement la bouche au patient avec d'eau & uinaigre meslez ensemble: car quand le lauement la touche de trop grande uehemençe, il prouoque le flux de sang. Si le uinaigre cuit, on le fait lauer d'eau, & user tantost de l'un, tantost de l'autre, iusques à ce que le sang soit arresté. Les iours suyans on ordonne pour gargarisme la decoction de dactes, & riglice, & les onctions descriptes pour l'inflammation des amygdales. Galien \* dit apres l'excision de la luete, auoir tousiours usé du diphryges, iusques à ce que la playe fust cicatrisee, & que le diphryges est medicament fort propre à serrer.

\* au chap. 10.  
liure 5. de la  
Methode. il le  
loue fort aux  
ulceres de la  
bouche.

à serrer & fermer la cicatrice en ceste partie, & en toutes autres ulcerées. Maistre Guy de Cauliac fameux chirurgien & medicin' traite cest' operation fort diligemment: parquoy ne sera inutile reciter ce qu'il en escrit. La luete (dit-il) est coupee avec instrumens en trois manieres. La premiere est que le patient soit assis deuant le medicin au soleil, la bouche ouuerte, & la langue abaissée, & retenue avec une palette: \* puis qu'on empogne la luete avec un crochet, & qu'on la coupe avec des forcetes mouces, ou avec un spathume courbe, & semblable à un fauceole ou bistoirier. L'operation faicte, le malade gargarise & laue la bouche d'eau & de uinai-gre: & si on y adioust des galles, de l'alum, & du nitriol pour empescher le flux de sang, il sera encor meilleur. S'il auient flux de sang, Auicenne comman-de d'appliquer des uentouses au derriere du col: puis donner à boire des trosciques de \* Carabe, destrem-péz avec eau de plantain: & faire coucher le mala-de à bouchons, à fin qu'il puisse cracher le sang. Si quelque portion de sang luy est descendue en l'esto-mach, on luy ordonne les remedes \* conuenables à cela. La seconde maniere de la couper se pratique avec un fer chaud. Pour ce faire on a une canule per-cee en l'un des costez, comme d'une petite fenestre, dans laquelle on fait entrer la luete: puis ietant par dedans la canule un ferrement chaud semblable à un ciseau, on la coupe & cauterise tout ensemble. Cest' inuention est de Heben Mesue. La troisieme maniere se fait avec cautere potential. La maniere est, cōme dit \* Albucasis, On enferme la luete dans la fenestre de ladiete canule: puis avec un éprouuette

\* Qui est le  
γλωσσόστονον  
des Grecz: ou  
au lieu d'ice-  
luy.


\* C'est ambre  
iaune.

\* Comme la  
poudre, & le  
brenuage de  
maistre Ai-  
meri d'Alés,  
descriptes par  
le mesme au-  
teur au chap.  
de la curation  
des chentes.

\* Ce bon do-  
cteur n'auoit  
pas bien en-

tendu le texte  
d'Albucrasis.  
Car il appli-  
que le ruptoire  
avec la couppe  
d'un instru-  
ment fait ex-  
pres, & sem-  
blable à une  
cuvillere, & nō  
avec canule.  
\* devenue  
noire.

qui ayt le bout enuclupé de linge ou de coton, on y applique d'eau fort, ou un caustique fait de chaux & saumon: ou de l'arsenic destrempé en quelque liqueur: & tient on ces remedes sus la luete environ une demie heure, ou bien iusques à ce qu'elle soit \* alteree. Ce fait le malade laue la bouche avec d'huile rosat, ou avec d'eau rose, se prenāt garde qu'il ne tombe rien du caustique sus les parties inferieures, & qu'il ne touche aucune autre que la luete, car il les offenceroit. Apres l'incision on mondifie & guerit la playe par lauemens faits de uin, encens & myrrhe. La luete ainsi cauterisee tōbe dans le troisieme iour. Albucrasis fait une decoction en uinaigre de calament, hyssope, rue, origan, thym, aurone, chamomille, & autres semblables herbes chaudes, dans un pot bien couuert & luté, ayant un pertuis au milieu du couverceau, dans lequel on iette une canule d'argent, ou de cuyure, qui ayt au bout lequel on met dans la bouche, une rondcur semblable à une grenade, dans laquelle on met la luete pour luy faire recevoir la uapeur de la decoction.



Le pot avec la canule  
d'argent pour par-  
fumer la luete.

- A. Le pot.
- B. Le couverceau.
- C. La canule.
- D. La cavité du bout sem-  
blable à une grenade.

Ce remede se doit user tant & si souuent, que la luete se deseché: mais en la declination de l'inflammation seulement: car au commencement d'icelle il l'augmenteroit. Qui n'aura la canule faicte expres pour l'usage de ce remede, comim'a esté dict, qu'il prenne une cane uidee, & attache au bout la coque d'un œuf, comme Aëce fait en l'usage des fomentations, qu'il ordonne pour la squimance: & Apollonius aux fomentations utiles pour le bruit des oreilles, ainsi que recite Galien liure 3. de la composition des medicamens part. Par ce moyen la bouche du patient ne sera point brulee, pource que la coque de l'œuf empeschera la uapeur de la bruler. Encor que cela ne touche point à la chirurgie, ie ne laisseray d'escrire un remede souuent experimenté pour rehaucer la luete pendante & abbaissée, qu'Aëce recite de Philumenus ancien medicin, l'appellant Naturel, & Mesue louë grandement. C'est, qu'on prenne un bouquet du poil de la teste, & que de force on le tire contremont, iusques à ce que la peau soit separee du tés: puis que soudain on applique sus la cousture coronale un emplastre faict de poix, encens & mastich: ou quelque autre de ceux que uulgairement nommons Pro commissura. Si la luete avec inflammation est descendue, douloureuse, & de couleur rougeastre (dit Celsus) sans danger ne se peut couper, par ce que coustumierement il y auient grand flux de sang. A ceste cause il est meilleur & plus seur user des medicamens cy-dessus escrits. Mais s'il n'ya point d'inflammation, & toutes fois la luete abreueue d'une humeur phlegmatique, est abbaissée outre mesure, blanche, mince, & pointue, il la faut trâcher: sembla-

blement aussi quand par dessus elle est mince, & par dessous grosse & livide: il n'y a rien plus commode, que l'empogner avec des pincettes, & sous icelles trancher ce que nous voulons, sans craindre ou craindre qu'il soit dangereux d'en tailler plus ou moins qu'il ne faut: veu qu'on peut laisser passer outre les pincettes ce qui manifestement se voit estre superflu & inutile, & couper cela dequoy la lucte est plus longue que naturellement elle ne doit estre. Apres l'operation il faut user des remedes recités en l'excision des amygdales.

La manière de tirer les arestes des poissons attachées à la gorge. CHAP. XXXII.

Souvent en mangeant on aualle des arestes de poisson, ou diuerses parties de quelques autres choses. Si en ouurant la bouche on voit les arestes, il les faut oster avec instrumens propres \* à cela, nommées pour ceste raison *αὐκισθόλα*: mais si elles sont cachees plus profond & plus bas, de sorte qu'ouurant la bouche avec vn speculum oris elles n'apparoissent point, on y use d'autre industrie. Aucuns disent qu'il faut aualer quelque gros morceau, comme vn tige de laiçtue, ou \* vn morceau de pain. Aucuns disent qu'il faut engloutir vne petite piece d'eponge, nette & molle, attachée à vn fil, lequel on reprend, pour le retirer contremont: & faire cela par plusieurs fois, iusques à ce que l'areste s'attache à l'eponge, & soit tirée dehors. Leonides conseille que par dehors on applique des cataplasmes suppuratifs, comme celui qui est de farine d'orge \* crue, à fin que l'areste se suppu

\* Ce sont pincettes longues & estroictes.

\* ou vn morceau de navet: *Albuginis*.

\* avec d'eau & d'huile, les Grecs nomment ceste farine *ὀμὴν λύσιμ*.



\* *suppure, & tombe de soymesme. Si nous visiton: le patient à l'heure mesme qu'il aura aualé l'aresté, ou deuant que l'estomach ayt digéré le past, n'apparoissant point ce qui est fiché dans la bouche, nous l'inciterons à vomir en metant les doigts ou vne plume dans icelle. Car souuent en vomissant on iette dehors ce qui est arresté au passage.*

## ANNOTATIONS.

*Aëce & maistre Guy de Cauliac traittent ceste matiere un peu plus amplement, ou d'autre sorte que nostre auteur: parquoy nous aiousterons ce qu'ils en disent. Si (dit Aëce) il tombe quelque chose de ce qu'on aualle sus l'extremité \* de l'artere respiratoire, ou au dedans \* d'icelle, il faut prouoquer la toux avec quelque chose aigre, & ietter dans le nez un sternutatoire. Car aidant la uehemente agitation, l'effort & l'expiration uiolente, ces choses coustumierement sont ietees dehors. Si pres des amygdales, ou iouxte la sommité du gosier y a quelque os, ou quelque areste fichee, qui se puisse uoir, & qui pour la plus grand part apparaisse au dehors des amygdales, il la faut prendre avec unes pincetes, & la tirer: mais si ell'est arrestee en l'inférieure partie du gosier, on la tire en ceste façon: On fait aualer au patient un petit morceau d'éponge couuerte de terbentine, ou une petite piece de chair coupee fraichement, attachee avec un fil bien fort, lequel par apres on retire contremont. En ceste sorte coustumierement on tire dehors avec ces morceaux, ce qui est affiché. On fait aussi passer sans macher un morceau de la miete d'un pain frais & mollet: ou une*

\* *Face venir en suppuration le lieu où ell'est fichee & arrestee.*

\* *sus l'epiglotte, ou sus le sifflet.*

\* *dont s'ensuit quelquefois danger de suffocation, cōme nous lisons de Anacreon qui s'estrangla avec vn pepin de raisin.*

figue seche quelque peu machée, mais non écachée du tout. Quand l'os ou l'aresté a penetré iusques au profond du gosier, & ne se peut auoir par les moyens susdicts, le patient se gargarise avec eau-miel: on luy donne des bouillons clers, comme de l'orge mondé, ou du \* farro avec du miel: ou de la mie-

\* *Alica.* te de pain trempée en eau-miel chaude: & par dehors on luy applique sus la nuque, & sus tout le col de la laine abreuee d'huile chaud: ou un cataplasme relaxatif, & suppuratif, comme celui qui se fait de farine de lin avec de l'eau-miel. Par ces remedes la partie est suppuree, & l'aresté ébranlée tombe avec ce qu'on auale. Voyla ce qu'en dit Aëce. Quand un os, ou areste est fichée en la gorge, & se peut uoir, maistre Guy de Cauliac la tire avec unes tenailles courbes, en abaissant la langue: & si par ce moyen ne la peut auoir, la pousse contrebas avec un instrument de plomb, quelque peu courbe, inuenté d'Albucrasis. Si l'aresté ne peut estre ueüe, pour la faire descendre, & passer iusques à l'estomach, il ordonne des \* bouillons uisqueux: des gargarismes faicts de uin cuit, ou decoction de figues seches: & engresse le col d'huile uiolat, ou d'amandes douces, ou de beurre, chaudement. Il prouoque d'auantage le uomir, donnant chacun iour une drachme de graine de nasitort broyée, avec d'eau tiede: use des autres moyens sus escrits: & si la chose qu'on a engloutie est grosse & dure, fait serrer les épaules au patient, & le frappe rudement au derriere du col. Et pour ce que la maniere de faire cheoir & tirer une sansue attachée à la gorge, comme il auient quelque fois, & nonsans danger & grande facherie du patient,

a quel

a quelque affinité avec la matiere sus traictee, il sera bon dire comme on y procede. Premièrement on donne à boyre, & à gargariser, du fort uinaigre avec des aux pilez. Si cela n'est assez, on le parfume avec d'Afa foetida, ou de punaises, ou d'asphaltum, ietés sus de la braise, dans le pot couuert, duquel auons parlé en la curation de la luete, receuant la fumee en la bouche, & au lieu où est attachée la sansue, avec la canule & la grenade mentionnees au lieu susdict. Outre ce, on fait manger au patient des choses salees: & le fait-on demeurer tout un iour sans boire: puis il se laue la gorge avec d'eau fraiche, & soudain ouure la bouche sus un bacin plein d'eau, metant souuent la main dedans, & la remuant. Cela fait que la sansue lache prise pour se retirer en l'eau, qui luy est presentee. Si pour toutes ces choses elle ne tombe, on ouure avec un speculum oris, tant qu'il est possible, la bouche du patient, & si la sansue apparoit, avec unes pincetes on l'arrache. Si par ce moyen on ne la peut auoir, on iette dessus une canule, & par dedans icelle on applique un fer chaud qui la brule.

La maniere d'inciser l'artere respiratoire.

CHAP. XXXIIII.

**L**Es plus excellens chirurgiés nous ont enseigné ceste operation. Voyci ce qu'Antylus en escrit: En vne peripneumonie suffocante, comme nous declarerons au liure De la maniere de viure, cest'operation n'est conuenable, & n'y peut proufiter l'incision de l'artere, par ce que le poulmon & toutes les arteres respiratoires sont trop offencees en telle mala-

die: mais aux squinances, inflammations de la bouche & de la luete, & quand les amygdales sont tellement engrossies qu'elles estoupēt l'emboucheure & entree de la grande artere respiratoire, sans toutesfois que ladicte artere ayt point de mal, il est raisonnable de l'inciser pour euitier le danger de suffocation. Executās ceste operation, nous incisērons seulement vne partie de l'artere, alendroict du troisiēme ou quatriēme anelet, au dessouz de la teste d'icelle: car on ne la pourroit couper toute sans danger. Le lieu susdict est propre pour faire l'incision, par ce qu'il n'est couuert de chair, & que les \* vaisseaux sont éloignés de l'endroit où se fait l'incision. On renuerse donc en derriere la teste du patient, à fin que l'artere soit plus apparente: puis on fait l'incision trauersiere, prenant iustement entre deux anelets, de sorte qu'on ne coupe pas la substance de la chartilage, ains la membrane qui tient les deux cartilages ioinctes ensemble, & est mitoyenne entre icelles. Si le maistre n'est pas bien assēuré en cest'operation, & craint d'y faire quelque erreur, il doit premierement inciser la peau souleuee avec vn crochet: puis rencōtrant l'artere respiratoire, s'il se presente quelque gros vaisseau, le reculer, & cōsequemment faire l'incision. Voyla ce qu'en escrit Antyllus, iugeant & coniecturant l'artere estre suffisamment incisee, quand le vent sort par la playe avec impetuositē: & que le patiēt ne peut parler. Passé le danger de suffocation, on renouuelle les

\* Veines &  
arteres ingu-  
lares.

bords de la playe, puis on y fait cousture empoignant la peau seulement, sans toucher à la charnilage: en apres on y applique vn médicament cōuenable aux playes fraiches, & encor sanglantes: & si par ce moyen la playe n'est consolidée, on vse d'incarnatifs. De ceste mesme curation nous vserons auenant quelque malade, qui pour se tuer se feroit coupé l'artere respiratoire.

## A N N O T A T I O N S.

Ce texte de l'auteur monstre les anciens auoir nommé la grande artere respiratoire non seulement *τραχεια ἀρτηρία*, ou *βρόγχος*, mais aussi *λάρυγξ* & *φάρυγξ*: cōbien que Larynx proprement soit le sifflet ou sommité de l'artere, & Pharynx l'interieure partie de la bouche, où est l'entree du sifflet & du gosier. Albucrasis apres auoir recité ce discours de nostre auteur, aiouste du sien, l'operation n'estre perilleuse, & dit auoir esté appellé pour une chambriere, qui s'estoit coupee une partie de l'artere respiratoire, laquelle il trouua ronflante, cōme ceux qui trauaillent à la mort. La playe estant decouuerte, il ne ueit beaucoup de sang épandu, & de cela iugea aucune des ueines iugulaires n'estre coupee, cōbien que le uent sortist par la playe. Soudainement il la cousit, & au reste la pensa & gouerna de sorte qu'elle guerit, & retourna en sa bōne disposition, excepté que la uoix luy demoura casse & enrrouee. Maistre Ambroise Paré fameux chirurgien de nostre temps, sus la fin de son œuure Des playes de la teste, recite deux histoires notables de playes faictes en ceste partie, lesquelles toutesfois n'eurent si bonne  
issue

issue que la pratique d'Albucasis. Au texte Grec au lieu de ces mots ἐν τῷ μὲν τῷ συναγχιῶν, il y a leu, suyuant la nature de la chose qui se traite, ἐν τῷ μὲν τῷ πνευμονικῷ, considéré que la squinance n'est point affection du poulmon, ny de ses uaisseaux: il y a leu aussi incontinent apres, ἐν τῷ συναγχιῶν, καὶ τῷ πνεύματι ὅμα ἢ γαργαρεῖν τὸ φλεγμονὴν ἐχόντων. L'anatomie nous enseigne assez l'artere respiratoire estre bastie d'anneletz chartilagineux, n'ayans toutesfois leur rotundité entiere, qui sont ioincts ensemble par membranes interposées, ligamenteuses & fortes. Voy Galien chap. 3. liure 7. de l'usage des parties.

Des absces ou apostemes.

CHAP. XXXIII.

\* *Sus la fin  
du chap. 18.*

\* *Aphorif.  
47. liure 2.*

Nous auons déclaré suffisamment au quatriesme \* liure, Apostemes estre corruption & mutation de la chair, ou parties charnues: & en quelle maniere ils sont faicts, & combien de differences ilz ont. Maintenan̄t nous dirons seulement cōment ilz sont curez par operation manuelle, quand la mutation en pus ou bouë, sera totalement faicte & acheuee: ce que nous cognoissons, quand la \* douleur, la fieure (si au par-avant elle y estoit) la rougeur, la pulsation & battement des arteres, & les autres signes de phlegmon diminuent: quand la tumeur monte & se leue en pointe: quand en pressant des doigts la bouë cede & obeit, & principalement estant l'aposteme superficiel: lors nous venons à l'operation manuelle. Mais s'il n'est possible toucher l'aposteme, ou s'il ne

peut

peut monter en pointe, par ce qu'il est profond & \* reculé, considerans la mutation par autres signes, nous y employerons la chirurgie : en quoy faut noter, qu'aucunefois deuant qu'ils soyent meurs, & deuant la parfaicte mutation en pus, nous les incisons & ouurons, par ce qu'ils sont prochains des ioinctes, ou parties \* nobles, à fin que \* quelque ligament ou autre partie necessaire ne soit corrópue avec l'humour qui se pourrit. Hippocrates \* commande qu'on ouure les apostemes prochains du fondement, deuant qu'ils soyent meurs & parfaictement suppurés, craignant qu'ilz ne se percent en dedans. Les ouuertures & incisions des apostemes ne se font tousiours de mesme sorte: ains au front nous suyons les lineamens & rayes \* naturelles : en la teste, la naissance du poil, donnans ordre tant qu'il est possible, de ne causer aucune deformité. Aux \* extremittez du corps, sauoir est, bras & iâbes, nous faisons l'incision sus les muscles & tendons, suyuant droict leurs filets: mais pour euitier que ne touchions & bleussions quelque nerf, ou artère, ou autre partie du membre qui est de consequence, & à fin que prouidemmēt l'operation s'execute sans danger, tantost nous faisons l'incision droicte, tantost de trauers, ainsi que chacune partie le requiert. Quand l'aposteme est petit, on n'y fait qu'une seule incision. S'il est grand, on en fait plusieurs, mesurant le nombre à la grandeur de l'aposteme: mais tousiours se fait l'incision là où la peau est plus subtile, & le

\* Aphorif.  
41. liure 6.

\* Comme en  
la teste.

\* par la pour-  
riture duquel  
s'enfuyue con-  
traction du  
membre. *Al-*  
*bucrasis.*

\* au liure des  
fistules.

\* non pas de  
la peau, mais  
des filets char-  
nus du muscle  
large, estât au  
deffouz d'icel-  
le, qui vont de  
haut en bas.

\* *Albucrasis*  
oultre le texte  
de nostre au-  
teur, com-  
mande & sa-  
gement, qu'on  
n'enacue la  
sage tout d'un  
coup, ains pe-  
tit à petit,  
principalemēt  
si la personne  
est foible, ou  
vieille, ou un  
enfant, ou une  
femme en-  
ceinte.

lieu

\* *Aucuns pour ἀπέναντι  
lisent ἐναντία,  
bien pourri &  
bien cuict: ce  
qui est plus rai-  
sonnable. Car  
en tels aposte-  
mes la peau  
tousiours est  
mince & mor-  
tifiée.  
\* ou en forme  
de croissant.  
Albucrasis.*

\* *Διασπέρει  
ἀμφιόνως. au  
lieu d'icelles  
no<sup>x</sup> chirurgi-  
ques d'eston-  
pades, que les  
anciens appel-  
loyent Μοι-  
ches, aucuns  
plumaceaux.*

lieu plus cōmode pour donner issue à la bonie.  
Si l'aposteme est fort pointu, \* cru, mince, &  
mortifié, nous trāchons la peau en figure trian-  
gulaire, ou de feuille de meurte, ou quelque au-  
tre\* angulaire: car la ronde & circulaire est du  
tout incommode & mal propre pour estre ci-  
catrisée. Si l'aposteme n'est point relcué en  
pointe, nous y faisons vne seule & simple inci-  
sion. Si nous rencontrons quelque aposteme a-  
uec grande cavitē & sinuosité, & la peau du  
dessus estant charnue se peut glutiner, nous fe-  
rons en la partie vne seule incision pour dōner  
sortie à la fange: mais si la peau est mince &  
fort decharnee, nous l'inciserōs toute de long,  
auec vne seule & simple taillade. Ayāt fait ceste  
simple incision, si les bords de la playe d'un  
costé & d'autre apparoissent fort gresles & de-  
stituez de chair, nous les tranchetons. L'ope-  
ration faicte, & le sang essuyé auec vne esponge,  
si l'aposteme est petit, & que l'ayons ouuert  
par vne seule incision, nous y appliquerons sim-  
plement de la charpie: mais si l'aposteme est  
grand, & ouuert par plusieurs incisions, nous  
ieterons dans icelles des tentes\* longues fai-  
ctes de filets tirés. S'il est question de trancher  
les bords, les ayant coupez, nous emplirons la  
playe de charpie, comme il a esté dit. S'il auiet  
flux de sang, nous vserons pour l'arrester d'eau  
froide, ou d'eau meslée auec le vinaigre. S'il  
continue, nous ieterons dessus, de la chalcitis  
puluerisée fort subtilemēt. Ce remede est aussi  
bon pour empescher que l'vlcere ne se face  
putride



putride & fordide. En temps d'hyuer, & si la partie est nerueuse, nous tremperons les compresses qui doyuent estre appliquees en vin & eau meslez ensemble. En esté, & si la partie est charnue, nous les tremperons en eau & huile, ou bien en vin & huile froid actuellement, avec bendage conuenable, lequel au secôd iour nous bacineros & arrouserons desdictes liqueurs. Le troisieme iour nous debenderons la playe, & l'ayant netoyee d'un'esponge tout à l'entour nous y appliquerons des oignemens conuenables avec de la charpie : & s'il ne suruiet aucun phlegmô, nous cōtinuerons l'oignement & l'embrochation susdicte. Si le phlegmon y vient, nous y appliquerons vn cataplasme maturatif, apres auoir vsé de \* fomentatiōs. Quand le phlegmon sera appaisé, nous vserōs de medicamens qui facent bonne & louable la fange de la playe, & qui engendrent la chair. Quant à l'vlcere sinueuse, nous la traiterons avec remedes glutinatifs, comme il a esté dict au \* quatriesme liure, parlant des vlceres sinueux\* & caues; que les Grecz nōment νόλπες.

\* *Relaxatiues & sedatiues de douleur.*

\* *chap. 48.*  
\* *qui se font par vn absces.*

## A N N O T A T I O N S.

*Absces est une disposition en laquelle les parties qui au par-avant estoient continues, sont separces l'une de l'autre. Ses differences ont esté recitees cy dessus chap. 22. Nostre auteur parle de ceux qui se font par permutation & succeſſion de phlegmon, ou autre tumeur phlegmoneuse: & en iceux est cōtenue matiere purulente, moins ou plus louable, selon que la chaleur naturelle de la partie malade a plus ou moins*

moins heureusement, & auantageusement, cuit & alteré l'humeur superflu qui cause la tumeur. Les signes de ces absces sont curieusement recités de nostre auteur chap. 18. liure 4. assauoir, chaleur brulante comme feu: la tumeur plus eminente, plus rouge, & plus dure qu'au par-avant: douleur poignante & pulsatiue: sentiment de pesanteur, comme s'il y auoit quelque chose de poys attachee au membre. Si la partie est d'importance, frissons & tremblemens qui viennent sans tenir ordre: la fièvre est plus grande la nuit, comme aussi la douleur: quelquefois les glandes prochaines deuiennent inflammees. Ces signes monstrent & presagent l'absces qui se fait par uoye de suppuration: mais la suppuration parfaite & acheuee, la tumeur decroist: on sent des pointes avec demangeson, & quelque petite stupeur: la tumeur s'eleue en pointe: se fait molle au toucher, & obeit quand on la presse: la peau superficielle en la pointe se diuise & separe des parties qui sont au dessous. Voila tous les signes, qui rencontrent & se doyuent entendre, quand l'absces se tourne en dehors, & non quand il se perce en dedās. Les autres absces chauds se font par soudaine irruption & fluxion de matiere ia pourrie, & alteree auant que fluer dans les ueines, ou en quelque autre partie du corps, en laquelle elle auoit seiourné quelque temps, cōme quand de la squinance est faicte la pleuresie: & en iceux du commencement sont contenues diuerses matieres liquides, tousiours puantes, cōme a esté dict cy dessus, differentes selon la diuerse mixtion, alteration, putrefaction, espaisseur & subtilité des humeurs qui fluent: & quand par longueur de temps ces matieres

sont

sont desechées & endurcies, en ouurant tels absces on trouue des corps solides de diuerses \* sortes. La curation descripte de nostre auteur appartient proprement aux absces faicts par suppuration de phlegmon, combien qu'elle se puisse appliquer aux absces commencans par soudaine fluxion. C'est une cure difficile (dit Celse) de traiter les tumeurs qui se font par causes internes, & tendent à suppuration. En autre lieu l'ay dit ces tumeurs estre du genre des absces; & ay recité les remedes qui y sont conuenables. Reste maintenant que ie die l'operation manuelle qui y doit estre faicte. Auant que ces tumeurs deuiennent \* dures, il faut scarifier la peau, & appliquer une uentouse, qui tire & uacue toute la matiere corrompue & mauuaise, assemblee là: ce qu'on peut utilement faire deux & trois fois, iusques à ce que toute apparence d'inflammation cesse. Quand la uentouse ne seruiroit de rien, ce ne seroit grãde merueille, par ce qu'à aucunes fois, combien que rarement, la matiere contenue en l'absces est enclose dans une sienne couuerture, que les anciens nommoient tunique. Mege, attendu que toute tunique est nerueuse, dit qu'en ceste maladie qui cõsume & gaste la chair, ne peut estre engendree aucune partie nerueuse, mais qu'al'entour de la fange, ia long temps contenue & residente au membre, se condense une substance calleuse qui l'environne. Quant à la curation ceste diuersité d'opinions n'importe rien, estant de besoin, encor que fust une substance calleuse, y faire tout ce qu'auons dit y deuoir estre faict, en l'auoiant & recognoissant pour une tunique. D'auantage rien n'empesche, encor que ce fust une substance calleuse, de la

\* Celsus rap-  
porte les ab-  
sces qui cõtiens-  
nent vne ma-  
tiere semblable  
à poil, ou à  
pierre, aux ab-  
sces froids, &  
qui ont bour-  
se, sans speci-  
fier leur gẽre.

Aice suyuãt  
l'opinion de  
Leonidas, les  
comprend sous  
le genre d'A-  
therome.

\* Se changent  
en scirrhe.

nommer Tunique, par ce qu'elle ceint & enuoloppe la matiere fangeuse. Quelquefois ceste tunique est plus grosse & épaisse que la fange, à raison dequoy la fange qui est sous icelle, ne peut estre tiree dehors par la uentouse, ce qu'aisément on cognoist, quand la uentouse appliquee n'y a fait aucun changement. Or si ainsi est, ou bien si la tumeur est ia endurcie, la uentouse ne sert de rien, & faut, comme auons escrit en autre lieu, ou faire reuulsion de la matiere qui y flue, ou la resoudre & digerer, ou la faire uenir en maturité. Si on a peu gaigner les deux premiers \* poincts, il n'est besoing y faire autre chose d'auantage. Si la matiere est suppuree & meurie, ains aux aixelles & eimes peu souuent faut il faire \* incision: ny aussi semblablement quand l'absces est mediocre: & quand il est en la superficie de la peau ou de la chair, n'estoit que la foiblesse & impatience du malade contraigne le medicin à se haster de l'ouurir. Car si on n'y touche point de ferrement, le lieu peut demeurer sans aucune defformité de cicatrice. Estant le mal plus profond, on doit considerer si le lieu est nerueux, ou non. S'il n'est point nerueux, il le faut ouurir d'un fer chaud, qui à cela est fort commode, par ce que la playe, iasoit qu'on la face petite, demeure long temps ouuerte pour donner issue à la fange, & la cicatrice qui parapres y demeure, est petite. Si pres du lieu y a des nerfs, il est à douter & craindre, que y appliquant le fer chaud, ils ne uienent en conuulsion, ou que le membre ne soit debilité & priué de son action: & à ceste raison faut user de la lancette. Aux autres parties on peut ouurir les absces, endor qu'ils soyent un peu crus: mais aux parties

\* De la diuertir ou resoudre.

\* Par ce que la fange à raison de la partie qui est laxee se resout: ou l'aposteme d'el le mesme s'ouure.

ties nerveuses, il faut attendre leur extreme & par-  
faicte \* maturité, qui extenue la peau, & approche  
la fange d'icelle, à fin qu'on la rencontre plus pres.  
D'auantage, quelques absces demandent seulement  
une incision droicte en la peau: en quelques autres,  
la peau, par ce qu'elle est fort extenuee, se tranche &  
couppe toute au dessus de la fange. Quand on se sert  
de la lancette, il faut tousiours auiser de faire le  
moins d'incisions, & les moindres qu'il sera possible,  
moderant toutesfois & accommodant leur nombre  
& grandeur, au mal que nous pretendons guerir.  
Car les grans absces ueulent quelquefois estre inci-  
sez par deux grandes ouuertures, ou plusieurs: & se  
faut donner garde que l'inférieure partie de la cavi-  
té ayt issue, à fin qu'il ne demeure & cropisse de-  
dans aucun humeur, qui ronge & mine les parties  
circoniacentes & saines. Quelquefois il auient qu'on  
doit trancher beaucoup de la peau: quand apres une  
longue maladie toute l'habitude du corps est uitiée,  
& la sinuosité s'estend largement, & la peau au lieu  
du mal est palle: car le cuir est lors mortifié, & du  
tout rendu inutile. A raison dequoy il est meilleur  
le couper, & principalement si cela auient al'entour  
des \* grandes iointes, & le malade a le flux de  
uentre, & ne recoit aucun proufit de la viande qu'il  
prend. Retranchant la peau on fait l'incision en for-  
me de feuille de myrte, à fin que plus aisément elle se  
guerisse: & se doit obseruer cela inuiolablement. En  
quelconque lieu le medicin retranchera de la peau,  
& pour quelconque occasion, incontinent que la fan-  
ge sera sortie aux eimes & aixelles, il n'est plus be-  
soin y mettre \* de tente, ains par dessus y faut ap-

\* Noz practi-  
ciens au con-  
traire cōman-  
dent les ouuir  
auant leur ma-  
turity, à fin  
que s'y faisant  
grande pourri-  
ture, les nerfs,  
tendons, mem-  
branes, & li-  
gamens ne  
soient corrom-  
pus.

\* Car telle  
peau engendre  
& entretiēt de  
la fange, qui  
pourrit les par-  
ties prochai-  
nes, & empes-  
che l'applica-  
tion des medi-  
camens desic-  
catifs.

\* à cause des  
grandes vei-  
nes, arteres, &  
nerfs qui sont  
en ces en-  
droits-là.

pliquer une esponge trempée en uin. Aux autres parties, si les tentes sont aussi peu nécessaires, pour absterger l'ulcere, il faut y faire iniection d'un peu de miel, puis y appliquer par dessus des medicamens conglutinatifs: mais si les tentes y sont nécessaires, on y applique, comme a esté dict, une esponge trempée en uin, & exprimée. En autre endroit auons nous dit, quand les tentes sont nécessaires ou non. Quand l'absces suppuré est incisé, on fait les mesmes choses, qu'auons monstre & proposé de uoir estre faites, quand il est rompu par medicamens. Soudain on peut cognoistre par certains signes, combien la curation proufite, & combien on doit craindre ou esperer. Les signes sont presque mesmes que les signes recitez aux playes. Les bons sont, dormir bien: auoir bien son alime: n'estre point alteré: auoir bon appetit: s'il y a quelque petite fièvre, la perdre: que la matiere sorte blanche, lisse, & sans mauuaise odeur. Les mauuais sont, ne pouuoir dormir: respirer en peine: auoir soif: estre degousté: auoir fièvre: & quand la matiere est noire, ou comme lie de uin, & puante: d'auantage, quand au progrès de la curation\* auient flux de sang: ou si auenant que la sinuosité soit remplie de chair, les bors deuiennent gros & tumides: semblablement aussi quand la chair qui s'y engendre, est molle, laxé, & non ferme: mais le plus mauuais signe de tous est, quand pendant la curation, ou icelle parfaite, le cœur faut au malade. C'est aussi une grande & iuste occasion d'auoir peur, quand quelque maladie precedente soudain se termine, & incontinent l'absces se suppure, ou quand estant suppuré la maladie\* precedente ne se passe point. C'est aussi

\* Par erosion  
de quelque  
vaisseau.

\* Comme fièvre,  
douleur de  
teste, ou de  
reins.

aussi

aussi cause raisonnable de s'estonner, quand le malade au lieu de l'ulcere ne sent point les medicamens acres & corrosifs. Or de quelque costé que la fortune se tourne, le medecin doit s'efforcer & employer au recouurement de la santé du patient. Quand l'ulcere recidive, si nostre intention est de retenir & arrester la fluxion, il le faut baciner & fométer de \* uin meslé avec d'eau de pluye, ou avec la decoction de lentilles. Si nostre intention est de l'absterger & mondifier, on le baciné de uin miel, & par dehors on applique les choses \* susdictes. Quand la fluxion sera arrestée, & l'ulcere abstergé & nettoyé, pour y engendrer la chair, il le faut baciner avec du uin & du miel meslés également, & par dehors y appliquer une esponge trempée en uin & huile rosat. Par ce moyen la chair y est engendrée: toutes fois, comme en autre lieu nous auons dit, à cela proufite plus la maniere de uiure, qui est, la fièvre estant guérie, & l'appetit reuenü, de se bagner peu, se faire porter & pourmener doucement tous les iours: user de manger & boire qui remette le corps en chair. Somme, il faut faire tout ce que coustumierement se fait, quand par medicamens on ouure l'absces: mais pour ce qu'à peine on peut guerir une grande maladie sans y employer les ferremens, nous auons particulièrement déclaré & reserué ces preceptes en \* cest endroit icy.

\* gros, rude  
& noir.

\* L'esponge  
treppée en gros  
uin.

\* où il est traü  
elé d'ouurir  
les absces par  
ferrement.

Des Escroueles, nommees des Grecz *χολάδαι*.

CHAP. XXXV.

**S**Crophule ou Escrouele, que les Grecz nomment Chœras, est vne glande scirrheuse. Cē mal auient pour la plus part au col, en l'ai-

xelle, & en l'eine. Le nom est imposé à la similitude des rochers espars ça & là en mer, que les Grecz nomment Chœradas, ou de ce mot chœros, qui signifie pourceau : pource que la femelle de cest animal d'une ventree porte beaucoup de cochons: ou pource que les pourceaux ont le col plein d'escrouës. Les escrouës les s'engendrent ou en l'anterieur partie du col, ou en l'un des costez d'iceluy, ou en tous les deux: & sont ou vne, ou deux, ou plusieurs, & tousiours enuelopees d'une mēbrane propre, comme les steatomes, atheromes, & melicerides. Les escrouës douloureuses qui empirerent & s'irritent pour estre touchees, ou quand on y applique des medicamens, sont cacoëthes & malignes: aucuns les nomment cancreuses. Il est tout euident, qu'elles n'obeissent point à l'operation manuelle, & que sus icelles on ne la doit employer: mais bien en celles qui au toucher, & conuenable vsage des remedes ne s'indignent point. L'operation se fait en ceste maniere. Si les escrouës sont superficieles, & se iettent vers la peau, on fait vne simple incision, pour les separer des parties qui sont au dessus: puis en estendant les bords de la peau avec des crochets, on les decharne & diuise des membranes qui sont al'entour, comme il a esté dict en l'incision \* des vaisseaux, & petit à petit on les arrache. Si les escrouës sont grandes, les ayant percees d'un crochet, on les souleue, & de mēme sorte qu'auons expose, on les decharne & separé de tous costez des parties circon-

iacentes,



iacentes, qui les tiennent & arrestent, se donnant tousiours soigneusement garde de n'offencer, ou toucher les arteres carotides, ny les nerfs recurrens. S'il se trouue quelque vaisseau coupé qui empesche & trouble l'operation, ou nous l'attachons & serrons d'une fiscelle, ou le \* tranchons du tout, principalement s'il n'est point des grans. Quand il restera fort peu en la base de la scrophule à separer, lors nous la coupons dextrement: puis ietons l'indice dans la playe faicte, pour chercher s'il y auroit point quelques autres escrouëles prochaines à celle qu'auons ostee, à fin de les emporter par semblable maniere qu'auons deduiet, & monstre. Si nous doutons qu'en la base & racine de la scrophule y ayt quelque grand vaisseau, ou plusieurs, comme souuent il auient, nous ne la prendrons point au fonds pour la couper, ains la lierons avec vne fiscelle, à fin que de soy-mesme elle tombe petit à petit, sans danger: & lors \* nous y appliquerons les oignemens conuenables avec charpies. Si apres auoir incisé la peau, ce que necessairement on doit tousiours faire en ligne \* droicte, nous coupons & ostos à l'instant mesme la scrophule, il faut soudain reioindre les bords de la playe: par cousture, si la peau en cest endroit n'est point superflue: mais si pour auoir esté poussee & trop estendue par l'eminence & tumeur de la scrophule, elle a quelque chose de superflu, nous en retranchons quelque partie en forme de feuille de myrte, puis la cousons, & appliquons dessus vn

\* à fin que  
ses deux par-  
ties se retirent  
sa & là souz  
la peau, &  
ainsi le sang  
soit arresté.

\* ou pendant  
que petit à pe-  
tit elle se dese-  
che: ou apres  
quell'est tom-  
bee.

\* principale-  
ment au col,  
où l'incision  
transuersiere  
pourroit cou-  
per quelque  
nerf ou vais-  
seau. Acec  
toutesfois per-  
met l'incision  
oblique.

medicament conuenable aux playes fraiches,  
& encor sanglantes.

ANNOTATIONS.

La definition de Scrophule en nostre auteur est  
claire. Celsus la definit estre tumeur semblable à une  
glande, dans laquelle on trouue une substance caillée  
de sang & de matiere purulente facheuse à guerir,  
par ce qu'elle donne fieu, ne se meurit pas aisément,  
& soit qu'on la cure avec medicamens ou avec le  
fer, souuent renaist pres de la cicatrice, de sorte que  
pour une autrefois il y faut remettre la main: &  
quand bien on la guerit, ne peut estre curée qu'avec  
long temps. Ce mesme auteur suyuant l'opinion de  
Meges, chirurgie fameux, celebré par Galien chap.  
7. liure 6. de la Methode, dit les scrophules estre fai-  
tes non seulement au col, aux aixelles, & aux eimes:  
mais aussi aux mamelles des femmes. Entre tous les  
anciens qui ont parlé de ces tumeurs, à mon iugemēt,  
Leonidas chirurgien de grāde reputation en a traitē  
plus pertinemment & amplement: parquoy sera  
utile, aiouster ce qu'il en dit, ainsi qu'Aēce le recite.  
Les Grecz (dit il) appellent Chœradas les escrouē-  
les, ou scrophules, des pourceaux, en la gorge des-  
quelz on trouue des tumeurs glanduleuses, sembla-  
bles à scrophules. Les autres cuident ce mot auoir  
estē imposé de ce que les truies portent & font  
beaucoup \* de petis. Scrophules sont chairs blan-  
chastres, qui croissent aisément, contenues dans une  
membrane & somme, sont glandules endurcies, qui  
uiennent au col, sous les aixelles, & aux eimes, là où  
les glandules sont couchees & assises au dessouz des  
uaisseaux. Leonidas ueut dire, les scrophules estre  
tumeurs

\*par ce que les  
scrophules in-  
ternes engen-  
drent, & par  
maniere de di-  
re, enfantent  
les externes.

tumeurs des glandules, ou charnues, que les Arabes appellent Nattas: ou faictes d'humeur grosse, uisqueuse & froide, qui sont especes de schirres, ou absces froids. Aucuns praticiens nomment ce qu'auons appelle Nattes, Apostemata taurina, bouina, & cauer-nosa. Quelque fois, mais peu souuent, ces tumeurs se font de la chair des parties \* susdictes, laquelle pour \* Des glan-  
la similitude & affinité qu'elle a avec les scrophules, des.  
se conuertit en leur nature, & s'augmente par accumulation & accession de matiere. Les scrophules different entre elles par leur grandeur, nature, lieu, naissance, nombre, & complication de uaisseaux. La  
grandeur se considere en ce que les unes sont peti- 1.  
tes, les autres moyennes, les autres grandes, les au-  
tres d'excessiue grandeur. La nature, en ce que les 2.  
unes sont douces & benignes, les autres malignes. Les douces & traitables ont dureté mediocre sans inflammation & douleur, & ne sont molles comme les steatomes, ny dures comme scirrhes, ains au toucher ont une propriété de substance moyenne entre les deux, avec une tumeur égale, & de circonscripti-  
on ronde. Au contraire les malignes sont avec inflammation & douleur pulsatiue, tumeur inegale, en laquelle les uaisseaux sont apparens & eminens: d'au-  
antage au toucher des mains & application des 3.  
medicamens elles s'indignent. Elles different de lieu, par ce qu'aucune fois elles viennent en l'anterieur  
partie du col, aucune fois en l'un des costez d'iceluy, aucune fois en tous les deux: outre ce aucunes sont superficielles & prochaines de la peau, aucunes sont profondes & cachees, al'entour des grâs & insignes uaisseaux. Leur naissance se considere en ce qu'au-

cunes sont eleuees, & aucunes entees & plantees dans les parties prochaines. Les premieres sont aisement remuees & menees çà & là. Les secondes quand on les ueut toucher & remuer, font resistance. Quant au nombre ou plusieurs sont engendrees, ou une seule. La complication des uaisseaux uient en consideration, par ce qu'aucunes ont des ueines & arteres entrelacees, les autres non. Les petites se guerissent plus facilement que les grandes, & les benignes plustost que le inflammées. Les malignes sont du tout incurables. car par ce qu'elles sont toutes chancreuses & pleines de uaisseaux, les uoulât oster par operation manuelle, on met le patient en danger de flux de sang: outre ce qu'estant situees profondement ne peuuent estre coupees: car toutes escrouëles malignes ont comme pour leur racine des uaisseaux grans & notables, assauoir les ueines ingulaires, & les arteres nommees Carotides. Quant à la difference du lieu, les superficielles sont plus aisément guerries que les profondes, & celles qui uiennent au col, que les autres. Toutes fois en icelles nous deuons curieusement auiser de ne toucher & blesser les nerfz distribuez aux muscles qui seruent à la \* uoix. Car plusieurs coupans les escrouëles al'entour de l'artere respiratoire, ont rendu les patients muets. D'auantage quand bien les nerfz en telle operation ne seroyent blessez ou coupez, si les instrumens qui seruent à la formation de la uoix sont découuerts & refroidis pendant que la curation se fait, la uoix demeure perdue. Le iugement pris du nombre, nous fait entendre, que plus aisément on en guerit une seule que plusieurs: comme aussi regardant à leur naissance

\* Comme les  
recurrens, &  
ceux des au-  
tres muscles  
du Larynx  
propres & co-  
muns.

nous iugeons celles que nous uoyons eleuees, estre plus curables, que celles qui sont entees & plantees dans les parties prochaines. La meilleure & plus briefue curation des escrouëles guerissables se fait par operation manuelle: & pour l'executer on fait coucher le malade à la renuerse, car n'estant couché facilement il euanouiroit. Estant couché, & ayant ioint les iambes ensemble, un seruiteur luy tient la teste, & le chirurgien incise la peau qui est au dessus de la scrophule, ou en droicte ligne, ou de biais: car l'incision trauersiere au col est suspecte & dangereuse, par ce que les uaisseaux & les nerfz sont estendus de droict. On ne doit inciser d'un coup toute l'epaisseur de la peau, par ce qu'on ne doit faire en ceste administration aucune chose de force ou uiolence. Si la tumeur est petite, nous faisons une section simple: si ell'est grande, on coupe une piece de la peau en forme de feuille de myrte, puis doucement on decouure & separe les uaisseaux, qui se cognoissent aisément, par ce qu'ilz sont plus blancz que la chair naturelle: en apres on estend avec des crochetz les bors de la playe, en separât de la main & du rasoir les membranes d'avec la scrophule. Si la scrophule est entee & plantee dans les parties circonuoisines, il faut prudemment & attentiuemēt executer l'operation, à fin que par nostre inaduertence ne suruienne flux de sang. Pour euitier ce danger nous estendons seulement l'un des bords de la playe avec des crochets, & ainsi petit à petit separons la scrophule des parties circuniacentes: & ayant fait cela en un costé, nous faisons le semblable en l'autre: puis nous coupons sagement toute sa base, pour ne toucher aux  
nerfz

nerfz & uaisseaux qui sont situés dessous. Aux escrouelles des aixelles & des eimes, on fait la section trauersiere à cause de la reduplication de la peau. L'operation faicte, s'il suruient flux de sang, on y applique les medicamens sus recitez qui l'arrestent: & s'il n'y suruient point, on emplit la playe d'encens puluerisé, & de charpie, puis on attache par dessus de la laine trempée en uin. Le iour suyuant apres auoir bandé la playe, on l'arrouse avec d'huyle & de uin, continuant ce bacinemēt iusques au troisieme ou quatriesme iour: puis on la debende, & fait on supputer la matiere, & au reste on la cure comme les autres ulceres. Pour la mondifier, incarner, & cicatrifer la theriaque est tresutile. Quand les scrophules commencent aux enfans, & à ceux qui ne ueulent endurer l'operation manuelle, nous essayons de les guerir avec medicamens semblables à ceux que nous ordonnons pour les tumeurs dures, qui premierement soyent remollitifz, puis resolutifs. Voyla le discours d'Aëce, auquel i'atousteray ce que maistre Guy de Cauliac a recuilly sagement de plusieurs bons auteurs: que les scrophules & autres tumeurs froides, sont gueries en six manieres. La premiere, quand elles sont petites, molles, & tendres, en les rompant & éclatant avec le fons d'un escuële de bois, puis metant dessus une lame de plomb. La seconde par medicamens resolutifs, si elles ne sont uieilles, ou trop dures. La troisieme, quand elles sont compliquees avec inflammation, par medicamens suppuratifs. La quatriesme, si elles sont traitables, & se remuent sa & là, par extirpation & operation manuelle, comme a esté dict. La cinquieme, quand elles sont

1.

2.

3.

4.

5.

sont larges, entees, & inferées dans les parties prochaines, par medicamens corrosifs, & caustiques. La sixiesme, si elles ont le pied grelle, les liant avec un fil de soye, ou de poil de cheual, qu'on serre de iour en iour iusques à ce qu'elles tombent. Et pour haster leur cheute, on peut appliquer dessus quelque ruptoire: & pendant que cela se fait, mitiguer la douleur, oignant les parties circoniacentes avec huile rosat, populeon, blanc d'œuf & autres tels remedes. Pour fin ie diray un singulier remède en ceste maladie, outre une infinité d'autres, recommandé par Aëce, & approuué de Celsus liure 5. chap. 28. le disant auoir esté cognu par l'experience des paysans, qui est de manger la chair de la uipere. Albucrasis dit estre un remède singulier en ceste maladie, comme aussi en la migraine, & toutes autres longues maladies des parties situes au dessus du col, qu'on purge, si souuēt le patient avec pilules composees d'aloë & mastich, qu'il tombe en dysenterie: laquelle se guerit par l'usage de ce trochisque, *Lycij Indici, opij, seminis apij, singulorum partes æquales. Excipiantur melle siliquarum.* Ce miel nage & se prend sus l'eau en laquelle on fait bouillir des carrubes hachees menu.

Des atheromes, steatomes, & melicerides.

## CHAP. XXXVI.

**C**ombien que ces tumeurs soyent du gère des absces ou apostemes, neantmoins elles different, en ce que les autres absces participēt d'inflammation, sont douloureux, contiennent vn' humeur acre & corrosiue, & ne sont point enclos dans vne propre & particuliere tunique. La difference entre ces trois especes est,

que

que l'humeur contenue dans le steatome (ainsi que son nom le moustre) est semblable à du du suif : & dans l'atherome est semblable à la bouillie qu'on fait de farine de froment : & dans la meliceride est semblable à du \* miel. On discerne les vnes des autres en ceste maniere : Le Steatome est plus dur que les autres, n'obeit rien, ains resiste au toucher des doigts ; & à sa base, ou racine plus \* solide. La meliceride comme vn corps laxé, obeit & cede quand on la touche, se disperse & dilate \* lentement, puis tout soudain retourne. L'operation manuelle quant à inciser, separer la peau, coudre, & autre administration, se fait de mesme sorte qu'aux scrophules, auisant de ne blesser & couper la bourse qui contient la matiere, par ce que l'humeur épandu trouble & empesche l'operation : & aussi se donnant garde de ne laisser aucune partie de ladicte bourse, par ce que demeurant, souvent au poignet de la main, à la cheuille du pié, & autres lieux du corps qui ont mouuement par les iointes, elle fait reuenir & recidiuer le mal, comme quand on laisse vne scrophule entiere, ou vne partie d'icelle. Or auenant qu'il fust demeuré quelque portion de la bourse, le meilleur sera, ne coudre point la playe : ains avec medicamens putrefactifs consumer ce qui reste.

## A N N O T A T I O N S.

Aëce recite de Leonidas plus particulièrement la nature & les signes de ces trois absces froids. Ses paroles sont, Atherome est une tumeur de semblable

\* En couleur  
& consistence.

\* *σφαιρόμας* :  
no<sup>x</sup> exemplai-  
res Grecs ont  
*σφαιρόμας*  
plus estroicte.  
\* Aëce au  
contraire de ce  
qui est au tex-  
te, dit, que tost  
elle obeit, &  
tost elle re-  
tourne.

.. couleur



couleur que la peau, sans douleur, qui contient un humeur semblable à la bouillie. Avec \* cest humeur quelquefois se trouuent des corps durs & pierreux: quelquefois comme des racleurs & morceaux de souphre: quelquefois comme des petis os de poulaille machés: quelquefois comme des poils meslez avec un humeur fort grosse. Philoxene dit auoir quelquefois trouué en l'humeur cōtenue dedans, des animaux semblables à des mouches, ou à des mouchillōs. Ceste tumeur est de figure longue & releuee, & par ce que l'humeur contenu est gros, mal aisément ell'obeit quand on la comprime avec les doigts, & les ayant ostez, mal aisément elle retourne. La meliceride est une bourse ou petite peau, pleine d'un humeur subtile, semblable à miel, sans douleur, differente de l'atherome. en figure, & substance de l'humeur contenue. Car sa figure est plus ronde: & la substance de l'humeur contenue, plus subtile. La meliceride s'estend plus que l'atherome, & si on la foule avec les doigts, plus soudain elle obeit: & apres les auoir ostez, aussi soudainement elle retourne. Quāt à l'operation manuelle, il n'importe, si l'humeur contenue est semblable à miel, ou bouillie, ou à bouë & fange, ou de quelle essence elle soit. Car nous auōs une seule intention qui est d'oster la bourse contenant l'humeur. Mais on doit considerer qu'aucunes tumeurs sont eleuees, exposees au toucher, remuables & curables sans peine: les autres, au contraire, sont entees & inferrees dans les parties prochaines, point exposees à mouuement, & qui requierent tresgrande diligence en l'operation manuelle, à cause de l'eminent danger du flux de sang, & qu'on ne blesse les nerfs.

Pour

\* Comme il a esté dict cy des sus, nostre auteur fait un particulier genre de ces absces, & les dit n'estre point contenus dans une bourse.

Pour executer l'operation manuelle, on fait asseoir le malade en une chaire: & si la tumeur est petite, on fait l'incision \* simple, comme auons dit en la curation des escrouëles. Si ell'est grande, on fait incision en la peau qui est au dessus en figure de feuille de myrte, correspondente à la grandeur de la tumeur. Or ne faut-il faire ceste section tout d'une traicte, à fin qu'on ne coupe la membrane qui contient l'humeur, & que l'humeur ne soit euacuée. Car estant uuidée & la tumeur abaissée, à peine sera la membrane separée, & la maladie guérie. Parquoy avec extreme diligence il faut écorcher & separer la bourse, & ne laisser aucune portion d'icelle alentour de sa base, à fin que le mal ne retourne. Ayant osté la bourse, on ioint les bords de la playe: & s'ils sont trop laches, on coupe ce qui est superflu de la peau, puis avec coudre on les assemble. En ceste operation est une chose fort notable, que si ceste tumeur uient en la teste, ayant osté la bourse, il faut d'auantage couper la membrane qui couure le tés, & curieusement \* racler l'os. L'operation acheuée, aux petites tumeurs, & petites incisions ne se trouue aucune difficulté, & faut seulement appliquer dessus une compresse avec quelque medicament glutinatif, qui ayt uertu d'empescher l'inflammation. Si la playe est encor sanglante, & ne peut estre glutinée par ce moyen, il faut faire des points d'eguille, fort distans l'un de l'autre, en sorte que la figure de l'incision tende en long: puis y mettre de charpie, & procurer que la matiere suppure, comme il a esté dict en la curation des absces. Steatome est une tumeur contre-nature, de semblable couleur à la peau, douce au toucher,

\* à fin qu'estant endomagé de l'humeur, il ne luy reste aucun vice.

cher, dans laquelle est contenu comme du suif. Du commencement ell'est petite, mais par succession de temps elle deuient fort grande. Les steatomes ont le plus souuent leur base large, & tard uoid-on que leur base soit estroïtte, & leur sommité large. Les steatomes different des escrouëles par ce qu'ils sont plus mols au toucher: des melicerides & atheromes, par ce qu'ils sont plus durs, & se guerissent par operation manuelle, faisant incision proportionnee à leur grandeur, ou simple, ou en figure de feuille de myrte, coupant hardiment & librement la peau, sans craindre de couper la bourse, comme en l'incision de l'atherome & meliceride. Car encor qu'elle soit coupee, l'humeur semblable à suif ne s'epand point. Or ne faut-il mepriser & oublier ce qu'auons dit en la curation des escrouëles: assauoir, si le steatome est eleué, qu'on l'ecorche & separe par dessous & al'entour: par dessous avec les doigts: al'entour avec le rasoir. Mais s'il est inseré dans les parties prochaines, al'entour & par dessous il le faut separer avec le \* rasoir. L'operation acheuee il faut coudre les bords de la playe, pour les mieux glutimer: ou bien il faut mettre de la charpie iusques au profond d'icelle, & procurer que la matiere suppure. Si les steatomes ont la base grelle, & la sommité large, delaisant les choses superflues, nous les coupons du tout par le pié. Cest operation est fort aisee & brieue, & l'ulcere demeurant plain & petit, se guerit en peu de temps. Ce discours d'Aëce est, certes beau & riche: & toute fois nous l'accompagnerons de ce qu'en recite Cornelius Celsus fort à propos & succinctement. En la teste (dit il) naissent plusieurs & disse-

\* Et non avec les doigts, de peur que foulât avec iceux, on n'offence les vaisseaux & nerfs situés au dessous de la tumeur.

\* *Tumeurs engendrées d'humour froide, grosse, ou visqueuse.*

\* *Albucassis fait un chapitre à part de celles qui viennent sous les aisselles.*

\* *Il faut entendre les mots (toutes ces tumeurs) des atheromes, steatomes, & melicerides, non de ganglion: car autrement il seroit faux, & aussi ne se trouve auteur Grec ny Latin qui l'escriue, fors Celsus.*

\* *les autres sont de même couleur que la peau.*


*\* tubercules. On les nomme Ganglia, Melicerides, Atheromes. Aucuns les distinguent encor par autres vocables. Je y aiousté auantage les Steatomes. Toutes ces tumeurs viennent aussi bien au col, aux aisselles, & aux costez du corps qu'en la teste: & neantmoins pour ce respect ie ne les separe point de celles qui sortent en la teste, comme différentes d'icelles, ueu qu'il y a peu de difference, qu'elles ne sont point dangereuses, & qu'elles sont curées de même façon. Toutes ces tumeurs au commencement sont petites, puis petit à petit croissent, & par fort long temps, & sont encloses dans une bourse. Aucunes d'icelles sont dures & renitentes: aucunes molles & obeissantes au toucher. Le poil sur aucunes tombe avec le temps. Aucunes demeurent toujours couuertes de leur poil, toutes pour la plus part sont sans douleur. On peut bien dire par coniecture ce qui est dedans icelles: mais du tout on ne le peut certainement cognoistre, sinon quand on le iette dehors. Toutesfois en celles qui ont durté & renitence, le plus souuent on trouue des matieres semblables à petites pierres, ou à des poils condensez & emmôcelez: en celles qui obeissent au doigt, on trouue matiere semblable à miel, ou à de la bouillie liquide, ou à racleurs de chartons, ou à un morceau de chair insensible & sanglante. Ceste dernière espèce pour la plus part a quelque couleur particulière différente à celle de la peau. Les ganglions pour la plus part ont renitence. L'atherome contient une matiere semblable à de la bouillie liquide: & à ceste cause quand on le foule, il s'epand alentour du lieu qu'on presse. Le steatome contient une substance grasse, ordinaire*

dinairement est fort large, & fait separer la peau qui luy est au dessus, de sorte qu'en la pinsant on la bräle & remue sa & là: mais aux autres especes susdictes elle est plus fermement adherente. S'il y a du poil sus ces tumeurs, premierement on l'oste avec le rasoir: puis on fait l'incision par le milieu d'icelles. Aux steatomas on coupe la bourse aussi, pour uider tout ce qui est amassé dedans: par ce que mal aisément sans cela on la pourroit separer de la chair qui luy est au dessous: aux autres tumeurs il ne faut ouvrir ny blesser la bourse, laquelle apres l'incision de la peau incontinent apparoit blanche, & tendue: & lors avec le manche d'un petit rasoir on la separe de la peau & de la chair, puis on la iette dehors avec ce qui est contenu dedans. Si quelquefois l'inférieure partie de la bourse est adherente à quelque muscle, à fin de ne le blesser il la faut laisser là, & couper seulement la partie supérieure. Si on a coupé & emporté toute la bourse, il faut ioindre les bords de la playe, les approchant avec des hattes ou crochets: puis par dessus appliquer un medicament glutinatif. Si toute la bourse est demeuree, ou quelque portion d'icelle, il faut appliquer des medicaments\* suppura-

tifs. Albucrasis dit auoir extirpé un absces froid en la teste d'une femme uieille, dans lequel estoit contenue une substance pierreuse, solide, massiue, blanche, aspre, qu'on ne pouuoit rompre, & la ietant contre quelqu'un, il donnoit coup, & blessoit comme une autre pierre. Ce mesme auteur appelle en general Nodositez tous absces froids: & premier que commencer la section, pour cognoistre quand il faut plus ou moins, auiser de ne trancher & diuiser la bourse

\* Ou putrefa-  
ctifs, qui pour-  
rissent ce qui  
reste de la  
bourse.

ou s'achet, veut qu'on face l'essay de la matiere contenue dedans, avec éprouuettes, desquelles il montre diuers pourtraicts, comme aussi des crochets pointus & mousses, à un, deux & trois fourchōs: des scalpelles, & spathumes cachez dans des aneaux.



Quant à l'incision, en l'atherome & meliceride, il la fait longue, simple & superficielle, comme A. Au steatome, il la fait en croix, écorchant la peau des quatre coings, ou les

lignes se croisent comme B.

Du Aneurysme.

CHAP. XXXVII.

**A**neurysme est vne tumeur qui presse & obeit au toucher, engendree de sang & d'esprit. Galien escrit de ceste disposition ce qui s'ensuyt, Quand l'artere est ouuerte par anastomose, il se fait vne maladie nommée Aneurysme. Elle se fait aussi quand estant l'artere blessée de playe, la peau qui gist au dessus se cicatrise, & la playe de l'artere demeure sans estre congeluee, ny bouchée ou remplie de chair. On cognoist ceste maladie par le battement des arteres. D'auantage quand on presse la tumeur avec les doigts, elle se perd, par ce que la substance d'où ell'est engédree recourt dans les arteres. Voyla ce qu'en escrit Galien. Quant à nous, cōme les aneurysmes sont faicts de diuerses \* causes, nous discernons en ceste maniere les vns des autres. Ceux qui se font pour estre l'artere ouuerte par anastomose, sont

\* D'apertio, rupture, erosion & playe.

sont plus longs : ont leur situation profonde : & si on les foule des doigts , on \* entend vn bruit : mais en ceux qui se font par ruption de l'artere, on n'entend aucun bruit. D'auantage ils sont plus ronds, & se rencôtrent plus superficiels. Si les aneurysmes sont excessiuement grans aux aixelles, aux aines, au col, & autres parties du corps, pour le respect de la grâdeur des vaisseaux, nous n'y employerôs aucune operation manuelle: mais nous opererons comme s'en suit aux mediocres qui se font en la teste, aux bras & iâbes, & aux extremittez du\* corps.

\* Par ce que l'esprit re-  
poussé de force  
dans l'artere,  
comme il y en-  
tre par vne pe-  
tite ouuerture,  
fait bruit.

Si la tumeur est faicte par anastomose & dilatation des orifices de l'artere, on fait vne incision droicte en long sus la peau: puis avec des crochets on separe les bords, côme nous auons dit en traitant la maniere de couper les vaisseaux: en apres avec des écorchoirs & dechausoirson diuise la peau des parties prochaines & l'artere des membranes qui l'enueloppent, iusques à ce qu'elle soit apparête & decouuerte. Ce faict on iette par dessouz vn'éguille, en deux lieux d'icelle, avec deux fiscelles de lin, & ayant ouuert de la lancette la partie qui est entremi les deux fiscelles, & faict sortir le sang superflu cōtenu en ladicte artere, on serre lesdictes fiscelles: puis on applique medicamens suppuratifs, iusques à ce que les fiscelles tombent d'elles mesmes. Si l'aneurysme est faict par ruption de l'artere, il faut prendre de la tumeur, & ensemble de la peau qui est au dessus, tout ce qu'on peut empogner avec les doigts : puis

\* Les mains  
& les piedz.

passer vne eguille par dessous ce qu'on a em-  
pogné, avec vn filet en double, & l'ayant pas-  
sée, couper al'endroiect du pertuis de l'eguille  
avec des ciseaux l'anse & redoubleure du filet,  
& ainsi avec deux filetz serrer ça & là la tu-  
meur, comme a esté dict \* en la curation de la  
maladie de l'œil nommée staphylome. Si nous  
auons doute que le nœu des filetz echappe &  
se delie, nous passons pour la seconde fois l'e-  
guille sus le mesme poinct qui est ia faict, à tra-  
uers de la tumeur, laquelle eguille foulera le-  
dict point precedent, & mènera semblablement  
vn filet double, & ayant coupé l'anse pres du  
trou de l'eguille, en ceste maniere de chaque  
costé nous ferons la tumeur avec quatre fils:  
puis l'ouurons par le milieu, & apres auoir fait  
sortir le sang qui nous semblera \* estre neces-  
saire nous coupons la peau alentour, laissant  
tant seulement la partie d'icelle, qui est attra-  
chée & serrée avec les filets: & appliqués des-  
sus vne compresse mouillée en vin & huile,  
usans par apres d'oignemens conuenables a-  
vec charpie.

\* Ces mots  
sont adioustez  
par maniere  
de periphrase.

#### ANNOTATIONS.

\* car le goitre  
est de deux  
especes, l'une  
aneurysme, &  
l'autre steato-  
me, qui est la  
plus frequēte,  
comme dit no-  
stre auteur au  
chapitre pro-  
chain.

Combien que nostre auteur ayt parlé suffisamment  
de l'aneurysme, il ne sera pour cela impertinent en-  
richir son discours de ce qu'en escrit Aëce. L'aneu-  
rysm (dit il) se fait en toutes les parties du corps,  
& le plus souuent en la gorge, où il est nommé Goi-  
tre, en Grec \* Bronchocele. Fort souuent l'aneurys-  
me se fait au col des femmes qui sont au travail d'en-  
fant, par ce que pour s'aider à enfanter elles retien-  
nent



nent de uiolente force leur soufflé. Ceste tumeur uiét aussi en la teste alendroît où sont les arteres, & aux autres parties du corps, où les arteres sont blessees, comme quand un chirurgien ignare uoulant ouurir la ueine au pli du coude, perce & blesse l'artere qui est au dessouz. Ceste affection donc est causee quand le sang & l'esprit sortent des arteres, par ce que leurs orifices sont ouuerts, ou leurs tuniques diuisees & \* rompues: car par ce moyen le sang & l'esprit sortét petit à petit, & s'amassent souz la peau. Les signes d'aneurysme sont, tumeur grande ou petite, de mesme couleur que la peau, molle au toucher, qui monstre une laxité spongieuse, obeit & cede quand on la presse avec les doigts, de sorte que quasi elle se perd, puis ayant osté les doigts, elle retourne incontinent, ce qu'on uoit aisément en l'aneurysme du \* menton, & aux autres qui se font sans \* blesseure & playe: mais si l'artere a esté blessee de playe, & l'aneurysme faict, pource que la peau du dessus s'est glutinee, deuant que la playe de l'artere fust soudee & guerie, la tumeur ne se trouue pas ainsi molle: car il y a moins d'esprit & plus de sang, qui se caille, & fait distension en la partie. Voila les signes d'aneurysme. Quant à la curation, il faut entendre, les aneurysmes du col & de la teste ne se pouoir guerir, par ce qu'en les incisant il sort une si tresgrande abondance de sang, & ensemble de l'esprit uital, que souuent le patient demeure entre les mains des medecins. L'aneurysme qui se fait au pli du coude, se cure de ceste maniere: Premièrement on marque l'artere en la superieure & interieure partie de l'auantbras, ainsi qu'elle descend de l'aisselle au

\* Les auteurs ne disent point les aneurysmes estre faits par resudatiō, que les Grecz nomment *διὰ πύθους*. Car l'artere a deux tuniques, & l'une d'icelles tresespaisse, à raison dequoy le sang ne peut resuder.

\* par ce qu'au menton n'y a point de parties charnues, qui empeschēt d'observer ce que l'auteur dit.

\* par anastomose, par ce qu'estans ouuerts les orifices, l'esprit cōme plus subtil, sort premier que le sang, & ainsi la tumeur est presque toute spiritueuse: mais si l'artere est rompue, il sort beaucoup de

sang, qui fait la tumeur plus humorale que spiritueuse, & ainsi plus dure.

pli du coude : & en ceste mesme partie suyuant ce qui est marqué, on fait une simple incision trois ou ou quatre doigts au dessous de l'aisselle, en long, & principalement à l'endroit où l'artere se rencontre au toucher : & ainsi l'ayant petit à petit decouuerte, on écorche & separe doucement les parties situees au dessus d'icelle, puis la tirant & souleuant avec un crochet mouce, on l'attache dextrement avec deux ficelles : ce faict on la coupe au milieu d'icelles, & emplit on la playe de manne d'encens, & ietant par dessus de la charpie, on la bande comme il est de besoin & requis : en apres sans crainte d'aucun danger, on incise la tumeur qui est au pli du coude, ne doutant plus qu'il s'ensuyue effusion de sang immoderee : & ayât euacué les cailloux de sang, on cherche l'artere d'où le sang est sorty : & l'auoir trouuee, on la tire, lie, & tranche comme a esté dict de la precedente, remplissant la playe en mesme façon de manne d'encens : puis on tache à faire suppuration de la matiere, pour la rendre bonne & louable. Quant aux aneurysmes de la gorge, on y applique avec grand prouffit l'emplastre de \* cypres : qui est faict de feuille de cypres, uerde, pilee fort menu, puis reduicte en consistence de liniment, avec le uin qui sort du raisin, quand on a faict la premiere traicte.

\* Cest emplastre est de l'invention de Nechepso roy d'Egypte, duquel Galien a fait mention au chap. du Tasse, liure 9. des Simples.

& Aëce au chap. de chammæmæin, liure des Simples : & au chap. de la curation des pourpres du nez.

\* Du Goitré. CHAP. XXXVIII.

**C**E qu'on nomme Goitre, en Grec Bronchocele, est vne tumeur du col, grande & ronde, qui commence & procede des parties interieures. Les differences de ceste tumeur sont deux, l'une tient du steatome : l'autre de l'aneuryisme. Nous cognoistrôs la dernière par les

les mesme signes desquels nous remarquons les aneurysmes, & n'y mettrons point la main, non plus qu'en tous les autres aneurysmes, desquels l'operation est dangereuse, comme sont principalement ceux du col pour le respect de la grandeur des arteres. Aux goitres qui tiennent du steatome, nous ferons mesme operation qu'aux steatomes, separant & épargnant les vaisseaux, & se donnant garde de les blecer ou offencer, ainsi qu'il a esté dict en la curation des escrouëles.

## A N N O T A T I O N S.

Le texte de nostre auteur ne requiert pas grande exposition, par ce qu'il est clair, & que tout le discours se rapporte à ce qu'il a esté traité des aneurysmes, steatomes, & scrophules: si est-ce que pour n'omettre aucune chose, & ne frauder l'attente du lecteur, nous aiousterons ce qu'en escriuent Aëce & Celsus, Bronchocele (dit Aëce) est une tumeur qui uient en la gorge. Car toute tumeur est appelée Cele des anciens. Or le mot de Bronchocele est cōmun & general, mais il a plusieurs especes differentes. Aucunes sont melicerides, aucunes steatomes, aucunes athéromes, aucunes chancreuses, & quelquefois sont aneurysmes, comme il auient tressouuent aux femmes qui travaillent d'enfant, quand aux plus grandes douleurs de l'enfantement elles retiennent leur aleine de violence. C'est chose notoire que l'aneurysme du col ne se \* peut guerir, non plus que la tumeur scirrheuse, maligne, & fort grande d'iceluy. Les autres tumeurs du col sont curables, ou par medicamens, ou par operation manuelle. L'operatiō manuelle se doit

\* Albucrasis aiouste, le goitre de quelque espece qu'il soit, ne pouuoir estre curé, si on l'a de nature: comme pour la plus part l'ont les habitās des montaignes de Tarentaise.

faire aux goitres qui sont melicerides, steatomes, & atheromes &c. Au col (dit Celsus) entre la peau & la grosse artere respiratoire, croist une tumeur appelée des Grecz Bronchocèle; dans laquelle est contenue quelquefois une chair stupide & hebetée: quelquefois un' humeur semblable à de l'eau, ou à du miel: quelquefois des \* poils meslez avec de petits os. Quelque chose qui y soit cōtenue, ces tumeurs se peuent guerir avec medicamens caustiques, qui rongent la peau superficielle avec la superieure partie du \* sachel. Cela fait, si dedans y a de l'humour, elle se uuide: s'il y a quelque matiere plus épaisse, on la tire avec les doigts: puis on guerit l'ulcere avec de \* charpie. Mais l'operation qui se fait avec le rasoir est plus brieue. Au milieu de la tumeur on tire une ligne qui coupe iusques au sachel: puis ayant separé cest absces uitieux des parties saines avec le doigt, on l'arrache tout avec sa bourse: apres on lave la playe avec du uinaigre & du sel, ou du nitre, & ioint-on ensemble les bords avec cousture, en ietant par dessus les \* medicamens que coustumierement on applique sus les autres coustures. Ce fait on le bande, mais doucement, à fin que le bandage ne serre trop la gorge. Si quelquefois on ne peut oster le sachel, il faut ieter dedans des medicamens caustiques, puis y appliquer de la charpie avec medicamens suppuratifs.

Du Ganglium.

CHAP. XXXIX.

\* οὐροφύ.

**G**anglium est vne \* cōtorsion & endurcissement de nerf, procedant de coup, ou de travail. Le plus souuent il s'engendre au poignet de la main, aux cheuilles du pied, & aux iointes, qui ont grand & insigne mouuement, combien

combien qu'il se face aussi aux autres parties du corps. Les signes sont, vne tumeur de couleur semblable à la peau, rênitète, sans douleur, & toutesfois quand on la presse violement, elle donne quelque sentiment stupide petit & obscur: elle s'engendre immediatémēt au dessous de la peau, & non au profond du membre. La maniant elle se remue de costé, & non droictémēt en deuant & derriere, encor qu'on s'efforçast de la mener & remuer ainsi. Il n'est pas seur d'extirper ceste tumeur aux bras, aux iâbes, & aux extremittez du corps, estant à craindre que le mēbre ne demeure retiré & \* courbe. L'operation manuelle se fait au ganglium de la teste & du front, diuisant la peau avec vn rasoir \* à deux tranchans: & si la tumeur est petite, l'empognant & tenant suiecte avec des pincetes, on la tranche par la racine: si ell'est grande, on la perce avec des crochets, puis apres l'auoir separee des parties circuniacentes, on l'emporte. Ce faict, on ioint les bords de la playe avec cousture, puis on y applique les remedes propres & vtils aux playes fraiches & encor sanglantes.

\* pour auoir  
coupé quelque  
tendon.

\* τὴ σμίλη.

## ANNOTATIONS.

Comme Monsieur Tagaut fameux & celebre medecin, a doctement obserué & adnoté en la chirurgie de maistre Guy de Cauliac corrigee & redressée par un heureux & merueilleux labeur, Auicenne nomme Glandule, & le siecle auquel ledict maistre Guy uiuoit, nommoit Louppe, en leur langage Lupiam, & non Lupum, comme aucuns indiscretement cudent,

euident, ce que les Grecz appellent Gangliū. Ceste tumeur se fait quand le nerf ou tendon estant debilité par coup, ou par excessif travail, & à ceste cause ne pouuant faire bonne coction de son aliment, engendre quantité d'excremens froids & gros, de semblable qualité que son nourrissement, lesquels petit à petit s'accumulent al'entour du fil du nerf, ou tendon, & engendrent ceste tumeur dure & renitente, laquelle nous pouuons dire pituiteuse, comme ueritablement ell'est, & melancholique, si, comme dit Galien au 14. de la Methode, toutes humeurs froides, uisqueuses & grosses, sont reputées pour melancholiques. Ganglium donc est une distortion & durté de nerf, qui procede de la cause susdicte: les Grecz l'appellent quelquefois simplement ουσφοδὴν νεύρον, quelquefois cōme au liure des Definitōis medicinales attribué à Galie ουσφοδὴν νεύρον σωματικὴν πονηρίαν: les interpretes Latins traduisent coactionem, cōcretionem, cōtorsionem, nodum neruorum. Il est euident par le texte d'Aëce conforme du tout à celui de nostre auteur, ce qu'il en dit auoir esté pris de Philagrius medicin de grande reputation. Vray est qu'en ces tumeurs ausquelles l'operation manuelle est defendue pour la raison susdicte, Aëce premieremet applique de gomme Ammoniac reduicte pres du feu, en consistence d'emplastre: & par dessus icelle met une lame de plōb, egale à la tumeur: à fin qu'elle n'esbranle, la serrant ça & là fermement avec d'attaches: puis quelques iours passez, estant remollie la tumeur, sans dire mot au patient de son intention, comme la partie est encor chaude, ayant osté les attaches, il icte sus la tumeur le ponce de la main dextre, pressant

pressant le membre avec les autres quatre doigts, & l'ecache incontinent de ceste façon: qui est une operation conforme à celle que cy-dessus i'ay recitee la premiere, entre les six manieres de curer les escrouës, deduictes par maistre Guy de Cauliac. Nostre auteur chap. 16. liure 4. applique dessus un petit \* disque de plomb, espois, semblable à un \* uerteil, plus large que la tumeur, & le serre estroictement. Ainsi par la pesanteur de ce plomb, avec la longueur du temps il resout & consomme le gangliū. Aux exemplaires d'Aëce où il se lit avec peu de sens, que le Ganglium est tumor inæqualis, sauf le iugement des plus doctes, ie. lirois uolontiers comme au texte de nostre auteur, est tumor indolens, ἀνώδυνος. Albucasis nomme le Ganglium Apostema quod accidit ex torsione nerui.

\* c'est vne lame ronde, quel que peu enfoncée au milieu, semblable au disque, duquel ilz iouoyēt anciennement.  
\* τῷ σπινθιδύλῳ.

De la Saignee.

CHAP. XL.

**C**ombien que la maniere de saigner soit cogneue & manifeste à chacun, neantmoins à fin qu'il ne manque aucune consideration nécessaire à la chirurgie, & semblablement pource qu'en la distinction & limitation des intentions & scopes nécessaires en icelle, y a grand artifice, nous ne passerons outre sans en discourir. Le premier scope de la saignée, est euacuer le sang redondant & superflu. La repletion & abondance de sang s'entend en deux manières, l'une quant à la vertu, iasoit que les veines ne se môstrent trop pleines, qui rend soudain les hommes foibles & debiles, ne pouvant la nature porter vne telle pesanteur, & par maniere de dire, vn tel fais. L'autre repletion se prend

se prend quant aux vaisseaux qui contiennent le sang, & se rapporte à l'abondance d'iceluy fluant dans lesdicts vaisseaux (ce que les Grecz disent  $\kappa\tau\acute{o}\ \pi\alpha\rho\acute{\epsilon}\gamma\chi\upsilon\mu\alpha$ ) encor que la vertu le comporte sans aucun ennuy. En ceste repletion souuent les veines se rompent, & se crache le sang, ou bien il sort par quelque autre partie du \* corps. La repletion quant à la vertu se cognoist par la pesanteur du corps. La repletion quant aux vaisseaux se cognoist par l'extension d'iceux, & par ce qu'ils apparoissent fort pleins, l'une & l'autre a besoin d'euacuation. Or quelquefois, en vrgéte necessité dès le premier iour de la maladie tu osteras du sang, ayant seulement attendu que la viande soit cuicte en l'estomach, ou qu'estant cuicte en l'estomach, elle soit parfaitement muee en sang dans le foye. Neantmoins quand bien pour certaines & iustes raisons la saignée n'auroit esté faicte au commencement de la maladie, il n'est inconuenient tirer du sang, voire apres le septième iour, si le malade en a besoin, & la vertu n'y repugne point. Avant que saigner, on doit considerer si les excremens du ventre ont esté retenus long temps dans les boyaux, & les vider premierement avec quelque clystere gracieux, à fin que les veines ne tirent des boyaux quelque substance putride des excremens. Nous saignons donc en tout \* temps, & toute occasion ceux qui pour maladie ia presente & venue, ont besoin qu'on leur oste du sang, nous donnant seulement garde aux fieures, de la vi-

\* Par le nez;  
par la bouche  
en vomissant;  
par la matrice:  
par les ro-  
gnons: par les  
hemorrhoides:

\*  $\epsilon\iota\sigma\ \alpha\pi\alpha\upsilon\tau\iota$   
 $\chi\alpha\rho\acute{\alpha}\tau\omega$ .

gueur



gueur \* des acces particuliers. Si la fièvre est continue, le matin est certes meilleur pour ou-  
 urir la veine. A ceux qui ne sont encores mala-  
 des, & pour se preseruer de l'estre, veulēt estre  
 saignez, le printemps est conuenable. Quant à  
 l'aage, il ne faut point, oster de \* sang, iusques  
 à quatorze ans, & ne faut point saigner apres  
 soixante, si quelque necessité ineuitable & in-  
 excusable ne nous y contrainst: en somme, il ne  
 faut point tirer du sang à ceux qui ont la vertu  
 debile. Au commencement des inflamma-  
 tions faictes en quelque partie du corps, on ti-  
 re du sang de la partie opposite. Si l'inflamma-  
 tion a ia duré quelque temps, on saigne de la  
 partie prochaine. On pique la veine en plu-  
 sieurs parties du corps, mais le plus souuent au  
 dedans du coude. En quoy faut auiser que souz  
 l'interne ou axillaire est couchee vne artere:  
 souz la mediane, vn nerf: mais qu'à piquer l'ex-  
 terne, qu'on nomme aussi humerale, n'y a du  
 tout aucune doute. Aux maladies & affe-  
 ctions de la teste nous ouurons l'humerale:  
 aux maladies des parties situees au dessouz de  
 la teste, l'axillaire: la mediane est vtile aux vnes  
 & aux autres. Pour saigner au bras, il faut avec  
 vne bande estroicte lier quelque partie des  
 muscles d'iceluy, puis choisissant la veine qui  
 se doit ouurir, grosse & enflée pour auoir froté  
 le bras des mains, alternativement l'une apres  
 l'autre, on la pique quasi de trauers, autant seu-  
 lement que tient toute sa largeur. Car qui fe-  
 roit l'incision plus grāde que ceste mesure, elle  
 feroit

\* Car en icel-  
 le ne faut sai-  
 gner.

\* Ceste indica-  
 tion se rappor-  
 te à la vertu,  
 qui est foible  
 en ces deux  
 aages: aux  
 vieux pour la  
 diminution de  
 leur chaleur  
 naturelle, &  
 resiccation de  
 leur substāce  
 aux ieunes en-  
 fans pour la  
 grande resolu-  
 tion de leur ha-  
 bitude faicte  
 par l'abōdan-  
 ce de leur cha-  
 leur naturelle,  
 & la mollesse  
 de leur sub-  
 stance.

seroit difficile à cicatrifer: comme celle qui est fort estroicte cause inflammation, outre ce que l'empesche l'issue des grosses humeurs. Si nous auons esperance de reitèrer la saignée le second ou troisieme iour, ou bien encor le quatrieme, nous inciserons la veine plus obliquement, à fin que pliant le bras, les bords de la playe s'eloignent l'un de l'autre, & pour ceste cause mal aisément s'y engendre la cicatrice. Voila l'opinion d'Antyllus. La quantité du sang qu'on tire se mesure à la force de la vertu, & à la grandeur de la maladie. Si donc au corps y a grande repletion d'humeurs, & la matiere est bouillante, en vne vacuation on tire du sang iusques à ce que le cœur faille, presupposant que la vertu du patient soit bonne & forte, & que le cœur faille au patient, pour la quantité de l'e-uacuation, & non pource que quelque humeur vitieux afflue en l'orifice de l'estomach. car pour ceste cause plusieurs incontinent que la veine est ouuerte, & deuant qu'on ayt tiré suffisante quantité de sang, euanouissent. Or si la vertu du patient est debile, & neantmoins est necessaire faire grande vacuation, il la faut mïpartir, de sorte qu'en ayant osté du premier coup moins que le mal ne requiert, on reitère pour la seconde fois, & si besoing est, pour la troisieme. D'auantage nous faisons cest'e-uacuation non seulement quand tout le corps est replet & plethorique, mais aussi, comme dit Galien, pour la grandeur & vehemence du mal, encor que la quantité des humeurs soit medio-

cre & moderee au corps, comme en vn flux de sang du nez, ou de quelque autre partie qui se fait sans repletion plethorique: & en ce cas est besoing faire l'euacuation reuulsive, de la partie contraire. Ce mesme nous pratiquons aux grandes inflammations, comme aussi aux douleurs coliques, & des rognons vexez de calculle, aux ophthalmies, & autres maladies si vrgentes & pressiuës. Car la douleur & chaleur de la partie inflammee, encor que tout le corps ne soit chargé de superfluitez, irritent & prouoquent la fluxion. En ceste occasion il faut oster peu de sang, & faire l'euacuation que iugerons estre conuenable à l'aage & nature du patient, considerans la saison de l'annee, la region, les mœurs & façon de viure du malade. Si pres de la veine qu'on incise, y a grande inflammation, comme aux pleuritiques & \* hepaticques, il faut tirer du sang, iusques à ce qu'il change en couleur & consistance. Car le sang qui est en la partie inflammee, est different du naturel, attendu qu'estant fort echauffé, si au parauant il estoit cru, deuient plus rouge & iaunâtre: & si auparavant il estoit tel, se brule; & prend couleur noire. Toutesfois il n'est pas tousiours necessaire attendre ce changement, ains quelquefois deuant qu'il auient faut cesser, pour deux raisons: l'une pour la foiblesse de la vertu, la ruine & prostration de laquelle se cognoist en touchant le poux, lequel on trouue inegal en grandeur & vehemence, & d'auantage petit & obscur. L'autre raison est, l'impetuosité du sang qui

\* Qui ont  
phlegmon au  
foye.

sort, diminuee: car par icelle nous cognoissons ou l'imbecillité de la vertu, ou la malignité de l'inflammation, laquelle aucunes fois, ne laisse rien partir de l'humeur qui l'a faict, ains est excessiuelement serree & constipee. Si aucune de ces raisons n'empesche, & le patient est en la fleur de son aage, il faut attendre le changemēt susdict, & d'autant plus, si l'air est temperé. Or si premier que d'en auoir tiré suffisante quantité, le sang s'arreste, ce qui auient ou pource que le malade a peur, ou pource que le cœur luy faut, ou pource que quelque caillou de sang l'empesche de sortir, ou pource que la veine est trop violement serree de la ligature, nous employerons le remede competant en chacune de ces occasions. Si le cœur faut au malade, nous le reuiendrons & fortifierons avec de bonnes odeurs: si la veine est trop serree, nous la lascherons: si vn caillou de sang se met au deuant, nous le resoudrons en ietāt de l'huile dessus, ou en \* frotant & l'abatant avec les doigts. Le reste de l'apprest necessaire pour la saignée est cognu à chacun: mais toutes ces obseruations s'entendent de la veine du bras. S'il est question de saigner les veines du front, comme on fait aux douleurs de la teste, premierement on foment & baigne avec d'eau chaude le lieu où est la veine, puis on serre le col avec vne ben de estroicte, interposant le doigt du malade entre la grosse artere respiratoire & la bāde, pour ne le mettre en dāger d'estre suffoqué. Ce faict on pique de la poincte de la lancette, ou d'autre instrum

\* *κατὰ τὴν ἐξέ-*  
*τησιν ἐπιβάλλει,*  
 comme il se lit  
 en nos exem-  
 plaires.

re instrument semblable, comme \* Smilium, la veine du front enflée & remplie par ce moyen. En semblable maniere nous incisons les iugulaires superficielles pour remedier à vne ophthalmie diurne, donnās issue au sang avec le cur'oreille de l'éprouvette. En la squinance nous coupons trauersierement les veines qui sont au dessouz de la langue sans ferrer\* le col. Aucuns avec semblable industrie ouurent les veines apparentes au grand coing de l'œil, contre les maladies inueterées des yeux & de la teste, & en ces mesme affections rompent les veines qui sont au dedans du nez: ou les pressant avec le bouton de l'éprouvette, ou les irritant & piquant avec quelque chose rude. On ouure les veines qui sont derriere les oreilles aux passions de la teste. Voulant inciser les veines du iaret, comme il est commandé aux inflammations des rognós, ou les veines qui sont aux extremités\* inferieures, on les fait réplir & apparoir, en liant les parties situées au dessus d'icelle, les frotant avec les mains, & cheminant des\* pieds. Nous ouurós la veine qui est entre le petit doigt & l'annulaire de la main gauche, aux maladies de la ratelle: & celle qui est en mesme endroit de la main dextre, aux maladies du foye. Car l'euacuation faicte des veines qui sont aux extremités du corps, pource qu'elle tire de plus loin, a plus grāde vertu reuulsive. A ceste cause nous ouurons les veines du pié en la sciaticque: & celles\* qui sont au dessus de la cheuille interne, aux affections de la matrice.

\* C'estoit vn rasoir pointu, à deux tranchans, presque aussi delicat, qu'une lancette.


\* car estant ia le patient en difficulté d'aleine à cause de l'inflammation, luy serrāt le col on le suffoqueroit.

\* aux cheuilles & au pié.

\* L'auteur use d'un pleonasme en son Grec, τῆς τοῦ πῶδος.


\* vulgairement on les nomme Saphenes, comme les externes sciaticques.

*Lancettes courbes & droictes, tant  
pour saigner que pour au-  
tre incision.*



*Anneaux*

Anneaux avec lancettes, pour ceux qui sont timides, lancetes à canon, ou cachees, que les Grecz nomment *συνζυγόμενα*.



- A. La grosse canule.
- B. Autre canule qui entre dedans la grosse aniz.
- C. La pointe de la lancette qui sort dehors.
- D. Le ressort qui fait debander la lancette.

- Le discours de nostre auteur est un sommaire & recueil du liure de Galien, intitulé La maniere de guerir les maladies par saignée : & se reduit ce discours en huit chefz. Le premier est, quelles affections de nostre corps requierent uacuation. Le second, estant l'euacuation necessaire, quelle se doit faire, ou par ouuerture de ueine, ou par purgation, sueur, friction, baing, uentouses, exercice, unctiōs resolutiues, abstinence. Le tiers, si la saignée est conuenable, en quel aage, en quelle saison de l'annee, en quelle region, en quelle habitude de corps il la faut faire, & pour quelle fin : assauoir euacuation simple, deriuation, réuulsion. Le quart, quelle ueine il faut piquer, & comment, de long, de biais, ou de trauers, faisant ouuerture large ou estroite. Le cinquieme, combien il faut tirer de sang. Le sixiesme en quelle maniere il le faut tirer, ou abondamment pour une fois, ou en reiterant, que les Grecz disent κατ' ἐπαφαιπείν: iusques à euanouir le malade, ou moins que cela. Le septiesme en quel temps uniuersel de la maladie totale, & particulier du paroxysme, on doit ouurir la ueine. Le huitiesme & dernier, ce qu'on doit faire auant que piquer la ueine, & apres l'auoir piquee, toutes lesquelles considerations sont ample-ment traictees de Galien, & succinctemēt deduites de nostre auteur. Ceste petite recapitulation, à mon auis, basteroit pour auertir le lecteur, où il trouuera ce que d'auantage il pourroit desirer en ceste matiere, ce nō obstant nous aiousterons ce que Celsus en escrit de bōne grace. Ce n'est pas (dit-il) chose nouuelle, ouurir la ueine pour tirer du sang, mais c'est bien



bien chose nouvelle n'estre quasi aucune maladie où le medecin n'en tire. Cest une uieille obseruation de saigner les ieunes personnes, & les femmes qui ne sont point enceintes: mais ce n'est pas uieille obseruation experimenter le mesme aux enfans, aux personnes agees, & aux femmes grosses. Car au iugement des anciens le \* premier & dernier aage des hommes ne peut supporter cest'espece de remede, & en outre ilz se \* persuadoient que la femme enceinte traittee de ceste fason doyue se gaster de son fruit. L'usage en apres a mōstré nul de ces preceptes estre tousiours uray, & qu'il faut proposer d'autres meilleures obseruations, ausquelles se doit rapporter le conseil & auis du medecin. Car il n'importe pas de quel aage soit le patient, ny quelle chose il \* porte dans son \* corps: mais quelle est sa uertu. Donc si le ieune hōme se trouue foible, & la femme enceinte est debile, on leur fera tort de les saigner: car s'il leur reste quelque peu de uertu, par ce moyen elle leur est rauie & destruiete: mais si un enfant est de bonne complexion, & le uieillard robuste, & la femme grosse a bonne force, sans danger on leur oste du sang: toutesfois en telles conditions de personnes le medecin ignare & peu exercitē se trompe aisēmēt, pource que le plus souuent l'aage de l'enfant & du uieillard n'a pas la force: & la femme enceinte depuis la saignee a besoing de se trouuer forte & uertueuse non seulement pour soy, mais aussi pour son fruit. Les operations de medicine qui requierēt une grande prudence & cōsideration d'esprit, ne se doyuent pas faire legerement & soudainement: ueu que la principale industrie de l'art ne cōsiste point à nom-

\* L'enfance,  
& la vieillesse.  
\* Hippocrates aphorisme 30. liure 5.

\* ainsi rend Celsus. ce que Hippocrates dit *ἡ γυνὴ ἰσχυρὰ*.  
\* comme la femme grosse.

brer les ans, ny à s'arrester seulement sur la conception de la femme, ains à mesurer la uertu, & de là conclure, s'il restera autant de force qu'il est neces-

\* qui sont gros faire pour conseruer & entretenir le uieillard ou  
 ses aux mai- l'enfant: ou bien en la femme grosse deux corps en-  
 gres, & peti- semble. Car il y a grande difference entre un corps  
 zes aux gras. robuste & foible, gras ou maigre. Les maigres ont  
 a. \* aux phleg plus de sang: les gras & replets plus de chair. A ceste  
 mons d'icelle. cause les maigres endurent mieux la saignée: & si  
 b. \* Il entend quelqu'un est trop gras, plustost la saignée luy fait  
 l'apoplexie, \* mal. Parquoy la uertu du corps se cognoist mieux  
 faicte principa- des \* ueines que de son apparence exterieure. Or ne  
 lement par a- dekons noustant seulement mettre en consideration  
 bondance de les choses susdictes: mais aussi quelle est l'espece de  
 sang. la maladie, assauoir si la cause d'icelle est quelque hu-  
 c. \* spasme & meur superabondante, ou deficiente: & si le corps est  
 tetane. maleficié, ou sain & entier. Car si l'humeur est de-  
 d. \* Toutes fectueuse, ou en mediocre & raisonnable quantité, ce  
 especes de squi remede n'est à propos: mais si elle est uiticuse par sa  
 nance. trop grande abondance, ou corrompue, on ne pour-  
 e. \* cōme con- roit excogiter un meilleur remede. Donc la fièvre  
 cussion de cer- uehement, avec rougeur du corps, repletion & tu-  
 ueau. aph. 58. meur des ueines, requiert la saignée: cōme font aussi  
 liure 7. playe les maladies <sup>a</sup> \* des entrailles, la resolution ou pa-  
 de teste. aphor. ralytic <sup>b</sup> \* des nerfs, la conuulsion, <sup>c</sup> \* & rigidité  
 14. liu. 7. reple- d'iceux: toutes affections qui en serrant la gorge  
 tion de cer- ostent l'aleme, & <sup>d</sup> \* nous estranglent: toutes affe-  
 ueau. aphorif. ctions qui soudain font perdre <sup>e</sup> \* la parole: tou-  
 51. liure 6. tes <sup>f</sup> \* douleurs intolerables: toutes ruptiōs & con-  
 f. \* voy Ga- tusions des parties internes, quelconque en soit la  
 lien au cōmen. cause: d'auantage la cachexie ou mauuaise <sup>g</sup> \* habi-  
 de l'aphorif. 13. tude du corps: & toutes maladies agues, pourueu,  
 liure 1. comme  
 g. \* si ell'est  
 faicte par sup-  
 pression des  
 hémorrhoides,  
 ou des men-  
 strues.

comme il a esté dit cy-dessus, qu'elles trauaillent nature par une surcharge d'humeurs, & non par foiblesse de la uertu. Quelquefois se peut faire, que le mal requiert la saignée: mais le corps semble à peine la pouuoir souffrir. Neantmoins s'il n'y a apparence d'autre remede, & le patient est en danger de mort, si on ne le secourt, uoire avec un moyen temeraire & hazardeux, en tel estat le bon medecin doit faire entendre n'auoir aucune esperance de sauuer le malade, sans qu'on luy tire du sang, & protester ce pendant la saignée estre douteuse & à craindre: lors si on le presse de ce faire, il doit tirer du sang: & ne faut en telle necessité reuoker cela en doute. Car il uaut mieux experimenter un remede hazardeux, que du tout n'en faire point. Et doit-on pratiquer cest auertissement, principalement en la \* paralysie & resolution des nerfs: quand on pert soudain la parole: quand la squinance estrangle: quand le precedent acces de fièvre a quasi tué le malade, & qu'il est uray semblable le subsequant deuoir estre aussi uiolent, & le patient ne semble auoir la force pour le soustenir. Or iasoit que la saignée ne doye estre faicte avec \* crudité, ce precepte toutesfois n'est pas tousiours uray. Car les accidens ne donnent pas tousiours loisir d'attendre la coction. Donc si quel-  
 qu'un est tombé & precipité d'un lieu haut, s'il est ecaché & meurtry, si pour quelque soudain \* accident il uomit le sang, combien qu'il ayt mangé n'agueres au par- auant, toutesfois à l'instant mesme il luy faut oster du sang, à fin que si on le laisse refroidir & reposer il ne cause quelque grande \* affliction au corps. Ce mesme deuons nous entendre aux acci-

Sentence notable.

\* en apoplexie  
 \* de la viande en l'estomach: chap. 5. liure 9. de la Metho. & des sucx en l'habitude du corps chap. 3. liure 12.

\* subito casu: qu'on peut aussi interpreter soudaine chente.

\* inflammation des parties internes. Gangrene des parties meurtries: Hæmope par trop grãde hemorrhagie.

dens ineſperez & ſoudain qui nous eſtrāglent. Mais ſi la maladie nous donne temps & loifir, nous ſaignerons quand toute la ſuſpition de crudité ſera paſſee: à raiſon dequoy le ſecond ou troiſieſme iour de la maladie eſt fort propre à ce remede. Mais comme aucu-

\* Cela eſt con-  
traire à noſtre  
auteur: à Ga-  
lien chap. 20.  
liure de la Sai-  
gnee, & à la  
praſtique de  
Hippocrates,  
qui ſaigna A-  
naxion pleuri-  
tique au hui-  
etiſme iour: li-  
ure 3. des Epid.  
\* telle ſeroit la  
fièvre ſynocha  
nommee des  
Grecs *Homo-*  
*tonos.*

\* ceſt'operatiō  
eſt nommee des  
Grecs *παγα-  
νις*: nous  
en traiterons  
cy-apres.

\* cōme Gal.  
cōmande liure  
2. ad Glanc.  
quand le phleg-  
mon ſe veut  
changer en  
ſcirrhe.

malades, ainſi n'eſt il iamais \* prouſitable depuis le  
quatrieſme: par ce qu'en tel eſpace de temps l'abon-  
dance du ſang eſt ia conſommee & tarie: & la mali-  
ce des humeurs a ia corrompu le corps, de ſorte que  
la ſaignee le debilitē, & ne le reſtitue point en ſa  
bonne diſpoſition. Si la fièvre uehemente trauaille le  
malade, de le ſaigner en la uigueur de l'acces ſe-  
roit luy couper la gorge. Parquoy il faut differer  
iuſques à la declination du paroxysme. Or ſi la fie-  
vre ne croiſt plus, & auſſi ne décroiſt \* point, &  
nous n'eſperons aucune declination d'icelle, en tel cas  
il ne faut perdre ceſte ſeule occaſion de ſaigner, en-  
cor qu'elle ſoit pire qu'en la declination de l'acces.  
Souuent auient qu'eſtant la ſaignee neceſſaire, on la  
doit nūpartir en deux iours. Car il eſt meilleur &  
plus ſeur du commencement aliger le malade, puis le  
purger parfaitemēt, qu'en luy oſtant tout d'un coup  
la force, le precipiter en inconuenient. \* Si ceſte diſ-  
cretion eſt commandee quand apres auoir percé le  
uentre on uuide l'eau des hydropiques, & on s'en  
trouue bien, n'eſt il pas neceſſaire qu'elle ſoit plus  
expediente & prouſitable en la ſaignee? Si pour le  
reſpect de tout le corps on tire du ſang, il le faut ti-  
rer du bras: ſi pour le reſpect de quelque partie, il le  
faut tirer de la \* partie meſme, ou de la plus pro-  
chaine. Car en toutes parts du corps on n'en peut  
pas

pas auoir, mais bien aux temples, aux bras, & pres des cheuilles. Je n'ignore point aucuns debatre que le sang doit estre tiré au plus loing qu'il est possible du lieu où il fait le mal: & que par ce moyen le cours des humeurs est detourné: le faisant autrement, qu'on attire en la partie malade ce qui la charge & offense. Ceste opinion est fauce, car la \* saignée uuide premieremēt le lieu le plus prochain: & le sang ne uient point des parties éloignées, sinon d'autant qu'on le tire & iette dehors par la saignée apres qu'il est arresté, & qui n'en tireroit point, il n'en uendroit point d'autre lieu. Toutesfois l'usage nous apprend, qu'aux fractures de la teste il faut plustost saigner du bras. Si en l'auanbras y a quelque mal, de l'autre bras: & à mon opinion, c'est pource que si le succes de la saignée n'est bon, ces parties sont plus disposees à supporter le mal qui en prouiendrait, que les malades. On destourne le sang qui sort par un lieu, quand on luy donne issue par un autre: car il cesse de fluër, quand nous appliquons chose qui l'empesche & retient, & luy donnons autre chemin. Tirer du sang est une chose tresaisée & facile à qui en a l'usage: mais tresdifficile aux ignares: par ce que la ueine est ioincte aux arteres, & à icelles les nerfs. Or si la lancette frappe le nerf, il s'ensuit conuulsion, qui tue & consume la personne avec cruel tourmēt. L'artere incisée ne peut estre glutinée, ny guérie, & souvent est cause que le sang se pert outre mesure. Si on coupe la ueine tout à trauers, ses bouts se retirent, & ne iettent point de sang: si on la pique en trop grand crainte, la peau superficielle est seulement incisée, & non la ueine ouuerte. Quelquefois la ueine

\* Celsus veut assez malgrement. ceste question. Voy Galien chap. 19. du liure de la Saignee.

est si

est si fort cachée qu'on ne la peut trouuer avec le ferrement qu'à peine. Ainsi plusieurs difficultez rendent la chose mal aisée à l'ignorant qui est tresfacile au sauant. La veine se doit inciser en son milieu, & sortant le sang, on considère sa couleur, & consistence. Le gros & noir est nuisieux: le rouge & luisant est sain. Tirer le sang qui est tel, non seulement n'apporte aucun profit, ains est grandement nuisible, & le faut \* incontinent arrester. Toutes fois il n'en peut auenir mechef, quand le medecin entend quel corps doit estre saigné. On voit plus souvent que le sang continue de sortir aussi noir qu'il estoit au premier iour: & toutes fois auenant cela, s'il en est ia sorty assez, on le doit arrester, & faut tousiours cesser premier que le \* cœur faille. La saignée faite, on met sus l'ouuerture une compresse baignee en eau froide, & exprimée: puis on bande le bras: & le iour suuant, qui veut reiterer, on frappe la veine avec l'ongle du doigt du milieu, & non avec la lancette, pour faire cheoir le sang caillé de frais. Si le sang qui du commencement sortoit gros & noir, dès le premier iour, ou au second se change, & commence à deuenir rouge & luisant, on a fait suffisante euacuation, & ce qui reste est bon & sain: parquoy soudain il faut bander le bras, & le tenir bandé, iusques à ce que la cicatrice soit forte, laquelle en peu de temps se rend ferme sus la playe de la veine. Nostre auteur recite quelques preceptes d'Antylus, touchant la maniere de piquer la veine & la grandeur & figure de l'incision, qui sont plus amplement deduits & exposez en Aëce. Quand la veine (dit-il) est obscure & cachée, nous l'ouurons en \* piquant: mais si elle est manifeste

\* S'il n'est nuisieux en quantité immoderée.

\* Cela est contraire à la doctrine de Galien chap. 12. liure 2. de la Saignée.

\* punctum.

nifeste & decouuerte, en \* coupant. Si la veine est \* casim.  
 obscure, & donnant le coup nous doutons que le ma- \* Il y a autre  
 lade ne retire le bras, il le luy faut tenir ferme. La raison: assavoir  
 veine ne doit estre toute coupee, par ce \* que ses que les extre-  
 bords se renuersent, & le sang ne sort point de roi- mitez de la  
 deur. Il faut piquer la partie superieure du vaisseau veine ainsi cou-  
 qui tend vers le commencement du bras, & non pas pee se retirent  
 l'inférieure qui descend vers le bras. Piquant la su- souz la peau,  
 perieure le sang vient mieux, & outre ce y a un'au- & souz les mu-  
 tre commodité qu'on ne peut faillir \* la veine. scles & ne sort  
 Quand le patient a besoyn de grande & soudaine euacua- point de sang.  
 tion, il faut faire l'ouverture \* grande: & sembla- \* par ce qu'en  
 blemēt quand nous cuidons le sang estre gros. Au la partie supe-  
 contraire si nous pretendons retirer & detourner rieur vers sa  
 le sang qui sort mal à propos de quelque partie racine, ell'est  
 du corps, comme en ceux qui le crachent, ou qui le per- plus grosse &  
 dent par le nez, nous faisons l'ouverture petite; par large.  
 ce qu'ils n'ont besoyn d'euacuation, estans suffisam- \* & quand il  
 ment euacuez par la sortie du sang, ains de retra- est robuste &  
 ction & reuulsion. D'auantage en ces occasions & puissant. Al-  
 maladies il faut permettre \* que le sang flue assez bucrasis.  
 long temps par l'ouverture faicte en la veine. \* ce que le ma-  
 On fait aussi l'ouverture petite aux phrenitiques, lade ne pour-  
 & ceux qui réuent, on sont égarez de leur sens, à fin roit endurer, si  
 que la playe se ferme & consolide tost, par ce qu'au- par l'incision  
 cunes fois, sans qu'on s'en donne garde, ilz desfont la grande il sor-  
 gature, & se metent en danger de perdre leur sang, toit beaucoup  
 si l'incision estoit grande. Mais estant petite, encor de sang.  
 qu'ilz se delient le bras, le caillou du sang qui bouche \* Albucrasis  
 la playe, peut empescher qu'il ne sorte. L'ouverture veut qu'on la  
 se fait aussi petite aux petites veines, & large aux face aussi peti-  
 grandes. Car la faisant petite en un gros vaisseau, te, quand le ma-  
 lade est foible, & quand il est  
 nécessaire tirer  
 du sang par  
 plusieurs fois,  
 ce que les grecs  
 disent *λερ-  
 ιναραγισιν*.

necessair

necessairement le sang qui se caille, empeschera son issue. L'incision se fait en trois figures. La premiere de trauers. La seconde droict en long, par laquelle la ueine est fendue & nō piquee. La troisieme, moyenne entre les deux susdictes qui se nomme oblique, & se fait de biais. On la fait de trauers, quand on ne veut reiterer la saignee. Car pliant le coude, les extremités de la ueine se reioignent. Ceste figure est aussi commode quand nous uoulons faire grande ouuerture. L'incision se fait de biais, quand nous uoulons reiterer la saignee : & aussi par ce que la faisant ainsi on ne faut point la ueine. D'auantage ceux, qui assistent, trouuent plus beau quand en ceste figure le sang sort cōme s'entortillant.\* L'incision droict & longue conuient, quand nous reiterons la saignee non seulemēt le iour mesme, mais aussi deux ou trois iours apres, par ce que pliant le coude, les extremités de la ueine se separent. Elle est aussi commode, quand les bords de l'incision ont acoustumé de ne se rencōtrer droict l'un l'autre; mais en ceste figure le sang ne sort point de bonne grace. Albucrasis remarque trente ueines qui se peuuent ouurir au corps, deux derriere les oreilles : deux aux grans coins des yeux : deux en la leure de dessus : deux en la leure de dessous : deux sous la langue : une au milieu du front : une au bout du nez : deux ingulaires : dix aux bras, assauoir cinq en chacun, la basilique, la mediane, la cephalique, la ueine du ponce, la saluatelle : six aux iambes, assauoir trois en chacune, la ueine du iarret, la saphene, la sciatique. Celles qu'on ouure le plus souuēt sont la cephalique, basilique, & mediane. En les piquant se faut donner garde que sous la basilique y a un ar-

\* Albucrasis dit aussi, que cest'incision est plus asseuree du flux de sang & de la piqueure du nerf.



tere insigne: sous la mediane, un nerf: & sous la cephalique, qui la prend droit au pli du coude, est le tendon applati d'un des muscles qui plient le bras: mais si on la prend au dessus, ou au dessous du pli du coude, c'est la moins dangereuse à piquer des trois. Si par desastre ouvrant la basilique on touche l'artere qui est dessous, comme Galien en la Methode dit estre auenu à un ieune medicin, Albucasis ueut que on fende l'ecorce \* d'un Pistache, & qu'on en mette la moitié sus l'ouuerture avec compresse, & bonne ligature n'y touchant rien iusques au iour suyuant. Si par ce moyen le sang ne s'arreste, qu'on y applique les medicamens restrictifs, comme seroit celuy de Galien, qui est composé d'aloë, manne d'encens, blanc d'œuf, & poil de lieure. Si par ce remede le sang n'est retenu, qu'on coupe l'artere par le milieu, à fin que les deux extremités se retirent sous les parties situees au dessus. Ce dernier refuge n'est souuent necessaire. Car pource que la playe est petite, & qu'en cest endroit on peut faire ligature conuenable, le sang par les moyens susdicts est arresté, sans incision du uaisseau. La saignée ne se doit faire, si le uentre est dur, qu'on ne l'ayt sollicité par un clystere, à fin que les ueines euacuees n'attirent des boyaux quelques excréments putrides, qui offencent les parties nobles. Elle ne se doit faire estant l'estomach cru & indigest, comme en ceux qui se sont enyurés: ou qui se sont débordés à manger: ou qui pour auoir gourmandé abhorrent & dedaignent la viande. Elle ne se doit faire apres euacuation sensible, ou insensible, qui debilité la force du corps, comme uomissement, flux de uentre, cholérique passion, trauail, exercice

\* qui est adstringente.

exercice, abstinence, ueiller, auoir trop pressée nature en la compagnie des femmes. Le iour qu'on saigne, le malade ne doit auoir en son esprit aucune passion conturbatiue, comme tristesse, cholere, peur, & doit user des choses qui luy plaisent, & le réiouyssent, comme l'assistance de ses priués amis, bonnes odeurs, parfums, uoir baller \* & danser, & autres choses semblables. Après auoir lié le bras ny trop lachement, ny trop estroictement (car l'un & l'autre excès empesche la sortie du sang) le patient doit froter ses mains ensemble, à fin que les ueines s'enflent, & apparoiſſent: puis le maistre oingt la pointte de son instrument d'huile uieil, pour le faire entrer plus doucement, faire moins de douleur, tenir la playe mieux ouuerte, subtilier le sang s'il est gros, l'empêcher de se cailler, & luy faciliter son issue. Après il met le ponce de la main gauche sus la ueine, un peu au dessous du lieu où il uent piquer, pour tenir ferme la ueine qu'elle ne fuye. Car aucunesfois la ueine estant tendue comme une chorde, roule & echappe à l'instrument: aucunesfois estant pleine de uent elle se retire & obeyt à l'instrument, de sorte ou qu'on ne l'atteint point du tout, ou qu'on y fait trop petite ouerture. Si du premier coup la ueine est ouuerte, cela uaut bien: si elle n'est ouuerte, il faut soudain donner un autre coup, un peu au dessus, ou un peu au dessous du premier: & tousiours auant qu'il y suruienne aposteme. Car si elle y suruient, il n'y faut toucher d'un iour, ou deux, ny bader le bras, à fin que la compression de la ligature ne l'augmente, ny permettre au malade qu'il s'estiue. Il n'y faut aussi toucher si le malade est trop craintif, ou effroyé. L'inflammation

\* Ce precepte d'Albucrasis se doit entendre, quand on se fait saigner par prouision, pour euer quelque maladie: autrement ce passetemps seroit peu agreable à vn malade.

passée, & le malade asseuré, on retourne piquer. Si l'ouuerture est petite, & le sang sort trop subtilement, de sorte que nous doutions n'en pouuoir tirer la quantité nécessaire, soudain auant qu'il s'y face aposteme, il faut ieter droit l'instrumēt dans la playe, & l'élargir. Car y estant aposteme, ce qui aujēt souvent pour estre l'ouuerture petite, ou pource que c'est la premiere saignée, du tout il n'y faut toucher, mais y appliquer une éponge trempée en eau salée, & chaude, & la laisser une heure dessus. Si l'aposteme resoluë il demeure pour quelques iours une uerdeur ou noirceur sus la playe, cela ne cause aucun mal: toutes fois on la guerit, y appliquant de l'aloës, ou de la myrrhe detrempés en ius de menthastré. Cela resout la tumeur. La tumeur resoluë, de la ueine mesme, ou d'un autre, on tire autant de sang qu'il est de besoing. Si le sang pour estre trop gros, ne peut aisément sortir, on applique sus l'incision de la crace d'huile, qui est singuliere pour cest effect, ou de la theriaque, ou la confection nommée Sagzenea, qui liquefient & subtilient le sang. Si quelqu'un de chaude complexion ou bilieux est suiet à s'euanoir, quand on le saigne, il luy faut oster du sang à trois ou quatre fois, & auant que de le piquer, luy donner un morceau de pain trempé en uin de grenade aigredouce; ou en syrop aceteux. S'il est phlegmatique, on trempe le pain en quelque syrop confortatif, aromatisé, & odorant, comme le syrop d'écorce de citron, ou *miua cydoniorum cum speciebus*. Si pour trop grande euacuation de sang le patient syncopise, on luy fait prendre du ius de la chair, ou quelque syrop confortatif aromatisé avec *gallia moschata*:

ou de ceste composition on luy engresse la poitrine. En ces euauouiffemens il faut curieusement obseruer le pouls, & discernner si ueritablement c'est un cœur failli, ou la mort. S'il est question de reiterer la saignée, & l'incision est tellement serree, que mal-aisément le sang en peut saillir, il ne faut rudement estendre le bras, que le malade auoit tenu courbé, ny fouler trop sus la ueine pour faire sortir le sang, car ceste uiolence causeroit douleur & inflammation; mais plustost la faut repiquer, ou bien avec la pointe de l'instrument oster le sang qui est glacé sus l'orifice de la ueine, & mettre dessus du sel détrepé en d'eau, ou de la theriaque, ou de la sagzenea, & frotant & foulant doucement tirer hors le sang. S'il y a aposteme, on n'y doit toucher aucunement, mais ouurir la ueine au dessus, ou en l'autre bras, si la saignée est necessaire. Aucun n'ignore, quand on ouure les petites ueines aux mains & aux piés, qu'il faut tenir l'un & l'autre membre dans l'eau doucement chaude, pour faire sortir le sang plus librement. Il est aussi manifeste, quand on ueut reiterer la saignée, qu'il faut mettre sus l'incision de l'huile salé, par ce que l'huile empesche la conglutination des bords, & le sel ne laisse cailler le sang, qui boucherroit l'orifice de la playe. Qui ueut reiterer la saignée, pource que le sang chaud, & abondant en un corps robuste fait la fièvre, il le doit faire le iour mesme, sept ou neuf heures après la premiere: mais si on la reitere pour diuertir quelque perdement de sang, il se doit faire le iour suyuant, ou le troisieme.

Nous n'vsons point de \* ventoufes, ny au commencement des maladies, ny quand les corps font \* plethoriques: ains apres que tout le corps est euacué,& il ne flue plus rié sus la partie inflâmee,estât besoin agiter l'humeur inculquee,la deplacer comme à force d'vn leuier,& la tirer en dehors. La ventouse sans scarification resout les ventosités:arreste les fluxions qui tó bent sus \* l'estomach:attire le sang:& quand il flue mal à propos, le retient, si on l'applique en la partie contraire:elle remue en la superficie du corps ce qui est au profond d'iceluy,& somme elle trāsporte les humeurs,& euacue les ventosités.La ventouse avec scarification a plus d'efficace à faire transpirer les humeurs & vapeurs nuisibles,comme celle qui manifestement & sensiblement emmeine & arrache du profond du corps les choses qui nous sont cōtraires.Car non seulemēt elle euacue le sang:mais aussi les autres humeurs,& principalement si on l'applique avec beaucoup de feu. Or si nostre intention est tirer du sang des parties charnues, premierement nous les \* scarifions,puis y appliquons la ventouse. Mais si la partie n'est point charnue,premierement nous y appliquons la ventouse sans scarification:puis estant la partie releuee & tumide,nous la scarifions & decoupons:& apres derechef nous metons la ventouse.Si nous voulons tirer peu,nous ne ferons qu'vne seule taillade: si beaucoup,nous ferons plusieurs incisions. Si le sang

\* pour les appliquer sus les parties malades,mais bien au lieu de la phlebotomie, quand la force du malade ne la peut comporter.

\* en repletion de sang.

\* C'est ce que Galien dit, qu'elles confortent l'estomach debilité. Voy Aëce sus la fin du cha.10. livre 1. section 3. & Celsus chap.5.livre 4.


\* L'vsage cōmun est autre: car tousiours avant que scarifier on dōne la ventouse.

\* *M. Am-  
broise Paré au  
livre de la cu-  
ratiõ des playes  
de la teste,  
en décrit &  
peint vn plus  
ingenieux, a-  
vec 18. roues  
d'acier, qui se  
bâdent par re-  
sort, & se de-  
bendant toutes  
ensemble, d'vn  
coup font 18.  
incisions.*

épandu en l'habitude du corps à nostre aise est subtil, nous ferons les incisiõs superficielles: s'il est gros, profondes: le mesme se fait, quand nous pretendons euacuer les cailloux de sang qui se font ayant receu quelque coup. La mesure de la raisonnable & mediocre profondeur des incisions est l'épaisseur seule de la peau. Aucuns ont \* inuenté vn instrument pour scarifier composé de trois lancetes ioinctes ensemble, à fin que d'vn coup on face trois incisions;



Scarifica-  
teur de  
Paré.



A. Le cou-  
uercle.

B. La  
bouette.

C. Le re-  
sort.

D. Le ben-  
dage.


FFF. Dix-  
huit roues  
tranchan-  
tes comme  
un rasoir,



mais nous trouuons cest instrumēt mal aisé & facheux à manier, & nous semble meilleur vser d'une seule lancette. Aucuns se seruēt de ventouses de voirre, à fin qu'en l'attractiō du sang, on puisse voir & déterminer à trauers, la quantité d'iceluy: mais les vêtouses de fonte ou cuire attirent mieux, & endurent mieux plus grand feu, que celles de voirre qui se rompent aisēmēt. Ceux qui avec des cornetz en fussant par la bouche attirent, font euacuation aussi grande que les autres: mais ne desechent pas tant où il est besoing de secher, comme s'ils appliquoyent la ventouse avec le feu. Quand la ventouse se doit appliquer, premieremēt on situe la \* partie en figure droite: puis on la iette de costé sus la peau. Car qui la plaqueroit l'amenant tout droit d'enhaut sus le mēbre couché, la mèche allumee tomberoit sus la peau, la bruleroit, & feroit grāde douleur, sans qu'il en soit besoing. La grandeur des ventouses doit estre proportionnee à la grandeur du mēbre. A ceste cause se font les ventouses differētes en grādeur & petitesse, comme aussi les vnes à long col, & larges de ventre, qui font meilleure attraction que les autres. Il se faut garder d'appliquer les ventouses pres des mamelles, par ce que la mamelle aucunes fois tombe dans la vêtouse, se tumesie & enfle grandement, qui fait qu'à peine on la peut leuer. Auenant cela on enuironne la ventouse d'éponge mouillée en eau chaude: & par ce moyen elle se lache: ou si cela ne la fait lacher, il la faut pertuiser.


\* à fin que les muscles entortillés retournant à leur figure droite, ne la fassent tomber: & aussi pour ce que le patient demeure plus longuement en figure droite.

*Cornets avec flammettes pour scarifier & décharger la partie tendante à gangrene.*



*Cornets*



*Cornets attirans sans feu.*

## ANNOTATIONS,

La plus part de ce discours est pris d'Antylus, comme Aëce nommément le tesmoigne : & pource qu'il aiouste quelques observations d'auantage que nostre auteur, il ne sera inutile les rapporter icy. Nous n'usons point de uentouses (dit il) ny au commencement des maladies, ny estant le corps plethorique, ains apres que tout le corps sera purgé, & qu'il ne fluera plus rien en la partie sus laquelle se doy-

uent mettre les uentouses, estant necessaire agiter, de-  
 placer, attirer la fluxion inutile qui demeure en la  
 partie. Il se faut donner garde de n'appliquer la uen-  
 touse pres du tetin: car tombant dans icelle & s'en-  
 flant ne permet qu'aisément on l'oste, & lors il faut  
 environner la uentouse d'éponges trempées en eau  
 chaude, & exprimées, qui la feront lâcher: & si par  
 ce moyen elle ne lâche, il la faut pertuiser. Il faut  
 aussi noter que non seulement tirer du sang par la  
 partie mesme, auant que le corps uniuersel soit euac-  
 ué est nuisible, ains aussi la uentouse: toutes fois moins  
 dommageable est il tirer du sang: car comme il uient  
 en la partie, il est euacué: mais la uentouse se ioignant  
 impetueusement à la peau, & occupant beaucoup de  
 place, tire uiolentement les humeurs sans faire aucu-  
 ne diuision sensible des uaisseaux: & à ceste cause fait  
 grande & insigne attraction, n'euacuant en propor-  
 tion de ce qu'elle attire. La uentouse nuise inducment  
 & intempestiuelement sus les hypochondres, principa-  
 lement aux fieures continues & hemitritées, suffo-  
 que & tue le iour mesme, & singulierement si l'esprit  
 du malade est ia troublé, & son sentiment diminué  
 & hebeté. Si on la met avec semblable indiscretion  
 sus la teste, elle cause letharge, stupeur du corps &  
 de l'esprit, & procidence des yeux: & ceux qui ne  
 tombent en quelqu'une des affections susdictes, pour  
 le moins sont tourmentés de quelque longue mala-  
 die de la teste. Voila ce qu'en escrit Aëce, à quoy  
 nous aionsteros ce que Celsus en traicte. Il y a (dit il)  
 deux sortes de uentouses, l'une de lèton, & l'autre de  
 corne. La uentouse de lèton d'un costé est ouuerte, de  
 l'autre fermée. La uentouse de corne est semblable-  
 ment

ment ouuerte d'un costé, & de l'autre a un petit trou. Dedans la uentouse de leton, on met de la charpie allumee, puis on plaque son ouuerture sur le membre, la comprimant dessus iusques à ce qu'elle tienne. La uentouse de corne est appliquee sans feu, & de par soy sus le membre: puis retirant de la bouche son aleine par l'endroit où est le trou, & en-apres le sermant soudain avec de \* cire, elle tient aussi ferme que l'autre. L'une & l'autre sorte de uentouse se fait commodément non seulement de l'estoffe susdicte, mais aussi de toute autre matiere: & en faute d'autre chose un petit uoirre, ou un escuele à potage, qui ayt la bouche estroicte & serree, nous seruira bien à cest usage. Quand la uentouse est attachee & prise, si au par-avant on a incisé la peau avec la lancette ou flammete, elle tire du sang: si la peau n'a point esté scarifiée, elle tire de l'esprit & uapeur. Si donc y a quelque humeur nuisible au membre, on l'applique avec scarification: & si le mal est d'inflation ou uentosite, on l'applique sans decouper. L'utilité principale des uentouses est, quand il se trouue quelque disposition contre nature, non en tout le corps, ains seulement en aucune partie d'iceluy, où il suffise pour la remettre en bonne santé, de l'euacuer: qui est un argument euident, qu'ayant égard de secourir particulièrement à un \* membre du corps, il faut principalement inciser la ueine, & tirer du sang de la partie malade. Car nous ne uoyons aucun medicin qui applique la uentouse sus la partie opposite à le malade, sinon quand il uent détourner le flux de sang en ce lieu-là, ains ordinairement on l'applique sus la partie dolente & passionnée, que nous pretendons que-

\* Au lieu de la cire on iette sus le tron vne petite piece de cuir mouillé en d'eau qui le tient fermé.

\* Il a disputé ce point en parlant de la Saignee.

\* Comme en  
la ladrerie : en  
la colique.

\* Des ventou  
ses avec scarifi  
cation.

rir. Les uentouses sont aussi proufitables aux lon  
gues \* maladies, combien qu'elles ayent ia beaucoup  
duré, quand il y a quelque humeur corrompu, ou  
quelque esprit uitieux. En aucunes maladies agues,  
encor qu'il soit expedient alleguer le corps par sai  
gnee, la uertu du patient toutesfois ne le comporte  
pas: & lors ce \* remede est moins uehement & plus  
seur qu'ouurir la ueine: & n'est iamais dangereux,  
encor qu'on l'employe au milieu de la uigueur &  
impetuosité de la fieure, ou bien estant encor l'esto  
mach cru: & à ceste cause s'il est necessaire tirer  
du sang, & pour ouurir la ueine on hazarde le pa  
tient à un danger eminent & precipiteux, ou bien si  
la uitieuse disposition est en quelque membre parti  
culier, nostre refuge sera plustost aux uentouses qu'à  
la saignée: presupposant toutesfois comme ce remede  
est sans aucun danger, qu'il est aussi foible & de pe  
tite efficace, & qu'aux grandes maladies sont requis  
les remedes qui soyent pareillement grans, effe  
ctueux & puissans. Albucrasis specifie quatorze  
lieux en nostre corps, où les uentouses seches ou avec  
scarification, sans feu ou avec feu, peuuent estre mi  
ses: asauoir, le quignon de la teste: le milieu du col par  
derriere: les deux costez du col: le dessouz du men  
ton: les deux pallerons: la queuë du cropion: les deux  
brasals: les deux iambes: les deux cheuilles. Quand  
les uentouses sont necessaires, ou pource qu'on est  
constumier d'en user, ou pour quelque maladie, on  
les peut appliquer au commencement, fin, & milieu  
du moys, sans autre particuliere discretion, & en  
tout temps, & en toute heure: mais principalement  
en la seconde & tierce du iour. A quelques uns de  
ceux

ceux qui sont coustumiers de se faire uentouser, & ne continuent pas, le col & le uisage deuiennent enfles & rouges: à d'autres le front & la face demangent, les yeux s'obscurcissent & éblouissent: aucuns grattent & frotent le lieu où ils ont esté uentousez: aucuns \* rient plus qu'ils ne souloyent: aucuns ont à la bouche le goust du sang, ou bien le crachent, ou la langue leur aposteme: aucuns sont endormis: aucuns songent qu'ils uoyent du sang, ou quelque chose rouge, ou des hommes naurés & tués couuerts & baignés de sang. Les uentouses sus le quignon de la teste proufisent à la pesanteur de la teste, & rheume des yeux, après l'euacuation du corps: mais elles nuisent à un cerueau froid & catarrheux, & font perdre la memoire, à raison dequoy il n'en faut user aux uieilles gens. Les uentouses sus le milieu du col aydent à la difficulté d'aleine, à l'asthme, aux rompures des uaisseaux du poulmon, à la repletion d'iceluy, à la toux: mais si on les applique un peu trop bas, elles offensent le cœur, & l'orifice de l'estomach. Sus les deux costez du col elles sont bonnes à la douleur de teste, à la migraine, à l'ophthalmie, à la douleur des dents, & quand les dents sont pertuisees. Les appliquant en cest endroiect, il faut sagement conduire la main en scarifiant, de peur qu'on ne coupe quelque \* artere, d'où s'ensuyue flus de sang. Sous le menton elles seruent aux ulceres de la bouche, corruption des genciues & autres maladies de ces parties-là. Sus les pallerons & aux dedans des deux brasals, elles tiennent lieu de la saignée faicte en quelque veine insigne, pour euacuer la repletion du corps. Sus la queue du cropion elles sont utiles aux mor-

Aphor. 53.  
liure 6.

\* Des ra-  
meaux des  
carotides.

rucs, & aux ulcères du fondement. Sur les cuisses elles proufissent aux douleurs inueterées des reins, aux passions de la matrice & uescie, aux supphes & tumeurs du uisage, prouuent les fleurs des femmes, & dechargent le corps trop replet mais elles debilitent fort, & font tomber plusieurs en syncope. A ces mesme choses elles profitent quand on les applique sur les cheuilles. Quant aux scarifications, si la personne a la chair tendre, & les porosités rares, il ne faut faire scarification qu'une fois, qui soit un peu grande & profonde. Si le sang apparoit gros, on scarifie deux fois en un mesme lieu: l'une pour donner issue au sang subtil, & à la serosité d'iceluy: l'autre pour tirer le gros sang. Si le sang est fort gros & trouble, on scarifie pour la troisième fois au mesme lieu, à fin qu'il sorte. Si on pretend tirer peu de sang, & petit à petit, il suffit de scarifier une fois. Si on pretend en tirer grande quantité, on scarifie plusieurs fois, & en plusieurs lieux. Si le sang est gros, on fait la scarification profonde: s'il est subtil, on la fait superficielle. La mesure de la plus profonde est l'épaisseur de la peau. Si la peau est grosse, dure, noire & ses porosités estroictes, il faut oindre les lieux où l'on uent appliquer les uentouses de quelque huile  
 \* aperitif, lenitif, resolutif. En esté d'huile uiolet, on d'amandes douces, ou de graine de courle: en hyuer d'huile de muguet \* iauue, ou de lis, ou de chamomille. Si en la partie y a quelque humeur superflue, grosse, & froide, auant que de mettre la uentouse on l'oingt d'huile \* amaracin, ou de ben, ou d'aneth, ou de balsamite, & autres semblables. Si la peau est tendre, & a ses porosités grandes, il n'est besoin user  
 desdicts

\* Pour amollir & enuirer la peau, à fin qu'elle donne issue au sang que la ventouse tire. T  
 \* ainsi nomme le vulgaire à Lyö, le Cheiri des Arabes.  
 \* pour la subtilier, atténuer & rendre fluide.

desdicts huiles: mais ayant osté les uentouses il la faut  
 baciner d'eau \* rose, ou de morelle, ou de courle, ou  
 de pourpie, ou d'eau froide, ou autres semblables. Si  
 le sang est fort humide & aqueux, on la baciné avec  
 du \* uinaigre, ou d'eau de sumach, ou de meurte, &  
 semblables. Si au membre y a quelque superfluité  
 grosse & froide amassée, on la baciné avec d'eau de  
 mariolaine, ou la decoction d'anet, ou de camomille,  
 & semblables. Les uentouses & scarifications ne se  
 doyent faire quand on entre au baing, ou à l'estuue,  
 \* ny quand on y est, ains une heure ou deux apres  
 qu'on en est sorty: & ne faut laisser dormir \* ccluy  
 qu'on a uentosé ou scarifié. Comme nous auons dict  
 en traitant de la saignée, si la personne est choléri-  
 que, & a le sang chaud & bouillant, auant que de le  
 uentouser & scarifier, on luy donne quelque chose  
 pour le rafraichir, comme une grenade aigredouce,  
 de l'endiue, ou de la laitue avec du uinaigre, du sy-  
 rop aceteux: & le nourrit-on de poulets & autres  
 bonnes viandes, avec sauce d'orange, citron, limon,  
 uerdus, & autres semblables. Si elle est de comple-  
 xion froide & phlegmatique, on luy donne auant la  
 uentouse & scarification de la theriaque, ou la con-  
 fection de moscho, ou algalia moschata, ou quelque  
 autre semblable confortatiue & aromatique. L'usa-  
 ge des uentouses sans scarification est, ou retirer &  
 diuertir le sang qui flue par quelque part, comme on  
 les applique sus les flancs, quand on perd le sang  
 par le nez, & pres des tetins aux femmes, quand  
 par la matrice elles se purgent trop: ou de resoudre  
 une grosse uentosité enfermée en quelque membre  
 de nostre corps, & causant douleur, comme nous les

\* Pour la ser-  
 rer & conden-  
 ser, à fin que  
 le sang ne flue  
 immoderemēt.

\* pour en-  
 grossir & re-  
 stindre le  
 sang.

\* pour doute  
 & danger de  
 resoudre &  
 affoiblir trop  
 le malade.

\* par ce qu'en  
 dormant il  
 pourroit syn-  
 copiser.

1.

2.

appl

- appliquons sus le nombril en la colique, sus le flanc dextre & gauche, quand au foye ou en la ratelle y a
3. tension douloureuse faicte de uentousité: ou d'attirer quelque chose arrestee, que nature de soy ne peut chasser, comme on les applique sus les reins, & le long du uentre à l'endroit où sont situés les ureteres, pour faire sortir la pierre du roignon, ou la tirer en
4. la uescie: ou pour appliquer une fomentation, comme en la pleuresie on met sus le costé douloureux & malade une grande uentouse pleine de quelque decoction conuenable à cela, pour mitiguer la douleur, & fomentier la partie. La uentouse doit auoir son entree large de trois doigts: son uentre large, ses bords grossets, ronds, lisses, à fin qu'en la metant elle ne blesse: un trou à costé qu'on bouche de cire, ou du doigt: une petite barre trauersiere pres de l'entree, sus laquelle on plante la chandelle qu'on allume en l'appliquant, sinon en celles qui seruent pour fomentier, où la barre seroit inutile & superflue. Selon les maladies, corps, & aages, on cherche & met en besogne les uentouses moindres, ou plus grandes. Et pource que l'usage des sansucs est inuenté pour mesme respect que la scarification, & que le chirurgien est demandé pour les appliquer, en passant nous en traiterons. Pour la plus part on applique les sansues sus les endroicts du corps, où les uentouses, à cause de leur petitesse, ne peuvent tenir, comme au fondement, aux genciues, aux leures: ou bien aux endroicts denuez de chair, comme sus le nez, sus les doigts. Il faut choisir celles qui uiuent en eau claire & coulante, & non fangeuse, puante, ou pourrie. On les laisse un iour & une nuit en eau douce, pour les dégorger, tant qu'elles



qu'elles soyent affamees, & qu'il ne leur demeure rien au uentre: & lors ayant euacué le corps du malade par saignée & uentouses, on nettoye & frotte le lieu où l'on ueut les attacher, iusques à ce qu'il deuienne rouge, puis on les applique. Quand s'estant remplies elles tōbent, s'il est possible d'y appliquer une uentouse par apres, cela est un singulier remede: & s'il n'est possible, on bacine le lieu avec du \* uin-  
 aigre & de l'eau, en le frottant & pressant. Apres qu'elles sont tombees, si le sang flue & resude trop longuement, on met dessus un drappeau mouillé en eau froide: & si pour cela il ne s'arreste, on y iette de la poudre de chalcitis, ou de galles, ou de quelque autre chose semblablement adstringente: ou bien on y applique la moitié d'une feue écorchee, la tenant & pressant dessus, iusques à ce qu'elle y demeure attachée: & adherente. Infalliblement cela retient le sang. S'il est de besoin, quand la premiere sansue est cheute, on y en remet une autre fraiche. Si la sansue ne ueut mordre on iette sus le lieu qu'elle refuse, un peu de sang frais d'un pigeon, ou poulet, ou autre: ou bien on le pique d'une éguille pour en faire sortir un peu de sang qu'on luy presente, & ainsi incontinent elle prend. En quoy faut noter que si on la manie & touche à main nue, elle se rend dedaigneuse, & depiteuse, & ne ueut point mordre: parquoy faut enuveloper la main d'un linge net & blanc. Pour la faire tomber on iette sus sa teste de la poudre d'aloes, ou du sel, ou de la cendre. Estant tombee, si on ueut sauoir combien ell'a succé & tiré de sang, on la met dans un plat, puis on la couure de sel broyé menu: soudain elle reuomit tout le sang qu'ell'a pris. Qui  
 la uent

\* à fin qu'il ne demeure quelque caillou de sang, qui se puisse pourrir, & faire absces.

la veut faire tirer beaucoup, auant qu'elle lache prise, & comme ell'est ia pleine, il faut couper d'uns ciseaux par embas presque la troisieme partie de son corps. En ceste façon elle tire tousiours, & le sang qu'elle boit s'écoule & degoute.

La maniere de cauteriser l'aisselle. CHAP. XLII.

**Q** Vant la ioincte de l'épaule se deloué en d'aucuns la teste de l'auanbras souuét & par plusieurs fois tombe contrebas, ou pour l'humidité \* superflue, ou pource que la fréquence & assiduité d'y tomber luy fait & ouvre chemin pour cheoir en ce lieu. Se présentant telle occasion nous venons au cauterer: & pour ce faire nous situos le malade à la renuerse, ou sus le costé sain: puis avec deux doigts de la main gauche, ou avec des crochets nous souleuós & estédós la peau interieure de l'aisselle, principalement alendroit où l'os se foriette, & avec des cauterres \* minces & pointus, embrassez, nous la cauterisons iusques à ce que les cauterres ayent percé tout outre, de sorte que d'un coup on face deux eschares. Or si entre les deux eschares faictes d'un coup y a grand espace & distance, nous passons de l'une à l'autre. vn'éprouvette à bouton, & faisons vne troisieme eschare iustement au milieu des deux premieres, cauterisant iusques à ce que le ferremét rencontre l'éprouvette. D'auantage \* Hippocrates comande qu'aux deux costés de la crouste mitoyene on en face deux autres, assauoir vne de chaque costé, égalemét distantes des deux premieres, en figure quadrangulaire. Nous ne proufonderons

\* Qui relaxe  
& remollit les  
ligaments.


\* Albucrasius  
chap. 27. liure  
1. monstre la  
figure de deux  
cauterres pro-  
pres à cela,  
l'un à deux  
fourchons, l'autre à trois.  
\* Cecy ne se  
lit point en  
Hippocrates  
liure 1. des ar-  
ticles, qui mon-  
stre noz exem-  
plaires d'Hip-  
pocrates estre  
mutilés.


fonderons point le cautere plus outre que la peau, pource qu'au deffouz d'icelle y a des nerfz, des glandes, & autres parties qui peuuent engendrier inflammatio, & incómoder\* à l'operation manuelle. Ayant cauterizé la partie, on applique dessus des\* pourreaux pilez avec du sel, & autres remedes conuenables aux eschares: & de là en auant on commande au malade que discrettement & sagement il trauaille de son bras.


\* Les autres exposent: & endommager les actions du patient.

\* La feuille du pourreau est adstringente: arreste le sang: & pilee avec le sel fait tomber les eschares. Dioscoride. Paulus.


*Cauteres actuels de diuerses sortes.*



*Autres canteres.**Autres*


*Autres Cantheres.*

CHIRURGIE FRANÇOISE.  
*Cantere triangulaire propre au  
nodus de la verolle.*



s p

*Canteres*

*Cauteres actuels avec canules.*

## A N N O T A T I O N S.

Cest'operation est prise du premier liure des articles d'Hippocrates: & s'employe en ceux ausquels l'os de l'aubanras se iette hors de sa boete, se delouât souuent & pour legere occasion, & tombant cōtrebas en l'aixelle: ce qui auient, ou pource que naturellement les bors de la boete qui reçoit la teste de l'aubanras sont si rabatus qu'ilz ne peuuent retenir fermement ladiete teste: ou pource que les tendons qui enuironnent & remuent la ioimēte, sont relaxez: ou pource que les ligamens qui tiennent la ioimēte serree, sont remollis: ou pource que la personne estant

grasse & charnue est deuenue maigre & extenuée. Pour ces occasions l'os de l'auanbras se deplace facilement, remplissant la cavitè de l'aixelle, de façon que ceux qui se trouuent en ceste peine, ne peuuent manier les armes, ny s'aider du bras. Les signes de ceste delouccure sont, que la bosse du coude au bras meubaigné est plus éloignée des costes qu'en l'autre, toutesfois l'approchant de force, on la fait ioindre à icelles: d'auantage le patient ne peut porter droict la main à l'oreille, ayant le braçal estendu, ny mener & remuer le bras malade ça & là, comme le sain: outre plus en la cavitè de l'aixelle, on trouue & sent la teste du bras, qui y est descendue, plus apparente qu'au bras sain: & en la sommité de l'épaule se rencontre une cavitè enfoncée, & l'extrémité de l'épaulette nommée Acromion, apparoist s'auācer, par ce que la teste de l'auanbras est descendue au deffouz: qui sont les plus certains & asseurez signes. Or pour resserer la cavitè de l'aixelle, en sorte que l'os de l'auanbras, n'ayt place pour s'y transporter, ains demeure comme contrainct en sa situation, Hippocrates uent qu'on prenne avec les doigts la peau du deffouz de l'aixelle, iustement al'endroit où l'os est cheu, & la tirant qu'on la perce tout outre, de la main senestre uers la dextre, & de la dextre uers la senestre, cōme Galien l'expose, avec un cautere, qui ne soit ny gros, ny arrondi par le bout, ains mince, long, pointu, & fort embrasé. Car un serrement gros penetre lentement, fait la cheute de l'eschare fort large, & met en danger que la cicatrice ne se rompe: quoy auenant encor que la dispositiō n'en soit pire, toutesfois l'opération en est plus lourde, & la partie plus deforme.

Pour



Pour la plus part il suffit d'auoir passé une fois seulement le fer chaud au dessouz de l'aisselle: mais s'il n'y a point de danger que la cicatrice rompe, & y a grand espace au milieu des deux trous, on passe une éprouuette unguentaire, mince, par les trous ia faits, estant encor la peau suspendue & souleuee: car autrement ne la pourroit on passer: puis estant passée l'éprouuette, on laisse aller la peau, & entre les deux pertuis on applique encor un autre cautere mince, lequel on pousse en auant, iusques à ce qu'il touche à l'éprouuette. Voila le principal du discours d'Hippocrates emprunté de nostre auteur. Quāt au point du milieu, & des deux qui sont aux costez dudit point, desquels nostre auteur parle, outre ce qu'il se lit en noz exemplaires d'Hippocrates, la figure pre-



sente declarera le dire de nostre auteur, a, b, sont les deux premieres eschares: c, est l'eschare du milieu: d, e, sont les deux faictes à costé de la mitoyenne, distantes également des deux

premieres a, b, qui reduisent le tout en forme d'un quadrangle a, d, b, e. Nostre auteur pour faire tomber l'eschare, applique des pourreaux broyez avec du sel: sur quoy faut entendre que les eschares faictes par cauterés actuels, ou ruptoires, tombent, y metant dessus ou des medicamens chauds & humides, comme du beurre, de l'huile uiolat, du lard gras: & si la bruleure est recente & la douleur grande, de l'huile rosat avec un iauue d'œuf, le cataplasme fait d'huile, d'eau, & farine de froment: ou appliquant des medicamens, qui, outre ce qu'ils echauffent & humectent

actuellement, ont faculté de secher & absterger, cōme le cataplasme faict de pain de farine d'orge, d'huile & d'eau, & l'oignemēt tetrapharmacū, & le pain broyé avec du basilic, & du persil: ou appliquant des medicamens qui par leur uertu abstersiue, resolutiue, & desiccatiue, nettoient une grosse matiere purulente, qui cōme une colle attache l'eschare avec les parties du dessous, cōme iris, la racine de panax, d'aristolochie, & d'acorus, la farine des ers, & autres tels cephaliques avec du miel: le pourreau avec du sel: l'emplastre Isis, & de Machærio, reduicts en cōsistence de liniment, avec huile, ou uin cuit. Cest'adnotation seruira pour tout l'œuure, où il sera question des medicamēs propres à tel usage. C'est grand merueille que Celsus si diligent imitateur d'Hippocrates, liure 8. chap. 15. où il parle de la delouure de l'auant-bras, ne fait aucune mention de cest'industrie.

Dés doigts surcroissans, & de ceux qui en ont six.

#### CHAP. XLIII.

**L**Es doigts surcroissent en la main, quelquefois pres du pouce, quelquefois pres du petit: & rarement les void-on surcroistre pres des autres doigts. Les doigts superflus sont ou du tout charnus: ou bien ont des os en leur composition, & aucunes fois des ongles. Ceux qui ont des os, naissent ou de la ioincte, ayans l'assemblage d'icelle commun avec le doigt naturel: ou naissent de quelque squadron des os du doigt: & ceux-cy n'ont aucun mouuement du tout: les autres quelquefois se remuent. On retranche aisément ceux qui sont charnus, coupant & extirpant avec vn rasoir totalement, ce qui est superflu. L'operation manuelle est plus

difficile & facheuse quand ils sont produicts de la \* ioincte. Quand ils naissent de quelque squadron des os du doigt, premierement nous coupons la chair toutalentour iusques à \* l'os: puis avec vn ciseau, ou vne sie nous tranchons & emportons l'os du doigt superflu: ce faict, procedans en la curation qui reste, nous raclos \*

\* l'os du doigt naturel, & le cicatrisons, comme il a esté dict aux playes des os.

## ANNOTATIONS.

Le nôbre utile, cōmode, & raisonnable des doigts en la main, est de cinq, selon Galien cap. 23. lib. I. de Vsupart. Ce qui est de plus, ou moins, cōme superflu, est contre nature. Ce qui defaut, ne peut estre restitué de nous: ce qui est superflu, se peut oster aisément, cōme dit nostre auteur, à l'operatiō duquel s'accordent Albucrasis, Hali abbas, & Auicēne. Hali, estāt faicte l'extirpation arreste le sang avec poudre rouge, sang de dragon, & blanc d'œuf. Auicēne dit, plusieurs cauteriser le lieu avec huile bouillāt apres l'excision: ce qui garde l'os de \* corruption, le sang de fluer, & en gēdre en la playe une chair & une peau ferme. A ce discours approche celuy que fait Celsus des doigts atachés ensemble. Si les doigts (dit-il,) ou de naissance, ou pour quelque ulcere faicte en iceux, sont atachés ensemble, avec un petit rasoir à deux tranchans premierement on les diuise: puis separément on enueloppe chacun d'iceux d'un emplastre qui ne soit \*

\* point gras. Par ce moyen chacun des doigts se guerit à part. S'il se faict quelque ulcere au doigt, auquel il succede une cicatrice mal gouuernee & conduicte, qui le rende courbe, prenuierement il faut essayer

\* A ceste cause Albucrasis ne veut point qu'on y touche.

\* du doigt naturel.

\* à fin qu'il ne demeure aucune asperité ou eminance du doigt superflu.

\* qui y pourroit suruenir estant alteré de l'air.

\* c'est à dire, qui n'échaufe & humecte point, ains qui desèche l'ulcere faicte du rasoir.

\* c'est vn médicament remolitif.

quelque \* malagme: & s'il ne proufite de rien, comme souvent il auient, quand la cicatrice est uieille, & les nerfs ou tendons blessez, il faut auiser si le vice est au nerf ou au tendon, ou bien en la peau. S'il est au nerf ou au tendon il n'y faut point toucher: car ce mal est incurable. S'il est en la peau, il faut trancher toute la cicatrice, qui estant dure & calleuse, ne permet qu'on estende le doigt. L'ayant par ce moyen redressé, on y fait une cicatrice nouvelle.

La maniere de cauteriser les Empyiques.

CHAP. XLIIII.

**O**N a trouué vn remede fort expediēt aux Empyiques de les cauteriser: pour quoy faire \* il faut ieter vne racine d'Aristolochie longue dans d'huile, & avec icelle leur imprimer plusieurs eschares & cauterisations, comme qui vseroit du feu actuel: l'vne \* à l'endroit où les forcelles se ioignent ensemble, en souleuant la peau contremont: deux autres petites vn peu au dessouz du menton, s'eloignant des arteres carotides: deux assez grandes au dessouz des mammelles entre la troisiēme & quatriēme coste: autres deux entre la cinquiēme & sixiēme coste, qui se destournent vn peu en derriere vers le dos: vn'autre au milieu du brichet: vn'autre au dessus de l'orifice de l'estomach: trois au derriere, assauoir vne au milieu du metapheurene, & aux deux costés d'icelle, vne, qui se rencontre au dessouz & au dessus d'icelle, sus l'eschine, & qui ne soit pas trop \* superficielle. Aucuns autres, comme dit Leonides, apres auoir marqué en l'entredeux des costes, al'endr

\* Albucrasis chap. 31. liure 2. choisit la racine d'Aristolochie fort longue, de la grosseur d'un doigt: la trempe en huile: puis l'alume au feu, & l'applique.

\* Enten vne à chaque ioincte de la forcelle avec le brichet, comme Aëce l'expose.

\* Somme 13. cauterises. Aëce en fait 15.

al'endroit où est le pus, poussent vn cautere pointu,embrase,& brulent iusques à ce qu'ilz trouuent le pus. Aucuns osent bien faire autre operation manuelle, & entre la cinquième & sixième coste ayant diuisé la peau quelque peu obliquement, font incision trauersiere sus les muscles intercostaux, puis ce faict, avec vn instrument semblable à vn caniuert, percent la membrane qui tapisse le dessouz des costes, iusques à ce que la matiere purulente se vuide. Ceux qui font cest'operation, & ceux qui avec le ferrement embrasé cauterisent iusques au profond, ou font mourir incontinent le patiét, pour la grande & soudaine euacuation de l'esprit animal qui sort avec la matiere purulente, ou font des fistules incurables.

## ANNO TATIONS.

*Aëce chap. 57. liure 4. section 2. recite ceste chirurgie en la curation des asthmaticques. Celsus liure 3. chap. 22. en la curation des tabides. Nous enregisterons en noz Commentaires le discours de l'un & de l'autre, pour rendre la chose plus claire. Quand (dit Aëce) le mal est inueteré, & tous les remedes n'ont de rien seruy, il faut uenir au cautere. Parquoy iouxte le milieu de la ioimëte des forcelles, il faut d'un costé & d'autre faire une eschare: & ce avec discretion, prenant la peau avec la main, & l'estendant contremont, à fin de ne toucher ou offencer l'artere respiratoire. Puis on en fait deux autres petites iouxte les arteres carotides du col, un peu au dessouz du menton, de chaque costé une, canterisant tant seulement la peau qui est au dessus, sans passer outre.*

oultre. On en fait encor deux autres au deffous des mamelles, entre la troisieme & quatrieme costre: & derechef autres deux uers le derriere entre la cinquieme & sixieme costre: une au milieu du brichet, & une autre semblable iouxte la racine & commencement de l'os nommé des Grecz Xiphoeide, pour la similitude qu'il a avec une dague, au dessus de l'orifice de l'estomach: outre ce, deux autres entre la huitieme & neuuieme costre, une de chaque costé: trois au derriere du dos: une au milieu d'iceluy, les deux autres en chaque partie des rouelles, un peu au deffous de l'eschare mitoyenne \* susdicte. Toutes ces eschares faictes au deffous du col doyuent estre mediocrement larges, & non trop profondes, ny trop superficielles: & faut laisser couler assez long temps les ulceres des eschares. Celsus parlant des phthisiques, Si (dit-il) le mal est plus grand, & ny la fièvre ny la toux ne cesse, & le corps se ueoit extenuer, il est de besoing user plus forts remedes. Parquoy il luy faut faire des ulceres avec un fer chaud, en un lieu sous le menton: en un autre en la gorge: en deux lieux souz chacune des mamelles: & semblablement au deffous du bout des os des espaulles, que les Grecz nomment Omoplate, de sorte qu'on ne permette les ulceres estre gueries, iusques à ce que la toux soit finie.

Du Chancre.

CHAP. XLV.

**C**Hancr est vne tumeur inegale, avec des bors eminens; hideuse à voir, tirant sus couleur liuide, douloureuse: quelque fois sans vlcere (Hippocrates \* le nôme caché) lequel s'indigne

\* Somme  
quinze can-  
cres.

\* Apher. 38.  
liure 6.

s'indigne & empire, si on le traite avec operation \* manuelle: quelquefois s'ulcere. Car estât engendré de cholere noire, quasi tousiours il est avec corrosion. Il vient en plusieurs parties du corps: mais principalement en la matrice, & mamelles des femmes: & a des veines estendues tout al'entour comme le poisson nommé chancre a les pieds: à raison dequoy ce nom luy a esté donné. Nous auons dit au quatrième \* liure la curation d'iccluy qui se fait par medicamens: & au troisième \* la curation de celuy qui vient en la matrice. Or quand les parties sont tellement pourries, ou pour le dire simplement & nuement, tellement éloignées de leur disposition naturelle, qu'il est nécessaire les extirper, il ne nous semble ny vtile, ny possible faire operation aux chancres de la matrice: mais bien aux chancres extérieurs, & principalement en ceux des mamelles, desquels nous baillerons la pratique. Aucuns avec canteres extirpent tout ce qui est superflu. Aucuns tranchent toute la mamelle, puis la cauterisent. Gallien n'y fait autre operation manuelle que l'excision, escriuant \* ce qui s'ensuit: Si tu entreprends quelquefois guerir vn chancre par operation manuelle, le commencement de ta curation soit euacuer l'humeur melancholique aduste: puis tranche alentour tout ce qui est atteint & gasté de ce mal, en sorte qu'il n'en demeure aucune racine, laissant couler le sang, & ne l'arrestant soudain, ains plustost pressant les veines circoniacentes, pour faire sortir ce qui est gros

\* non seulement avec operation manuelle, mais aussi avec remèdes trop adstringens, & trop diaphoretiques.

\* chap. 26  
\* chap. 67

\* chap. 9. liure 14. de la Methode.

est gros & terrestre d'iceluy: & en fin tu cureras l'ulcere de mesme façon que les autres. Voila ce que Galien en escrit. Les autres ulceres malignes & putrides, come les \* phagedenes, & gangrenes, & autres semblables, se traitent par mesme façon d'operation manuelle.

\* Ce sont ulceres corrosifs.

## A N N O T A T I O N S.

Galien liure des Tumeurs contre nature appelle toute humeur melancholique, aduste, ou non aduste, lie du sang: mais le diuisant plus particulierement, nous disons l'humeur melancholique non aduste, qui est la superfluité terrestre, ordinaire du sang, semblable à la lie du vin, à la crasse d'huile, & qui est enuoyee en la ratelle pour son nourrissement, & pour la repurgation de la masse sanguinaire, estre proprement dicté suc melancholique, & d'icelle se faire les scirrhes noirs: & l'humeur melancholique aduste, estre proprement nommée Cholere noire, qui se fait par adustion ou de sang, ou de la cholere iaune, ou du suc melancholic susdict. De ceste cholere noire faicte du suc melancholique, & de la cholere noire aduste simplement, se fait le chancre non ulceré: mais s'il est faict de cholere iaune fort aduste, ou bien que outre l'adustion premiere du sang & du suc melancholic, elle soit alteree par nouvelle ebullition, lors se fait le chancre ulceré. A ceste doctrine de Galien ne s'accorde ce que monsieur Acacia escrit sus les liures à Glaucon, du suc melancholic non adust estre faict le chancre non ulceré: & du suc melancholic adust estre faict le chancre ulceré: mais de la cholere noire faicte par grande & uehement adustion du suc melancholic, ou par adustion de la cholere iaune, estre faict le charbon



charbon simple: & si cest' humeur aduste deuient grandement maligne, estre faict le charbon pestilent. Car la doctrine des anciens nous monstre le chancre non ulceré estre faict de la cholere noire aduste, sans nouuelle ebullition: & le chancre ulceré estre faict de la cholere noire aduste, avec nouuelle ebullition, qui le rend d'autant plus maling, que l'ebullition est grande & uehement. Quant au charbon, il se fait d'un sang gros & bouillant, de sorte que peu s'en faut qu'il ne soit tourné en cholere noire, & toutesfoiſ n'est point encor alteré iusques là. Voyla comment il faut entendre Galien au liure de Atra bile, disant le charbon estre faict de cholere noire. De ceste mesme cholere noire meslee avec le sang qui nourrit le corps, est faicte la ladrerie, qui est comme chancre du corps uniuersel. uray est que le scirrhe noir curé induëment par medicamens chauds & humides se tourne aisément en cancer par permutation, comme le phlegmon, erysipelas, & cedeme mal gouuernez se tournent en scirrhe, & le cancer non ulceré, en cancer ulceré. Aëce de l'opinion d'Archigenes & Leonides discourt du Cäcer ce qui s'ensuit: Les tumeurs chäcreuses (dit il) sont fort souvent engendrees aux mamelles, & assaillent plus les femmes que les hommes, & principalement celles qui ont les tetins gros & charnus. Les anciens appelloient les ulcères malins, farouches & indignés, ulcères chancreux: & est ce mot pris des chancres animaux, aspres & durs, lesquels ayans empogné quelque chose avec leurs pieds faicts en tenailles ou ciseaux, ne se la laissent arracher. Les tumeurs chäcreuses sont semblablement prominentes, au toucher dures

dures & renitentes, & difficiles à traicter. L'ulcere aussi farouche, malicieux, rebelle, qui s'indigne par remedes, s'irrite & despitte par operation manuelle, est surnommé chancreux, de la nature du chancre animal farouche & maling. Les deux premieres & generales differences du chancre sont, que les uns sont ulcerex, & les autres non. Presque tous les anciens ont nommé chancres occultes ceux qui ne sont point ulcerex. Toutesfois Philoxenus a particulièrement nommé chancre occulte, celui qui est en la matrice, ou aux boyaux. Quand le chancre non ulceré se fait en la mamelle, il y apparait une grande tumeur, avec renitence au toucher, inegale, indignee comme une beste farouche, inseree fort profond, rebelle & opiniastre, estendant ses racines en long & large, comme attachee à des ueines circoniacentes, qui al'entour sont uariqueuses, & est la couleur de ceste tumeur cendree, tirant sus le rouge, aucune-fois cōme liuide. A uoir ceste tumeur on la iugeroit estre molle, neantmoins au toucher ell'est tresdure: de sorte qu'en cest endroit il ne faut pas croire à l'œil. Elle fait une douleur poignante, qui s'estend en large, de façon que par consentement souuent elle engendre sous les aixelles inflammations malignes des glandes. La douleur monte aussi quelquefois iusques au palleron & aux forcelles. Le chancre ulceré ronge assiduellement, & caue iusques au profond du membre, sans qu'on le puisse arrester, & iette une uirulence sanieuse pire que tout uenin des bestes, en grand'abondance, & d'odeur abominable: il donne aussi des douleurs poignantes, & s'irrite principalement à l'usage des medicamens & à l'operation manuelle.

manuelle. Les chancres engendrez en la poitrine sont du tout incurables, comm'aussi en la teste, au col, aux espaules, sous les aixelles, & aux cines. Car outre ce qu'on ne les peut totalement extirper, on doute du flux de sang, & que le malade pour ceste cause nemeure entre les mains du chirurgien : mais en retranchant la partie malade, aisément on guerit ceux qui saisissent le poulillon des tetins. Aux chancres de la mamelle Leonides uoit de cest operation manuelle: il couchoit le malade à la renuerse : puis au dessus du chancre il faisoit incision en la partie saine du tetin : & apres cauterisoit ce qu'il auoit incisé iusques à ce que l'eschare estant faicte arrestast le flux de sang. Ce faict il incisoit & dissequoit derechef le profond de la mamelle, cauterisant encor ce qu'il auoit incisé : faisant le mesme par plusieurs & reiterees fois, assauoir decoupât & cauterisant pour empescher le flux de sang. Car en ceste façon on euite le danger de perdre son sang. Ayant coupé diligemment tout ce qui est uitieux, derechef il cauterisoit toutes les parties du tetin iusques au uif, & au sain. Les premieres cauterisations se font pour retenir le sang: les secondes pour extirper toutes les racines de la maladie. Souuententes fois il exectoioit cest'operation sans cauteriser, assauoir quand il trouuoit en la mamelle un scirrhe monstrant apparence de se tourner en chancre, lors il suffisoit de faire excision iusques à la partie saine, n'estant aucun peril de flux de sang. Voila l'operation de Leonides, à laquelle ie n'aiousté point les remedes descripts par le mesme Aëce, qui se doyuent appliquer apres l'incision & cauterisation: car cela seroit trop long, & un chacun

les peut rechercher en l'exemplaire d'Aécé. Celsus liure 6. traite la curation du chancre suruenant aux ulceres de la bouche, & du chancre de la verge de l'homme, qui sont cures particulieres, lesquelles se reduisent à l'uniuerselle ia exposee: & à ceste raison ie n'en feray plus longue deduction, remettant aux curieux de les examiner & considerer sus les propos de l'auteur.

La maniere d'inciser les mamelles des hommes, grosses & pendantes comme aux femmes.

## CHAP. XLVI.

**L**Es mamelles s'engroissent quelque peu aux masles enuiron l'aage de puberté, aussi bien qu'aux filles: toutesfois à plusieurs elles se diminuent & rabbaissent par apres: en aucuns depuis qu'elles ont commencé, elles perseverent de croistre, par ce qu'il s'y engendre beaucoup de graisse. Or cela est vne chose laide & reprochable, comme si les masles tenoyent de la nature des femmes, & à ceste raison est necessaire y faire operation manuelle. Nous ferons donc au dessouz de la mamelle vn'incision en forme de croissant, puis écorcherons & separerons la peau, & ayant osté la graisse, ioin-drons les bords de la playe avec des poincts d'eguille. Or si par fortune à cause de la grandeur la mamelle incline contre bas, comme les tetins des femmes, en l'inferieure partie d'icelle nous ferons deux incisiōs en forme de croissant, qui se rencontreront l'une l'autre en leur extremité, de sorte que la plus grande embrassera la moindre: puis apres auoir écorché & se-  
paré

paré la peau qui est entre les deux incisiōs susdictes, & auoir osté la graisse, nous coudrons la playe, ainsi qu'a esté dict, avec poincts d'eguille. Et si par inaduertence on s'oublie iusques là, de leuer & emporter la piece de la peau, moindre qu'il n'est de besoing, nous osterons derechef ce qui est superflu, & ayant cousu la playe mettrons dessus vn médicament conuenable aux playes recentes.

## A N N O T A T I O N S.

Albucrasis chap. 47. liure 2. recitant cest'operation de mot à mot comme nostre auteur, aiouste d'auantage, que si pour l'impatience du malade, ou pour le flux de sang, on est empesché de faire excision suffisante, on doit remplir la playe de coton trempé en quelque unguent corrosif, & l'y laisser iusques à ce qu'il ayt rongé & consommé ce qui reste de gresse superflue. Il n'est besoin dire ce que l'anatomie nous enseigne, & Galien môstre chap. 22. liure 7. de l'usage des parties, les mamelles estre situees sus le premier muscle qui remue l'auanbras, entre la peau & la membrane charnue que les anatomistes vulgairement appellent Pannicule charnu: leur figure par deuant ressembler à la moytié d'une bouble, avec le pouillon au milieu, & par derriere estre autant caue & unidee que la poictrine est haute: leur substance estre de plusieurs glandules & beaucoup de gresse, avec quelques nerfs, & plusieurs ueines & arteres: les glandules d'icelles selon l'aage & necessité de nature se changer en grandeur & grosseur, ce que ne font les glandes des autres parties du corps. De ce petit sommaire nous pouuons recueillir un auertisse-

ment de consequence, qui est, que faisant ces operations il s'y faut conduire si sagement qu'on ne blesse pas le muscle sus lequel les mamelles sont plantees & assises.

La maniere de cauteriser le foye. CHAP. XLVII.

*Voy Galien  
au comment.  
de l'aph. 5. li-  
ure 6.*

*\* Olivaires.  
Albucasis  
chap. 30. liure  
I. en monstre  
vne figure.*

**S**I au foye y a absces, & le malade sent vne douleur pesante, cela monstre l'affection estre en la partie charnue d'iceluy. Si la douleur est ague & piquante, cela signifie le pus estre amassé en la tunique qui l'enveloppe. Or le faut il cauteriser en ceste maniere, Nous mettrons au feu des cauterres à \* bouton : & quand ils seront bien rouges, nous en appliquerons vn quelque peu au dessus de l'eine à l'endroit où est l'extremité du foye, avec vne seule eschare, & le pousserons de sorte qu'il perce iusques à la tunique du foye, & qu'il s'enluyue l'euacuation de la matiere purulente. Icele sortie, nous appliquerons en forme de cataplasme des lentilles broyees & meslees avec du miel : puis apres nous vsurons des remedes incarnatifs, & cicatrisatifs.

#### ANNO TATIONS.

Nostre auteur parlant icy de l'absces du foye, entend non des froids, ny de ceux qui commencent par fluxion, ains de ceux qui succedent aux phlegmons suppurés. Or la matiere purulente engendree au phlegmon du foye, quelquefois se uuide par les boyaux: quelquefois par les urines: quelquefois par la bouche, qui est la plus d'agereuse uacuation: & quelquefois descend entre le peritoine & les boyaux: auquel

auquel cas faut faire section oblique au dessus de l'eine, ou à fer froid, ou à fer chaud, & principalement si au lieu où la bouë est amassée, s'y mostre quelque eminance, comme Aëce a bien noté. Hippocrates au liure des internes affections recite pour remede d'une tumeur du foye, faicte par collection d'humeur bilieuse grosse, cauteriser le flanc dextre avec des fuseaux de bouys, trempez en huile bouillant, ou avec huit champignons embrasés: mais cela est pour faire diuersion de l'humeur au dehors, & non pour euacuer la fange amassée dans un' inflammation suppuree. Albucrasis recite un'autre industrie de cauteriser le foye trop froid & humide, ou tourmenté de grosses uentousités: laquelle chacun pourra uoir au chap. 29. de son premier liure.

La maniere de cauteriser la ratelle.

## CHAP. XLVIII.

**O**N souleue la peau couchée sus la ratelle avec des crochets: puis avec vn cautere long, tout rouge & embrasé, on la cauterise & perce de part en part, de sorte que d'un coup on face deux eschares. Cela fait-on trois foys, en maniere qu'il y ayt six eschares. Marcellus en ceste operation vsoit d'un cautere à trois fourchons, que les Grecz nomment *τετρακων* ou *τετρακων* *ἑσ* pour faire d'une empaincte seule lesdictes six eschares.

## ANNOTATIONS.

Ceste cauterisation se fait en un scirrhe de la ratelle, quand tous les autres remedes conuenables, prins interieurement, & appliqués exterieurement n'ont de rien proufité. Albucrasis chap. 32. liure 2.

fait coucher le malade à la renuerse, puis al'endroiſt du flanc ſeneſtre où donne l'extremité du coude gauche, ſuyuant la longueur de la ſituation de la ratelle, il applique trois ou quatre cauterres oliuaires: diſtans l'un de l'autre de la groſſeur d'un doigt, ou quelque peu plus. Il recite auſſi la cauteriſation mentionnee de noſtre auteur, avec un cautere à deux boutons, & avec un cautere à trois, adnotant de plus que noſtre auteur n'eſcrit, que la peau doit eſtre ſouleuee ſelon la largeur du corps, à fin que les cauterres tombent & percent en la longueur d'iceluy: & qu'il faut laiſſer ieter fort longuement les ulceres faiſtes du cautere. Aëce commande ſagement que ceſte operation ſe face apres auoir euacué le corps par ſaignee & purgation. Car, ueu que les rateleux ſont touſiours réplis de mauuaiſes humeurs, ſi le corps n'eſtoit purgé au par- auant de ceſt' operation, l'eſchare tombee les ulceres ſe feroient malins & mal-aiſez à guerir. Outre ce non ſeulement il employe à ceſt' operation le ſer chaud, mais auſſi le ruptoire. Hippocrates au liure des affectionſ interieures, recite cinq maladies de la ratelle, qui ſont toutes tumeurs d'icelle, & en chacune louë la cauteriſatiō faiſte avec dix champignons embrafez.

La maniere de cauteriſer l'eſtomach.

CHAP. XLIX.

**L**Es medecins modernes vſent de cauteriſer, quand vn rheume inueteré de long temps flue ſus l'eſtomach. Les vns d'entr'eux ſont trois eſchares avec deux cauterres à \* bouton, la premiere ſus la chartilage xiphoeide: les deux autres plus bas, en forme triangulaire. La profondeur

\* Oliuaires.  
Albucraſis  
les nomme clauaires.



fondeur des eschares doit estre autant que l'epaisseur de toute la peau. Les autres medecins ne font qu'une eschare bien grande al'endroit de l'orifice de l'estomach. Les autres ne font point ces cauterisations avec ferremens, ains avec ce qu'ils nomment Iscas. Iscæ sont ces corps spongieux qui naissent aux chênes & noyers, desquels les Barbares se seruent plus que nous. Quand les vlceres sont faictes par ce moyen, ils les entretiennent longuement sans permettre qu'elles se ferment ou cicatrisent, voire & quelque fois les augmentent, à fin que se faisant grande vacuation & resolution par là, l'orifice de l'estomach ne soit vexé du rheume.

## A N N O T A T I O N S.

Albucrasis pour faire cest'operation fait coucher le malade à la renuerse, les bras & les iambes estendues: nous auisant, si on fait trois eschares, les éloigner tant l'une de l'autre, que quand elles rendront matiere purulente, elles ne se ioignent point ensemble: & ne veut les cauterer estre profundes & chasser plus bas que les deux tiers de l'epaisseur de la peau, ce qu'on peut limiter par une uraysemblable & artificieuse coniecture. Luy mesme veut, & commande, si le malade refuse d'endurer les cauterer susdicts, qu'on le cauterise avec un punctuel en la region de l'orifice de l'estomach: combien que la figure representee en l'exemplaire d'Albucrasis, du cautere propre à executer cest'operation, monstre un cautere cultellaire, & non punctuel.

\* chap. 48.

**A**V troisième \* liure nous auons declaré la nature & generation de l'Hydropisie, que les Grecz nomment Hydropen, & Hyderon, combien de differences ell'a, de quelles causes ell'est engendree, & par quels medemens elle doit estre traittee: & discourant de ces choses auons monstré la seule espece d'hydropisie nommee Ascites, estre suiecté à manuelle operation, laquelle maintenant nous exposerons. Premièrement nous ferôs tenir le patient tout droict, & s'il ne luy est possible demeurer debout, le ferons asséoir: & s'il ne peut temporiser assis, le voyans iusques là debile & foible, nous n'entreprendrôs l'operatiô. Quand donc il sera debout, nous commanderons aux seruiteurs qui seront derriere luy, presser son ventre avec les mains, & pousser l'enfleure contrebas vers le penil: & lors prenans vne lancete, ou vn caniuet faict exprellémét pour cela, si l'hydropisie est venue par le vice des boyaux & parties \* coherentes, nous inciserons iusques au peritoine l'inferieure partie du ventre dicté Hypogastrion, trois doigts au dessouz du nombril, & droictement en ligne perpendiculaire d'iceluy. Mais si l'hydropisie procede premicrement & principalement du vice du foye, nous ferons l'incision en la partie fenestre du nombril: & si elle procede du vice de la rate, nous la ferons en la partie dextre: car la partie sus laquelle le patient se<sup>b</sup> couche, & repose,

\* comme le peritoine: l'epiploon: le mesenteré.

pose, ne doit estre incisée. L'incision faicte, avec la poincte de l'instrument, nous écorchons & separons la peau qui est au dessus, puis vn peu au dessus de la premiere playe, nous incisons le peritoine, poullans l'instrumēt iusques à ce qu'il entre au vuide du ventre: & ce faict nous ietons à trauers la playe de l'epigastre & du peritoine vne canule de leton, trachée comme vne plume à escrire, & par icelle tirons l'aquosité, reglans & modera s cest euacuation,

\* à la vertu du malade qui se cognoist en touchant le pous. Estant vuidee l'aquosité suffisamment pour vn coup, nous retirons la canule, & empêchons l'humeur de sortir, qui soudain est retenu, & arresté, par ce que l'incision du peritoine n'est pas faicte au droict de l'incision \* de l'epigastre. Mais pour nous asséurer mieux, nous metons vne tente de drapeau entortillé dedans l'incision de l'epigastre seulement: puis faisons coucher le malade: fortifiant la vertu, iusques au lendemain, que derechef nous euacuons l'aquosité avec ladicte canule, proportionnant comme dessus l'euacuation à la vertu: & ainsi suyauamment nous continuons d'euacuer, iusques à ce qu'il en reste fort petite quantité, nous gardant tousiours de faire vne soudaine & abondante euacuation. Car, certes, plusieurs qui indiscretémēt l'ont faicte, en euacuant les esprits avec l'aquosité, soudainement ont tué les malades. Ceux qui veulent iouer encor au plus seur, euacuent seulemēt par l'opération manuelle quelque peu de l'humeur, assa-

\* Ce precepte est conforme à l'aphorisme 27. liure 6.

\* & ainsi l'epigastre couure & bouche la playe du peritoine.

\* Enterrât le patient dedans : car le sable marin & de rivière se jettent l'eau des hydropiques, comme dit Galien livre 9. des Simpl. parlant de la Marchasite.

\* Ceste façon d'exposer les malades au soleil, pour resoudre & digérer la superflue humidité de leurs corps, se nommoit des anciens ἀλιωμός, & ἀλιωσις : & à icelle est semblable ce qu'ils nommoient ἀγνισμός, qui est resoudre le corps des malades entre deux feux, comme aucuns pour un temps ont fait engresant les ventrés.

voir tant que la vertu soit allégée du faix qui la greuoit, & le reste consommé, euacué & résolu par medicamens qui purgent les aquositez par le \* sable, par le \* soleil, par soif, par viandes desiccatiues. D'auantage ils appliquent cinq cauterés, pour faire cinq eschares sus l'estomach, sus le foye, sus la rate, sus le bas du ventre, nommé des Grecs Hypogastre, sus le nombril. Aucuns font ces cauterisations avec des ferremens gresles & subtils : les autres avec les champignons des arbres<sup>d</sup>, que cy dessus auons dit estre nommez Ischas, ou avec quelque autre chose telle : & certes plusieurs ont esté guéris heureusement par ceste procédure, sans que du tout on leur ayt percé le ventre.

#### ANNOTATIONS.

<sup>a</sup> L'auteur veut qu'on presse la tumeur contre-bas, à fin que l'aquosité poussée, là où sa naturelle pesanteur la fait incliner sorte plus facilement par la playe : & aussi par ce que si l'humour remontoit vers le diaphragme quand on fait l'opération, ou elle empêcheroit la respiration du malade, ou elle le provoqueroit à toussir, qui seroit cause de faire saillir la main du chirurgien, pour donner plus haut ou plus bas qu'il n'est de besoin, quand il incise.

<sup>b</sup> L'auteur commande l'incision estre faite en la partie opposée de celle d'où procède l'origine du mal : & cela par ce que le patient doit se reposer sur le flanc où est la source du vice : car se couchant autrement l'entraille scirrheuse & endurcie avec sa pesanteur

pesanteur pendroit contrebas, & faisant solution de continuité causeroit douleur. D'auantage l'entaille scirrheuse quand le patient est couché dessus, est aidée, recreée, & fortifiée de la chaleur que le liêt luy rend. Outre ce, si le patient reposoit sur le flanc incisé, la douleur de la playe l'affligeroit grandement: & l'aquosité renuersee sus l'ouuerture sortiroit & distilleroit continuellement, dont s'ensuyuroit grande prostration de la uertu. Quelques uns donnent aussi ceste raison que le flanc ia debile pour l'affection de l'entaille scirrheuse, ne doit point estre affoibli & uexé d'auantage par l'incision.

On fait l'incision à deux fois, à fin que l'epigastre se presentant au deuant de la playe du peritoine l'estoupe, & empesche l'aquosité de sortir. Pour executer cela dextrement, il faut apres l'incision premiere faicte en l'epigastre, le haucer & tirer contremontrant avec la main, puis inciser le peritoine. Car lâchant l'epigastre, en deualant, il bouche l'ouuerture du peritoine. L'anatomie nous enseigne l'incision des muscles de l'epigastre deuoir se faire en leur partie charnue, & non en leurs extremités nerveuses, lesquelles bleesées apportent griesues douleurs, fieures, cōuulsions, alienation de sens, & en fin la mort: outre que quād bien ces accidens n'y suruiendroyēt, plus difficilement elles se consolident que la substance charnue.

Les anciens ont cauterisé en diuerses manieres: premierement avec le fer chaud, qu'Aurelianus ueut tousiours estre faict en forme de Gāma maiusculle Γ. c'est à dire oliuaire: secondement avec le caustique ou ruptoire:

ruptoire : tiercement avec l'huile bouillant , comme cy-dessus a esté dict : quartement avec quelque racine trempée en huile , puis allumée au feu , & appliquée sus le membre : Hippocrates comm'a esté dict cy dessus chap. 47. use des fuseaux de bouys. en cela use nostre auteur de la racine \* d'aristolochie longue , & Cælius Aurelianus chap. 1. liure 5. de morbis diuturnis , de la racine de struthium : quintement avec des champignons d'arbre : nostre auteur les nomme Isca. Cornarius en Aëce chap. 89. liure 3. section 2. traduit mal à propos la moelle de l'arbre du noyer. La façon estoit , comme dit l'auteur susallegué , qu'ilz prenoyent un morceau de champignon de noyer , ou autre semblable , bien sec , & l'aguisoyent d'un costé & d'autre pour le faire estroict par dessus & par dessous : puis l'ayant plaqué par un bout sus le membre , mettoient le feu par l'autre , qui petit à petit consommât le champignon , cauterisoit. Les Turcs aujourdhuy par mesme industrie appliquent un sarment de uigne bien sec , & mettent le feu en l'autre bout : mais ces deux manieres semblent plus propres à faire sortir des uescies & ampoules , qu'à faire eschare. Pour ce mesme ils usoyent encor de ceste inuention , ils ietoient sus le membre un drapeau mis en double , mouillé d'eau : & par dessus iceluy , une piece de quelque ais fort delié , comme est celuy duquel sont faites les petites boetes des apothicaires. Aurelianus l'appelle Tabulam tiliarem , presupposant qu'elle soit de Teil : mais lesdictes boetes sont de pin ou sapin , qui est un meilleur bois pour ceste intention , à cause de sa graisse & resine : puis ils appliquoyent dessus ladicte piece de bois , une racine de struthium trempée en huile , & allumée ,

alume, par trois ou quatre fois, iusques à ce qu'à tra-  
 uers du bois & du drapeau, ils eussent cauterisé, &  
 que le bois & le drapeau reduits en charbõ, eussent  
 fait sortir les uescies. Ceste façon estoit moins dou-  
 loureuse, par ce que le drapeau mouillé mitiguoit  
 quelque peu l'ardeur du feu. Aurelianus en ce mesme  
 passage décrit quelques autres façons de uescica-  
 toires, & trois subtiles inuentions de phœnigmes,  
 l'un avec le sel, & deux avec l'huile, lesquelz pour  
 maintenant ie ne reciteray, le remettant à quelque  
 meilleure occasion. Albucrasis chap. 33. liure 1. en  
 la curation de l'hydropisie qui se fait par cauteris,  
 n'en applique point seulement cinq, comme nostre au-  
 teur, ains neuf: sauoir quatre à l'entour du nombril:  
 un sus l'estomach: un sus le foye: un sus la ratelle: &  
 deux au derriere du dos pres des rouelles: l'un d'i-  
 ceux au droit de la poitrine: l'autre au droit de l'e-  
 stomach: profondant le fer aussi auant que la peau est  
 épaisse. Les cauteres qu'on applique sus le uentre,  
 comme nommément il le cõmande, doyuent estre cla-  
 uaires: \* & ceux qu'on applique sus le dos, oliuai-  
 res. Outre ce, quand les iambes sont enfles & œdema-  
 teuses, il applique sus l'auanpié, entre le petit doigt  
 & son uoisin, un cautere: & en la iambe deux, avec  
 l'extrémité d'un cultellaire: l'un au dessouz du ge-  
 noil, & l'autre enuiron le milieu de la iambe: puis  
 deux autres en chaque cuisse: laissant couler longue-  
 ment les ulceres ouuertes. Celsus traite de l'incision  
 du uentre, comme s'ensuit, En autre \* lieu (dit-il) \* chap. 21. li-  
 nous auons escrit, que l'eau des hydropiques doit ure 3.  
 estre tirée dehors: maintenant nous declarerons en  
 quelle maniere cela se fait. Aucuns ouurent le uentre,  
 quatre

\* faits cõme  
 vne teste de  
 clou.

\* Presuppou-  
sans tousiours  
cette maladie  
estre faicte  
d'un scirrhe  
du foye.

• le peritoine.

\* car y entrât  
on ne le pour-  
roit pas retirer  
sans grande  
peine.

\* L'hémine  
des choses li-  
guides, comme  
vin & eau,  
pese dix on-  
ces.

\* sans laisser  
sente en la  
playe.

\* Aurelia-  
nus y applique  
un drapreau  
mouillé en  
eau, & par  
dessus un'espô-  
ge seche.

quatre doigts au dessous du nombril, au flanc \* gau-  
che: aucuns ouurent le nombril mesme. Aucuns cau-  
terisent premierement la peau, puis incisent tout l'e-  
pigastre iusques à l'interieure capacité du uentre:  
par ce que la diuision faicte du feu se consolide moins  
tost. En poussant le ferrement il se faut bien donner  
garde de ne couper quelque ueine, le ferrement doit  
auoir de largeur en sa pointe, presque la troisième  
partie d'un doigt: & le faut pousser de sorte qu'il pe-  
netre & perce outre la \* membrane: puis là où la  
substance charnue des muscles se termine en l'inte-  
rieure partie, on iette un canon de plomb, ou de le-  
ton, qui ayt le bord recourbé & renuersé en dehors,  
ou qui au milieu de sa longueur ayt un bouton & ar-  
rest, à fin qu'il ne puisse pas tout entrer \* dedans: &  
doit estre la partie du canon qui plonge dedans plus  
longue que celle qui demeure dehors, à fin qu'elle ou-  
trepasse la membrane interieure du peritoine. Par ce  
canon on uuide l'aquosité: & en ayant sorti la plus  
grande part, avec une tente de drapreau on bouche la  
fente, laissant ladicte tente en la playe, quand on n'a  
rien cauterisé. Les iours suyans on tire de l'aquosité  
à chaque \* hémine, iusques à ce qu'il n'apparoisse  
plus aucune trace de l'humidité aqueuse. Aucuns, cō-  
bien qu'ils n'ayent rien cauterisé, retirent incontinct  
\* le canon, & lient sus la playe une esponge mouil-  
lée \* & pressée: puis le iour suyuant mettent der-  
chef le canon, auquel la playe recente s'elargissant  
quelque peu, donne entree pour euacuer ce qui pour-  
roit y rester d'aquosité, se contentans de faire cela  
par deux fois. Aurelianus chap. 8. liure 3. recite  
une tresbelle dispute entre Euenor, Erasistratus, &  
Thessalus



Theſſalus qui du tout reprouuoient l'incifion dicté des Grecz *χαρὰνιστος*, & Themison, Soranus, Asclepiades qui l'approuuoient, avec les obiections d'une part, & les reſponces & conſutations de l'autre. Je remets le curieux lecteur à uoir le tout ſus le paſſage allegué. Aëce d'Asclepiades, Leonides, Hippocrates, & Archigenes eſcrit ce qui ſ'enſuit, Le plus excellent & ſouuerain remede, en ceſt eſſe-  
 ce \* d'hydropiſie (dit-il) teſmoing Asclepiades, eſt l'operation \* manuelle: mais outre cela il faut faire des ſcarifications pres de la cheuille interieure, qua-  
 tre doizts au deſſus d'icelle, auſſi profondes, comme on incife la ueine. Car eſtant ſorti un peu de ſang au commencement, par apres l'aquofité en ſort conti-  
 nuellement ſans aucune inflammation, de ſorte que les ſcarifications ne ſe peuuent clorre, que tout l hu-  
 meur ne ſoit uuidé, & le patient deſenſlé, ce qui ſe fait en peu de temps, ſans qu'il ſuruienne inflamma-  
 tion aux ſcarifications, ains elles demeurent en leur  
 \* temperature naturelle, & par icelles eſt uidee toute l'humidité uitieuſe, de façon que n'auôs beſoing des remedes externes. D'auantage il ne faut craindre aucun danger, comme quand on perce le uentre en l'hydropiſie aſcites: car on ne tire point l'aquofité a-  
 bondamment tout d'un coup, comme en icelle: & ſi quelqu'un apres auoir tiré beaucoup d'humidité, ueut la retenir, on peut boucher les ſcarifications avec de charpie, & les ſerrer avec bendage: & quand nous uoudrons en faire ſortir derechef, deſaire le benda-  
 ge, oſter la charpie, & prouoquer l'euacuation en pourmenant le malade à pié, ou en coche. Or ſi l'euacuation par les parties prochaines de la cheuille ſe

\* En aſcites.  
 \* d'ouurir le  
 ventre.

\* Toutesſois  
 Hippo.aphor.  
 8. liure 6. dit  
 les vlcères des  
 hydropiques  
 eſtre mal ai-  
 ſées à guerir,  
 à cauſe de l'im-  
 temperature  
 humide, cōme  
 Galien expo-  
 ſe: mais cela ſe  
 peut entendre  
 des vlcères fai-  
 tes par cauſa  
 interne.

fait

fait petitement & lentement, Leonides ueut qu'on scarifie les autres parties du corps comme la bourse, des testicules enflée, les cuisses, les parties honteuses, le bragal au dessus de la iointe des mains. Par ce moyen avec plusieurs scarifications, & profondes, aucuns ont euacué tresgrande quantité d'eau Hippocrates ne fait point ces scarifications au dessus des cheuilles, ains en la bourse des testicules, & aux cuisses: & ueut qu'on les frote fort avec du sel: car par ce moyen petit à petit, & continuellement, il assèche l'aquosité estre euacuee, & que l'enfleure incontinent s'abbaisse. Or si nous uoulons quelquefois solliciter & prouoquer l'euacuation d'auantage, ayant fait les scarifications au dessus des cheuilles, au lieu de les faire cheminer, nous les pourmenons en liètiere ou en coche. Sur ce point Archigenes dit: Il ne faut pas croire ceux qui afferment, que par ces scarifications ne se fait euacuation aucune, ains les faut faire avec bonne esperance: car par le moyen d'icelles souuent nous auons tiré grande quantité d'humcur, de sorte que les iambes, les cuisses, & la superieure partie du uentre manifestement s'abbaissoient, & desensfloyent. Voyla les paroles d'Aëce. Quant à Hippocrates, ie trouue qu'au liure de locis in homine il commande, si les enfans sont hydropiques, de scarifier les parties tumides & pleines d'eau, pour tirer l'humcur peu & souuent: que cela se face en chacune partie du corps, appliquant dessus des fomentations, & tenant tousiours les playes d'où est sortie l'aquosité, ouuertes avec quelque médicament chaud, c'est à dire mordicatif & acre. Luy mesme liure sixième des Epidemies escrit:

Il faut

Il faut soudain ouurir le uentre des hydropiques, cōme aussi cauteriser les phthisiques, leur inciser la teste, & faire autres telles operatiōs. On ne doit toucher au penildes hydropiques, ny aux parties internes de leur corps. Car cela est fort semblable aux genoux & c. Ceste derniere particule est obscure: & n'auons les Commentaires de Galien qui la nous exposent. Il semble, Hippocrates defendre que l'incision aux hydropiques ne se face en l'aponeurose des muscles de l'epigastre, par ce qu'il y suruiendrait douleur, inflammation, conuulsion, & autres mauuais accidens, comme ordinairement il suruient aux playes des genoux, & autres parties semblables de nostre corps, qui sont enuironnees & couuertes de tendons & aponeuroses. Car l'anatomie nous monstre le genoil estre enueloupé & circui de l'aponeurose du sixième, septième, huitième & neuuème muscle de la iambe.

De la tumeur du nombril.

CHAP. LI.

**L**A tumeur du nombril se fait quelquefois estant rompu le peritoine, & à ceste cause tōbee la coiffe, ou le boyau: quelquefois d'une aquosité superflue, qui s'épand au dessouz du nombril: quelquefois d'une carnosité engédree au dessouz: quelquefois par effusion de sang, estant rompue quelque veine ou artere, cōme aux aneurysmes: quelquefois non par effusion de sang, ains seulement d'esprit. Si la coiffe sort dehors, la tumeur est de semblable couleur à la peau, molle au toucher, inégale, & sans douleur. Si le boyau se iette dehors, outre les signes

\* Les autres exposent, ou quand en retenant son aleine, il est tend fort le ventre, exposans d'ailleurs ce que peu apres il dit ouvrier. Albucasis suit la premiere exposition. \* pesante, dure, & demeurera &c. Albucasis.

\* de soye. Albucasis.

susdicts, la tumeur est plus inegale, & quand on la foule du doigt, elle se perd & s'euanouit, & quelquefois bruit, & s'augmente; quand le malade se baigne aux estuues; ou quand \* il fait quelque travail avec grande extension de sa personne, & de ses membres. Si la tumeur est faicte d'humidité espandue, ell'est semblablement molle, mais elle n'obeit pas quand on la presse, & ne diminue ny augmente. Si la tumeur est faicte d'effusion de sang, outre les signes susdicts elle se monstre plus liuide: si ell'est faicte d'une substance charnue engendree par dessous, elle sera plus \* dure, de plus grande resistance, & demeurera tousiours en mesme grandeur: si elle est faicte de ventosité, elle sera molle: la frappant elle sonnera & bruira: & la pressant elle s'euanouira. La maniere d'y proceder par operation manuelle est, faisant tenir le patient debout nous luy commandons estendre son ventre en retenant son aleine: puis avec de l'encre nous marquons en rond toute l'enleueure du nombril: ce faict nous le posons à la renuersé, & avec vn rasoir à deux trachans nous incisons en circuit la tumeur, suyuant la marque faicte, & souleuans ce qui est compris au milieu avec vn crochet, nous ietons alentour de l'incision vne fiscelle de lin, ou vne corde \* de boyau, la nouant à las ou anse; par ce moyen on retient si ferme ce qu'on lie, qu'il n'echappe point. En apres nous ouurons la sommité de la tumeur serree, & ietant dedans le doigt indice, cherchons curieusement, si nous auons

auôs point serié quelque reuolution du boyau, ou quelque partie de la coiffe. Si le boyau se trouue enfermê, nous lachons le las de la fîscelle, & le repoussons en dedans. S'il s'y trouue quelque portion de la coiffe, nous la tirons dehors & tranchons ce qui est de superflu : & s'il se<sup>a</sup> rencontre quelque vaisseau, comme il est vraysemblable qu'on en trouue, nous le serrôs d'une fîscelle. Puis nous prenons deux eguilles, chacune enfilee d'un fil double, & les passons en forme de \* sautoir, ou de croix saint André, par l'incision faicte alentour : & coupât le las ou anse desdicts fils, comme auons dit en la curation de l'aneurysme, nous serrons la tumeur avec leurs quatre chefz. Quand la partie liée sera pourrie & cheute, nous y appliquerôs les oignemens conuenables, essayans tousiours de faire, que la cicatrice soit fort caue & \* enfoncée. Voyla la maniere d'y proceder, quand le boyau, ou la coiffe du ventre font ceste tumeur : mais si ell'est causée d'une carnosité, ou d'humidité superflue, ou de sang, nous osons en rond le milieu de la tumeur, & tirons ce qui est amassé au nombril, hors du peritoine, puis curons la playe avec medicamens sarcotiques. Si la tumeur est faicte par \* aneurysme, ou effusion d'esprit, nous n'y mettrons point la main, \* ainsi que i'ay commandé au chapitre des aneurysmes.

\* Les Grecs disent en forme de Chi, X.

\* à fin d'estomper mieux le rond du nombril.

\* ruption d'artere.

\* Albucasis interprète ainsi ce peritonde, cōbien que le texte Grec puisse recevoir quelque autre exposition, qui seroit : la main, nō plus qu'aux autres aneurysmes.

## ANNOTATIONS..

<sup>a</sup> Galien chap. 4. liure 6. de la Methode, monstre la coiffe du uentre estre composee d'une mem-

brane subtile, qu'on iugeroit à la ueuë estre nerueuse, entretissue de plusieurs ueines & arteres, subtiles & petites, mais procedantes des grosses: nous enseignant quand elle sort dehors, & pour cest occasion est alteree de l'air, trancher ce qui est alteré & noirci, liant toutes fois au dessus de ce que voulons couper, pour empescher le flux de sang: & c'est ce que nostre auteur dit en passant. Celsus parlant de ceste maladie, dit en somme les mesme choses que nostre auteur, mais pource qu'il les traite d'autre maniere, il ne sera hors de propos aiouster ce qu'il en escrit. Au nombril (dit il) se font plusieurs uitieuses dispositions, & d'icelles, pource qu'elles sont rares, les auteurs de medicine parlent differemment: & certes il est croyable chacun d'iceux auoir omis ce qu'il ne cognoissoit pas, & nul d'iceux n'auoir feint ou mensongerement controuué ce qu'il n'auoit point ueu. Neantmoins tous font mention de la tumeur & prominance du nombril, qui est laide & de mauuaise grace. Quant aux causes, on les recherche en diuerse maniere. Mege en allegue trois, ou que le boyau sort en dehors, ou la coiffe, ou qu'il y a quelque accumulation d'eau. Sostratus ne dit rien de la coiffe, mais outre les deux \* autres causes recite une troisieme, qui est un accroissement de chair en ce lieu-là, laquelle tantost est saine & entiere, & tantost semblable à un chancre. Gorgias aussi ne fait aucune mention de la coiffe, mais ayant proposé les trois autres \* causes, dit en outre, que aucunes fois ceste tumeur se fait par irruption d'esprits & uentosité. Hieron met en auant toutes ces \* quatre causes, puis fait mention de la coiffe, & du boyau sortant ensemble avec la coiffe.

\* Le boyau  
& l'aquosité.

\* le boyau,  
l'eau, la chair.

\* le boyau,  
l'eau, la chair,  
l'esprit.

coiffe. On cognoist & discerne chacune de ces causes par les signes qui s'ensuyuent: Si le boyau sort, la tumeur n'est ny dure ny molle, elle se diminue tousiours au \* froid: elle croist tousiours en la chaleur, & quand on retient son aleine. Quelquefois elle fait bruit, & si le patient se couche à la renuerse, comme le boyau entre & descend au uentre, la tumeur s'abaisse. Si la coiffe sort, ces mesme signes s'y trouuent: la tumeur est plus molle, & au bas \* large: & si on la presse, la coiffe glisse \* dans le uentre. Si le boyau & la coiffe sortent ensemble, les signes sont meslez, & la tumeur a moyenne durté entre les deux especes susdictes. La carnosité est plus dure, & tousiours demeure grosse & tumide, encor que le patient se mette à la renuerse: n'obeit point quand on la presse, comme fait ceste tumeur engendree des autres causes susdictes. Si ceste carnosité est \* uitieuse, elle a les mesme signes du chancre que nous auons recités. Si la cause de ceste tumeur est une humidité, la pressant, elle s'epand à l'entour ça & là. Si c'est uentosité ou esprit, la pressant elle obeit, & se pert: mais incontinent elle retourne: & iasoit que le malade se couche à la renuerse, la tumeur demeure tousiours en mesme figure. De ces differences, la tumeur faicte d'esprit, ne reçoit curation. Si ceste tumeur est produicte de carnosité semblable à un chancre, il est dangereux de la uouloir \* curer: & pource n'y touchons point. Si la chair est saine, il la faut couper, & guerir la playe avec oignemens propres. Si l'humidité est cause, on la uuide en incisant la summité de la tumeur: puis on guerit la playe avec oignemens conuenables. Quant aux autres causes, les opinions des medecins sont di-

\* qui reserre  
l'ouuerture du  
nombril.

\* Ce passage  
est fort depra-  
ué en noz  
exemplaires.  
\* par mesme  
raison que cela  
se fait en la  
relaxation,  
nommée des  
Grecz Epi-  
plocele.

\* Si elle tient  
de la nature  
du chancre.

\* par chirur-  
gie, ou par me-  
dicamens sortis.

uerses. Soit que le boyau sorte, ou la coiffe, la nature du mal nous monstre que le patient doit estre couché & situé à la renuersé, pour les faire retourner dans le uentre. Ce faict on embrasse la cavitè du nombril, qui lors est unide, avec deux reigles ou liteaux de bois, & serrant fort les extremités d'icelles, on fait mourir & flaistrir la partie. Aucuns passent par le bas de la tumeur une eguille enfilee d'un fil double: puis serrent ça & là les parties de ladicte tumeur avec les chefs de l'un & l'autre fil, comme il se fait aussi en la maladie de l'œil nommee \* Vua. Car en ceste façon ce qui est au dessus de l'attache & filet, meurt. Quelques uns adoustant à cest' operation, avant qu'on lie & serre la partie, qu'avec une taillade on incise, puis on tranche la sommité de la tumeur, à fin que plus facilement en y metant le doigt on repousse dans le uentre ce qui en \* est sorty, puis que lors on serre le fil: mais il suffit commander au patient retenir son aleine, à fin que la tumeur se presente aussi grande qu'elle peut estre, puis marquer la racine de sa base avec de l'encre, & auoir couché le patient sus le dos, la presser des doigts, pour avec la main contenir en sa place ce qui ne sera point encor sorty dehors: en apres tirer contremont le nombril, & al'endroit où est la marque de l'encre, le serrer fort avec un fil de lin: puis cauteriser sa partie supérieure ou d'un ferrement chaud, ou par medicamens caustiques, & au reste curer l'ulcere, comme les autres. Cest' operation proufite, non seulement quand le boyau sort, ou la coiffe, ou tous deux ensemble: mais aussi quand il y a de l'humidité. Or à fin qu'il ne suruienne aucun dâger pour lier le nombril, il faut auoir certains



certains respects & considerations. Les enfans, ceux qui sont en uigueur & fleur de leur aage, les uieux hommes ne sont disposez à souffrir ceste operation, ains ceux qui sont entre le septième & quatorzième an. Outre ce, il faut que le corps du patient soit sain. car s'il est mal habitué, plein d'ampoules & de darts, il ne la comportera pas. Les tumeurs petites sont plus aisées à guérir: les fort grandes sont dangereuses. En hyuer & en automne ceste operation ne se doit executer. Le printemps est fort propre à cela. Le commencement de l'esté n'y est aussi mauvais. D'avantage, le patient ne doit rien manger ny boyre le iour precedant de l'operation: & encor cela n'est assez. Il luy faut solliciter le \* uentre, à fin que plus aisément ce qui est sorty par le nombril, retourne dans le uentre.

\* Parclyste.  
re, ou purga-  
tion.

Des playes du peritoine avec sortie du boyau, ou de la coiffe: la maniere de coudre le ventre, que les Grecz nomment Gastrorrhaphie, selon

\* Galien.

CHAP. LII.

\* chap. 5. li-  
ure 6. de la  
Methode.

**D**iscourons suyauamment l'industrie pour bien traiter & gouverner les playes du peritoine. Si la naureure est tant estroicte & petite que le boyau sorti & enflé ne se puisse retirer pour rentrer dedans, il est necessaire ou euaer la ventosité, ou élargir la playe. Le premier moyen, à mon auis, est le meilleur, estant possible d'y paruenir. Or est-il plus facile d'en venir à bout, si cognoissant la cause qui enflé le boyau, on la supprime & oste. Qui est donc la cause? Certes la refrigeration de l'air qui nous environne. Parquoy la curation est de

\* *Albucasis* trouue bon qu'on face bouillir dedans de *spica, cyperus, schœnathum*. Apres ceste fomentation, & celle de vin il commande aussi qu'on humecte le boyau, avec la decoction de malue, & qui manue.

\* Ce periode manquoit en nos exemplaires: se l'ay restitué du texte de Galien.

\* Ceste sentence se lit vn peu autrement en Galien, qu'en nostre auteur.

l'echauffer: & à ces fins nous trempōs vn'esponge molle en eau \* chaude, puis la pressons, & en rechaufons le boyau: ce pendant on prepare du vin rude, chaud: car il echaufe plus, que l'eau, & fortifie le boyau. Ayant vsé ces remedes, si le boyau demeure encor dehors, & ne desenfle point, il faut autant inciser le peritoine, qu'il est necessaire pour remettre ce qui est sorti, & à ce faire sont propres les lancetes cachees dans vn canon droict, que les Grecz nomment *ὀρθή* \* *οὐρηγοτόμα*: & se faut \* garder curieusement de n'employer à cela les instrumens qui tranchent des deux costez, ou qui sont pointus au bout. La situation conuenable du patient est, si la playe se rencontre aux parties inferieures, le souleuer contremont: si aux parties superieures, le faire pendre contrebas: si la playe est au \* flanc dextre, le faire coucher sus le fenestre: si ell'est au fenestre, le faire coucher sus le dextre. Ces preceptes sont cōmuns aux grandes & petites playes. Quant à la repōsition des boyaux en leur propre lieu, s'il est question de la faire en vne grande playe ell'a besoin d'vn seruiteur dextre & habile. Car il faut qu'avec les mains par dehors comprenant toute la playe, il la pousse & serre en dedans, decouvrant souuent vn peu d'icelle au maistre qui coust: puis serrant & comprimant doucement ce qui est ia cousu, iusques à ce que la cousture soit du tout acheuee. Disons consequemment en quelle maniere se doit faire la gastrorraphie, ou cousture du vêtre. Puis qu'il est necessaire

cessaire ioin dre l'epigastre avec le peritoine, il faut commencer de la peau, tirant l'eguille du dehors au dedans. A yant outrepasé la peau & tout le muscle droict, sans \* toucher au prochain peritoine, nous la menós du dedaus \* en dehors premierement à trauers du peritoine, puis à trauers de l'epigastre, opposites. Quand l'eguille sera du tout ietée dehors, \* derechef nous la tirerons du dehors en dedans, perçans l'epigastre de ce costé, sans toucher au peritoine prochain, puis \* venans au peritoine opposite, la menerons du dedans au dehors à trauers d'iceluy, & de tout l'epigastre contigu: puis derechef \* continuerons à faire le semblable, iusques à ce que toute la playe soit cousue. La distance entre les poincts, pour serrer fermement ce qui est au dessouz, doit estre petite: mais pour garder entiere, & sans danger d'éclater, la peau qui est entre les poincts, est meilleure grande. Parquoy nous garderós de la faire excessiuelement grande ou petite, ains plustost mediocre entre les deux, côme aussi la consistance du fil. Car s'il est trop dur, il dechire la peau: s'il est trop mol, il rompt. Semblablement, si on passe l'eguille trop pres de l'extremité des bords, le reste de la peau, qui est petit & estroit, se laisse forcer, & par telle violence le plus souvent rompt: Si on la recule trop loing du bord, elle laisse vne grande portion de la peau sans glutination. Ces obseruations sont communes en toutes playes, & neantmoins se doyuent respecter soigneusement en la cousture du ven-

\* Le premier poinct.

\* Le second poinct.

\* Le troisieme poinct semblable au premier.

\* Le quatrième poinct semblable au second: & ainsi des autres.

\* Nostre auteur laisse quelques mots qui se lisent d'auantage en Galien.

tre. Nous faisons donc la gastrorrhaphie, ainsi qu'il a esté déclaré, pretendans joindre le peritoine avec l'epigastre: car étant nerveux, mal aisément il reprend avec son opposé, qui est de mesme substance: ou bien, cōme d'aucuns, en intention de réunir ensemble les parties qui sont de semblable nature, assauoir le peritoine avec le peritoine, & l'epigastre avec l'epigastre. Cela faisons nous en ceste maniere, Par l'epigastre, qui nous est prochain, nous passons l'eguille du dehors en dedans, à trauers des deux epigastres seulement, sans toucher aux deux bors du peritoine: puis derechef tournās l'eguille du dehors en dedans, nous la tirōs à trauers de l'epigastre cōtigu, des deux bors du peritoine, & de l'epigastre opposé. Ceste maniere de coudre est differente de la vulgaire & cōmune qui à chaque poinct tire l'eguille par quatre bors, en ce qu'elle cache & couure le peritoine totalement au dedans de l'epigastre. Les medicamēts conuenables sont de mesme genre & matiere, que les remedes propres aux playes fraiches & sanglantes: les Grecz les appellent *εἰσπλάχιον*. Et à fin qu'aucune des entrailles nobles & d'importance par sympathie ne resente le mal & la douleur desdictes parties, nous trempērōs de la laine molle en d'huile \* mediocrement chaud, & engrefferōs à l'environ tout ce qui est entre les cōines & les aixelles: il sera encor meilleur en faire vn clystere, & le ieter dans les boyaux. Si quelqu'un des boyaux est blessé, le clystere que nous donnerons sera de vin tiede, gros, rude & noir:

\* par les deux  
epigastres &  
peritoines.

\* *Alhucrasius*  
loue en cela  
l'huile rosat.

noir: & d'autant plus si le boyau est percé tout  
 outre; iusques à son interne cauité. Les playes  
 des gros boyaux se guerissent aisémēt, des petis  
 & gresles, mal aisémēt. La playe du boyau ieun  
 est dutout incurable, à cause de plusieurs & grās  
 vaisseaux d'iceluy: de la subtilité nerueuse de sa  
 tunique: car il reçoit toute la cholere syncere &  
 pure: & est plus prochain du foye que nulle  
 des entrailles. Nous pouuons esperer & entre-  
 prendre de guerir les playes qui sont au fons  
 charnu de l'estomach: & en vient-on à bout, nō  
 seulemēt par ce que ceste partie est plus dēse &  
 épaisse, mais aussi pource que les medicamens  
 propres à la curation d'icelles, se retirēt & ar-  
 rēt facilēmēt en cest endroict là: ainsi que les  
 medicamēs ordōnez pour la cūratiō des playes  
 du gosier & de la bouche de l'estomach ne les  
 touchent qu'en passant seulēmēt. Les playes de  
 la bouche de l'estomach, outre les raisons susdi-  
 ctes, sont ausi mal-aisées à curer pour le senti-  
 mēt exquis & vif de ladicte partie. Quād le pe-  
 ritoine est nauré, & la coiffe sort par \* la playe,  
 si ell'est deuenue liuide ou noire, on la lie au  
 dessus de ce qui est noirci, pour doute du flux  
 de sang: puis on coupe ce qui est au dessous du  
 fil, en laissant pēdre les bouts d'iceluy par l'ex-  
 tremité inferieure de la cousture, à fin qu'on les  
 retire facilement, quand estant venue le playe  
 en suppuration, le fil pourrira & tombera.


\* Car comme  
 dit Hippocra-  
 tes aphoris. 58.  
 liure 6. Si la  
 coiffe du vētre  
 sort, necessai-  
 rement elle se  
 pourrit.

## A N N O T A T I O N S.

\* Albucrasis en cecy employe un instrumēt pres-  
 que semblable à un bistoirier, duquel on incise les he-  
 morrh

morrhoides, & en représente la figure : mais si n'est ce pas l'instrument duquel Galien & nostre auteur prétendent parler. La figure de cest instrumēt seroit quasi telle comme tu la uoys icy,

### Syringotome.




**A** Le canon.

**B** La pointe cachée  
dedans.

**C** Le trou par où  
elle sort.

*Autre*

*Autre façon de Syringotome.*

A cela seroyent aussi bons les ciseaux qui tranchent par dehors en s'ouvrant : & le cousteau caché dans une chasse de fer, peinct par M. Ambroise Paré en son magazin.

<sup>b</sup> Albucrasis entend fort mal ce passage, l'interprétant d'un absces putride fait au boyau, & pénétrant insques dans sa cavité. Ses paroles sont: Or s'il sent douleur, ou punction, ou putrefaction aux  
boyaux,

boyaux, ce qui auient souvent, lors il luy faut donner un clystere de uin tiede, noir, & adstringent: & principalement si la pourriture touche ia au boyau, & l'absces penetre iusques au dedans de sa cavitè. La premiere cousture de Galien approche les parties charnues de l'epigastre, avec la substance membraneuse du peritoine, mais ( qui cause grand douleur ) à chaque point perce le peritoine opposite: la seconde de deux points l'un, perce seulement le peritoine, mais par ses deux bords, & le cache fort au dedans. M. Guy a mal exposé & déclaré ces deux coustures. Les medecins de ce temps outre le precepte de Galien, & de nostre auteur, à chaque point coupent le fil, & le nouent par dessus. Galien nous a monstré seulement deux façons de cousture. Nous en trouuons trois d'auantaige: l'une qui se fait en suriect, ou comme les peletiers cousent les peaux. Albucrasis a mal deuine, que ceste cousture soit la premiere de Galien & de nostre auteur, comme il se peut uoir en la pratique. La seconde est, de percer à chaque point quatre bords, deux de l'epigastre, & deux du peritoine, sans ramener le fil par dessus les bords, comme font les peletiers. On appelle ceste cousture uulgairement à point lacé. L'espace entre les deux points doit estre de la largeur du petit daigt. Henry & Lanfranc la iugent fort bonne, & nouent apres le second point l'extremité du fil, avec le commencement d'iceluy qui a fait le premier point, de sorte que tousiours apres deux points se fait un nou. Aucuns la font de ceste mesme sorte, mais ils la continuent iusques au bout de la playe, sans l'interrompre & sans nouer. La troisieme est, comme les

cordons



cordonniers cousent les fouliers, à deux lignons. Cestecy tient quelque chose de la cousture de Celsus: nous en parlerons cy-apres. Albucrasis en recite une autre, qui est la seconde incarnatiue de M. Guy de Cauliac, & qui se fait ainsi: On passe un'eguille enfilee à trauers des quatre bors, sans la tirer tout outre: puis laissant l'eguille au pertuis, on entortille le fil al'entour d'icelle, comme font les femmes quand elles plantent un'eguille enfilee à la manche de leur robe. Celsus traitant ceste matiere escrit ce qui s'ensuit: Quelquefois (dit-il) le uentre est percé de blesseure, à quoy s'ensuyt que les boyaux sortent dehors. Aucnant cela, premierement il faut soudain considerer si les boyaux sont point naurez: & secondement s'ilz ont encor leur uraye & propre couleur. Si le boyau grelle est pertuisé, comme auons dit, les remedes y sont inutiles. On peut bien coudre le gros boyau, non que par ce moyen ayons certaine esperance de le guerir. Neantmoins une esperance douteuse est meilleure qu'un desespoir asseuré, car aucunesfois il se glutine. Si le boyau, soit grelle, soit gros, est liuide, palle, ou noir, à quoy necessairement suit, qu'il soit priué de sentiment, les remedes n'y seruiront de rien: mais s'il n'a point encor perdu sa couleur, il y faut remedier bien hastiuement, par ce qu'en un moment de temps il est alteré de l'air exterieur, inacoustume, qui le frappe & enuironne. Or il faut situer le patient à la renuersé, les cuisses eleuees: & si la playe est tant estroicte que les boyaux ne puissent retomber dans le uentre, il la faut inciser iusques à ce qu'elle soit assez large: & si les boyaux sont ia trop deschez, on les baigne avec d'eau, à laquelle

quelle on aïouste un peu d'huile : puis le seruiteur du medecin doit avec les mains entr'ouvir & separer doucement les bors de la playe, ou avec des crochets ietés & attachés au peritoïne : & le medecin doit remettre les boyaux en leur place, faisant rentrer les premiers ceux qui sont issus les derniers, gardant & rendant à chacune des reuolutions leur propre lieu. Ayant remis tous les boyaux, il faut secourir & branler doucement le patient. cela sert pour faire retourner & cheoir chacun boyau en son assiette naturelle, Les boyaux restituez en leur place, il faut considerer la coiffe: & s'il se uoit quelque portion d'icelle noire, & mortifiée, la trancher avec des ciseaux. Si ell'est saine & sans uice, il la faut estendre doucement sur les boyaux.

*Il faut* ~~le peritoïne~~ *le peritoïne* seul n'est suffisante, ny celle de l'epigastre seule, ains la faut faire en l'un & en l'autre, & la serrer avec deux fils: faisant les poinets plus epais qu'aux autres parties du corps: par ce que le mouuement du uentre la peut rompre plus aisement, & aussi que ceste partie n'est point suiecte à si grandes inflammations que les autres. Venant à l'operation, nous enfilons deux eguilles, & en prenons une à chaque main, commençant la cousture sur le peritoïne, à l'extremité inferieure de la playe: de sorte que la main gauche pique le bord dextre, & la main dextre perce le bord gauche: menant l'eguille de l'interieure partie en l'exterieure. En ceste façon la pointe de l'eguille est toujours loing des boyaux, & la teste de l'eguille qui est mouce, prochaine d'iceux. Comme les eguilles auront passé d'une part & d'autre, il faut \* changer de main pour les tenir, de sorte que

\* Ce poinet se nôme poinet croisé à deux eguilles.

que celle de la main dextre se prenne de la gauche, & celle de la main gauche se mette en la dextre: puis ayant fait ce changement, il faut derechef percer les bors en la mesme maniere qu'a esté dicté, continuant pour la troisieme & quatrième fois, changeant tousiours de main aux éguilles, & ainsi suyuant a- cheuer de coudre la playe. En apres, du peritoine on uient en l'epigastre, avec les mesmes fils, & les mesmes éguilles: & fait on semblables les deux constu- res en ceste partie, menant tousiours les éguilles du dedans au dehors, & tousiours les changeant de main puis on applique des medicamens glutinatifs.

Qu'on doye par dessus aiouster une éponge, ou de la laine grasse trempée en uinaigre, & pressée, cela est si manifeste qu'il n'est besoin en donner tousiours auertissement. Ces choses appliquees il faut bander le uentre doucement. Aucune fois ou de coup, ou pour retenir trop longuement son aleine, ou pour charger un trop pesant faix, le peritoine se rompt, sans que l'epigastre soit entamé. Cest accident uient souuent aux femmes pour cause de la \*matrice, & principa- lement à l'endroi des \* flanes: d'où sensuyt, que la substance charnue & molle des muscles, ne peut suffi- samment contenir les boyaux en leur lieu, & à ceste cause en s'éleuant ils tendent l'epigastre, & font une vilaine & laide tumeur. Ceste affection est traitée d'une façon par les uns, & d'un'autre par les autres. Quelques uns passent par la base de la tumeur une éguille enfilée de deux fils, & ainsi la lient d'un costé & d'autre, comme nous auons dit en la tumeur du nombril, & en la maladie de l'œil nommée Vua, à fin que tout ce qui est au dessus du nœu se mortifie. Au-

\* aux disten- sions, inflatiōs & distortions d'icelle: & aux vehemens efforts d'en- fanter.

\* où les mu- scles sont char- nus & foibles, non forts & membraneux, pour aider au peritoine: joint aussi que le pe- ritoine est la simple: & au- deuant il est réforcé de l'apo- neurose des mu- scles, principa- lement des tra- uersiers.

- A. Feuille  
de myrte.  
B. Section  
en feuille  
de myrte.



cuns retrâchent la tumeur  
par le milieu, en figure de  
feuille de myrte, ce que  
j'ay dit se deuoir tousiours  
faire : & puis ioignent les  
bors avec cōsture. La  
plus commode operation  
est, mettre le patient à la

renuerse, & taster avec la main l'endroiçt où la tu-  
meur obeit, & cede le plus, par ce que necessairemēt  
en cest endroiçt là, le peritoine est rompu, & au lieu  
où la tumeur resiste plus, il est sain & entier. Or  
au lieu où nous iugerons le peritoine estre rompu,  
avec la lancete il faut faire deux \* incisions, comme  
deux lignes, à fin que tranchant ce qui est au milieu  
le peritoine se trouue coupé d'un costé & d'autre de  
playe fraiche : car les bors d'une playe uieille ne se  
consolident point. Estant la tumeur ouuerte, si le pe-  
ritoine en quelque lieu n'est atteint & coupé de  
frais, ains a seulement l'ulceré uieille, il en faut cou-  
per une petite bande ou liste, qui entame seulement le  
bord. Quant auresle de ce qui touche à coudre le pe-  
ritoine ainsi preparé, nous en auons parlé cy dessus.

La maniere d'abiller le prepuce court.

#### CHAP. LIII.

\* Car les grâ-  
des sont incu-  
rables.

EN ceux qui ont quelque \* petite faute du  
prepuce, on a extogité deux manieres de  
chirurgie pour remedier à telle deformité.  
L'une se fait en la partie supérieure & en la ra-  
cine de la verge, incisant la peau en rond, à fin  
qu'estant sa continuité & parée, on la tire con-  
trebas, de sorte qu'elle couure ce qu'on nomme  
le glan

le glan de la verge. L'autre maniere est, qu'auec vn rasoir à deux \* tranchans en l'interieure partie, & en la raciné du glan, on écorche & separe la peau, puis on la tire contrebas, & ayât interposé vn petit drapeau en l'incision faicte, pour empescher que le prepuce ne se glutine avec le glan, on attache & serre ledict prepuce toutalentour avec vne petite bande de linge, molle & delicate. Antyllus approuue & loue plus ceste maniere, & l'expose fort au long: quant à moy il me suffit de l'auoir recitee sommairement, estant fort peu requise ceste chirurgie, & moins que les autres operations de l'art: par cē que cest'affection ne donne aucun ennuy, & ne blesse aucune action. D'auantage la deformité n'est pas si grande, que pour la racoustrer, & pour ne la souffrir, on doye essayer le tourment de l'operation.

\* τῇ σμίνῃ.

## ANNOTATIONS.

Entre les anciens, \* Galien & Celsus\* ont traité de ceste affection. Galien y procedé avec une subtile industrie, outre l'écorcher & inciser. Celsus écorche & incise seulement, comme aussi nostre auteur. Albucrasis & M. Guy n'en ont faict aucune mention: Albucrasis pource que tous les hommes de sa nation & religion estoient retaillez & circoncis: M. Guy pource qu'il n'en a rien trouué en Albucrasis. Ces choses traitées (dit Celsus) parlons des maladies de la uerge. Si le glan est decouvert, & quelqu'un pour respect de la beauté le ueut faire recourir, bien est il possible, mais plus aisément en un en-

\* chap. 16. liure 14. de la Methode.

\* chap. 25. liure 7.

fant, qu'en un homme parfait d'age: en celuy qui naturellement a ce vice: que s'il a esté circôcis, ainsi qu'est la coustume d'aucunes nations: en celuy qui a le glan petit, & le prepuce nō trop éloigné, ains prochain, & la uerge longue & grosse, qu'en dispositions contraires au susdictes. Quand ce vice est naturel, on le cure en ceste maniere: On prend & estend la peau, qui est al'entour du glan, iusques à ce qu'il en soit couuert & caché, & on la lie: puis iouxte le penil on incise en rond la peau de la uerge iusques à la decouurer, auisant curicusement de ne trancher aucune des uèines qui sont là, ny le conduict de l'urine. Ce faict on tire & incline la peau uers la ligature: & l'incision circulaire qui est pres du penil, se decouure & dilate, pour ieter dedans de la charpie, & faire croistre la chair en icelle, qui la remplisse de sorte que la largeur de la playe donne par dessus assez de couuerture au glan. Neâtmoins iusques à ce que la cicatrice soit ferme, il faut tenir le prepuce tousiours lié, laissant au milieu seulement un petit passage pour l'urine. Si le malade a esté circoncis, au dessous du cercle & rond du glan avec une lancette, il faut separer le prepuce de la partie interieure de la uerge. Or on ne sent grande douleur quand le glan est decouvert, par ce que n'estant le bout du prepuce retenu d'aucune chose, avec la main on peut reduire & renuerser la peau iusques au penil: & pour ceste mesme cause n'auient point \* flus de sang. L'incision faicte, on lâche la peau, & l'estend-on outre le glan: puis on baigne fort la partie avec d'eau froide, & met-on dessus un emplastre, qui ayt grāde uertu d'empescher l'inflammation, & les prochains iours le malade face

\* Car estant decouvert le glan, on peut appliquer sus la playe des remedes qui l'arrestent.

face abstinence; de sorte qu'il soit presque matté & abbatu du ieune, à fin que le manger beaucoup n'excite l'inflammation au lieu incisé. Quand nous serons du tout asseurez de l'inflammation, il faut lier & bander la uerge depuis le penil iusques au cercle du glan: & le couvrir d'un emplastre qui ayt la toile sus laquelle la matiere est estendue, tournée contre le glan, & la matiere de l'emplastre contre le prepuce. Car en ceste façon l'inférieure partie de la playe se consolide, & la supérieure se guerit, de sorte qu'elle ne demeure point adhérente à l'inférieure. Voyla la procédure de Celsus. Le discours de Galien sur ce propos est comme s'ensuyt: Ceux ausquels il manque quelque petite portion de la naturelle quantité du prepuce, souuent sans user de \* thapsie, avec seule \* Qui en rubi-  
tension ont esté restituéz en leur iuste mesure & quan-  
tité. Pour ce faire on prend une lisiere de charte, fiant la par-  
tie, tire telle  
quantité de  
sang, que la  
substance du  
membre en au-  
gmente.  
molle & ferme, qu'on applique al'entour de la peau  
du prepuce chargée de colle: il est assez notoire, que  
l'extrémité de la charte doit estre aussi collée à l'in-  
férieure partie du prepuce. La charte ainsi collée se  
desseche tost, & serre, sans douleur. Or faut-il met-  
tre par dedans au dessous de la peau du prepuce quel-  
que chose ronde, que facilement on puisse oster, quand  
la charte sera prise & collée. Ceux qui pour alonger  
le prepuce usent de thapsie, font à ceste intention  
comme un petit canal rond, de plomb: puis par dehors  
estendent al'entour d'iceluy la peau du prepuce, &  
la lient avec quelque bande molle. Cela certes quel-  
quesfois seruira quand il y aura grand defect de la  
peau: mais si, comme auons dit, il en manque peu, il \* sans ligan-  
suffira de mettre al'entour un tail de\* charte, & au sur.

deffouz ieter un petit canal au par- auant , qui y soit quand la charte sera mise al'entour & collée. Certes n'ayant rien de tout cela appresté , ie courbe un peu de charte, & la mets comme pour soustien du prepuce, à fin que quand ce qui est posé al'entour par dehors sera bien pris & collé, en ostant ce qui soustient le prepuce le patient pisse à son aise. Il est manifeste, ce uice estre du genre des maladies où la naturelle grandeur n'est conseruee: & auient ce mal ou par la putrefaction du prepuce, ou estant iceluy de naissance moindre qu'il n'est raisonnable. En ceste affection l'operation manuelle est double: l'une de couper en rond la peau au dessus de la uerge, à fin que par telle solution de continuité la peau soit tirée contrebas, iusques à ce qu'elle couure le glan: l'autre d'ecorcher avec une lancete l'interieure partie de la peau, à l'endroit où est la racine du glan, puis tirer la peau contre bas, & comme auons dit, la lier avec quelque bande molle &c. Galien au liure des Definitio<sup>n</sup>s medicinales nomme cest' affection en Grec *λινόδεσμος*.

De ceux qui n'ont point de trou au bout du glan:  
les Grecz les nomment *ὑποσπιδιαισις*.

#### CHAP. LIIII.

**P**Lusieurs de leur naissance n'ont point le bout du glan percé, ains au deffouz d'iceluy, là où le bas du prepuce est ioinct à la peau: les Grecz le nomment *κύναι*, comme si nous disions le chien du \* glan, & al'endroit où la figure du glan se finit, & acheue, ils ont seulement vn trou, à cause dequoy ils ne peuuent vriner droit en deuant, sans renuerfer fort le membre contre le petit ventre: ils ne peuuent aussi

\* Les François l'appellent le filet.



ausi engendrer, par ce que cest'imperfection les empesche d'elancer droit la semence dans la matrice: outre ce telle affection cause insigne deformité. L'operation manuelle la plus simple & moins dangereuse est de trancher le bout du glan. Pour ce faire on situe le patient à la réuerse: puis on tire fort le glan avec les doigts de la main gauche: en apres avec le fil d'un rasoir à deux tranchans on coupe le glan à l'endroit de sa couronne: ne failans l'excision de biais, ains qui voise droit comme si elle estoit grauee autour, de sorte qu'au milieu y ayt vne eminence semblable \* au glan. Et pource que souuent y auient flux de sang, s'il est possible nous l'arresterons avec medicamens propres à le retenir: les Grecz les nomment *ιχαμυα*: & si non, nous vsurons de cauterres actuels, gresles & subtils.

\* à fin qu'après la curation le personnage ayt plus grande commodité de cognoistre sa femme: car pour cest usage nature a fait le glan de la verge.

## ANNOTATIONS.

Nostre auteur expose clairement quels malades il appelle Hypospadias. Galien chap. 3. liure 15. de l'usage des parties, use de ce uocable pour signifier ceux auxquels le filet ou attache qui est en l'extrémité de la verge, & commencement du glan, & laquelle attache nostre auteur en ce chapitre nomme *χλυν* en Grec, rend tortu le passage & conduict de la semence, de façon qu'habitant avec les femmes, ils ne la peuuent ieter droit dans la matrice. L'operation proposee en laquelle nostre auteur ueut estre laissée une eminence de la figure d'un glan, faisant neantmoins l'excision droicte, & sans aller de biais, me semble fort difficile. Galien en l'Introduction, &

aux Definitions medicinales appelle ceste affection ou les patients Hypospadias, la disant aux Definitions, estre maladie par laquelle le glan est retiré & entorcé: & en l'Introduction, estre, quand de naissance on a le trou de l'urine sous le glan: & que la curation est, percer le bout du glan, & ieter dans le pertuis qu'on aura faict, un petit canon, ou canal. Je ne trouue point que les autres auteurs modernes ou anciens, Grecz, Latins, ou Arabes ayent traité de ceste maladie: & aussi ell'est fort rare, fors Albucrasis, qui en son Arabesque traduit de mot en mot nostre auteur, chap. 55. liure 2. & diuise ceste maladie en trois especes. La premiere, quand le glan n'est de tout rien percé: la seconde, quand le pertuis est trop petit: la tierce, quand il est au lieu où il ne doit pas estre: qui est ceste cy declaree de nostre auteur. De moy ie ne l'ay onc ueüe, qu'en un ieune homme de 14. ans, sur lequel ne fut lors executee aucune operation.

Du prepuce si serré qu'on ne peut ou decouurir ou courir le glan: les Grecz nomment ces affections Phimosi, & Paraphimosi. CHAP. LV.

**L**A constriction du prepuce a deux especes. La premiere, quand estant le glan couuert d'iceluy, on ne le peut retirer: la seconde quand estant retiré le prepuce: on ne le peut remener & reduire sus le glan. Ceste seconde espece est proprement nommee Paraphimosi, come la premiere Phimosi. La premiere espece est faicte pour quelque cicatrice du prepuce ou pour quelque excroissance de chair superflue: la seconde auient aux inflammations des parties honteuses, quand estant retiré le prepuce

prepuce en arriere, le glan enflé ne le reçoit plus. Si c'est la premiere espece produicte des causes susdictes, l'operation manuelle s'y fait en ceste maniere, Ayant mis le patient en situation conuenable, on tire le prepuce en deuant, & fichant en son extrémité trois ou quatre crochets, on les donne à quelque seruiteur pour les tenir, luy commandant de l'estendre & ouurer autant qu'il sera possible: puis si la constriction est faicte pour raison d'une cicatrice, avec une lancette ou un canivet faict expres, nous incisons le prepuce en trois ou quatre lieux de son interieure \* partie: & serót ces incisions internes, droictes, & distantes également l'une de l'autre. Or faut-il sauoir que à l'endroit du glan le prepuce est \* double. Nous incisons donc l'entree d'iceluy en son interieure tunique. Car en ceste maniere defaisant l'attache & arrest causé de la cicatrice, nous renuersons le prepuce. Si quelque chair creuë en la partie interieure fait la cōstriction, apres auoir tiré le prepuce comme cy-dessus est dict, nous scarifions toutes les parties de la chair, & ralongons ce qui est eminent & releué d'icelle entre les incisions: puis nous ietons al'entour de tout le glan un canal de plomb, enuelouppé de charte seche, qui aura depuis un bout iusques à l'autre son ouuerture égale. Par l'interposition dudit canal nous empeschons que le prepuce mené au dessus du glan, derechef ne se consolide. Car en ceste maniere il demeure estendu & séparé du glan par le plomb & par

\* Sans que les incisions penetrent iusques en l'exterieure peau d'iceluy.

\* Composé de la peau redoublée.

la charte interiectée ; laquelle s'abreuuant de l'humidité qui degoute des scarifications, s'enfle, separe & estend d'avantage la peau. Voyla comme nous faisons l'opération quand la constriction est causée d'une cicatrice, ou d'une excroissance de chair. La seconde espece de constriction nommée Paraphimosis quand elle a duré long temps, se glutine avec la couronne du glan, & est incurable, si on ne la vouloit traiter comme le raccourcissement \* de prepuce. Si le prepuce n'est point encor glutiné avec la couronne du glan, on le scarifie, al'entour de trois, ou quatre, ou encor plusieurs incisions: puis l'ayant baciné longuement avec d'huile tiède on le tire en dehors, sus le glan.

\* En scarifiant & separant par dessous la peau, comme est déclaré chap. 53.

#### ANNOTATIONS.

Galien parlant de ce mal au liure des Definitions medicinales dit, estre deux especes de phymos, l'une qui est naturelle, l'autre qui est accidentale, à raison de quelque ulcere precedente: & que paraphymosis est, quand estant retirée la peau de la verge, le prepuce ne peut plus retourner sus le glan: ( & là, au lieu de véupe, au Grec faut lire Στέμματος. ) luy mesme en son Introduction dit, traitant la curation de phymosis, quand on ne peut decouvrir le glan, par ce que le prepuce est trop estroit, qu'il faut autant qu'il est possible, tirer la peau de dessus, & avec la lancete couper & arracher la callosité qui se peut voir en la superficie: en quoy il touche seulement une cause de phymosis, car plusieurs ueritablement en y a il. Φιμος en Grec signifie museliere, ou cheuestre. De là vient le uerbe φημιώω, qui signifie encheuestrer, ou

emmuseler: & ce mot *φίμωσις*, que nous pourrions traduire Encheuestreure de la uerge. l'ay ueu en un ieune enfant de six ans une constriction naturelle, estant le trou du prepuce si petit, que non seulement le glan ne se pouuoit decouurir, ains qu'en pissant il sentoit grandissime douleur, & presque conuulsion, avec noirceur & liuidité du bout de la uerge, mettant long temps à rendre son urine: & fut guery par circoncision du prepuce, faicte avec des taillans en peu de iours. l'en ay ueu une semblable en un fort grand Seigneur, qui deliberoit y faire remedier par chirurgie, mais non accompagnée de si facheux accidens, ains qui luy apportoit seulement longueur d'uriner, & quelque difficulté de ieter la semence. Vn autre personnage de grande qualité est tombé entre mes mains, & de certains doctes chirurgiens, souffrant phimosis, & paraphimosis, à cause que l'interieure partie du prepuce auoit une callosité si épaisse, & quelques creuasses, que sans extreme tourment il ne pouuoit ny couurir ny decouurir le glan: & auoit ce bon Seigneur appris par usage, quand le glan estoit decouvert, racler ladicte peau interieure avec un canuet bien tranchant, delaquelle il emportoit beaucoup de cal, & de cela se sentoit fort allegé en tirant & retirant le prepuce. Luy ayant predit le danger où nous le uoyions, de tomber en chancre, d'un coup de ciseaux on luy tailla le prepuce, depuis son extrémité iusques à la racine. Apres quelques ans luy estant uenu le chancre, la uerge luy fut tranchée & extirpée avec heureux succes: en fin il est mort d'une fièvre continue. l'ay ueu en un artisan paraphimosis avec priapisme causez de grosse uentosité,

toſité, s'exacerbans toutes les nuits en maniere de  
fièvre double, tierce, ou quotidiane, avec douleur in-  
ſupportable, & liuidité. Ordinairement nous voyons  
en ceux qui ſe ſont approchez des femmes mal net-  
tes, phimosis, eſtant le prepuce ſi enſle & inflammé,  
que le glan ne ſe peut déchaperonner, avec ulceres  
& du prepuce & du glan, & effuſion d'un humeur  
uirulente, que vulgairement ilz appellent Chaude-  
piſſe, & aucuns Gonorrhœe. J'ay bien voulu noter  
ces obſervations, à fin que le curieux lecteur ſe fa-  
çonne à rechercher les diuerſes cauſes des maladies,  
encor que les auteurs ne les ſpecifient. Celfus trai-  
tant ceſte matiere, dit: Si le glan eſt ſi couuert qu'on  
ne le puiſſe déchaperonner ( ce vice eſt nommé des  
Grecz Phimosis ) il le faut decouurir, ce qu'on fait  
en ceſte maniere: Par deſſouz on incife la peau de-  
puis ſon extremité iuſques au filet: & ainſi le deſſus  
d'icelle eſtant relaxé, obeit, & ſe laiſſe tirer en der-  
riere. Si une ſeule incifion n'y proufite aſſez, à cauſe  
de la grande reſtriction & anguſtie, ou à cauſe  
de la durté de la peau, ſoudain il faut faire exciſion  
d'icelle en ſon inferieure partie, en figure triangu-  
laire, de ſorte que la pointe du triangle ſe termine  
au filet, & la baſe ſoit en l'extremité de la peau.

\* mal netoyee,  
comme par ſem-  
blable raiſon,  
nous voyons ſe  
joindre deux  
doigts, les le-  
ures, & les  
hors de la na-  
ture d'une  
femme.

Ce fait, on applique de la charpie, & des medica-  
mens qui gueriffent l'ulcere: & iuſques à ce qu'elle  
ſoit cicatrisée, il eſt neceſſaire que le patient demeu-  
re en repos: car le cheminer en frotant & broyant  
rend ſordide l'ulcere.

De la coherence du prepuce.

CHAP. LVI.

Pour raiſon de quelque vlcere\* preceden-  
te au glan, ou au prepuce, l'un ſe prend &  
joint

joint avec l'autre. En ce cas par dessus le prepuce, il faut autant qu'il est possible, écorcher, essayans avec le fil d'un rasoir à deux tranchans, ou du canivet propre à separer les pourpres du nez, de rompre & defaire ce qui les retient, & principalement de separer nettement le glan d'avec le prepuce adherent. Or si en cela nous trouuons difficulté, il faut plustost prendre quelque chose du glan, que de faire toute la separation sus le prepuce. car estant mince \* aisément on le pertuiferoit. Auant defaict la coherence, on iette vn drapeau subtil mouillé d'eau froide entre le glan & le prepuce, à fin que de rechef ils ne se reioignent: puis on cicatrise l'ulcere avec du vin adstringent.

\* Toutesfois icy devant a dit, qu'il est faict de la peau redoublée.

## A N N O T A T I O N S.

Albucrasis chap. 56. liure 2. confond la cōstriction du prepuce avec la coherence d'iceluy: disant l'une estre naturelle, qui se fait estant sain le prepuce, & qui se guerit par circoncision; en quoy il faut entendre phimosis: l'autre qui se fait à raison d'un ulcere, ou apostème, en quoy nous pouuons entendre phimosis, paraphimosis, & coherence.

De la circoncision.

## CHAP. LVII.

Nous ne parlons point maintenāt de ceux qu'on circonçoit pour le respect de quelque religion populaire, ains de ceux ausquels pour quelque affection des parties honteuses le prepuce deuient \* noir. En ce cas il faut couper en rond tout ce qui est noirci, puis y appliquer de l'écaille de cuyure avec du miel, ou bien

\* tombe en gangrene.

\* *Albucra-  
fis en monstre  
la figure chap.  
36. liure 2.*

bien de l'écorce de grenade, ou de la farine d'ers, le tout reduict en consistance d'oignement. S'il y auient flux de sang, on y applique vn cautere faict en figure de \* croissant, qui proufitera à deux choses, sauoir est, à la corré-  
sion de l'vlcere, & au flux de sang. Si quelque-  
fois tout le glan est corrompu, & à ceste raison  
extirpé, on met vn petit tuyau de plomb dans  
le conduict de l'vrine, & commandons au pa-  
tient de pisser par iceluy.

#### ANNO TATIONS.

L'operation exposee de nostre auteur est claire  
& euidente. Quant à la circoncision des enfans qui  
se fait par religion, comme il est en pratique &  
usage ordinaire entre les Mores & Iuifz, Albu-  
crasis qui la nomme Mundification, en traite suffi-  
samment comme estant More, & l'ayant executee  
souuent, & non pour en auoir leu quelque chose aux  
liures des anciens Grecz, qui ne retailloyent point  
leurs enfans. Pour preparer & acoustre le prepu-  
ce on y procede en trois manieres, avec l'ongle, avec  
le deillot, & avec le fil: pour le couper en deux, avec  
le rasoir, & avec les ciseaux. La preparation pre-  
miere est, qu'avec les ongles du ponce & de l'indi-  
ce, on tire fort le prepuce, ce qui le rend moins sensi-  
ble, & de meilleure prise, puis le tenant ferme avec  
les mesmes ongles, on le coupe. Ceste operatiō n'est  
asseuree, par ce que la peau n'estant retenue que de  
l'ongle, quelquefois échappe au serrement. La seconde  
preparation est avec le deillot d'un couturier ouuert  
à iour, que les Arabes nomment *Alfecati*. Ayant tiré  
fort le prepuce on le met dans le deillot, & le tenant  
hors



hors d'iceluy auancé deuers le ferremēt on le coupe. Cest operation n'est la meilleure, par ce qu'aucunefois tirant le prepuce hors du deillot, on attire aussi le glan, lequel par inaduertence aisēmēt se trouneroit coupé, & principalement si l'enfant a de nature la peau du prepuce courte. Car aucuns l'ont si retirée, que mesme ils n'ont besoin d'estre circoncis. La troisieme & la meilleure de toutes est, avec le fil. La maniere est qu'on presente l'enfant entre les bras de quelqu'un, ny du tout assis, ny du tout debout, ains en moyenne situation. L'operateur prenant la uerge avec la main, luy soufffle dedans le prepuce pour l'estendre, puis tire la peau contremont uers le penil, à fin de decouurir le glan, & nettoyer l'ordure qui y est amassée. En apres ayant reduict le prepuce sus le glan, il fait une marque, & sus icelle, ligature avec un fil double: & quelque peu au dessouz de ladicte premiere ligature, une autre seconde, avec mesme fil: puis tenant ferme le prepuce avec le pouce & l'indice posez sus la seconde ligature, il coupe ce qui est entre les deux, & soudain desfaisant la premiere, tirant la peau contremont, iette le glan dehors, puis ayāt laissé couler le sang petit à petit (car cela est beaucoup plus utile, que de l'arrester incontinent) il applique dessus de la poudre restrictive, & par dessus icelle un drapeau avec liniment fait d'un iauue d'œuf cuit avec eau rose, & huile rosat. On coupe mieux le prepuce avec des ciseaux tels qu'Albuerasis les décrit, qu'avec le rasoir: par ce qu'estant double la peau du prepuce, il auient par fois que tranchant d'un rasoir, on incise la peau superieure, sans atteindre l'inférieure, qui fuit & échappe: mais

mais en taillant des ciseaux, on les coupe à galeme  
 & sans faillir. Si en coupant, la peau interieure du  
 prepuce échappe, ou toute, ou en partie, soudain aūt  
 que l'inflammation suruienne, il la faut tirer avec  
 l'ongle, & si on ne peut avec l'ongle, avec un cro-  
 chet, & la tailler à l'egal de l'autre. Si trois iours  
 sont ià passez, & la partie est tumide & enfle, il n'y  
 faut toucher, iusques à ce que la tumeur soit guerie:  
 & lors il la faut doucement separer, & la trancher  
 comme elle se rencontrera plus commodement. Com-  
 bien que ceste operation ne soit frequentee de noz  
 autres Chrestiens, si est ce qu'à mon auis le discours  
 n'en sera point mal plaisant au lecteur.

\* Albucra-  
 sis les nomme  
 Bather.

Des verrues de la verge, nommees en Grec \* Thymi.  
 CHAP. LVIII.

\* Quelquefois  
 sus la verge:  
 quelquefois en  
 tous les trois  
 lieux. Aēce.  
 \* les souleuāt  
 avec vnes pin-  
 cetes.

**T**Hymi sont eminences charnues qui s'en-  
 gendrent quelquefois sus le glan: & quel-  
 quefois sus le \* prepuce. D'icelles aucunes sont  
 malignes, les autres non. Si elles sont sans ma-  
 lignité, on les \* racle avec le tranchant d'un  
 rasoir: puis on les puluerise de chalcitis. Si elles  
 sont malicieuses, apres les auoir ostees avec le  
 rasoir, on les cauterise. Or s'il y en a au dehors  
 & au dedans du prepuce, les vnes au droict des  
 autres, il ne faut les curer & oster toutes ense-  
 mble, à fin que ne pertuisions inauertement le  
 prepuce, qui est mince: ains premierement il  
 faut oster celles du dedans, puis apres auoir  
 cicatrisé l'ulcere, mettre la main à celles du  
 dehors. Aucuns modernes pour les guerir, les  
 tondent avec des ciseaux, & lient leur racine  
 avec

avec vn poil de cheual. Les autres les cauterisent avec vn ruptoire.

## ANNO TATIONS.

\* Aëce traictant ceste mesme matiere chap. 13. li-  
ure 2. section 4. tesmoigne tout ce discours estre pris  
de Leonides. On cauterize ces tumeurs apres les au-  
oir coupees, quand elles sont malignes, pour arre-  
ster le sang: pour effacer & corriger la uitieuse in-  
temperature de la partie: & pour empescher la re-  
generation d'icelles. Si le prepuce est tout plein &  
chargé de ces tumeurs, Aëce ueut que nous le tran-  
chions sans perdre temps & peine à curer lesdictes  
tumeurs. Thymia sont du gère des uerrues. Verrues  
sont tumeurs dures engendrees en la superficie du  
corps, d'excremens pituiteux, ou melancholiques, ou  
tous deux ensemble, desechez & non putrides. Les  
auteurs en font quatre especes, assauoir \* Myrmecia,  
Acrochordones, Thymia, Clau: & à icelles on aiou-  
ste les Cornes & les Cals. Je ne dy pas cornes cer-  
taines eminences longuetes, semblables à petites cor-  
nes d'animaux, qui sortēt pres des temples, & quel-  
quesfois au milieu du front: Galien au liure des Desi-  
nitions medicinales les appelle Dionysiscos: c'est une  
espece d'exostosis: mais les callosités dures & espois-  
ses, semblables à une piece d'ongle ou de corne, qui  
uiennent sus les iointes des piedz & des mains. Les  
Grecz les nomment τύλας. Myrmecia est un'emi-  
nence de la peau, seante contre icelle, & fort peu re-  
leuee, calleuse, & tuberculeuse, noireastre: qui a sa ba-  
se large, & auenant un grand froid fait douleur,  
comme si un fourmi nous piquoit, à raison de quoy les  
Grecz l'ont appelée Myrmecia, cōme si nous disions

\* Il est traicté  
encor au chap.  
71. & 87. de  
ces verrues.

\* Fourmillie-  
res, chordees,  
ou nouueses,  
thymis, cloux.

Fourmilliere. Les Arabes la nomment Verrue morale, non qu'elle soit grosse comme une meure, mais pource qu'elle est composee de plusieurs petites eminences, comme une meure de ses grains : la matiere qui la produit est en petite quantité. Acrochordon est une eminence calleuse, qui a sa racine grelle & la teste grosse, de sorte qu'on diroit estre un nœu de chorde pendu à un filet. Les Arabes l'appellent Verrue bothorale. Thymus, ou comme dit Celsus, Thymion, est ainsi nommee, pource qu'elle ressemble de figure, ou de couleur, comme l'entend Celsus, à la teste du uray Thym blanc de Candie, qui a sa fleur & semence en une petite teste, comme le stœchas. Nostre thym uulgaire, qui est thymum nigrum Aëtij, & serpyllum zygis de Dioscoride, est d'autre façon. Mais retournant à propos, thymus est une eminence tuberculeuse, aspre, rougeastre, longuete, creuacee par dessus, qui estant coupee iette plus de sang qu'on ne iugeroit à voir sa grandeur. Les Arabes la nomment Verrue porrale, pource que sa teste est diuisee par creuaces en plusieurs pars, comme la teste d'un pourreau en ses filets. Elle se trouue le plus souuent aux parties hôteuses, au siege, & au milieu des cuisses, & quelquefois au uisage. On recognoist plusieurs especes de thymus : l'un est petit qui se nomme simplement Thymus : l'autre est fort grand, qui s'appelle des Grecz σύνωρις, des Latins Ficus, de nous un Fic : l'un est maling, l'autre doux & gracieux. Le bening est une petite chair, \* inegale, aspre, avec des eminences peu apparentes, blanchastre, ou rougeastre, sans douleur. Le maling est plus grand, plus dur, plus aspre, de couleur liuide, fangeux, douloureux comme si on

\* Estroicté  
par le bas, lar-  
ge par le hant.

si on piquoit le membre, & s'indigne au toucher des mains, & par l'application des remedes. Le thymus gracieux & bening, est curable: le maling non. Quelquefois on le guerit par extirpation, non de la tumeur, ains de tout le membre. Clauus nommè des Grecz ἄλος, est une eminence calleuse, semblable à la teste d'un clou, qui s'engendre le plus souuent aux oxtremitez des mains, & au talon. Les Lyonnois l'appellent un oyassat. Les cornes & les cloux sont les moins facheuses, fors qu'au marcher. En apres les Myrmecies: *suyuammèt* Acrochordones, & Thymys benigns: les plus ennuyeux & douloureux sont les Thymys malings, qui quelquefois se tournent en chancre. Et pource que ce discours touche encor au chap. 87. de ce liure, & que Celsus en traicte expres, curieusement, & au contraire de l'opinion commune en quelque endroict, pour n'y retourner plus, nous aiousterons ce qu'il en escrit. On trouue (dit-il) aucunes tumeurs semblables \* à uerrues, qui ont diuers noms, comme elles sont de diuerse nature. Les Grecz appellent Acrochordonas, quand au dessus de la peau, il s'assemble quelque chose dure, & aucune fois quelque peu aspre, de mesme couleur que la peau, grelle par dessous, plus large au dessus de la peau, de mediocre grandeur. car il excède peu souuent la quantité d'une feue. On ne uoit gueres qu'il en sorte un tout seul pour un coup, ains la plus part plusieurs ensemble, & principalement aux enfans. Quelquefois ces tumeurs s'euanouissent & perdent soudain: quelquefois elles excitent une petite inflammation. Aucunes viennent en suppuration. On appelle Thymion, quand au dessus du corps y a une petite uerrue eminente,

\* Ains plus,  
tost especes de  
verruës.

grelle pres de la peau, plus large au dessus, un peu dure, & en sa sommité fort aspre. Sa teste est semblable à la fleur du thym, qui est la raison pourquoy on l'a ainsi nommée: & en icelle aisément s'ensanglante & creuasse: aucunesfois elle iette quelque peu de sang, & pour la plus part est quasi de la grandeur du fruit de la Colocasia, nommée feue d'Aegypte. Peu souuent elle est plus grande, & quelquesfois fort petite: tantost il en sort une seule: tantost plusieurs, ou aux talons & cheuilles: ou à la palme de la main, ou en l'inférieure partie des piés. Les plus mauuaises se font aux parties honteuses, & là principalement iettent du sang. On appelle Myrmecia les eminences qui sont plus basses que les thym, & plus dures: leurs racines sont plantées plus profond: elles sont plus grandes douleurs. Par dessus en leur racine elles sont larges: par dessus en leur sommité grelles: elles rendent moins de sang: à grand peine sont elles iamais plus grandes qu'un lupin. Elles s'engendrent pareillement aux palmes des mains, & en l'inférieure partie des piés. Le clou uient bien aux autres parties du corps, mais principalement aux piés, & singulierement apres quelque cõtusion, combien qu'aucunesfois il est engendré d'autre cause, & fait douleur, sinon en autre temps, au moins quand on chemine. De ces especes, acrochordon & thymium souuent se guerissent d'elles mesmes, & d'autant plus qu'elles sont moindres. La myrmecie & le clou à peine se guerissent iamais sans estre pensees & traitées. Si on tranche l'acrochordon, elle ne laisse aucune racine, & pour ceste cause ne reuiert point. Apres auoir coupé le thymium & le clou, par des-

sous il naist une petite racine ronde, qui descend au profond de la chair, & demeurant là, fait retourner la tumeur. La myrmecie est attachee avec une racine fort large, à raison dequoy on ne la peut trancher sans faire grand ulcere. il est fort utile de racler souvent le clou. Par ceste diligence il se ramollit sans aucune violence. D'avantage il meurt, si souvent on en sort quelque peu de sang: outre ce, si on le nettoye & decharne al'entour, puis on y applique de la resine meslee avec un peu de la poudre qui tombe d'une meule aguifereffe quand ell'est frottee, on le tue & deseché. Les autres especes se cauterisent avec des ruptoires. Le ruptoire composé d'alum & d'orpiment rouge est tresbon aux myrmecies: & celui qui se faict de \* tartre, aux autres especes. Appliquant le ruptoire il faut couvrir de feuilles les parties circōvoisines de la verrue, à fin qu'elles ne soyent ulcerees: puis mettre dessus, comme est la coustume, des lentilles. Les figues cuites en eau, guerissent aussi, & ostent le thymium. A ces maladies de la verge recitees de nostre auteur touche & appartient ce que Celsus liure 6. en escrit. Quelquefois l'ulceration descend sus les \* nerfs: & lors (dit-il) sort abondance de pituite, & une virulence sanieuse, subtile, puante, crue, & semblable à la laille d'une chair fraichement tuee: & au lieu susdict le malade sent douleur & compunction. Combien que ceste maladie soit du genre des affections où il y a matiere purulente, toutesfois il la faut traicter avec remedes benignes, comme l'emplastre Tetrapharmacum dissolu en huile rosat, y aioustant un peu d'encens: ou bien le medicament que cy-dessus j'ay descrit, & qui est

\* Brulé, & calciné.

\* Aucuns li-  
sent sur le nerf:  
c'est assavoir,  
sus le conduict  
de la verge.

Aucuns ex-  
posent nerfs,  
les prostates  
glanduleux  
ausquels s'insè-  
rent les vais-  
seaux sperma-  
tiques eiacula-  
toires: ce qui  
convient. Cel-  
sus liure 7.

cha. 18. appelle  
nerfs aux par-  
ties honteuses  
les productions

du peritoine  
qui enuoloupēt  
les vaisseaux  
spermatiques  
deferens. La  
maladie qu'il  
descriit, est ce  
que vulgai-  
rement nous  
appelons la  
Chande pisse.

composé de beurre, huile rosat, miel, & resine. Cest  
ulcere principalement doit estre longuement baciné  
& fomenté d'eau chaude : il le faut aussi tenir cou-  
uert, & ne l'exposer point au froid. Quelquefois a-  
uec ces ulcerations la uerge est tellement rongee &  
mangee, que le glan tombe : quoy auenant, il faut  
trancher la peau toutal'entour : & est un auertisse-  
ment infallible, quand le glan, ou quelque partie de la  
uerge tombe, ou qu'on les coupe, ne se deuoir ia-  
mais garder & conseruer la peau, à fin que s'abbais-  
sant sus l'ulcere, elle ne s'y agglutine, puis ne se puisse  
par-apres retirer & decouurir, & parauenture ne  
bouche le canon & conduict de l'urine. A l'entour du  
glan ils naissent aussi des tubercules, nommez des  
Grecz Phymata, lesquels on cauterise, ou avec le fer  
chaud, ou avec le ruptoire : & quand l'eschare est  
cheute, on iette dessus de l'écaille de cuyure mise en  
poudre, pour obuier que derechef ne s'y face aucune  
autre excroissance. Aux maladies susdictes de la  
uerge nous presupposons n'y estr e point de gangre-  
ne, laquelle souuēt infeste & suit les ulceres de ceste  
partie, & commence d'une couleur noire. Si ceste  
noirceur se voit en la peau, soudain il faut ieter par  
dessus un'éprouvette, & inciser la peau, puis avec  
des pincettes prendre les bors de l'incision, & con-  
per tout ce qui est corrompu, de sorte que mesme on  
taille quelque portion du sain : & ce fait, cauteri-  
ser. Or toutesfois qu'on cauterise, apres l'operation  
il faut appliquer dessus un cataplasme fait de farine  
de lentilles : & quand l'eschare est cheute, il faut trai-  
ter l'ulcere, comme se traitent generalement les au-  
tres. Si la gangrene occupe la uerge, il faut ieter  
dessus



dessus quelque poudre caustique, & singulierement celle qui est composee de chaux, chalcitis, orpiment. Si les medicamens ne proufisent rien, avec un petit rasoir à deux tranchans, il faut couper tout ce qui est corrompu, de maniere qu'avec ce qui est gasté, on emporte aussi quelque portion du sain. En quoy faut noter, comme une reigle perpetuelle & infallible, qu'ayant tranché ce qui est gangrené, & mortifié, tousiours par apres il faut cauteriser. En quelque maniere qu'on ayt cauterisé, & fait eschare, soit par feu, soit par medicamens, il y a grand danger quand elle tombe de la uerge, qu'il ne s'ensuyue perte de sang. A ceste cause il faut tenir longuement la personne en repos, & presque sans remuer le corps, iusques à ce que l'eschare se separe nette, pure, & doucement. Or si le malade pour son plaisir, ou n'y pensant point, ueut cheminer, & auant qu'il en soit temps fait tomber & separer l'eschare, & le sang flue, il faut appliquer dessus de l'eau froide: & si ce remede ne suffit, on a recours aux medicamens qui arrestent le sang: lesquels s'ils ne proufisent, il faut cauteriser discrettement, timidement, & curieusement la partie, & s'abstenir de tout mouuement, qui par apres pourroit donner occasion à ce mesme danger. Aucunefois il y uient une espece de \* gangrene, que les Grecz nomment Phagedæna, en la curation de laquelle ne faut point differer, ains y remedier avec les medicamens susdicts: & s'ils ne sont assez forts, y appliquer le fer chaud. Il y uiët aussi une \* noirceur, laquelle ne se sent point, & s'estend, & si promptement on n'y donne ordre, s'auance iusques en la uescie, & lors est incurable. Si ce mal est en l'extremité

\* C'est vn ulcere corrosif & ambulatif, sans mortification de la partie, qui s'estend en toute dimension.

\* C'est sphacèle, ou mortification totale, qui s'auance & gaigne sus les parties prochaines.

du glan, & al'entour du conduict de l'urine, premiere-  
ment il faut ieter dedans une éprouuette grelle, à  
fin qu'il ne se bouche : puis le cauteriser d'un fer  
chaud. Si le mal a ia penetré fort auant & profond  
dans la uerge, il faut trancher tout ce qui en est at-  
teint, & au reste user les mesmes remedes qu'on use  
aux autres gangrenes. Quelquesfois se fait sus la uer-

\* I'en ay ven  
une telle sus le  
glan, & au de  
dans du pre-  
puce.

\* refrigerati-  
ues, qui empes-  
chent que l'in-  
flammation ne  
se tourne au  
dedans du con-  
duict de l'uri-  
ne, & causent  
suppression  
d'icelle.

\* Ou d'une  
carnosité, ou de  
matiere puru-  
lente.

ge une \* callosité, qui presque du tout n'a sentiment  
aucun. Sa curation est qu'on la coupe. S'il s'y engen-  
dre un charbon, incontinent qu'il apparoiſtra, il faut  
faire iniections\* dans la uerge : puis cauteriser le  
charbon avec medicamens, & principalement avec  
chalcitis & miel: ou avec du uerdet & du miel cuit.  
Après que l'eschare du charbon sera tombee, on y  
use de medicamens liquides, que couſtumièremment on  
ordonne & compose aux ulcères de la bouche.

La maniere de sonder & faire iniection en la  
vescie. CHAP. LIX.

Estant retenue l'urine en la vescie pour  
quelque obstruction causée d'une\* pierre,  
ou d'un caillou de sang, ou de quelque autre  
occasion, nous userons de la sonde, pour faire  
sortir l'excrement de l'urine. Pour ce faire nous  
choisirons une sonde conuenable selon l'age  
& le sexe, & la metons droit en la vescie. La ma-  
niere de ce faire est, On lie un petit floc de lai-  
ne par le milieu d'iceluy avec un fil, puis par  
le moyen d'un brin de jonc pointu, on passe le  
fil à trauers du canon de la sonde, pour agen-  
cer le floc de laine sus le trou qui est au bouton  
de la sonde: & après, auoir coupé avec des ci-  
seaux ce qui est trop eminent, ou éparpillé du  
floc,


floc, & trempé la sonde dans \* d'huile, on fait asséoir le patient, & si aucune chose n'empesche, premier que de venir là, on luy applique vne fomentation \* relaxatiue. Estre ainsi situé on prend la sonde, & la met-on droit premierement iusques à la racine de la verge: puis on haue & renuerse la verge sus le nombril, par ce que depuis la racine de la verge iusques en la vescie, le conduit de l'vrine est tortu. Ayāt haucé la verge, nous pouillons la sonde en auāt: & quand elle sera paruenue à l'entrefesson iusques aupres du fondemēt, sans la remuer, nous rabbaissions la verge, & la rendons en sa figure naturelle. Car depuis l'entrefesson, le chemin de la vescie rend contremont. Nous auançons donc la sonde iusques à ce quell'entre dans la vacuité & capacité de la vescie. Gaigné ce poinct, nous ietons dehors le fil caché dans le tuyau de la sonde, à fin que l'vrine soit tirée, & suyue le fil; comme on fait aux trompes desquelles on puise l'eau. Voila la maniere de sonder. Et pource que souuent il est besoin faire des iniections & lauemens, quand la vescie est vlcerée, si les canons \* desquels on se sert pour ieter quelque liqueur dans les oreilles, peuuent conduire l'iniection, nous en vserons, & les dresserons par la verge, ainsi qu'il a esté dict de la sonde. Si cela n'est possible, nous appliquerons à la sonde vne bourse faicte de cuir, ou de la vescie d'un bœuf, & par ladicte sonde ietee en la verge metrons & pousserons l'iniection.

\* on du beurre, & vn blanc d'œuf. *Albu crasis.*

\* Sus tout le penil, sus la bourse, & l'entrefesson, avec des huiles humectatifs: on, d'huile cōmun & d'eau. *Al bucrasis.*

\* Les Grecs les nomment clysteres auriculaires.

Cest'operation presque iadis oubliée & perdue, est maintenant en frèquent usage de plusieurs maistres chirurgiens, tant pour repousser les pierres qui bouchent l'issue de la uescie, & arrestent l'urine, que pour les carnositez & ulceres engendrees au passage de l'urine, & pour rapporter certainemēt si dans la uescie y a pierre ou non, quand les medecins & patients en doutent. Ceux qui hantent avec les maistres, sauent qu'ils ont pour exercer cest'operation diuerses sondes en grosseur, pour user premierement des petites, puis des moyennes, & en fin des grosses, & qu'ils preparent le chemin aux sondes avec des chandelles de cire blanche, qui s'accommodent & plient selon la figure du conduit, sans le blesser. D'auantage que le bout de la sonde qui demeure hors de la uerge, est renuersé & arrondi en forme d'entonnoir, pour receuoir le petit canon de la siringue, s'il est besoin de faire iniection. L'anatomie nous enseigne le conduit de l'urine aux hommes estre fort long, &



tortu en figure d'un double Sigma maiusculè antique, comme la presente figure, ou d'un double C. & à ceste cause en sondant faut donner deux fois le tour à la sonde, pour la

conduire bien, l'un en la racine de la uerge, la haussant contre le uentre pour descendre dans l'entreffesson, ou perinee : & l'autre au bout de l'entreffesson, pres du

du fondement, en abbaissant la uerge, pour remonter en la uescie. Les sondes pour l'hōme sont uoluntiers de la longueur de quinze doigts, & quelque peu courbes. Les sondes pour les femmes sont plus droictes, & ordinairement de la longueur de neuf doigts, par ce qu'en icelles le conduict de l'urine est court & droit. M. Guy appelle Cathetere une sonde mas-  
sive, & Algalie ou Syringue, une sonde creuse, & conseille sagement si la sonde a bleśe le canal, & fait sortir du sang, que soudain on face iniection de collyre blanc destrempé avec lait de femme: mais à proprement parler Algalie des Arabes, est le Catheter des Grecz, qui estoit creux comme nostre sonde, ce que le texte de l'auteur monstre clairement: & la Syringue est, ce qu'encor aujourdhuy nous appellōs Syringue, assauoir l'instrument dans lequel nous receuons l'iniection, pour la ieter par la sonde. Aucuns desfont par une uis le petit canon de la syringue, metans en sa place l'entree de la sonde, qui aussi est expressement pour cela faicte. à uis, & en ceste maniere font les iniections. Aux exemplaires de M. Guy ce catheterisme n'est point bien dechiffré, cōme au texte de nostre auteur, & en Albucrafis, parquoy le faudra conferer à ce passage, & le restituer. De cest operation Celsus escrit ce qui s'ensuyt, Quelquefois (dit-il) la neceśsité contraint avec operation manuelle donner passage à l'urine, quand elle ne sort point, ou pource que de uicillesse son chemin \* est tombé, & fermé: ou pource qu'une pierre, ou un caillou de sang, se met au deuant d'icelle. Souuent une inflammation, encor qu'elle soit petite, empesche son euacuation & issue naturelle. Cest industrie & operation

l. 4. c. 20.

\* Plustost dirions nous, pource que la faculté expultrice des vieillē gens, manquant la chaleur naturelle, ne la peut chasser dehors.

ration aucune fois est necessaire, non seulement aux hommes, mais aussi aux femmes. Pour ceste cause on fait des sondes de cuyure \* ou leton: & pour les faire propres & conuenables à tous corps, soyent grās ou petis, pour les hommes on en fait prouision de trois, pour les femmes, de deux. Celles des hommes les plus grandes ont quinze doigts de long: les moyennes douze: les moindres neuf. Celles des femmes les plus grandes, ont neuf doigts de longueur, les moindres, six. Il les faut faire quelque peu courbes, & plus pour les hōmes, fort lisses, & ny trop grosses ny trop grelles. Or on fait coucher le patient à la renuerse, comme on le situe quand on ueut penser les

\* Nous les faisons d'argent, qui est plus net, & n'engendre point de verdet, comme le cuyure.

\* Maintenant pour donner plus de pente & cheute à l'vrine, on le fait tenir debout, les cuisses entr'ouuertes.

affections & maladies du siege, sus un \* banc, ou sus un liēt. Le medicin se renge au costé dextre d'iceluy, & avec la main gauche prend la uerge, avec la dextre met la sonde dans le passage de l'urine. Estant uenu au col de la uescie, baissant la uerge & la sonde tout ensemble, il la pousse dans la uescie, & la retire, quand le malade a piśé. La femme a le conduit plus droict & plus court. L'entree de ce conduit en la femme ressemble à une petite mamelle, & est situé entre les bors de sa nature au dedans d'iceux, & au dessus de la partie honteuse. La femme certes a aussi souuent besoin de secours que l'homme, & n'est si difficile de la secourir que l'homme. Aucune fois il tombe un calculé dans le cōduit de l'urine (combien que souuent l'urine le froisse, & menuise,) qui s'arreste à l'issue d'iceluy. S'il est possible, il le faut arracher, ou avec une éprouvette \* auriculaire, ou avec le serrement duquel faisant incision, on attire la pierre de la uescie en l'ouuerture faicte. S'il n'est possible de l'auoir

\* De laquelle on tire les choses estranges, qui tombent dās les oreilles.

L'auoir ainsi, il faut tirer fort la peau du prepuce, & quand le glan sera tout caché d'icelle, la lier : puis de costé inciser la uerge d'une playe droicte, pour par icelle ieter dehors le calcul, & ce faict, lâcher la peau du prepuce. Par ce moyen la partie entiere de la peau couure l'incision, & l'urine sort comme naturellement ell'a de coustume. *Surqu'à saint Celsus.*

La maniere de tirer la pierre de la vescie.

## CHAP. LX.

**A**Yans declaré en autre \* lieu la cause qui \* chap. 45.  
engendre la pierre, & monstre qu'aux en- *liure 3.*  
fans elle s'engendre plus en la vescie, & en ceux  
qui sont auancez d'aage, aux rognons, venons  
à traiter la maniere d'inciser les malades pour  
la tirer: mais premier disons les signes de la pier-  
re en la vescie. Quand les malades pissent, leur  
vrine est blanche comme d'eau, & la residence  
d'icelle sableuse. La verge leur demange sou-  
uent, se dresse & se lâche sans propos, & à ceste  
cause ils la manient souuent, estans chatouillez  
& incitez de ce faire par la demâgeson, & prin-  
cipalement les enfans. Si la pierre tombe au  
col de la vescie, soudain le patiét perd l'vriner.  
Entre ceux qu'on taille de la pierre, les enfans  
iusques à l'aage de quatorze ans guerissent ai-  
sément, par ce qu'ils ont le corps mol. Les vieil-  
les gens guerissent à peine, par ce que les vlce-  
res en leur corps sont difficilement curees. Les  
aages qui sont entremi les deux susdictes, sont  
en proportion moyennement aisces à guerir.  
D'auantage ceux qui ont la pierre plus grosse,  
sont plus faciles à guerir, par ce qu'ils sont acou-  
stumés

stumés à souffrir les inflammations : & pour raison contraire ceux qui ont la pierre plus petite, guerissent plus malaisément. Ces choses presuppосées, pour venir à l'opération manuelle, il faut premierement ébranler & secourir le corps. ce qui se fait, ou sautant le malade de quelque lieu haut, à fin que la pierre se remue & transporte au col de la vescie, ou par les mains des seruiteurs atitez pour cela. Ce fait on situe le malade assis sus les fesses, & le bust du corps droict, ayant les mains souz les cuisses, à fin de reduire \* la vescie à l'estroit. Or si tastant par dehors l'entrefession, nous y trouuons la pierre qui soit cheute en secoüant & branlant le corps, à l'instant mesme nous ferons l'opération. Si nous ne l'y trouuons point, & le malade est vn enfant, nous luy metrons dans le siege l'indice de la main senestre, engressé d'huile : & si le patient est homme fait, nous y metrons le doigt mitoyen : puis renuerfant le doigt que nous y aurons mis, rechercherons la pierre : & apres l'auoir rencontrée, la menerons doucement petit à petit au col de la vescie, la poussant & inculquant au dedans d'iceluy, & quand elle y sera entree, nous la chasserons tousiours en dehors avec vn doigt \* ou plusieurs : puis commanderons à vn seruiteur de presser la vescie avec les mains, & à vn autre, souleuer les testicules de la main dextre, & de la gauche estendre le perinee ou entrefession vers la partie contraire du lieu où nous deuons faire l'ouuerture : & nous, prenans le fer-

rement

\* Or que par ce moyen elle pousse la pierre vers son col, & vers la playe qui se doit faire.

\* Car aucuns chirurgiens pour tenir la pierre plus ferme, mettent dans le siege du patient les doigts mitoyen & indice.



rement propre à \* tailler la pierre, entre le siege & les testicules, non sus le milieu de l'entre-fesson, ains à costé, pres de la fesse gauche, ferons l'incision de biais, tranchans au dessus de la pierre arrestee, de sorte que par dehors la playe soit large, & par dedans n'ayt plus d'ouverture, qu'il suffit pour donner issue à la pierre. Car aucunes fois appuyant fort le doigt ou les doigts mis dans le siege contre la pierre, l'incision faicte, sans differer la pierre saute gracieusement dehors : & si d'elle mesme ne sort, nous la tirerons avec tenailles propres à l'empoigner. La pierre tiree nous arresterons le flus de sang avec poudres restrictiues, composees de manne d'encens, d'encens, d'aloë, de symphyton, de misy, & autres semblables, & appliquerons dessus de la laine, ou des drapeaux mouillez en vin & huile, ferrans le tout avec vne bande de six cheffz, vsitee en l'extraction de la pierre. Si nous auons doute de flus de sang, nous y appliquerons vn drapeau baigné en eau & vinaigre, ou en eau & huile rosat: puis merans au liét le patient nous mouillerons & arrouserons souuent l'appareil dudit médicament. Le troisieme iour nous defairons & remuerons l'appareil, & ayât fort baciné la playe avec \* d'huile & d'eau, nous y vserons du basilicon avec charpie, pensans & abillans souuent le malade, à cause de l'acrimonie de l'vrine. S'il suruient quelque inflammation, nous y remedierons avec cataplasmes, & fomentations conuenables, & ieterons dans la vescie ou de l'huile rosat,

\* C'est vn rasoir à deux tranchés faict expres pour cela.

\* pour appaiser la douleur, mitiguer l'inflammation, & adoucir la cuisson de l'vrine.

rosat, ou de l'huile de chamomille, ou du beurre, si quelque inflammation de la vescie ne nous empesche. Semblablement s'il y a quelque vlcere corrosiue & depascente, ou en quelque autre façon maligne, nous accommoderons les remedes, comme chacune de ces affections le requiert. Si l'vlcere est sans inflammation, apres auoir faict \* baigner & estuuer le patient, nous luy metons sus le bas du ventre, & sus les reins vn emplastre de diachylon. Pendant tout le temps de la curation nous lierons ensemble les cuisses, à fin que cela aide & serue aux remedes \* appliqués. Si quelque petite pierre tombe dans la verge, & ne peut sortir en pissant, on tire fort le prepuce en deuant, puis on le lie iouxte le bout du glan: on lie aussi la verge \* par derriere, en ietant ce qui la serre, en l'extremité d'icelle qui approche la vescie: puis on l'incise de \* costé, faisant l'ouuerture basse, sus la pierre mesme. Ce faict, on plie la verge pour ieter hors la pierre: & defaisant les deux ligatures, on oste le sang caillé qui est en l'vlcere. La ligature de derriere se fait à fin que la pierre ne retourne en arriere: & la ligature de deuant, à fin qu'ayant sorti la pierre, quand on delie le prepuce, la peau qui recule en derriere cou-

\* Côme estoit la constume de faire tous les iours au temps passé.

\* Qui doyuent consolider la playe, car ceste ligature approche les bords l'un de l'autre.


\* Pour garder que la pierre ne retourne en arriere.

\* Ces deux mots sont adionstés pour entendre mieux le tout, suyuant la raison, & l'autorité de Celsus.


\* \*


Sondes

*Sondes pour cognoistre si la pierre est  
en la vescie, avec le fil d'ar-  
gent pour garder que  
rien ne s'engorge  
au bout.*



Sondes & canule pour couper &  
comminuer les carnosités en-  
gendrées au cōduict  
de l'urine.


*Siringue*

*Siringue à chystere.**elle se compose de deux parties.*

X 2

29/0010015

*Siringue à femme pour se bailler  
elle-mesme le clystere.*




*Ventouses*

*Ventouses pour aider à faire de-  
scendre les pierres en la  
vescie.*



*Siringue pour faire injection  
et en la vescie.*





*Tirefond*




*Tirefond avec canule pour  
comminuer la pierre  
dans la vefcie.*

*Crochets pour  
extraire la  
pierre apres  
l'incifion de  
la verge.*




20442

*Crochets pour extraire la pierre  
aux petits enfans.*




*Sondes*

*Sondes ouvertes au dehors pour met-  
tre souz le tranchant du rasoir  
& guider la main de  
l'inciseur.*




A. Probe ouverte.  
B. Probe ouverte.

Conducteurs de deux sortes pour  
aider à tirer la pierre.




- A. Premier conducteur.  
B. Le second conducteur.


*Bec de cane cane au dehors pour  
dilater la playe.*




*Dilator*

*Dilatator*

*Dilatatoire ouvert.**Dilatat*

*Dilatatoire clos.**Tenailles*

*Tenailles en forme de bec de canne courbe pour empoigner la pierre.*




collins

Alleron



Allerons à viz, et la pierre prise  
 y lien iceux avec le bec  
 de cane.



A. Vne piece de fer pour mieux serrer  
 les allerons.

*Curettes*


*Curettes pour apres l'extraction  
d'une pierre, sonder s'il y  
en-a d'autres.*




*Une piece de fer pour une curette.*

*Bec*

*Bec de corbin pour prendre les  
pierres en la vescie.*




*Canules d'argent pour servir en  
la playe apres l'extraction  
faicte.*



*Autres*

*Autres canules de mesme  
usage.*



y 2


*Siringue pour  
faire iniection  
en la vescie par  
la playe.*

*Tenons pour serrer  
les leures de l'ul-  
cere apres l'ex-  
traction de la  
pierre.*




A. Le grand tenon.  
B. Le petit.

*Sondes pour faire incision au col  
de la vescie, & tirer la pierre  
aux femmes.*




*Canule pour inserer en la verge, &  
conduire le rasoir à faire incision:  
puis le gorgeret pour les te-  
nailles suyuantes.*




*Tenailles*



*Tenailles incisives propres à tirer  
la pierre avec le gorgerec  
sans douleur.*



*Tenailles non incisives pour tirer  
la pierre.*



*Fondam*

*Fondamental pour tirer la pierre incōtinent, ou  
quelques iours apres l'incision, là où ell' est gros-  
se, & qu'il y faut faire force avec vn ve-  
sical à quatre chainettes pour em-  
poigner la pierre par dedans  
le gorgeret apres  
l'incision.*



## ANNOTATIONS.

\* Aphorif.  
26. liure 3.

La pierre de la uescie s'engendre plustost aux  
\* enfans, qu'en ceux qui sont de plus grand aage,  
par ce qu'ils mangent beaucoup, & sans distinction  
de ce qui mangent, & le plus souuēt mauuaises uian-  
des, qui engendrent nourrissemēt gros & uisqueux:  
n'observent point d'heure ny temps pour prendre  
leur repas: sont en perpetuel mouuement de leur  
corps, empêchans par ce moyen la digestion qui se  
fait meilleure en reposant: auant que la viande pre-  
cedente soit digeree, rechargent l'estomach d'autre:  
incontinent apres le past sautent & courent, ce qui  
espend l'aliment cru dans les ueines: & outre ce la  
substance de leur corps qui est molle & obeissante,  
se dilate aisément pour donner passage aux excre-  
mens gros & uisqueux, enuoyés du foye au chemin  
de l'urine, en sorte qu'ils ne sont point retenus aux  
roignons, ains descendent en la uescie avec l'urine,  
là où l'urine se purifie, & ces excrémens se separēt,  
comme la lie du uin, & le limon de l'eau, & estant  
separez par longueur & succession de temps s'endur-  
cissent, & tournent en pierre. Car la chaleur petite  
de la uescie, qui est une partie nerueuse, froide, priuee  
de sang, ne peut si tost endurcir & petrifier telle ma-  
tiere, comme la chaleur ardante & brulante des ro-  
gnons. Les enfans donc sont subiects à ce mal, pour  
leur mauuais regime, & l'erreur qu'ils commettent  
en la qualite, quātite, ordre, temps, & maniere d'user  
les viandes, & d'exercer leur corps, & la mollesse  
d'iceluy. La pierre des roignons a sa cause mate-  
rielle un' humeur crue, grosse, uisqueuse, ou grosse &  
uisqueuse ensemble: efficiente un' intemperature ex-  
cessiue

ceſſiuelement chaude & brulante: & à ces deux cauſes aide fort la figure & formation de l'interieure partie des rognons, quand naturellement elle eſt ſi eſtroicté, que leſdicts excremens y ſont retenus. Le iugement de la pierre en la ueſcie eſt fort difficile & ambigu, par ce que tous les ſignes eſcrits des auteurs, ſont preſque communs à la pierre des roignos, ou à l'inflammation & tumeur du ſphincter, & des hemorrhoides. L'urine des patients, ſi la pierre eſtât rogneuſe, raboteuſe, & aſpre, a raclé ou graté la ueſcie, eſt \* ſanglante, ou purulente, ou traîne des muc-coſités ſemblables à morueau, & lors en piſſant & ſans piſſer ils endurent grand tourment: ſi la pierre eſt liſſe, polie, & n'outrage point la ueſcie, l'urine eſt crue, ſubtile, transparente, blanche comme d'eau, avec reſidence ſableuſe & blanche, & augmentation de douleur en piſſant. Quand par quelques iours on a piſſé l'urine groſſe, trouble, & blanche cōme laiçt, puis ſoudain on la fait telle que maintenant l'ay deſcrite, c'eſt plus grande preſumption de pierre. Les patients urinent ſouuent, avec douleur & difficulté: ayant uriné, incontinent y ueulent retourner: ſentent douleur & peſanteur au penil, où eſt la ſituation de la ueſcie: demangeſon au bout de la uerge: en piſſant prennent enuie d'aller à leurs affaires, & iettent beaucoup de uentouſité en petant: ſe preſentans à la ſelle s'eſſorcent, comme s'ilz auoient les epraintes ou teineſme, de maniere que ſouuent le fondement en ſort: la uerge à tous propos leur dreſſe, & incontinent s'abbaiſſe. Aucuns d'iceux ne peuuent aller ny à pié, ny à cheual, qu'ils ne piſſent l'urine ſanglante, & eſt ce ſigne, avec la muccoſité reſidente en l'urine,

\* Ces meſme ſignes allegue Hippocr. traitant de ceſte matiere, ſus la fin du 4. liure de Morbis.

des plus certains, quand il se trouue : toutesfois la preuue plus asseuree consiste au taster de la sonde, & des doigts mis au fondement. L'operation d'inciser les patiens est fort hazardeuse, par ce qu'elle cause spasme, flux de sang, inflammation, fièvre, alienation d'esprit, fistule, & en fin la mort. D'auantage la petite pierre échappe: la grande ne peut estre tirée sans lésion & dilaceration de la uescie. Parquoy à bon droit Hippocrates au formulaire de son serment, ueut que le ieune medecin promette & iure n'entreprendre cest' operation, ains la remettre aux chirurgiens qui en font estat. Les pierres de la uescie quelquefois sont lisses: quelquefois rogneuses comme une truffe: quelquefois espineuses & piquantes: grandes, petites, mediocres, & minces, longuettes, rondes, quarrees: d'un costé plus estroictes, de l'autre plus larges & grosses: quelquefois uagent & roulent dans la uescie sans estre attachees en nulle part, & quelquefois sont encloses dans une bourse faicte du phlegme deseché & condensé: & celles-cy sont dangereuses à tirer, car en les arrachant on ulcere la uescie. I'ay trouué la pierre fort grosse, suspendue dans sa bourse, en la superieure partie de la uescie, qui regarde le uentre: qui faisoit, que uiuant le patient avec la sonde on ne la peut iamais toucher. On trouue aussi quelquefois un amas de sable, enuironné de phlegme, qui se rompt au toucher de la sonde, de sorte que le malade le pisse par-apres. Quand la pierre se trouue couuverte & enuoloupee de phlegme mucillagineux, les maistres ne peuuent bien asseoir iugement sus l'essay de leur sonde. I'ay trouué en la uescie une chair superflue, grosse comme une pomme,

qui auant la mort du patient, monstroit apparence de pierre, & trompoit les maistres. Albucrasis sagement nous auertit, que le iour precedent de l'operation, nous donnions un clystere au malade, pour uider toute la matiere fecale des boyaux, à fin que cherchant la pierre, elle n'empesche que la rencontrions. D'auantage s'ils se trouuent plusieurs pierres en la uescie, qu'on chasse la plus grosse la premiere en l'orifice & col d'icelle, pour faire l'incision dessus, puis les moindres apres. Si la pierre est fort grosse, le mesme auteur dit estre une folie extreme de faire l'incision grande en proportion d'icelle, par ce qu'il en suit ou la mort, ou une distillatiō perpetuelle d'urine, demeurant la playe sans estre cōsolidee, ains qu'il faut ingenieusement la rompre avec tenailles, & la tirer par pieces. Il nous auise aussi s'il y a quelque sang caillé dans la uescie qui empesche l'urine de sortir (ce qu'on cognoist quand avec l'urine que le patient iette, y a du sang meslé) de mettre le doigt dans la playe, & tirer les cailloux de sang, qui demeurans en la uescie, la corromproyent \* & pourriroyent: puis lauer la playe avec du uinaigre, d'eau, & de sel. Ce mesme auteur quand il est tombé quelque petite pierre en la uerge, qui retarde & retient l'urine, ne ueut point que incontinent nous uenions à l'incision descritte de nostre auteur, ains que premierement nous essayons de la rompre avec un perceoir d'acier, fiché en un manche de bois, qui ayt son extrémité triangulaire. Voulant en user, on lie la uerge au dessouz de la pierre, à fin qu'elle ne retourne à la uescie: puis on met doucemēt le perceoir dans la uerge, iusques

\* Car le sang  
espandu en  
quelque ren-  
tre hors de ses  
vaisseaux ne-  
cessairement se  
pourrit: aphor.  
20. liure 6.

ge, iusques à ce qu'il heurte la pierre: & lors avec la main on le uire contre la pierre, iusques à ce qu'il ayt penetré de part en part: quoy fait, l'urine sort librement. Adonc il faut presser avec la main l'endroit de la uerge où est la pierre, pour acheuer de la rompre, & la faire sortir par l'urine, qui est la guérison du malade. Celsus thresor, quant à la chirurgie, de toute l'industrie des anciens, traite plus ample-ment de ceste matiere que nul autre. Et combien que son discours soit assez long pour composer un petit liure, si est ce que ie ne m'ennuyay non plus de le traduire, que le lecteur uigilant à son proufit de l'entendre. Apres \* auoir parlé (dit-il) de la pierre, & de la uescie, cest' occasion semble requérir, que l'aio-  
 ste quelle operation manuelle est necessaire à ceux qui ont la pierre, quand on ne les peut secourir autrement. Or n'est il besoin se haster trop de la faire, ueu quell'est perilluse, & hazardeuse, ny en tout temps, ny en tout aage, ny indifferemment en toutes dispositions de ceste maladie, ains seulement au printemps, & en un corps qui aura ia passé neuf ans, & non encores quatorze: & d'auantage si le mal est si grand qu'avec medicamens on ne le puisse surmonter, & qu'il semble le patient ne pouuoir differer, ou euitier, que quelque temps apres le mal ne le tue: non pas certes qu'aucune fois la curation ne proufite, en-  
 cor qu'elle soit temeraire & audacieuse, mais pour-  
 ce que le plus souuent elle est fallacieuse & deceuable, quand il y a plusieurs manieres & occasions de dan-  
 ger, lesquelles ie reciteray avec la procedure de l'operation. Quād dōc nous sommes resolu d'eprou-  
 uer ce dernier remede, quelques iours au par-  
 auant il faut

\* Au chap.  
 immediatemet  
 precedent.

1. 4. 2. 0.



il faut preparer le corps avec bon regime, assauoir qu'il mange peu, de uiandes saines, & point glueuses: qu'il boyue de l'eau: & ce pendant qu'il face exercice en cheminant, à fin que la pierre descende mieux au col de la uescie. Nous cognoistrons si elle y est cheute, ou non, en metant les doigts dans le fondement, comme ie declareray en exposant & particularisant l'operation. Estans assurez qu'elle y est descendue, le iour precedent il faut faire ieuner l'enfant, & en une chambre chaude executer l'operation, laquelle se manie & ordonne comme s'ensuit: Vn homme robuste, & stilé en cela, se siet en un siege haut, prend le malade renuersé, & qui luy tourne le dos au uisage: puis metant les deux cuisses d'ice luy sus ses deux genoux, & luy \* faisant approcher les talons des fesses, commande qu'il iette les mains souz ses iarretz, les tirant contremont tant qu'il pourra: & estant agencé ainsi le contient en ceste figuration. Si le corps du malade qui se presente à l'operation, est trop puissant, il faut que deux forts hommes soyent assis sus deux sieges, desquels sieges on attache ensemble les piés tournés en dedans, à fin qu'ilz ne se puissent écarter, & reculer. Ce fait on situe le patient en mesme sorte sus les genoux des deux hommes susdicts: & d'iceluy l'un tient la iambe droite, l'autre la gauche: & le malade tire contremont ses iarrets, comme n'aguères auons dit. Or soit qu'un seul le tiennne, ou deux parenssemble, ils ont leur poiétrine couchee & appuyee contre les espaulles du patient. Par ce moyen se fait que la cavité qui est au dessus du penil, s'estend sans aucune ride entre les flancs, & que la uescie estant serree & reduicte à l'estroict,

\* *reduclis crucibus.*

à l'estroict, plus facilement on empogne la pierre. Outre ce, on met aux costés deux robustes hommes, qui demeurans sur piés, empeschent que ceux qui tiennent le patient, soit un, ou deux, ne se leuent & ne se bougent. Tout cela fait, le medecin ayant curieusement rogné ses ongles, met le doigt indice & mitoyen de la main gauche dans le fondement du malade, tout doucement, premierement l'un, & puis l'autre: & des doigts de la main dextre il presse gratieusement le bas du petit uentre. Car si les doigts par dehors & par dedans se rencontroient rudement al'entour de la pierre, ils blesseroient la uescie. En cela, comme il se fait en plusieurs autres operations, ne faut point se hastier & depescher, ains y uaqner de sorte qu'on y besogne à seurté, & sans aucun danger. Car la uescie blessee cause conuulsions & peril de mort. Premierement on cherche la pierre au col de la uescie. La rencontrant en cest endroit-là, plus facilement on la iette dehors. A ceste cause ay-ie dit, qu'on ne doit commencer l'operation, que premierement par ses signes on ne cognoisse si elle y est descendue, ou non. Or si la pierre n'est point uenue en ce lieu-là, ou est retournée en arriere, il faut pousser les \* doigts par le fondement iusques à l'extremité de la uescie, & petit à petit les suyure de la main dextre appliquee outre, & par derriere la pierre. Ayant trouué la pierre, laquelle necessairement on doit rencontrer avec les mains, d'autant qu'elle est moindre & plus lisse, il la faut plus soigneusement conduire, à fin qu'elle n'echappe, c'est à dire qu'on ne soit contraint de trauailler souuent la uescie. Il faut donc tousiours appliquer la main droicte outre & derriere

\* De la main gauche.

derriere la pierre, & avec les doigts de la gauche, la pousser, iusques à ce qu'elle uienne dans le col de la uescie. Si la pierre est longuete, il la faut pousser dans le col, de maniere que suyuant sa longueur, elle sorte en pointe hors de la uescie. Si ell'est aplanie, & non pointue par ses extremités, il la faut mener de \* trauers. Si ell'est quarree, il faut faire entrer seulement deux de ses angles dedans. Si d'une part elle est plus grosse, il la faut acheminer de façon que la partie la plus subtile sorte la premiere. Si ell'est ronde, la figure monstre bien qu'il n'importe de quelle part on la presente: n'estoit que d'un costé elle fust plus lisse: car lors il faudroit que la partie la plus lisse precedast l'autre. Quand \* la pierre est uenue au col de la uescie, il faut inciser la peau sans toucher ledict col pres du fondement, & faire l'incision en forme de croissât, duquel les cornes soient tournees vers la cuisse: puis à l'endroit où l'extremité basse de la playe est plus estroite, au dessous de la peau coupee, il faut faire une seconde incision trauersiere, qui penetre iusques dans le col, & si auant que l'urine ayt chemin ouuert pour sortir, de maniere que la playe soit un peu plus grande que la pierre. Aucuns pour doute d'une fistule en cest endroit-là, que les Grecz nomment *ἐπίτρυς*, comme si nous disions une pissoire, font l'ouuerture \* petite, mais ils retombent en inconuenient qu'ils craignoient, & avec plus grand danger, par ce que la pierre, quand on la tire, se fait chemin, si on ne luy baille: & cela est d'autant plus

\* Car plus fermement on la tient de trauers, que si on la tourne sus l'un de ses bouts.

\* Si les incisions doyuent estre faictes suyuant l'assiete des fibres: certes l'assiete des fibres au col de la uescie est trauersiere: parquoy il faut faire l'incision trauersiere: & qui la feroit de long, on les couperoit à trauers, & l'action de la partie en demeureroit perdue. La peau s'incise en demi-cercle, à fin que la pierre qui sort du

col, ayt meilleure issue. Car si la playe estoit droicte, il y auroit difficulté de la tirer, \* Les operateurs tiennent cest opinion, & disent que l'ouuerture desirée se consolide plus aisément qu'incisée.

pernicieux, si la figure incommode d'icelle, ou sa substance aspre, aident à luy ouvrir son passage. Car de là peut auenir flux de sang, & cōuulsion: & quand bien ces accidens ne suruiendroyent, si est ce que la fistule sera beaucoup plus grande estant rompu le col de la uescie, que si on l'eust incise. Estant ouuert le col de la uescie, la pierre se presente. En la grandeur & corpulence d'icelle y a quelque difference & respect. Car si ell'est petite, d'une part on la pousse avec les doigts, & de l'autre on la tire. Si ell'est grosse, on iette un crochet fait expres pour cela, en sa partie superieure. Ce crochet est grelle en son extrémité, figuré en demicercle, lisse par dehors, où il touche le corps, aspre par dedans, où il se ioint à la pierre, & ne coupe point de cousté ainsi que s'estend sa largeur. On le doit plustost faire long qu'autrement: car estant trop court, il n'a pas force de tirer dehors la pierre. Ayant ieté le crochet sus icelle, il le faut incliner & tourner d'un costé & d'autre, de sorte que la pierre apparaisse estre prise: car si ell'est empoignée, elle s'incline & tourne avec le crochet. La pierre de mediocre grandeur est plus aisée à tirer. La trop petite, quand on commence d'amener le crochet, échappe, & fuit en dedans. La trop grande incise & blesse les bords de la playe, avec dāger des accidens, lesquels cy-dessus nous auons recités. Quand nous sommes asseurez de tenir ferme la pierre, presque en un mesme instant il la faut remuer en trois parts, assauoir uers les deux costés, & puis en dehors, & toutesfois doucement: premierement l'attirant un peu, puis haucant le bout du crochet qu'on tient en la main, à fin que l'autre bout demeure plus dedans

dedans, & plus aisément produise la pierre. Si quel-  
 quefois on ne peut commodément empogner la pier-  
 re par sa partie superieure, il la faut prendre de co-  
 sté. Voila la plus simple & facile operation de tou-  
 tes. Neantmoins la diuersité des choses requiert cer-  
 taines considerations, & animaduersions. Aucunes  
 pierres sont non seulement aspres, mais aussi épineu-  
 ses, lesquelles se tirent sans aucun danger, quand de  
 soymesme elles uiennent en la playe du col de la ue-  
 scie: mais il n'est pas seur de les chercher en la uescie,  
 ou de les en uouloir tirer, par ce que s'ilz la blessent:  
 la conuulsion suruenante auance la mort du patient:  
 & d'autant plus, si quelque espine de la pierre est  
 adherente à la uescie, ou si en tirant, elle l'a \* percee.  
 Nous cognoissons la pierre estre passée au col de la  
 uescie, quand le patient urine à plus grand peïme:  
 & qu'elle est espineuse, quand l'urine qui distille,  
 est sanglante: & faut principalement faire ceste  
 preuue avec \* les doigts: & ne doit-on mettre la  
 main à l'operation, qu'on nesache de uray la pierre  
 estre au col. Le sachant, par dedans il faut mettre  
 doucement les doigts au deuant d'icelle, à fin que la  
 poussant de uolence on ne blesse la partie, & lors  
 on incise. Plusieurs en cela usent de la \* lancete,  
 ou d'un petit rasoir. Mais pource que ces instru-  
 mens sont trop foibles, se rencontrant quelque e-  
 minence de la pierre, & ayant incisé ce qui se-  
 ra a l'endroict d'icelle, ils ne peuuent couper ce qui  
 respond à la cavitè prochaine de l'emünence, ains le  
 laissent entier, pourquoy il faut retourner, & l'a-  
 cheuer de fendre.

\* Aucuns  
 lisent, elle l'a  
 redoublée.

\* ou en tâtâe  
 par dehors, & se  
 en les metant  
 dans le fonde-  
 ment.

\* scalpello.



- A. Trâchet de Meges.  
 B. Les bors de dessus  
 sus lesquels on cou-  
 che le ponce.  
 C. La rotundité infé-  
 rieure tranchante,  
 demicirculaire,

Meges fit un ferrement droit, ayant des bors en sa sommité, en son inférieure partie demicirculaire & tranchant. Il le mettoit entre l'indice & le doigt mitoyen: puis ietant le ponce dessus, le pressoit de sorte, qu'avec la chair il coupoit les eminences de la pierre: & par cest'industrie tout d'un coup il faisoit autant d'ouverture qu'il estoit de besoing. En quelle maniere qu'on ayt incisé le col, il faut tout bellement & doucemēt tirer dehors la pierre, si elle est aspre & raboteuse, sans y faire violēce pour se cuider haster. La pierre sableuse se manifeste, & deuant l'operation, par ce que l'urine qui sort est sableuse, & en l'operation mesme, par ce que sa renitence n'est point si uehemente que des autres, ains plus douce, & qu'en la maniant semble se dilater. On iuge la pierre estre molle, & composee de plusieurs petites, mais peu serrees ensemble, quand d'icelle se separent comme de petites écailles. Quand les pierres sont \* molles & \* telles, remuant souuent & doucement l'un apres l'autre les doigts qui sont au fondemēt, on les ameine uers la playe, de sorte qu'elles ne blessent point la uescie, & que dans icelle n'en demeure aucune reste dis-  
 sipee,

\* Quand elle se brise en sable.

\* molles & sableuses.

sipee, qui rende par apres la curation plus difficile. Certes il faut tirer tout ce qu'on en pourra uoir avec les doigts, ou avec le crochet. S'il y a plusieurs pierres, il les faut tirer l'une apres l'autre, & toutesfois s'il en reste quelque petite, il la faut plustost laisser dedans, par ce que mal aisément, on la trouue dans la uescie, & l'ayant trouuee, soudain elle eschappe: & ainsi cherchant longuement, on blesse la uescie, dont est causee une inflammation mortelle: en façon qu'aucuns apres auoir esté taillés sont trepassés, par ce qu'en uain & sans propos, on leur auoit longuement recherché & tourmenté la uescie. D'auantage l'urine chassera facilement ceste petite pierre en l'ouuerture de la playe, pour la faire sortir. Si la pierre se monstre si grande, qu'on ne la puisse auoir, sans qu'elle rompe & desbire le col de la uescie, il la faut fendre: & ceste ruse inuenta Ammonius, pour ceste cause surnommé \* Lithotome. Cela se fait en ceste maniere: On iette sus la pierre un crochet, & la tient-on de sorte que par apres, uoïre en la brälant, elle ne retourne en arriere: puis on y applique un ferrement, mediocrement époïs, ayant son anterieure partie gresse, & mouce, lequel empogne & sent la pierre qui de l'autre part luy est approchée. Ce faisant, on se doit bien donner garde que le ferrement ne touche la uescie, ou qu'un éclat de la pierre ne l'incise. L'operation est semblable aux femmes, desquelles neantmoins dirons quelque chose particulierement. En icelles, si la pierre est petite, le rasoir ou lancete n'y sont necessaires, par ce que l'urine la chasse au col de la uescie, qui leur est plus large, & plus court qu'aux mâles. Par quoy de soy mesme elle tombe sou-

\* Tailleur de pierre.

uent: & si de fortune elle s'arreste à l'issue du col, qui est estroicte, sans faire mal, on la tire avec un crochet. Si la pierre est grosse, on fait la mesme operation qu'aux mâles. Si c'est une fille, on la sonde avec les doigts par le fondement, comme les mâles: si c'est une femme, on la sonde par sa nature. Aux filles on fait l'incision au bord gauche de leur nature, au dessous de la sommité: aux femmes entre le conduit de l'urine, & l'os du penil: & en tous les deux lieux, de trauers: & ne se faut estonner, ou épeurer, si du corps de la femme sort grãde quantité de sang. Apres auoir arraché la pierre, si le corps est robuste, & on ne l'a point excessiuement trauaillé, il faut permettre que le sang flue. Par ce moyen l'inflammation suivante sera moindre. Il ne sera point impertinent que le malade chemine un peu, à fin que s'il est demeuré quel que caillou de sang dans la uescie, il tombe dehors. Mais si le sang de soymesme ne s'arreste, il le faut retenir, autrement le malade perdrait toute sa force. On l'arreste aussi soudain apres l'operation quand le malade est foible. Car ainsi comme il y a danger de conuulsion, quand on tourmẽte \* trop la uescie, ainsi deuons nous craindre, que \* quand on remuera l'appareil il ne flue tant de sang que le patient en meure. Pour garder que cela n'auieñe, on fait un demibaing de uinaigre fort, en y aioustant un peu de sel. Par ce remede le sang presque tousiours s'arreste, & la uescie se reserre, à raison de quoy elle est moins inflammee. Si ce remede ne proufite assez, il faut appliquer une uentouse sus l'eine, sus la cuisse, & sus le penil. Ayant suffisamment retiré ou arresté le sang, il faut coucher le malade à la renuerse, de sorte que la teste soit

\* En fouillāt  
& cherchant  
la pierre.

\* Le lirois vou-  
lontiers que  
quand bien on  
appliquera les  
remedes conue-  
nables, il ne  
flue &c.



soit basse, & les cuisses un peu releuees: & au dessus de l'ulcere il faut mettre un linge à deux ou trois doubles trempé en uimaigre: puis passees deux heures, il le faut mettre à la renuerse dans une cuue d'eau chaude, qui le touche seulement depuis les genous iusques au nombril, & couurir le reste du corps de robes, & habillemens, decourrant seulement les piés & les mains, à fin qu'il y demeure plus longuement, & qu'il soit moins debilité. Par ce moyen il sue beaucoup: & lors le faut essuyer souuent avec une éponge: & cesser de le fomentier & baigner, quand il se sentira debile: & adôc le faut engresser fort d'huile: puis luy mettre dessus le penil, les cuisses, les gines, & la playe, un drapeau, & par dessus iceluy un liêt de laine charpie & estendue, mouillée en huile chaud, & souuent l'arrouser du mesme huile, pour obuier que le froid ne penetre en la uescie, & pour ramollir doucement les nerfs. Aucuns usent de cataplasmes échaufans, mais ils nuisent plus de leur pesanteur, & en contraignant la uescie, indignent l'ulcere, qu'ils ne proufisent en échaufant. Pour ceste mesme \* consideration, n'est besoin d'y faire aucun bendage. Le iour prochainement suyuant, si le patient tire peine à respirer, si l'urine ne se uuide point, si les parties circonuoisines du penil sont enflees, ces signes nous auertissent, qu'en la uescie est resté quelque caillou de sang. Parquoy il faut mettre doucement les doigts en icelle, & la tâtant rompre & dissoudre ce qui y sera de caillé: car estant rompu, il sortira en apres par la playe. Il ne sera point aussi mal à propos, faire iniection par la playe dans la uescie, de uimaigre & \* nitre meslez ensemble. Ce medicament resout

Cela est vn  
demaing.

\* de ne presser  
la uescie & ir-  
riter l'ulcere.

\* Ce medica-  
ment est bien  
acre pour vne  
partie si ner-  
ueuse que la  
uescie.

& liquefie les cailloux de sang: on en peut user dès le premier iour. Si nous auons doute qu'il ne soit demouré en la uescie quelque pierre, & principalemēt quand la foiblesse du malade est si grande, qu'il ne la peut en cheminant icter dehors, nous userons des mesme remedes susdicts: luy ferons un demibaing: & luy couvrirōs les parties sus mentionnees d'un linge, & d'un liēt de laine. Mais il ne faut pas mettre si souuent un enfant au demibaing, qu'un adolescent, ne l'y tenir si longuement: un patient debile, qu'un robuste, celuy qui a peu d'inflammation, que celuy qui l'a grande: celuy de qui le corps est promptement resolu & abbatu, & celuy de qui le corps est dur, solide, & serré. Nous iugeons l'operation estre heureuse & bonne, quand le patient dort: a la respiration égale: la langue humide: peu de soif: le petit uentre rien tumide: la douleur mediocre: la fieure legiere. En telle disposition l'inflammation cesse presque le cinquième, ou septième iour: & icelle passée, ne faut plus user du demibaing. Seulement estant le malade à la renuerse, on luy fōmente d'eau chaude la playe, pour la lauer, si l'urine y fait quelque corrosion. Par dessus on applique des medicamens suppuratifs: & si l'ulcere doit estre mondifié, on fait liniment de miel: & s'il cuit, on l'adoucit & tēpere avec huile rosat. L'emplastre \* Enneapharmacum est fort conuenable à ces intentions. Il reçoit le suif, qui suppure: le miel qui absterge l'ulcere: la moelle, & principalemēt de ueau, qui proufite pour empescher, qu'il ne demeure \* une fistule. Pendant qu'on use de ces remedes, il n'est besoin appliquer sus l'ulcere ny des plumaceaux, ny de charpie: bien en peut-on appliquer

\* La recepte est cera, mellis, seui, resina, myrrhæ, rosacei, medullæ aut cerui, aut vituli, aut bouis, æsypi, butyri: singulorum partes æquales.

\* car elle garde les bords de s'endurcir & deuenir calleux.

sus le medicament pour le tenir : mais quand l'ulcere  
 est net, on le cicatrise avec de pure & seule charpie.  
 Entretant qu'on employe ces remedes, si la curation  
 est malheureuse, surviennent plusieurs & diuers dan-  
 gers, lesquels nous pouuons incontinent predire, si le  
 patient ne prend point de repos: s'il a difficulté d'a-  
 leine: la langue seche: la soif grande: si le petit uentre  
 s'enfle: si la playe est ouuerte: si l'urine en passant ne  
 \* luy cuit point : si deuant le troisieme iour il sort de  
 la playe quelque matiere liuide: si luy parlant, il ne  
 respond rien, ou respond tardement : s'il souffre de  
 cruels douleurs: si apres le cinquieme iour la fieure  
 est grande & urgente: s'il demeure sans appetit : s'il  
 se trouue mieux de gesir \* sus le uentre: mais il n'y a  
 point de pire accident, que la conuulsion, & uomir de  
 la cholere auant le neuvieme iour. Quand nous dou-  
 tons & craignons l'inflammation, nous y obuions  
 par abstinence, peu de viande, & prinse en temps con-  
 uenable, & en outre, par fomentations, desquelles  
 nous auons parle cy-dessus. Ces signes nous mettent  
 aussi en suspicion de gangrene. On la cognoist à ce,  
 que par la playe & par la uerge sort une ordure  
 puante, & avec icelle une matiere semblable à sang  
 caillé, & de petis morceaux de chair semblables à  
 parpaillotes, & petites écailles: les bors de la playe  
 sont desechés: les cimes leur font douleur : la fieure ne  
 les abandonne point, & s'augmente enuiron la nuit:  
 ils ont des frissons qui ne tiennent point d'ordre. Il  
 faut considerer quelle part tend la gangrene. Si en la  
 uerge, la partie s'endurcit, deuiant rouge, au toucher  
 est douloureuse: les testicules enflent. Si la gangrene  
 occupe la uescie, le siege fait douleur: les cuisses s'en-

\* Cela est sig-  
 ne de gangre-  
 ne, mortifica-  
 tion, & aboli-  
 tion de senti-  
 ment.

\* Par ce que  
 la playe ne  
 sent plus de  
 douleur.

durcissent: les patients estendent mal-aisément les jambes. Si elle saisit & la uescie, & la uerge, cela est manifeste à la uue: les signes recitez, combien que moindres, apparoissent en l'un & l'autre membre. Auant toutes choses il importe de beaucoup, faire gesir le malade à propos, en sorte que la partie où le mal s'attache, soit tousiours plus haute: & ainsi s'il est en la uerge, on le doit coucher tout droit à la renuerse: si en la uescie, sus le \* uentre: si en l'un des costez, sus le costé le plus sain. Procedant aux remedes on baigne le patient en decoction de marrube, ou de cypres, ou de myrte, & mesme on luy donne un clystere de ceste decoction: puis on applique dessus un cataplasme fait de farine de létilles & écorce de grenade, cuictes en uin, ou de feuilles de ronce, ou d'oliuier cuictes semblablement, & autres medicamens décrits cy-dessus pour arrester & mondifier les gangrenes: & si nous les uoulons appliquer en poudre, nous les soufflerons sus le mal avec un tuyau de cane à escrire. Quand la gangrene sera arrestee, nous lauerons l'ulcere avec du uin miel: & pendant ce temps n'userons de \* cerat, qui amollissant le corps le rend plus disposé à receuoir le mal, ains plustost oindrons la partie de plomb laué de uin, ou bien l'appliquerons estendu sus un linge. Par ces remedes on peut guerir, & ne faut ignorer toutesfois, que souuent l'estomach qui a grande alliance & consentemēt avec la uescie, suruenant la gangrene, est si passionné, qu'il ne retient point la viande, ou la retenant, qu'il ne la digere point, & n'est point le corps nourry: à raison dequoy l'ulcere ne peut estre abstergee, ou remplie de chair, d'où par necessité suit acceleration de la mort.

\* La teste pendante contre-bas: qui seroit vne situation fort laborieuse.

\* Il se fait de cire fondue avec huile rosat. Gal.

Or comme il n'est possible donner secours en telle disposition, ainsi dès le premier iour doit on tenir la procedure de la curation exposee : & en icelle necessairement auoir grande obseruation du boire & du manger. Du commencement il faut nourrir le malade de viandes \* humides. Quand l'ulcere est absterge, de viandes mediocrement \* nutritiues. Les saleures sont tousiours contraires: il faut boire mediocrement: beuuant peu, la playe s'inflamme, le dormir se perd: la force du corps se diminue. Beuuant par trop, la uescie est souuent remplie, & à ceste cause irritee & trauaillee. Que le patient ne doit boire que de l'eau, il est si manifeste, que besoin n'est de le repeter. Par ce regime coustumierement le uentre se serre: mais on le sollicite avec la decoction de malue, ou fenugrec: & de ceste mesme decoction fait on iniection en la playe avec une siringue auriculaire, quand l'urine la \* ronge, & ne permet qu'elle se mundifie. Au commencement l'urine sort par la playe presque seule: puis comme la playe guerit, elle diuise son cours, & partie commence à descendre par la uerge, iusques à ce que la playe soit close du tout, ce qui se fait aucune fois le troisieme mois, quelque fois non plustost que le sixieme, & quelque fois apres l'an entier: & ne faut desesperer la consolidation & conglutination de la playe, si n'estoit que le col fust grandement rompu, ou que de la gangrene fussent abscedee & separees plusieurs & grandes caruncules, & aucunes \* substances nerveuses. Entre autres choses il faut soigneusement pourueoir, qu'apres la curation il ne demeure aucune fistule, ou demeurant, qu'elle soit petite. Quand donc l'ulcere tend à cicatrice, on fait  
coucher

\* Suivant  
l'aphor. 16.  
liure 1.

\* Côme poisons  
saxatiles,  
oifillons buis-  
sonniers, per-  
drix, cailles,  
tourterelles, &  
semblables.

\* La rend sor-  
dide, en faisant  
corrosion.

\* qui mon-  
strent la gan-  
grene gaster la  
vescie.

coucher le malade les cuisses & iambes estendues, pourueu que la pierre ne soit molle & sableuse. Car estant telle, la uescie met long temps à se purger : & à ceste cause est necessaire que la playe soit plus longuement ouuerte, & seulement lors cicatrisee, quand par icelle ne sort plus aucune de ces choses. Or si deuant que la uescie soit bien nettooyee, les bords se congeliment, & la douleur & l'inflammation retournent, il faut ouurir la playe avec les doigts, ou la curete de la prouue, pour dōner issue aux choses estranges qui uexent la partie : & quand, les ayant boutees dehors, l'urine par long temps continuera de sortir claire, on appliquera les medicamens cicatrifs, commandant au malade qu'il estende les iambes, & les liant fermement ensemble. Si nous doutons d'une fistule pour les causes sus alleguees, pour fermer plus aisément l'ulcere, ou certes la serrer & ioindre, on met un\* canon de plomb dans le fondement : puis estendant les iambes, on lie les cuisses & les cheuilles ensemble, iusques à ce que la cicatrice soit telle qu'elle doit estre. Voila le long, mais docte discours de Celsus, qui nous apprend la pratique des anciens, en cest'operation. Au lieu des deux hommes qui tenoient le malade s'il estoit grand & robuste, de ce temps les maistres font un bandage, qu'ils nommēt le Grand apprest, ou Haut appareil, avec quatre assistans, & usent en cest'operation de sondes closes, sondes ouuertes, rasoirs à deux tranchans, conducteurs, bec de cane, dilatatoires, tenailles à bec de cane, allerons, curetes, bec de corbeau, crochets, canules, desquels instrumens tu uerras les naifs pourtraicts en la chirurgie de M. Ambroise Paré. Quelquefois (dit Aëce,)

\* qui poussant en dehors l'extremité du siege, contraint les bords de la playe à s'approcher l'un de l'autre.

s'engen

s'engendrent dans la matrice des pierres semblables à touue. Si on les ueut tirer, premierement on donne un clystere, qui lasche le uentre, & euacue la matiere fecale : puis on iete dans la nature & matrice la decoction de malue, & senegré, avec d'huile rosat, pour lauer & humecter ces parties. Ce fait, on couche la femme à la renuerse : & luy ayant fait ouurir & separer les cuisses, on luy met dans le fondement les deux plus \* longs doits de la main gauche : & de la dextre on luy presse par dessus le uentre pour chasser & pousser en dehors la pierre, la conduisant aussi & menant en dehors avec les doigts qui sont dans le fondement. Si au dehors de la matrice, sauoir est en l'orifice, ou au col d'icelle, s'engendre quelque substance calleuse, apres auoir situé la femme commodement, & dilaté ses parties honteuses avec l'instrumēt que uulgairement on nomme Speculum matricis, on la coupe d'un rasoir à deux tranchans, puis on guerit la playe y appliquant la poudre nommee \* Anthera. La pierre s'engendre fort rarement en la uescie des femmes : par ce qu'elles ont le conduict de l'urine plus droit & plus large que les hommes. Or si elle s'y engendre, la maniere de la tirer est, On situe la femme à la renuerse, les cuisses penchantes contre bas, & les iambes flechies contremont : puis on met les deux plus longs doits de la main gauche dans sa nature : & par dessus on presse la uescie de la main dextre, en chassant la pierre uers le col de la uescie, la contraignant de sortir & entrer dans le muscle qui enuironne le col d'icelle : & lors un peu au dessus du couronnement de sa nature, au lieu ou se rencontre la pierre, on fait incision par laquelle on la tire avec unes tenailles

\* L'indice & le mitoyen.

\* La composition est, du fouchet, vne once : myrrhe, vne once & demie : orpiment rouge, trois drachmes : des filets jaunes de la rose, deux drachmes : safran, vne drachme : iris, alum de plume, crocomagma, de chacun deux drachmes.

naïlles propres à emporter & arracher une pierre. L'opération faicte, on emplit l'incision de manne d'encens, puis on met sus le uentre & sus les reins, de la laine lauee, baignee en huile chaud, avec ben-dage, lequel tous les iours on defait deux, ou trois fois, & une fois la nuit, pour mouiller & baigner la laine du mesme huile. Le troisieme iour on y applique des poudres, qui sans crosion & mordication engendrent la chair iusques à ce que la playe soit totalement remplie: & en fin on la cicatrise avec l'emplastre composé de uinaigre & d'huile. Le médicament suyuant est tresbon à incerner ces parties, & tout ulcere caue: Manne d'encens, deux onces: colophonie puluerisee fort subtilement, une once: de ceste poudre on remplit toute la cavitè de la playe.

\* Les Grecs les nomment *lydoriuss.*

\* Le François retient ce vocable Grec quel-que peu depraué.

\* Ce passage fort corrompu au Grec n'est redressé d'aucun des traducteurs.

\* Vulgairement on les nomme vases spermatiques iacula-toires.

Des testicules & parties circonuoiſines.

#### CHAP. LXI.

L'Exposition & definition des parties circoniacentes aux testicules est vtile à ceux qui taillent les hommes rompus & greuez. A ceste cause nous la traicterons premierement. Le testicule est vne substance glanduleuse, qui se brise facilement, ordonnée de nature, pour rendre la semence feconde. Ce qu'on nome Cremasteres, comme si nous disions le \* Cremal-lier des testicules, sont apophyses & productions de la membrane du peritoine, qui descendent aux testicules. Les \* Parastates tortilleux ou variqueux sont l'origine des veines arterieuses, qui iettent \* la semence en la verge. Les vaisseaux spermatiques sont veines & ar-teres



teres produictes de la veine caue, & grande ar-  
tere, qui vont aux testicules, s'entortillant cōme  
cheurolles de vigne : & par icelles sont nourris  
les testicules. La tunique \* erythroide, estant  
nerueuse de la nature, se peut separer en l'ante-  
rieure & gibbeuse partie du couillon ; mais en  
la posterieure & caue, luy est adherente, & a  
son origine du peritoine. La partie où ell'est  
ioincte au testicule se nomme des Grecz l'ad-  
herence posterieure. Dartos est la membraue  
qui attache & glutine la bourse ou peau exte-  
rieure avec l'erythroide. Ell'est adherente a  
l'erythroide al'endroiçt \* où l'erythroide ad-  
here au testicule. La peau exterieure ridee, qui  
par dehors enuelouppe les testicules, se nome  
en Grec \* oscheos.

\* C'est la pro-  
pre particule-  
re, & plus pro-  
chaine du te-  
sticule. Au-  
cuns la nom-  
ment la che-  
mise du couil-  
lon.

\* en la poste-  
rieure partie.

\* en Latin  
Scrotum: &  
de nous la  
Bourse.

## A N N O T A T I O N S.

L'anatomie nous enseigne clairement ce que l'au-  
teur recapitule en ce brief sommaire. Tous s'accor-  
dant au nombre des uaisseaux spermatiques nommes  
Desferes, qui sont deux de chaque costé, une ueine &  
un artere, qui du flanc droict prennent leur origine  
des gros uaisseaux, assauoir la ueine de la ueine caue,  
& l'artere de la grand'artere: mais au flanc gauche  
l'artere procede de la grande, & la ueine de la ueine  
emulgète de ce costé, à fin, comme dit Galien, qu'avec  
le sang ordonne pour la matiere du sperme & non en-  
cores sequestre dans le royno, ny ayt beaucoup d'hu-  
midite sereuse, qui en chatoillant, comme ell'est quel-  
que peu mordicante, nous donne le plaisir que sentōs  
en approchant les femmes. Realdus Columbus anato-  
miste fameux de nostre temps amene une autre rai-  
son perem

son peremptoire, laquelle chacū peut lire en son œure, disant cognoistre un homme au quel le testicule & les uaisseaux spermatiques du costé gauche auoient esté coupés pour une rompure, qui neantmoins en uisant des femmes sentoit le chatoillement & plaisir acoustumé, comme au parauant qu'on le taillast. Retournant à propos, ces deux uaisseaux spermatiques, accompagnés d'un nerf, d'une alonge du peritoine, qui les couure, & leur donne passage, d'une production de l'aponeurose du muscle oblique descendant, & d'un petit muscle, nommé proprement Cremastere, un peu au dessus du testicule par mutuelle synanastomose & communication de leurs orifices, se ioignent en sorte, que plus on ne les peut separer, commençans des alors à s'entortiller comme cheuroles de uigne. Estans uenus au testicule, ils rencōtrent une substance couchee au dessous d'iceluy, plus molle que la leur, plus dure que la substance du testicule, semblable à une glande, nommée Epididymis, qui les porte & soustient, le long du testicule. Estans appuyés sur icelle, ils enuoyent en la propre tunique du testicule les uaisseaux par lesquels il est nourri, qui sont minces & deliés comme cheueux. En l'extremité inférieure de l'epididymis, est l'origine uariqueuse & tortilleuse du uase spermatique nommé Eiaculatoire, nostre auteur appelle Parastate (comme si nous disions Assistent, ou Accesseur) ladicte origine. Les autres nomment Parastates indifferemment les reuolutions des uaisseaux spermatiques tant deferens qu'eiaculatoires, prochaines du testicule. Les eiaculatoires donc composés de la ueine & artere deferentes, & du nerf leur compagnon, qui donne le sentiment du plaisir en

fir en l'émision du sperme, assemblés en une substance  
 (nostre auteur les appelle ueines arterielles à cause  
 de leur composition & epaisseur) retournent contre-  
 mont, par le mesme chemin qu'auoient fait les dese-  
 rens, pour trouuer chacun la prostate: (c'est une glande  
 de situee en la racine de la uerge, & col de la uescie,  
 alendroict où le sperme entre, & est receu dans le con-  
 duit de la uescie, Herophilus les nomme Prostatae  
 glanduleux) & premier que de s'insérer en icelle, font  
 derechef plusieurs reuolutions flexueuses, comme  
 chambretes, dans lesquelles est autant contenu de se-  
 mence, qu'un homme iete chaque fois qu'il embrace la  
 femme. Aucuns font comparaison d'icelles avec les  
 charges & puluerins des pistolles & haquebutes.  
 Voila quant aux uaisseaux spermatiques. Qui cher-  
 che les tuniques des testicules, trouue premierement  
 la bourse, produicte de la peau exterieure du uentre,  
 & composee de trois substances, assauoir la petite  
 peau que nommons Epidermis: la uraye peau, qui est  
 fort mince & ridee: & par dessous icelle la membra-  
 ne charnue, que uulgairement nous appellons Panni-  
 cule charnu. Apres la bourse se presente la tunique  
 nommee Dartos, pource qu'on la peut aisément se-  
 parer & écorcher du testicule. Elle est faicte de l'a-  
 pophyse du peritoine qui enueloupe les uaisseaux, &  
 de la production de l'aponeurose du muscle oblique  
 descendant, sus laquelle sont couchés & amassés les  
 filets charnus qui constituent le muscle cremaster:  
 & pour estre plus forte d'aucuns filets ligamenteux,  
 extraicts du ligament des os du penil. Aucuns Ana-  
 tomistes come Realdus Columbus, de ceste cy en font  
 deux, separés ceste production maintenāt dicté, qu'ils

nomment Erythroïde, d'auec la substance du peritoi-  
ne, qu'il nomme Dartos, mais, à mon auis, sans raison:  
& de faict les anciens anatomistes ne les ont point se-  
parées. Ceste tunique est commune aux deux testicu-  
les, & l'erythroïde, ou comme ie cuide que deuons

\* Elytron: vn  
etuy: la coque  
des fructs &  
graines: à quoy  
resemble ceste  
tunique, qui  
n'est iamais  
rouge, pour  
estre nommee  
Erythroïde, si  
elle n'est in-  
flammee,

lire, \* elytroïdes, comme Hippocr. liure 3. des De-  
louëures, nomme Elytra, les trois membranes qui cou-  
urent la mouelle spinale, leur est propre & imme-  
diatement les touche. Elle est produicte de la pure &  
syncere substance du peritoïne, sans aucune commix-  
tion, comme dartos. Les Anatomistes qui content la  
tunique dartos pour deux, n'ont ceste-ci Epididy-  
mis: mais ia auons nous dit quelle chose est l'Epidi-  
dymis. L'elytroïde est adherente seulement au der-  
riere du testicule, & non en autre part. La dartos  
adhere à l'elytroïde en sa partie posterieure, & corre-  
spondant à l'endroit où elle adhere au testicule, en  
l'inférieure partie du testicule, non pas au testicule  
mesme, mais à l'origine du uaisseau spermatique ei-  
culatoire, & ce, pour le ferme soustien des uaisseaux  
spermatiques descendans & remontans, & de l'epi-  
didymis. D'icy en auant nous appellerons tousiours  
l'elytroïde, la premiere tunique du testicule: la dar-  
tos, la seconde ou moyennne: leur \* adherence par  
derriere, l'attache posterieure: & l'oscheos ou Scro-  
tum, la bourse,

\* τὸν ὀπί-  
διον περι-  
στυ.

De la Hernie aqueuse, nommée en Grec  
Hydrocele. CHAP. LXII.

C'EST qu'on nomme hydrocelé, est vne tu-  
meur sensible faicte d'humidité vicieuse  
& superflue, en quelque partie des membranes  
qui composent \* l'oscheos. Cest'humidité fou-  
uent est

\* Il appelle os-

uent est assemblée alentour du testicule, dans la premiere tunique, & en l'antérieure partie d'icelle, où ell'est plus separable du testicule. Ceste affection s'engendre aussi dans les membranes subseqüentes, hors de la premiere, mais peu souuent, Quelquefois cest'humidité est contenue en vne tunique propre, engendree de superabondant outre les trois des testicules: & lors les chirurgiens l'appellent Hydrocele faicte en membrane \* supernumeraire, ou de surcroist. Si ceste affection procede d'une cause antecedente, le sang enuoyé pour aliment, est changé en vne substance aqueuse, & serueuse superflue. Si elle procede d'un coup, dans la tumeur est contenue vne humidité sanglante, ou semblable à lie de vin. Le signe cōmun aux deux causes, est, tumeur sans douleur, ferme & stable en l'oscheos, qui ne se perd \* point en quelcōque disposition soit le malade, qui obeit au toucher du doigt, si l'humeur est en petite quantité: & n'obeit point, si la quantité est grande. Quand l'humeur s'assemble au dessous de la premiere tunique, la tumeur est ronde, quelque peu longuete, & retire à la figure d'un œuf: le testicule ne se peut trouuer cōm'estât tout enuironné & submergé de l'aquosité. Si l'humidité est au dehors de la premiere tunique, & au dessous de la seconde, la tumeur est fort superficielle, & la touchant, on rencontre peu de parties au deuant. Si l'humeur est contenue dans vne membrane supernumeraire & propre, par ce que de toute part la tumeur est

*cheos, non la tunique exterieure, que nous nommons la Bourse, ains toute la couuerture des testicules, composee de trois tuniques.*

\* Ainsi j'ay traduit le mot Grec *ἐπὶ τῷ ὄσχεϊ*. Quel que fois ell'est contenue dans l'elytroide, & dans vne tunique supernumeraire: & lors elle fait vne hernie double. *Rece.*

\* Cela dit il par ce que les tumeurs faictes du boyau & de la coiffe se perdēt quand le malade est couché à la renuerse, & qu'on les retourne.

\* Telle est la figure du testicule.

ramassée & ronde, il semble que ce soit vn autre testicule. Si l'humidité enclose est aqueuse, la tumeur reluit, & est de mesme couleur que les parties circonuoisines. Si ell'est sanglante, ou semblable à lie de vin, la tumeur apparoit rougeatre, ou liuide. Si nous voyons ces signes en tous les deux costés de l'osciteos, cela monstre qu'il y a deux hernies. L'operation manuelle se fait en ceste maniere: Apres auoit rascélé le poil du penil, & de la bourse, si le patient n'est encor enfant & sans poil, nous le couchos à la renuerse sus vn banc, & luy metons sous les fesses vn linge en plusieurs doubles, & au dessous de la bourse vne esponge fort grande: puis nous asseans au costé gauche du patient, commandons à vn seruiteur assis à son costé droit, qu'il recule la verge en la partie opposite du mal, & qu'il estende la peau de la bourse vers l'epigastre: & lors prenans vn rasoir à deux tranchans, nous incisons la bourse par le milieu, en longueur, iusques aupres du penil, tirans la ligne de l'incision droite, & parallele à celle qui diuise la bourse en deux, penetras iusques à la premiere tunique. Si l'humidité est dans vne tunique supernumeraire, nous ferons l'incision, là où la sommité de la membrane qui est de surcroist est eminente, & monstre se deuoir faire. Par apres avec vn crochet nous reculerons les bords de la playe, & avec vn petit couteau \* faiet expres pour ceste espee de hernie, & le rasoir à deux tranchans, nous écorcherons & separerons la seconde tunique; & ayant decouvert

\* Anciens  
lisent hypo-  
gastré.

\* τὸ ὑδροκυσ-  
τικὸν λεοναρίον.

couuert

couuert la premiere, nous l'inciserôs par le milieu avec la lancete, principalement au lieu où ell'est separee du testicule: puis ayant sorti toute l'humidité ou la plus grâde part d'icelle, dâs vn vaisseau, avec des crochets nous souleuerons ladicte premiere tunique, & tout al'entour\* en osterons quelque portion, la prenans al'endroit où elle est plus subtile. Par après Antyllus vse de cousture, & de medicamens qui arrestent le sang. Les modernes vsent de curation incarnatiue, qu'ils nommēt Syssarcoticam. Si on trouue le testicule \* pourri, ou autrement vitié, il faut lier les vaisseaux ioincts au cremastere, puis couper ledict \* cremastere, & tirer le testicule. Quand ceste hernie est double, nous ferons semblable operation aux deux costés, tirâs l'incision en la partie de la bourse contigue à l'eine. L'operation acheuee, nous ieterôs la curete de la prouue par l'incision contrebas, iusques à l'extremité de l'oscheos, & souleuans avec icelle l'oscheos, d'un petit rasoir à deux tranchans qui soit bien affilé, nous ferons vne taillade, qui serue de contr'ouuerture pour euacuer les caillous de sang, & la matiere purulente, & avec ceste mesme curete de l'eprouue, nous pousserons vne tente vers la partie superieure, & ayant nettoyé les taillades & meurtrissures d'une esponge, nous mettrons par l'incision de la laine mouillée en huile, la pressant & fourrant contrebas iusques au testicule: puis par dehors appliquerôs d'autre laine mouillée en vin & huile meslés ensemble sus la bourse,

\* à fins qu'elle ne se redaigne, & estant reioincte, que l'eau derechef ne s'amasse dessous: & aussi pource qu'elle est alteree de l'air, & de la quosité. Il en faut couper autant qu'on en a decouvert: ainsi qu'il commande en la fin du chap. \* on cognoist la pourriture & le vice du testicule, par la puanteur, & mauuaise couleur. \* N'enten pas le muscle seul, ains l'assemblage du muscle & des vaisseaux spermatiques.

sus le petit ventre, sus les reins, sus l'entreffesson,  
 & sus les reins. Ce faict nous estendrons par  
 dessus ces parties vn linge en trois doubles, &  
 l'assèurerons avec vne bande à six chefs, ou au-  
 tre bandage conuenable: puis coucherons le  
 malade, metras au dessous de la bourse vne poi-  
 gnée de laine, à fin qu'elle repose mollement,  
 & estendant au dessous de tout l'appareil, vne  
 peau mince & delicate, qui recoiue les \* em-  
 brochations. Or iusques au troisieme iour nous  
 faisons embrochation d'huile chaud: & ce iour  
 passé, apres auoir remué l'appareil, nous appli-  
 quons sus la playe l'vnguent Basilicum avec de  
 charpie: & au remuement de l'appareil chan-  
 geons la tente premiere. Par dehors nous rei-  
 terons les fomentations, & les continuons ius-  
 ques au septieme iour, pour euitier l'inflamma-  
 tion: & apres le septieme, vsons des oignemens  
 conuenables. Estant purgé l'vlcere, & medio-  
 crement rempli de chair, quand le malade com-  
 mence ia à s'estouer, & baigner, on oste du tout  
 la tente, en procedant suiuamment à la cura-  
 tion, comme a esté dict. S'il suruiet inflamma-  
 tion, ou flux de sang, ou quelque autre accidēt,  
 il faut obuier à chacun alternativement par re-  
 medes conuenables, à fin que ne repetitions sou-  
 uent vne mesme chose. Si, comme les moder-  
 nes veulent, nous preferons l'vsage des caute-  
 res en ceste operation, nous ferons tout ce qu'a-  
 uons dit estre necessaire deuant l'operation, &  
 apres, voire en l'operation mesme, fors d'inciser  
 avec le fer, & faire l'incisiō qui serue de cōtrou-  
 uerture



tierture : mais nous appliquerons dix ou douze  
 cauterres \* oliuaires, & deux cultelaires: & pre-  
 mieremēt cauteriférons l'oscheos par le milieu  
 avec les oliuaires : puis avec vn petit couteau,  
 ou vn crochet mouce écorcherons & separe-  
 rons les membranes, & en après avec le culte-  
 laire les cauteriférons & inciserons tout ense-  
 mble : & ayant decouuert la premiere membra-  
 ne, qui se cognoist aisément, par ce qu'elle est  
 blanche & estroite, avec le bout de l'oliuaire  
 nous la cauteriférons, & vuidons l'humeur con-  
 tenue : & après souleuant avec des cro-  
 chets ce qu'auons decouuert de la  
 premiere membrane, nous le  
 tranchons avec le  
 cultelaire.


\* en Grec  
*Gammoeides*  
 comme est ci-  
 dessus adnoté  
 chap. 50.

A 4



HOMES

*Tenailles à seton, trouuees pour y passer une aiguille ardente au bout enfilee de fil de soye en huit ou neuf doubles, en la hernie aqueuse.*



*Homme*

*Homme rompu des deux costés  
avec le brayer & la ligatu-  
re espauliere.*



Acce monstre clairement ce discours estre pris de Leonides. En la distinction des causes, quand la cause est antecedente, il dit le sang enuoyé pour l'aliment estre meslé avec aquosité : & quand ell'est externe, le sang épanché des veines rompues ou écachées estre conuerti en une substance aqueuse, un peu autrement que nostre auteur, qui me fait penser son texte estre defectueux. Entre les signes de cest'espece il a iousté aussi que l'eime est en sa naturelle disposition : & ce signe la distingue de l'epiplocele, en laquelle l'eime est entr'ouuert. Acce n'a point déclaré l'operation manuelle en l'hydrocele des hommes, mais bien des femmes chap. 100. liure & Section 4. voy le lieu. Albucasis, Auicenne, Salicet cōmandent si le patient a en horreur les brulemens & écorchemens susdits, que luy ayant souleué les testicules, on face incision avec une lancete large, tirant en long, en l'inférieure partie de la bourse, si profonde, & si large, que toute l'aquosité sorte : puis qu'on mette du coton sus le lieu, avec ligature, à fin que s'il y a quelque reste de l'humour, il coule à trauers d'iceluy : en apres quand il ne distillera plus rien, qu'on applique un emplastre adstringent, soustenu avec un braycr : & si l'eau apres l'incision faicte ne peut se uider, par ce que la secōde tunique dartos bouche l'ouuerture, qu'on iette dans icelle un canon, ou tuyau, comme aux hydropiques : ce que Galien dit aussi chap. 13. liure 14. Meth. combien que maistre Guy de Cauliac expose en cest endroit-là Siphonem pour un Seton. Or passés six mois, si ceste tumeur retourne, comme souuent il auient, il faut recommencer la curation, telle qu'a esté deduite.

En ceste

En ceste maniere nous entretendons le patient longuement sans aucun danger de sa personne. Ledit M. Guy, par ce que la hernie uentuse & aqueuse sont toutes deux luisantes, & claires, prudemment les distingue en ce que la hernie aqueuse est molle, & pesante, & s'accumule petit à petit, mais la uentuse est dure, & legere, & se fait tout d'un coup soudainement. En la curation de l'aqueuse il nous enseigne trois manieres d'operation, outre celle de nostre auteur. La premiere est de passer à trauers de la tumeur 1 en quelque part qu'elle soit, avec tenailles plates & pertuisées un cautere punctuel embrasé, comme il se fait aux autres parties du corps, & singulierement au derriere du col, pour detourner les fluxions des yeux: puis par le trou mener un'eguille qui traîne un seton ou chorde de soye, & comme ladicte chorde sera tiree hors la circoscription de la tumeur, euacuer l'aquosité. La seconde est gentile, & fort commode 2 en l'hydrocele contenue dans une tunique supernumeraire. Serrant la bourse au dessous de la tumeur avec les doigts, on chasse & pousse ladicte tumeur cōtre-mont, par le trou du cremastere, uers l'os du penil: & apres estre arrestée là, on la fait tenir fermement à un seruiteur, & mesme le maistre la tient, & cōtraint, pour empescher qu'elle ne descède: & lors on l'ouure d'une lancete, & uuide l'eau: puis pour consommer la substance de la tunique où estoit contenue l'aquosité, on met dans l'ouuerture un peu d'arsenic avec coton: & quand l'eschare est cheute, on traite l'ulcere par remedes conuenables iusques à ce qu'elle soit cicatrifée & consolidee. La troisieme est, qu'avec 3 cautere actuel ou potentiel on fait ouuerture en l'eine

sus l'os

sus l'os du penil, qui penetre iusques à la nacuité du  
 cremastere: puis on iette dans l'ouuerture la queue  
 d'une eprouuette, la tournant & pouissant iusques au  
 lieu de l'aquosité: & icelle estre uuidee, apres la cheu-  
 te de l'eschare, on gouuerne l'ulcère par remedes pro-  
 pres: & en fin on la cicatrise, & consolide. Ceste ope-  
 ration euacue l'aquosité, & ferme le passage par le-  
 quel derechef elle pourroit descendre. Ceste adnota-  
 tion pourroit suffire: mais pource que j'ay delibéré  
 n'omettre aucune chose de ce que les anciens ont es-  
 crit en ceste matiere, j'ajouteray le discours de Cel-  
 sus. Je uien (dit il) aux maladies qui se font aux par-  
 ties naturelles al'entour des testicules: & pour ex-  
 pliquer plus facilement ce propos, il faut declarer pre-  
 mierement la nature de la partie. Les testicules sont  
 semblables aux glandules: car ils ne iettent point de  
 sang, & sont priués de tout sentiment: mais les tuni-  
 ques dans lesquelles ils sont contenus, sentent douleur  
 quand on les frappe, & il leur suruiét inflammation:  
 ils sont pendus & attachés aux reins, chacun par  
 \* un nerf, que les Grecs appellent Cremastere, &  
 avec iceluy descend une ueine & artere. Les testicu-  
 les sont couuerts d'une tunique subtile, nerueuse, pri-  
 uee de sang, blanche, que les Grecs nomment Ely-  
 troeide. Au dessus d'icelle est une tunique plus puis-  
 sante, fort adherente à \* l'inférieure partie de la pre-  
 miere, les Grecs la nomment Dartos. D'auantage  
 plusieurs petites membranes interieures attachet &  
 retiennent les ueines & \* arteres, & les \* nerfs sus-  
 dictz, & outre les dictes membranes y en a encor d'au-  
 tres petites & legeres entre la \* seconde & la tierce  
 tunique. Voila les propres couuertures & ram-  
 pars des

\* El nomme  
 ainsi l'apophy  
 se & produ-  
 ction nerueuse  
 du peritoine  
 qui enuiclope  
 les vaisseaux  
 spermatiques,  
 & soustiennēt  
 le petit muscle  
 nommē propre-  
 ment Crema-  
 stere.

\* & posteri-  
 re aussi.

\* spermati-  
 ques.

\* les apophyses  
 nerueuses du  
 peritoine.

\* le dartos &  
 le scrotum.

pars des testicules. La capacité que uoyons exterieu-  
 rement, les Grecs la nomment *Oscheos*, les Latins  
*Scrotum*, est commune aux deux testicules, & à tou-  
 tes les parties interieures. Ceste tunique est quelque  
 peu attachée avec les deux tuniques mitoyennes en  
 son extremité inferieure : mais en la superieure par-  
 tie elle est estendue al'entour, & non attachee. Au  
 dessous de ceste troisieme tunique s'engendrent plu-  
 sieurs affections : qui se font ou estant rompues les  
 \* tuniques lesquelles i'ay dit commencer de l'eine: ou  
 bien estant saines & entieres. Car quelque fois pour  
 raison d'aucune maladie, premieremēt la tunique qui  
 doit separer les boyaux des parties inferieures s'in-  
 flāme, puis de la pesanteur de la tumeur, se rompt, ou  
 bien se rompt incontinent pour quelque coup, & lors  
 soudain à cause de sa grauité naturelle, la coiffe, ou le  
 boyau cheoit sus la rompure, & trouuāt chemin, s'a-  
 uale petit à petit plus bas que l'eine, & à ceste cause  
 souuent diuise les tuniques nerveuses, qui endurent  
 ceste separation. Les Grecs appellent ceste maladie  
*Enterocelen*, & *Epiplœocelen*. A nostre usage, com-  
 bien que le mot soit uilain, & deshonneſte, on les ap-  
 pelle generalement *hernies*. Si la coiffe descend, la  
 tumeur ne s'engroſſit & leue point quand le patient  
 ieune: ni quand le corps est tourné çà ou là sus le costé  
 ou en quelque maniere situé à la renuerse. D'auanta-  
 ge en retenant son al'eine la tumeur ne croist pas gran-  
 dement: outre ce en la touchant, elle est inegale, molle  
 & glissante. Si le boyau descend, la tumeur sans in-  
 flammation tantost augmente, tantost diminue: pour  
 la plus part est sans douleur : en se reposant ou cou-  
 chant quelque fois se perd du tout: quelque fois retour-  
 ne de

\* l'apophyse  
 du peritoine:  
 sous la rompu-  
 re, il entend la  
 relaxation.

ne de sorte en dedans, qu'il en reste quelque petite portion dans la bourse: croist quand on crie, ou qu'on se saoule trop, ou qu'on s'efforce de leuer un pesant faix: se resserre en temps froid, se reueille & magnifie en temps chaud. En ceste tumeur la bourse est ronde, legere au toucher: ce qui est au dessous glisse: le pressant, il retourne à l'eine: & si on le laisse aller, derechef il retombe comme avec quelque murmuration. Voila les signes quand le mal est petit. Aucune-fois le boyau estant plein de matiere fecale fait une plus grosse tumeur, & ne peut estre remis, & lors il cause grande douleur en la bourse, aux eines, & au

\* *abdomini.* \* *ventre.* Quelque fois l'estomach passionné par consentimēt, iette par la bouche de la cholere rousse puis de la uerde, & en quelques uns de la noire. Quelque fois les tuniques sont saines & entieres, & neant-moins une \* *humeur* fait distention en la partie. Ceste tumeur a deux especes. Car ou elle croist entre les tuniques, ou en certaines membranes qui se sont engendrees & endurcies al'entour des \* *ueines* & *arteres*.

\* *Spermati-*  
ques. Il entend  
les tuniques ou  
membranes su-  
pernumerai-  
res, mention-  
nees cy-dessus.

L'humeur qui s'amasse entre les tuniques, n'a point une seule place: car quelque fois il s'assemble entre la tierce & la mitoyenne: quelque fois entre la mitoyenne & la premiere. Les Grecs appellent toutes ces especes d'un nom general Hydroceles. Les nostres sans recognoistre ces differences, appellent de mesme nom ces especes que les \* *precedentes*. Ceste tumeur a des signes communs, & des propres. Par les communs nous cognoissons qu'elle est faicte d'aquosité. Par les propres nous disons en quel lieu l'humeur est amassée. Nous la cognoissons estre faicte d'aquosité, quand la tumeur ne se perd iamais du tout, mais bien quel

\* *Hernies.*



quelque fois s'allege, & diminue, ou pour quelque petite fièvre, ou pour abstinence, & principalement aux enfans. S'il n'y a point grande quantité d'humidité, la tumeur est molle: s'il y en a grande quantité, elle fait telle renitence qu'une bouteille pleine, & fort estroitemēt serrée. Les ueines de la bourse s'enflent. Si on les presse du doigt, l'humeur obéit, & s'epandant al'entour du doigt, souleue ce qu'on ne presse point: & apparait ledict hūmeur à trauers de la bourse, comme à trauers d'un uoirre, ou d'une corne. La tumeur, quant à \* soy, ne fait point de douleur. On cognoist la place où est l'humidité par ces signes, si elle est entre la tierce tunique & la mitoyenne, pressant avec deux doigts, peu à peu elle retourne & reflue entre iceux: la bourse est plus blanche: encor que la maladie soit longue, la tumeur croist ou peu, ou rien: le testicule ne se sent, ny à la ueuë, ny au toucher. Si l'humidité est sous la \* mitoyenne, la bourse est plus tendue & releuee, de sorte que la superieure partie de la uerge est aussi cachée sous la tumeur. D'auantage sans fracture & lésion des tuniques se fait la hernie que les Grecz nomment Cirsocele, & les Latins Ramex, quand les ueines s'enflent. Car aucunes fois les ueines entortillees & emmoncelées uers leur partie superieure, remplissent la bourse: aucunes fois la tunique mitoyenne: aucunes fois la premiere: & aucunes fois croissent au dessous de ceste tunique, al'entour du testicule & de son \* nerf. On cognoist à l'œil les ueines uariqueuses de la bourse. Celles qui sont assises sus la tunique mitoyenne, ou sus la premiere, sont plus cachées & ne se peuuent si bien uoir que les susdictes, neantmoins se presentent encor à la ueuë.

\* ains pour la tension, quand elle est vehémente.

\* entre dartos, & l'elytroide.

\* l'attache postérieure & inférieure d'iceluy avec la premiere tunique.

\* Qu'estant l'affection en la premiere tunique : par ce que la moyenne & la premiere sont plus estroites, & contraignent plus la tumeur.

\* Vulgairement on appelle ainsi la relaxation : quand la coiffe tombe en l'eine.

\* Ceste premiere partie du discours general touche aux Cirrhorreales & Sarcocèles.

ueue. D'auantage on y sent la tumeur correspondente à la mesure & grandeur des ueines. La tumeur en pressant a plus grande renitence, & est inegale al'endroit des flexuosités & reuolutions du uaisseau : au costé où est l'affection, le testicule est plus pendant. Quand ce mal uient sus le testicule & sus son nerf, le testicule descend plus bas, & se fait moindre que l'autre, par ce qu'il est priué de son aliment. Quelquefois, mais rarement, croist une chair entre les tuniques. Les Grecs nomment ce mal Sarcocèle. Quelque fois le testicule deuiét tumide à cause d'une inflammation, & donne fieure : & si l'inflammation n'est soudain appaisée, la douleur paruiet iusques aux eimes & flancs : & s'enflent ces parties : le nerf auquel est suspendu le testicule se fait plus gros, & ensemble plus dur. D'auantage quelque fois les uarices occupent & remplissent l'eime, & est ce mal nommé Bubonocèle. Ces choses declarées il faut parler de la curation, en laquelle y a quelques choses communes, & quelques choses particulieres. Nous traiterons premierement des choses communes, en quoy ie presuppõe parler seulement des hernies qui requierent la lancete, ou rasoir : Car traitant de chacune espeece en particulier, ie diray lesquelles sont incurables, & lesquelles se doiuent manier & gouverner autrement. \* Quelque fois on incise l'eime : quelque fois la bourse. En l'une & l'autre procedure, le patient doit trois iours au parauant boire de l'eau : le iour precedent s'abstenir du tout de manger : & le iour de l'operation estre situé à la renuerse : puis si l'incision se fait en l'eime, & ia y ayt du poil, il le faut racler, & estendant la bourse, de sorte que la peau de l'eime soit tendue, inciser

au dessous du petit uentre, là où les tuniques inferieures \* sont ioinctes avec \* l'epigastre. L'ouuerture doit estre faicte hardiment, iusques à ce que la \* troisieme tunique qui est de la bourse soit diuisee, & qu'on paruienne à la mitoyenne. La playe faicte, le pertuis tendra contrebas. En iceluy faut mettre l'indice de la main gauche, à fin de separer les petites membranes interieures, & rendre la capacité plus spacieuse. Vn seruiteur ordonné pour cela, de la main gauche doit prendre la bourse, l'estendre cōtremon, & le plus qu'il pourra la reculer de l'eime, avec le coillon premierement, pendant que le medecin separera du doigt, & si du doigt ne peut, coupera d'un rasoir toutes les petites membranes qui sont au dessus de la tunique mitoyenne: puis il la recule sans le testicule, c'estassauoir, que le testicule echappe, & se presente à la playe, hors laquelle sera tiré du medecin, & avec ses deux \* tuniques sera mis sus le uentre. Lors s'il y a quelque chose uitieuse, on la coupe al'entour. Et pource qu'en tel endroit plusieurs ueines sont éparfées çà & là, les petites peuvent incontinent estre tranchees, & les plus grosses doiuent estre attachées d'un fil long, à fin qu'elles ne causent un flux de sang dange-reux. Si le mal est en la tunique mitoyenne, ou au dessous d'icelle, il la faut couper, & commencer de ce faire bien haut pres de l'eime: toutesfois ne la faut toute extirper & oster en la partie inferieure: car là où elle est fort attachée avec la \* premiere tunique en la base du coillon, on ne la peut trancher sans tresgrand danger. Par quoy il faut laisser ceste partie là, sans y toucher. Ce mesme doit-on faire en la premiere tunique, si le mal est en icelle: mais on ne doit commencer

\* Des testicules.   
 \* avec le peritoine, & l'apophyse des muscles obliques descendans.   
 \* le scrotum.

\* dartos, & l'elytroide.

\* l'elytroide.

\* duquel-  
l'est produicte.

\* C'est l'atta-  
che postérieure  
& inférieure  
du testicule  
avec la premie-  
re tunique.

\* Principale-  
ment si nous  
pretendons em-  
pescher que la  
coiffe, ou le  
boyau, ou l'a-  
guosité ne de-  
scende.

\* Ceste secon-  
de partie du  
discours gene-  
ral touche aux  
hydroceles &  
absces suppu-  
rés entre les  
tuniques.

de la couper si haut, & si pres de l'eime, ains un peu  
au dessous, à fin que le \* peritoine n'en soit offensé,  
d'où s'ensuiue inflammation. Si ne faut-il toutesfois  
laisser grãde portion d'icelle en la partie superieure,  
à fin que par-apres elle ne face une capacité, dans la-  
quelle le mal trouue lieu pour derechef s'engendrer.  
Estant netoyé le testicule par ce moyen, on le remet  
doucelement par la playe avec ses ueines, ses arteres,  
& son \* nerf: & faut regarder qu'il ne descende du  
sang dans la bourse, & qu'il n'en demeure point de  
caillé en aucun lieu: ce qu'on fera, si au parauant le  
medicin y pourueoit en liant les ueines. Or faut-il que  
le fil du quel on serre l'extremité des ueines, pende  
hors la playe: & iceluy quand le pus s'engendrera,  
tôbera sans douleur. Sus la playe on iette deux hap-  
pes ou tenons, puis par dessus on applique un medica-  
ment glutinatif. Quelque fois il est necessaire tran-  
cher quelque portion de l'un des bords, afin que la  
cicatrice se face plus grande & plus large. Auenant  
cest' occasion, il ne faut point presser de force la char-  
pie dans la playe, ains seulement la mettre dessus tout  
doucelement, puis appliquer les remedes qui empeschent  
l'inflammation, assauoir de la laine grasse, ou une  
esponge, trempées en uinaigre. Semblablement quand  
il faut procurer que la suppuration se face, on y appli-  
que les remedes & medicamens à ce conuenables. Si  
\* nous deliberōs faire l'incision non en l'eime, mais au  
dessous, ayant renuersé le malade sus le dos, il faut ie-  
ter la main gauche au dessous de la bourse l'empognant  
fermement, & l'inciser. Si le mal est petit, on fait l'in-  
cision mediocre, laissant au dessous la troisieme partie  
entiere, pour soustenir le coillon. Si le mal est plus  
grand,

grand, on fait aussi l'incision plus grande, laissant seulement au bas de la bourse quelque peu d'entier, sus lequel puisse reposer & demourer le coillon. Au commencement de l'operation, on doit tenir le rasoir droit, & legerement avec la main, iusques à ce qu'il ayt dinisé la bourse: & lors il faut incliner & contourner la pointe çà & là, pour couper les membranes trauersieres, qui sont entre la troisieme tunique & la mitoyenne. Si le mal est prochain, il ne faut toucher à la mitoyenne. S'il est caché au dessous d'icelle, il la faut inciser pareillement: comme aussi la premiere, si ell'en est atteinte. En quelconque lieu sera trouué le mal, il faut que le seruiteur ministre en cest operation, \* exprime la bourse moderement par son inferieure partie, & que le medecin avec les doigts, ou le \* manche de son rasoir, pince le bas de la tunique, la souleuant hors l'egalité de l'autre: puis qu'il l'incise avec le ferrement nommé \* Corbeau, pour la similitude d'iceluy, de sorte que l'indice & le doigt mitoyen puissent entrer dans la playe. Les y ayant mis, on lâche le reste de la tunique, & entre les doigts qui sont dedans la playe ietant le rasoir, on oste ou épand \* tout ce qui est uitieux, estrange, & nuisible. Toute tunique incisée, quelqueonque elle soit, doit estre aussi tranchée: la mitoyenne, comme cy-dessus auons dit, fort haut & pres de l'eine: la premiere un peu au dessous de l'eine. Deuant que les couper, on les lie d'un filet par en haut, duquel on laisse pèdre les bouts hors la playe, \* comme aux ueines qui requierent ceste administration. Ce faict, on remet le testicule dedans, & ioint-on avec cousture les bords de la bourse. Les poinçis d'eguille ne doyuent estre trop peu en

\* à fin que le testicule remon-  
tant vers l'eine ne soit touché du ferrement.

\* qui est faict de deux pieces, comme le manche d'une lancete.

\* Noz exemplaires pour *Cornum* ont *curum*. ce ferrement est comme vn *Bistoir*. Encor aujourdhuy appellons certain ferrement *Bec de corbin*.

\* Comme en hydrocele l'aquosité.

Aucuns li-  
sent, cōme aux  
arteres & ve-  
nes.

nombre: car la playe s'en conglutinerait moins, & la curation en seroit plus longue: ny plusieurs aussi: car cela augmenteroit l'inflammation. La cousant il faut curieusement auiser, qu'il ne demeure point de sang dans la bourse, & lors appliquer medicamens glutinatifs. Quelquefois s'il flue du sang dedans la bourse, ou qu'il tombe quelque caillou dans icelle, on fait une incision par dessouz, & ayant purgé ladicte bourse, on l'environne d'une esponge abreuee de fort uinaigre. Toute playe faicte pour les raisons susdites se doit bander. S'il n'y a point de douleur, il ne faut point débander les cinq premiers iours, ains seulement arrouser de uinaigre la laine, ou l'esponge appliquée, deux fois le iour. S'il suruient douleur, il faut débander le troisieme iour, & s'il y a des \* points d'eguille, il les faut couper: s'il y a de la charpie, la faut changer, & mouiller en uin & huile rosat ce qu'on y applique. Si l'inflammation augmente, on aiouste aux precedens remedes un cataplasme de lentille & miel: ou bien d'écorce de grenade cuicte en uin rude & gros, ou des deux meslez ensemble. Ne cessant l'inflammation pour ces remedes, apres le cinquieme iour on foment la playe d'eau chaude longuement, iusques à ce que la bourse s'extenue & se face plus ridee. Lors on applique un cataplasme de farine \* de froment, avec de la resine de pin, qui se cuisent avec du uinaigre, si le patient est de robuste complexion, & avec du miel, s'il est delicat: & ne faut point douter, quelconque ayt esté le commencement, si l'inflammation est \* grande, qu'on ne doye appliquer les medicamens suppuratifs. Si dans la bourse y a de la matiere purulente, il la faut un peu inciser

\* Ainsi ie interprete fibulas, combien que ce mot signifie aussi tenons, & hap-pies, boucles, & lacets.

\* pour absterger & suppurer.

\* de sorte que elle ne puisse guerir par repercusifs, & resolutifs, avec les remedes vniuersels.

inciser pour luy donner issue, & par dessus y appliquer de la charpie, seulement pour boucher le trou. L'inflammation cessée pour le respect des nerfs, on use du premier\* cataplasme, puis d'un cerat. Ces remèdes touchent proprement à la playe. Quant au viure, & au reste de la curatiō on y procede de mesme façon, qu'auons commandé aux autres especes de la playe. Apres ce discours general, Celsus traite particulièrement de l'hydrocele en ceste maniere, Si dans la tumeur (dit il) y a de l'aquosité amassée aux enfans, \* \* on incise l'eine, \* ne fust que la grande abondance de l'humeur nous en empesche: aux hommes faicts, & quand il y a grande quantité d'humeur, on incise la bourse. Si l'ouuerture se fait en l'eine, par icelle, on tire dehors les tuniques, puis on uuide l'humeur. Si on incise la bourse, & le mal est immédiatement au dessouz & ioignant icelle, il ne faut que uider l'humeur & couper les membranes, si dans \* aucunes il est contenu: puis on laue la playe avec de l'eau où il y ayt du scl, ou du nitre fondu. Mais si le mal est au dessouz de la tunique mitoyenne, ou de la premiere, il les faut mettre toutes hors de la bourse & les trancher. \* \* Celsus incise plustost l'eine aux enfans, que la bourse, par ce qu'ils ont la bourse si petite, & si serree pres des testicules, qu'elle n'endure point, voire une petite playe: & aussi que mal aisé seroit il de la percer, sans blesser le coillon: outre ce que la froideur de l'air entrant par la playe offenceroit le coillon encor tendre, mol, & delicat: & sur ce poinct est à noter, que comme aux ieunes filles les mamelles & la matrice sont petites, pour n'estre encor uenu le temps de leur usage, mais elles

\* Faict de lentilles miel & vin.

\* Car la grande quantité d'humeur épandue de toutes parts souz les tuniques, du bas & des costez de la bourse ne peut estre cōduicte à l'ouuerture de l'eine, pour sortir.  
\* supernuméraires.

Cecy est adnotation sus le texte de Celsus.

s'aggrandissent, dilatent, & amplifient, quand le temps de coucher avec les hommes, & concevoir, est uenu, aussi les testicules & couuertures d'iceux, que nous nommons les trois tuniques, sont petites, estroites, serrées aux enfans, lors qu'en telles parties se fait & accumule, ou peu ou rien de semence: mais quand l'aage auancee nous incite à la procreation de nostre semblable, lors nature aggrandit, engroffit, élargit, les uaisseaux spermatiques, les testicules, leurs tuniques, les parastates, les prostates: & somme, toutes les parties ordonnées pour engendrer, conduire, reseruer, expulser la semence, principale matiere du bastiment de nostre corps. Est aussi à noter par ce que l'elytroide, ou première tunique, est faicte de la pure substance du peritoine, qu'elle est plus sensible, & que l'incision faicte en icelle estant plus douloureuse, par sympathie cause plustost inflammation au peritoine: à raison de quoy Celsus commande qu'on la coupe fort bas de l'eine: mais la nitoyenne ou dartos, comme auons dit, reçoit en sa composition plusieurs filets ligamenteux entremeslés, qui la rendent moins sensible: pour quoy l'incision ou excision d'icelle est moins douloureuse, & moins excite par consentement inflammation du peritoine. A ceste cause Celsus veut qu'on la coupe près de l'eine.

De la hernie charnue & calleuse, nommees en Grec Sarcocoele, & Porocoele. CHAP. LXIII.

**S**I entre les membranes & parties qui composent l'oscheos, s'engendre vne carnosité, la maladie se nomme Sarcocoele. La cause est ou cachée & interne d'une fluxion\* qui tombe sur le coillon, & le fait deuenir scirrheus: ou manifeste

\* acre & cuis-  
sante. Albu-  
crasus.



feste d'un coup, ou pour auoir esté mal pensé &  
 gouuerné vn malade, quand on l'a taillé de la  
 \* rompure. La tumeur est dure, & de semblable  
 couleur à la peau. Si elle se fait scirrheuse, elle  
 perd sa couleur \* naturelle, & le sentiment: si  
 elle est \* maligne, on sent des douleurs piquan-  
 tes. Pour y faire l'operation manuelle, on situe  
 le patient comme a esté dict: & fait-on l'incision  
 semblablement: puis si la carnosité est en la sub-  
 stance mesme du coillon, on incise la \* tuni-  
 que mitoyenne, & la premiere, & tirant le testi-  
 cule on le iette hors de la premiere. Ce faict, on  
 separe des vaisseaux spermatiques le \* crema-  
 stère: puis on lie lesdicts vaisseaux: on tranche  
 le cremaster: & finalement on oste, & iette  
 le testicule chargé de la carnosité, comme inu-  
 rille & vitieux. Si la carnosité est en quelqu'une  
 des membranes, ou des vaisseaux spermatiques,  
 on incise la bourse, & les membranes qui gisent  
 au dessous de la carnosité, puis tout à l'environ  
 on tranche ce qui est ia occupé de la carnosité.  
 Si l'adherence posterieure est chargée & saisie  
 de la carnosité, ayant separe les parties qui luy  
 sont circouuissines, nous la tranchons, & ensem-  
 ble avec elle le testicule, qui sans icelle ne pour-  
 roit demeurer. Les callosités s'engendrent au  
 testicule, & en sa premiere membrane. On les  
 discerne de la sarcocoele, & hydrocele par leur  
 durté, inégalité, & grande renitence, on les  
 extirpe par mesme operation manuelle que la  
 carnosité.

\* Au Grec  
 y a en gene-  
 ral, de la her-  
 nie.  
 \* & devient  
 noire ou liuide.  
 \* qu'elle tiens-  
 ne de la natu-  
 re du chancre.  
 \* dartos &  
 elytroide.

\* l'apophyse  
 du peritoine  
 qui couvre  
 lesdicts vais-  
 seaux.

Albucasis outre les causes de ceste tumeur, recitees de nostre auteur, la dit estre faicte d'un aneurysme produict par anastomose des arteres, ou des veines : & aussi par \* nodosité des arteres : ingeant au reste ceste tumeur estre tresdangereuse le plus souuēt, par quoy il est plus seur & meilleur n'y toucher du tout, & la laisser sans aucune curation. Maistre Gui de Cauliac ueut si on coupe le coillon, qu'on cauterise apres. Celsus de ceste affection escript ce qui s'ensuit, Si quelquefois (dit il) est endurcie & condensee une carnosité entre les tuniques, il n'y a point de doute qu'il la faut oster, ce qui se fait plus commodement en incisant la bourse. or si le nerf est endurci, ny par operation manuelle, ny par medicamens le mal est curable. Le \* patient est tourmenté d'une fieure ardante; il uomit des humeurs uerdes, ou noires : outre ce il endure une fort grande soif : il a la langue aspre : & pour la plus part apres le troisieme iour luy uient un flux de ventre, cholerique, ecumeux, corrosif & ulceratif : & ne peut ny recevoir, ny retenir la viande. Soudain apres, les extremités du corps se refroidissent : il luy uient un tremblement : il estend les \* mains sans raison : au front luy sort une sueur froide, & en fin s'ensuit la mort.

De la hernie variqueuse, & venteuse.

CHAP. LXIII.

Si les vaisseaux dispersés par la bourse, & par la tunique mitoyenne se font gros & tortilleux, on appelle simplement ceste affection Varices : mais si les vaisseaux qui nourrissent le testicule deuiennent tels, on nomme ceste maladie Cir

\* par ce mot  
i'enten flexuo-  
sité variqueu-  
se.

\* ces signes sont  
d'un Cancer  
extremement  
malin & mor-  
tel.

\* & les bras :  
qui est un af-  
faut de conuul-  
sion.

die Cirfocele. Les signes sont manifestes. On trouue vne tumeur & consistance grosse, aucunemét oblique, semblable à vn \* raisin : le coilon apparoit relaxé: le malade sent ennuy & faicherie en courant, cheminant, & faisant exercice. Pour executer l'operation manuelle, on situe le malade en figure conuenable: puis maniant & frotant la bourse avec les doigts, on tire & repoulse contre bas le cremastere, qui se cognoist aisement, par ce qu'il est plus subtil, plus solide, & a plus de retinence que les vaisseaux spermatiques, comme estant de sa nature puissant & fort. D'auantage quand on le presse, le malade sent douleur: & la douleur s'estend \* iusques à la verge. Ce faict nous prenons des doigts les vaisseaux spermatiques cachés dans la bourse, & commandons à vn seruiteur faire le mesme: & les estendans fort, du fil du rasoir nous faisons de biais vne incision, sus les vaisseaux mesme: puis fichons des crochets en la playe pour étorcher & separer les membranes qui sont aux dessous de la peau: & apres auoir decouvert les vaisseaux, comme auons dit en traictant la \* maniere de lier & couper les vaisseaux, & la curation des \* aneurysmes, nous passons sous iceux vne eguille enfilée d'un fil double, puis coupans l'anse du fil, nous les lions au lieu où ils commencēt à s'entortiller, & en leur inferieure extremite au dessous des entortilleures, apres auoir fait vne incision droicte au milieu, & vuidé le sang assemblée dans iceux: & au reste vsons de medicamens suppuratifs, à fin

\* aucuns exposent, qu'on trouue en la maniait, plusieurs petites durtes, semblables à grains de raisin. Aucuns, qu'ell'est flexuense comme la cheurolle de vne vigne.

\* Aucuns li. sent: outre ce, il est situé pres de la verge, & Albucasis suit ceste exposition.

\* chap. 5.

\* chap. 37.

que le fil & les vaisseaux attachés tombent d'eux-mesme. Leonides veut, si quelques vns des vaisseaux qui nourrissent le coillon deuiennent variqueux, qu'on y procede en la maniere susdicte : mais si tous deuiennent variqueux, qu'avec iceux on prenne & oste aussi le testicule, à fin qu'estant priué des vaisseaux qui luy suggerent son aliment, il ne se flattrisse & corrompe. Quant à la hernie venteuse, qui est vne espece d'aneurysme, Leonides defend nommément, que du tout on n'y face aucune operation manuelle, pour le danger imminent & pressif du flux de sang, qu'on ne peut arrester. La generation de ceste tumeur se fait en deux manieres. L'une quand la ventosité & vapeur est apportee par les quatre vaisseaux qui nourrissent le testicule: l'autre quand ell'est apportee par les arteres de la bourse, & de la tunique mitoyenne. Les chirurgiens modernes ne mettēt point la main à la derniere, mais biē à la premiere. Nous discernons l'une d'avec l'autre, en ce que la tumeur faicte par la vapeur sortie des arteres, se perd facilement, quand on la presse avec les doigts: mais si elle est faicte par les veines qui nourrissent le testicule, ou du tout elle ne se perd point, ou biē elle ne se perd qu'en la foulāt & pressant fort. Nous y faisons l'operation manuelle telle qu'a esté dict en la curation de cirsocele, prenāt de part chaque veine, & la liāt.

## ANNOTATIONS.

Si les vaisseaux deuiennent gros. Albucrasius dit, Le coillon est mollifié, & me semble ceste lecture raison

\* Ce mot semble superflu: car le testicule n'est nourri que par les deux vaisseaux deferens.

raisonnable, par ce que toutes parties destituees de leur aliment deuiennent molles, & fleties. D'auantage il nōme ceste tumeur Vigne, & la descriuāt dit estre un aposteme entortillē de quelques reuolutiōs, & semblable à un raisin, de sorte qu'en ces mots il cōprend la similitude de ceste tumeur avec les grains du raisin, & les cheuroles de la uigne. M. Gui de Cauliac dit, un M. Pierre d'Orrillac excellent chirurgien auoir usē en la curatiō de la hernie uariqueuse, des caustiques & ruptoires. Celsus nōmant particulieremēt cest'espece Ramiccē, en escript ce qui s'ensuit: Si la \* uarice, (dit il) est sus la bourse, il la faut cauteriser avec de ferremens poinctus, & subtils, imprimēs & fichēs sus les ueines, & de sorte qu'ils ne brûlent point plus profond que icelles: & les doit-on principalement appliquer, où les ueines se repliēt, entortillent & emmoncelent en elles mesmes: puis on met dessus de la farine pestrie en eau froide, & apres on use du bandagé que i'ay dit estre utile en la curatiō des maladies du \* fondement. Le troisieme iour on y applique la farine de lentilles: puis estant cheute l'eschare, on nettoye l'ulcere avec du miel: remplit avec de la \* rose: & cicatrise avec de charpie seche. Quand les ueines sont tumides & uariqueuses sus la tunique mitoyenne, on fait incisiō en l'eine, puis apres auoir icte dehors la tunique, on separe d'icelle les ueines avec le doigt, ou le manche du rasoir, & là où elles sont adherentes à la tunique, par dessus & par dessous on les lie d'un fil, & entre ledict fil on les coupe: puis on remet le testicule en sa \* place. Si les uarices sont au dessus de la premiere \* tunique, il faut inciser la mitoyenne: & si on trouue seulement deux ou

\* Ramen.

\* liure 8. chap. 18. en traitant des condylo- mes, Nous le descriuons ci- apres, sur le chap. 80.

\* l'enten le suc de la rose, & non la poudre, ny l'huile rosat.

\* qu'on auoit sorti avec la tunique.

\* de l'elytroci- de.

deux ou trois ueines enflées & tortilleuses, de sorte qu'une petite partie de la tunique est seulement uexée de ce mal, mais la plus grande portion d'icelle en est exempte, nous faisons ce qu'a esté ci-dessus escrit, & lions les ueines par dessus en l'eine, par dessous au testicule, puis les coupons, & reduisons le testicule en son lieu. Si la varice occupe toute la tunique, il faut mettre le doigt indice dans la playe, & le conduire par dessous les ueines, de sorte que petit à petit il tire & amène le \* testicule en equalité de l'autre, & qu'il soit en pareille hauteur & situation que iceluy: & lors il faut serrer les bords de la playe avec des \* lacets ou boucles faictes d'un point d'eguille, de sorte qu'elles prennent & serrent aussi les ueines. Cela se fait en ceste maniere: Par dehors on passe une eguille à trauers du bord prochain: puis on la pousse non à trauers du corps de la ueine, ains de sa \* membrane, la tirant à trauers de ladicte membrane iusques en l'autre bord. Il se faut garder de blesser les ueines de peur du flux de sang. Entre icelles tousiours y a une membrane, laquelle pour estre perçee, ne cause aucun danger: & le fil tient assés ferme les \* ueines qu'il serre: pourquoy il suffira faire deux de ces boucles seulement. Ainsi donc avec le fil \* trauersé il faut estraindre les ueines qu'on a tirées en l'eine. Le temps d'oster & delier les boucles est apres l'inflammation cessée, & la playe netoyée, à fin que la cicatrice empoigne & attache tant les ueines que les bords. Si la varice s'engendre entre la premiere tunique, le testicule & son \* nerf, il n'y a que une curatiō qui est de trancher tout le coillon. Car il est inutile pour auoir lignee: & pend à tous malades, qui est une chose

\* qui estoit  
abbaisé &  
avalé par le  
pois de la tu-  
meur.

\* Je tourne  
ainsi le mot fi-  
bulis.

\* au dessous de  
ladicte veine.

\* de sorte qu'el-  
les ne s'abbais-  
sent plus.

\* En nos  
exemplaires  
pour transuer-  
so filo, y a, auer  
so specillo.

\* l'attache po-  
sterieure & in-  
ferieure d'ice-  
luy avec la pre-  
miere tunique.

chose laide & difforme : & à d'aucuns fait grande douleur. Nous resoluans de le trancher, premiere-ment nous incisons l'eine : ietons dehors la tunique mitoyenne, & la coupons : faisons le semblable en la premiere tunique : nous coupons aussi le nerf du testicule, avec lequel il est suspendu : puis nous lions pres de l'eine les ueines & arteres spermatiques, & les coupons au dessous de la ligature. Si la varice est en l'eine, avec petite tumeur, nous faisons une incision seule : si la tumeur est grande, nous faisons deux incisions, & coupons ce qui est au milieu d'icelles. Puis sans tirer hors le coillon, ainsi qu'auons dit estre aucunes fois pratiqué quand les boyaux sont auallés dans la bourse, nous amassons les ueines, & là où elles sont adherentes aux\* tuniques, les lions : puis les coupons al'endroit de leurs nodosités & entortilleures. La curation de la playe ne requiert aucune nouvelle & differente procedure que les autres.

De l'aualeure du boyau, ou hernie intestinale dictée en Grec Enterocèle. CHAP. LXV.

**E**Nterocèle est aualeure & descente du boyau en l'oscheos. Elle se fait ou par rompure, estant rompu le peritoine al'endroiect des\* flanes : ou par extension d'iceluy. L'une & l'autre, ie dy l'extension & rompure, se fait de quelque precedente violence, comme de coup, d'auoir sauté ou crié : \* mais outre les causes recitées l'extension se fait aussi par relaxation, & autres foibleesses des parties. Les signes communs aux deux causes sont, tumeur apparente en l'oschéos, laquelle croist & s'augmente quand on retient son aleine, <sup>a</sup> quand on luiète, ou l'on

\* en l'interieur  
re partie de la  
bourse, & su-  
perieure de  
dartos.

\* τοῦ νε-  
φροῦ.

\* ou de s'effor-  
cer pour leuer  
quelque pesant  
fardeau. Al-  
bucrasis.

ou l'on fait grand exercice, & somme quand on fait quelque vehemente distension de ses membres. Repoussant le boyau vers son lieu, quand on le presse mal aisément il retourne, & soudain il retombe. Quand le malade est couché à la renuerse, le boyau remis demeure au dessus & en sa place, iusques à ce que le malade se leve, & se retourne debout. Si la matiere fecale descend avec le boyau en l'oscheos, souuent cest accident est dangereux. Quand on comprime la tumeur, les patiens souffrent douleur, & quelque fois s'y fait vn bruit. Les propres signes de ceste hernie faicte par extension, sont, que la descente ne se fait point soudainement d'un coup, mais petit à petit, avec longueur de tēps, & pour legeres occasions, la tumeur est egale & profonde, par ce que le boyau descendu, de toute part est contraint & serré du peritoine. Mais si la hernie est faicte par rupture, dès le commencement la descente se fait soudain tout d'un coup, & de quelque cause vehemente. La tumeur est fort grande, \* inegale, superficielle, & se rencontre incontinent apres la peau, par ce que le boyau n'est plus enclos dans le \* peritoine. Si estant rompu le peritoine, la coiffe seule descend en la bourse, on nomme ce mal Epiplocele. Si le boyau y descend avec la coiffe, Epiploenteroccele. S'il apparait quelque aquosité en la premiere tunique, le nom de cest'affection est \* composé des trois. En ces especes nous ne faisons point de manuel-

le opera

\* comme est le  
boyau à cause  
de ses reuolu-  
tions.

\* qui est éclaté  
& rompu.

\* Hydrepiploenteroccele.



le opération, ny aussi en l'aualeure du boyau  
faicte par rupture, ains seulement quand ell'est  
faicte par extension : & la maniere est telle.  
Ayant situé le patient à la renuerse, avec l'aide  
d'un seruiteur on estend la\* peau de l'eine, puis  
on l'incise toute de trauers, comme il se prati-  
que quand on coupe les vaisseaux. Aucuns  
font l'incision \* droicte, & non trauersiere. Ce  
faict nous fichons des crochets, pour ouurir &  
deplier l'incision, qui doit estre proportionnee  
de grandeur au coillon que pretendons iecter  
dehors : & derechef fichons en la tunique sub-  
iacente nommee Dartos, autant de crochets que  
la grâdeur de la playe le requiert, & apres auoir  
separé la gresse & les mébranes avec vn cani-  
uet ou vn crochet mouce, nous incisons ladicte  
tunique d'un rasoir à deux tranchants : & ainsi  
ayât decouuert de toute part<sup>le</sup> peritoine, nous  
ietôs le doigt indice en la posterieure partie de  
l'oscheos, & defaisons l'attache de derriere qui  
est entre le peritoine, & la tunique dartos : puis  
avec la main dextre nous redoublons en dedâs  
l'extremité inferieure de la bourse, & ensemble  
avec la gauche nous tirons vers la playe contre-  
mont, le peritoine. Par ce moyen nous ietons  
dehors le coillon avec sa premiere tunique, le-  
quel nous commandons à vn seruiteur tenir  
soulleué, & ce pendant nous defaisons & sépa-  
rons nettement toute l'adherence posterieure  
& inferieure qu'il a avec la tunique mitoyen-  
ne. Ce faict, nous cherchons curieusement  
avec les

\* Le seruiteur  
l'estend vers le  
ventre, &  
tient la main  
ferme dessus,  
à fin d'empê-  
cher que le bo-  
yau ou la coif-  
se ne tombent  
pendant qu'on  
fait l'operatiō.  
\* De nostre  
temps tous les  
operateurs la  
font ainsi, com-  
me aussi Al-  
bucrasis le  
commande.

auec les doigts, s'il y a point quelque reuolution du boyau retenue pres de la tunique elytroide : & s'il s'en trouue, nous la repoullons contremont vers le ventre, puis prenons vne eguille fort grande, qui traine vn lignon double, retors de dix fils, & la passons par le milieu de l'extremité superieure du peritoine qui est en la playe, & coupans l'ance nous en faisons quatre bouts, lesquels d'vn costé & d'autre nous accouplons respectiuellement ensemble, en forme de sautoir, ou d'vn maiuscule Chi. X. & ferrons fort le peritoine. Ayant noué deux fois le bout des fils, & ferré encor derechef fort le peritoine, à fin qu'aucun des vaisseaux qui nourrissent le testicule, ne puisse apporter & fournir du sang, pour exciter inflammation, nous faisons vne seconde ligature plus bas, & plus en dehors distante de la premiere moins de deux doigts. Ces deux ligatures faictes, laissant du peritoine autant que la largeur d'vn doigt, nous le coupons tout, circulairement, & auec iceluy tranchons le coillon. En apres nous faisons controuerture en l'inferieure partie de la bourse, dans laquelle nous ietons vne tente: puis faisons embrochations d'huile, & appliquons les bandages semblablement comme en l'hydrocele, poursuiuans tout le reste de la curation ainsi qu'a esté dict en traitant d'icelle. Je cognoy aucuns chirurgiens de bon esprit, qui apres auoir coupé le peritoine, pour doute du flux de sang, cauterisent son extremité auec vn fer chaud: ce qui est raisonnable. Iceux mesmes, soudain apres

après l'operation font baigner le patient en vne grande cuue de bois, pleine d'eau chaude, iusques au septieme iour, l'y faisant entrer iusques à cinq fois que la nuict que le iour, & principalement les enfans : & certes le succes de ce remede est admirable. Car il preserue les parties d'inflammation, & fait tomber en peu de temps les filets, & les parties qui en sont liees. Pendant que le malade n'est point au baing, ils font les embrochations susdictes. Quelque autre durant ce temps, outre les remedes susdicts, engresse & frotel l'échine de poiure puluerisé, & meslé avec d'huile.

## A N N O T A T I O N S.


<sup>a</sup> L'exemplaire vulgaire Grec a, *ταῖς ἀλγύς*, qui signifie en temps fort chaud. Le ly, *ταῖς καλῶς*, en luictant, qui est un exercice uehement où il faut employer toute la force du corps, avec grande industrie, en quoy se manifeste aisément le mal duquel nostre auteur parle : & s'accorde bien ce mot au subsequēt *ἐκτασίου*, & non *ἐπίσασίου*, cōme il se lit en noz exemplaires. <sup>b</sup> L'auteur appelle Peritoine une membrane produicte d'iceluy, qui couure, enuoloppe, & embrasse les uaisseaux spermatiques, donnant à la uëine deferente une seconde tunique, & à l'artere, une troisieme. Ceste membrane est proprement origine de la premiere & prochaine tunique du coillon, que nommons Elytroëide, ou cōme nostre auteur, Elytron. Ainsi que les uaisseaux descendent iusques à s'insérer au testicule, ceste membrane, par derriere seulement, & non circulairement al'entour de tout

- son corps, est attachee par certaines petites membranes fort subtiles & delices avec la tunique dartos, & de ceste attache postérieure entend & parle icy nostre auteur. Outre l'operation exposée de nostre auteur, nous en trouuons cinq autres, inuentées par
- 1 diuers maistres. D'icelles la premiere est le cautere actuel. Albucrasis la décrit chap. 47. liure premier. Ayant couché le malade à la renuerse, & mené le testicule sus l'os du penil, on marque le lieu selon la quantité dudit testicule: puis ayant retourné le coillon en la bourse, avec un serrement courbe on cauterise sus le milieu de la marque, de trauers, ou si uiuement du premier coup, ou y retournant par tant de
  - 2 fois, qu'on touche l'os. La seconde est avec la fiscelle, practiquee de maistre Roger. La maniere est, avec une eguille, en leine, on passe de trauers une fiscelle, deffous le didyme, par le milieu d'une marque faite expres pour ceste intention: puis on lie les bouts de la fiscelle, sus un petit morceau de bois couché par dessus: & de iour en iour on serre la fiscelle, iusques à ce que petit à petit elle ayt coupé le didyme & la
  - 3 peau de l'eime. La troisieme louee de maistre Lanfranc, se fait par cauterisation de l'os du penil & de la
- peau en ceste sorte: Nous empognons avec unes tenailles larges, qui ayent au milieu de leurs ailes, une fente longue, la peau de l'eime, & par icelle fente la cauterisons & incisons tout ensemble, de long avec un rasoir ou autre tel serremēt embrasé, à la largeur de trois doigts. L'eschare tombee nous decharnons le didyme: puis ietant un crachet deffous avec un fil double & ciré, le serrons doucement, en sorte que par iceluy ne puisse rien descendre, & toutes fois le fil ne le

\* Les operateurs nomment Didyme ce qui est composé de testicules Dartos & Elyproeides.


ne le gaste pas : ce fait, avec un autre trochet, on le souleue tant que par deffous on puisse mettre une lame de fer subtile, qui garde le didyme ; & au deffous d'icelle on applique un caustere iusques à la substance de l'os. Apres l'exfoliation d'iceluy, comme la playe est près d'estre consolidee, on delie le didyme. Par ce moyen la peau de l'eine se ioint & serre si fort avec l'os du penil, qu'estant le chemin estroici, la coiffe & le boyau ne peuuent plus cheoir, & d'auantage le coil lon & les uaisseaux spermatiques tât deferens qu'eia culatoires, ne reçoient aucun dōmage. Lāfranc pre- fere ceste maniere aux autres, & la dit estre de son inuētion. M. Guy de Cauliac ne l'estime pas seure. La quatrième mise en usage par un maistre Beraud 4 de Mets, se nomme le Point d'oré, ou fil doré. Pour la faire, apres l'incision tiree sus la superieure partie de la bourse, on tient preparé un fil d'or de ducat, ou autre bien fin, de la longueur d'un doigt & plus, de la grosseur d'une grosse epingle, pointu par l'un des bouts. Ce fil prest, le maistre ayāt diuisé en son esprit le didyme qu'il tient ferme avec des tenailles, en quatre parties égales, & se donnant bien garde de bles- ser les uaisseaux, passe premierement le bout pointu, par la fin de la premiere partie, & commencement de la seconde; puis par la fin de la troisième, & commencement de la quatrième; qui est la premiere trai- tte: ce fait, il ramene l'autre bout du fil contrebas, au deffus du precedent, comme qui feroit un aneau re- tors, le passant derechef, & dans le mesme pertuis, par la fin de la premiere & troisième partie, à costé de ce que les tenailles occupent, qui est la seconde traite. En apres il prend les deux bouts du fil qui

se rencontrent en l'inférieure partie de la playe; & avec des tenailles à chainettes, ou à mailles les croche ensemble, puis lime bien les deux bouts accrochez d'une lime douce, à fin qu'estans renus dans la playe avec le didyme ils ne fassent douleur ou ulcere. Par ce moyen on serre de sorte le didyme sans gaster ny les vaisseaux, ny le coillon, que le boyau & la coiffe ne peuvent deualer en la bourse; & ne cause le fil aucune douleur, pourueu qu'il soit bien limé, & que les bouts ne passent point. Car l'or est amy de nature, comme le plomb. Les operateurs iugent ceste operation faicte dextrement & fidelement tresbonne: M. Guy de Cauliac ne la tient point pour asseuree.



- A. Le buste du corps.  
 B. L'incision faite au pénil dextre.  
 C. Le didymé qui se tire avec la tenaille herniaire.  
 D. La tenaille herniaire.

- E. Le point doré cousu.  
 FF. Ses bouts qu'on accroche & lime.  
 G. Le didyme cousu avec le point doré.  
 H. Les tenailles pour accrocher les bouts du fil d'or.



La cinquième & dernière, fort recommandée de  
 maître Guy de Cauliac, & par laquelle il guérit M.  
 Loys de Brissieu en Dauphiné, se fait par ruptoires.  
 Le maître pousse le coillon en l'eine pour marquer  
 d'encr



d'encre sus la peau rasée la circonference d'iceluy. Au milieu de la marque, il applique un caustique gros comme une chastaigne, faict de saumon & chaux uiue. Passés vingt & quatre heures que le caustique a operé, au milieu de l'eschare, il fait une fossete, & dans icelle iette d'arsenic sublimé corrigé avec opium, ou suc de quelque herbe froide, la grosseur d'un grain de fromêt, ou tout seul, ou avec un peu de coton mouillé de salive. Et par ce que l'arsenic sublimé cause excessive douleur, fièvre, & autres mauuais accidens, il engresse les parties circonuoisines de populeum, appliquant par dessus des drapeaux trempés en eau & vinaigre, avec le brayer. Ceste procedure se continue tant que le caustique ayt consommé & brulé iusques au didyme, ce qui se fait en quinze iours : puis iusques à ce qu'il ayt corrompu le didyme, qui se fait en pareil temps. Aucuns quand le caustique a profondé iusques au didyme, pour abbatre l'eschare, empêcher le flux de sang, & assoupir le sentiment de la douleur, appliquent un cultelaire courbé. Aucuns depuis le commencement de la curation l'y appliquent chaque troisieme iour, pour les considerations susdites, & pour expedier plustost. Toute la procedure est plus au long expliquée par ledict maistre Guy, auquel ie renuoye le lecteur. Voila les inuentions des modernes : oyons maintenant ce que Celsus en escrit. Si (dit il) le boyau descend à un petit enfant, deuant qu'employer le rasoir, il faut essayer de reioindre l'ouuerture. A ceste intention on fait un bandage ou brayer, au bas duquel on coust une pelote faicte de petits drapeaux, laquelle on met au dessous du trou pour rechauffer le boyau. Du reste du brayer on serre fort

le buste du corps. Avec ce bandage souuēt est repoussé le boyau, & les tuniques conglutinees ensemble. Si le patient est plus aagé, & la grandeur de la tumeur monstre qu'il est descendu beaucoup du boyau, outre ce le malade uomit, & sent grande douleur, ce qui auient à cause de la crudité de l'estomach, & de la matiere fecale qui est dans le boyau avalé, il est manifeste que sans le tuer on ne le peut tailler: lors seulement il faut alleguer le mal, & par autres remedes le detourner, & diminuer. Il faut donc saigner de la ueine du bras: & si la uertu le comporte, le faire demeurer trois iours sans manger: si non, luy donner à manger par le plus grand interualle de temps qu'il sera possible, selon sa force. En ce mesme temps on luy applique un cataplasme fait de farine de lin, cuict en uin-miel: & en apres de la farine d'orge meslee avec resine: puis on le met en une tme pleine d'eau chaude avec d'huile meslé, & pour le nourrir on luy donne quelque viande facile à digerer, & qui lache le uentre. Aucuns sollicitent d'auantage le \* uentre: mais cela peut faire descendre plus de matiere en la bourse, & n'en peut retirer aucune chose. Le mal estant allegé par les moyens susdicts, si la douleur retourne une autre fois, on use des mesmes remedes. Quand ils sont tombés plusieurs boyaux, & ils ne font point de douleur, il n'est besoin de traualier le patient: non pas qu'on ne les puisse repousser hors de la bourse, pourueu que l'inflammation n'empeche, mais pource que estant repoussés ils s'arrestent en l'eime, & y font tumeur, de sorte que le mal n'est point gueri, mais changé de lieu. Or quand il faut operer du rasoir, incontinent que l'incision faite en l'eime sera profondee  
jusques

\* par medicamens, clisteres, suppositoires.

iufques à la tunique \* mitoyenne, près des deux bors de la playe il faut avec de crochets, prendre la dicte tunique, & la feparer de toutes les petites mēbranes qui l'environnent, lesquelles on tire dehors. Il n'y a point de danger, quand on blefferoit ladicte tunique, neque par apres on la coupe. Car le boyau ne peut tomber en autre part que sous icelle. L'ayant feparée, on l'incise depuis l'eime iufques au coillon, de forte qu'on ne face point d'outrage au testicule: puis on le tranche. Si le malade est enfant, & le mal petit, ceste procedure est bonne. Si le malade est homme robuste, & le uice grand, le testicule ne doit estre osté, ains demeurer en sa place: ce qu'on fait en ceste maniere. De mefme façon nous incifons l'eime iufques à la tunique mitoyenne, laquelle femblablement nous empognons avec deux crochets, & cependant le ferui-teur contient le testicule de façon qu'il ne sort point par la playe. Ce faict nous incifons d'un rasoir ladicte tunique, tirant contrebas, & par deffous icelle jetons l'indice de la main fenestre, iufques au bas du testicule, lequel nous amenons uers la playe: puis avec le ponce & indice de la main droite nous feparons la veine & artere spermatiques, le nerf, & la tunique qui les \* enueloppe, de la tunique mitoyenne. S'ils se rencontrent quelques petites membranes qui empêchèt la dicte feparation, on les diuife avec le rasoir, tāt que la tunique se uoye toute nette. Ce faict, apres auoir tranché ce qui doit estre tranché, & remis le coillon en sa place, on coupe du bord de la playe qui est en l'eime une petite piece assez largete, à fin que la playe soit plus grande, & qu'il s'y engendre plus de chair.

\* les operateurs nomment toutes ces parties le Didyme.

\* dure, calleuse, & tenant de la nature de cicatrice, qui bouche le passage.

De la hernie de l'eine dictée en Grec Bubonocèle.

CHAP. LXVI.

**B**Vbonocèle précède toujours enterocèle  
faicte par vehemente distension. Car ainsi  
que premierement le peritoine commence à  
estre estendu outre mesure, le boyau relaxé se  
denale en l'eine, & fait la hernie de l'eine, la  
quelle est traictee par les anciens de ceste ma-  
niere: ayant fait l'incision longue de la largeur  
de trois doigts, sus la tumeur qui se voit en l'e-  
ine, osté & separé la gresse & les membranes qui  
y sont, au milieu de l'endroict où le peritoine  
est decouvert, & au lieu où il est tumide & for-  
iecté, on applique la curete d'une éprouuete.  
Par ce moyen on repousse les boyaux dans la  
capacité du ventre: puis d'une part & d'autre  
de la curete ainsi appliquée, on prend, coust, &  
joinct ensemble les bors du peritoine eminens  
& releués: & ce faict, on retire la curete, sans  
couper le peritoine, ny ieter dehors le coillon,  
ou autre chose quelconque, ains on applique  
seulement medicamens restrictifs. Et pource  
que les modernes trouuent meilleur le cautere  
que l'incision en ces hernies, comme il est raison-  
nable, nous declarerons la maniere d'en vser.  
Nous commandons au patient, apres s'estre  
exercé mediocrement le corps, toussir fort, &  
s'estendre en retenant son aleine. Comme la  
tumeur avec ces occasions se manifestera en  
l'eine, nous marquerons la circonscription de  
ce que voulons cauteriser, avec d'ancre à escri-  
re, ou quelque collyre noir, en figure triangu-  
laire,

laire, tirant la ligne trauesiere au dessus, là où est l'alsiete & largeur de l'eine, de sorte qu'au milieu dudit triangle y ayt vne marque signee. Ce faict, nous metons le patiër à la renuersè, & apres auoir appresté diuers cauterés tous embrasés, nous appliquons premierement sus la marque du milieu, des clauaires: puis sus les lignes du triangle, des oliuaires: & tiercement nous applanissons toute la table du triangle avec des lenticulaires, ou des cauterés à platine: & pendant que s'appliqueront les cauterés nous aurons vn seruiteur apposté qui avec vn linge essuyera la sanie. En ceux qui ont vne bonne & mediocre habitude du corps, nous approfonderons les cauterés iusques à ce que rencontrions & touchions la gresse. Aux corps maigres ne faut attédre ce signe, à fin que par inaduertence ne brulions le peritoine: ny pareillement aux trop gras, refaicts, & charnus, par ce que en iceux auant que d'auoir cauterisé suffisamment, on trouue la graisse. Nous prendròs donc & determinerons la iuste mesure avec coniecture prudente & artificieuse. Les cauterés appliqués, nous metrons dessus \* l'eschare, du sel pilé avec vn pourreau, & par dessus vsurons du bandage propre aux hernies de l'eine, faict en Sautoir, ou à la forme d'un Chi. maiuscule. X. Les iours suyans nous gouuernerons l'vlcere avec medicamens qui font tomber l'eschare, còme de la farine de lentille avec miel, & autres semblables.

\* pour la faire  
tomber & em  
pecher le flux  
de sang.

Maistre Lanfranc, marque en rōd la tumeur, d'encre : puis apres auoir reduict dans le uentre ce qui estoit sorti, empogne l'epigastre avec deux doigts de la main senestre, & l'incise en long depuis une circonference du cercle iusques à l'autre, si profond que le peritoine soit incisé, & la coiffe, ou les boyaux, decouverts. Ce faict il coust la playe, ioignant le peritoine avec l'epigastre, comme est l'ordinaire aux playes du uentre, & tient le malade couché à la renuerse iusques à ce que la playe soit du tout cōsolidée. Nostre auteur deffend de n'entreprendre la curation d'epiplocele : & de uray Albucrasis & les autres praticiens qui se rangent au stile & usage d'Albucrasis n'en disent mot. Mais les operateurs & maistres tailleurs en ceste espee de hernie font incision comme en la descente du boyau, puis tirent de la coiffe tout ce qui ueut suiure & sortir de son lieu : ce faict ils le lient tant haut qu'ils peuuent : le coupent pres de la ligature : apres le cauterisent avec d'huile bouillant, ou un fer chaud : & en fin le remettent dans le uentre, laissant pendre le fil hors de la playe. Celsus la traicte un peu plus considerement. Si (dit il) la coiffe est descendue, en la maniere que cy dessus est escrit, nous faisons incision en l'eime, & separons les tuniques. En apres nous auisons si la quantité de la coiffe est grande, ou petite. Si ell'est petite, on la repousse par dessus l'eime dans le uentre avec le doigt, ou avec la curete d'une eprouuete. Si ell'est grande, on la doit laisser autant pendre contre bas qu'il en est tombé du uentre : & la bruler avec medicamens caustiques, iusques à ce qu'elle soit mortifiée, & cheute.

Aucuns avec une eguille passent deux fils, & des deux bouts d'un chacun la ferrèt en diuerses parties. Cela certes la mortifie aussi bien que le caustique, mais avec plus long temps. Pour l'expedier plustost, par dessus la ligature on engresse la coiffe de medicamens qui mangent & corrompent la substance des parties sans erosion: les Grecs les nomment Septiques. Aucuns avec des ciseaux coupent la coiffe, ce qui n'est necessaire quand elle sort en petite quantité: & si elle tombe en grande quantité, cela cause flux de sang, par ce que la coiffe est entretissue de grandes veines: & ne faut alleguer pour exemple qu'aux playes du uentre, quand elle sort, nous la couppons avec des ciseaux. Car lors ell'est ia mortifiée & corrompue: & ne peut-on plus scurement l'extirper en autre maniere. Si nous ne \* coupons point la coiffe, ains la laissons entiere, on reioint la playe avec coiffure. Si la quantité issue de la coiffe a esté grande, de sorte qu'elle s'est mortifiée & \* corrompue, il faut trancher quelque piece des bords de la playe, comme cy-dessus auons commandé. Acec traicte amplement comme toutes ces especes de hernie, rompure, ou greueure se guerissent aux femmes, prenant son discours des liures d'Aspasia. La hernie aqueuse, (dit-il) se fait au couronnement de la nature: & est semblable à une inflation, par ce que c'est une tumeur laxee & molle. Quelque fois ell'est en un costé seul du couronnement: quelque fois en tous les deux: & quand on la touche, semble qu'il flote, ou nage quelque humeur dedans. Premièrement on y applique des medicamens resolutifs, recitez en parlant de la bernie aqueuse des hommes, principalement aux filles

\* ains la repoussons toute entiere dans le ventre.

\* & que pour ceste raison on l'aye coupee.

\* à fin que la  
 membrane estât  
 serree & con-  
 stipee par la ci-  
 catrice, ne  
 permette que  
 pour une au-  
 tre fois l'aquo-  
 sité s'y assem-  
 ble.  
 \* qui appai-  
 sent la dou-  
 leur: & sont  
 concoction des  
 excremens en  
 la partie.

filles & uierges. Si ces remedes ne la guerissent,  
 ayant situé commodement la femme, on fait une inci-  
 sion droicte sus la tumeur, de grandeur correspon-  
 dente & proportionnée à icelle. Apres auoir incisé la  
 peau, petit à petit on écorche & separe les membra-  
 nes situées au dessous, les empognant & souleuant  
 avec unes pincettes: puis on incise la membrane qui  
 contient l'humeur, apres l'euacuation duquel, on  
 tranche une portion de la membrane qui le contenoit  
 en forme de feuille de \* myrte, & on ioint les bords  
 de la playe avec deux ou trois poinçets d'eguille, ap-  
 pliquant exterieurement des \* medicamens suppura-  
 tifs: on fait aussi une embrochation d'huile sus la par-  
 tie, & les autres remedes mentionnés en la hernie  
 aqueuse des hommes. Les femmes sont pareillemēt  
 sujettes aux hernies de l'eine, & principalement au  
 costé droict de leur nature. En ceste maladie elles ont  
 une tumeur dure, qui bruit & murmure, principale-  
 ment quand elles ouurent les iambes, ou se couchent  
 à la renuerse, il les faut traiter avec remedes &  
 bendages conuenables, cōme a esté dict en la descente  
 du boyau & de la coiffe aux hommes. Si ceste pro-  
 cedure n'est suffisante, il faut uenir à l'operation ma-  
 nueille. On situe la femme à la renuerse, les iambes  
 pendantes contrebas: & ayant repoussé le boyau, qui  
 est eminent en l'eine, on fait une incision oblique: puis  
 apres auoir doucement separe les membranes qui  
 sont au dessous de la peau, on estend & tire la por-  
 tion du peritoine qui s'est laschee, en repoussant en-  
 rieur le boyau au dedans: puis on lie & cōst ce  
 qui est superflu du peritoine: & apres on tranche ce  
 qui est superflu au dessus & outre la cōsture: &  
 fait,



faict, on ioint les bors de la playe avec deux ou trois poinçs d'eguille : & on met de la charpie & tentes dans l'incision : appliquant par dehors de la laine grasse trempée en vin & huile, avec bendage conuenable : & en fin on use de medicamens suppuratifs, abstersifs, & incarnatifs : mais iusques à ce que l'inflammation soit passée, il faut user de fomentations & cataplasmes : & finalement s'aider des medicamens cicatrisatifs. Au couronnement de la nature se fait aussi une hernie uariqueuse, qui est une dilatation de ueines semblable aux varices des iambes. En la curation de ceste maladie, on fait une incision droite & superficielle, suyuant la figure & situation du uaisseau : puis on ecorche & separe doucement les membranes adhérentes à iceluy, & apres l'auoir decouvert, on le souleue avec unes pincettes mouces, pour le lier de deux fiscelles, l'une dessus, l'autre dessous. Ce faict on incise la ueine, comme quand on saigne : & ayant osté du sang on coupe & retranche le milieu du uaisseau qui est superflu entre les deux fiscelles, qui est une operation commune à toutes ueines uariqueuses & tortilleuses. En apres on met de la charpie dans la playe, & par dessus une esponge mouillée de uinaigre, ou d'eau & uinaigre meslés ensemble : puis on procede aux medicamens qui engendrent la bouë, & au reste de la curation conuenable aux ulceres.

De l'extenuation & relaxation de la bourse semblable à vn drapeau vñ, les Grecs la nomment *Rhacosis*. CHAP. LXVII.

**Q**uand la peau de l'oscheos seule est relaxée sans les parties cōtenues en iceluy, ce vice est

est nommé Rhacosis, qui est certes vne maladie tresdifforme & laide. Pour la curation de ce mal Léonides couche le patient à la renuersé: & sus vne petite piece de bois, ou vn cuir dur agencé par dessus, coupe avec vn rasoir à deux tranchans ce qui est de superflu: puis reioint avec cousture les bords de la playe. Antyllus premier que de couper, avec trois ou quatre points d'eguille perce & limite ce qui est superflu de la peau: puis tranche avec ciseaux bien coupans, ou vn rasoir, ce qui est au dessous desdicts points: & ce fait, coust la playe, & y applique des restrictifs.

\* Cela faisoit il, à fin qu'en tranchant elle demeure ferme & n'echappe point.

## ANNO TATIONS.

Rhacos en Grec signifie un morceau de drap usé & gasté. A la similitude de cela on a nommé cest'affection qui est propre à la bourse des testicules, quand elle pend entre les cuisses lasche, molle, & fletrie, comme une trippe. Car naturellement elle doit estre ridee, ramassée, & releuée pres du uentre. La cause de ce vice qui est facheux & ennuyeux en cheminât, & laid à ueoir, est une humidité superflue, qui abreuue sa substance, ioinste plustost avec quelque mediocre chaleur, que froideur, à cause de quoy Auicenne ordonne pour la reserrer & reduire à son naturel, somentations, onctions & emplastres adstringens, refrigeratifs & desiccatifs, desendant rigoureusement de n'embrasser point les femmes, par ce que cela fait plus grande attraction des humeurs, & debilité la chaleur naturelle de la partie. Aurelianus chap. dernier, liure 5. des maladies longues, appelle Rhacosis, prostra

*prostration de la uertu, langueur du corps, decoloration de uisage à cause de trop grande saignée. L'operation descrite de nostre auteur est si claire qu'il n'y échet plus long commentaire.*

La maniere de chastrer les hommes.

CHAP. LXVIII.

**E**NCOR que l'intention de nostre art soit reduire les corps d'une disposition contre nature, en leur naturel estat, en l'operation que voulons exposer, nous pretendons faire le contraire. Mais puis que, maugré nous, souuêtes fois sommes contrainsts par le commandement de ceux qui ont autorité sur nous, de chastrer les personnes, sommairement nous expliquerons la maniere de cest'operation. Elle se fait en deux sortes, l'une en écachant les coillons: l'autre en les tranchant. Pour les écacher, on fait asséoir les enfans quand ils sont encor fort petis, dans vne poele pleine d'eau chaude, & lors que ces parties sont ramollies & relaxees dans la poele, avec les doigts on écache leurs petis genitifs, iusques à ce qu'ils se perdent: & qu'estans con-  
quassez & brisez, on ne les puisse plus trouuer fermes au toucher. Pour trancher les testicules on vse de ceste façon: Nous couchōs l'homme sus vn banc à la renuerse: des doigts de la main gauche nous empognōs & pressons l'oscheos avec les testicules: & l'estendant faisons deux incisions droictes avec vn rasoir à deux tranchans, sur chaque testicule vne. Par ce moyen les genitifs saillent dehors, lesquels nous separons de la \* tunique dartos, & les extirpōs, lais-

\* qui leur est  
adherente à la  
partie poste-  
rieure & infe-  
rieure. J'ay  
aionsté quel-  
ques mots pour  
rendre le texte  
plus clair.

\* Nous auons  
parlé d'icelles,  
aux adnota-  
tions du chap.  
65,

fans seulement, fans les rompre ny separer les subtiles \* membranes, par lesquelles sont attachez les vaisseaux spermatiques avec le darros. Ceste façon est iugée meilleure que de écacher les testicules. Car ceux auxquels on les a écha-chez, quelquefois desirent la compagnie des femmes, par ce qu'il est échappé quelque portion du testicule en l'écachant qui n'a point esté brisée.

## A N N O T A T I O N S.

C'est l'ordinaire quand on taille le coillon en la curation d'enterocoele, de separer & decharner tant le dict testicule que les uaisseaux spermatiques de la tuniquo dartos qui les couure; mais pource que cela seroit inutile, nostre auteur uent qu'en ceste operation on decharne seulement le testicule, & non les uaisseaux. Aucuns entendent ce passage, qu'en coupant le testicule on laisse la partie d'iceluy par laquelle il est adherent aux uaisseaux spermatiques, comme Columella commande chap. 26. liure 6. quand il enseigne la maniere de chastrer les ueaux: Car par ce moyen (dit il) il n'est point dangereux du flux de sang, & n'est point du tout effeminé, comme luy restant en cor quelque petite marque du malle. L'exposition premiere me plaist mieux. Aucuns ne font qu'une incision en l'un des costés, & par icelle ayât tiré le testicule prochain, profundent le rasoir d'auantage, & coupant la peau mitoyenne entre les deux genitifs, avec les doigts courbes emportent l'autre testicule par la mesme playe, de la façon que Columelle chap. II. liure 7. enseigne chastrer les pourceaux. En ceste maniere ne se fait qu'une cicatrice, & l'operation est plus

plus belle, mais aussi plus dangereuse. L'usage de châstrer les hommes, pour les faire gardiateurs des femmes & des filles, a esté de tout temps, & principalement aux peuples orientaux, desquels le Turc retient maintenant la coustume. Mais depuis qu'un grand seigneur veit un cheual hongre saillir sus une iument, presupposant que les Eunuches commis à la garde du ferrail de ses femmes pourroyent entreprendre le semblable, ils châstrèrent les hommes coupant la uerge à res du penil; comme i'en ay ueu quelques uns acoustrés par ulceres malings & corrosifs procedans de la uerole. Ceux qu'on châstroit en écachant & brisant les coillons, se nommēt proprement \* Thlasia, & spadones, par ce qu'on leur tirē les genitifs auant que de les rompre. Ceux qu'on châstre en taillant, \* Ectomia: & tous deux \* Eunuches, par ce qu'on les depute pour garder les lits, chambres, & cabinets des dames. Nous faisons difference entre Eunuchos, & eunuchias. Ia a esté dict que c'est Eunuchos. Eunuchias est celuy qui ayant ses membres entiers, ne peut s'accompagner des femmes; & qui est châstré par impuissance, comme Hippocrates au liure de Aëre, aquis & locis, escrit des gentilshommes Scythes ou Tartares, qui pour le continuel travail d'aller à cheual deuiennent gouteux & boiteux, avec retraction de cuisses; à cause de quoy se font ouurir au commencement du mal, les ueines qui sont derriere les oreilles; & tirer grande quantité de sang. Apres cest euacuation se retrouvans debiles, ils tombent en un profond sommeil, & à leur reueil, les uns se trouuent gueris, les autres non; mais plusieurs d'iceux s'approchans de leurs femmes ne les peuuent co-

\* θλάμ, con-  
quasser. σπάμ,  
tirer.

\* ἐκτίμνωμ  
tailler.  
\* ἐυνη, liēt.  
ἔχειμ, auoir.

gnoistre, ce qu'ils dissimulent pour la première fois, n'y pensans aucun mal: puis comme ils se sont essayés deux, trois, & plusieurs fois, & ne peuvent contenir leur desir, se resoluant de leur refrigeration & debilité, s'abillent en femme, testifiant leur auenture, se mettent en la compagnie des femmes, & font les œuvres d'icelles, avec un grand ébahissement du peuple, qui attribue ceste maladie à quelque punition divine, hongrant & reuerant tels personnages, & craignant qu'il ne luy mesche ainsi. Ceux-là sont Eunuchie, & non Eunuchi. Non seulement pour les raisons susdictes on chastre les hommes, mais aussi pour guerir de griéues maladies, comme de ladrerie, ainsi qu'Archigenes dit, tesmoïn Aëce, de sorte que les chastrez sont priuilegiez de n'auoir point la \* goutte: de ne deuenir point chauues, ny ladres, combien que ces reigles generales ne soyent pas sans exception, comme Galien declare comment. de l'aphorif. 28. liure 6. Les anciens auoyent outre ceste pratique de chastrer, une industrie de boucler la uerge des ieunes enfans, qu'ils nommoient infibulare, à fin d'empescher qu'auant l'age competant ils n'abusassent des femmes, & par ce moyen affoiblissent leur tendre corps, ou bien pour leur conseruer la uoix claire & haute, comme à ceux qui chantent le dessus en musique. Car incontinent que les ieunes hommes s'accouplent des femmes, ils perdent leur uoix, & muent, ce qu'Hippocrates liure. 6. des Epidemies, nomme en Grec *ἡμῶν*. Celsus enseigne la maniere de ceste operation. Aucuns (dit-il) ont de coustume boucler les ieunes enfans, pour le respect de leur uoix, ou de leur santé. La façon est: Nous estendons la peau qui est  
sus le

\* Aphorif.  
 28. liure 6.

sus le glan, assauoir le prepuce, & le marquons des deux costés, çà & là, à l'endroit où le uoulons percer : puis le laissons aller. Si les marques faictes retournent sus le glan, nous en aurons trop \* pris, & le faut remarquer plus en derriere. Si la marque demeure au dessous du glan, le lieu sera propre pour passer la boucle. Parquoy à l'endroit des marques nous passerons une eguille ensilée, & lierons ensemble les bouts du fil, lequel nous remuerons tous les iours, iusques à ce qu'il s'engendre une petite cicatrice dans les pertuis. Quand ladicte cicatrice sera ferme, nous ôsterons le fil, & y metrons la boucle, qui sera d'autant meilleure qu'on la fera plus legere. Mais cest operation est plustost curieuse, & superflue, que necessaire.

\* Car sans toucher au glan, la boucle doit seulement prendre le prepuce.

Des Hermaphrodites.

CHAP. LXIX.

**L**É nom de ceste maladie, qui est fort laide, vilaine & difforme à tous les deux sexes, est composé du vocable Ἑρμῆς, qui signifie Mercure, & Ἀφροδίτη, qui signifie Venus. Il y en a quatre differences, comme dit Leonides, trois qui touchent aux hommes : & vne qui touche aux femmes. Les hommes quelquesfois ont la nature de la femme, velue, en l'entrefesson : quelquesfois au milieu de la bourse \* des testicules : & la troisième difference est, qu'aucuns de ces derniers pissent par la nature de la femme, qui est au milieu de la bourse. Aux femmes nous trouuons souuent au dessus de la nature, & au bas du penil plantées les parties honteuses de l'homme, faictes de trois pieces, l'vne

\* sans toutefois rendre leur urine par icelle.

qui représente la verge : & deux qui représentent les genitifs. La troisième espèce qui se fait aux hommes, quand ils vrinent par la nature de la femme située au milieu de la bourse, est incurable. Les autres trois se guérissent, en extirpant les parties superflues, & gouvernant la playe, comme se traitent les autres vlcères.

# ANNOTATIONS.

Auicenne fait une espèce de Hermaphrodite, qui n'ayt la nature, ny d'homme, ny de femme : & une qui a la nature de tous deux : ie ne puis entendre quelle soit la première, n'estoit qu'on imaginast un corps qui eust seulement un petit trou pour pisser au pénis. sans apparence ny de verge, ny de genitifs, ny du couronnement d'une femme. Ce mesme auteur dit n'estre croyable qu'aucun Hermaphrodite face les œuvres de l'un & l'autre sexe, ce que disons agere & pati. Certes ie cuide bien qu'il ne les peut exercer si parfaitement, que s'il estoit uray homme ou uraye femme, mais aucuns d'eux s'en efforcent, de sorte que par la iustice quelquefois en sont repris, & que mesme on leur donne aucunes fois le choix d'user, & employer, lequel sexe ils voudront. Quelques uns pensent les femmes appellees Tribades par Celsus Aurelianus livre 4. chap. 9. des maladies diuturnes, estre les femmes Hermaphrodites, qui abusent de la nature de l'homme. Plaute les nomme Subigatrices, & Arnobius Friatrices. Les anciens ont aussi nommé les Hermaphrodites \* Androgynes, comme si nous disions Hommes-femmes. Ceste mélange de sexes ne se trouue point seulement aux hommes & femmes :

\* ἀνδρ, homme,  
γύναι, femme.



mais aussi aux bestes brutes, comme Pline chap. 49.  
 liure II. recite des quatre iumens Hermaphrodites,  
 nées au territoire de Trier, qui tiroient la coche de  
 Nero. Aucuns comme recite Gal. au commentaire de  
 l'aphor. 43. liure 7. ont solement & sotement cuidé,  
 que la nature des femmes surnait bien aux hommes,  
 mais non la nature des hommes, aux femmes. Pline  
 chap. 2. liure 7. dit en Affrique estre une nation  
 d'hommes, nommés Androgynes, qui couchent en-  
 semble, exerçans alternatiuement acte de male & de  
 femelle. Les chasseurs euident toutes lieures estre  
 Hermaphrodites, & faire des petis. De uray i'en ay  
 dissequé & anatomisé plusieurs, & en toutes icelles  
 trouué les marques des deux sexes, combien que plu-  
 sieurs, voire excellens personnages auioirdhuy esti-  
 ment le contraire. La generation des Hermaphro-  
 dites est contenue sous le genre des monstres. Aucuns  
 euident les monstres estre faicts \* quand la matrice ne  
 se trouue pas droicte à receuoir la semence, ains de-  
 cline & se contourne çà & là : car la semence espan-  
 due en un receptacle inegal produit les monstres,  
 comme le plomb fondu ieté en un moule inegal, fait la  
 besogne inegale & monstrueuse : mais les monstres  
 se font ou par abondante superfluité de la matiere de  
 laquelle nostre corps est formé, comme les Herma-  
 phrodites : ou par faute & indigence d'icelle, comme  
 les mutilations naturelles des leures : ou par imbecil-  
 lité de la uertu formatrice. Ces causes sont touchees  
 & declarees de Gal. au commentaire de l'aph. 2. li-  
 ure 6. des Epidemies. L'operation de nostre auteur  
 sur les Hermaphrodites est fort claire & intelligible.

\* Galien au  
 liure des desfi-  
 nitions.

La manière de couper la partie dictée Nympha, & la queue, dictée Cercosis, aux femmes.

## CHAP. LXX.

**A** Quelques vnes la Nymphe croist excessi-  
uement grande, qui est vne honteuse &  
laide deformité. S'il est vray ce qu'aucuns en  
recitent, quelques vnes dressent ceste partie-là  
comme les hommes, & sont incitées à recher-  
cher la compagnie des femmes. Pour l'extirper  
on couche la femme à la renuerse: puis empo-  
gnant d'vnes pincetes ce qui est superflu de ce-  
ste partie, on le coupe avec vn rasoir à deux  
tranchants, se donnant garde de ne le tailler  
trop profond, afin qu'il ne s'ensuyue vne per-  
petuelle \* distillation, que les Grecs nomment  
*φυσικὸν ῥέωσος*. Quant à cercosis, qui est vne  
excroissance produicte en l'orifice du col de la  
matrice, qui bouche & remplit la partie hon-  
teuse de la femme, & quelquefois tombe en de-  
hors comme vne queue, on la tranche & extir-  
pe semblablement que la Nymphe.

\* *Albucrasis*  
entend plus de  
sang: aucuns  
entendent de-  
goutement de  
vrine: aucuns  
distillation de  
sanie.

## ANNOTATIONS.

En l'extrémité du col de la matrice est l'entrée,  
& fente de la nature de la femme. Les Grecs la  
nomment *ἄσπερ*, les Latins *Pecten*. Les bords d'un  
costé & d'autre qui sont reuestus de poil, se nomment  
en Grec *Pterygomata*, comme si nous disions les ai-  
les du couronnement. Au dessus desdictes ailes, qui  
est la fin de l'os du penil, & entre icelles, sont deux  
excroissances de chair musculeuse, une de chaque co-  
sté, qui embrassent & couurent l'issue du conduit de  
l'urine

l'urine, & qui le resserrent apres que la femme a pissé: les Grecs les appellent Nymphes. Ces excroissances uienent si grandes presque à toutes les femmes d'Aegypte, & à quelques unes des nostres, que comme elles se trouuent en la compagnie des autres femmes, ou que leurs abillemens en chemināt les frotent, ou leurs maris les ueulent approcher, elles se dressent cōme la uerge de l'homme, uoire qu'elles s'en iouent avec les autres femmes, comme feroient leurs maris. Pour ceste cause en Aegypte on la coupe à toutes les filles, comme tēmoignent Galien en son Introduction, & Aëce, ainsi que sera ueu cy-apres. La coupant, si on ne garde mesure, il s'ensuit une debilitation du col de la uescie, qui ne se pouuant reserrer à cause de son imbecillité, laisse degouter l'urine, ce que les Grecs nomment *ῥυαδία*, ou *ῥυαδινὸν παθὸς*. Ce mesme auient à l'œil, quand on coupe trop bas la chair qui couure le pertuis du grand coing d'ice-luy, comme nous auons cy-dessus déclaré chap. 18. Maistre Guy de Cauliac appelle ceste affection Tentiginē. Cercos en Grec signifie queue; d'où est tiré ce mot Cercopithecus, qui est un guenon, ou singe à queue. Cercosis est une maladie des femmes, telle, que de leur nature il pend une peau musculeuse, longue, comme si c'estoit la uerge d'un homme attachée en en cest endroit-là. L'operation de nostre auteur est assez intelligible. Mais pource qu'Aëce l'expose un peu plus clairement nous aiousterōs ce qu'il en escrit. Nympha (dit-il) est une substance musculeuse, ou semblable à peau, située au dessus du lieu, où sont jointes les ailes du couronnement, à l'endroit où est le conduit de l'urine. Ceste partie en aucunes femmes

croist de sorte qu'elle les rend honteuses & difformes. D'auantage comme assiduelement ell'est frotée de la robe, elle se dresse, & incite les femmes à s'acompagner des hommes : & à ceste cause les Aegyptiens la couppent deuant qu'elle deuienne par trop grande, & principalement quand leurs filles sont en aage de estre logees, & qu'ils les ueulent marier. La maniere de la couper est ; On fait asseoir la fille dans une chaire : par derriere y a un ieune homme robuste, qui iette les bras par dessus les iarrets d'icelle, pour tenir en raison ses iambes & son corps. Lors le chirurgien estant debout au deuant d'elle, empogne d'unes tenailles ce qui est trop long de la nymphe, & l'estendant de la main gauche, le coupe de la dextre pres des dents des tenailles. La coupant il faut garder la mesure limitée en l'excision de la luete, assauoir que ne l'extirpons pas du tout, ains que seulement nous tranchions ce qui est de superflu : qui est la cause pourquoy nous commandons la couper pres des dents des tenailles. Car estant membraneuse & semblable à la peau, elle s'estend beaucoup : & si curieusement on ne s'en prend garde, aisément on en coupe plus que de raison : & de là s'ensuit une distillation \* que les Grecs nomment Rhyada. L'operation faite, on netoye la playe d'une espöge mouillée en uin adstringent, ou en eau froide, & essraincte : on iette dessus de la manne d'encens puluerisee : & met-on dedans de la charpie mouillée d'eau & uinaigre mellés ensemble, puis par dessus on lie une esponge abreuee de ceste mesme liqueur, & pressée. Passé le septieme iour on iette dessus de la poudre de cadmia puluerisee fort menu, seule, ou avec des filets iaunes de la rose : ou la

\* L'interprete assez froidement traduit, vne diminution de ceste petite chair.

ou la poudre composee de lapis Phrygius descrite en parlant des creuaces des parties honteuses : ou la cendre des os des dactes. En aucunes femmes est produicte du couronnement une substance charnue, qui tantost remplit la nature de la femme : tantost sort dehors en façon d'une queue, à raison dequoy on la nomme Cercosis. On situe la femme, comme a esté dict en l'amputation de la nymphe. On estend ceste chair pendante & auancee, avec uncs tenailles : & apres on la coupe toute iustement depuis sa base. L'operation executee on suit la procedere dictée en l'extirpation de nymphe.

Des verrues nommees Thymes, hemorrhoides, & condylomes en la nature de la femme.

## CHAP. LXXI.

**T**Hym est vn'eminence quelquefois rougeastre, quelquefois blanche, pour la plus part sans douleur, semblable aux testes de thym. Condylomes sont eleuatiōs & tumeurs ridees. Les hemorrhoides en ceste partie sont semblables à celles du fondement, & quelquefois iettent du sang. Si ces eminences se voyent & monstrent apparentes quand on decouure la femme, il les faut empogner d'vn \* pincetes, & les couper du tranchant d'vn caniuert \* ou autre tel instrument, puis ieter dessus de la poudre de \* galles, ou d'alum de plume. Car les meilleurs & plus insignes chirurgiens n'approuuent point qu'on les coupe avec vne fiscelle.

\* Ou d'vn drap rude.

Albucrasis.

\* *εισπραξις*.

\* *Acacia*, encens, sang de dragon. *Albucrasis*.

## ANNOTATIONS.

Cy-dessus aux adnotations du chap. 58. nous auons discouru

discouru des especes des uerrues, & encor derechef s'en parlera au chap. 87. Hemorrhoides sont orifices & extremitex des ueines, quelquefois grosses & fermées sans ietter sang : quelquefois ouuertes avec effusion de sang. Quand les hemorrhoides sont inueterées, Albucrasis dit qu'elles se font condylomes. Luymesme ordonne que l'operation s'administre en une maison \* fort froide ; & si par les remedes susdicts le sang ne s'arreste point, qu'on face tenir l'espace d'une heure les piedz de la malade contre une paroy froide : si cela ne suffit, qu'on la mette dās une tienne d'eau froide, ou qu'on la baigne en la decoction de sumach, de galles, d'écorce de grenade, & autres semblables ; ou qu'on luy applique sus le dos un emplastre de farine d'orge, miel, & uinaigré : sus le lieu où a esté faicte la section, qu'on mette de la laine trempée en suc de plantain, & de branches d'eglentier, & en gros uin rude : qu'on luy applique des grandes uentouses souz les mamelles, qui sont remedes fort notables. Aëce traictant de ces maladies escrit ce qui s'ensuit : Le thym naist ou aux ailes de la nature, ou dans la nature mesme, ou en l'orifice de la \* matrice, ou en son col. C'est un'eminence aspre, semblable à la teste du thym : en aucunes patientes douce & gracieuse : en aucunes maligne, rouge, sanglante, & principalement apres la compagnie de l'homme, où que la femme a cheminé. Elle est semblable à une meure, & se uoit quelquefois sans instrument, quelquefois avec le dilatatoire de la matrice, nommé Speculum matricis. Nous traictons du commencement ces eminences comme les autres uerrues & thymus. Si les remedes n'y prouffitent rien, nous y ferōs operation manuelle.

\* Cela s'accorde avec l'aphor. 19. liure 5.

\* qui est le commencement de son col.

Nous faisons tenir debout la femme, & tirant ladicte eminence avec pincetes, la coupons par sa racine: & appliquons les medicamens propres aux playes fraiches & sanglantes. Voila comme on coupe les thymys benigns. Car aux malings on ne doit approcher le fer pour doute du flux de sang: & tousiours se faut garder de ne couper la matrice, ce qu'on euite faisant l'incision pres les dens des pincetes. L'excision faicte, on y applique, pour desecher la partie, un medicament restrictif du sang. Car les medicamens humectatifs font retourner le mal. A ceste cause ne faut user durât toute la curation, de medicamens gras & relaxatifs, ains soudain apres l'operation appliquer des galles, ou d'alum de plume, avec semblable quantité d'encens; puis une sorte d'anthera composee d'escaille de fer, de fleur de grenadier domestique, & des filets iaunes de la rose. Ce medicament reserre, mondifie aucunement, & cicatrise. Condylome est une eminence ridee. Car quand les \* rides ou rugosités, qui sont en l'orifice de la matrice sont inflammées, tumescies, & endurcies, il se fait une tumeur & grosseur, principalement apres l'enfantement, & durant la purgation menstruale. On les cognoist & trouue au toucher du doigt. Les fomentations adstringentes y sont bonnes, & les remedes ordonnez pour les condylomes du fondemēt: & le pessaire faict d'æsype & écorce de migraine: ou d'æsype & lycium Indicum. Voila les paroles d'Aëce, sus lesquelles faut noter qu'il n'use point d'operation manuelle en la curation des condylomes du col de la matrice, non plus qu'aux fentes & creuaces d'iceluy, ains de medicamens seulement, combien qu'au chap. 3. liure 1.

section

\* l'anatomie nous monstre que le col de la matrice est tout ridé.

*Section 4. il face operation manuelle aux condylo-  
mes & creuaces du fondement, comme par cy-apres  
nous dirons.*

*\* les Grecs les  
nommēt ἀρσέ-  
ζους.*

*\* les Grecs ap-  
pellent ce mal  
Phimum.*

Des femmes qui \* de leur naissance n'ont point la na-  
ture perçee: ou \* qui l'ont bouchée &  
empeschée. CHAP. LXXII.

**L**Es femmes ne sont point perçees en leurs  
parties honteuses, quelquefois de nature:  
quelquefois d'accident, à cause d'une maladie  
precedente: & cest empeschement est quelque  
fois au profond: quelque fois aux ailes: quel-  
que fois en l'espace qui est entremi icelles: ou  
pource que les bors sont pris & attachés ensem-  
ble: ou pource que quelque chose bouche le  
passage: & cela est ou vne carnosité, ou vne  
membrane. Ceste maladie donne grand em-  
peschement à recevoir la compagnie de l'hom-  
me: à concevoir: & enfanter: & à rendre la  
purgation menstruale, si la membrane ou car-  
nosité bouche du tout le passage: car en d'au-  
cunes femmes l'une & l'autre est pertuisée au  
milieu. Apres auoir cogneu ce qui bouche le  
passage, ou pource qu'il se monstre euidentmēt,  
ou en ouurant avec le dilatatoire, si les bors sont  
pris & attachés seulemēt, nous les diuisons avec  
vne incision droite faicte par l'instrument ap-  
pellé \* Syringotome. Si le passage est estoupé  
de quelque chose, soit membrane, ou carnosité,  
nous perçons & empignons avec des crochets  
ce qui bouche, & l'estendant, le coupons avec  
vn syringotome. Ce faict nous arrestons le sang  
par medicamens desiccatifs sans mordication:

*\* ἀρσέζους \**  
*αὐτὴν τὴν ἀρσέζους*  
*αὐτὴν τὴν ἀρσέζους*  
*αὐτὴν τὴν ἀρσέζους*  
*αὐτὴν τὴν ἀρσέζους*

*\* Cy dessus  
chap. 52. auens  
declare quel  
est cest instru-  
ment.*

puis



puis vsons des cicatrisatifs, desquels nous oignons  
& couurons yn \* pessaire semblable à la verge  
d'un homme, & le metons dedans, principale-  
ment si l'incision n'a point esté faicte trop pro-  
fond; à fin que les parties diuisees ne se joignent  
derechef. Voila comme se guerit le bouchement  
de l'orifice de la matrice nommé en Grec  
Phimos.

\* les Grecs le  
nomment  
Priapiscum,  
côme si nous dis-  
sions, vne peti-  
te verge.

## ANNO TATIONS.

Albucrasis outre le discours de nostre auteur, an-  
note la membrane qui bouche le passage; estre subtile  
ou epaisse. Si elle est subtile, & pres des bors, il met  
deux cousins sous les deux fesses de la femme couchée  
à la renuerse, les cuisses escartees: puis il iette dans  
la nature le doigt indice de la main dextre & de la  
main gauche, & avec iceux en estendant les bors, de  
force, rompt la membrane: icelle rompue, applique  
dessus de la laine mouillée en huile, commandant pour  
empescher que les bors apres telle dilaceration ne se  
joignent, & prennent ensemble, que le mari habite  
tous les iours avec sa femme. Si la membrane est gros-  
se & epaisse, il l'incise avec une forte lancete & lar-  
ge, faicte en feuille de myrte. Si c'est une carnosité qui  
estoupe le passage, il l'extirpe comme nostre auteur,  
puis y met une canule de plomb, pour obuier que la  
playe ne se consolide tost, & la fait porter par plu-  
sieurs iours: en apres y met des tentes de drapeau  
sec. Il adnote aussi quel que fois au col de la matrice  
estre engendrees des carnosités qu'on doit mesmement  
extirper, pourueu qu'elles ne soyent point chancreu-  
ses. Aëce deduit ceste matiere prolixement. Aucu-  
nes (dit il) de naissance n'ont point la nature percee:

Et ce en trois manieres. A d'aucunes s'engendre une carnosité ou membrane qui la bouche, aux bors d'icelle : à d'aucunes dans la capacité sinucuse de ceste partie : à d'aucunes pres l'orifice de la matrice. Si aux bors de la nature y a une membrane, nous situons la femme à la renuerse les iambes ecartees, & d'une lancete coupons ladicte membrane, iusques à ce que la figure de la partie retourne à sa dimension naturelle : puis avec de la charpie remplissons l'incision, & sans bandage conuenable, & usons quelques iours de medicamens suppuratifs : & en apres de tentes couuertes de cerat rosat. Si apres l'incision nous uoyons les ailes du couronnement ioinctes & adheretes aux parties charnues prochaines, nous les separerons d'un costé & d'autre, les élargirons avec drapeaux & charpie, & en somme, userons de la curation cy dessus recitee, faisans demeurer la femme couchee sus le dos, avec un coussin entre les cuisses, iusques à ce que la playe soit cicatrisee. Si la fente extérieure de la partie honteuse est ouuerte, mais une carnosité engendree au dedans de la sinucuse capacité d'icelle, cause l'obstruction, de sorte qu'elle ne laisse qu'un pertuis estroit & petit, ayant situé la femme en mesme figure, nous ictons dans le col de la matrice pour plus grande seurté le manche d'une \* eprooucte, ou quelque autre chose de semblable rondeur, à fin qu'elle arreste le rasoir, & empesche la main du maistre de ne le pousser plus profond inauertement : puis avec un rasoir à deux tranchans nous faisons incision par le milieu sus le manche de l'eproucte au lieu que deliberons couper, de la grandeur qui nous semble estre naturelle & conuenable à ladicte \* sinuosité. Ce fait,

\* *Aylum.*

\* du col de la matrice.

nous

nous empognons avec unes pincetes les bors de la chair coupee, & les extirpons en figure quadrangulaire, commandans à la femme de se tenir debout, les iambes ouuertes & separees l'une de l'autre, à fin que \* l'humeur amassée dans la partie sorte commodement : l'euacuation duquel suffisamment faicte, nous remetons la patiente en mesme situation qu'au parauant, & ietons en la playe une tente mouillée de uin & huile, attachée d'un filet, à fin qu'aisément on la puisse retirer, & ayant faict un bandage propre, ordonnons que la patiente se tienne en repos. Les iours suyans on laue la partie avec eau-miel : puis on applique avec tentes torfes quelque medicament suppuratif. Quand le temps de cicatrifer sera uenu, il faut mettre dans la partie un tuyau d'estain, & l'y retenir avec bandage, iusques à ce que le lieu soit consolidé. Si les parties diuisees ueulent derêchef se ioindre, pour boucher encor le passage & col de la matrice, il y faut mettre de l'esponge seche, iusques à ce que la cicatrice soit parfaicte. Si l'obstruction est faicte par une membrane estendue au deuant de l'orifice de la matrice, ayant dilaté la partie avec un Speculum matricis, & empogné la membrane d'un pincetes, on l'estend en tordant, à fin de la ramasser toute, puis on la coupe d'un rasoir à deux tranchans. Ce faict on l'est de dessus de la poudre d'anthera, & apres on y met une tente torse enfilee : & au reste on poursuit la curation comme a esté dict cy-dessus. S'il demeure quelque portion de la membrane, on la consomme avec le medicament anthera, ou avec psoricum. La playe estant mondifiée, on use du medicament suyuant avec tentes : circ, terebinthine, gresse d'oye, de chacun

\* le sang, la sanie, & serosité qui distillent de la playe.

\* Les Grecs le nomment Dioptram.

cum passo.

deux drachmes. Iris, encens, de chacun une drachme. Saffran, trois drachmes : huile d'iris, deux onces. On met en poudre l'iris, saffran & encens avec du \* vin fait de raisins passés : puis on mesle les choses qui se peuvent fondre, toutes fondues. D'avantage souvent nous metons le speculum matricis, pour auiser qu'aucune chair superflue ne s'y engendre : & si elle s'y engendre, nous l'abbatons avec ce medicament : Ecaille de cuiure, uerdet, escorce d'encens, de chacun deux drachmes : on les puluerise, & mesle ensemble : ou bien, on broye du uerdet, & de l'escaille de cuiure, avec suc de plantain, pour y appliquer. Il ne faut omettre l'usage de l'esponge seche, iusques à ce que la playe soit parfaitement cicatrisee, ny pareillement du tuyau d'estain. Voila le discours d'Aëce. Celsus en traite plus sommairement. Les femmes (dit il) ont quelques maladies propres, comme, pour exemple, principalement il auient, que leur nature, pour estre ses bors ioincts & adherens ensemble, ne reçoit point la compagnie de l'homme. Aucunes fois cela se fait incontinent de leur creation au uentre de la mere : aucunes fois pour quelque ulcere precedente, mal gouvernee : à raison de quoy les bors se sont ioincts, & pris. Si le commencement du mal est uenu du uentre de la mere, il y a quelque membrane posée au deuant de l'orifice de la matrice. Si le mal procede d'un ulcere, c'est une chair superflue qui remplit le passage. Nous incisons la membrane par deux lignes qui s'entrecouppent en forme de Chi maiuscule X. auis sans soigneusement de ne blesser le cōduit de l'urine : puis de tous costés nous extirpons ladicte membrane. Si le mal procede de quelque chair superflue, qui est

creuë

creuë là, il est neceſſaire l'ouurir & incifer en droite ligne. Ce fait nous empognons d'un crochet, ou d'unes pincetes les bors, que nous coupons en long, comme une petite courroye: puis metons en la playe une longue tente torſe, que les Grecs nomment Lemniſcum, mouillee en uinaigre: & par deſſus appliquons & bandons de la laine graſſe, trempee ſemblablement en uinaigre. Le troiſieme iour nous debandons l'ulcere, & le gouuernons à la maniere des autres. Comme ledict ulcere ſera pres d'eſtre gueri, nous metons dans la partie un tuyau de plomb, couuert & engraiſſé de quelque medicament cicatриſatif: & par deſſus meſme appliquons tel medicament, iuſques à ce que la playe ſoit parfaitement cicatриſee. M. Guy de Cauliac entēd mal que le tuyau de plomb, ou d'eſtain, ou de bois, ſoit inuenté pour donner aiſance d'uriner à la patiente. Car on ne le met pas dans le conduit de l'urine, ains dans le col de la matrice. Son uſage n'eſt autre, que de tenir les bors de la playe eſcartés, à fin que s'approchant, ils ne ſe ioignent.

De l'abſces de la matrice.

CHAP. LXXIII.

**E**ſtant l'abſces en l'orifice de la matrice, & ſe pouuāt preſenter à l'operation manuelle, il ne ſe faut haſter de l'incifer: ains quand la maladie ſera venue en ſa perfection, le phlegmon autant \* augmenté qu'il peut eſtre, & l'humeur contenu en l'inflammation ſubtilié par la vertu & propriēté de la matrice. Pour executer l'operation, on ſitue la femme à la renuerſe ſus vne chaire, qui ayt les iambes releuees contre le bas du ventre, & les cuiſſes ſeparees l'une

\* car aucune fois le pus engendré au phlegmon ſe ſort par medicaments, & par ce moyen le phlegmon ſe diminue.

\* Comme il se  
fait au Haut  
appareil, quand  
on veut tailler  
quelqu'un de  
la pierre.  
\* Speculum  
matricis.

\* serrees &  
closes.

\* les Grecs le  
nommēt Spat-  
hion.

\* les Grecs le  
nomment κα-  
θίστρα.

\* en Grecy a  
Lemniscos.  
Celsus chap.  
28. liure 7. le  
traduit impli-  
citum in longi-  
tudinem lina-  
mentum.

del'autre; les bras ietés au dessous des iarrrets,  
& suspendus avec le col par \* bādes qui mōtent  
& descendent alternatiuement d'une partie en  
l'autre. Le maistre operateur estant assis au co-  
sté dextre luy met dans la nature vn \* dilatatoi-  
re conuenable à l'aage: & faut auant l'y mettre,  
que avec vne eprouete il mesure & sonde la  
profondeur de la nature de la femme, à fin que  
si les branches de l'instrument estoient plus lon-  
gues, elles ne quassent & blessent la matrice: &  
si par le sondement de l'eprouete on trouue les  
branches du dilatatoire plus longues & gran-  
des que la profondeur de la nature, on pose sus  
les ailes du couronnement des linges en dou-  
ble, sus lesquels le dilatatoire s'arreste & assiet,  
puis on met les \* brāches de l'instrument qui se  
meine à vis, dās la nature de la femme, les pouf-  
sant contremont: l'operateur tient ferme l'in-  
strument avec la main: vn seruiteur tourne la  
vis de l'instrument pour ouvrir les branches  
qui sont serrees, & dilater la sinuosité du col de  
la matrice. Ce faisant si l'absces qu'on rencon-  
tre est mol, & extenué, ce qu'on cognoist au tou-  
cher du doigt, on l'incise en la partie plus emi-  
nente avec vn petit instrument semblable à vne  
\* lame d'epée, ou avec vn instrument tranchāt  
au bout, long comme vne \* eprouete: ce faict  
on iette dans l'incision, apres que la bouë est  
sortie, vne \* tente torse, fort delicate & douce,  
trempee en huile rosat: ou bien on la met seu-  
lement dans le col de la matrice, en deçā de  
l'incision, sans la pousser iusques à icelle: & par  
dehors

dehors sus les ailes du couronnement, sus le penil, & sus l'eschine on applique de la laine grasse, ou nette, abreuee d'huile. Le troisième iour on fait à la patiente vn demibaing chaud d'huile & d'eau : ou de la \* decoction de mauues. Au sortir d'iceluy apres auoir essuyé la malade, on met doucement en l'incision vnē tente torse, oincte & couuerte de basilicum seul, ou meslé avec du miel cuict : le tout ramolli, & dissolu avec du beurre, ou d'huile rosat. Par dehors on applique des cataplasmes conuenables, iusques à ce que la partie soit sans inflammation, & mondifiée. Si l'ulcère est difficile à netoyer & absterger, avec vnē syringue auriculaire on y iette pour lauentement la decoction d'iris, & aristolochie, avec du miel : puis on cicatrise l'ulcère avec \* l'emplastre \* de cadmia, destrempé en vin, & appliqué sus tentes engreffées d'iceluy. Si l'absces est au dedans de l'orifice de la matrice, il ne faut y exercer aucune operation manuelle.

\* Ce passage est mal transcrit, & mutilé en *Albu-crasis*.

\* ou l'emplastre de ladanum, ou l'emplastre d'orgee *Acce.*

## ANNOTATIONS.

\* La recepte est, chalcitis brulee, deux onces : cadmia, manne d'encens, de chacune, une once : cire, colophonie, huile myrtin, de chacun une liure : uin autant qu'il suffit. Cest emplastre est cicatrifiant. Les absces se font en la matrice, comme aux autres parties du corps d'une inflammation precedente. Au commencement les signes d'inflammation apparoissent. Puis, comme la bouë s'y engendre, les douleurs s'augmentent : la \* sieure nient avec frisson, pour la plus part

\* aph. 47. liure 2.

sus le uentre : la tumeur s'eleue : on sent une douleur poignante : aucune fois l'urine est retenue : aucune fois la matiere fecale : aucune fois tous deux ensemble. La douleur de la partie monstre où est le mal. La bouë contenue en l'absces, ainsi comme le mouuement de nature se tourne plustost uers une part qu'une autre, sort quelquefois par le fondement avec les egestions, quelque fois en pissant avec l'urine : quelque fois par le conduit de la nature : & quelque fois se iette entre le peritoine & les boyaux, tendant exterieurement uers la peau du uentre. Quant à l'operation manuelle, indubitablement nostre auteur & Aëce l'ont transcrite d'un mesme lieu, combien que ny l'un ny l'autre ne nomment le chirurgien duquel ils l'ont prise : & ce qui me le fait iuger ainsi est, qu'ils la recitent en mesmes paroles, sans rien aoustier, ny diminuer.

La maniere de tirer, & couper les enfans qui ne peuvent naistre. CHAP. LXXIII.

Nous auons escrit au troisieme liure, l'ordre & diligence qu'on doit auoir, quand les femmes trauaillent à enfanter. Si uisant d'icelle, l'enfant pour cela ne viét point de droict, & ne peut sortir, à bonne occasion nous y employerons l'operation manuelle, considerans premierement si la femme est pour echapper, ou non. Si nous estimons qu'elle n'y doit demeurer, nous exercerons l'operation manuelle; mais si ell'est pour mourir, nous n'y toucherons point. Celles qui sont dangereuses de mourir, sont assopies, comme lethargiques, destituees de force, abbatues, mal aisees à reueiller, & si par force de crier, on les reueille, ayans dit foiblement



blément quelques paroles, derechef s'endormement. Aucunes tombent en retractions conuulsives, en tremblement des parties nerueuses, & en extenuation estrange de tout le corps, qui ne fait point son proufit du nourrissemēt. Le poux est fort gros & tumide, mais petit & obscur. Celles qui doiuent estre sauues n'ont aucun de ces accidens. Nous situons la femme à la renuerse sus vne chaire, plustost pendante contre bas qu'autrement. Les \* femmes ou quelques seruiteurs luy tiennent les iambes souleuees : & si on n'a commodité de femmes ou seruiteurs pour les tenir, avec de bandes on lie sus vn petit lit la poictrine de la femme, à fin que tirant l'enfant, son corps ne suiue pas, car en suiuant & obeissant, il romproit l'effort de l'attraction. Ce faict, le maistre cōmande à vn seruiteur de tenir les ailes du couronnement ouuertes & separees, & luy iette en l'orifice de la matrice la main gauche, \* qui se fait plus gresse ioignant fort les doigts ensemble : & ayant premieremēt relaxé ces parties avec bacinemēt & perfusion d'huiles, essaye de dilater ledict orifice, & cherche lieu commode pour ficher son crochet. Les parties commodēs pour le ficher quand l'enfant presente la teste premiere, sont les yeux, le quignō de la teste, la bouche à l'endroit du palais, le menton, les forcelles, les costes & les \* flancs. Si l'enfant presente les pieds, on fiche le crochet aux os du penil, en l'interualle des costes, & aux forcelles. On tient le

\* *Philumenus* de qui l'auteur & *Aeca* ont apris ceste operatiō, veut deuant que la faire, qu'on donne à la patiente deux ou trois morceaux de pain trempé en vin, pour la garder de syncopiser : & pendant qu'on la fait qu'incessamment on luy arrouse le visage de vin.  
\* Les autres vsent de la main gauche engreſſee, tenant les doigts fort serrés ensemble.  
\* *hypochochondria.*

crochet de la main dextre, & cachant l'arpe d'iceluy entre les doigts de la main gauche, doucement avec icelle on le pousse & met dedans, pour le ficher en quelqu'une des parties susdictes, iusques à ce qu'il penetre dans la vacuité d'icelles : puis derechef on en fiche vn autre opposé au premier, à fin que l'attraction se face également, sans incliner ou pendre plus d'une part que d'autre. Ce fait, on tire l'enfant également, non seulement tout droit, mais aussi de biais, comme quand on veut arracher vne dent, & ne faut pendant qu'on change l'attraction du droit au biais, lâcher ou diminuer la force d'estendre. Les choses ainsi dressées, le maistre iette le doigt indice de la main gauche engressé d'huile, & quelques autres s'il veut, entre l'orifice de la matrice, & le corps de l'enfant ferré là, remuant les doigts en rond comme pour separer & diuiser l'enfant des parties qui l'arrestent. Si le crochet suit raisonnablement la main du maistre qui le tire, il le faut remuer plus en ça, vers son issue, & continuer d'ainsi faire iusques à ce que l'enfant soit du tout sorti dehors. Si l'enfant auance vn bras, & n'est possible de le retourner dans la matrice, par ce que le corps occupe & presse son orifice, on l'enveloppe de quelque linge usé, à fin qu'il ne glisse & echappe: puis on le tire quelque peu, & apres l'auoir amené on le coupe tout à l'endroit de l'épaule. Ce mesme fait-on, s'il auance les deux bras. Semblablement s'il auance les pieds, & les attirant, le corps ne suit point, on les coupe


pe à l'endroiect des eines, & apres on essaye de contourner le reste du corps. Si l'enfant est ferré & retenu par ce qu'il a la teste grosse, & enflée, à cause d'une \* aquosité accumulee en icelle, on incise le tes avec vne lancete de laquelle on extirpe les pourpres du nés, ou avec vne eprouuete tranchante, ou avec vn caniuet, caché entre les doigts, à fin qu'estant vuidee l'aquosité, la teste s'abaisse & desenfle. Si naturellement l'enfant a la teste trop grosse, il faut inciser le tes comme a esté dict, puis le briser & rompre avec vnes tenailles propres à tirer les dens, ou à arracher les os: & si les os sont éminents, les emporter dehors. Si la teste est ia sortie, mais l'enfant est ferré & engagé par la poitrine, avec le mesme instrument on l'incise à l'endroiect des forcelles, iusques à ce qu'on penetre en la vacuité d'icelle, à fin qu'estant espandues les humeurs elle s'abaisse, & si pour cela elle ne s'abaisse, faut couper les forcelles & les oster du tout. Par ce moyen lors elle s'abaissera. Si l'epigastre enflé depuis la mort de l'enfant, ou par ce qu'il est hydropique, le retiét au passage, avec mesme industrie on vuide l'aquosité & les boyaux. Quand l'enfant se iete hors, les piéds premiers, facilement on le detourne & redresse vers l'orifice de la matrice. S'il est arresté par le ventre ou par la poitrine, avec la main couuverte d'un linge, on l'attire comme a esté dict: puis ayant faict incision, on vuide ce qui est contenu dans les dictes parties. Si apres auoir osté les autres parties du corps, la teste

\* les Grecs  
nomment ceste  
maladie *Hy-*  
*drocephalos.*

seule se presentant à sortir, est retenue, il faut mettre la main gauche dedans: & si l'orifice de la matrice est ouuert, glisser & couler la main au profond d'icelle, puis rechercher la teste, & l'ayât rencôtre la rouller avec les doigts vers l'orifice, & apres s'icher vn ou deux crochets en icelle, & la tirer dehors: mais si l'orifice est clos, pour doute d'inflammation, ne le faut violenter, ains pour l'adoucir & relaxer, faut vser d'iniections huileuses, grasses, & copieuses: de demibaings: d'embrochations & bacinemens: de cataplasmes, afin qu'estant ouuert, on puisse sortir ladicte teste, comme a esté déclaré. Si venât l'enfant de costé il est possible de le redresser, il y faut proceder avec l'industrie & methode sus deduite. S'il n'est possible de le redresser, il faut dans la matrice mesme le rompre tout, & l'emporter à pieces, se donnant garde qu'aucune des parties de son corps ne fuye, & demeure cachée au dedans de la matrice. Apres l'operation manuelle, on applique les remedes qui empeschent la matrice de tomber en inflammation: & s'il auient flux de sang, nous auons ia particularisé la curation d'iceluy.

Specu


*Speculum matricis pour dilater le col  
de la matrice & appliquer re-  
medes aux ulceres.*



A. La nix qui clost & ouvre.  
B B B. Les branches qui doyuent estre de longueur  
de huit à neuf doigts.

*Autre*


*Autre Speculum matricis pour seulement dilater le col de la matrice, & non pour extraire l'enfant.*



La figure de ce Speculum matricis est prise de la figure 1. de la planche des figures de la Chirurgie. **Crochetz**


*Crochet pour tirer un  
enfant mort, de la  
matrice.*

*Couteau cour-  
bé à fendre la  
tête de l'en-  
fant mort dās  
la matrice &  
le vêtre aussi.*



Pessaires

*Pessaires en oualle de liege & couverts  
de cire pour garder que la ma-  
trice ne sorte dehors.*



# ANNOTATIONS.

La difficulté d'enfanter (dit Aëce,) procede ou de la mere, ou du fruit, ou de l'arriere fais, ou des causes externes. De la mere, si ell'est foible de courage, ou de corps, ou de tous deux ensemble: si ell'a la matrice trop petite, ou le conduit d'icelle trop estroit. Les femmes qui à cause de leur aage ieune & tendre sont de petite stature, ont ordinairement la matrice en proportion ainsi petite que les autres parties du corps. Ceste difficulté uient aussi pour raison de la mere,



mere, quand le col de la matrice est tortu, ou bouché de quelque phlegmon, absces, œdeme, scirrhe: ou gâté de quelque ulcere: ou empesché de quelque carnosité engendree en iceluy, ou en son \* orifice, ou de quelque membrane puissante, comme en celles qui n'ont point la nature perçee: ou quand la mere a pierre en la uescie, qui en pressant le col de la matrice empesche l'enfantement: ou quand ell'est trop grasse, & refaïcte: ou quand les os du penil sont par trop serrés, de façon qu'en enfantant ils ne se peuuent dilater. Ces mots d'Aëce, ou plustost de Philumenus, se doiuent entendre sagement. Car certainement les os du penil tant aux hommes qu'aux femmes sont coniomés par interposition d'une chartilage, laquelle ainsi que nous uiuons longuement, semble petit à petit se diminuer, & presque se tarir & consumer. Mais aux femmes pour l'aisance, facilité, & commodité d'enfanter, ces os n'ont leur assemblage continué par une si longue ligne que les masles. D'auantage les parties inferieures de ces os au dessous de leur assemblage, sont plus minces, plus enfoncées, plus separees & reculees l'une de l'autre, qu'aux masles, de sorte que l'espace uuide qui est entre l'os du croupion, & l'interieure face de la partie basse de l'os de la hâche, est trop plus grand aux femmes qu'aux hommes. Outre ce les inferieures parties, asçauoir la dextre & senestre des os des hanches sont plus escartees l'une de l'autre aux femmes qu'aux masles: & quand elles sont au trauail d'enfant, la queuë de l'os du croupion, qui pour raison que les ligaments de ses osselets sont lâches, se rendât mobile tant en cest'occasion, qu'aux grandes ouuertures du fondement, lors obeit, & se

\* tant interieur, qui se finit en la matrice, qu'exterieur, qui se termine au couronnement.

tord en derriere, ce que les femmes cognoissent en elles mesmes, par ce que durant tout le temps de leur travail, elles ne peuuent demeurer assises, & si elles se ueulent asseoir, sont plus trauaillees & tourmentees: mais se metant sus les genoux, & se flechissant quelque peu en deuant, enfantent avec moins de peine. Voila les secrets de nature, quant à ce point, & ne faut cuidoier, comme d'aucuns lourdaux, qu'en faisant l'enfant, les os du penil s'entrouurent pour luy donner passage. Car ces os, aux femmes, ne se touchent pas l'un l'autre, comm'aux hommes, ains sont ioincts par un ligament robuste. Les femmes aussi se trouuent en ceste peine, quand les os des lumbes ont un'e'minence tubereuse auancee en dedans, ou quand le boyau droict ou la uescie sont chargés d'excremens abundants. Aucunes pour estre trop uieilles, & à ceste cause foibles, endurent ceste peine: aucunes pour ce que c'est leur premier travail, s'estoient, & craignent: & par ce qu'elles ne sont usitees à cela, ne sauent comme il faut situer & agencer leur personne, ou bien se gouuernent en ieunes, ainsi comme ueritablement elles le sont, quand par faute d'aage competent, elles n'ont encores force suffisante pour s'aider. Aucunes pour ce qu'elles ne sont coustumieres de sentir douleur, ne la peuuent souffrir. Aucunes sont affoiblies de quelque maladie precedente, comm'il auient souvent apres une perte de sang par la matrice: aucunes sont de leur naturel si delicates qu'elles n'ont la uertu de pousser leur fruit: mais tousiours sont elles beaucoup trauaillees, quand elles enfantent auant terme. Voila ce que nous considerons en la mere. Le fruit cause ceste peine, quand il est trop grand de tout son

son corps, ou d'aucun membre particulier, comme de la teste, de la poitrine, ou du uentre : quand estant trop debile, il ne peut en sautant & se remuant aider à l'effort de sa mere : quand il est par trop petit, & peu pesant : s'il est monstrueux, comme s'il a deux testes, ou trois pieds : quand les enfans sont bessons, & pour sortir se iettent ensemble soudainement à l'orifice de la matrice, ou au col d'icelle : quand l'enfant mort n'aide rien sa mere : quand apres la mort, il deuient enfle : quand il est si debile qu'il n'a uertu de s'elancer dehors : quand ils sont plusieurs enfans d'une uentree. Herophile escrit, une femme en auoir fait cinq d'une portee. Bonauenture Sauelli gentil-homme Sienois, m'a affermé, une sienne esclauue qu'il entretenoit, en auoir fait sept d'une portee, desquels les quatre furent baptisés. Albucasis dit estre certain d'une dame qui en auoit fait sept, & d'une autre qui s'affollant, & auortant, en feit quinze, tous formés. Plin chap. II. liure 7. parle d'une qui en auorta douze. Mais retournant à propos, nous considerons aussi, comme l'enfant se presente. Sa naturelle & meilleure sortie est, que uenant au monde, il ayt les bras estendus le long des cuisses, & la teste droitement tournée vers l'orifice de la matrice, sans l'incliner çà, ny là. La meilleure apres est, qu'il presente les pieds premiers. Toutes les autres, hors ces deux, sont contre nature, comme s'il a la teste tournée vers la partie dextre ou senestre de la matrice, ou il auãce dehors l'un des bras, ou tous deux, ou presente les iambes ouuertes dans la matrice mesme. Entre toutes les figures uitieuses, la moins suspecte est, quand l'enfant uient les pieds premiers, & principalement, si

les mains sont estendues sus les deux cuisses. Quand l'enfant sort un pied seulement, retenant l'autre dedās, ou se doublant, & repliant, se iette & appuye contre quelque partie de la matrice, ou quand il a les bras estendus, il le faut redresser. Quand il uient de costé, cela est moins dangereux, & se fait en trois manieres, asçauoir, ou sus l'un des deux costés, ou le uentre deuant. Le meilleur est, & le plus seur, quād il se presente sus l'un des costés, par ce qu'il donne lieu & entree à la sage femme pour y mettre la main, à fin qu'il le puisse le contourner pour luy faire presenter la teste premiere, ou les pieds. La plus mauuaise figure est des enfans, quand ils se doublent & plient, principalement quand ils se tournent uers la \* ioincte de la hanche. L'enfant se double en trois sortes, se couchāt sus l'orifice de la matrice, ou de la teste & des cuisses ensemble, ou du uentre, ou de la ioincte de la cuisse. Le meilleur en cecy est, qu'il se couche sus le uentre : car le luy tranchant, & ostant les entrailles, le corps s'abaisse, & desenfle, & se peut aisément changer en autre figure. Quant à l'arriefais, il rend l'enfantement difficile, si pour estre trop épais, il ne se peut rompre, ou pour estre trop mince, & delié, il se rompt auant qu'il en soit temps. Car l'humeur amassée dans les tuniques qui enueloppēt l'enfant, s'epand & uuide de deuant son heure, & au temps de l'enfantement le passage du fruit demeure sec, lors qu'il a plus grande necessité d'une telle mouilleure, pour le faire glisser, & couler dehors. Les occasions externes sont une grande froideur du temps, & rude hyuer, qui serre les conduits, ou une grande & ardente chaleur qui abbat & ruine la uertu de la mere, & autres tels accidens

\* vers le profond de ce grand espace qui est entre l'os de la hanche, & les os du penil : ou par ce qu'il se retire loing de son issue : ou par ce qu'il cause de grièues douleurs, comme de sciaticques, qui tourmentent la mere.

cidents fortuits. Le medicin se doit informer de toutes ces choses avec la sage femme, auant que temerairement entreprendre l'operation manuelle, & ne luy permettre de gaster & desirer la matrice. Si la difficulté procede d'une eminence des lumbes, il faut asseoir la mere dans une \* selle, les genoux flechis, le \* *saicte ex-*  
 uisage tourné contre terre, à fin que la matrice pen- *pressément*  
 dant contrebas, estende son col tout droict: & de mes *pour cela.*  
 me sorte faut il agencer celles qui sont trop grasses. Si elle procede de ce que le conduict & passage est trop estroit, serré, & pressé, il le faut relaxer par demibains chauds, & fomentations, par embrochations d'huiles chauds actuellement & de faculté, par uncti-  
 ons & cataplasmes de mesme uertu, donnant ordre que la chambre soit chaude. Le baing aussi proufite, pourueu que la fieure ou autre chose telle ne l'empes-  
 che. Il est aussi bon pourmener la patiente dans une lictiere en un lieu chaud. Aucuns ueulent qu'on luy ebranle & secoue fort la personne. Si une uehement  
 chaleur la debilite, on la fortifie avec medicamens qui reserrent, corroborent, & condensent, comme la-  
 uemens \* & sinapisations, \* de meurte, pampres de  
 uigne, grenades, roses, des senteurs composees avec  
 du uin aigre: des oignemens avec du uin & huile ro-  
 sat. Si l'enfant uient autrement qu'il ne doit, autant  
 qu'il est possible il le faut reduire en sa naturelle figu-  
 re. S'il ieste dehors un pied, ou une main, il ne le faut  
 tirer par là, parce qu'on l'engageroit & empescheroit  
 d'auantage, ou l'on luy romproit le membre, ou  
 l'on luy deloueroit, mais avec le doigt il faut remet-  
 tre la dicté partie en sa place. Si avec la mauuaise fi-  
 gure de l'enfant l'orifice de la matrice est serré, pre-

\* des mains,  
 bras, iambes,  
 pieds, mais non  
 du ventre, ny  
 des parties  
 honteuses.  
 \* les Grecs les  
 nomment *ἐπι-  
 ώματα*, &  
*διαλώματα*.

mièrement nous repousserons l'enfant contremont pour le retourner en sa naturelle figure, & le redresser en l'orifice de la matrice, puis assiduellement engresserons d'huile toutes ces parties, doucement, gracieusement, & sans compression, pour garder de blesseure & dommage, le fruit, la mere, & la matrice. Les choses contre nature, comme phlegmon, & autres tumeurs, se doivent oster par leurs propres remedes. On sollicite le uentre par clystere. On chasse la pierre de la capacité de la uescie au col d'icelle avec la sonde, & par icelle mesme on fait sortir l'urine retenue. Si l'orifice de la matrice est clos, on le ramollit & relaxe avec medicamens unctueux: & d'iceux on use aussi, quand la matrice est trop petite, puis l'elargissant avec les doigts, & tirant l'enfant de force pour l'arracher: & si cela ne suffit, qu'on l'emporte par pieces. Si les eaux sont espandues trop tost, on fait iniection du + boillon d'orge mondé, tiede, avec blancs d'œufs, & la decoction coulee de malue & se negré. Si l'arrierefois est trop dur, épais, & solide, il le faut inciser. Si les enfans sont plusieurs, arrestés au col de la matrice, il faut rechasser les uns au fons d'icelle, & auancer celui qui est le plus prest à sortir. L'heure de mettre la femme sus chaire ou selle où elle se doit euertuer, est quand estant quuert l'orifice de la matrice, on rencontre avec le doigt la partie de l'enfant qui se presentela premiere. L'operation manuelle par excision est principalement necessaire, quand l'enfant a quelque membre trop gros, ou qu'il est mort. Les signes de la mort sont, que se remuant au parauant, il ne bouge plus: que le touchant, on le sent froid: que la mere a l'aleine puante, les yeux enfoncés,

\* Les Grecs  
la nomment  
Ptissane.

foncés, les leures & le uisage amortis, le uentre enfle, & parauanture a prins quelque coup, ou quelque cheute, ou a esté pressée de quelque maladie ague. Celsus traitant ceste matiere, escrit ce qui s'ensuit: Quand (dit il) une femme a conceu, & son fruit ia presque meur est mort, & ne peut sortir de soy-même, on y employe l'operation manuelle, que certes on peut conter entre les plus difficiles: par ce qu'elle requiert une singuliere prudence, & moderation, & traîne avec soy fort grand danger. La nature de la matrice se cognoist admirable en plusieurs choses, & en ceste cy aisément, & clairement. Premièrement on couche la femme à la renuerse à trauers d'un liét, de maniere qu'avec les cuisses elle se foule & presse les flancs. Par ce moyen le medicin peut uoir le bas du uentre, & l'enfant est poussé uers l'orifice de la matrice, laquelle apres la mort du fruit, serre ledict orifice, \* toutesfois s'entr'ouurant quelque petit par interualles. Le medicin usant de cest'occasion, doit mettre dedans premierement l'indice de la main droicte engraissee, & le tenir là, iusques à ce que l'orifice s'ouure derechef, & lors y ieter un autre doigt, puis avec pareille occasion les autres, iusques à ce que toute la main puisse entrer dedans: à quoy faire sert de beaucoup, que la matrice soit grande, ses nerfs robustes, l'habitude & disposition de tout le corps puissante, l'esprit resolu & asseuré, ucu principalement qu'aucune fois il y faut mettre les deux mains. Il importe aussi que le bas du uentre soit tenu fort chaud, & semblablement les extremités du corps, & ne commencer point l'operation, quand l'inflammation y est ia suruenue, ains comme la chose est encor recen

\* par ce que  
l'enfant ne l'in-  
cite plus à s'ou-  
urir.

te & fraiche, y apporter le remede. Car si par l'inflammation la matrice & son col sont ia deuenus tumides, on ne peut, qu'avec tresgrand peine, mettre la main dedans, ny tirer l'enfant, & souuent ensuit une mortelle conuulsion des nerfs, avec uomissement & tremblement. Ayant ieté la main dans la matrice, & sus le corps de l'enfant mort, incontinent on sent comme il est posé, & situé: car ou il est tourné la teste premiere, ou les pieds deuant, ou il gist de trauers, & neâtmoins quasi tousiours de sorte que la main ou le pied se trouue pres. Le medecin doit tacher de le redresser avec la main, & le reduire ou la teste premiere, ou les pieds, si de fortune il est situé autrement: & quand on n'auroit autre moyen, luy prenant la main ou le pied, on luy adressera le corps. Car la main le tournera sus la teste, & le pied sus les pieds. Si la teste se rencontre la premiere, il faut ieter dans la matrice un crochet lisse & poli de tous costés, qui ayt la poincte courte, & l'attacher aux yeux, ou à la bouche, ou aux oreilles, & quelque fois au front, puis tirant le crochet, amener l'enfant dehors: ce que toutesfois on ne doit attendre de faire en tout temps. Car si estant serré l'orifice de la matrice on essaye de le tirer, elle ne luy donnera point issue, & l'enfant se rompra, & la poincte du crochet tombera sus la matrice, dont auindra conuulsion, & grand danger de mort. Quand donc la matrice est fermee, il n'y faut point toucher: quand elle est ouuerte, il le faut tirer doucement, & avec cest'occasion & opportunité le sortir petit à petit. il faut tenir & tirer le crochet de la main dextre, & l'enfant, de la fenestre, iectée dans la matrice, & d'icelle ensemble le redresser. Aucunes fois



ne fois il auient que l'enfant est enflé & tendu d'humidité, & que de son corps il flue une bouë sanieuse, d'odeur puante. Se trouuant ainsi, on luy pertuise le corps avec le doigt indice, à fin que l'humour s'epande, & qu'il se desenfle. Ce faict, il le faut amener doucement avec les mains. Car si on attache le crochet, estant gasté & pourri le corps, aisément il eschappera, & tombera sus la matrice. Nous auons dit cy-dessus quel danger prouient de cela. Si l'enfant est tourné sus les pieds, il ne sera mal aisé de le tirer: car les prenant avec les mains, facilement & commodément on l'ameine dehors. Si est de trauers, & n'a esté possible de le dresser, il faut attacher le crochet à l'aixelle, & petit à petit l'attirer. Sous le crochet duquel on l'empogne, le col presque tousiours se plie, se tournant la teste & le reste du corps en derriere. Le remede est de couper le col, à fin d'emporter & sortir separément les deux parts. Cela fait-on avec un crochet de figure semblable au precedent, lequel on fait tranchant par toute son interieure courbeure seulement. En cecy faut essayer de tirer la teste premierement, puis le reste du corps, par ce, que sortant premiere la plus grande partie, la teste roulle dans la spatiofité uuide de la matrice, & ne se peut auoir par apres qu'avec extreme danger. Neantmoins auenant cela, il faut couvrir le uentre de la femme d'un linge en double, & à son costé \* gauche faire demeurer & assister un homme robuste, stile & practic de ce faire, qui mette ses deux mains sus le bas du uentre de la patiente, pressant de l'une & de l'autre. Par ce moyen la teste de l'enfant sera poussee en l'orifice de la matrice, & se pourra tirer dehors avec le crochet, de mes-

\*demeurant la  
medicin au co-  
sté droit, pour  
executer ce qui  
sera de besoin.

me façon qu'auons dit cy-dessus. Si on trouue l'un des pieds pres l'orifice de la matrice, estant l'autre retiré en derriere avec le reste du corps, petit à petit il faut couper ce qu'on a amené dehors: & si les fesses bouchent l'orifice de la matrice, il les faut derechef pousser en arriere, pour chercher le pied, & le ieter dehors. Autres difficultés se presentent encores, pour lesquelles ne pouuant tirer l'enfant entier, on le sort taillé en pieces. Ayant ieté l'enfant dehors, il faut que le medecin le baille à un seruiteur, qui le soustienne avec les mains renuersees contremont, pendât que le medecin de la main gauche tirera le nombril doucement pour ne le rompre, le suyuant & tastant de la dextre, iusques au liêt ou arrierefais de l'enfant qui le couuroit dans la matrice. Apres auoir trouué & pris le bout de l'arrierefais, il faut avec la main separer de la matrice toutes les petites ueines, & membranes, ainsi doucement & gracieusement qu'a esté dict, & tout cela amener dehors, avec le sang caillé, s'il en demeueroit quelque morceau dans la matrice. Cest'operation acheuée, on serre & ioint ensemble \* les cuisses de la femme, puis on la couche en une chambre mediocrement chaude, où du tout il n'entre point d'air ny de uent, & \* met-on sus le bas du uentre de l'accouchee de la laine grasse trempée en uinai gre & huile rosat. Le reste de la curation se gouuerne & poursuit, comme aux inflammations & playes des parties nerueuses. Les experimentateurs asseuerent que la racine du cyclamen, & l'herbe de l'agrimoine attachees à la cuisse de celle qui travaille d'enfant, la deliurent soudain. Dioscoride escrit la pierre d'aigle portee au bras gauche pendant la grossesse, pre-

seruer

\* Cela mesme  
conseille & or  
donne Aspa-  
sia, souuent al-  
leguee d'Aë-  
ce.

\* Aspasia vse  
d'iniections fai-  
ctes de la deco-  
ction de malue,  
senegré, & hui-  
le chaud: de ce  
mesme foment  
les reins & le  
penil: & puis  
applique sus  
ces parties de  
la laine molle  
trempée en hui-  
le chaud.

seruer le fruit, & garder que la mere ne s'affolle: puis sur l'heure de l'enfantement, si on la lie à la cuisse, que la femme se descharge plus heureusement, & soudainement. Plinc chap. 6. liure 7. dit que les femmes ont plus de trauail à enfanter si elles prennent leur aleine: se gastent, si au temps de la conception elles esternuent: & meurent, si à l'heure de l'enfantement elles baillent. Le bailler lors monstre une grande prostration & debilité de la uertu, laquelle est pernicieuse: l'esternuer fait uiolamment sortir la semence de l'homme, qui estoit conceueë & retenue dans la matrice, pour la generation de l'enfant, & non seulement la semence, mais aussi le fruit mesme, & son liêt, à raison de quoy Albucrasis ordonne les sternutatoires aux enfantemens difficiles, & \* Hippocrates, quand l'arrierefais est demeuré. La retention de l'aleine, que les Grecs nomment *πεύμαλος κατὰ λυ* aide beaucoup à l'expulsion des excremens, & à l'enfantement. Voila la raison de son dire. Albucrasis dit, quand la femme porte plusieurs enfans, qu'ils sont tous couuerts d'un arrierefais, & qu'ils sont separés par une membrane seulement attachee au nombril de chacun d'iceux, mais ie puis asseurer au contraire de son dire, auoir ueu deux bessons enfans de monsieur Rondelet mon maistre, enucloupés chacun de son liêt à part. Albucrasis tesmoigne, qui est chose rare & quasi prodigieuse, auoir traité une dame, qui estant ia mort un enfant dans sa matrice, sans le rendre, conceut pour la seconde fois, & mourut semblablement le second enfant sans le ieter dehors. Long temps apres luy suruint un aposteme au nombril, qui perça, & icta matrice, ne se pouuant fermer

\* aph. 49. lib. 5. Ad secundas deturbandas sternutatio immisso, nares & os manu obtura.

encor qu'on y appliquast les remèdes conuenables. A ceste cause y fut appellé & demandé lors Albucrafis, qui mit sus l'ulcere un emplastre fort attractif, par la uertu duquel les os des enfans morts furent amenés dehors, l'un apres l'autre, par grand interualle de temps, d'où la patiente fut guerrie. l'en ay bien ueu sortir par la nature des femmes, avec matiere corrompue & puante, sans la mort d'icelles, mais non iamais par le nombril.

La maniere de tirer le liêt de l'enfant retenu dans la matrice. CHAP. LXXV.

**S**Ouuent, eſtât sorti l'enfant dehors, son liêt, qu'on nomme auſſi la Secondine, eſt retenu dans la matrice. Or ſi l'orifice de la matrice eſt ouuert, & le liêt eſtant ſeparé d'icelle, s'enue-loupe & emmoncelle en quelque partie d'icelle, facilement on le tire dehors, iettant la main gauche chaude & engreſſee au profond de la matrice, pour rencontrer ce liêt, & l'amener. S'il eſt adherent au fonds de la matrice, il faut ſemblablement ieter la main dedans: & l'ayant empogné, le tendre, & tirer, nō paſ tout droit, de peur que la matrice ebranlee ne tombe: ny robuſtement & de grande force, ains le tourner premierement de coſté, doucement, le menant çà & là: puis le maniant quelque peu plus gaillardement & puiſſamment. En ceste façon il obeit, & ſe depart de ce qui le tenoit adherēt. Si l'orifice de la matrice eſt clos, pour l'ouurir il faut vſer des remèdes ſus eſcrits: & où la force de la patiente ne ſeroit par trop abbatue, de ſternutatoires, & parfums\* aromatiques appli-  
qués

\* On appelle  
ceſte maladie  
Precipitation  
de matrice.

\* Hippocrates  
aph. 28. liur. 5.

quès au dessous du ventre avec vn pot. Si par ces remedes l'orifice de la matrice s'ouure, il faut mettre la main dedans, & essayer de tirer le liêt, comm'a esté dict : & si par ce moyen on ne le peut auoir, il ne se faut poinct troubler, ny estonner : car peu de iours apres il se \* pourtira, corrompra, & resoudra en humeur sanieuse. Mais pource qu'à raison de sa puanteur, il charge la teste, & renuerse l'estomach, nous vsurons alternatiuement des sternutatoires, & des parfums. Les plus approuués & meilleurs se font de figues & cardamome.

\* pour auancer  
sa putrefactiō  
Albucrasis  
fait iniection  
de basilicum.

## ANNO TATIONS.

L'auteur & Aëce ont transcrit ceste curation & operation de Philumenus. Aëce décrit une partie de la curation plus amplement, qui manque en nostre auteur, ou pource que les exemplaires sont mutilés, ou pource que nostre auteur l'a tout expres abregee. J'aiousteray ce qu'il dit, sans repeter le present texte. Si (dit il) l'orifice de la matrice est clos, nous userons d'embrochations grasses, & avec les doigts de la main senestre essayerons de l'ouurir doucement, & petit à petit le dilater. Quand cela ne proufitera, nous appliquerons sus le uentre un cataplasme de farine d'orge crue, poistrie avec d'huile & d'eau chaude : fomenturons les parties honteuses, les bacinerōs & embrocherons de medicamens gras & unctueux. Outre ce n'estant la uertu affoiblie, nous userons de sternutatoires preparés de \* poiure & \* castoreum & de breuuages qui prouoquent les fleurs. Cela se fait le premier & second iour. En apres on use avec un pot

\* Albucrasis  
les ordonne de  
Condium, qui  
est la graine  
ou racine de  
Strutium.

\* car les odeurs  
puantes chas-  
sent la matri-  
ce contre bas

\* *Albucasis* les ordonne de calaminthe, rue, hyssope, centaureum mi- nus, chamomille, anet.

un pot de parfums aromatiques de casia, \* nardus, schoenanthum, iris, arthemisia, sabina, dictamnium, pulgum. On met le pot sous la selle, de sorte que la femme couverte par tous costés d'habillemens soit assise dessus. Outre les choses sus mentionnées on fait aussi de parfums singuliers composés de figues, cardamomum, saune, encens, styrax, iayet, blatta byzantia, ladanum. A ce mesme proufissent les remedes qui gratuitement prouoquent les fleurs, comme la decoction d'artemise, & bayes de Laurier, avec du vin-miel : les pessaires faicts de myrrhe & cyclaminum incorporés avec quelque unguent propre : ou bien, chair de raisins passés, commun, resine, terebinthine, spuma nitri, de chacun dix drachmes, incorporés avec miel : item les demibains faicts de la decoction de chamomille, anet, artemise, & bayes de Laurier. L'arrierefais d'une brebis ou d'une chieure deseché est bon à cest effect, soit qu'on le donne à boire, soit qu'on l'incorpore avec quelque oignement conuenable, pour l'appliquer en pessaire, ou qu'on le porte sus soy, comme ayant uertu à cela. *Albucasis* donne un bon auertissement, qui est, si on a tiré une partie de l'arrierefais seulement, & non pas le tout, qu'on attache ce qui est sorti à la cuisse de la femme, à fin qu'il ne retourne en la matrice, attendant qu'on pourra tirer le reste.

La maniere de cauteriser en la sciatique.

CHAP. LXXVI.

\* *aph. 60. liu. 6.*  
Voy *Gal. au*  
commentaire  
sus le 4. liu. des  
Articles.

Comme l'os du hautbras, ainsi l'os de la cuisse à raison d'une abondance d'humidité superflue, en d'aucuns se deloë, & requiert le cauter. A ce propos dit \* *Hippocrates* : Ceux ausquels

ausquels l'os de la cuisse sort hors de sa boîte à cause d'une longue & diurne sciatique, la cuisse s'extenue, & deuiant tabide : & si on ne les cauterise, ils deuiennent boiteux. Il faut appliquer le cautere expressément, signammét & iustement sus le lieu au quel la teste de l'os de la cuisse sortât hors de sa boîte, tombe, & se transporte. Car par ce moyen l'humidité superflue se tarit & desèche, & le lieu reserré par la cicatrice ne reçoit plus l'os qui se voudroit déplacer. A ceste cause il faut profiler & enfoncer fort le cautere. Les modernes cauterisent & font eschare en trois lieux : l'une par derriere sus la cavité de la rondeur de la boîte : la seconde au dessus du genoil en l'exterieure partie : & la troisieme au dessus de la cheuille exterieure, là où la gréue est plus charnue.

## ANNO TATIONS.

Les anciens, comme escrit Archigenes, ont usé du cautere aux sciatiques, avec le fer chaud, ou avec la racine d'aristolochie & struthium embrasées, cauterisant profond la iointe de la cuisse, & la iambe en quelques endrois, mais principalement appliquant le cautere sus le lieu douloureux. \* Aucuns appliquent avec une pincete une crote de chieure embrasée, sus la cavité qui se trouue estendant le pouce de la main du costé malade, en la racine & troisieme iointe d'iceluy : engressant premierement le lieu d'huile, puis couchant dessus de la laine emmoncelée, trempée & abreuvée d'huile, sur laquelle on met ladicte crote : la quelle estant ostée, on en met une autre, continuant ainsi, iusques

*Dioscoride  
chap. 72. liu. 2.*

si, iusques à ce que le patient sente la uapeur par le bras paruenir en la cuisse, & mitiguer la douleur, & lors suffit. On nôme ceste maniere de cauteriser Arabique. Antylus applique la crote de chieure embrassee sus l'echine du pouce, au pied du costé malade, un peu au dessous de l'ongle, cauterisant iusques à l'os. Ce faict, il met dessus des feuilles de pourreau broyees avec du sel, ou des oliues noires broyees avec de sésamü, ou la chair de la noix broyee: ou du lait & miel quand le patient a la chair molle & delicate: puis le troisieme iour apres la cauterisatiõ, des lentilles cuites avec du miel, iusques à ce que l'eschare tombe, apres la cheute de laquelle il use de medicamens suppuratifs, entretenant l'ulcere ouuerte longuement, sans permettre qu'elle se cicatrise. Car, comme dit Celsus, \* estant souuent necessaire au medicin ulcerer les parties du corps avec un fer chaud, c'est un precepte general, & perpetuel, qu'on ne ferme pas ces ulcères \* incontinent qu'on le peut faire, ains qu'on les entretienne, iusques à ce que le mal auquel on pretend remedier par ces ulcères, soit appaisé. Albucrasis applique trois oliuaires sus la boite de la hanche en forme triangulaire, & quelque fois au milieu des trois, en aionste un quatrieme, droit sus la teste de la cuisse. Et pource qu'en ce mal la douleur s'estend quelque fois en la cuisse, en la iambe, & iusques au pied, si elle descend en la cuisse, il applique sus le lieu de la douleur deux cultelaires, & un troisieme hors iambe quatre doigts au dessus de la cheuille. Si la douleur descend iusques pres des doigts du pied, au lieu où le patient la sent, il applique deux ou trois punctuels, & plusieurs, si mestier est. Si la douleur est en la iam-

be au

\* chap. 22. liu.

4.

\* M. Guy au chap. des gontes, de l'opinio des 4. maistres, determine 40. iours, qui est le periode des maladies articulaires.




be au dessous du genoil, il y applique un cultelaire, commandant tressagemēt, en toutes ces cauterisatiōs ne penetrer plus outre que l'epaisseur de la peau, & se donner garde de ne bruler aucun nerf, ny artere, dont s'ensuyue retraction du membre: recitant auoir ueu quelques uns cauterisés trop profond sus la cheuille du pié, ausquels la iambe s'enfla & tumesia, comme aussi le pié, lequel se perça, & corripit tout, succedant un flux de uentre qui tua le patient. Ce mesme auteur a excogité deux façons ingenieuses de cauterres circulaires, l'un à un orle que le traducteur appelle Samiū, & l'autre à trois, diuisés & entrecoupés en deux lieux, à fin, comme ie cuide, de uoir par cest'entre coupeure combien penetrer le cautere appliqué. Dauantage il cauterise avec eau corrosiue, nous l'appellons Capitel, quelque peu echauftee, mise dans deux orles de fer ioincts ensemble par deux cheuilles trauersieres, commandant que le patiēt endure la cuisson de l'eau un'heure; puis qu'on l'auc la partie touchée, avec d'eau tiede, & qu'on mette dessus du beurre, iusques à ce que la noirceur de la brulure soit ostee. Le capitel que M. Guy au chapitre de l'ulcere sordidee & pourri nôme eau de saouon, se fait de chaux uiue, & sel alcali, passant souuent une mesme eau sus ces drogues fraiches.

Le sim


*Le simple cercle d'Albucrasis, duquel  
il use en la sciatique: en la bosse du  
dos cōmençante: en l'estomach refroidi  
& humecté: & en la delouëure  
de la hanche chap. 28. 42.*

*43. & 45. liu. 1.*




*Le double*

Le double cercle d'Albucasis chap. 43. liure 1.  
de deux cercles ioincts ensembles, des-  
quels il cauterise avec l'eau fort,  
en la sciatique.



- A Le premier cercle qu'il nomme Samium.  
B Sa cauité uuidée, qu'il nomme Armilla.  
C Le second cercle.  
D Sa cauité uuidée.  
E La piece qui les ioinct ensemble, de fer, ou bronze, nommee Cardo portæ.  
F Les pertuis faicts dessus & deffous en ladicte piece par lesquels l'eau fort court dans la cauité des cercles..

## Le triple cercle d'Albucrafis chap. 43. liure 1.



- A. } Les trois cercles, nommés Samia.  
 B. }  
 C. }  
 D. Le milieu de tout l'instrument, qui est le centre du plus petit cercle, de la grosseur d'un noyau de datte. Il l'appelle Orificium.  
 E. Le canal du troisième cercle, qui doit être ouvert comme aux autres pareillement, dessus & dessous pour donner exhalation à la fumée brulante, qui sort quand on cauterize. Le bord de ces trois cercles doit avoir de hauteur autant que porte la dernière jointure du pouce en long, & de distance entremy, autant qu'est large l'édite jointure.  
 F. Les six pièces qui tiennent les trois cercles.  
 G. Le manche de l'instrument qu'Albucrafis commande estre de fer.

Il ordonne aussi des cauterés potentiels à ce mesme effect avec du miel anacardin, de chaux & saumon. Et combien que ce point ne soit proprement des dependances de chirurgie, si diray ie incidemment, qu'en ceste passion le cataplasme de Damocrates composé de graisse de pourceau, & de racine de *Lepidium*, nommée par Damocrates (la cognoissant de ueuë, mais ignorant son nom) Iberis, à cause que la recepte fut premièrement practiquée en Espagne dictée Iberia, du fleuve Ebro, est un remède singulier. J'ay maintes fois essayé, avec heureux succès, en une sciatique longue, l'ouverture au dessous du genoil, en toutes les deux iambes.

Des Fistules & vlcères nommés Ceria.

CHAP. LXXVII.

CE lieu requiert que nous parlions des fistules du fondement: mais il ne sera hors de propos traicter en general des fistules premierement. Fistule est vne sinuosité calleuse, aucunement sans douleur. Elle se fait en plusieurs & différentes parties de nostre corps, & souuēt après quelques absces mal gouvernés & pesés. Callosité est vne chair blanche, solide, sèche, sans douleur, par ce qu'elle ne reçoit aucun

\* nerf, ny veine. La sinuosité de la fistule quelque fois est sèche, quelque fois mouillée. Et estant mouillée, quelque fois elle pleure & iette incessamment: quelque fois elle cesse de ietter, s'ouvrant l'orifice d'icelle à certain temps, & se fermant derechef. Les fistules, quelque fois se terminent en l'os; quelque fois au nerf, ou en quelque autre partie noble d'auantage

\* car le nerf  
donne sentiment  
& la veine ap-  
porte l'humidi-  
té naturelle.

elles sont droictes ou tortues: & ont vn seul orifice ou plusieurs. Celles qui penetrent aux grandes artères, ou nerfs, ou tendons insignes, ou en la membrane située sous les costes, ou en quelques parties nobles & principales, ne se doiuent toucher du tout, ou bien avec grande & artificieuse prudence. Quant aux autres, nous les gouuernerons & curerons en ceste maniere; Premièrement nous la sonderons: si elle est droi-

\* τὴν ἀναγίγναι  
avec la maché  
dudict coutelet  
qui est grelle,  
rôd, & droict,  
comme nous  
voyōs les man-  
ches de nos ca-  
mivets. Albu-  
crasis comman-  
de si la fistule  
est droicte que  
la sonde soit  
de fer, ou de  
cuiure: & si  
elle est tortue,  
de plomb: d'ou  
l'on peut con-  
iecturer que le  
manche, de ces  
coutelets &  
camivets estoit  
de fer mesme  
ou de cuiure.  
\* calleuses, vi-  
tieuses, corrom-  
pues & ga-  
stees.

te, avec vn \* coutelet tranchant: si elle est tor-  
tue, avec vne eprouette à deux boutons aisée à  
plier. A cela vne eprouette est bonne fort min-  
ce & deliée, de cuiure ou d'estain. Si la fistule  
a deux orifices, ou plusieurs, qu'on ne puisse bié  
sonder & suyure de l'eprouette, nous metons  
dans la sinuosité vne iniection par l'vn des ori-  
fices, & obseruant l'issue de l'iniection par les  
autres orifices, nous cognoistrōs si c'est vne seu-  
le fistule qui ayt plusieurs ouuertures, ou bien si  
ce sont plusieurs fistules. L'ayant sondée, si la  
sinuosité est superficielle, nous ieterons dedans  
vn petit rasoir à deux tranchans pour la décou-  
rir, puis nous accommodant à la propre figure  
de la fistule nous osterōs la callosité, la raclās  
avec les ongles, ou avec vn fort petit rasoir à  
deux tranchans. Si la fistule s'estend en large,  
il faut couper à l'entour les parties superflues.  
Si elle n'est point superficielle, \* ains descend  
tout droit en profond, nous la diuiserons le plus  
bas qu'il sera possible, puis à l'entour osterons  
toute la callosité: & s'il en reste quelque chose,  
nous la consumerons avec vn médicament  
causti

caustique: & si ce qui reste est en telle quantité qu'avec les medicamens caustiques on ne le peut abbatre, & emporter, nous le cauteriserons avec des ferremens chauds. Quand la fistule se termine en vn os, n'estant point l'os endommagé, nous le \* raclons & ruginons seulement: mais si l'os est carieux, ou en quelque autre maniere corrompu, il faut oster ce qui est gâté avec \* des tenailles incisives: <sup>a</sup> si besoing est, trepanant l'os premierement, soit que la corruption s'auance iusques <sup>b</sup> à la seconde lame d'iceluy, ou soit qu'elle penetre iusques à la mouelle. Quand l'os rompu de trauers se haue & foriette, il le faut serrer en ceste maniere: Nous prendrons deux bendes, & d'icelles ieterons l'une par son milieu sus l'os eminent, & ayant recueilli ses deux bouts, nous les baillerons à vn seruiteur qui les tienne en souleuant l'os. L'autre bende qui doit estre plus \* epaisse, & de drap, se met comme la precedente par son milieu sus l'os, en l'accostant & approchant iouxte la chair: puis on prend ses \* deux bouts, à fin que la tirant contrebas, on recule & defende la chair, qu'elle ne soit blessée des dents de la fie. \* Ces choses ainsi apprestees nous extirpons & separons l'os: & si au dessous de l'os y a quelque partie noble, & de consequence, cōme la membrane estendue sous les costes, ou la mouelle du dos, ou autre semblable, en coupant & fiant l'os, nous metōs au dessous pour preseruer lesdictes parties d'estre atteintes & offencées, vne lame ou platine faicte expres pour cela que les Grecs

\* pour oster ce qui en la superficie d'iceluy pourroit estre quelque peu altéré de la sanie.

\* ainsi le traduit *Ander-nacius*: *Cornarius* entend \* deux ciseaux on sermailz appliqués l'un à l'opposite de l'autre.

\* cōme sroyēt les lisires des draps.

\* encor que l'auteur ne le specifie, cela se doit faire par vn second seruiteur.

\* Outre ce *Albucrasis* met au dessous de l'os eleué qu'on doit serrer vne tablette, qui garde la chair située au


deffous de l'os  
d'estre attein-  
te de la sie:  
¶ veut qu'on  
siel'os vis pen  
au deffus de la  
corruption, &  
fin qu'on ne  
soit contrainct  
d'y retourner  
pour la secon-  
de fois.

nomment *μηνιγγοφύλακα*. Si l'os est tout à l'en-  
tour denué & decouvert de chair, encor qu'il  
ne soit corrompu, il le faut sier en la maniere sus-  
dicte: car iamais vn os que l'air touche & frap-  
pe toutal'environ, ne se reuest & recouure de  
chair. Si l'extrémité de l'os prochaine à la ioin-  
cte, est corrompue, il la faut semblablement sier,  
& couper: & si tout l'os est gasté, comme sou-  
uent il auiet de l'os du coude, du rayon, de l'os  
de la gréue, & autres tels, il le faut ôster entie-  
rement: mais auenât ce mal à la boîte de la han-  
che, ou à la teste de l'os de la cuisse, ou à quel-  
que rouelle de l'eschine, il ne faut entrepren-  
dre de l'oster à cause des prochaines \* ioinctes.  
Voila comme discrettement & methodiquemēt  
il faut gouverner ces particulières curations,  
considérant & respectant en toutes parties affe-  
ctées leur situation, voisinage, cognation & con-  
sentiment: d'auantage la grandeur de la mala-  
die, la puissance & vertu du malade. Cerium  
est vne caue ou sinuosité fistuleuse, de laquelle  
il distille vne humidité semblable à miel. On la  
traicte & gouverne comme les fistules, & autres  
vlcères sinueux, tant en ce qui concerne la chi-  
rurgie, comme en ce qui touche l'usage des me-  
dicamens conuenables.

*Boul*



*Boulettes d'or ou d'argent*  
*pour tenir vn vlcere*  
*ouuert.*



ANNOTATIONS.

\* On trepane l'os, le perçant d'un trepan perforatif en plusieurs lieux, en profondant iusques à ce qu'il en sorte un'humidité sanglante : & ce pour donner place où puisse mordre le ciseau qui le doit couper : ou pour luy donner transpiration qui empesche sa pourriture : ou pour ouvrir chemin aux medicamens, qui

consomment l'humidité superflue d'iceluy. On a plu-  
 tost fait d'y appliquer un cautere actuel, qui corrobore  
 la partie, consume les humeurs malignes, aide à  
 faire la separation de l'os, opere promptement, ne cau-  
 se grande douleur, ueu que l'os est insensible, & ne  
 communique sa uehemençe aux parties prochaines.  
 En l'usage d'iceluy, selon la grandeur & profondeur  
 de la carie faut obseruer certaine mediocrité, de le te-  
 nir sus l'os iusques à ce que par les porosités d'iceluy  
 sorte une sanie escumeuse, & non plus longuement: car  
 y demeurant d'auantage, par sa uiolente chaleur &  
 siccité il consumeroit non seulement l'humidité super-  
 flue de la carie, mais aussi la matiere qui doit produi-  
 re la chair entre l'os sain & corrompu. Procedant  
 ainsi, nature par succession de temps separe l'os, en-  
 gendrant par dessous une chair molle qui petit à petit  
 s'endurcit en forme de grains de grenade, & lors la  
 matiere est louable, blanche ou rougeastre, egale, lis-  
 se, & sans puanteur. Et icy doit-on noter en passant  
 que le chirurgien peut bien doucement ebranler l'os  
 cauterisé pour aider à nature qui le separe, & le ti-  
 rer quand il est eleué en haut, & ne tient quasi point:  
 mais ne le faut arracher de uolence: car ce faisant  
 auant que l'os sain soit couuert & remparé de chair  
 contre l'occurrence de l'air qui le touche, il y suruiet  
 nouvelle alteration. Cy-dessous \* nous recitons  
 les causes qui rendent l'os pourri & carieux. Les os  
 creux de nostre corps semblent estre composés de  
 deux lames: la premiere est l'exterieure rondour  
 contigue à la chair qui les couure: la seconde est l'in-  
 terieure, prochaine de la moëlle que l'auteur nomme  
 Diploe. Les fistules se nomment ainsi pour la simi-  
 litude

\* Aux an-  
 notations du  
 chap. 91.

litude de figure qu'elles ont avec les canons des fleu-  
tes qui se font de canes, ou autre telle estoffe, par ce  
qu'elles sont semblalement caues, & uidees. Au de-  
dans y a tousiours de la callosité, qui sans operation  
manuelle, ou médicament caustique, ne se peut consom-  
mer. Pour ce faire, quand la fistule est pres de la peau,  
& ua de biais, nous ietons dedās, la teste d'une eprou-  
uete, & souleuant la peau, la coupons en long tout  
d'une taillade: puis si la callosité est superficielle, min-  
ce, & petite, nous la raclōs avec le rasoir à deux tran-  
chans: si ell'est profonde, epaisse, & grosse, nous la  
tranchons à l'entour. Car si elle n'est coupee & extir-  
pee, iamaïs la chair ne sera rengendrée, ny l'ulcere  
consolidee. Si la fistule ua droit au profond & con-  
trebas, il faut couper la callosité tout à l'entour, ostāt  
de la chair qui est à l'enuiron, autant qu'il est necessai-  
re pour extirper la callosité. Si la fistule se termine  
en un os, il le faut decouurir, & l'ecailer en raclant.  
Aux fistules se monstrent diuers signes selon qu'elles  
finissent sus les os, nerfs, ou parties nerueuses, comme  
tuniques & membranes, sus les ueines, arteres, &  
parties charnues. Les grandes fistules qui se rēdent  
aux os, se cognoissent par la renitence de l'os, quand  
on y met le bouton de l'eprouuete. Si elles sont plus  
estroictes, nous les sondōs avec la pointe d'une eprou-  
uete, & se rencontre la substance de l'os dure, qui  
sonne comme une piece de monnoye frappee, ce qui  
monstre non seulement la fistule estre contigue à l'os,  
mais aussi si l'os est gasté, ou non. Car \* demenant &  
remuant le bout de l'eprouuete sus l'os, si elle glisse,  
comme sus quelque chose brunie, & polie, l'os est  
sain: Si elle s'arreste en quelque lieu, c'est signe que

\* On cognoist  
l'os carieux à  
la veüe, quand  
sa couleur n'est  
point blanche,  
ains livide, iau-  
nastre, ou noi-  
re: au toucher  
de l'eprouuete,  
quand on le sent  
aspre & ine-  
gal, ou quand  
l'eprouuete en-  
tre dedās, com-  
me en vn bois  
pourri: par la  
sanie qui sort  
fort subtile &  
claire, moins  
visqueuse &  
puante, que  
celle qui vient  
des nerfs, arte-  
res & veines:  
par ce qu'en  
l'ulcere se fait  
vne chair mol-  
le, baveuse, spō-  
gieuse: & qua-  
l'ulcerene peut  
estre cicatrise:  
& si quelque-  
fois on le cica-  
trise, se renou-  
uelle inconti-  
nent.

L'os est aspre, & corrompu. Quelquefois quand la fistule est fort grande nous remarquons l'os à la uenë mesme, & n'auons besoin de ces coniectures. Si la fistule est tortue, & a une, ou plusieurs flexuosités, dās lesquelles ne peut entrer la teste de l'éprouuete, nous usons d'un filon de plōb. ou d'estain, pour chercher le chemin qu'elle tient, car il est pliable, & s'accommode aisément à la figure de la fistule: & quand pour la trop grande flexuosité de la fistule, cest expedient sera inutile, nous regardons la matiere qui sort pour iuger là où elle penetre. Si la fistule se rend à quelque nerf, ou il s'ensuyura une douleur \* poignante, ou une \* stupeur & amortissement du membre, de sorte que le mouuement fait par ce nerf sera deterioré, & quand on y mettra l'éprouuete, en le touchāt, on causera douleur. La matiere qui sortira sera sanieuse, subtile, aqueuse, glueuse, & non huileuse ou grasse, comme celle qui sort des \* os fistulés. Ces mesmes accidens uiennēt, quand les fistulés penetrent aux membranes qui enuoloppent les muscles, & aux tendons d'iceux. Si elles se finissent en la chair, la matiere qui sort est plus epaisse & moins liquide: Si aux ueines, les accidens y sont qui se trouuent en la fistule des nerfs, mais moindres, comme aussi les poinctures & douleurs, & n'est aucun mouuement empesché: Si en l'artere, le mesme se trouue qu'en la ueine. Si la fistule est corrosiue, & elle ulcere une ueine, il en sort abondance de gros sang: si elle ronge un artere il en sort un sang subtil, iaunaistre, avec bruit & grande quantité d'esprit. Celsus a traité fort curieusement & richement ceste matiere: par quoy, encor qu'il mette en auant plusieurs points touchés cy-dessus, ie ne laisseray pour

pour peur de redicte à escrire son discours. Aucune-  
fois (dit il) des absces & autres especes d'ulcere est  
engendree fistule : ainsi nomment ils une ulcere pro-  
fonde, estroicte, calleuse. Elle se fait quasi en toutes  
les parties du corps, & a quelque chose de particu-  
lier en chacune d'icelles. Premièrement i'en traiteray  
en general. Les fistules sont de plusieurs sortes : les  
unes courtes : les autres qui penetrent profond : les  
unes qui vont droit en dedans : & beaucoup plus de  
trauersieres : les unes simples : les autres doubles &  
triples, qui commencēt d'un orifice, & au dedās s'en  
font trois, ou bien se diuisent en plusieurs sinuosités.  
Les unes droictes, les autres tortues & flexueuses.  
Les unes se terminent en la chair : les autres penetrent  
aux os, & chartilages, & s'il ne se rencontre ny l'un  
ny l'autre au dessous, paruiēnent iusques dans les par-  
ties interieures : les unes se guerissent facilement, les  
autres difficilement, voire & s'en trouuent aucunes  
incurables. La curation est aisée, quand la fistule est  
simple, récente, en la chair, & le corps ieune & ro-  
buste y aide. Les choses contraires aux susdictes sont  
nuisibles & ennemies à la curation : & aussi si la fi-  
stule blesse l'os, la chartilage, le nerf, le profond des  
muscles : si elle occupe une ioincte : si elle penetre dās  
la matrice, uescie, poulmon, dans les grandes ueines  
ou arteres : dans les parties uuides, comme la gorge,  
le gosier, la poictrine. Celle qui tend dās les boyaux,  
tousiours est perilleuse, & souuent mortelle : à quoy  
s'aioustē beaucoup de mal & incommodité, si le corps  
est malade, uieil, & mal habitué. Avant toutes cho-  
ses il faut mettre dans la fistule un'eprouuete, à fin  
qu'on puisse sauoir où elle ua, combien ell'est profonde  
& en

Et ensemble, si elle est sèche ou mouillée : ce qu'apparoist en retirant l'éprouuete, laquelle aussi nous fera entendre, estant quelque os prochain, si la fistule est paruenue iusques à iceluy, ou non : Et combien elle l'a endommagé. Car si ce qu'on touche avec le bout de l'éprouuete est mol, la maladie est encor dans la chair : mais s'il fait renitence, elle est uenue iusques à l'os : Et le tastant, si l'éprouuete glisse, encor n'est il point carrieux : si elle ne glisse point, ainss'arreste comme sur une chose égale Et plaine, la carie Et corruptiō certes y est, mais encor petite : si ce qu'on touche est inégal, aspre, Et raboteux, l'os est grandement rongé. La situation des parties monstre où sont les charnages, Et la renitence, que la fistule est paruenue iusques là. De ces choses on collige combien les fistules ont fait de mal, combien elles sont grandes, Et quelle situation elles ont : mais on cognoist si elles sont simples, ou diuisees en plusieurs parties de la matiere. Car si elle sort plus abondante qu'il n'est raisonnable pour une simple cavitè, il est manifeste qu'il y a plusieurs sinuosités. Et pource que la chair, le nerf, Et quelques parties nerveuses, comme tuniques Et membranes sont presque tousiours uoissines, l'espece de la matiere enseigne, si au dedans plusieurs \*cavités ont mangé diuerses parties du corps. Car la matiere lisse, blanche, Et copieuse sort de la chair : la matiere subtile, Et en petite quantité, d'une partie nerveuse : de l'os, grasse Et semblable à d'huile. D'auantage, l'inclination du corps monstre si les fistules ont penetré en plusieurs lieux. Car souuent quand le patient se couche, Et situe le membre malade autrement qu'il ne faisoit, la bouë qui ne sortoit plus, comence à couler,

\* corrosions sinuosités.

Et si

Et signifie non seulement qu'il y a une autre cauité d'où elle descend, ains aussi que la cauité tend en une autre partie du corps. Si la fistule est simple & recēte en la chair, & non en une partie \* ridee ou caue, ny en une ioincte, ains en un membre qui de soy estant immobile, n'est remué qu'avec tout le corps, l'emplastre qu'on met sus les playes \* fraiches, pour uen qu'on y aiouste du sel, ou de l'alum, ou de l'ecaille de cuyure, ou du uerdet, ou quelque metallique, suffira pour la guerir. De la masse de cest emplastre on forme une tente, plus grosse d'un costé, plus subtile de l'autre, laquelle on met de la partie la plus subtile, demeurāt la grosse au dessus, dans la fistule, continuant d'en user iusques à ce que le sang pur uienne : qui est un precepte general, & infallible, en la curation des fistules par ces tentes. On applique dessus le mesme emplastre estendu sus un linge, & par dessus une esponge trēpee en uinaigre : & sera asēs remuer cest appareil de cinq iours en cinq iours. La maniere de uiure luy doit estre ordonnee conuenable & propre à la regeneration de la chair. Si la fistule est loing du \* diaphragme, il est necessaire par interualles māger du raisfort à ieun, & \* uomir. Aucun ne peut s'abuser à recognoiſtre la callosité, car ell'est dure, & blanche ou palle. Pour la consommer il faut user des medicamens forts, comme les suyuaus, Opium, une partie : uitriol, huit : gomme Arabic, deux : cadmia, quatre. On les incorpore avec d'eau, puis on en forme des tentes. Item : Galles, \* uerdet, orpiment rouge, alum d'Aegypte, de chacun une partie : uitriol, deux. Item : chalcitis, chaux uiue, de chacun deux parties : orpiment, une : on les incorpore avec du miel cuit. Le plus actif &

\* comme les reins, & aixelles : les autres lisēt & micuē nerveuse.

\* Cest emplastrum Barbarū des anciens.

\* comme au bas du ventre : aux iambes : aux cuisses.

\* pour faire reuulsion de la matiere vitieue se.

\* Ce medicament s'applique en poudre, ou en infusion avec quelque liqueur.

prompt

prompt remede, ainsi que l'ordonne Mege, est cestuy-  
 cy: Verdet raclé & puluerisé, deux parties: Ammo-  
 niac liquefié en uinaigre, autant: on iette l'ammoniac  
 fondu sus le uerdet, puis on les incorpore. Ce medica-  
 ment est des plus excellens. Ces remedes sont de tres-  
 grand effect certes: mais si on ne les peut recouurer,  
 il est aisé d'abbatre la callosité avec quelconque me-  
 dicament caustique. Pour en user, il est meilleur, tor-  
 dre & serrer du papier, ou du linge en forme de tête,  
 & l'engresser du medicament. La scylle cuicté &  
 meslée avec de la chaux, mange la callosité. Si nous  
 presumons la fistule n'estre simple, ains double, ou plu-  
 sieurs ensemble, de sorte neantmoins qu'elles soyent  
 courtes, & dans la chair, il ne se faut assseurer & ré-  
 poser sus une tente qui guerisse une partie & laisse  
 les autres sans guerir, ains nous ieterons ces medica-  
 mens puluerisés dans un tuyau de \* cane à escrire,  
 puis mettrons le canon sus l'orifice de la fistule, & souf-  
 flerons dedans, pour chasser le medicament au profond  
 de la fistule: ou bien nous le destremperons avec du  
 uin, & si la fistule est fort sordide, avec du uin-miel: si  
 elle est fort calleuse, avec du uinaigre: puis quelcōque  
 soit la liqucur aioustee, nous en ferons iniection dans  
 la fistule. Pendant qu'on use de ces remedes acres &  
 forts, il faut appliquer exterieurement des medicamēts  
 refrigeratifs, & repercuissifs. Car presque tousiours  
 les parties circōuoisines de la fistule ont quelque peu  
 d'inflammation: & n'est hors de propos, quand on  
 debandera l'appareil, premier que derechef on iette  
 un autre medicamēt frais, lauer la fistule avec une sy-  
 ringue de laquelle on use aux maladies des oreilles. Si  
 elle iette beaucoup de fange, on la laue avec du uin: si  
 la cal

\* ou de plume:  
 car les anciens  
 escrinoient de  
 canes, comme  
 nous de plu-  
 mes.



la callosité est fort dure, avec du vinaigre: si desia elle se mondifie, avec du vin-miel, ou avec la decoction des \* ers, y aioustant un peu de miel. Pour la plus part il auient que la tunique calleuse qui est entre la cavité de la fistule, & la chair saine, uaincue des medicamens sort toute, & au deffous l'ulcere est nette: se trouuant ainsi, il faut appliquer des medicamens glutinatifs, & principalement un'esponge oincte de miel cuiët. Je n'ignore pas aucuns estre d'opinion qu'on mette dedans un drapeau en forme de tente, couuert de miel cuiët: mais telles ulceres se glutinent plustost qu'elles ne sont \* remplies de chair: & ne faut point craindre que les partics de l'ulcere mûdifiees & pures quand elles sont ioinctes l'une avec l'autre, ne se glutinent, & principalement si on applique medicamens propres à cela, ueu que souuent un ulcere entre les doigts, si on ne s'en dōne bien garde, en se guerissant fait tenir les doigts prins ensemble. Voila le docteur & elegant discours de Celsus. Albucrasis recite une memorable histoire d'un, auquel il coupa quasi tout l'os de la grēue en trois fois, diuisant ainsi son operation, pource que le malade ne pouuoit souffrir grande douleur, estoit debile, & luy operateur craignoit qu'il ne mourust, par ce qu'à raison de l'euacuation superflue il syncopisoit à toutes heures: Or il fut gueri parfaitement: au lieu de l'os se r'engendra une chair dure: luy retourna la bonne habitude de son corps, & la uertu, de sorte qu'il recouura toute sa bōne disposition, & ne sentit onc aucun empeschement à cheminer. Ce mesme auteur dit sagement, & donne un tresbon auertissement aux mediciens, que pour neuf causes les ulceres demeurēt canes, sans se pou-

\* Erui.

\* A ceste cam se par dedans il faut vser de sarcotiques, & par dehors de colletiques.

Neuf causes pour quoy les ulceres demeurēt canes.

noir

uoir incarner, ni glutiner. Quand le corps a faute de sang. Quand le sang du corps est uitieux & depraué. Quand on use de medicamens qui ne sont pas conuenables. Quand entre les parties de la fistule, ou entre les bors d'icelle y a callosité. Quand l'ulcere est sordide. Quand l'ulcere est putride. Quand en une province il regne quelque pestilence, ou maladie epidemique, qui fait les ulceres difficiles à guerir. Quand la nature du pays est telle, que les ulceres y sont de longue durée, comme en Saragosse d'Arragon, où les apostemes durent un an. Quand les os sont carieux, & corrompus. Il est à noter que la callosité s'engendre aux ulceres sinueuses & cauerneuses mal nettoyees, par affluxion ou congestion de quelque excrement pituiteux deseché, ou melancholique aduste, qui enduit la circonference de l'ulcere, & occupe le lieu sus lequel se deuroit refaire la bonne chair. Item que les uieilles fistules, & assiduelement pleurantes, fermées d'elles mesmes, ou par l'inaduertence de quelque ignorant medicin, causent de grieues maladies, & souuent la mort, principalement aux uieilles gens. La procedure de nos practiciens fondee sur raison & infinies experiences, est, que apres auoir ordonné bonne maniere de uiure, & purgé les excremens redondans au corps, pour desecher la fistule par dedans, ils donnent plusieurs iours suyauamment un uoirre de ceste decoctiō: agrimoine, trois parties: plantain, deux: feuilles d'oliuier, une. On tranche menu ces herbes, & les ayant broyees, on les cuit en uin blanc. Item, osmonde, trois parties: gentiane, deux: centauree, une: soit fait comme dessus. En apres ils elargissent l'entree de la fistule avec tente de racine de gentiane, ou cycla

ou cyclaminum, ou bryonia, ou serpentaria, nommee Dracontium, ou arum, ou esponge bien tordue. La mouelle de suzeau n'est bonne à cela, par ce que la tirant elle se rompt. On fait ces tentes grosses & longues à la quantité & mesure du pertuis, attachant au bout d'icelles un fil, à fin que commodemēt on les puisse tirer, quand elles sont trop adherentes, ou trop enfoncées. Il les faut laisser douze heures dedans la fistule avant que de les oster. Estant dilaté le pertuis, ils consomment la callosité, ou avec tente de trochisques d'asphodeles, ou de chaux & saumon, ou avec tête couverte d'arsenic, qui ne trompe iamais son homme, ou avec eau fort des raffineurs, singulierement la premiere. Aucuns dissoluent les caustiques susdicts avec vinaigre, & autres liqueurs conuenables, & en font iniection dans la fistule avec une syringe, clouās le pertuis, à fin que l'iniection y demeure iusques à ce qu'elle ait fait son operatiō, & qu'elle cherche toutes les anfractuosités de l'ulcere. Les autres pour operer plus seurement, mettent dans la fistule, & iusques au fons d'icelle, une eprouuete trouée cōme une eguille, & enfilee d'un cordon de coton ou de chanure, ou d'un drapelet retors, lequel apres l'incision demeure dedās: ou bien y mettēt une eprouuete de bois, sus laquelle ils font l'incision. Icelle faicte, pour euitier le flux de sang, on applique un blanc d'œuf, & quelques tentes qui elargissent les bors de l'ulcere. Le iour suyuant on emporte la callosité ou avec la poimēte du rasoir, ou avec un fer chaud, ou avec quelqu'un des caustiques susdicts, ou avec argent uif sublimé, comme Auicenne commande, appliquant tousiours à l'entour choses refrigeratiues. Pour l'ordinaire on laisse trois

iours dans l'ulcere les medicamens caustiques. L'operation est bonne, quand la partie ulcerée deuient enfle, & la matiere qui estoit abondante & crasse, sort digeste & en petite quantité. Aux premiers iours, pour mitiger la douleur, & ramollir l'eschare, on applique huile rosat avec iauue d'œuf, puis du beurre, du lard, & autres telles choses grasses. Apres la cheute de l'eschare, on traite l'ulcere avec sarcotiques, & cicatrisatifs. Quand la fistule est incurable de soy-mesme, comme si elle penetre aux membres principaux, ou se rencontre aux parties ueneuses, arterielles & nerveuses: ou bien si le malade est foible ou timide, de sorte qu'il ne peut ou ne veut souffrir le tourment de l'operation, aimant mieux demeurer avec son mal, que de s'exposer à la peine: ou bien que l'incisant s'ensuiuroit une plus facheuse disposition, comme ejection inuoluntaire de la matiere \* fecale, si en incisant la fistule du fondement on coupoit le muscle sphinctere, on ne doit chercher la uraye & parfaite cure que nommons Eradicatiue, ains nous deuons contenter de la Palliatieue, que Galien au comment. sus l'aphoris. 39. liure 6. appelle *πρῶτον τιμὴν*, *καρπυοπιτιμὴν*, & *καρπυοτιμὴν*. Son office est, preuoir qu'il ne tombe nouvelle fluxion sus la partie, en gardant par bon regime que les excremens ne s'engendrent au corps, & s'ils s'y engendrent, les purgeant par interualls, & par uacuation diuersiue de la partie malade, sus une moins noble, si faire se peut: puis modifier la chair uitieuse qui croist en l'ulcere, & la sante avec quelque medicament cognu par experience & raison, qui n'irrite point l'ulcere, & ne cause putrefaction. A cela est conuenable emplastrum nigrum,

\* Ou conuulsion, cōme dit  
 l'éc. chap.  
 10. liure 2. section 4. par ce  
 que ce muscle  
 est nerveux.

grum, ou diachalciteos. Le mēbre qu'on traicte ainsi, ne doit estre \* baigné d'eau, trauaillé laborieusement, ny douloureusement situé. Cerion, ou comme Celsus le nomme chap. 28. liure 5. Meliceria, à la difference de Meliceris, espece d'absces froid, déclaré par nous cy-dessus, est genre d'ulcere, dit Celsus, ou tumeur ulceree, dit Aëce, qui ronge \* la peau couchee dessus, de sorte que par les trous distille un' humeur semblable à miel. On le nomme Cerion, comme si nous disions Rayon de miel, que les Latins appellent Fauus, tant pour la figure de ses pertuis, que pour l'espece \* de l'humeur qui en sort. Il s'engendre souuēt aux parties musculeuses, aux ioinctes & plantes des pieds. Souuēt il occupe la sixième rouelle du col, & aucunes fois les costes. S'il s'engendre en la \* teste, premierement il putrefie les autres parties, & en après le tēs; & à ceste cause du commencement nous y procederons par medicamens: mais s'ils sont de peu de ualeur, nous inciserons les parties corrompues, & principalement en la teste, puis trancherons la membrane qui enuironne le tēs, & apres auoir raclé l'os, nous cauterifrons les bors de la playe avec un fer chaud sans toucher au tēs. Celsus en fait deux especes: l'un \* blanchastre semblable à un furuncle, mais plus grand, & avec plus grande douleur. Comme il se meurt il a des trous par lesquels sort un' humeur glueuse & purulente, laquelle toutes fois ne uient iamais à parfaite maturité. Si cest ulcere est \* diuisee, & ouuerte, il y a beaucoup plus de corruption qu'en

Encor que la curation de tous vlcères se face par desiccatifs, & pour ceste raison l'eau y soit fort contraire, si est-ce que ce precepte est pris du liure 4. de comp. medic. gener. \* la pertuisant cōme un rayon de miel. \* En couleur, ou en consistence, comme dit l'auteur chap. 3. liure 3. \* On le nōme vulgairement en ceste partie, la mauuaise teigne: & Achoras, la teigne commune. Aucuns nomment Fauum la teigne rousse, & Achoras, la teigne blanche. \* Aucuns veulent que

soit ce que Paulus chap. 3. liure 3. nomme Ficum. Toutes fois le Fic de Paulus est rouge, & cestuy cy blanchastre.

\* Ou de soymsme, ou par operation chirurgique.

un furuncle, & descend plus profond: & ne se fait gueres qu'aux epaules. L'autre espece est moins eminente sus le corps, dure, large, de couleur qui tire sus le uerd, ou sus le iaune palle, & plus ulcerée. Car en la racine de chascun poil y a des trous, par lesquels sort un' humeur glueuse, de couleur palle iaune, espois se comme miel, ou glu, & aucune fois comme d'huile.

\* Celsus interprete ce mot Grec *χλυσίρ* viride, qui signifie aussi *palidum*, iaune palle: & ainsi en tout. ce discours le faut exposer.

\* Les anciens les appelloient *Malagmata*.

\* Ainsi nomment les Latins ce que Dioscoride appelle *Vitæ sylvestrem*, & Theophraste *Athragenā*.

Si on l'incise, la chair au dedans se monstre \* uerde. La douleur & inflammation est grande, noire & de tant, que souuent ell' emeut une fièvre ague. Sus la premiere espece qui est perçee de moins de trous, on applique des figues seches, de la graine de lin cuicte en uin-miel, des emplastres & \* cataplasmes qui euacuent la matiere contenue, appropriés à ce mal. Sus l'autre espece on applique les mesmes remedes, & la farine des ers cuicte en uin-miel, y meslant la moitié de resine terebinthine: on y applique aussi des figues cuictes en uin-miel, avec la quatrieme partie d'uu \* *Tamaria*, & un peu d'hyssope puluerisec. Si ces remedes proufisent peu, soit en l'une espece, soit en l'autre, on tranche toute l'ulcere iusques à la chair saine, & apres auoir osté ce qui est occupé & gasté dudit ulcere, on applique sus la playe des medicamens premierement suppuratifs, puis mondificatifs, & en apres sarcotiques ou incarnatifs. Cest' affection (comme nostr' auteur chap. 3. liure 3. adnote) est faicte d'une pituite salée & nitreuse.

Des fistules du fondement. CHAP. LXXVIII.

**O**N cognoit les fistules cachees & latentes du fondement, à ce que n'y apparoissant point d'orifice, elles causent douleur, & que

que par le fondement il sort vne humidité fangeuse & purulente : mais pour la plus part precedent les signes d'un absces, ou tumeur contre nature \* suppuree. Les fistules manifestes de ceste partie se cognoissent en les sondant avec le manche grelle & rond d'un \* coutelet, ou avec vne soye de pourceau. Ces instrumens ietés dans l'orifice, en descendât au fonds de l'ulcere, passent iusques à la vacuité des boyaux, & rencontrent le doigt indice mis expres dedans le fondement, si la fistule est perçee iusques en l'interieure spatiosité du boyau : & si elle ne penetre point tout outre, entremi la sonde & le doigt qui la touche, se trouue interposée la partie qui n'est point perçee. Les fistules tortueuses & flexueuses comme vn labyrinthe, se iugent à ce que la sonde ne penetre gueres auant, & neantmoins il en flue plus grande abondance de matiere qu'il n'est raisonnable d'une petite vlcere. Quand elles sont pres du \* boyau, quelques fois par leur orifice ils sortent des vers, & de la matiere \* fecale. En l'orifice presque de toutes se voit quelque callosité. La fistule est incurable, si elle a percé le col \* de la vescie : si elle va du \* fondement en la ioincte de l'os de la cuisse : si elle penetre dans le boyau droit. Malaisément la guerit-on, si elle n'a point d'orifice ouuert : si elle est occulte & cachée : si elle se termine en \* l'os : si elle se diuise en plusieurs anfractuosités. Les autres fort facilement se guerissent. L'operation manuelle est telle : On couche le patient à la renuerse, qui tiét les iam-

\* ou d'une hé  
morrhoïde, ou  
d'une vlcere,  
ou d'une playe  
mal traitée.

\* M. Guy de  
Cauliac les  
sode aussi avec  
une racine de  
persil : ou une  
coste de paruen  
che, ou de bete,  
qui me semble  
mal aisé.

\* non seulement  
prochaines d'in  
celuy, mais per  
cees en sa cavi  
té.

\* & de la ven  
tosité.

\* on le cognoist  
quand l'vrine  
en sort.

\* Ce qu'on co  
gnoist par ce  
que la tête va  
iusques à l'os :  
& qu'on sent  
douleur à l'en  
tour de la han  
che.

\* de la hâche,  
& de la quené  
du croupion.

bes si hautes, que les cuisses soyent inclinees sus le ventre, tout ainsi que quand on veut donner vn clystere. Estant situé commodement le malade, si l'extremité & fons de la fistule se presente superficial, nous metons par l'orifice d'icelle au dessous de l'instrument tranchant le manche d'un coutelet, ou d'une eprouete à cur'oreille, & incisons la peau de dessus, d'une simple taillade. Si le bout de la fistule se termine au profond du siege, ayant mis dedans le manche du coutelet, si nous trouuons que la fistule ayt issue, & soit percee au fons, nous ieterons dedans l'indice \* de la main opposite au rond de la fesse \* malade, prendrons le bout du manche, le plierons & courberons, puis l'amenerons dehors, & inciserons d'une simple taillade les parties qui sont au dessus du manche. Si on trouue que la fistule n'ayt point d'issue, ains que seulement elle se termine au profond du siege, & la sondant, le doigt indice récontre le bout du manche, se trouuant entre deux quelque substance écailleuse & membraneuse, il la faut percer & entrer de violence avec le bout du manche, puis après auoir passé ce manche par le fondement, nous couperons semblablement d'un petit rasoir à deux \* tranchants toutes les parties qui sont à l'entour du manche, comme a esté dict cy-dessus: ou bien, avec la pointe d'une fauceole, ou bistourie faict expresse pour inciser ces fistules, nous percerons le fons de la fistule contigu au fondement, puis passant l'instrument par le siege, nous couperons tout ce qui est entre deux, du tail

*\* avant que ce  
la se face, il  
faut bien couper  
& raser l'on-  
gle, & oindre  
le doigt de quel-  
que chose gras  
se.*

*\* vers laquelle  
tend la fistule.*

*\* Albucasis  
y applique le  
fer chaud, &  
le trouue meil-  
leur que le ra-  
soir.*



du taillant du bistoirier. L'ayant coupé, avec vnes pincetées ou petites tenailles, nous empoignerons les parties qui sont à l'entour, icelles sont vrayement callosités, & les trancherons à l'environ, nous donnans garde de ne blesser le muscle sphinctere. Car plusieurs faisans ceste incision rudement & ignoramment au profond du siege, l'ont atteint & blessé, & de là s'ensuit vne euacuation inuoluntaire de la matiere fecale au patient. Si quelques vns de crainte & pusillanimité ne veulent souffrir l'operation, il faut yser du fil de lin, comme Hippocrates le conseille. Son inuention est: Il commande qu'on passe vn fil de lin cru à cinq doubles à trauers la fistule, avec le manche d'vn coutelet, ou d'vne eprouete à \* deux boutons, qui soit peruisé au bout comme vne eguille: puis qu'on noué les deux pars & commencemés du fil ensemble: & que tous les iours on le serre iusques à ce que tout ce qui est entre les deux orifices soit traché, & le fil sorti. Si l'incision tarde trop à estre faicte, il faut denouer le fil, le saupoudrer à l'entour de la poudre nommée \* Psaron, ou de quelque autre semblable medicament pulverisé, & puis le tirer & mener par la fistule. Aucuns mettent le fil dans le pertuis du fauceo le appreste pour inciser la fistule, & le passent comme a esté dict cy-dessus: ce qu'à mon auis ne se doit faire: par ce que \* fuyans l'operation manuelle on leur applique les instrumens desquels on la fait, & outre ce la curation en est longue, & tardive. Leonides escrit ce qui s'ensuit

\* Hippocr. au liure des Fistules le nomme Teste d'ail, à cause de la figure en Grec σκεπιδον φούριον.

\* La recepte est, Misy, cinq onces: chalcitis, escaille de cuyvre: verdet racle: de chascun deux onces: galles quatre onces: vitriol, vne once.

\* qu'il execute par la fauceole en incisant.

*\* qu'elle cōmen  
ce du profond  
du siege, & nō  
de l'exterieure  
partied'iceluy.  
\* Cela cognoist  
on par ce que  
mal aisēmēt il  
retient la ma-  
tiere fecale.*

des fistules occultes. Quand la fistule est \* pro-  
fonde, & penetrante dans le \* muscle sphincte-  
re, ou bien quand elle commence du siege, &  
s'auançant fort en dedans, elle se termine & ar-  
reste au sphinctere, apres l'auoir sondee cōm'a  
esté dict, auec l'instrument que nous appellons  
Speculum ani, & les Grecs *διόπτρα ἐσπερία*  
*λῆς*, qui soit petit, nous ouurons & dilatons le  
siege, comme on fait la partie honteuse d'une  
femme : & quand par ce moyen l'orifice de la  
fistule est apparent & manifeste, on iette dedās  
le bouton d'un eprouuete à cur'oreille, le pous-  
sant & chassant iusques au fons de la fistule : &  
sus le manche de l'eprouuete, comme sus vne ta-  
blete d'appuy, on incise toute la fistule avec vne  
spathule entiere, ou demispathule, trāchantes,  
qui se font expres pour couper les fistules. Or  
recontrans vne telle\* dispositiō, iamais ne nous  
fut possible vser & employer la maniere d'ope-  
ration sus recitee de Leonides, par ce que la si-  
nuosité & ouuerture de la fistule n'estoit appa-  
rente à la veuë, estāt cachee entre le sphinctere  
& le siege, & située en la partie dextre, outre ce  
que le speculū ani empeschoit l'operation, ostāt  
la veuë d'icelle. En ceste difficulté nous mismes  
les doigts dans le fondement pour le dilater, &  
trouuans en vn des remplis d'icelui vne creua-  
ce, qui estoit comme l'egoutoir & issue par la-  
quelle la matiere de la fistule se purgeoit (car  
par ceste creuace sortoit de la bouë) nous auisā-  
mes de iecter par icelle le bouton du coutelet  
dans la fistule, nous laissant cōduire au chemin  
de

de ladicte creuace : puis ayant poulsé l'indice de la main dextre iusques au sphinctere, & trouuans entre le doigt & l'instrument vne substance subtile & mince, nous chassâmes de violéce le coutelet iusques au doigt, & perçâmes le fons de la fistule qui rendoit contremont : puis amenans dehors avec le doigt le bouton de l'instrument, comme tout ce qui estoit entre les orifices de la fistule, se peut cognoistre à l'œil, i'enten l'orifice de la sinuosité qui estoit auparauât de l'operation, & l'orifice que nous auions fait, avec vn petit rasoir à deux trenchans nous fîmes l'incision, & tirâmes hors le manche du coutelet.

## ANNOTATIONS.

Aëce recite de Leonides la curation de ces fistules, & ne se trouue toutesfois en son recit, ce que nostre auteur allegue. Apres une mauuaise curation des ulcères du siege, souuent (dit-il) s'ensuit une fistule. Pour la curer on assiet le malade sus une selle, ou sus quelque lieu plain: & le maistre uolât exercer son operation se tient plus au costé droit du malade. Or \* faut-il ieter le bouton d'un epronuete dans le milieu de la fistule, le poussant iusques à ce qu'il penetre dans la uacuité du boyau: puis du doigt indice de la main gauche mis dans le fondement, prendre le bout de l'epronuete, le courber, & par ce moyen souleuât & estendant avec la main, fenestre les deux extremités de la fistule reduictes l'une uis à uis de l'autre, couper s'il est possible avec une seule taillade, alentour, toutes les callosités : & l'incision faicte s'il se monstre encor quelque callosité blanchastre dure,

\* Ceste curatiō de Leonides est de la fistule seulement qui penetre dans la uide du boyau.

\* en vne tu-  
meur calleuse  
& dure.

Et veniente, la racler de toutes parts avec la poin-  
te de l'instrument, & l'extirper. S'il se voit aupres  
quelque ride & éluee, il la faut empoigner & soule-  
uer d'unes pincettes, puis la trancher & applanir à  
l'egal des parties circoniacètes, à fin que la curation  
en soit plus facile. L'operation faite on emplit l'ul-  
cere de la manne d'encens, & y ayant mis de char-  
pie, comm' est de coustume, on le bède: puis on le gou-  
verne comme les autres ulcères. Si quelque delicat  
ou poreux & craintif nous importune que le pen-  
sions avec medicaments seulement sans operation  
manuelle, premierement nous userons des medica-  
mens resiccatis qui ferment les fistules: & s'ils ne  
sont asses effectueux, des tentes fistulaires, qui ron-  
gent & consomment les callosités. Celsus expose  
cest' operation chirurgique en general, & pour les  
fistules du fondement en particulier, amplement &  
richement comm' est sa coustume. Aux fistules (dit-  
il) si elles penetrent fort auant, de sorte qu'on ne peut  
mettre une tente iusques au bout d'icelles, si elles sont  
tortilleuses, si elles ont beaucoup de sinuosités, il y a  
beaucoup plus de remede en l'operation manuelle  
qu'aux medicaments: & moins de peine, si elles vont  
de trauers sous la peau, que si elles se tournent droit  
en dedans. Si la fistule va de trauers sous la peau, il  
faut icter un eproouete dedans, & sus icelle l'inciser.  
Si on rencontre des tortuosités, il les faut sonder, &  
inciser, comme dessus: & le mesme doit on faire, quand  
on trouue come plusieurs branches de la fistule espan-  
dues ça & là. Ayant incise la fistule iusques au bout,  
il faut trancher la collosité du tout, ioindre les bors  
de l'incision faite avec des \* happes, & appliquer un  
medi

\* Fibulis.

medicament glutinatif. Si la fistule va tout droit contre bas, apres auoir sondé & cogné avec l'éprouuete quelle part elle tend principalement, la sinuosité doit estre incisée; puis il faut ieter des happes sus les bords de la peau, & par dessus appliquer semblablement des medicamens glutinatifs: & si l'ulcere est fort \* corrompue, ce qu'aduient quelquefois estant l'os uitié, ayât curé l'os, on applique des \* suppuratifs. Entre les costes, les fistules coustumiérement tendent contre bas par dessous icelles: & auenant ce cas, en cest endroit, d'une part & d'autre il faut trancher & oster la coste, à fin qu'au dedans il ne demeure rien de corrompu. Quand ces fistules ont passé & pénétré outre les côstes, coustumiéremēt aussi elles offensent & endommagent la \* courtine trauersiere, qui diuise les boyaux des entrailles superieures: ce qu'on peut congnoistre par la situation de l'ulcere, la grandeur & uehémence de la douleur, & de ce qu'aucunefois le uent en sort avec un' humeur escumeuse & \* ampaulleuse, principalement quand le patient ferme la bouche, & retient son aleine. Les medicamens ne proufient de rien en telles fistules. Aux autres qui sont à l'entour des côstes, & guerissables, les medicamens \* gras & unctueux sont contraires: & doit-on user de ceux qui sont propres aux playes. La charpie seche appliquée y est fort bõne: & s'il est question de mondifier & absterger quelque grosse matiere, il la faut tremper en miel. Au dessous du uentre il n'y a point d'os, neantmoins les fistules en ceste part sont fort pernicieuses, de façon que Sostratus les estime incurables: mais l'experience monstre que du tout il n'est pas ainsi: & certes (ce qu'on pour-

\* sordide, humide, purulente.

\* pour appaiser la douleur, qui se fait, quand en raclant l'os on touche à la membrane Peristios.

\* le diaphragme.

\* bullante.

\* suppuratifs.

ra iuger chose admirable) elles sont plus seures contre la ratelle, le foye, & l'estomach, que contre les boyaux : non que la maladie soit là plus pernicieuse, mais pource qu'elle donne lieu à un autre danger : ce qu'ont cogneu plusieurs auteurs par expérience, n'entendans pas toutesfois l'occasion d'où cela procede.

\* Il sembleroit donc si vne si grande maladie est facile à guerir, que la fistule du ventre le deueroit aussi estre.

Car \* souuent le uentre est percé avec quelque arme, & les boyaux sortis sont remis, & les bors de la playe sont cousus. Certes si une petite fistule perce les muscles du uentre, on peut retrancher les callosités, & ioindre les bors de la playe par cousture : mais si la fistule penetre au dedans, la retranchant il est necessaire qu'elle delaisse un pertuis large, lequel par dedans on ne peut coudre qu'avec grande uiolence, où la membrane nommee des Grecs Peritoine termine les muscles du uentre. Par ainsi quand le patient commence à cheminer, & se remuer, la cousture se rompt, & les boyaux se delient, & tombent, à raison de quoy il faut qu'il meure : mais la curation n'est pas impossible ni desesperee en toutes fistules, ains quand elles sont petites, on peut & doit entreprendre de les guerir. Les fistules du fondement requierent aussi une particuliere obseruation. Ayant ieté dans icelles un eprouuete, on \* incise la peau au dernier bout de son extremité, & par le nouueau trou qu'on aura fait, on tire dehors l'eprouuete, avec un fil suuant, passé par dedans l'autre bout d'icelle, expressement pertuisé pour cela. Lors on prend le fil, puis on nouë les deux bouts ensemble, de sorte qu'il tienne lasche la peau qui est sus la fistule. Le fil doit estre de lin cru, double ou triple, retors de sorte que tous les filets soyent reduits en un fil. Cependant le malade

\* la perce avec le bout de l'eprouuete.

lade peut negotier ses affaires, cheminer, aller aux estuues, prendre ses repas comme une personne bien saine. Tant seulement deux fois le iour il faut tirer & mener le fil, excepté le nœu, de façon que la partie qui est au dessus & dehors de la fistule, entre dedans, se dōnant garde que le fil ne pourrisse: & pour obuier à cela, de trois iours en trois iours on delie le nœu, puis on attache un fil frais au bout de l'autre, & ayant sorti le uicil, on le laisse dans la fistule avec un semblable nœu. En ceste maniere petit à petit le fil coupe la peau qui est au dessus de la fistule, tranchāt la partie d'icelle qu'il atteint, & peut mordre, & \* guerissant la partie qu'il ne touche plus. Ceste procedure de curation est longue, mais sans douleur. Si on ueut se haster d'auantage, il faut serrer la peau avec le fil, à fin que plus soudain il coupe, & de nuit mettre dedans la fistule une tente qui ne soit pas trop mince, à fin que la peau soit d'autant extenuée, qu'elle sera estendue. Mais ces remedes causent douleur. On expedie encor plustost, mais aussi le tourment est plus grand, si \* on engraisse le fil & la tente de quel qu'un des medicamens qui rongent & consomment la callosité. Il se peut aussi faire, qu'on est contraint en ceste partie de curer le mal avec le rasoir à deux tranchans, asçauoir quand la fistule na en dedās, & quand ell' a beaucoup de sinuosités. En ces especes de fistule on iette une eproouete dedans, puis on coupe la peau à deux taillades, ostant & leuant une petite eguillite d'icelle entremi les deux taillades, à fin que les bors ne se ioignent pas si tost, & qu'il y ayt lieu pour mettre de la charpie & des plumaseaux, lesquels toutes fois on doit mettre en fort petite \* quantité, &

\* Car le lin a  
insigne vertu  
de secher les vl  
ceres.

\* Roger attache au bout du  
fil vne bende-  
lette ointe d'un  
caustique &  
la laisse dās la  
fistule.

\* à fin qu'ils  
ne chargent  
trop la partie,  
& n'empes-  
chēt le cōduict  
de la matiere  
fecale, ou de  
l'vrine.

au reste pourfuyre la curation comme d'un absces. Si d'un orifice procedent plusieurs sinuosités, premiere-  
ment il faut inciser celle qui est droicte : puis passer un  
fil dans les autres qui se manifesteront. Si quelque fi-  
stule penetre en dedans, de sorte qu'il ne seroit sans

\* facile d'em-  
plastes & me-  
dicamens qui  
ayēt vertu de  
consommer la  
callosité.

\* Par ce  
qu'aux fistu-  
les y a intempe-  
rature seche,  
& principale-  
ment si elles  
sont fort calen-  
ses.

\* à fin qu'il  
ayt bone quan-  
tité d'aliment  
pour restituer  
la substance  
perdue.

danger y mettre le fer trenchant, on y met une \* ten-  
te. En tous ces cas icy soit qu'on y procede avec opé-  
ration manuelle, soit qu'on le cure avec medicamens,  
on doit nourrir le patient de viandes \* humides, luy  
donner beaucoup à boire, & long temps de l'eau : &  
quand la chair commencera à croistre & s'engen-  
drer, lors il faut qu'il uoise aux estuës, mais peu  
souuent, & qu'il use de viandes qui luy \* remplissent  
le corps. Albucrasis estime la fistule penetrante dans  
le boyau, quand avec le doigt mis au fondement on  
sent à nu le bout de l'éprouuete, estre incurable : tou-  
tefois s'il y a quelque peu d'esperance, qu'on la doit  
cauteriser avec un fer chaud subtil, proportionné à la  
grandeur de la fistule, par deux ou trois fois, iusques  
à ce que toutes les callosités soyent consummees, pre-  
ferant le fer chaud au fer trenchant, par ce qu'il cor-  
rige l'intemperature de la partie : qu'il n'excite point  
de fluxion : qu'il brule la callosité : qu'il empêche &  
arreste le flux de sang : qu'il desche l'humidité super-  
flue assemblee là. Auicenne & Lanfranc sont d'opi-  
nion, si la fistule du fondement ne fait grand ennuy,  
qu'on n'y touche point avec les remedes susdicts pour  
la curer : & qu'on se contente de la tenir nette avec  
linge, coton, & lauemens appropriés, comme est ce-  
stuy-ci de Rasis, Encens, sarcocolle, aloë, sang de dra-  
gon, alum, antimoine, balaustes, de chacū deux drach-  
mes, \* fleur de caryure, demie drachme. De tous ces  
simples

\* On la nôme  
vulgairement  
cheze les fon-  
deurs Pouffet  
de caryure.



simples on forme trochisques avec eau de pluye : lesquels on destrempe avec decoction de galles, pour faire l'iniection, & lauement: & est à noter que pour ceste fistule le patient ne uit pas moins, mais parauenture plus longuement, par ce que son corps se purge par là, comme par une mourrue, ou par un émonctoire artificiel. M. Guy de Cauliac, suyuant la pratique de son maistre qui est urayement ingenieuse pour arrester l'instrument, iette dans la fistule avec le fil une sonde courbe canulee, & par dessus le canal d'icelle incise la peau avec un cultellaire chaud: mais c'est merueilles que contre l'avis non seulement de Brun & Theodorice qu'il allegue, ains aussi de Leonides, Aeginete, Aëce, Celsus, Albucrasis, il soustiët n'estre nécessaire d'extirper la callosité, ains qu'on la doit laisser, & procurer, qu'elle se face plus grande. L'opérateur soit auerti que appliquant le cautére & les caustiques, à l'entour il faut tousiours user pour empêcher l'inflammation, de refrigeratifs, repërçussifs, & mitigatifs de douleur, & cuison.

## Des hemorrhoides. CHAP. LXXIX.

**L**a cognoissance des hemorrhoides nous est manifeste & certaine par ce qui est euacué. Auant l'operation nous donnons vn clystere en grande quantité, partie pour decharger les superfluités des boyaux, & partie pour irriter le siege, à fin que plus promptement il se renuerse en dehors. Or nous situons le malade en vn iour beau & bien clair, & si nous voulons user du fil qui en serrant les abbate, nous ieterons vn fil de cinq doubles sus le bord de la vei-

ne tout à l'enuiron, & avec iceluy ferrerons chacune hemorroïde, en laissant vne seulement, pour donner issue au sang superflu, ainsi que \* Hippocrates le conseille & commande. Les ayant serties, nous appliquons dessus vn drap-  
 peau double, avec vn bandage propre au fondement: ordonnans au malade qu'il se repose, & sollicitans son ventre avec de l'huile tiede, ou d'eau-miel. En apres nous appliquerons le cataplasme faict de \* miette du pain & de safran. Quand les hemorroides seront tombees, nous les cicatriferons avec fomentation de \* vin. Leonides n'vse point du fil: ains avec vnes pin-  
 cetes empoigne les morruës, les tient longuement serrees, puis les coupe d'vn rasoir à deux tranchans. L'operation faicte on vse du medicament composé de manne d'ençens, amidon, & chalcitis: ou de celuy qui est faict d'esponge  
 brulée avec de la poix: & pour les cauteriser du tout on peut aussi vser du trochisque de Faustus. Aucuns autres remplissent la coupe d'vn staphylocauste \* de quelque medicament cau-  
 stique, & cauterisent les morruës tout ainsi que la luete.

## ANNOTATIONS.

La recepte du trochisque surnommé Faustin est, Orpiment iaune, douze drachmes; orpiment rouge, drachmes six: chaux uiue, drachmes huit: papier brulé, une drachme: on forme les trochisques avec le suc, ou la decoction de myrtilles; & qui en ueut user, les destrempe avec la decoction de lentilles, myrtilles, & racin

\* Aph. 12. li-  
 ure 6.

\* & de lait  
 pour appaiser  
 la douleur.  
 \* noir, gros, &  
 rude.

\* Cy-dessus  
 au chap. 31. &  
 Annotations  
 de la Luete.  
 nous auôs de-  
 claré sa figu-  
 re. M. Roger  
 le nomme Ca-  
 psulam.

racine de ronce. Ce nom Grec de Hemorrhoids est imposé à cause du flux de sang. Or c'est (dit Aëce) un'espece d'aneurysme faict au siege, estans quelques vaisseaux ouuerts, & par succeßion de tēps l'ouuerture deuenue calleuse. Des hemorrhoides les unes sont ouuertes, les autres fermées. Nous les appellons fermées, quand tousiours elles sont ensiées, & ne iettent rien: ouuertes, quand par interualle de temps elles rendent du sang. Ceste disposition est cause de plusieurs maux aux hommes: car ou ell' oste la naturelle beauté, ou elle conduit à une miserable uie, ou elle tue. Elle gaste la naturelle beauté, pource qu'à raison de la grand' euacuatiō la couleur de tout le corps est changée, & corrompue. Elle precipite en misere les patiens, pour la foiblesse de leur personne: elle les met quelque fois en danger de mort, quand le foye refroidi à cause de l'euacuatiō, immoderee amaine l'hydropisie. Ayant ordonné bon regime & saigné le malade, il faut extirper toutes les hemorrhoides, & n'en laisser pas une, au contraire de ce que plusieurs cuydent, estant possible de guerir, & uenir à la fin pretendue en les extirpant entierement, pourueu qu'on tienne tousiours bonne maniere de uiure, & qu'en temps, deu & conuenable on se face tirer du sang. Tel est l'auis d'Hippocrates en cest aphorisme. Qui guerit les hemorrhoides inueterées, si on ne se garde, il est dangereux qu'il ne succede hydropisie, ou consommation hectique du corps. Il n'a point dit, comme aucuns estiment, si on ne garde & reserue une hemorrhoides pour euacuer le sang, mais, si on ne se garde, qui est à dire, si le patient n'use de bon regime: & que cela soit le sens & iugement de l'auteur,

la distinction & phrase de l'aphorisme le monstre: car il dit, Qui guerit les hemorrhoides inueterées, &c. Or guerir est parfaitement curer, & du tout deliurer du mal. Parquoy suyuant le conseil d'Hippocrates, il faut trencher toutes les Hemorroides, n'en laissant pas une seule: & apres la parfaite curation avec bonne maniere de uiure reduire le corps en son estat naturel, & en temps opportun piquer la ueine du coude, à fin que le sang accumulé soit euacué. Pour les extirper il faut preparer le malade, luy donnant peu à manger, de l'eau à boire, & le plus souvent luy faisant prendre un clystere tant pour uider la matiere fecale, que pour rendre le fondement plus prompt à se renuerser. Ce fait, avec un crochet on prend chacune des morruës, ayant premierement scarifié la racine à l'entour: on les tord: puis quelque peu de temps apres on les lie, & coupe. Car l'entorceure qui procede de la ligature serre les uaisseaux de façon que les ayant coupés, il en sort moins de sang. Parquoy il faut avec un crochet estendre & souleuer chacune morruë, puis scarifier sa racine tout à l'enuiron, l'entorcer avec le crochet mesme, qu'on baille à tenir à un seruiteur: en apres on fait le semblable aux autres. Les ayant toutes souleuees & scarifiées au pié, on les attache l'une apres l'autre d'un fil, que semblablement on donne pour tenir à un seruiteur, & lors on tranche la premiere souleuee, & ainsi les autres consequemmet à leur rang. Apres on applique quelque poudre, restrictive, puis un'esponge attachee d'un fil, laissant pendre le bout d'iceluy par dehors. On use apres de charpies & tentes, d'esponges, de bendages propres au fondement, procedant

cedant en la curation qui reste comm' est l'usage commun. Cest' operation est le plus seur & court chemin de curer les morruës. Mais pource qu' aucuns trouuent meilleur de se purger assiduellement par icelles, comme les femmes par leurs fleurs, & aucuns pauvres & craintifs desirent plustost, qu'on les leur mortifie toutes, ou quelques unes seulement, par medicamens, sans y toucher du ferrement. Premièrement, pour les irriter, empecher qu'elles ne se serrent, attirer & renuerser le fondement, on y applique du suc de cyclaminum seul, ou cuit avec du miel: & quand elles apparoissent, pour les ouvrir, on y applique du fiel de bœuf sus un petit floc de laine. Si elles iettent trop de sang on y applique un restrictif fait de acacia, plumbago \* de chacune demie once: tragagant deux drachmes: on puluerise chacun de part: puis les ayant meslés, on les incorpore avecques d'eau. Pour les mortifier & abbatre ce remede est singulier: Orpiment rouge & iaune, de chacun egaleme't: on les destrempe avec lexiue, puis on l'applique ou au soleil, ou deuant le feu: & doit le patient demeurer en mesme situation, iusques à ce qu'on laue la partie, pour nettoier le medicament. En demieheure ce remede mortifie & desèche la mourrue, & la fait cheoir du fondement. C'est une maladie & passion du siege (dit Celsus,) quand les orifices des ueines s'eleuent comme de petites testes, lesquelles souuent iettent du sang. Les Grecs les appellent Hemorrhoides. Cela auient aussi en la bouche & \* entree de la matrice aux femmes. En aucuns hommes qui ne sont point debilités du flux de sang, par ce que cela leur est pour purgation, & non maladie, il n'est seur de les sup-

\* c'est la crasse du plomb, semblable à litharge, qui reste après qu'on a fondu l'or ou l'argent: ou bien la mine qui tient d'argent & de plomb.

\* Nous en auons traité cy-dessus ampleme't chap. 71.

primer : & aucuns apres en estre gueris , par ce que le sang n'ayant plus son issue , retournoit & regorgeoit sus les entrailles, & parties naturelles, ont esté frapés de soudaines & tresgrieues maladies. Si l'excèsif flux de sang nuit à quelqu'un, on le fait asseoir en une decoction de uerueine : puis on applique dessus de l'ecorce de grenade puluerisee , avec des feuilles de roses seches , ou quelque autre medicament de ceux qui arrestent le sang. Coustumierement il y suruient inflammation, & principalement quand la matiere fecale dure blesse la partie, & lors on fait asseoir le patient en un demibain d'eau douce; on le foment & avec des œufs: puis on y applique un iaune d'œuf meslé avec du \* uin pasi, & des feuilles de roses. Si la mourue est externe, on l'oingt de ce remede avec le doigt: si ell'est interne, on l'aplique avec un drapeau couuert d'iceluy. A ce mesme sont bons les remedes conuenables aux creuaces recentes. En ce cas on ordonne les uiandes que dirons en la curation des rhagadies. Si ces remedes seruent de peu, on consomme les testicles des ueines avec des medicamens caustiques. Or si la maladie est inueterée, Dionysius y applique de l'orpiment rouge, puis le medicament composé comme s'ensuit : Escaille de cuyure, orpiment iaune, de chacun cinq parties; de chaux uiue, huit parties. Le lendemain on \* pique les morruës d'une eguille. Ayant brulé & cauterisé les testicles, il se fait une cicatrice, qui empeche le sang de fluer. Mais apres l'auoir arresté, à fin qu'il ne cause quelque danger, il faut consumer & resoudre l'abondance de sang avec grand exercice: & d'auantage, aux hommes, & aux femmes qui n'ont point leurs fleurs, il faut quelque fois oster

\* Aux annotations du chasuyuant il se dira comme cela se fait.

\* fait, comme ils parlent en Languedoc, & proprement, des raisins passés, c'est à dire ostendus & sechés au soleil.

\* Car si elles ont encor senti mêt quand on les pique, on iette encor du sang, c'est si gne qu'elles ne sont pas du tout mortificées & faut y remettre du caustique.

oster du sang du bras. Les orifices des ueines qui iettēt du sang, sont fermēs & ostēs en ceste mainiere. Si le sang coule seul, il uient par ouuerture de ueine, sans douleur, & est bon qu'il sorte, pourueu qu'il ne passe mesure. Mais la sanie meslee avec le sang, monstre affluxion d'humeur acre, qui cause douleur, ulcere, & fistule: à raison de quoy l'operation manuelle y est necessaire. Si avec le sang qui sort y a de la matiere sanieuse meslee, on lache le uentre avec medicamens plus acres, à fin que les orifices s'auancent & foriettent d'auantage. Par ce moyen on les uoit tous comme de petites testes. Or si la teste est petite, & a sa racine & base gresle, avec un fil on la serre un peu au dessus du lieu où elle est ioincte au siege: puis on applique un'esponge trempee en eau chaude, pendant que la douleur de la ligature presse. En apres avec l'ongle ou le rasoir à deux trenchans, on l'ulcere \* au dessus du noeū. Qui ne feroit cela, s'ensuyuroyent de grieues douleurs, & aucunes fois difficultē d'urine. Si la teste est plus grande & sa base plus large, on l'empoigne avec un crochet ou deux, puis on le coupe un peu au dessus de la base, sans laisser aucune portion de la teste, ni aussi couper aucune chose du fondement: & pour trouuer ceste mesure iuste, il ne faut ni peu ni trop attacher le crochet. A l'endroiēt où l'on a fait l'incision on passe un'eguille enfilee, & au dessous du trou faict par icelle, on serre & lie la teste avec le fil. Si elles sont deux ou trois testes, on depeche premierement la plus basse. Si elles sont plusieurs en nombre, il ne faut mettre la main à toutes ensemble, à fin qu'en mesme temps toutes les cicatrices ne soyent tendres. S'il auient flux de sang, on met de la charpie dessus

\* à fin que plus tost il se mortifie, par l'euacuation du sang & esprits contenus en la partie.

\* d'huile tiede, pour appaiser la douleur, & fuir le danger de conuulsion, qui par sympathie pourroit auenir aux parties prochaines.

apres l'auoir nettoyé avec un'esponge: on fait des onctions \* sus les cines, sus les cuisses, & toutes autres parties prochaines de l'ulcere: & par dessus on applique un cerat. La partie incisee se doit emplir d'un cataplasme fait de farine d'orge poitric en eau chaude, lequel se retient avec bendage conuenable.

Le lendemain, on met le patient en un demubaing fait d'eau chaude, & derechef on applique le cataplasme susdict. Auant & apres l'operation, tous les iours deux fois on engresse le col & les cuisses d'un cerat liquide, & fait-on demeurer le patient en un lieu chaud. Passés cinq ou six iours, on tire dehors la charpie, avec un'eprouuette à cur'oreille: & si les testes ne tombent avec la charpie, on les ebranle avec le doigt, pour les faire cheoir: puis on guerit l'ulcere

\* qui desechet sans mordication.

avec medicamens gratieux. \* La auons nous dit ce qu'il faut faire quand le condylome est extirpé. Voyez la la procedure des anciens. Nos praticiens sagement disent, les hemorrhoides estre tumeurs aux extremités des ueines hemorroidales, qui se font par affluxion d'humeur: leurs differéces estre, qu'elles sont grandes ou petites: en grand ou petit nombre: internes ou externes: qui pour la pluspart iettent assiduellement quelque peu de sang, avec une eau iaune: & sont de mesme couleur que la peau du corps, comme dit Albucrasis: ouuertes & fluentes, ou closes & serrées: item qu'elles sont semblables ou à une ampouille faite de bruleure, qu'ils nomment Vesicales: ou à un grain de raisin, qu'ils nomment Vuales: ou à une meure, qu'ils appellent Morales: ou à une uerrue, qu'ils appellent Verrucalés. Les premieres sont faites par affluxion d'humeur pituiteuse & sereuse: les secondes par affluxion de sang louable en qualité, re-



dondant en quantité : les troisiemes par affluxion de sang melancholic : & les dernieres par affluxion de suc melancholic. Les hemorrhoides s'ouurent & iettent sang, quād les humeurs qui affluent sont acres & corrosiues : ou quand on prend medicamens acres ou insignement amers, qui les irritent, & piquent, comme scammonée, & aloë. Avec les hemorrhoides se trouue ordinairement douleur & pesanteur du dos & des hanches : mauuaise couleur du uisage : & uolontiers elles fluent de mois en mois, ou de trois en trois mois. Si elles iettent moderément & la personne supporte l'euacuation sans ennuy, on ne les doit retenir, car elles preseruent de melancholie, \* manie, lepre, strangurie, & autres telles affections melancholiques : mais si le flux passe mesure, on l'arreste : car autrement il cause hydropisie pour la refrigeration du foye, avec une resiccation, refrigeration, & extenuation du corps que les medecins nomment *Senium ex morbo* : comme estant indeuément retenu & regorgant au foye & au polmon il cause hydropisie par la suffocation de la chaleur naturelle, & consommation hectique du corps, rompāt quelque ueine au poulmon, & l'ulcerant : & est digne d'estre noté ce que \* Galien dit, qu'indiscretement on ne doit accoustumer nature à la purgation hemorrhoidale, par ce que l'exces de trop & de peu en icelle est dangereux, la douleur uehement des hemorroides facilement excite inflammation, absces, & fistule, si promptement on n'y remedie. Aux morruës trop fluantes on ordonne les pilules de bdellio de Rasis : & l'electuaire de scoria ferri mentionné par M. Gui de Cauliac, presuppposant tousiours bon regime qui n'engen

\* aph. II. &  
21. liure 6.

\* commentai-  
re de l'aphor.  
25. liure 4.

dre point sang, ni excremens melancholiques. On donne à ieun la racine de uerbascus cuicte avec syrop de roses seches: des trochisques de charabe: du codignac & fruiçts adstringens apres le past: & en este on applique un sachet faict de trois parties de roses, & une de myrtilles, quelque peu bouillies en d'eau: en hyuer un sachet de sauge cuicte en huile rosat: on applique des uentouses sus les espaules: & sus la partie, une tente faicte de poil de lieure, & d'araignee, couuerte de ce medicament restrictif: Aloe, encens, balaustes, sang de dragon, de chacun egalemēt: soyent incorporés avec blanc d'œuf. Si ces remedes ne profitent, on les extirpe, l'une apres l'autre par interualle de temps plustost que toutes ensemble. Auant l'operation, principalement si elles sont internes, on fait aller le patient à la selle, ou de soymesme, ou avec quelque clystere piquant, à fin que le fondemēt se renuerse: & si cela ne suffit, on les oingt & frotte de quelque chose cuisante, ou dessus l'on applique des uentouses. Quand par cest industrie elles sont apparentes, on les prend avec un crochet, ou avec l'ongle: & si elles echappent, & glissent à cause de leur humidité & mollesse, on les tient avec un drap rude, ou avec du coton: puis ou l'on y applique des corrosifs pour les mortifier, comme celuy qui est composé de sel gēme, sel nitre, tartre brulé incorporés avec miel: ou de plus forts caustiques & ruptoires, approchés dans une petite chappe. Roger la nomme Capsulam: ou bien on les coupe avec un ferrament froid, ou chaud. Aucuns les tranchent avec un ferrament froid, puis pour doute du sang, & pour les mortifier du tout appliquent dans l'orifice de la ueine par deux ou trois

trois fois un cautere actuel, long & grelle, comme le punctuel, ou un cautere potentiel. Mais ceste procedure semble tourmenter les patiens hors de raison, neu que le cautere actuel appliqué tout d'une uenue, est suffisant pour toutes ces intentions. Aucuns trouvent meilleur le fil, qui petit à petit les serre davantage, iusques à ce qu'elles soyent tombees. Albucrasis suyuant la maniere dictée ci-dessus en la curation des aneurysmes, enfile un'eguille d'un fil double & fort : passe l'eguille à trauers la racine de la morrue : puis coupe le fil pres du pertuis d'icelle : & de chacun des filets serre la morrue. Ce mesme auteur pour destourner le trop grand flux, & remedier à la refrigeration & imbecillité des parties naturelles procedante d'iceluy, applique un grand cautere sus le croupion : ou trois oliuaires, en triangle, sus la dernière rouelle du dos : un cluaire sus la regiõ du foye : un autre sus la region de la ratelle : un autre deux doigts au dessous du nombril : & si pour estre refroidi l'estomach, le malade ne fait point de digestion, & le uisage luy enfle, un autre sus la region de l'estomach : les entretenant longuement ouuerts. Apres auoir fait les operations susdites, au fondement, pour mitiguer la douleur, & empecher l'inflammation, on applique en forme de lauemēt la decoction de semence de courtes & pourpie : un blanc d'œuf : le cerat de Galien : du populeum : la mucellage de psyllium tiree avec quelqu'eau refrigeratiue. Quand les mourruets sont grosses, pleines, tumides douloureuses & ne iettent point, premièrement on oste du sang du bras : puis si besoin est, de la cheuille du pied, comme Galien commande en la sciatique : en apres on les ouure ou avec

la lancette, ou avec des sansues, ou avec du lait de figuier, un rouleau d'oignon d'aloë destrempé avec fiel de bœuf: ou suppositoires faits de chair de colocynthe & amâdes ameres meslees également, qu'on remue de cinq heures en cinq heures. Pédant qu'on dresse ces remedes, ou si le patient ne ueut endurer l'ouverture, on appaise la douleur avec decoction de mauues, guimaues, parietaire, uiolettes de Mars, lin, senegré, chamomille, melilot. D'icelle on fait des euaporations dans une selle percee: des fomentations avec un'esponge: des demibaings: & y estant le malade on luy met sous les fesses un sachet rempli des simples de la decoction. Aucuns appliquent un oignon blanc bouilli, tamisé, & melle avec beurre: Aucuns, de la farine de lentilles bouillie, & meslee avec un i'aune d'œuf, & huile rosat: Aucuns, diachylon, ramolli avec huile rosat, ou avec gresse de cane, avec un peu de saffran & d'opium: Aucuns du beurre fondu & écume, noirci en le broyant au soleil dans un mortier de plomb: Aucuns, la gresse d'un'anguille rostie, avec de l'huile de lin. Les remedes suyuant sont excellentement bons: Racine de guimaue, feuille de porreau, chamomille, melilot, de chacun une poignée: soyent bouillis & tamisés: puis qu'on y aiouste farine de lin & senegré, bdellium liquefié avec gresse de cane, de chacun un'once: soit fait cataplasme. Si la durté est grande, soit fait oignement d'huile de noyaux de peches, bdellium, gresse d'oye, & de cane. Si la cuisson, ardeur, chaleur & piqueure y est grande, ou y a quelques ulceres, & creuaces, pren huile rosat quatre onces, ceruse une once, litharge demie once, cire deux drachmes, escorce de mandragore demie drachme,

me, opium un scrupule: soit fait oignement. Le su-  
uant est singulier en ceste matiere, & au teinesme ou  
eprainctes, Encens, myrrhe, licium saffran, de chacun  
une drachme: opium deux drachmes: soit fait oigne-  
ment avec huile rosat, mucillage de psyllium, & un  
iaune d'œuf. Quelquefois la douleur proced de ce  
que les eminences & excroissances des morruës sont  
sorties & ne peuuent rentrer: on regarde lors de  
quell'espece elles sont. Aux uales on use des pre-  
miers remedes sus recités. Aux uesticales des remedes  
où entre bdellium, sus mentionnés. Aux morales de  
remedes qui desechent sans mordication faicts de la  
poudre de feuilles de plantain, & uerbascus, racine  
de cane brulee, ceruse, litharge, huile rosat, & sem-  
blables, reduits en forme & consistence d'oignement:  
aux uerrucates, d'huile uiolat, huile d'amendes, beur-  
re, mucillages, iaune d'œuf: car à cause de leur siccité  
elles ont plus grand besoin d'estre humectées. Voyla  
fort au long la curation des hemorrhoides, que j'ay  
poursuiui d'autant plus curieusement, que les chirur-  
giens souuent y sont appelés & empechés, & aussi,  
comme dit Celsus, que soigneusement nous deuons re-  
chercher & apprendre de guerir le mal aux par-  
ties, que chacun maugré soy decouure & monstre à  
un autre.

Des Condylomes ou eminences, & creuaces.

CHAP. LXXX.

**L**E condylome du fondement differe seule-  
mer quant au lieu, & à la situatiō, de celuy  
qui est en la nature des femmes. Or c'est vn'e-  
minence, eleuatiō, ou excroissance du siege ri-  
dée, à cause de quelque inflammation ou creuace  
prece

\* Albucrasis  
les nōme The-  
lul, ou Althe-  
lul.

\* chap. 71.

\* qui en brûlant  
fait crouste.

precedente. Au commencement on le nomme  
Excroissance, & quand il est devenu calleus,  
Condylome. Il faut, comme auons dit \* des con-  
dylomes qui sont aux parties honteuses des fem-  
mes, les prendre avec vnes pincetes, les cou-  
per, puis les traiter avec medicament \* escha-  
rotique. Quant aux creuaces, qui se font prin-  
cipalement par la rencontre, charge & asperité  
de la matiere fecale dure, & qui s'entretiennent  
& enuieillissent, par ce que se faisant la cicatri-  
ce, elles deuiennent calleuses, nous les raffrai-  
chissons & renouuellons en les \* raclant de l'on-  
gle, ou du rasoir à deux tranchans: puis avec re-  
medes conuenables les cicatrisons.

\* Albucrasis  
veut, si les ayant  
raclees vne fois  
elles ne gue-  
rissent, qu'on y  
retourne pour  
la seconde, les  
raclant & fai-  
sant saigner  
d'auantage.

#### ANNO TATIONS.

Condylome, dit Aece, est une tumeur contre natu-  
re de quelque ride des parties du fondement redou-  
bles. Le fondement a naturellement plusieurs re-  
plis, & sinuosités emmoucellees & entassees les unes  
sus les autres. Quand l'un de ces replis est tumide &  
eleué plus qu'il ne doit estre, on nomme ceste maladie  
Condylome. Quelque fois il est mol, & se fait sans in-  
flammation: quelque fois il est dur, & douloureux, &  
se fait avec inflammation. Les creuaces & fentes du  
fondement sont au muscle sphinctere, ou au siege, &  
se font quelque fois par l'acrimonie des humeurs qui  
affluent: quelque fois par l'inflammation, tumeur, &  
distention des condylomes qui rompent & fendent  
les parties prochaines. Au commencement on essaye  
de les guerir par medicamens. Si telle curation ne  
sucedde, ains ces tumeurs & creuaces deuiennent cal-  
leuses

leuses, & dures, on y procede par operation manuelle: aux condylomes, situant commodement le malade, les prenant & attirant avec unes pincettes, & les coupant iusques à la racine. Aux creuaces, on racle les bors calleus d'icelles, pour rendre l'ulcere fraiche, & recente: ce faict, on use de suppuratifs, puis d'abstersifs, & en fin de cicatrisatifs. Le siege (dit Celsus) endure plusieurs maladies facheuses, & ennuyeu-  
ses, qui se guerissent par moyens dedaigneux & mal plaisans. Premièrement la peau d'iceluy se taille & fend souuent, & en plusieurs endroits. Les Grecs appellent ce mal *παρυδακ*. S'il est recent, on fait reposer le patient, & seoir en un demibaing d'eau chaude. On fait cuire des œufs de pigeon: & quand ils sont durs, on oste la coque: puis on met l'un dans de l'eau bien chaude, & de l'autre on foment la partie, se servant de l'un apres l'autre alternatiuement: on y applique l'oignement basilicum, ou l'emplastre, qu'on  
\* nomme Rhypodes, destrempé en huile rosat: ou de \* l'œsypus recent, meslé avec cerat faict d'huile rosat: ou bien du plomb laué, avec ce mesme cerat liquide: ou de resine terebinthine, myrrhe, lytharge avec d'huile uieil. Si la partie creuacee est au dehors, & non cachée au dedās, il y faut appliquer un drapeau, ou une charpie couuerte des medicamens susdicts, & par dessus de ce qu'aurons appliqué, mettre un cerat. En ceste maladie il ne faut point user de uiandes acres, rudes, qui serrent le uentre: uoire les seches sont contraires, n'estoit qu'on en usast bien fort peu. Les uiandes liquides, lenitiues, grasses, glueuses sont meilleures. Rien n'empêche qu'on ne boyue du uin amiable & gracieux. Condylome est un tubercule  
prouenu

\* Celsus le décrit chap. 19. liure 5.

\* c'est l'ordure, la crace, & la gresse de la laine orde.

prouenu de quelque inflammation. Incontinent qu'il est engendré, quant au repos, boire, & manger, on doit obseruer le conseil que maintenant auons donné. Il est aussi bon le fomentier avec des œufs, comme a esté dict. Mais au parauant on doit faire seoir le patient en un demibaing préparé de la decoction des herbes adstringentes: puis on applique de la farine de lentilles avec du miel: du melilot bouilli en uin: des feuilles de rōce avec du cerat \*rosat: avec ce mesme cerat une pōme de coing broyée: le dedans d'une escorce de grenade bouilli en uin: chalcitis brulée, puluerisée incorporée avec œsypus & huile rosat: ou ce médicament suyuant: Litharge cinq parties: ceruse trois: alum de plume, deux: encens, une: en les broyant dans le mortier, on iette dessus de l'huile rosat & du uin alternatiuement: on \* fait un bendage d'un linge ou drapeau quarré, qui a en deux de ses chefs deux anses, & aux deux autres chefs deux bendes. On met le drapeau sous le fondement, amenant & couchant les anses sus le uentre: & par derriere on attire les bendes qu'on passe dans les anses. Estant ainsi ioinct & serré le bendage, on tire la bende dextre uers le costé gauche, & la fenestre uers le costé droit: puis les ayant ceintées à l'entour du uentre, finalement on les attache & noue ensemble. Si le condylome est inueteré & endurci, & ne se diminue point par l'usage des remèdes susdicts, on le cauterise avec ce médicament: Antimoine, opium, acacia, de chacun seize parts: encens, douze: gōme Arabic, huit: myrrhe, quatre: uerdet, deux. Avec ce médicament aucuns raffraichissent & renouellent aussi les ulcres des creuacées calleuses. Si ce remède n'est assez fort, on y peut ap-

\* préparé d'hui  
le rosat.

\* Nous auons  
fait mention  
de ce bendage  
cy-dessus chap.  
66.



pliquer quelque autre caustique plus uiolent. Estant la tumeur consumée, on use des medicamens lenitifs. Nos practiciens trouuent ce remede singulier aux creuaces, Huile rosat, quatre onces: cerusse, demie once: cire, trois drachmes: plomb brulé, deux drachmes: amydon, tragagant, de chacun une drachme: opium, camphre, de chacun demie drachme. Soit fait oignement. Si ces maladies ne sont ueincues par medicamens, elles demandent l'operation manuelle. Si les creuaces sont inueterées, endurcies, & calleuses, il est fort bon lascher le uètre, puis appliquer une esponge chaude, à fin que les creuaces se relaschent, & sortent dehors. Quand elles apparoissent, on les tranche, chacune de part, avec le rasoir à deux trenchans pour raffraichir & renouveler les ulceres, puis on applique un linge mol, & par dessus un drapau oingt de miel: & remplit on le lieu de laine souëue, avec bendage conuenable. Le lendemain & autres iours suyans on use de medicamens doux, qui conuiennent en ceste mesme disposition recente. Les premiers iours on nourrit & entretient le malade avec des bouillons, aioustant par apres quelque chose à son past petit à petit. Si quelquefois aux creuaces il uient \* inflammation qui tende à suppuration, incontinent que cela apparoistra, il faut l'inciser, à fin que le fondement ne suppure: & ne se faut point haster \* plus tost. Car si on l'incise du tout crue, \* elle s'augmente fort, & par apres s'y engendre plus grande quantité de matiere purulente. Pour guerir la playe de l'incision, on use de medicamens, & uiandes lenitues. Quand les eminences qu'on appelle Condylomes, sont endurcies, on les guerit en ceste maniere:

\* ne pouuât estre curée par repercuissifs, digestifs, purgation vniuerselle, & bon regime.

\* qu'on n'aye essayé les remedes susdicts, & cognen qu'ils ne seruent de rien.

\* par ce que la douleur augmenta la fluxion, qui apres se suppure. Qu'on n'exposeroit ainsi c'est auteur, il cōtrediroit à Hippocrates, liure des fistules.

Premie

Premièrement on lasche le uentre : puis on prend le condylome avec unes pincettes, & ainsi on le coupe pres de sa racine. Ce fait, on suit la mesme procedure que j'ay dict maintenant, deuoir estre tenue apres la curation des creuaces. Seulement adiousteray ie, que s'il auient quelque excroissance de chair superflue, on la consomme & diminue avec l'escaille du cuiure.

## Du fondement clos. CHAP. LXXXI.

**Q**uelque fois il se trouue, qu'aux enfans venans au monde le fondement est clos de nature, par ce qu'il est bouché de quelque membrane. Or s'il est possible, on la rompt avec les doigts: & si non, l'ayant coupée avec la pointe d'un petit rasoir à deux trenchans, on la baigne de vin pour guerir la playe. Souuent aux personnes grandes & aagees à raison de quelque vlcere mal gouuernée, les bords du fondement se prennent & glutinent. Ce cas auenant, il les faut separer, & déboucher le conduit avec quelque instrument conuenable, puis traiter & curer l'vlcere, comme il appartient, & iusques à ce qu'il soit parfaictement gueri, mettre d'as le siege vn canon de plomb, ou vne tente semblable de figure à vn coin, couuerte & engressée de medicamens cicatrisatifs, à fin que derechef les bords du fondement ne se glutinent, & reioignent.

## A N N O T A T I O N S.

Le discours du 72. chap. qui touche à mesme fait que cestuy-cy, & qui est long & ample, nous excusera

\* Aïce dit  
cela auoir  
quand on incise  
& ouvre  
quelque grâd  
absces.

sera de chercher plus curieuse declaration de ce chapitre. Mais pource que nostre auteur n'escrit point la chirurgie qui se pratique en la cheute & relaxation du fondement, qui est une maladie facheuse & frequente, aux enfans principalement, en passant nous en diròs quelque chose. Presupposant que ce mal auient d'un humeur pituiteuse qui abreuve les trois muscles du fondement, asçavoir le sphinctere, & les deux qui le souleuent & retirent en haut, apres avoir ordonné bon regime, & purgé le corps, pendant que le siege est dehors on le lave avec du vin où auront cuit des herbes chaudes, comme sauge, rommarin, laurier, stœchas, & autres semblables, avec quelques simples adstringens, comme roses, myrtilles, ecorce de pin, racine de fouchet & autres de mesme faculté: puis on le sinapise de quelque poudre bien subtile qui soit forte desiccative & adstringente, comme est ceste-ci: Encens, mastich, sang de dragon, sumach, escorce de berberis, bois de cypres, myrthe, galles, escorce d'encens, de chacun trois drachmes: antimoine, ceruse, plomb brulé, de chacun une drachme & demie. L'ayant sinapisé, on le remet dedans: puis on fait un demibaing de la decoction susdicte preparee avec d'eau, y adjoignant cinq ou six pots de gros vin noir: & deux ou trois de \* mure, & quelque quantite d'alum. Aëce conseille froter le boyau sorti, de sel: ou le fomentier avec d'eau salee, ou de mer, mais ces remedes sont un peu suspects, par ce que le sel, l'alum & autres semblables medicamens piquent le boyau, donnent envie d'aller à la selle, & ainsi prouoquent le fondement à sortir. On y fait aussi des embrochations & fomentations avec la decoction susdicte: des parfums avec

\* eau salee.

la despoille d'un serpent, bdellium ; l'escorce du cap-  
 prier : des emplastres avec les choses susdictes , huile  
 de mastich, de la sauge, & de la rue. Si tous ces reme-  
 des ne profitent, Leonides, estant la fluxiō pituiteuse  
 sus ceste partie difficile à guerir, & le mal inueteré, a  
 recours au cautere. Car iasoit que les boyaux soyent  
 tenus entre les parties de nostre corps qui sont de con-  
 sequence, l'inferieure extremité du boyau droit n'est  
 point en ce rang, pouuant estre incisée & cauterisée  
 sans d'anger, comme l'experience tesmoigne. On cau-  
 terise donc l'exterieure & inferieure partie du siege,  
 avec des cauterres à bouton, appliqués par intervalles  
 mediocres. Ce remede est suffisant pour ueindre la  
 fluxion : & d'auantage la cicatrice qui succede ferme  
 & solide, reserre le siege al'entour. Apres l'opera-  
 tion on applique des drapeaux trempés en lait &  
 miel battus ensemble, avec bandage conuenable. La  
 crouste tombée on use du cataplasme fait de lentilles  
 & miel : & l'ulcere mondifiée, on use de l'emplastre  
 d'orge, ou d'autres cicatrisatifs.

La \* maniere de couper les varices.

#### CHAP. LXXXII.

**V**ARICE est vne dilatation de veine, qui se  
 fait quelquefois aux temples: quelquefois  
 en la partie \* du petit ventre qui est au dessous  
 du nombril, quelquefois aux testicules : mais le  
 plus souuent aux jambes & cuisses. La matiere  
 pour la plus \* part est vn sang melancholique.  
 Nous auons escrit l'operation necessaire en la  
 varice des testicules parlans de Cirfocele. Nous  
 ferons pareille operation en celles de la jambe,  
 la

la pratiquant & exerçant au dedans de la cuisse, où la plus part se trouue l'origine & production de la veine variqueuse. Car comme plus bas elle se deuise en beaucoup de rameaux, l'operation en est plus mal aisée. Auant que l'exécuter, nous faisons aller aux estuues le patiét, & se \* bagner : puis ayant lié la superieure partie de la cuisse, luy commandons de cheminer : & quand la veine sera remplie de sang, suyuant son estendue, nous la marquerons avec d'encre, ou d'un collyre, à la longueur d'environ trois doigts, ou quelque peu plus. Ce faict, nous couchons le malade à la renuerse, ayant la jambe estendue, & faisons vne seconde ligature au dessus du genoil : & comme la veine est fort tumide, & releuée, d'un rasoir à deux tranchans, sus la marque tracée nous faisons incision qui ne soit point plus profonde que la peau : à fin que ne tranchions la veine. En apres avec des crochets nous souleuons les bors de la playe, & avec de coutelets courbes propres à la chirurgie des hernies aqueuses, nous escorchons & separons les membranes, pour denuer la veine : & apres l'auoir decouuerte de tous costés, nous defaisons les bandages de la cuisse : puis eleuans & suspendans le vaisseau d'un crochet mouce, nous passons par dessous vne eguille enfilee d'un fil double : puis ayant coupé le fil là où il commence à \* estre redoublé, avec vne lancette nous incisons la veine au milieu, euacuans de sang autant qu'il est de besoin. Apres nous passons vn autre fil sous l'inferieure partie du vais-

\* à fin que la veine se remplisse d'auantage, & se mostre plus grosse. Au lieu du baing, Albu crasis māquāt la commodité d'iceluy, conseil le la fomentatiō avec d'eau chaude & au se de racler le poil, premier que commencer l'operation.

\* pour retirer l'eguille, demeurant le fil.

seau, pour le serrer, & apres auoir estendu & souleué la iambe droicte, en pressant des mains nous euacuons le sang qui est en l'inferieure partie d'icelle: puis ferrons & lions le vaisseau par embas. Ce faict, ou nous coupons & osons la partie du vaisseau qui est entre les deux fils, ou nous la laissons demeurer là iusques à ce qu'elle tombe de par soy avec les fils. Sus la playe nous metons de la charpie seche, & vn  
 \* drappeau longuet, moillé de vin & d'huile, avec bandage conuenable. Au reste nous vsons de medicamēts supputatifs appliquez avec charpie. Iesay aucuns des anciens n'vser point des filz susdicts, ains incontinct couper le vaisseau: & aucuns le tirer du profond, l'arracher & rompre de violence, mais la procedure susdicte est la plus seure de toutes. Quant aux varices destemples, & de l'inferieure partie du ventre, nous les curerons avec l'operation declarée  
 \* ci-dessus, quand auons escrit la maniere de couper les vaisseaux.

ἡ τὴν σπλάνην.  
 vulgairement,  
 vne compresse.

\* chap. 5.

#### ANNO TATIONS.

Aëce lie seulement la superieure partie du vaisseau, puis tranche & extirpe tout le tronc d'iceluy qui estoit gros & enfle: & l'operation acheuée, remplit la playe de manne d'encens: & commande au malade de se reposer, & tenir la iambe en situation haute: car pendant contre bas, les humeurs y afflueroyēt. Aucuns (dit-il) trouuēt meilleur de la cauteriser, & appliquent les cauterēs sus le vaisseau par intervalle d'un ponce: & quand la crouste est cheute, & l'ulcere incarné

incarné & cicatrisé, confortent le membre. Aucuns usent de cest emplastre qui deseché sans mōrdication, encor qu'avec la uarice y ayt des ulceres sanieuses. Asphaltum, demie liure : huile fort uieil, huiet onces : terebinthine liquide, sept onces : souphre uif, quatre onces. On rompt l'asphaltum à la grosseur d'un chiche : on le conqasse grossièrement : on le cuit avec l'huile, iusques à ce qu'il soit liquefié : puis y ayant aiousté la terebinthine, on les cuit ensemble iusques à ce qu'il ne souille plus les mains, & apres l'auoir osté du feu on iette par dessus le souphre puluerisé, puis on met le tout dans un mortier plein d'eau froide, l'incorporant curieusement ensemble. Les uarices des iambes (dit Celsus) aisément s'ostent : & semblable est la curation des uarices en la \* teste, & au uentre. Toute ueine \* nuisible, ou se consomme par le cautere, ou se tranche par operation manuelle. Si ell'est droite, on bien encor qu'elle fust trauersiere, si ell'est simple & petite, meilleur sera de la cauteriser. Si ell'est courbe, & repliée en reuolutions circulaires, ou bien si elles sont plusieurs entortillées & ioinctes ensemble, il est plus utile de l'oster avec la main. La façon de la cauteriser est, Par dessus on incise la peau : & ayant decouvert la ueine, on y applique un \* ferrement gresse & mouce, embrasé, l'imprimant \* doucement & mediocrement, auisant de ne bruler point les bords de la playe lesquels facilement on recule avec de petits crochets. Cela se fait le long de toute la uarice, par espace & interualle enuiron de quatre doigts : puis on applique un medicament propre à la curation des brulures. On la coupe en ceste manière, Au dessus de la ueine on incise la peau en mesme sorte qu'a esté dict,

\* aux tēples.

\* grosse & tumide contre nature : & à ceste raison causant douleur, ou empêchant l'action du membre :

\* comme un petit cautere, clauel.

\* à fin que le feu ne penetre, point outre la ueine.

\* de quatre  
doigts.

\* Albucrasis  
commence ces  
incisions au ge-  
noil. les achève  
à la cheville.  
A mon avis  
on les doit com-  
mencer à la  
cuisse.

\* Albucrasis  
commence de  
faire cela en la  
plus basse, suy-  
uant ainsi aux  
plus hautes.

Aucuns pour  
doute du flux  
de sang, com-  
mencent à la  
plus haute, &  
suyuent de  
rang aux in-  
ferieures ins-  
ques à la plus  
basse.

\* M. Guy  
soudain apres  
cauterise le  
bout superieur  
de la veine, &  
toute la playe  
avec d'Arse-  
nic, ou vn can-  
tere actuel.

on empoigne les bors de la playe avec der crochets:  
on separe de toutes pars la veine des particules cir-  
coniacentes, se donnant garde que, ce faisant, on ne la  
blesse: on luy iette par dessus un crochet mouce, &  
par mesme \* espace ou interualle qu'a esté dict ci-des-  
sus, on fait mesme incision de la peau, & separation  
de la veine, de laquelle on congnoist aisement \* l'e-  
stendue, & là où elle va, en souleuant le crochet. \* Ayât  
faict le mesme tout du long de la varice, en une incision  
hausant la veine avec le crochet, on la coupe, puis  
en l'incision suyuaute, où est le prochain & second  
crochet, on la tire, arrache, & \* coupe. Faisant  
ainsi quand on aura osté toute la varice de la iambe,  
on ioint les bors des incisions faictes, & par dessus  
on applique un emplastre glutinatif. Albucrasis qui  
à cause de leur tortuosité les appelle Vignes, sagement  
auant toute l'operation saigne le patient de la basili-  
que, & purge le corps des humeurs melancholi-  
ques. Son operation manuelle est double. En l'une  
il foment la iambe avec d'eau chaude, pour subtilier  
le gros sang melancholique, & enfler les veines: puis  
il bande & serre fort la cuisse depuis l'eine iusques au  
genoil, en apres il pique la veine en un, deux ou trois  
lieux de la greue, faisant l'ouuerture grãde & large,  
& tire du sang en suffisante quantité, autant que la for-  
ce du patient le comporte: puis bende la playe, comme  
est l'ordinaire en la saignée, deffendant au malade l'u-  
sage des viandes melancholiques, & reiterant toute  
ceste procedure quand decresche les veines s'enflent.  
L'autre operation est celle de Celsus, excepté quel-  
que diuersité ci-dessus annotée en la marge. Il  
aiouste d'auantage, quand on veut tirer & arracher  
la vei



la ueine, si avec les doigts il ne se peut faire, ou qu'elle echappe, & n'obeisse pas, qu'on passe par dessous un'e guille avec un fil double & fort, & par le moyen d'iceluy qu'on la tire: ou bien qu'au dessous d'icelle on iette un manche d'eprouuette, & le tournant qu'on l'enueloppe & ameine: en quoy se faut donner garde de la rompre, ou inciser, car se rompant on ne la peut plus haucer, & en quient danger & inconuenient au malade. Si la ueine est tortilleuse, & ses anfractuosités sont separees l'une de l'autre, il auertit qu'on fende & incise la peau sus chacune d'icelles, & qu'on face au reste comm'a esté dict, se soygnant fort de n'entamer la ueine. Les varices s'engendrent aux personages de complexion melancholique, & qui se nourrissent de uiandes melancholiques, aux iambes de ceux qui trauaillent beaucoup, cheminent à pied, & portent grans fais: en la declination des fieures agues qui brulent le sang, & les humeurs, & aux femmes enceintes, ausquelles pour la suppression de leurs fleurs le sang melancholique est retenu, & par iceluy dilates les ueines du uentre & des iambes. Il est meilleur n'essayer point de guérir les inueterées, par ce qu'elles preseruent de plusieurs maladies, & que moyennant ceste curation le sang est rechaßé quelquefois aux parties nobles, & souuent aux autres, où il cause maladies facheuses, & malignes ulceres: outre ce que l'operation manuelle est dangereuse de flux de sang, & de chancre. Les varices en aucuns sont maladies hereditaires, & bien souuent prouiennent à cause de la region où l'on habite, comme les maladies que les Grecs nomment *εὐσπασμὸς*. Hippocrates au liure du Medecin, contre l'opinion d'Al-

bucrasis, commande nommément de faire, en incisant les uarices, la playe petite, pour doute de la perte du sang. J'ay grand' experience de l'emplastre qui s'enfuit aux uarices inflâmées, avec ulcères douloureux: Acacia, hypocistis, tartre, alum, de chacun demie once: boli armeni, myrtilles, de chacun trois drachmes: farine de lupins, crottes de chieure, de chacun deux drachmes: uinaigre rosat quatre onces: huile rosat, cire blanche, resine autant qu'il est necessaire pour luy donner son corps. On cuit l'huile & le uinaigre ensemble, iusques à la consommation du uinaigre: on aiouste la cire & la resine, & en fin les poudres.

## Des dragonneaux. CHAP. LXXXIII.

\* cha. dernier.

**N**ous auons traité au quatrieme liure \* la curation des dragonneaux, par ce que principalement on y procede par medicamens.

## ANNOTATIONS.

En Inde, Aethiopie, Arabie & autres regions chaudes, brulees, & où la terre produit peu de uerdure, s'engédrent les dragonneaux aux parties du corps musculenses, comme les bras, les cuisses, les greues, principalement des enfans, ausquels on les uoit aussi s'engendrer, & manifestement remuer sous la peau des côstes. On en trouue de grands & de petits. Ce sont animaux semblables aux uers du uentre, qui se remuent sous la peau, sans faire aucun ennuy. Leur generation procede de pourriture. Quand leur extremité a demeuré long tēps en quelque lieu, le membre s'inflamme, & l'endroit où est leur bout, se suppure, & comme dit Albucrasis, s'y fait une uescie, laquelle se

le se rompt, & d'icelle sort la teste du dragonneau. Soranus conteste & afferme n'estre point un animal, ains une condensation & engrossissement de quelque petit nerf superficiel au dessous de la peau, qui semble aux patients & medecins avoir mouvement. Quand on le tire, il fait grande douleur, & principalement si à force de tirer on le rompt. Car ce qui demeure se retourne en dedans, & cause douleur \* uehement. Or à fin qu'estant rompu, il ne suye & recoure en dedans, on attache & serre fort le membre où il est, auançant tous les iours la ligature, à fin que le dragonneau qui petit à petit monte, & chemine, par icelle, soit empeché de reculer quand on le tire, & ainsi ne rompe point. Leonides veut qu'on foment le lieu avec \* d'eau miel, puis avec d'huile d'aluine, ou d'aurone, ou quelqn'autre de ceux qui tuent les uers, n'y appliquant toutesfois aucune chose acre, de peur qu'il n'y suruienne inflammation. On y applique aussi des cataplasmes laxatifs, & suppuratifs, cōposés de farine de froment ou d'orge, avec d'huile, & d'eau miel. Si par l'usage de ces remedes le dragonneau de soy-mesme chemine, & uient en auant, de sorte qu'on le puisse tirer, il n'est besoin faire autre chose d'auantage. Mais s'il uient à suppuration, on use des cataplasmes sus mentionnés, avec les fomentations des huiles recitées: puis on y applique un emplastre fait de miel & bayes de laurier. La suppuration estant faite, on incise la peau de long: & ayant osté le dragonneau ainsi decouuert, on remplit la playe de charpie & plumaceaux, continuant la curation par suppuratifs, sarcotiques, & cicatrisatifs, comme des autres ulceres. Aucuns, comme ci-apres sera dict plus

\* aposteme, pu  
trefaction, &  
ulcere malin.  
Albucasis.

\* pour l'atti-  
rer dehors, com-  
me les vers  
qui suyuēt &  
cherchent la  
douceur.

amplement, ueulent qu'on attache au dragonneau un  
 petit contrepois de plomb, à fin que doucement on  
 l'ameine dehors, sans y proceder de uolence. Aucuns  
 blament ce conseil, allegans qu'avec le contrepois il  
 se rompt, & fait de grieues douleurs, mais que le plus  
 expedient est, mettre le membre dans l'eau chaude, à  
 fin qu'il se traîne dehors: puis le tirer avec les doigts  
 petit à petit. Albucasis qui estoit du pays où ce mal  
 regne, & l'appelle Venam cruris, comme les autres  
 Arabes Venam Meden, ueut qu'on y attache le mor-  
 ceau de plomb pesant iusques à deux drachmes, &  
 comme il sortira quelque chose du dragonneau, qu'on  
 l'enveloppe à l'entour dudit plomb, & qu'on le noue:  
 si ce qui sort est fort long, qu'on en coupe une partie,  
 & enveloppe le reste, le tirant ainsi gratieusement,  
 iusques à ce que du tout il n'en demeure rien: assurant  
 en auoir ueu de cinq & dix palmes, & auoir seu de  
 uray, en estre sorti du corps d'un homme, qui auoit de  
 longueur vingt palmes. Si en le tirant il se rompt,  
 cest auteur ueut qu'on icette un eproouette longue &  
 mince dans la cavitè du dragonneau, pour sus icelle  
 l'inciser, avec la peau qui le couure, & oster toute la  
 matiere qui y est contenue, puis qu'on procede en la cu-  
 ration de l'ulcere avec remedes propres. Il escrit aus-  
 si, ce mal, quand principalement il uient en la iointe  
 du pied, ou sus le pied, auoir plusieurs branches, &  
 plusieurs orifices, de cbacun desquels il sort comme la  
 teste d'un petit animal de cest'espece. A ce mal ressem-  
 ble un autre que les Arabes nōment le mal des bœufs,  
 par ce qu'ils y sont suiets. C'est un petit uer engen-  
 dré de pourriture d'humeurs entre chair & peau, qui  
 change de place, montat & descendant, ce qu'on voit,  
 & sent,

Et sent, iusques à ce qu'en fin il rompt la peau & sort. Le plus grand mal qu'il apporte, est qu'aucune-fois en se pourmenant il monte en la teste, se traîne en l'œil, le perce, & creue, & rend le patient auuegle. Le uoulant tirer, on se prend garde quand en cheminant il se remue: lors par dessus & dessous on serre le membre, & ayant incisé la peau sous laquelle il se tapit, on le iette dehors. S'il se cache au profond de la chair, on y applique un cautere actuel, le poussant si auant qu'on le touche, & tue. S'il monte en la teste, auant qu'il entre en l'œil, on serre fort le front au dessus du sourcil, & apres auoir incisé la peau, on le tire. Au reste le malade se doit purger souuent, & n'user de viandes chaudes & humides, qui engendrent putrefaction. Au pays des Arabes se trouue aussi une maladie qu'ils appellent Nakir: c'est une douleur qui saisit quelques membres du corps, & des uns se remue aux autres. Albucrasis estant un iour appelle pour une uillageoise, ueit une petite inflation sus le plus insigne rameau de la ueine humerale, que les Arabes nomment la Chorde du bras. Vne heure apres il ueit ceste inflation monter sus l'os de l'auambras, comme un uer, iusques à l'epaule, mais aussi soudain, comme les gouttes d'argent uif: spandue, qui se ueulent assembler. La douleur abandonna son premier lieu & s'arresta en l'epaule. De là une heure apres elle courut par tout le corps, iusques à ce qu'elle passa en l'autre bras, & la patiente contoit qu'elle se changeoit ainsi par tous les membres de son corps. L'auteur ayant obserue plusieurs fois une douleur passer d'un membre en un autre, mais ne l'ayant iamais remarque de l'œil, comme en la malade susdicte, décou-

roit que son corps estoit sec & maigre, & ses ueines decouuertes, & qu'à ceste raison on uoyoit la uentosité se remuer ainsi, qui ne se peut uoir aux corps humides, nourris en delices, & qui ont les ueines cachees. Quand ceste uentosité se presente à la uue, on serre, & lie soudain le membre au deffous & au dessus d'icelle: puis on fait incision sus le lieu où ell'est retenue, & apres l'auoir fait sortir, on y applique un cautere. Si elle ne se uoit point, on purge le corps avec pilules de sagapeno, fortides, & semblables: & resout-on les uentosités avec medicamens carminatifs. Galien chap. 3. liure 6. De locis affectis, dit bien auoir ouy parler des dragonneaux, mais n'en auoir iamais ueu. L'auteur de l'introductoire en a baillé sommairement la chirurgie. L'auteur des Définitions dit le dragonneau estre un ulcere, auquel de la partie prochaine se rend un nerf: & qu'on le nomme ainsi, par ce que quād on le touche, & manie, il se retire, & cache dans l'ulcere: en quoy obscurement & confusement il s'approche de l'opinion de Soranus, & comprend quelque partie de ce qu'auons déclaré. Aucuns cudent les uers ausquels Theophraste chap. dernier du 9. liure de l'histoire des plantes, dit les Aegyptiens & Arabes estre suiets, estre ces dragonneaux.

La maniere d'extirper les extremités du corps.

CHAP. LXXXIIII.

**Q**Uand les extremités du corps, comme les pieds ou les mains, sont tellement pourries, que les os mesmes sont corrompus, ou estés brisés & fracturés de quelque cause externe, ou

par

par quelque cause interne vitiées & putrefiées, de sorte que la maladie requiert leur extirpation par la sie, auant que faire cest'operatiō, il est necessaire inciser toutes les parties circoniacentes à l'os. Mais pource que quand premierement on fait cela, puis quelque temps apres, & non à l'instant mesme, on sie l'os, il suruient danger de flux de sang, Leonides sagement & avec bonne consideration, n'incise point du commencement toutes les parties, si elles n'estoyent parfaicte-ment pourries, ains de premiere arriuee coupe hastiuement iusques à l'os, la partie où il cuide n'estre plusieurs & grandes veines, ni arteres: puis sie l'os le plus soudainement & diligemment qu'il est possible, iettant vn drapeau vse sus la partie incisee, à fin que menant la sie, on ne l'egratigne, d'où s'ensuyue douleur: en apres il tranche le demeurant qui restoit encoires à couper, applique des fers chauds pour arrester le sang, couure la playe de charpie, & l'ayant bendee comm'est de besoin, la traite avec remedes suppuratifs.

*Const*




*Cousteau courbé  
pour couper prom-  
ptement les mu-  
scles jusques aux  
os & gangrenes.*

*Rasoir propre à diuiser le cuir & la  
chair aux profondes gangrenes. Les  
Grecs le nomment σμίλην, & quel-  
quesfois σμίλιον : ordinairement on le  
traduit Scalpellum. C'est le Rasoir  
à deux tranchants.*






*Sie pour extirper les membres.*




Bec


*Bec de corbin propre à tirer les vais-  
seaux pour les lier.*



*Constean*

*Cousteau à vis en chassé de fer  
pour couper grand quan-  
tité de chair.*



*Jambes de bois pour les pauvres.*


- AA. L'arbre de la jambe.  
 BB. Les deux fourchons pour inserer la cuisse, dont le plus court se doit mettre dedans l'arbre.  
 C. Le coussinet pour supporter mollement le genouil sur la rondeur de l'arbre.  
 DD. Les courroies avec boucles trauesantes en deux endroitz les fourchons de la cuisse, pour la serrer & tenir entre iceux.  
 E. La cuisse.

Main

*Main de fer extérieure pour at-  
tacher au bras, & à la  
manche du pour-  
point.*



## Bras de fer.




1. Le braccet de fer pour la forme du bras. 2. L'arbre mis au dedans du grand ressort pour le tendre. 3. Le grand ressort qui est au coude. 4. Le roquet. 5. La gachette. 6. Le ressort qui poise sur la gachette, & arreste les dents du roquet. 7. Le clou à vis pour fermer le ressort. 8. Le tournant de la hausse de l'avantbras qui est au dessus du coude. 9. La trompe du gantelet, fait à tournant avec le canon de l'avantbras, qui est en la main.



*Tenailles incisives pour  
coupper les doigts.*

*Cautes plats pour l'ex-  
tirpation des mem-  
bres. Botall.*



## ANNOTATIONS.

Quand les gangrenes (dit Celsus) se font depuis les coudes & les aisselles iusques aux ongles des mains, ou des pieds, & les remedes n'y profitent de rien, il faut couper le membre : ce qui se fait avec extreme danger : par ce qu'en l'operation mesme souvent les patients meurent ou d'un flux de sang, ou d'un cœur failli : mais il n'importe rien si ce remede, qui est seul & unique, est seur ou non. Entre la partie corrompue & la saine, d'un rasoir on incise la chair iusques à l'os, auisant de ne faire ceste incision contre la jointure, & trancher plustost quelque chose de la partie saine, que laisser rien de la malade & corrompue. Estant uenu à l'os, on recule d'iceluy la chair saine, & par dessous on la tranche à l'entour d'iceluy, à fin qu'en cest endroit l'os soit aussi decouvert : ce faict on le coupe avec une sic fort pres de la chair saine, qui luy est adherente : puis on applanit le front de l'os que la sic fait inegal, aspre, & raboteux : & par dessus on attire la peau, qui en cest' operation doit estre large & spatieuse, à fin que de toutes pars elle couure bien l'os. Ce qui ne peut estre caché de la peau, doit estre couuert de charpies, & plumaceaux, & par dessus faut mettre un'esponge trempée en vinaigre. Le reste de la curation se poursuit comme a esté commandé aux playes ausquelles on doit user de suppuratifs. Les extremités du corps (dit Albucrasius) se corrompent par causes externes, & singulierement piqueures ou morseures de bestes ueneneuses, ou par causes internes. Les signes de la corruption sont, que le membre deuient noir comme s'il estoit brulé : & apres la noirceur se pourrit : & chemine la putre

\* On la con-  
gnoist à ce  
qu'elle est fer-  
me : & que la  
piquant d'un  
poignon ou  
d'une aiguille el-  
le a sentiment.



putrefaction & corruption d'une partie à autre.

Après avoir usé de tous conuenables remedes, si on ne la peut arrester ni guerir, il faut extirper le membre hastiuement, pour euitier la mort, qui est plus griëue que la perte d'iceluy. Si la corruption est en l'extremité d'un doigt, coupe le, & ne luy donne espace de s'auancer en la main. Si ell'est en la main, tranche la au bout des os du petit bras, & ne la laisse gagner iusques à l'os du coude & du rayon: si ia elle y est, coupe le petit bras en la <sup>\* ioincte</sup> du coude. Si elle passe outre la ioincte, la mort du patient y ua, & ne se doit faire l'operation, si non que le malade fust fort robuste. On procede semblablement au pied. Si la mortification est en un doigt, on le tranche en l'une de ses ioinctes: si ell'est en l'auanpiéd, on coupe tout le pied: si elle monte en la grëue, on tranche la iambe en la ioincte du genoil: si ell'a franchi & passé le genoil, il n'y a plus d'ordre, & faut abandonner le patient à la mort. Pour executer l'operation, on fait au dessus & au dessous du lieu qu'on ueut inciser, une <sup>\* ligature</sup>: & tiennent ferme les bandes d'icelle deux seruiteurs, l'un par enhaut, & l'autre par embas. Ce fait on incise la chair qui est entre les deux ligatures, iusques à ce que l'os soit tout decouuert, lequel incontinent doit estre sië, iectant un drapeau sus la partie saine, à fin que la sie ne la blesse, d'ou soit causee douleur & inflammation. Auenant flux de sang qui empesche le maistre, on cauterise soudain le lieu, ou l'on applique des poudres restrictiues, puis on retourne à l'operation iusques à ce qu'elle soit acheuee. Icelle faite, & le membre bendé comme est requis, on le pense avec remedes conuenables. Au doigt du

<sup>\* avec rasoirs,</sup>  
 & autres tels instrumens tranchans sans y employer la sie.

<sup>\* à fin que la</sup>  
 chair recoigne plus fermement le tranchât du rasoir: & que le sentiment de la partie saine

par ce moyen soit quelque peu stupefië: qu'après l'incision le sang

soit arresté par la compression de la ligature: & que le membre soit presen-

té ferme à l'operateur. D'a-

uantage par ce moyen on tiend les muscles &

la peau eleue en haut, qui après l'operation reconuient les extremités des

os coupés, & la cicatrice faite, leur seruë cōme d'un couf-

sinet.

pied d'un certain personnage uint une noirceur semblable à bruleure de feu, qui s'estendit en tout le pied avec douleur & ardeur: le patient incontinent se fait couper le pied par la iointe, & guerit. Quelque temps apres la mesme noirceur luy uint au doigt de de la main: il s'adresse à moy. Ayant purgé tout le corps, ie y appliquay des remedes propres au mal, qui ne profiterent de rien, & cependāt la corruption s'auança en la main. Le patient uouloit que ie l'extirpassé: ce que ie n'accorday, esperant que les remedes repercuissifs arresteroient la fluxion, & doutant qu'en l'operation il ne mourust, par ce qu'il estoit ia debile. N'obtenāt cela de moy, il retourna chez soy, cōme depuis i'ay entēdu, se fait couper toute la main, & guerit, dit Albucrasis: & seruira cest'histoire au medecin, pour en semblable cas ne desesperer point du tout la curation de si facheuse maladie. Theodoric abreue & trempe un'éponge dans ius de morelle, iusquiamé, cigue, mandragore, laictue, \* hedera arborea: la deseché au soleil: & un peu auant l'operation la met en eau chaude, puis la fait sentir au malade, qui par ce moyen tombe en un profond dormir, pendant lequel il execute l'operation: & icelle acheuee, le reueille iettant dans le nés & les oreilles du ius de rue, ou de fenail, ou luy approchāt du nés un'éponge mouillee en fort uinaigre. Les autres pour endormir le patient luy font boire d'opium, qui est une tresdangereuse drogue, ennemie des facultés qui gouvernent nostre corps, & par l'usage de laquelle plusieurs apres auoir perdu le sens en fin sont morts. M. Gui de Cauliac, par ce que les patiens ont perpetuel regret d'estre mutilés, & stropiés, & cuident qu'avec

\* Aucuns pour ceste plante entēdēt Apocynon de Dioscoride: les autres, & mieux comme ie cuide, Smilax leuis, duquel la semence avec Dorycnium se presente des songes tumultueux & terribles.

qu'avec bonne diligence du chirurgien le membre se pouuoit sauuer, ne l'extirpe point: mais suyuant l'opinion de Henri & Theodoric premierement separe le sain d'avec le corrompu en l'incisant du rasoir, pour couper chemin à la gangrene, ou au sphacelos, à fin qu'il ne procede plus outre: ce faict il applique entre le sain & corrompu sus de la charpie, de l'arsenic préparé ou non préparé, puluerisé & incorporé avec du uin: & à fin que ce medicament, qui est extremement uiolent & corrosif, n'excite inflammation en la partie saine, sus icelle il applique quelque deffensif, comme l'oignement de bolo, & autres semblables. Au reste il scarifie de profondes incisions la partie du membre qui est corrompue, & mortifiée, puis la sinapise avec poudre faicte d'aloë, myrrhe, acacia, gallia & aliptamoschata, santaux, fleur de grenadier, nois de cyprès, nois muscade, lignum aloes, sel armoniac, alum, commun: & l'enueloupe d'ans un spanadrap, ou toille ciree de poix, resine, colophonia, encens, mastic, styrax, gomme arabic, & tragacant: & la laisse ainsi accoustree iusques à ce que de soy-mesme elle tombe. M. Ambroise Paré chirurgien fameux de nostre aage, liure 7. de sa Chirurgie, enseigne apres l'extirpation du membre, l'industrie d'arrester le flux de sang avec le bec de corbeau, & par points d'eguille, sans y employer le cautere actuel ou potentiel, qui cause douleur extreme, fièvre, syncope, cōsomme grāde quantité des parties charnues & nerueuses, à raison dequoy les os demeurent nus & decouuers, & ne se peut cicatrifer souuent la playe, y restant un ulcere incurable.

De la chair superflue qui couure les ongles.

CHAP. LXXXV.

**L**E Pterygium des ongles, est vn' excroissance de chair superflue, qui couure vne partie de l'ongle. Elle s'engendre principalement au pouce de la main & du pied. Au pied elle se fait le plus souuent pour auoir chouppé & heurté contre quelque chose dure. En la main, ordinairement elle succede à vne \* paronychie, quand les parties inflammées & suppurees n'ont esté traitées comme il appartient. Car la matiere purulente retenue & sejourante en la partie suppuree ronge & mange la racine de l'ongle, la gaste, souuent la destruit toute, mais pour la plus part le milieu d'icelle, laissant iouxte sa racine quelque portion d'icelle qui n'est pourrie, ni contaminée, & aucune fois toute la racine entiere, & sans corrosion. Quelque fois elle corrompt l'os: & le signe est, que la partie sent mal: que le doigt \* s'applatit en son extremité, & qu'il se monstre liuide. L'operation manuelle en ceux-ci est, que par dessous on coupe & oste avec le fil d'un rasoir à deux tranchans la portion de l'ongle qui reste: puis avec vn fer chaud ou canterise la partie qu'on a coupee. Car pterygium qui est vn'espece d'ulcere sordide, puante, putride, & de pascence, que les Grecs appellét Nomas, ne se peut corriger, ni arrester, si on ne luy donne le feu: & si on n'y vse grande diligence, corrompt le doigt. Si n'estant aucun vice en l'os, ni en l'ongle, l'exterieur coin & angle d'icelle se met au dessous de la

\* Les chirurgiens vulgairement la nomment Panaris du mot Grec corrompu.

\* par ce que la substance qui fait le bout du doigt à demi ronde se reue, se pourrit & suppure.

la \* chair qui luy est contigue, & la poignant cause inflammation, il faut eleuer la partie de l'ongle qui pique, ietant dessus, le manche delié de quelque coutelet, ou autre semblable instrument, & avec le trāchant d'un rasoir à deux fils le couper, puis cōsommer la chair eminente dessus l'ongle avec vn caustique. Plusieurs ont esté gueris par voye de cest'operation. Mais si la chair eminente dessus l'ongle est fort grande, & tumide, premierement avec le rasoir à deux fils on la tranche à l'entour, puis on y applique le caustique.

## ANNO TATIONS.

*Pterygium* est un mot equivoque pour signifier ce mal du doigt, & l'ongle de l'œil, duquel a esté parlé cideffus. Quasi toute paronychie maligne se conuertit en *pterygium*. Nostre auteur sus la fin du troisieme liure escrit la curation de ces deux affections par voye de medicamens. Albucasis outre le texte de nostre auteur, commande, si la corruption est ia imprimée en l'os, qu'il soit incisé & tiré dehors, par ce que l'ulcere ne sera iamais gueri, pendant que l'os corrompu y sera: & si la corruption est ia paruenue au doigt, il le faut couper par l'une de ses ioinctes, comme a esté dict.

Des ongles quassées & meurtries.

## CHAP. LXXXVI.

**L**Es ongles souuent par la rencōtre & percussio des choses dures sont quassées, d'où s'ensuit grieve douleur, qui nous incite d'y remédier

medier par manuelle operation. Or pour la declarer il suffira reciter les paroles de Galien. Quand les ongles (dit-il) sont manifestement quassés & meurtris, nous auons experimenté les remedes sedatifs de douleur, y estre profitables. Mais y auenant pulsation, & douleur excessiue, nous euacuons le sang qui cause ces accidens. L'operation est, Avec vn rasoir à deux tranchans bien affilé, on fait l'incision de biais, & non pas droicte, tirant de haut contre bas, en profondant: à fin qu'apres l'euacuation du sang la partie de l'ongle qui sera ainsi coupee de biais, serue comme de couuercle aux parties qui luy sont au dessous. Car qui feroit cest'incision droicte, tirant d'en haut contre bas, la chair qui est au dessous de l'ongle croistroit & s'eleueroit par le milieu de la fente, & s'engendreroit vne substance superflue que les Grecs nomment Hyperfarcome: & de là sont excitees douleurs vehementes comm'a esté dict en la curation de Paronychie, quand ceste chair excroissante est foulée & pressée de l'ongle. Or nous voyons soudain par l'incision susdicte la douleur des patients estre appaisée. Les iours suyans, nous pouons souleuer doucement la partie incisée de l'ongle, pour euacuer la matiere sanieuse qui s'accumule par dessous, puis remettre l'ongle sus la chair comme son couuercle, ainsi qu'a esté dict, & au reste faut appliquer sus tout le doigt des remedes qui soyent mitigatifs de douleur, & resolutifs.

## ANNOTATIONS.

Aucuns euident l'ongle estre l'extremité, ou comme dit Pline, la clausule des nerfs. Aucuns ueulent que soit une condensation de la peau dure, froide, sèche, & insensible: aucuns ont opinion, qu'elle soit engendrée de l'os: les autres qu'elle soit engendrée de l'os, du nerf, du ligament, du tendon de la chair, & de la peau, meslées ensemble. Galien sus la fin du second liure des Administr. anatomiques conteste la substance de l'ongle n'estre produite d'aucune d'icelles, ains auoir son essence propre & particuliere, comme les autres parties du corps, ia soit que pour participer d'alimēt, uie, & sentiment elle reçoïue un nerf, une ueine & artere, qui sont inserés en sa racine. V Ves-sal en cela n'est pas de l'opinion de Galien, & maintient l'ongle estre du tout insensible, combien que sous la racine d'icelle passent deux petits nerfs, qui s'auancent iusques à l'extremité du doigt. Aucuns ueulent le bout de l'ongle estre priuē de sentiment, mais sa racine estre merueilleusement sensible. Quelque chose que ce soit, nous cognoissons par experience les affections & solutions de continuité en la partie de l'ongle qui est ioincte à la chair, estre si douloureuses, que souuent les malades en tombēt en phrenesie, conuulsion, & syncope: & quelque fois en meurent: & pour ceste cause nostre auteur en son langage Grec n'appelle ce tourment simplement ὀδύνη, douleurs, mais περιόδυνη, excessiues & insupportables douleurs. Ce passage de Galien que nostre auteur cite, ne se trouue en aucune de ses œuures qui nous sont demeurees, & cela fait presumer quelquesuns que Galien ayt escrit une chirurgie, qui soit perdue par l'iniure

l'iniure du temps. Aëce premierement essaye quelque médicament qui resoluë le sang meürtri, comme seroit la gresse de chicure meslee avec du souffre: ou de la poix seche avec farine d'ers: & n'y profitant rien le médicament, pertuise l'ongle au milieu, pour faire sortir le sang. Albucrasis auant l'operation saigne le malade: & faisant l'operation commande expressément qu'on se donne bien garde de blesser & toucher à la chair qui est sous l'ongle: par ce que cela emouueroit une cruelle douleur, & engendreroit le pterygium duquel a esté parlé. Quand l'ongle en ces maladies tombe, iusques à ce qu'elle reuienne & recroisse, on couure le bout du doigt d'un chapeau de cuiure ou d'argent, à fin que de rien elle ne soit heurtée ni ebranlée.

Des cloux, myrmecies, & acrochordons especes de verrues. CHAP. LXXXVII.

\* Albucrasis  
le nomme Al-  
mirmar.

**L**E \* Clou est vne callosité ronde, blanche, semblable à la teste d'un clou, qui se fait en toutes les parties du corps; mais principalement en la plante du pié, & au doigt d'iceluy, causant douleur, & donnant empeschement au marcher. Il le faut descharner & inciser à l'entour, puis l'empogner avec vnes pincetes, & d'une lancette, ou d'un rasoir à deux tranchants faict en bec de corbeau, & bien affilé, le couper & tailler iusques à sa racine. Aucuns pour empeschier qu'il ne retourne, y appliquent vn fer chaud. \* Myrmecie est vne excroissance eminente en la superficie de la peau, petite, calleuse, ronde, grosse, qui est abaissée en sa racine, & quasi

\* De mot à  
mot on tourne-  
roit ce vocable  
en François, la  
verrue formil-  
lere. Car μύρ-  
μυξ en Grec  
signifie formi.



& quasi à l'egal de la peau, qui dōne \* vn sentiment comme si des formis piquoyent & charrouilloient, quand il fait grand froid. Elle s'engendre en toutes parties du corps, mais principalement aux mains. Aucuns, & du nombre d'iceux est \* Galien, avec le canon d'une plume dure, comme seroit d'un vieil coq, d'une oye, ou d'un aigle, ayant decharné & incisé la racine, en estorant & contournant poussent de force iusques au plus profond d'icelles, & ainsi les arrachent de force. Les autres font ceste mesme operation avec vn petit canon de fer ou de cuire. Les modernes trouuēt meilleur, & plus expedient, les decharner à l'entour, puis les empogner avec vnes pincettes, & d'un rasoir à deux tranchans les extirper comme les clous.

\* Acrochordon est vne eminence superficielle, petite, sans douleur, calleuse, ronde pour la plus part, qui a sa racine \* estroicte, de sorte qu'elle semble estre suspendue à quelque fiscelle. Ce nom luy a esté imposé pource qu'elle ressemble au bout ou nœu d'une corde. Nous souleuons la sommité d'icelle, & la trāchons: ou bien nous la serrons & lions avec vne fiscelle de lin, ou \* de poil. le say bien que plusieurs consomment toutes ces especes de verrues & autres semblables eminences, par ce qu'on appelle \* Cautere froid.

\* qui repercutte la matiere de la Verrue, ayant quelque peu d'acuité.

\* chap. 17. lin. 14. de la Mesothode.

\* en François on la pourroit dire Verrue chordee, ou nouëuse.

\* Albucrasis la nomme Althelul.

\* de la queue ou des creins d'un cheual.

\* Ruptoire, caustique, cautere potentiel.

## A N N O T A T I O N S.

Aux commentaires du chap. 58. & 71. a esté suffisamment traité de toutes ces especes & differences de

de uerrues, de sorte qu'il n'échet maintenant en discourir d'avantage: seulement nous aiousterons le texte entier de Galien que nostre auteur cite à demi: Plusieurs choses, (dit-il) s'inuentent aujourdhui, desquelles autemps de nos predecesseurs l'inuention n'estoit encor trouuee, comme maintenant quelqu'un a excogité à Romme de guerir les uerrues/formilleres & nouëuses avec la bouche. Quant aux nouëuses, pource qu'elles sont eminentes au dessus de la peau, ce n'est de merueilles: mais quant aux formilleres qui sont egales, & à plain de la peau superficielle, certes il semble chose estrange. Pour les curer, premiere-ment en appliquant les leures, il les tiroit à soy comme en fissant; pour les ebranler & arracher de leur racine: puis avec les dents de deuant les empoignoit, & tout d'un coup les ostoit. On peut aussi (pourueu qu'on soit habile & exercité de la main) les trancher aisément avec un rasoir à deux fils, fait en feuil le de myrte: ou avec l'instrument semblable à un petit couteau, ou caniuet, que les Grecs appellent Scolopomachæon, attendu qu'elles ont leur propre circonscription qui les separe de la peau. Nous les osons aussi avec une plume forte, & roide, mise à l'entour de la uerrue formillere. Or il faut que la plume ayt son canon uuide d'épaisseur egalle à la uerrue formillere, à fin que de toute part elle la serre fort: puis qu'on la tourne en poussant de force contre bas. Par cest industrie soudain on iette dehors toute la uerrue avec sa racine. C'est chose manifeste, que le bord de la plume qui graue à l'entour de la uerrue, doit estre mince, agu, & fort: & à ceste cause les plumes des vieux coqs, & encor plus des aigles, sont propres à cela:

à cela & en faut couper vers leur racine autant, qu'il suffit pour embrasser la uerrue iustement. Qui saura faire cest incision dextrement & gentilement il l'excutera aussi promptement, & soudainement. La raison a trouué ceste procedure, & non la fortune. Mais que par medicamens fort attractifs la uerrue soit eleuee, puis mortifiée avec des putrefactifs, cela a esté inuenté par raison: puis l'inventeur se confiant en son discours, & le metant en pratique, a cogneu son iugement estre bon, & ueritable. Car aucunes choses sont trouuees croyables par experience, comme par maniere d'exemple, tirer dehors un éclat, ou une fleche receüe de frais en quelque partie de nostre corps: ou du sable tombé en l'œil. Aucunes s'excogitent par raison, & confirment par experience.

La maniere de tirer les fleches, dards & autres armes hors du corps. CHAP. LXXXVIII.

**Q**ue la partie de Chirurgie qui enseigne à tirer les fleches & armes du corps, soit tresnecessaire, le poëte Homere le monstre en ces vers,

*Celuy qui est medicin renommé,  
Contre plusieurs autres soit estimé:  
Veu qu'il tir'hors les dars pernicioeux  
En appliquant remedes gratieux.*

En premier lieu faut reciter les varietés & differences des traicts. Leur difference consiste en la matiere, figure, grandeur, nombre, habitude ou agencement, & faculté. En la matiere, par ce que l'ente ou fust d'iceux est de bois, ou de cane: & la partie qui frappe, & blesse, ou de fer,

2  
Fer à trois  
angles.



ou de cuyure, ou d'estain, ou de plôb, ou de corne, ou de voirre, ou d'os, ou de bois, ou de cane. Toutes ces differéces se trouuēt principalement en Ægypte. Quāt à la figure, les vns sont ronds, les autres ont des angles, comme ceux qu'ils nōment Trigones, c'est à dire à trois

Enclauere de fer à  
trois angles avec  
son arrest dans  
l'ente.

\* Nous les ap-  
pellons aujour-  
duy des Ran-  
cons : comme  
nous appellons  
ceux qu'il nō-  
mēt λογχιστᾶς,  
langues de  
bœuf, & par-  
tusanes.

- A. La pointe du  
fer.
- B. Son arrest.
- C. La queue.
- D. L'ente.



angles : desquels les vns sont faicts à fourchons, comme ceux qu'ils appellent Tri glochina, sauoir est Trients, ou à \* trois fourchons : les autres ont le fer comme vne iaueline. les vns sont barbelés, les autres non : & de ceux qui sont barbelés, les vns ont leurs barbeleurs tournées en derriere, de sorte que les voulant retirer dehors, il s'empeschēt & fichēt d'auātage : les autres ont leur barbeleure tournée en deuant, de sorte que les poussant, ils s'empeschēt de mesme sorte : les autres ont d'un cost é

costé leur barbeleure tournée en derriere, & de l'autre costé en deuant, comme on peinct les traicts de la foudre de Iupiter, à fin que les retirant, & poussant, il s'empeschent tousiours plus. Aucuns, comme ils entrent au corps, ont leurs barbeleures ioinctes & ferrées en maniere d'une fiche, ou d'un gon, lesquelles s'estendent, & ouurent, quand on les retire, & par ce moyen empêcher qu'on ne les puisse arracher. Quāt 3  
à la grandeur, les vns ont la longueur de trois doigts: les vns d'un doigt, qu'en Egypte on nomme Micca: & les autres sont entremi les susdicts. Quant au nombre, les vns sont simples, les autres cōposés, auxquels on aïouste de petits & grelles ferremens, qui en tirant l'arme dehors, demeurent & se cachent au profond de la playe. Quant à l'agencement, les vns ont 5  
\* l'enclaeure & queue du fer avec son arrest plantée dans l'ente ou haste du bois, & les autres ont l'haste du bois entée dans le canon du fer: les vns sont attachés fermement à l'haste, les autres n'y tiennent gueres, à fin que quand on vouldra tirer l'arme, le fer se separe, & demeure en la playe. Quant à la faculté, les vns 6  
sont empoisonnés, les autres non. Telles sont les differences des armes & traicts. Parlons maintenant de les tirer hors du corps. Premièrement, qu'on en soit blessé en la guerre, & bataille, ou hors la guerre: qu'on s'en soit atteint à son escient, ou ne le cuydant faire, ou en quelque maniere & occasion que ce soit, & de quelconque matiere soit l'arme, & le traict, nous les ie-

\* *ὑπαχον*, cō-  
me nos bastons  
à deux bouts.

\* comme douleur, & contusion, pour la blessure d'un nerf. \* les Grecs le nomment aussi *ἀντρακίον*, comme si nous disions la Queue du traict.

\* *Vn Arrachement*, ou *Daniet*.

\* *Vn Arrachement d'os*.

\* *Vn Arrache traict*. Au lieu de ces instrumens nous auons le Bec de grue : Bec de corbeau : Bec de cane : & autres semblables. Aucuns nomment les instrumens de nostre auteur, *Tiredent*, *Tir'os*, *Tire traict*. Aucuns icy, & sus la fin du chapitre, pour d'écarter lisent *ἰσχυρὰ*, & le prennent pour un instrument propre à arracher les racines des dents rompues.

tons hors du corps en deux manieres, ou les tirant, ou les poussant. Quand le traict est planté superficiellement, nous l'ostons en le tirant : semblablement aussi, quand il est entré profond, si les parties opposites à l'orifice de la playe estant incisées pour arracher le traict, estoient dangereuses de flux de sang, ou de quelque autre facheux & accident causé par sympathie, & consentement. Mais quand le traict a penetré fort profond, & la distance entre iceluy & les parties opposites à l'orifice de la playe est petite, & ne se rencontre aucun nerf, ni os, ni autre telle partie qui empeche son extractiō & issue, nous le sortons en poussant : si l'os est blessé, on l'arrache en tirant. Or si le traict est apparent, nous le tirons soudain : s'il est caché, il faut (dit Hippocrates,) pourueu que le malade soit fort & robuste, le situer en mesme figure qu'il estoit, quand il fut blessé, puis sonder & considerer le chemin que le traict a tenu : s'il n'est possible se presenter ainsi le malade, il le faut faire coucher approchant de la situation susdicte, & avec vn'éprouuete sonder la playe. Si le traict est arresté en la chair, nous le tirons avec la main, ou avec son \* haste, ou ente, qui pour la pluspart est de bois, pourueu, qu'elle ne soit cheute, & ayt abandonné son fer : si elle l'a abandonné, nous le tirons avec quelque instrument propre & commode à cela, comme ceux qu'ils nomment \* *Odontagra*, \* *Ostagra*, \* *Belulcus* : & quelques fois incisons la chair, si l'ouuerture de

la playe n'est raisonnement grande pour donner entrée à l'instrument. Si le traict pene- tre iusques à la partie opposite à l'orifice de la playe, & ne se peut retirer par le mesme lieu par où il est entré, nous incisons ladicte partie op- posite, & par cest incision le ietons dehors, ou l'attirant comm'a esté dict: ou le chassant par dedans la playe, ce qui se fait en poussant le fust du traict, & s'il est tombé & perdu, merant dans la playe vn pouffoir, nous prenans garde de ne blesser & couper quelque veine, artère, nerf, ou autre partie necessaire à la vie. Car ce seroit vn grand deshonneur & reprochable, en voulant sortir le traict, faire vn mal plus grand que le precedent. Si le traict a vn'enclauure, & queue qui entre dans le bois du fust, ce qu'on cognoist à l'eprouuete, nous vsons du pouffoir \* femelle, & accommodans le canon d'iceluy à la queue du fer le pouffons en auant. Si le fer du traict a vn canon, nous vsons du pouffoir \* masse. Quand le traict sera tiré dehors, si on voit qu'il ayt des coches & creneleures, dans lesquelles on presu- me auoir esté mis quelques autres petits ferre- mens qui soyent demeurés en la playe, dere- chef nous la sonderons avec l'eprouuete, & par \* l'industrie susdicte les tirerons, s'ils se peuuent trouuer. Si le traict, comme auient souuent, a ses barbeleures l'une à l'opposite de l'autre, & pour ceste cause ne se laisse tirer dehors, il faut \* inciser la partie prochaine & contigue d'ice- luy, pourueu qu'il ne s'y rencontre aucune par- tie necessaire à la vie, & par ce moye l'amener,

\* qui a vn ca- non au bout.

\* qui n'est point creux au bout.

\* des instrumens surnom- més.

\* Car la dou- leur est plus grande quand le traict desfi- re & meur- trit les parties qu'il touche, que quand on les incise: outre ce que la cura- tion de la meurtrisseure est plus diffici- le que de l'in- cision.

& tirer dehors sans dilaceration des parties circoniacentes. Aucuns mettent sus les barbeleures la moitié d'une cane fendue en deux, puis les ayant ainsi couuertes, à fin qu'en sortant elles ne dessirent & entament la chair, le iettent dehors. Le traict sorti, si la playe est sans inflammation, on la coust, & puison applique des medicamens conuenables aux playes fraiches & sanglantes: s'il y a inflammation, nous la curons avec cataplasmes, embrochations, fométations, & autres semblables remedes. Quand les traicts sont empoisonnés, s'il est possible, nous tranchons toute la chair, qui est ia abreuee & frappée du venim: & la cognoist-on manifestement, par ce qu'elle est differente de la chair saine. Car la chair enuenimée se monstre decolorée, tendant à liuidité, & quasi mortifiée. On dit que les \* Hongres de la Transiluanie, & les Croates chasseurs oignent & mouillent la pointe de leurs traicts de suc d'ellebore, & aconitum, la faculté desquels se mesle avec le sang des bestes naurees, & les fait mourir, combien qu'apres ils mangent la venaison, sans en sentir ou receuoir aucun mal ni dommage. Si le traict est planté dans vn os, nous essayerons de le tirer avec quelque vn des instrumens susdicts: & si la chair nuit, ou nous la reculerons, ou nous la couperons à l'entour. S'il est planté bien profond dans l'os (nous le cognoissons à ce qu'il tient ferme, & ne branle rien, quand on s'efforce de l'auoir) avec des ciseaux ou fermoirs on oste l'os qui est à l'entour, & s'il est gros & espois,

\* pre

\* Daci, &  
Dalmate.



\* premierement on le pertuise avec des terieres à l'enuiron, & par cest'industrie on deliure & emporte le traict. S'il est fiché dās quelque vne des parties nobles, comme le cerueau, la grosse artere respiratoire, le poulmon, le cœur, le foye, l'estomach, les boyaux, les rognons, la matrice, la vescie, & ia apparoissent les signes de la mort, & le traict ne se peut arracher sans faire grande peine, & dilaceration, nous n'y metrons point la main, à fin (outre que cela ne profiteroit de rien) que ne donnions occasion au simple & ignare populaire de nous accuser, & blamer: mais si l'issue du mal nous est encor incertaine, ayant predict le danger, il y faut mettre la main. Car plusieurs, apres s'estre faict vn absces en quelque partie noble & necessaire à la vie, contre l'esperance & opinion des medecins: ont esté sauués, & souuent en iceux on a obserué qu'vn lambeau du foye, vne partie de la \* coiffe, & de la toile du ventre, la matrice entiere ont esté tranchées & extirpées sans la mort du patient. Quelquefois en vne grande squinance nous incisons tout expres la grosse artere respiratoire, comme auōs dit au discours de \* Laryngotomie. Or laisser le traict au corps, & ne l'arracher point, causeroit la mort ineuitable du patient: & d'auantage feroit trouuer l'art du medecin & chirurgien inhumaine & impitoyable: & l'arrachant, parauanture le malade eschappe. La congnoissance des parties nobles offensées & blessées n'est difficile. Elle gist & consiste en la proprieté des accidens qui sur-

\* auant que d'y appliquer le ciseau. Par ce moyen on le trache plus aisément du ciseau.

\* de l'epiploas & peritoine.

Pline dit qu'aucuns ont rescu apres auoir perdu la ratelle entiere.

\* chap. 33.

\* *Albucras*  
lit: inflation &  
rougeur de la  
langue.

\* *environ le*  
*treizieme ou*  
*cinquieme*  
*iour. Celsus.*

\* *C'est accidēt*  
*vient principa*  
*lement en la*  
*concussion de*  
*cerueau: aph.*  
*58, liure 7.*

\* *Aucuns*  
*chirurgiens*  
*cuident que ce*  
*soit la propre*  
*substance du*  
*cerueau. on lit*  
*aussi: par le*  
*nēs: & si la*

*matiere sanieu*  
*se n'a point d'is*  
*sue par la*  
*playe, il s'euacue*  
*par les oreil*  
*les vn'humeur*  
*blanche, epais*  
*se comme bouil*  
*lie. Celsus a*  
*ionste, que plu*  
*sieurs auant la*  
*mort rompent*  
*leur bendage*

*de teste, & presentent au froid la playe decouuerte.*

\* *& de mauuaise senteur, comme en vn corps malade: Celsus.*

\* *couleur palle, & diminution de poux: Celsus.*

\* *rouge par la playe ecumeux par la bouche: Celsus.*

uiennent: en la qualite de ce qui sort de la playe: & en la situation des parties. Quand les membranes du cerueau sont blessées, il auient vne excessiue & violente douleur de teste \* inflammation & rougeur des yeux: alienation \* d'esprit: en parlant ils begayent. Si avec les membranes le cerueau est blessé le malade tombe soudain, ne parle \* point, vomit de la cholere, la face luy tort: il iette du sang par le nēs, & par le conduit des oreilles: par la playe il s'euacue vn'humeur blanche, & epaisse comme bouillie, si la matiere \* sanieuse a issue par icelle. Si la playe penetre en la vacuite de la poictrine, & le trou d'icelle est suffisamment ouuert, l'esprit sort par là. Si le cœur est blessé, le traict se voit al'endroiēt de la mamelle gauche, & n'entre point en vne spaciosite vuidē, ains on le sent attaché comme en vn corps solide & ferme: & quelquefois semble auoir le mouuement de la pulsation & battement du cœur: il s'euacue du sang noir, pourueu qu'il trouue son issue libre: le patient tombe en grande refrigeration des extremités, en \* sueur froide, en \* cœur failli, & sans dilation la mort s'ensuit. Quand le poulmon est blessé, & le chemin de la playe n'est point bouché, il sort vn \* sang ecumeux par icelle: mais s'il est bouché, il sort plustost en crachant, & toussant: les vaisseaux qui sont al'en-

tour du col \* s'eleuent, la langue change de cou-  
 leur: ils tirent leur aleine avec grande dilatation  
 de la poitrine, & desirer fort prendre l'air  
 froid. Si le diaphragme est blessé, le traict est  
 planté contre les petites & fauces costes: l'inspi-  
 ration du malade est grande avec gemissement  
 soupirant, & douleur par \* toutes les parties  
 qui sont entre les deux espaules. Si la playe est  
 en l'epigastre, on cognoist quelle partie est at-  
 teinte de ce qui sort, pourueu que le pertuis de  
 la playe ne soit fermé & serré, ou du traict ieté  
 \* dehors, ou du fust qui s'est rompu dedans. La  
 chylosité sort de l'estomach: la matiere fecale  
 des boyaux. Quelque fois la coiffe ou le boyau  
 mesme sortent: de la vescie blessée s'espand l'u-  
 rine. En la blesseure du cerueau, & de ses mem-  
 branes, nous tirerons le traict en pertuisant le  
 tés a l'entour, avec vne tariere, comme inconti-  
 nent ci-apres nous dirons en parlant des fra-  
 ctures de la teste. Aux playes de la poitrine, si  
 le traict n'obeit & suit quand on le tire, entre  
 deux costes on faict vne mediocre incision pour  
 le ieter dehors: ou bien on tranche vne coste  
 metant par dessous la platine ou lame que les  
 anciens nommoient \* Meningophylax, & au-  
 cū, Eleuatoire ou leuier. Le semblable. doit-on  
 faire en la blesseure du ventre, de la vescie, &  
 autres parties internes: assauoir si le traict obeit  
 & vient quand on le tire, qu'il soit ieté dehors  
 sans \* tourmenter ni soy, ni le malade. S'il ne  
 vient, qu'on face incision pour l'auoir, puis qu'on  
 applique sus icelle les remedes conuenables

\* comme estant  
 le patient en  
 danger de suf-  
 focation: Cel-  
 sus aousté que  
 le malade se  
 trouue bien de  
 se coucher sus  
 la playe: &  
 que plusieurs  
 gisans ainsi,  
 parlent: & sus  
 l'autre costé,  
 perdent la pa-  
 role.  
 \* car par là  
 passent les nerfs  
 enuoyés au  
 diaphragme  
 de la 4. 5. 6.  
 rouelles du  
 col, & quel-  
 que fois de la  
 septieme.  
 \* selon qu'ils  
 sont mouillés  
 de diuerses cho-  
 ses.  
 \* qui garde  
 qu'en incisant  
 la coste on ne  
 blesse le poul-  
 mon. Vey la  
 maniere de ce-  
 ste incision. ch.  
 7. liure 8. des  
 Administr.  
 Anatom.  
 \* à wingigys.


\* Fabap. 52.

aux playes sanglantes. Au ventre, si besoin est, on peut practiquer la cousture de laquelle auos \* traicté ci-dessus. Si le traict estant planté en quelque grand vaisseau, comme sont les iugulaires profondes, les arteres carotides, ou les grandes des aixelles, & des eines, menace en le tirât, de flux de sang immoderé, premierement d'un costé & d'autre il les faut serrer avec vn fil, puis ieter dehors le traict. Si quelque membre est cousu avec vn autre, comme l'auanbras à la poitrine, ou le braçal aux autres parties du corps, ou les deux pieds ensemble, & le traict ou la pique ne passe tout outre les deux membres, nous le prendrons par dehors, & le tirerons, tout ainsi que s'il en auoit blessé l'un seulement. Mais s'il les perce tous deux de part en part, nous couperons d'une sie le fust par le milieu, puis tirerons chacun des tronçons à part soy, en la plus aisée & commodé figure du mēbre que faire se pourra. Et pource que souuent on iette des pierres, des plumbees, des chaussetrapes, & autres telles choses, lesquelles ou pour la violence du coup, ou pource qu'elles sont anguleuses, se plantent dans les membres du corps, on les cōgnoist à ce que la tumeur se rencontre aspre & inegale: que la playe n'est point du tout en droicte ligne: que la chair est enfle, & de couleur liuide, comme estant quassée, & meurtrie: que le malade sent vne douleur pesante. <sup>b</sup> Il faut ébranler & émoüoir ces choses ou avec vn elenoir, ou avec la coupe d'une éprouuete, & sonde à playes: & si elles \* reçoüent l'instrumēt, les arracher


\* on lit aussi:  
 & si la playe  
 reçois l'instru-  
 ment.

racher avec vn tire dent, ou tir'os. A plusieurs  
est auenu que les traiçts se sont cachés dans le  
corps, & long temps apres estant ia la playe ci-  
catriſée, la partie s'est apostemee, & rompue, &  
le traiçt sorti dehors.

*Fleches & dards de diuerſes  
especes.*



*Instrumens à tirer fers de fle-  
ches dont le fust est  
dehors.*




*Bec*

*Bec de corbin à tirer mailles & tels pe-  
tits corps estranges avec vn in-  
strument fermant à vis  
pour tirer fers de  
fleches.*



*Autre*

*Autre petit crocher pour tirer mailles,  
qui sert aussi aux blesseures des  
hacquebutes.*




*Dilatatoire caue au dedans pour dilater la playe  
& prendre les deux aisles du fer, puis  
le tirer avec le Bec de grue.*




*Tenail*




*Tenailles incisives pour couper le bois  
demeuré avec le fer. Autres te-  
nailles dentelées pour tirer  
le fer d'une cuisse.*





*Autres*

*Autres tenailles denteelées.**Autres*

*Autres tenailles dentelées.*


N

*Tenailles à lime.*

*Bec de grue courbé.*


N 2

*Tireballe cane au bout large, rond,  
pour mieux prendre la bal-  
le des parties char-  
nues.*




- A. La canule,  
B. La verge qui fait ouvrir & fermer la char-  
niere.  
C. La charniere.

*Bec de lezard pour tirer la bal-  
le apres qu'elle est ap-  
platie.*




- A. La canule.
- B. La verge qui fait ouvrir & fermer la char-  
niere.
- C. La charniere.

*Pié de griffon pour les balles de  
gros calibre.*






*Bec de perroquet pour tirer pieces  
de harnois du fons des  
membres, mesme  
des os.*




- A. La queue de l'aig.  
B. La douille.  
C. Le coulant.  
DD. La coulisse.


*Bec de Cygne à viz pour dilater la  
playe & tirer la balle avec  
la pincette.*




*Tire*



Tirefond  
pour ti-  
rer les  
ballotes  
des os.




Autre ti-  
refond du  
quel les  
bouts ser-  
uent d'e-  
levatoi-  
res.

*Tenailles*

*Tenailles incisives pour  
couper os fracturé  
& eminent.*





*Autres te-  
nailles inci-  
sives.*




*Dilatatoi*

Dilatatoire pour ouvrir les playes, à fin de mieux  
trouver les choses estranges.




Aiguilles, à se  
ton pour tenir  
la playe ou-  
verte, & son-  
der où est la  
balle.

*Canons & aiguilles pour coudre les  
playes du visage &c autres.*




*Bec de corbin & bec de grue pour  
tirer les choses estranges  
des playes.*




*Autre*



*Autre bec de corbin.**Cantere*

*Cautere actuel pour retenir le  
sang, de Botallus.*



*Espron*

*Sonde pour trouver la balle en la  
poitrine. Botallus.*



*Esprouvette large au bout pour tirer  
la balle du thorax.*

*Botallus.*





*Lame*

*Lame de corne pour soulever les intestins sortis, ce pendant que la playe se dilate pour les remettre.*




*Instrument creux pour reposer  
la jambe abilee sans  
bandes.*





O 3

CHIRURGIE FRANÇOISE.  
Corps plein de diuerses  
playes. Tagant.






*Histoire pour monstrier comment il  
faut tirer la balle.*

*Tagant.*




*Arbaleste à tirer fleche. Tagault.**Instrument*

*Instrumens pour couper l'os cor-  
rompu, & oster la corru-  
ption en frappant d'un  
maillet de plomb.*




*Rugines pour l'os d'avantage  
corrompu.*




*Autres*

*Autres rugines pour separer  
la carie des os.*




*Griffon*

*Griffon pour  
tirer les  
traiçts, à  
deux cro-  
chets de  
chaque co-  
sté.*




- A. Les deux crochets de chaque costé. B. Les flancs un peu courbes. C. La première table croisée, par les pertuis de laquelle passent les brâches des crochets. D. La seconde table croisée en laquelle sont plantés les bouts des branches des crochets. E. Les deux ronds montrent l'assiette des clauettes, qui tiennent les branches des crochets attachées si lâchement, qu'elles peuvent se remuer, en s'ouvrant quand la première croisée est abaissée: & se fermant, quand elle est haussée. F. La vis qui fait monter & descendre la première table croisée.



A. Crochetz plus commodes aux choses rondes  
qu'on veut tirer.

*Gryffon*

*Gryffon fermé, à un crochet  
double de chaque costé.*







La maniere cōme se doit  
appliquer l'instrumēt au  
fer, de quelque forme  
qu'il soit.

*Bec de corbeau.*

Canules  
creuses.




A. Fer à  
ailes.  
B. Canons  
creux pour  
conduire les  
ailes du fer,  
qu'elles ne  
blessent les  
parties par  
lesquelles le  
fer se retire,  
tāt attaché  
à l'os qu'au  
tremēt.



A. Les clauettes qui seruent à la dilatation, ou compression du  
fer, duquel les ailes se plient en entrāt dans le corps, & le vou-  
lant retirer, s'elargissent. B. Fer rond & pointu. C. Le  
fer dilaté avec ses ailes. D. Fer tranchant en forme de  
croissant. E. Le fer en forme de trident.

Gryffon ouuert, à un crochet  
double de chaque costé.



ANNOT

## ANNOTATIONS.

<sup>a</sup> En nos exemplaires vulgaires pour *Elleborum* & *Aconitum*, y a *Elenium*, & *Ninum*, qui sont mots depraués, montrans toutesfois la trace des vrais, & legitimes. En Espagne encor aujourdhuy les chasseurs usent pour ce respect du suc d'ellebore blanc, qu'ils nomment en aucuns lieux Baraire, & à cause de cest usage, l'yerua de l'arbalestiero, exprimants par la premiere appellation le nom latin *Veratrum*, sus lequel en Velay & Dauphiné communément on le nomme Veraire: & tiennent pour chose uraye les Espagnols, que si le chasseur fait sus la beste tant soit peu de sang avec un traict ou garrot acoustré ainsi, necessairement elle meurt, & que la uenaison en est plus sauoureuse & tendre, & que seulement il faut oster l'entour du lieu où le traict aura frappé. Quant à l'*aconitum*, encor que les auteurs n'ayent non plus escrit cest usage que de l'ellebore blanc, toutesfois pource qu'estant meslé avec la paste qu'on prepare à cest effect, il tue toute beste qui a le pié fendu en plusieurs doigts, & qui naist sans uoir, comme chiens, loups, regnards, rats, chats & autres telles: pource que, tesmoin Theophraste, il tue dans un iour les brebis, uaches, & iuments, si on met en leur nature une feuille ou racine d'iceluy: pource que l'Espagnol le nomme Herbe de l'arbalestier, aussi bien que l'ellebore blanc: pource qu'au iugement des plus fameux & sauants arboristes *Limeum* duquel, comme dit Plin, les chasseurs Gaulois moillent & trempent le fer de leurs fleches, est un'espece d'*aconitum*, i'ay restitué ainsi ce passage, me soumettant neantmoins à l'auis & iugement des plus do-

des. icy n'est question de discourir si le suc des herbes susdictes est le Toxicum des anciens ou non, ou si le Napellus duquel (comme escrit Auicenne) on se sert pour empoisonner les fleches, est le Toxicum; & si Toxicum est dict de Τόξον qui signifie arc, cōme uent Dioscoride, ou de Taxus arbre ueneneux, que nous nommons If, comme iuge Pline: ces doutes appartiennent à un'autre contemplation. Au lieu des instrumens cogneus & mentionnés de nostre auteur, nous auons en usage plusieurs pieces de ferremens ingenieusement excogitées à semblables intentions. Au lieu de son Belulque, Tiredent & Tir'os nous usons du Bec de corbeau, Bec de grue, Bec de cygne, Bec de cane, Bec de lezard, dentelés, acoudés & droicts, du Pied de grysson, du Bec de perroquet, tous depeincts & monstres en la Chirurgie de M. Ambroise Paré & lesquels nous representons pour le soulagement du lecteur. M. Gui de Cauliac uisoit des tenailles d'Auicenne, uuidees, en figure de demielune, des tenailles d'Albucrasis faictes en bec d'oiseau: de tenailles canellées toutes trois dentelées: & de

\* M. Tagaut  
l'a monstree.

\* terriere renuersée, pour mettre dans le canon du fer. Pour pertuiser les os, nous auons des terieres ou tirefonds droicts, qui sont depouillés, ou à uis & canule, ou à manche d'eleuaire, peincts par monsieur Paré. Le δίσκος \* est appellé de M. Gui Impulsorium, & de nous, Poussoir, & est encor nommé Caue ou Femelle, sourd ou malle. Au lieu de son Αραβόνη, nous usons d'eleuaire dentelés: & de son κναιβόνη τραυματική, des curetes; & crochets caues, peincts par le mesme seigneur Paré, qui nous a fait aussi pourtraire les dilatatoires, & tenailles incisives

\* M. Tagaut  
l'a monstre.

cisives, comme feu d'heureuse & bõne memoire monsieur Tagaut les ciseaux dilatans, instrumens fort gentils & necessaires en ces operations. Albucasis donne un bon conseil, si on ne peut incontinent arracher le traict planté en la chair, ou en l'os; qu'on le laisse pour quelques iours pendant lesquels ou la chair d'alentour pourrira; & luy baillera issue: ou l'os se laschera, & le retiendra moins: & faut durant ce temps le branler & secourre tous les iours, à fin que petit à petit il se se deracine. Ce mesme auteur commande qu'arrachant le traict on n'y procede pas rudement, ny de violence, ains contournant la main doucement en toutes parts, à fin, s'il est possible qu'on ne le rompe pas. Les traicts (dit Celsus) bastons, & armes lancés contre nous, & plantés au dedans du corps, maintes fois avec grande peine sont ietés dehors. La difficulté depend ou de l'espece d'iceux, ou des parties ausquelles ils penetrent. Tout traict se tire de la partie par où il est uenu, ou de la partie où il a tendu. En la partie d'où il uient, luy mesme se fait chemin pour retourner: en la partie où il a tendu, on luy fait chemin avec le rasoir, en incisant la chair contre sa poincte. Si le traict n'est planté trop profond, ains en la superficie du corps, s'il ne passe point à trauers des grandes ueines, & parties nerueuses, le meilleur est l'arracher par le chemin qu'il est uenu. Si le chemin par où il retourneroit est plus grand, que ce luy qu'on luy romproit & ouueroit, s'il a ia outre-passe les ueines & nerfs, il est plus commode luy ouuoir ce qui reste, & l'arracher par là. Car ce passage est plus prochain: on le tire plus seurement: & le membre estant gros, si la poincte du traict passe par le mi-

lieu de tout iceluy, plus aisément se guerit ce qui est ainsi percé & ouuert, par ce que d'un costé & d'autre le médicament y touche. Si on retire le traict en derriere, il faut elargir la playe avec la rasoir, à fin que plus facilement il suyue, & y suruienne moindre inflammation, laquelle s'y fait grande, quand en retournant, le traict despire la chair. Semblablement si de l'autre costé on ouure la playe, elle doit estre si large, qu'en passant, le traict ne l'aggrandisse point. Mais de quelque costé qu'il sorte, on doit trescurieusement auiser de ne couper aucun nerf, grande veine, ou artère. Si aucune de ces parties se découure, on la prend avec un crochet mouce, pour la reculer & oster de deuant le rasoir. Ayant incisé suffisamment, on tire dehors le traict en la maniere susdicté, avec mesme soin qu'en l'arrachant on ne blesse aucune des parties, que j'ay dit deuoir estre tant respectées & contregardees. Ces preceptes sont communs. Chacune espeece de traict & baston en a de propres, qu'incontinent ie reciteray. De toutes les espees n'y en a aucune qui plus aisément se plonge dans le corps, & entre plus profond que la fleche, ce qui auient par ce qu'elle se rue de grãde impetuosité, & qu'elle est grelle & mince. Le plus souuent on la tire par la partie opposite à celle d'où elle est uenue, & singulierement par celle que quasi tousiours elle a des ailes pointues, qui font plus grande dilaceration, si on les tire en derriere, qu'en deuant. Ayant fait ouuerture en la partie opposite, on recule & separe la chair avec un ferrement faict comme la lettre Greque  $\Psi$  : & incontinent que le traict apparoit, si la canne du fust tient enser au fer, on la pousse par l'orifice de la playe, iusques

\* Nostre tierce renuersee  
approche de ce  
ste figure.


ques à ce qu'on la puisse empogner & arracher de l'autre costé. Si la cane du fust est tombee, & le fer seul demeuré dedans, il faut empogner la poincte avec les doigts, ou avec tenailles, & l'arracher. Par mesme industrie & procceure, si on trouue meilleur de l'auoir par cest endroict-là, on l'arrache par le lieu d'où ell'est uenue: en dilatant la playe, & tirant la cane du fust si ell'y est: si non, le fer. Si les ailes poinctues ou barbeleures du traict apparoissent, & elles sont courtes & minces, avec unes tenailles on les rompt & brise, pour sortir le traict desarmé d'icelles: si elles sont fortes & grandes, on les couure d'une cane à escrire, fendue, à fin qu'elles ne desbirent rien, & apres on les tire. Voÿla ce qu'on doit obseruer quant aux fleches. Si quelque baston à fer large, est plongé & caché dans le corps, il ne le faut tirer de la partie opposite, à fin qu'à une grande playe n'ajoustions une autre grande. On le tire avec une sorte de ferrement, nommé le Graphisque, ou Poinçon, de Diocles, par ce qu'il fut inuenté d'iceluy, que nous auons mis au rang des anciens & plus grands medecins.



P 3


A.	I c'est un oiseau la poitrine du fer.
D.	I l'extinction, partant de ce feu.
C.	Le malin de l'âme canine.
M.	Les boys respicés en dedans.
A.	trois. I les crochets en leur malice toutes con

## Le poinçon de Diocles vuide.



- AA.** Les crochets en leur milieu tournés contrebas.  
**BB.** Les bords repliés en dedans.  
**C.** Le milieu de la lame canulé.  
**D.** L'extrémité supérieure où est le trou.  
**E.** Le trou où entre la pointe du fer.



*Le poinçon de Dioclès avec le fer.*

Vne lame de fer, ou bien de bronze, en son extremité inferieure a deux crochets, un de chascque costé, tournés contrebas. En sa partie superieure les bors ou costés sont repliés, & s'inclinent quelque peu vers le milieu qui est caue & canulé. Au bout de dessus elle est aussi repliée & inclince vers le milieu, à l'endroict où il y a un trou. On pousse iouxte le fer ceste lame de trauers, & l'ayant auancee iusques à la basse pointte d'iceluy, on la contourne quelque peu, à fin que dans son trou elle reçoieue & prenne le fer. Soudain que la pointte du fer est au trou, le maistre iette deux doigts au \* dessous des deux crochets de l'autre costé, & ensemble tire dehors son instrument, & le fer. Il se trouue une troisieme espeece de traict qui quelque fois doit estre tiré, assauoir un

\* Il le tiroyēt avec la fronde, comme nous faisons les boulets avec l'arquebuse.

\* glan de plomb, ou un caillou, ou autre chose semblable, qui rompt la peau, & se plante toute entiere dans le corps. En toutes ces manieres de traict, il faut élargir d'auantage la playe; & avec unes tenailles tirer ce qui est dedans, par le chemin d'où il est uenu. La difficulté de tirer le traict est plus grāde en toute playe, s'il est planté en l'os, ou si en quelque ioincte il s'est plongé entre deux os. S'il est fiché en l'os, on le doit tant secourre & branler, que le lieu où la pointte mord, se lache: & lors ou avec la main, ou avec les tenailles on tire le traict. De ceste mesme industrie on use en arrachant les dents. A peine iamais se fait il, que par ce moyen le traict ne sorte. Mais si encor il resiste, pour le deplacer, on le peut \* tirer avec quelque instrument: & le dernier remede est, si par l'industrie susdicte on ne le peut auoir, peruiser l'os avec une terriere pres du traict, & depuis le trou iusques

\* pour tenir son instrument ferme & droict.

\* Ils le tiroyēt avec la fronde, comme nous faisons les boulets avec l'arquebuse.

\* Aucuns li sent, frapper.

au traict leuer & trancher l'os, à la forme de la let-  
tre V. de sorte que les lignes separees des deux co-  
stés, soyent menées & conduictes uers le traict. Ce  
faict, necessairement le traict s'ebroule, & facilement  
s'arrache. Si le traict penetre au milieu de la ioincte  
entre deux os, iouxte la playe, il faut attacher de  
bendes, ou courroyes, les deux membres qui se rap-  
portent à la ioincte, & par ceste ligature les tirer en  
diuerses & contraires parties, à fin qu'on estende &  
escarte les \* nerfs. Par l'extension d'iceux l'espace  
d'entre les os se fait plus lache, de sorte que sans pei-  
ne & difficulté on emporte le traict. On doit pour-  
uoir, comme j'ay dit en autre lieu, qu'en retirant le  
traict il ne blesse aucun nerf, ueine, ou artere, par l'in-  
dustrie & subtilité ia declaree. Si quelcun est blessé  
d'un traict empoisonné, apres auoir fait, s'il est possi-  
ble, hastiement tout ce \* qu'auos dit, il faut de surplus  
suyure & employer la curation qui conuient à ceux  
qui ont beu de la poison, ou qui ont esté mordus ou  
piqués d'un serpent. Quant à la playe, ayant ieté de-  
hors le traict enuenimé, on y use des mesmes remedes  
qu'on appliqueroit si le corps auoit esté mordu ou  
piqué d'un serpent, sans receuoir le traict. Les mor-  
seures & piqueures des serpens ont une curation peu  
differente entr'ellès, ia-soit que les anciens y ayent  
usé de si grande uariété, qu'à chacune espece de ser-  
pent ils ont ordonné son propre genre de curation,  
qui aux unes differe des autres, neantmoins certains  
remedes sont profitables en toutes. Avant toutes cho-  
ses le membre doit estre lié au dessus de la playe, &  
toutesfois non trop uiolentement, à fin qu'il ne soit  
stupide & endormi. Puis on tire le uenin dehors : ce

\* ligamens, &  
tendons, qui  
tiennent la  
ioincte serree.

\* quant à l'ex-  
traction du  
traict.

qui se fait trescommodément avec la uentouse : & n'est hors de propos au parauant scarifier avec le rasoir les parties qui sont à l'entour de la playe, à fin qu'on tire plus grande quantité du sang ia corrompu. Si on ne peut recouurer une uentouse, ce qui toutesfois à peine peut auenir, on se sert d'un semblable uaisseau à mesme intention. Si on ne trouue point de uaisseau, il faut employer un homme qui succe la playe. Et certes ceux qu'on nomme les Psylles n'ont aucune particuliere science, ou secret excellent de tirer le uenin par la bouche, ains une hardiesse asseurée par l'usage & pratique. Car le uenin des serpens, & autres mxtionnés pour en chassant tuer les bestes, desquels usent principalement les Gaulois, ne font point de mal si on les goust, mais s'ils touchent à une playe. Aussi on mange la couleure sans dommage, & sa morseure tue : & si l'ayant endormie & stupefiée, comme font les coureurs charlatans & triacleurs avec certains medicamens, quelqu'un met le doigt en sa bouche, sans qu'elle morde, sa salie ne fait aucun deplaisir. Donc celuy qui à l'exemple des Psylles sucera la playe, sauuera le malade, & ne receura aucun ennui. Mais auant que de la succer pour cuiten la mort, il doit auiser qu'il n'ait ulcere aux genciues, au palais, ni en autre partie de la bouche. Ce fait, le patient doit estre mis & tenu en lieu chaud, de sorte que le membre picqué & mordu pendre contre bas. Si on ne trouue ni uentouse, ni homme qui succe la playe, il faut humer un potage gras d'oye, ou de brebis, ou de ueau, & uoir : puis fendre par le milieu un poulet uif, & soudain le mettre chaud sus la playe, de maniere que l'interieure partie d'iceluy attouche le corps.

corps. Le mesme fait un cheureau ou agneau fendu, appliquant soudainemēt sa chair chaude sus la playe. A ce mesme profitent aucuns emplastres, & singulierement celuy qu'ils nomment Ephesium. Les Antidotes aussi font un grand & present secours. Qui n'en peut recouurer, qu'il boiue du uin pur avec du poiure, ou quelque autre chose, qui emeuue & augmente la chaleur, à fin qu'elle ne permette les humeurs se glacer au dedans du corps : car pour la plus grand part les uenins nous font mourir par excessiue refrigeration. Tous medicamens qui prouoquent l'urine, par ce qu'ils subtilient la \* matiere, sont pareillement bons & utiles à cest effect. Ce lieu me semble requerr que iel accompagne & enrichisse du discours ample & beau que Celsus fait des blesseures & playes, encorēs qu'il soit prolix, & asses long pour sacher un cerueau leger, & impatient d'entendre, ce qui est singulierement profitable. Apres auoir declaré les facultés des medicamens ie proposeray (dit-il) les affections qui endommagent le corps, qui sont cinq. La premiere, quand exterieurement quelque chose le blesse, comme une playe. La seconde quand en iceluy est quelque chose corrompue, comme en une Gangrene. La troisieme, quand en iceluy est engendree quelque chose estrange, comme la pierre en la uescie. La quatrieme quand en iceluy quelque chose est augmentee, comme la ueine qui s'enflant est conuertie en uarice. La cinquieme, quand il manque quelque chose, comme quand quelque membre est mutilé. En aucunes de ces affections les medicamens profitent plus: en aucunes l'operation manuelle. Ie differeray à traiter de celles qui principalement demandent

\* Les humeurs  
grosses, vis-  
queuses, &  
froides.

dent le rasoir & la main, & parleray maintenant de celles qui ont besoin des medicamens, diuisant ceste maniere de curation, comme i'ay fait la premiere, sauoir est, traittant premierement des affectiōs qui peuent auenir à chaque partie du corps: puis de celles qui tourmentent quelques certaines parties d'iceluy, & commenceray des playes, en la consideration desquelles auant toutes choses le medecin doit cognoistre quelles sont incurables, quelles se guerissent difficilement, quelles se guerissent tost & promptement. Car premierement un sage homme ne mettra iamais la main à celuy qui ne peut eschapper, à fin de ne faire soupçonner & cuidoer aux autres qu'il ayt tué le malade, qui est mort par la fortune de la playe. Apres, quand le danger est grand, sans toutes fois que le mal soit desesperé du tout, le medecin doit auertir les amis & parens du malade, que le cas est suspect & difficile, à fin que si l'art est uaincu du mal, on ne pense on qu'il l'ayt ignoré, ou qu'il les ayt abusés. Mais comme telest l'office & deuoir d'un homme prudent, ainsi c'est un acte de Charlatan & bateleur, faire grand un mal qui est petit, à fin qu'on estime de luy plus qu'il n'a executé: & est raisonnable que le medecin en confessant la curation estre facile, oblige son honneur & sa reputation, à fin que plus curieusement il recherche & regarde tout ce qui concerne la santé du patient, & que le mal qui de soymesme est petit, par la negligence de celuy qui le traite ne se face plus grand. Le mal est \*incurable, si la base du cerueau, le cœur, l'orifice de \*l'estomach, la porte du foye, la mouelle de l'espine est blessée: ou bien si la playe penetre au milieu du poulmon, ou du boyau ieun, ou du boyau

\* aph. 9. liu. 6.

\* Au texte de l'auteur, a stomachus, qui signifie le gosier, & l'orifice de l'estomach.

grelle, ou de l'estomach, ou des rognons, ou bien si les grandes ueines ou arteres qui sont à l'entour de la gorge sont coupées. Difficilement guerissent ceux auxquels le poulmon est blessé en quelque part, ou la grosse partie du foye, ou la membrane qui enuoloppe le cerucau, ou la ratelle, ou la matrice, ou la uescie, ou aucun des boyaux, ou le diaphragme. Les playes sont aussi dangereuses, quand la pointe de l'arme qui naure se plonge iusques au dedans des ueines grandes & cachees en l'aixelle & au iarret: & sans exception les blesseures sont suspectes aux endroits où il y a de grâdes ueines, par ce que, à raison de l'effusion du sang, elles abbattēt & epuisent la uertu du patient: ce qui auient non seulement aux ueines des aixelles, & du iarret, mais aussi du fondement & des testicules. Outre ce la playe est mauuaise aux aixelles, aux cuisses, aux endroits \* sous lesquels y a cavitē uuide, aux iointes, entre les doigts. D'auantage si elle atteint un \* muscle, ou nerf, ou os, ou chartilage. La plus seure est aux parties charnues. Telle est la difference des playes plus ou moins dangereuses, selon le lieu & la partie où elles sont. Quant à leur essence & grandeur, les grandes & spatieuses sont dangereuses. La figure aussi & la maniere ou effeet de la playe importe de quelque chose. La playe faicte par contusion est pire que par incision & diuision seule, de sorte qu'il uaut mieux estre blessé d'un glaiue tranchant, que mouce. La playe est pire, s'il y a quelque partie du membre tranchée du tout: ou bien si la chair d'un costé est coupee & seperee, & de l'autre costé encor pendue & attachée. La ronde est la \* pire de toutes: la plus seure, celle qui ua droit comm'une ligne:

\* comme l'estomach, la poitrine.

\* en son chef, ou en sa fin.

Telles playes sont malignes, comment. aph. 66. liure 5.

\* la plus difficile à curing.

ligne : & d'autant que la playe est plus distante ou prochaine de l'une & l'autre de ces figures, elle est plus ou moins facheuse. Le corps aussi la saison de l'année, l'âge, la uacation & maniere de uiure, en ce faict sont de consequences. Vn enfant ou ieune homme qui croist encor, guerit plus facilement qu'un uieillard : un corps robuste qu'un corps foible : un corps ni trop mince ni trop replet, que s'il estoit l'un ou l'autre : un corps de bonne nature & habitude, que celui qui l'a gastee & corrompue : un homme de peine & trauail, qu'un paresseux & otieux : un sobre & temperant, que celui qui est suiet à son uentre, & à la paillardise. La saison de l'année la plus commode & opportune à la curation des playes est le Printemps, ou bien celle qui n'est ni trop froide, ni trop chaude : car l'excessive chaleur & froideur sont contraires aux playes, & singulierement la varieté de froid & chaud : à raison de quoy l'automne y est tres pernicioeux. Le plus souuent les playes se presentent à la ueuë du maistre : quelquefois la situation du lieu où est le coup, monstre quelle partie est blesee. Cela auons nous declare en autre endroict, quand nous auons expose l'assiete des membres interieurs. Neantmoins parce qu'aucunes parties sont plus prochaines des interieures, & aucunes des exterieures, & qu'il importe beaucoup de sauoir si la playe est iouxté la superficie du corps, ou si elle a plongé & penetré iusques au profond d'iceluy, nous reciterons les signes par lesquels on pourra cognoistre ce qui est auenu au dedans, & qui monstrent si on doit esperer curation de la blesseure, ou si elle est desesperée.

*Lib. 1. Cap. 14.*  
*Le cœur.* Si le cœur est blezé, il sort grande quantité de sang



sang: le poux est debile & petit: la couleur fort pale: le patient iette une suer froide, & de mauuaise odeur, comme en un corps malade: les extremités deuiennent froides, & incontinent la mort s'ensuit. Si *Le poulmon.*  
 le poulmon est atteint, le patient a difficulté de respirer: de la bouche il iette un sang escumeux: & de la playe, un sang uif, & rouge, avec un uent qui bruit: il se couche uolontiers sus la blesseure: aucuns se leuent sans propos: plusieurs estans abouchés & tournés sus la playe parlent, & se tournans de l'autre costé perdent la parole. Les signes du foye nauré sont: Il *Le foye.*

sort grande abondance de sang du flanc droit: les flancs sont comme retirés & resserrés uers l'eschine: le malade se trouue bien d'estre couché sus le uentre: la douleur est pungitiue, & s'estend iusques à la forcelle, & aux côstes qui sont prochaines d'icelle: les malades en respirant haucent & remuent les epaulettes, & quelquefois uomissent de la cholere.

Si les roignons sont frappés, la douleur descend *Les roignons.*  
 aux reins & testicules: le malade a difficulté d'uriner: il pisse le sang, ou fait son urine sanglante. Si la *La ratelle.*  
 ratelle est blessée, le sang sort du flanc senestre, & est noir: de ce mesme costé le flanc & l'estomach deuiennent durs: le malade est fort alteré: la douleur s'estend iusques à la forcelle comme aux playes du foye. Si la *La matrice.*  
 matrice est atteinte, la douleur se communique aux reins, aux hanches, & aux cuisses: le sang sort partie par la playe, & partie par la nature: apres il ensuit un uomissement de cholere: Aucunes ne parlent point: aucunes perdent le sens: aucunes qui ne reuent point, se disent estre tourmenteées de douleurs de nerfs, & des yeux: & comme la mort approche, elles souffrent  
 les

*Le cerueau &  
ses membranes.*

*\*aph. 50. li. 6*

*\*aph. 14. li. 7.*

*L'orifice de  
l'estomach.*

*L'estomach,  
& le boyau  
ieun.*

*La mouelle de  
l'espine.*

*Le diaphra-  
gme.*

*La vefcie.*

les mesmes accidens qu'auons recités en la blesseure du cœur. Si le cerueau ou ses membranes sont naurées, le sang sort par le nés, à d'aucuns par les oreilles aussi, & pour la plus part s'ensuit uomissement de cholere. \* Aucuns ont les sens du corps assopis & hebetés, & n'entendent point quand on les appelle. Aucuns ont le uisage effroyé & epouuantable: aucuns remuēt les yeux çà & là, comme s'ils estoient paralytiques. Presque tousiours le troisieme ou cinquieme iour ils tombent en reuerie: à plusieurs uienent des conuulsions: auant que mourir, plusieurs rompent & desbirent les bendes & linges desquels on leur lie & coiffe la teste, & presentent au froid la playe nue & decouuerte. Si l'orifice de l'estomach est frapé, le malade sangloute, & uomit de la cholere: s'il boit, ou mange, soudain il le reiette: le poux se fait petit, obscur & foible: il y uienent de petites sueurs, avec lesquelles se refroidissent les extremités.

L'estomach & boyau ieun ont les signes de leur blesseure communs. Car le boire & le manger sortent par la playe: les flancs deuiennent durs: quelquefois le malade iette de la cholere par la bouche. La difference est seulement, que la situation du boyau ieun est plus bas que de l'estomach. Quand la mouelle de l'espine du dos est incisée, il se fait paralysie aux nerfs, on conuulsion: le sentimet se perd: quelque tēps apres les parties inferieures rendent & laschent inuoluntairement l'urine ou la semence, ou la matiere fecale.

Si le diaphragme est nauré, les flancs se retirent & resserrent cōtrement: l'espine du dos fait douleur: la respiration est rare: de la playe il sort un sang escumeux. Si la uescie est blessée, on sent douleur aux

cines:

times : les parties situées au dessus du penil sont tendues : au lieu d'urine le malade pisse du sang, ou bien l'urine sort de la playe : l'orifice de l'estomach est offensé, à raison de quoy les patients uomissent de la cholere, ou sangloutent : les extremités se refroidissent, & la mort uient. Ces choses cognues & declarees, il faut entendre quelques autres poincts que nous exposerons, concernans toutes ulceres, & playes. D'icelles sort ou du sang, ou de la matiere sanieuse, ou de la matiere purulente. Le sang est cogneu de chacun. La matiere sanieuse est plus subtile que le sang, inegalement & diuersement grosse, glueuse, & coloree. La matiere purulente est fort grosse & blanche, plus glueuse que le sang, & que la matiere sanieuse. Le sang sort, quand la playe est fraiche, ou qu'elle guerit. La matiere sanieuse se trouue entre l'un & l'autre temps. La matiere purulente s'engendre en la playe qui commence à se guerir. L'une & l'autre matiere a quelques especes distinguees par certains uocables Grecs. Vne espece de matiere sanieuse se nomme Ichor : un'autre s'appelle Meliceria. Vne espece de matiere purulente se nomme Elæodes, c'est à dire Huileuse. La matiere sanieuse dictée Ichor, est blanchastre, & coule d'un ulcere maling, principalement quand le nerf estant blezé l'inflammation y suruient. Meliceria est plus grosse & glueuse, blâchastre, semblable à du miel blanc, & sort pareillement des ulceres malins, quand à l'entour des ioinctes les \* nerfs \* les tendons. sont blezés & principalement sus toutes autres ioinctes, aux genous. La matiere purulente nommée Elæodes est subtile, blanchastre de couleur, & au toucher, comme grasse & unctueuse, semblable à d'huile blâc,

Et apparait aux grands ulcères qui commencent à  
 guerir. Le sang trop gros ou subtil, de couleur noire  
 ou liuide, ou meslé avec de phlegme, ou de couleur  
 Et consistance diuerse est mauuais. Le sang rouge,  
 chaud, mediocrement gros, Et qui n'est point glueux,  
 s'estime estre bon. La curation de la playe d'ou le  
 sang qui sort est bon, Et louable est plus aisée Et fa-  
 cile. L'esperance est meilleure aux playes, quand les  
 excréments de quelque espèce qu'ils \*soient, sont  
 meilleurs Et plus louables. La matiere sanieuse se  
 tient pour mauuaise, quand elle est en grande quan-  
 tité, trop subtile, liuide, ou palle, ou noire, ou glueu-  
 se, ou puante, ou si elle ronge la playe, Et la peau pro-  
 chaine d'icelle. La meilleure est quand elle ne flue  
 point abondamment: quand elle est mediocrement gros-  
 se, rougeastre, ou blanchastre. La matiere sanieuse  
 nommée des Grecs Ichor, est mauuaise quand elle est  
 copieuse, grosse, tirant sus la couleur liuide ou palle,  
 glueuse, noire, puante, chaude. La blanchastre, qui a  
 toutes les conditions Et circonstances contraires  
 aux susdictes, est moins uitieuse. La matiere sanieu-  
 se nommée des Grecs Meliceria, est mauuaise quand  
 elle est copieuse Et fort grosse: Et meilleure, quand  
 elle est plus subtile, Et en moindre quantité. La  
 plus louable matiere purulente est la mediocre,  
 quant aux qualités susdictes des matieres sanieu-  
 ses. Mais faisant comparaison d'une matiere puru-  
 lente à l'autre, la pire est la subtile, detrempee  
 Et liquide, abondante, principalement si du com-  
 mencement elle est telle: d'auantage, si de couleur  
 elle est semblable au petit lait: si elle est palle: si  
 elle est liuide: si elle est orde Et seculente: outre ce,

ou sanieus, ou  
 purulents.

si elle est puante, n'estoit que la partie causast cette odeur mauuaise, on iuge meilleure celle qui est en moindre quantité, plus epaisse, & plus blanche: d'auantage si elle est lisse, si elle ne sent rien, si ell'est egalle: toutesfois, quant à la quantité, elle doit estre proportionnee à la grandeur de la playe & au \* temps d'icelle. Car en une grande playe naturellement y en a plus: & aussi quand l'inflammation n'est point encor mitiguee & diminuee. La matiere sanieuse surnommee des Grecs Huileuse, est pire, si ell'est copieuse, & peu grasse, & d'autant meilleure, qu'elle flue en moindre quantité & quell'est plus grasse. Ces choses entendues & presuppousees, incontinent que quelqu'un est blezé, s'il est possible de le sauuer, soudain il faut considerer deux choses: l'une qu'il ne perde trop de sang: l'autre qu'il ne suruienne inflammation qui le tue. Si nous craignons la trop grande effusion de sang, ce qu'on peut bien coniecturer par la nature de la \* partie où est la playe, & par la grandeur d'icelle, & par l'impetuosité du sang qui se lance dehors, il faut emplir la playe de charpie seche, & par dessus appliquer une esponge trempee en eau froide, & exprimée, la pressant fort de la main sus la charpie. Si le sang ne s'arreste asses pour ce remede, il faut souuent changer la charpie, & la tremper en uinaigre, si estant seche ell'e n'a asses de uertu. Le uinaigre est singulierement bon pour retenir le sang: & à ceste cause plusieurs en iettent & distillent sus la playe. Mais il est à douter & craindre, que la

\* Car au commencement & declination de la playe la fange est moindre en l'augment & en la vigueur plus abondante.

\* Comme sont les grandes veines & arteres, le cœur, le poulmon, la foie.

matiere trop fort retenue en la playe ne cause par apres une grande inflammation : qui est la raison pourquoy nous n'usons point de medicamens corrosifs & caustiques qui engendrēt une crouste sus la playe, combien que plusieurs d'iceux retiennent le sang : & quand la necessite nous contraint de recourir à tels medicamens, les meilleurs sont ceux desquels l'effect est plus doux, & gracieux. Si l'effusion de sang surmonte ces remedes, il faut empogner les veines qui iettent le sang, & les lier en deux parts, al'entour de ce qui est bleſſé, puis les \* couper, à fin qu'elles se retirent en elles memes, & neantmoins elles ayent l'orifice d'où le sang sortoit, bouché, & serré. S'il n'est possible faire cest operation, on les peut cauteriser d'un fer chaud : pourueu qu'il soit sorti asſés de sang, & qu'en la partie bleſſee n'y ait ni nerf, ni \* muscle, comme au front, & en la superieure partie de la teste. Neantmoins tousiours est il fort utile & commode appliquer une uentouse sus la partie opposite, pour retirer & detourner le flux de sang uers cest endroit-là. Ces remedes sont bons contre l'effusion de sang : mais le remede propre contre l'inflammation est de laisser courir le sang : & sont les remedes susdicts qui l'arrestent, suspects, quand un os est bleſſé, ou un nerf, ou une charnilage, ou un muscle, ou quand pour sa grandeur la playe aura rendu peu de sang. Or toutes les fois que cela auendra, il ne faut point soudain arrester le sang, ains permettre qu'il flue tant & si longuement que sans danger on le peut laisser sortir, de maniere que si nous iugeons qu'il n'ayt suffisamment coulé, on en tire du bras, & principalement si le corps est ieune, robuste, exercé au travail,

\* Cest operation est louee de Galien, chap. 3. liure 5. Method. & principalement en flux de sang artériel : lib. de curat. per sang. missionem.  
\* cōme on cēmēt ou fin, ny implantation ou explantation d'iceluy.

& encores plus, si auant que d'estre bleſſé le malade  
 s'eſtoit enyuré. Si le \* nerf est bleſſé, il le faut du tout  
 couper. Car s'il est atteinct, la playe est mortelle, &  
 si on le coupe du tout, elle est curable. Estant le  
 sang arresté, s'il flue trop abondamment, ou euacué  
 par saignée, s'il flue trop peu, le meilleur est de glutin-  
 ner la playe, ce qu'on peut faire aux playes de la  
 chair & de la peau, pourueu qu'il n'y ait quelque  
 \* autre mal d'auantage. On peut aussi glutiner la  
 chair qui pend d'un costé, & de l'autre est adhéren-  
 te, pourueu qu'elle ne soit corrompue, & que par la  
 conionction qu'elle a, elle soit assistée & fauorisée de  
 la chaleur naturelle. Pour glutiner les playes on  
 procede en deux façons d'operation. Car si la blesſeu-  
 re est en partie molle, il la faut coudre, & principa-  
 lement si le filet de l'oreille est incisé, ou le bas du nés,  
 ou le front, ou la iouë, ou la paupiere, ou la lèvre, ou  
 la peau de la gorge, ou du uentre : mais si la playe est  
 en la chair, & entr'ouuerte, & les bors ne se peu-  
 uent facilement ioindre ensemble, la cousture n'y est  
 point bonne, ains il y faut appliquer des happes nom-  
 mees des Grecs ἀγχιπές, qui approchèt les bors l'un  
 de l'autre, encor que soit peu, à fin que par apres la  
 cicatrice soit moins large. De ce qu'auons dit on  
 peut inferer & entendre, si la chair qui pend d'un co-  
 sté, & est adhérente de l'autre, pourueu qu'elle ne  
 soit corrompue, requiert la cousture, ou les happes.  
 Toutesfois l'une & l'autre ne se doit faire que pre-  
 mierement le dedans de la playe ne soit nettoyé, à fin  
 qu'il n'y demeure aucun caillou de sang. Car y de-  
 meurant, il se pourriroit & conuertiroit en fange,  
 exciteroit inflammation, & empêcheroit la glutina-

\* En nos ex-  
 plaires se lit  
 nerf. Gal. cha.  
 9. liu. 3. Meth.  
 commande le  
 mesme, quand  
 estant piqué le  
 chef du muscle  
 il suruiuent con-  
 iunction qui ne  
 peut estre ap-  
 paisée par au-  
 cuns remedes.  
 \* comme fra-  
 cture, deloueu-  
 re, quelque cho-  
 se estrange de  
 laissée en la  
 playe.

\* comme de  
soye ou de lin.

tion de la playe. Qui plus est, il n'y faut même laisser la charpie qu'on y a mise pour arrester le sang: car elle fait inflammation. Cousant la playe, ou y plantant des happes, il ne faut point seulement prendre la peau, mais aussi quelque portion de la chair, si au dessous il en ya, à fin qu'elles tiennent plus fort, & ne rompent point la peau. La cousture se fait bien avec l'eguille enfilee d'un fil \* delicat, qui ne soit point trop retors, à fin que plus doucement & avec moindre douleur il attouche le corps. Tant la cousture que les happes ne doyent estre ni trop lâches & rares, ni trop serrees. Si elles sont trop lâches, elles ne tiennent pas bien: si elles sont trop serrees, elles font grande douleur. Car tant plus souuent l'eguille perce le corps, tant plus de lieux sont agrapés & pris des happes, les inflammations s'engendrent d'autant plus grandes, & plus l'esté. Ni les happes ni l'eguille ne demandent aucune uolence faite aux parties qu'elles ioignent, & approchent, ains sont lors utiles & deuément appliquees, quand la peau d'elle même & comme uoluntairement suit ce qui la tire, & même. Les happes pour la plus part laissent la playe plus large & ouuerte. La cousture ioint les bors d'icelle, lesquels toutesfois ne se doyent toucher du tout, à fin que si quelque humeur est accumulé dedans, il y ait chemin pour écouler. S'il se trouue quelque playe qui ne requiere ni cousture, ni happes, pour cela ne faut il laisser de la nettoyer. Sur toute playe au commencement on doit appliquer une esponge trempée en uinaigre, & exprimée. Si quelqu'un ne peut endurer la force du uinaigre, au lieu d'iceluy on use du uin. En une  
petite



petite & legere playe, un'esponge trempée en eau, puis exprimée, profite beaucoup. Mais en quelque sorte qu'on applique l'espoë, pendant qu'elle est moite & humide, elle sert. Parquoy ne faut permettre qu'elle se desèche. Par ce moyen on peut guerir les playes sans medicamens estrangers, curieusement recherchés, & composés. Toutes fois si quelqu'un ne se fie point de ceste proceduere, qu'il applique un médicament préparé sans suif, de ceux que j'ay dit estre conuenables aux playes fraiches & sanglantes. Si la partie est charnuë, qu'il applique l'emplastre nommé \* Barbarum : si c'est un nerf, ou une chartilage, ou quelqu'une des parties eminentes & foriettees, comme sont les oreilles, & les léures, qu'il applique les trochisques de \* Polybus, només Sphragides. Le médicament aussi nommé Emplastrum Alexandrinum viride est bon aux playes des nerfs : & le trochisque surnommé Detersif, aux playes des parties eminentes. Aucune fois estant le corps quassé & meurtri, la peau se fend en quelque petit endroit : quoy auenant, il n'est point impertinent l'ouurir d'auantage avec la lancette, ou le petit rasoir à deux tranchans, n'estant aucun muscle ou uers prochain, que sans danger on ne pourroit toucher, & blesser. Estant la peau asses ouuerte & separée, on met dessus le médicament conuenable. Si la partie écachée est un peu ouuerte, & toutes fois ne se peut ouurir d'auantage, à cause des nerfs, & des muscles là situés, on y applique un remède qui gracieusement tire au dehors l'humeur contenu : & entre ceux que j'ay descrits, celui que j'ay dit estre nommé Rhypodes. Si la playe faicte avec contusion &

\* Celsus décrit tous ces medicamens au commencement du liure 5.

\* Galien le nomme Polyidas.

quasseur est grande, il ne sera hors de propos, à fin que l'emplastre Rhypodes soit aidé à faire mieux son deuoir, l'environner de laine grasse, baignee en huile & uinaigre: ou bien si la partie est \* molle, d'un cataplasme qui repercute doucement: si ell'est nerueuse, ou musculuse, qui \* ramollisse. Pour faire ligature de la playe, les bandes de linge sont bonnes & propres. Elles doyuent estre larges, à fin que faisant un seul tour d'icelles, non seulement elles comprennent & embrassent la playe, mais aussi d'une part & d'autre les bors d'icelle. Si la chair est plus separee d'un costé, il est meilleur attirer la bende de ceste part-là. Si la chair est également separee des deux costés, il faut comprendre les bors \* trauersierement. Si la disposition de la playe ne permet qu'on bende ainsi, il faut premierement ieter sus icelle le milieu de la bende, puis la mener uers l'une & l'autre partie. La ligature se doit faire en sorte qu'elle contienne, & ne serre point. Ce qui n'est point bien contenu, eschappe: ce qui est trop serré est en danger de la Gangrene. En hyuer il faut faire plusieurs tours de la bende: en esté, autant qu'il est de besoin. Le bout de la bende doit estre cousu sus ce qui est dessus, avec une eguille. Car le nœu blesse la playe, s'il n'en est fort cloigné. De ce que j'ay discoursu cy-dessus il ne faut pas qu'on se trompe, cuidant trouuer par cela la particuliere curation des entrailles blessees. Car les playes exterieures se guerissent par cousture, & autres especes de remedes & medicaments: mais aux playes des entrailles il ne faut rien attenter, ny remuer, n'estoit qu'il sorte dehors & pende quelque extremite seulement du foye, de la ratelle, & du poulmon, laquelle

on

\* cōme le bout  
du nés, & le fi  
let de l'oreille.  
\* & appaise  
la douleur, qui  
fait attraction

\* de sorte que  
les bouts se ter  
minent sus la  
playe.

on doit trancher. Au reste les playes interieures se guerissent par le reglme, & par les medicamēs qu'au liure precedent de cestuy ci, nous auons dit estre conuenables à chacune entraille. Ces choses ainsi ordonnees & disposees, dès le premier iour on fait coucher le patient: & si la playe est grande, auant que l'inflammation uienne, autant que sa force le porte, on le fait abstenir de manger: & iusques à ce qu'il perde la soif, on luy fait boire d'eau chaude: ou biē s'il est esté, & le malade n'a fieure ni douleur, de l'eau froide. Ainsi uoit on n'estre aucune chose perpetuelle, & immuable: ains ces choses se doyuent tousiours estimer & conférer à la uertu du corps, de sorte que se rencontrant la uertu foible, il est necessité de nourrir le malade d'alimens de subtilé consistence, & en petite quantité, qui seulement entretiennent la force. A plusieurs qui trauaillent à la mort pour auoir perdu leur sang, il faut auāt tout autre remede restaurer la uertu, leur donnant du uin à boire, iacōit que le uin soit trescontraire & nuisible à la playe. Si la playe deuient grosse & tumide, c'est un signe \* dangereux: si du tout elle n'est rien enfle, & tumide, c'est un signe tresdangereux. Le premier est signe de grande inflammation: le second de l'extinction & \* mortification du corps. Si le \* patient a le sens bon: s'il ne suruiuent point de fieure, on peut asseurer que la playe sera tost guerie: & même on ne se doit epouuāter de la fieure, si en une grande playe elle tient, pēdant que l'inflammation dure. La fieure est pernicieuse si elle suruiuent en une petite playe, ou si elle dure outre le temps de l'inflammation, ou si elle apporte réuerie, ou si elle ne se \* termine point par une conuulsion &

\* qui demonstre inflammation.

\* aph. 66. liu. 5. Gal. rend vne autre raison: qui est que par l'usage des repercuissifs employés mal à propos, les humeurs qui deuoient tomber sus la partie douloureuse sont rechaſſees sus les parties nobles.

\* aph. 33. liu. 2. \* aucuns suyuant l'aphorisme 57. li. 4. & 26. li. 2. lisent ou si elle ne termine point la conuulsion &c. il appelle rigidité de nerf ce que les Grecs nōment Tetanum.

rigidité de nerfs procedante de la playe. Le uomissement de cholere inuoluntaire, ou soudain que le patient a esté frapé, ou pendant que l'inflammation dure, est un \* mauvais signe, seulement en ceux qui ont les nerfs ou les parties nerveuses blessées. Le uomissement uoluntaire n'est point suspect, principalement en ceux qui l'ont acoustumé: pourueu qu'on ne uomisse incontinent apres le repas, ou apres que l'inflammation est ia uenue, ou quand la playe est aux parties superieures du \* corps. Apres auoir tenu par l'espace de deux iours la playe ainsi bendee comm'auons dit, le troisieme iour il la faut decouvrir, & nettoyer la matiere sanieuse avec \* d'eau froide, puis appliquer les memes choses qu'au parauant. Au cinquieme iour l'inflammation monstre combien elle doit estre grande. Ce iour-là il faut decouvrir la playe, & considerer sa couleur. Si ell'est liuide, ou palle, ou changeante, ou noire, on peut iuger la playe estre mauuaise, & toutesfois que nous obseruerons ces couleurs, tenons la pour douteuse. La couleur rouge ou blanche est fort bonne. La peau dure, grosse & douloureuse signifie danger. C'est, au contraire, bon signe, quand ell'est molle, mince, & sans douleur. Si la playe se glatime, ou est quelque peu enflée, il y faut appliquer les memes choses qu'au parauant. Si l'inflammation est grande, & nous n'esperons point qu'elle se glutine, ains s'y engendre de la matiere purulente, l'usage de l'eau chaude y sera necessaire, pour resoudre l'humour, ramollir la durté, & auancer la suppuration. La chaleur de l'eau doit estre moderee & attrempee de sorte qu'elle soit douce & agreable à la main qui la touche; & en faut user insques à ce qu'on uoye estre

\*aph. 50. li. 6.

\*en la teste.

\*Cela est contraire à l'aphorisme 20. li. 5.

diminuee quelque chose de la tumeur, & qu'elle a rendu au membre une couleur plus naturelle. Apres ceste fomentation, si la playe n'est point large & ample, soudain il y faut appliquer un emplastre: sauoir est, l'emplastre surnommé Tetrapharmacum, si elle est grande: & si elle est aux iointes, aux doigts, ou aux parties cartilagineuses, l'emplastre surnommé Rhy-podes. Mais si la playe est fort large & ouuerte, il faut dissoudre l'emplastre en l'oignement Irim, & de ce medicament engresser & couvrir de la charpie & des plumaceaux, qui seront mis dans l'ouuerture de la playe, puis par dessus appliquer l'emplastre solide, & sus iceluy de la laine grasse, serrant moins la ligature & les bendes qu'au commencement. Aux playes des iointes il faut cōsiderer certaines choses particulie-res. Si les \* nerfs qui contiennent & assurent la iointe sont coupés, il s'ensuit debilité du membre. S'il n'apparoist point qu'ils soyēt coupés, & la playe est faicte d'un glaiue tranchant, il uaut mieux qu'elle soit à trauers. Si elle est faicte d'un bastō pesant & mouce, il n'importe de quelle figure elle soit. Mais il faut auiser si la matiere purulente sort au dessus de la iointe, ou au dessous. Si au dessous, & elle est blanche & grosse, & s'écoule longuement, il est croyable que le nerf est coupé: & d'autant plus cela est uraysemblable, si l'in-flammation & la douleur sont grandes, & si bien tost elles y sont uenues. Encor que le nerf ne soit point coupé, toutesfois si à l'entour de la playe demeure une tumeur\* dure, necessairemēt l'ulcere sera diurne: & quād biē il sera gueri, la tumeur y restera: & le mēbre recouvrera fort tard son mouuement d'extension & contraction. Toutesfois on a plus de peine, à esten-

\* tendons, mē-branes, & liga-mens.

\* ou le reste de l'inflammatio indiscretement resolue, ou vne Eschirre: ou vne cicatrice grande.

dre

dre le membre qu'on a curé estant courbe, qu'à le courber & flechir, si pendant la curation on l'a contecté droit, & estendu. Le membre blessé doit estre situé en certaine façon. Si on pretend glutiner & souder la playe, on le situe haut : pendant l'inflammation, on le pose en situation droite sans incliner ni haut, ni bas. Si la matiere purulente sort desia, il faut qu'il pende contrebas. Le repos est un bon remede. Le mouvement & le cheminer est contraire, sinon aux membres sains. Le cheminer est moins dangereux en la blesseure du bras, ou de la teste, que si la playe estoit aux parties inferieures. Ceux qui sont blessés en la cuisse, en la greue, & au pied, ne doyuent aucunement cheminer. Le lieu où gist le malade doit estre tiede, & mediocrement chaud. Pendant que la playe est sordide & fangeuse, le bain est tresdommageable, par ce qu'il la rend humide, & bouëuse, à raison de quoy souvent elle se tourne en gangrene. Il n'est que bon user de petites frictions, mais aux parties qui sont éloignées & distantes de la playe. Quand l'inflammation sera cessée, il faut nettoier & absterger la playe : ce qui se fait commodement avec tentes & charpies trempées en miel, appliquant par dessus un emplastre convenable, ou le medicament appelle Enneapharmacum. L'ulcere est pure & nette, quand elle rougit, & n'est ni trop humide, ni trop seche. Mais si ell'a perdu le sentiment, ou ne sent point naturellement & vivement comm'elle souloit, si ell'est trop humide ou trop seche, palle, blanche, liuide, ou noire, elle n'est pure ni nette. Apres l'avoir abstergee & nettoiee, suyamment il la faut remplir de chair, & lors l'eau chaude est seulement necessaire pour oster la ma

\* Les autres li-  
sent: appliquât  
par dessus l'ē-  
plastre Tetra-  
pharmacum,  
ou bien l'em-  
plastre Ennea-  
pharmacum.

la matiere sanieuse : & l'usage de la laine grasse est inutile & superflu. Le meilleur est y appliquer de la laine lauee & degraissee. Quelques medicamens sont bons à remplir la playe, lesquels il faut user, comme du beurre avec d'huile rosat, & un peu de miel, ou bien avec autant de miel que des autres : ou le tetrapharmacum avec huile rosat : ou bien des charpies & plumaceaux baignés en huile rosat. Le bain pris rarement est encor plus profitable que les choses susdites. La viande doit engendrer bonnes humeurs : & faut s'abstenir de toutes choses acres & de beaucoup manger. On peut donner la chair des oyseaux, de la uenaison, & du pourceau bouilli. S'il y a fievre, ou inflammation, le uin est contraire : & pareillement, si les nerfs ou les muscles sont blessés, iusques à ce que la playe soit cicatrisee : semblablement aussi quand la chair est nauree profond. Mais si la playe est en la superficie de la chair, & n'est point de quelque espeece malicieuse, donnant du uin qui ne soit par trop uieux, & en mediocre quantité, cela profite à la repletion d'icelle. S'il faut r'amollir quelque chose, comme il est de besoin aux parties nerveuses, & musculieuses, on use d'un cerat au dessus de la playe. S'il y a quelque excroissance de chair superflue, elle est mediocrement reprimée par une charpie seche, & d'auantage, avec l'ecaille de cuiure. Si la chair qui doit estre ostee, est en plus grande quantité, il faut user des remedes qui rongent & mangent le corps. Pour cicatrifer, le Lycium est fort bon, detrempe avec du lait, ou avec du uin faict de raisins passés : ou seulement une charpie seche. Voyla l'ordre & la procedure d'une heureuse curation. Nonobstant quelques dangers ont accou

accoustumé d'y suruenir. Quelquefois la longueur du temps occupant l'ulcere, induit & engendre collosité: & les bords de l'ulcere s'engroissent, & deuiennent livides: au quel cas tous les medicamens qu'on y applique seruent de peu, comme il auient ordinairement à l'ulcere mal & negligemment traité. Quelquefois pour trop grande inflammation, ou chaleur de temps excessiue, ou froideur immoderee, ou pource que la playe est trop serree, ou pource que le corps est uieil, ou de mauuaise habitude la gangrene s'y attache. Les Grecs ont diuisé ce genre de mal en ses especes par certains uocables. Les Latins n'ont point de mots propres pour les specifier. Toute gangrene non seulement corrompt le membre qu'elle ocupe, mais aussi s'estend en rampant. On discerne ces especes par signes differens. Quelquefois à l'endroit de l'inflammation une rougeur enuironne l'ulcere, & s'elargit avec douleur. Les Grecs nomment ceste especes Erysipelas. \* Quelquefois l'ulcere est noire, par ce que sa chair est corrompue, & s'ested, pourrissant tousiours de plus en plus. Ceste ulcere est humide: de la partie qui est noire sort une humidité palle, & puante: la chair est corrompue: quelquefois aussi les nerfs & les membranes sont tellement dissolues, & uitices, que y iettant un crouuette, elle entre & descend ou contrebais, ou de costé. Quelquefois les os sont même \* entachés & contaminés de ce uice. Aucunefois suruiuent la maladie que les Grecs nomment \* Gangrene. Les deux premieres especes se font en chaque partie du corps: ceste troisieme aux parties prominentes, & fortiettes, sauoir est entre les ongles, aux aixelles, aux eimes, & la plus part aux uieilles gens, & corps mal habitué

\* ceste cy est la vraye Gangrene.

\* Ceste especes est le vray Sphacelos.

\* le mal qui descript sous ce nom est l'ulcere maligne, gangreneux, & ambulatif, que les Grecs nomment Nome et Phagedena. Galien, des tum. le dit estre fait de melancholie aduste meslee, avec quelque humidité sereuse.



habitués. La chair en l'ulcere est noire, ou liuide, mais aride & seche: la peau prochaine est le plus souuent pleine de pustules noires: puis la uoisine d'icelle est palle ou liuide, & presque tousiours ridee, & priuee de sentiment: celle qui est outre la seconde, est inflammee: & toutes ces dispositions s'estendent, & auancent. L'ulcere gaigne & saisit la peau prochaine où estoient les pustules. Les pustules s'auancent en la peau uoisine qui estoit liuide ou palle. La couleur liuide ou palle occupe la peau contigue qui estoit rouge & inflammee. L'inflammation passe en la partie saine. Cependant par apres se fait une fièvre agüe: une soif uehement: à d'aucuns troublemēt & alienation d'esprit. Quelques uns encor qu'ils ne soyēt egarés de leur sens, à peine peuuent expliquer leur conception en begayant. L'estomach commence à estre offensé: l'aleine leur put. Ce mal au commencement est curable: estant confirmé ne se peut guerir, & plusieurs meurent avec une sueur froide. Tels sont les dangers qui suruiennent aux playes. \* Les ulceres inueterés se doyuent inciser avec un petit rasoir: il faut retrancher leurs \* bors, & semblablement tout ce qui est liuide se doit inciser & scarifier. S'il y a quelque petite ueine uariqueuse qui empeche la curation d'iceux, il la faut aussi trancher. Estant le sang euacué, renouuellé & raffraichi l'ulcere, il faut user de même curation qu'auons dit aux playes recentes. Si quelqu'un ne ueut user du petit rasoir, \* l'emplastre de Ladanum guerira & acoustrera les bors: puis quand \* l'ulcere aura esté rōgé & mangé de cest emplastre, on en appliquera un qui le cicatrise. Ce que l'ay dit estre nommé Erysipelas, non seulement suruiuent

\* Hippocr. liu. des Vlcères.

\* qui sont durs calleux, ou traqueux.

\* Il est décrit au liure 5. sous ce tiltre Emplastrum quod exest corpus &c.

\* les bors d'iceluy, & la chair superflue.

uient aux playes, mais sans icelles est aussi engendré: & quelquefois est fort dangereux: principalement quand il naist au col ou en la teste. Si la uertu du patient le cōporte, il faut oster du sang: puis y appliquer des medicamens refrigeratifs & repercuſſifs, & singulierement de la crouſſe detrempee en ius de morelle: ou de la terre cimolia incorporee en eau de pluye: ou de la \* farine d'orge meslee avec ceste même eau & des noix de \* cypres, ou si le corps est plus delicat, avec farine de lentilles. Quelque chose qu'on y mette, il la faut couvrir de feuilles de blette, & par dessus estendre un drapeau baigné en eau froide. Si ces medicamens refrigeratifs profitent peu tous seuls, il les faut mesler en ceste maniere: \* Souphre, une partie: cerusse, saffran, de chacū douze parties. On les broye avec du uin: puis on en oingt le mal. Si la partie est endurcie, on mesle des \* feuilles de morelle pilees, avec la graisse de pourceau, & apres les auoir estendues sus un drapeau on les applique. S'il y a noirceur, qui toutes fois ne chemine point encores, il y faut appliquer des medicamens qui rongent doucement la chair pourrie: & incarner l'ulcere, comme on fait les autres, quand il sera nettoyé. Si l'ulcere est plus putride, s'il chemine & s'auance desia, il faut user de medicamens plus fort corrosifs. Si ces remedes ne surmontent le mal, il le faut \* cauteriser, iusques à ce qu'il n'en sorte aucune humidité. Car les parties saines de nostre corps deuiennent seches quand on les cauterise. Ayant cauterisé l'ulcere putride, on y applique les medicamens qui separent la crouſte nommee des Grecs Eschare, d'avec le uif. Apres que la crouſte est tombee, on mondifie l'ulcere principalement

\* Au texte y a simplement, farine.

\* Au texte y a simplement, avec cypres.

\* Ce remede est bon, quand par trop grande refrigeration l'erysipelas noirci, & deuenu liuide, requiert medicamens diaphoretiques.

\* Ce remede conuient quand par trop grande refrigeration l'erysipelas est conuerti en scirrhe.

\* de ſeu viſ, ou mort.

ment avec de la resine & du miel, combien qu'on le puisse nettoier aussi par autres remedes, desquels on use aux ulceres purulentes, & par ceste façon on le guerit. Il n'est pas trop difficile de curer la Grogne qui commence seulement, & n'est point encor enracinee, principalement en un corps ieune, & d'autant plus, si les muscles sont sains: si les nerfs ne sont point blesez, ou sont legierement offence: si n'y a point de grande ioincte decouuerte: si au lieu malade y a peu de chair, & à ceste cause s'est trouue peu de substace propre à recevoir putrefaction: pour quoy le uice s'est arresté en icelle, & n'a point cheminé plus outre, ce qui principalement peut auenir aux doigts. En ce cas le plus souuerain remede est la saignée, si la force l'endure: en apres trancher iusques à la partie saine, tout ce qui est desseché, & qui en s'estendant gaste & endommage les parties prochaines. Pendant que le mal chemine il ne faut point appliquer de medicamens suppuratifs, & à ceste raison ne faut point user d'eau chaude. D'auantage les medicamens pesans combien qu'ils repriment, sont contraires. Parquoy il les faut appliquer fort legers, & sur le lieu inflammé user de refrigeratifs. Si pour cela le mal ne s'arreste, il faut cauteriser ce qui est entre la partie saine, & la corrompue. En ce cas principalement on doit attendre & chercher secours non seulement des medicamens, mais aussi du regime. Car l'origine & cause de ce mal est le uice & la corruption de l'habitude du corps. Parquoy dès le commencement, si la foiblesse de la uertu n'y empesche, il faut user d'abstinence: puis donner quant au boire & manger, ce qui restrainet & serre le uentre, & à ceste raison

\*ou l'affluëce  
des humeurs:  
ou la maligni-  
té de la putre-  
faction.

tout le corps, pourueu que cela soit doux & gratieux. Puis si le mal s'arreste, il faut appliquer sus la playe les mesmes remedes que nous auons ordonnés aux ulceres putrides: & lors on peut manger d'auantage, au moins des uiandes qui ont mediocre faculté entre celles qui nourrissent peu, & celles qui nourrissent beaucoup, mais qu'elles ne desechent ny le corps, ny le uentre. L'eau de pluye, & froide, leur est bonne. Quant au baing, si le malade n'est certain & asseuré de sa santé recouree, il est contraire, par ce que la playe estant ramollie du baing, est incontinent surprise & trauaillee du mesme mal. Quelquefois tous les remedes ne profitent de rien, & neantmoins la Gangrene chemine & s'auance, auquel cas y a un seul remede, mais pitoyable & miserable, qui sert pour garantir & preseruer les autres parties, c'est de retrancher le membre qui petit à petit se meurt. Voila la curation des playes les plus dangereuses. Si est-ce qu'il faut auoir égard, quand la peau est entiere, & ce qui est au dessous est contus & écaché: ou si quelque partie est écorchée & desflorée, ou bien meurtrie & broyée: ou si quelque estoc est fiché au corps: ou si la playe est petite, mais ell'entre fort auant. Au premier \* cas il est bon cuire l'ecorce de grenade en uin, broyer son interieure partie, la mesler avec cerat fait d'huile rosat, & l'appliquer dessus: puis quand la peau est exasperee par ce medicament, y appliquer un remede lenitif, comme est celui que les Grecz nomment Lipara. Si la partie est écorchée, ou meurtrie & broyée, on y applique l'emplastre surnommé Tetrapharmacum: & faut diminuer du manger, & du tout oster le uin: & ne faut mépri-

\* quand les parties interieures sont écachées.

ser ceste playe par ce que le coup n'entre point profond: car bien souuent d'un tel accident est faicte une gangrene. Mais si la playe est legiere, & tient peu de place, nous nous pourrons contenter du medicamēt lenitif mentionné cy-dessus. S'il y a quelque estoc fiché, il le faut tirer avec la main, ou avec un ferremēt. S'il est rompu, ou s'il est planté si auant qu'on ne le puisse tirer par ce moyen, il le faut arracher avec un medicament. A cela est bonne la racine de la canne appliquee: si ell'est tendre, incontinent qu'elle sera pillée: si ell'est dure, l'ayant premierement bouillie en uin miel: & tousiours y faut aiouster du miel, ou de l'aristolochie avec le miel mesme. La canne prise des tiges ne uaut rien, par ce qu'ell'est aspre. Mesme incommodité se trouue au tige de la \* feugere. Mais on a cognu par experience, la feugere estre medicament contraire à la canne, & la canne à la feugere, si on les \* broye, puis on les applique. Tous medicamēs qui ont faculté d'attirer, ont le mesme effect de ieter hors les estoex plantez en nostre corps. Ces remedes sont aussi bons aux playes estroictes & profondes. Au premier cas, sauoir est, pour tirer les estoex plantez, l'emplastre de Philocrates est tres singulier: au second cas, sauoir est aux playes estroictes & profondes, l'emplastre de Hecateus. En chaque playe, quand on sera uenu au point de la cicatrifer (ce qui est necessaire quand l'ulcere est nette, & remplie) premierement ce pendant que la chair s'y engendre, on y applique de la charpie baignee en eau froide, puis on la met seche, iusques à ce que la cicatrice soit faicte: & lors par dessus il faut attacher une lame de plomb blanc, qui reprime & reserre la \* cicatrice,

\* de laquelle la racine est bōne à mesme vsage que celle de la canne.

\* La racine de la canne broyee & appliquée tire hors les estoex de la feugere: la racine de la feugere tire aussi les estoex de la canne. La feugere coupee d'une canne ne recroist point, ou si on la laboure ayant mis une canne sus le soc de la char: on commande aussi labourer les cannes metant de la feugere sus le soc. Plinē char. II. li. 24. & char. 6. li. 18. \* empeschant qu'elle ne croisse trop.

Et luy fait prendre couleur semblable à la couleur des parties saines. A cela est aussi bonne la racine du coucombre sauvage: & le médicament composé, qui s'ensuyt: Elaterium, une partie: litharge, deux parties: unguent \* susin, parties quatre. On incorpore toutes ces choses avec resine de terebinthe, iusques à ce qu'on les reduise en consistance d'emplastre. Les cicatrices noires sont doucement purgées par un médicament composé de uerdet & plomb laue<sup>l</sup>, meslez en égale portion, & cuits en huile rosat, soit qu'on l'applique sus la cicatrice en forme d'oignement (ce qu'on peut faire au uisage) ou qu'on l'applique en forme d'emplastre, ce qui est plus commode aux autres parties du corps. Si la cicatrice est trop grosse, ou caue, c'est folie pour resset de se faire beau, endurer tourment, & les medicamens. Toutesfois il est facile de remedier à l'une & l'autre disposition: & le remede est, d'ulcerer l'une & l'autre cicatrice avec le petit rasoir. Si quelqu'un ayme mieux cela estre fait par medicamens, les compositions qui rongent & mangent le corps, sont utiles à cest intention. Ayant ulceré la peau, sus la chair éminente on applique des medicamens corrosifz, sus la cicatrice caue des medicamens qui la remplissent, iusques à ce que l'un & l'autre ulcere soit à l'egal de la peau saine, & lors on le cicatrise.

Annotation sur le précédent texte de Celsus.

Plin<sup>e</sup> liure 7. chap. 2. eserit ce qui s'ensuyt, des Psylles: Crates de Pergame dit auoir esté une race d'hommes en l'Helleponte, à l'entour de la uille nommée Parion, & les nomment \* Ophiogenes, lesquels allegent les blesseures des serpens en les touchant, & metans

\* Aucuns li-  
sent Glan. vn  
guentaire.

\* fils de Ser-  
pent.

metans la main sus la playe tirent le uenin hors du corps. Varro dit en rester maintenant encor quelque petit nombre, desquels la saluë guerit la morsure & piqueure des serpens. Semblable nature auoit la nation des Psylles en Aphrique, ainsi nommée, cōme tesmoigne Agatharcides, de leur roy Psyllus, duquel le sepulchre est en un lieu des grandes Syrtes. Au corps de ces hommes estoit une senteur naturelle pernicieuse aux serpens, qui d'une telle odeur estoient assopis & endormis. Leur coustume estoit, incontinent que leurs enfans uenoient au monde, pour cognoistre & experimenter par ce moyen la chasteté de leurs femmes, les exposer & presenter aux plus cruelz & dangereux serpens, qui n'epargnoient ou fuyoyent ceux qui estoient engendrez par adultere. Ceste nation a esté presque du tout ruinee, & tuee des Nasamons, qui habitent leur pays; toutesfois la race dure encor en quelque peu d'hommes, desquels les predecesseurs ou s'ensuyrent, ou estoient absens le iour de la bataille. En Italie la race des Marses a semblable propriété. On les dit estre sortis du filz de Circé, & qu'à ceste raison ilz ont ceste uertu.

Des fractures d'os & leurs differences.

CHAP. LXXXIX.

**A** Pres auoir parlé des operations manuelles qu'on exerce aux membres charnus & mols, l'ordre veut que suyuantment nous traitions, de celles qu'on execute aux os, i'enten les romputes & delbouëures d'iceux, lesquelles sont suiectes à chirurgie: en premier lieu des fractures: & premierement de celles qui se font en la teste, par ce que l'operation requise en

icelles, est de moyenne condition & nature entre celle qui appartient aux membres charnus & mols, & celle qui conuient aux autres os : & aussi que le tés est éminent & releué par dessus

\* à raison de  
quoy il est plus  
suiect à rece-  
voir blessures.

\* tous les autres membres du corps. En general fracture est diuision, ou ruption, ou dissection de l'os, faicte par quelque violéce externe. Les espèces & differéces des fractures sont plusieurs. On dit l'une estre faicte en raifort : l'autre en éclat : la troisieme en ongle : la quatrieme en farine : la cinquieme par abruption & separation

\* Albucrasius  
l'appelle en ar-  
cade sans astel-  
les.

de l'os. La fracture faicte en \* raifort, en Grec παραισίδον, ou comme aucuns disent, en coucomb-  
bre, ou en chou, en Grec σικυρίς δον, & καυρίς δον, pour la similitude que l'os ainsi fracture a avec vn coucomb-  
bre, ou vn tige de chou rompu en pliant, est rompure de l'os faicte de trauers, selon la grosseur & épaisseur d'iceluy. La fracture

\* vulgairement  
avec squille.

faicte en \* éclat, en Grec χυδαρίς δον, est rompure de l'os en log. La fracture faicte en ongle, qui se dit aussi en chaume, ou canne, en Grec κατ' ὀνυχας, & καλαμίδον, est rompure de l'os pour quelque part en droicte ligne, & sus la fin en figure de croissant. La fracture faicte en farine, ou come aucuns parlét, en noix, en Grec ἀλφιδον & καρπιδον, est briseure de l'os en plusieurs

\* de grosseur  
pareille à vn  
grain de from-  
ment moulu  
grossolement, ou  
à vne auellane.

petites & subtiles \* pieces. La fracture faicte par abruption, en Grec κατ' ἀπόθραυσιν, ou ἀποκοπήν, est separation d'une partie de l'os, en la rompure de la superficie, de sorte que la partie leuée & separée, manque & defaut. Telles sont les differéces des rompures & fractures.



## ANNOTATIONS.

La fracture du tés requiert separation de l'os, 1.  
 cōme celle de la iambe, quand premierement on estend  
 le membre, & non approchemēt des parties diuises,  
 comme la playe de la chair. La fracture du tés apres 2.  
 la separation de l'os, ne demande point qu'on le r'ha-  
 bille, agençant & remétant les pieces en leur lieu,  
 cōme la fracture de la iambe. La fracture du tés ueut 3.  
 estre bendee, non pour arrester l'os abillé en la figure  
 qu'on l'a remis, comme en la iambe, non pour appro-  
 cher les parties, ou les retenir ioinctes, comme en la  
 playe de la chair: non pour rechasser & repercuter  
 l'affluence des humeurs, ou attirer l'aliment, comme  
 en la iambe & playe de la chair, ains pour tenir seu-  
 lement les remedes appliquez sus la partie. La fra- 4.  
 cture du tés demande l'exemption des choses estran-  
 ges, comme la playe de la chair. La fracture du tés 5.  
 ueut qu'on pouruoye aux symptomes futurs, & que  
 on remedie aux presens comme en la iambe & playe  
 de la chair. En ceste maniere la chirurgie & cura-  
 tion de la fracture au tés, est de moyenne condition  
 entre celle des autres os, & celle de la chair.

Des Fractures de la teste. CHAP. XC.

**P**articulierement fracture en la teste, est di-  
 uision du tés, qui aucunesfois est simple, &  
 aucunesfois a plusieurs fentes & lignes, causee  
 de quelque violence externe. Les especes & dif-  
 ferences de ceste fracture sont, Fente en Grec  
 ρωγμή: Excision, en Grec εκκοπή: Enfonceure, en  
 Grec ιγγισωμια: Briseure enfoncée, en Grec  
 επιπλομα: Vouture, en Grec καμάρωσις: & aux pe-

tis enfans, Côtusion, en Grec *θλῆσις*. Fente est diuision du tés, superficielle ou profonde, sans que l'os blessé change sa place, iusques au dedans. Excision est diuision du tés avec eleuation & renuersement de l'os frappé. Quand du tout il est separé & emporté, on appelle ceste fracture Doleure, en Grec *ἀποσκηπαρισμός*. Briscure enfoncée est diuision de l'os en plusieurs pieces, avec descente & enfonceure des petis os brisez sus la membrane. Enfonceure est diuision du tés, avec ce que l'os blessé laisse sa propre assiete, & descend contrebas sus la membrane. Vouture est diuision du tés avec rehaucement de l'os blessé: ou<sup>a</sup> comme dit Galien, quand l'os se recule & caue en dedans, semblablement comme en l'enfonceure: telle est son opinion. Aucuns aioustent aux especes susdictes la Fente en poil, en Grec *τριχισμόν*. La fente en poil ou capillaire, est vne fissure si estroite & subtile qu'elle n'apparoist point aux sens: & à ceste raison estant quelquefois incognüe, pour ne demonstrier aucun signe manifeste de soy, cause la mort du patient. Côtusion ou quassure n'est point diuision de l'os, & pour ce respect on pourroit debattre avec iuste occasion, que telle affection n'est point fracture, mais est impulsion & inflexion du tés en dedans, sans interruption de sa continuité, comme il se fait aux vaisseaux de laiton, & de cuir cru, quand on les frappe. La contusion a deux differences. Car ou l'os est quassé de toute sa grosseur & épaisseur, de maniere que souuēt la membrane est

est\* separee du tés, ou foulée & pressée d'ice-  
 luy: ou n'est point quassé de toute son epoi-  
 seur, ains seulement en son exterieure superfi-  
 cie iusques à la seconde table. <sup>b</sup> Aucuns aiou-  
 stent à ces especes la Côtrefente en Grec ἀπὸ  
 χημῆς, qui est fracture du tés en la partie oppo-  
 site de celle qui est frappee: mais ilz se trôpent:  
 & n'auient point cela, ainsi qu'ils disent, aux  
 playes de la teste, comme en vn \* vaisseau de  
 voirre, qui se peut rompre en ceste maniere,  
 par ce qu'il est vuide: mais le tés de la teste est  
 plein, & avec ce dur & ferme. Ce qui les de-  
 çoit & abuse est, qu'aux cheutes, estàs plusieurs  
 parties de la teste frappees, il se fait fracture  
 en quelque endroiët du tés sans diuision & so-  
 lution de continuité en la peau, laquelle par-  
 apres se manifeste, quād on incise & ouure l'ab-  
 scès qui y suruiuent, & cela leur fait croire que  
 telle fracture est en la partie opposée du coup.  
 Ceste fracture est curee de mesme façon que  
 la fente. On cognoist que la teste soit fractu-  
 ree, considerant la taille, pesanteur, durté, roi-  
 deur & violente rencontre de ce qui frappe, &  
 d'auantage les accidens suruenans à celui qui  
 est frappé, comme si la veuë luy est offusquee,  
 s'il perd la parole, si soudainement il tombe, ce  
 qu'auient principalemēt aux enfonceures, con-  
 tusions, briseures enfoncees, & voutures, par ce  
 que le cerueau est foulé des os. On cognoist  
 aussi ces fractures aux sens. Si la playe & diui-  
 sion de la peau est grande & notable, par icelle  
 aisément on la cognoist. Si la peau du tout n'est

\* estans rom-  
 pus par la vio-  
 lence du coup,  
 les vaisseaux  
 & productions  
 membranenses  
 capillaires, par  
 lesquels &  
 quelles elle s'at-  
 tache au tés.

\* Ceste compa-  
 raison & opi-  
 nion estoit de  
 Soranus du-  
 quel reste en-  
 cor quelque pe-  
 tit cōmentaire  
 Des playes de  
 la teste.

entamee, ou la diuision est fort estroicte & petite, & nous doutons la fracture du tés, après auoir incisé la peau, avec l'œil, & l'éprouvette en fondant, nous cognoissons si ainsi est. Les autres especes de fracture incontinent se manifestent. Mais s'il y a vne fente subtile, estroicte & deliée, comme vn \* poil, qui n'apparoisse au sens, nous épandons & ietons dessus l'os quelque médicament noir liquide, ou de l'encre à escrire, puis \* raclons l'os: quoy faisant la fente se monstre noire: & faut continuer de racler, iusques à ce que la marque noire de la fente se perd, & n'apparoist plus. Si la fente va iusques à la membrane, nous cessons de racler, & venons à discerner & discourir, si la membrane est separée du tés, ou si ell'y est encor attachee. Si elle demeure encor attachee, la playe est sans ou avec peu d'inflammation: le \* malade est sans fièvre, ou en a fort peu: la matiere & fange de la playe se voit meure & cuicte. Si la membrane est separée, les douleurs s'augmentent, & semblablement la fièvre: l'os change de couleur: la matiere de la playe est subtile, & crue: & si le patient est nonchalant, & ne donne ordre qu'avec des tirefonds il soit trepané, y suruiennent des accidens plus grieux & plus dangereux que les sus recitez, assauoir vomissement de \* cholere, conuulsion, reuerie, fièvre \* ague: & iceux auenans, on ne doit entreprendre l'operation. S'ils ne viennent point, & la membrane n'est point separée,

\* Cy-dessus il  
la nomme Tri-  
chismus.

\* d'une rugi-  
me.

\* on lit aussi:  
la fièvre petit  
à petit laisse le  
malade.

\* aph. 50. li. 6.

\* qui vient au  
7. li. & 14.  
iour, & non

ree,

ree, & l'os est seulement fendu, on le guerit avec la rugin feule, encor que la fissure voisse iusques au profond. Si elle ne descend que iusques à la seconde table, il ne faut racler que iusques là. Si l'os est contus & quassé, il doit estre tranché al'entour, comme nous dirons. S'il est brisé en plusieurs petites pieces, il les faut curieusement oster avec instrument convenable. Si la membrane n'est point separée: & d dès le commencement on r'a appelé pour gouverner & penser le blessé, en hyuer diligente de trancher l'os auant le quatorzième iour: & en esté auant le septième, premier que les accidens ia mentionnés y suruiennent. L'operation est telle.


du commence-  
ment: ils sur-  
uiennent aussi  
des pustules en  
la langue, qui  
est un tresma-  
uau signe: &  
erysipelas au  
visage, comme  
dit Hippocra-  
tes: & comme  
a observé M.  
Paré, quelque  
fois inflamma-  
tion au foye.



\* \*  
\*

A. Le manche.  
B. Les pointes qui s'insèrent dedans le manche.  
C. Les pointes qui s'insèrent dedans le manche.  
D. Les pointes qui s'insèrent dedans le manche.


Foret pour commencer le trou à poser la  
trepane: avec le ciseau pour separer  
le pericrane d'avec l'os.



A. Le manche.


B B. Les pointes qui s'insèrent dedans le manche  
par une vix.

*Trepane*

*Trepane avec son compresseif.*

- A. Le manche.
- B. La trepane.
- C. La uiz qui tient la trepane au manche.
- D. Le chaperon qui garde que la trepane ne passe  
outre la uoulonté de celuy qui trepane.
- E. La uirole.
- F. Vne autre uiz qui tient ferme la uirole.
- G. La pointe triangulaire.
- H. La uirole qui tient ferme la pointe.


*Trepane quadrangulaire  
& sexangulaire.*



*Compa*




*Compas pour couper l'os  
du crane.*




- A. Le pié du compas qui coupe l'os.  
 B. La petite uiz qui tient la poincte.  
 C. Deux poinctes pour inserer au compas.  
 D. La grand uiz qui tient un fer marqué. E. Par lequel le compas se dilate & serre comme on uent.

*Elevatoire à trois piedz pour ele-  
ver les os de la teste enfon-  
cez à coup de masse,  
pierre, &c.*



*Sies*

*Sies pour l'os de la teste,  
de Vidius.*





*Trepane  
sans ar-  
rest.*

*Trepane  
avec ar-  
rest.*





*Autre*

*Autre Trepane.*

*Furet ou perçoir.**Trepan*

*Trepan selon aucuns, ou Broncal  
selon les autres.*



*Autre façon de Trepanes.**crucis vel nobis**Vibrequin*



*Vibrequin, ou perçoir.*

1. La can-  
te de cest in-  
strumēt en  
laquelle est  
inseré l'au-  
tre ferre-  
ment.

2. Du bas  
il procede  
en haut,  
l'espace de  
trois doigts.  
3. Il se fle-  
chit à l'espa-  
ce d'un  
doigt.

4. Le canō  
qui se tourne  
à l'entour.


5. Derechef  
il se fleschit  
environ à  
l'espace  
d'un doigt.

6. Il retor-  
ne droit.

7. Vne boul-  
le au haut.


A. Le ferre-  
ment en de-  
micercle,  
qui s'insere  
au bout.

B. Le ferre-  
ment qui  
represente  
vne ongle  
au bas.




C. Le ferrement qui a le bout en forme de pomme rayee.

*Ciseau  
ou fer-  
moir  
courbe.*




*Ciseau  
ou fer-  
moir  
droit.*




*Rugines.*

κυκλίσκω-  
τὸς, ἐκκοπέυς  
vne gou-  
ge.



Le mar-  
teau de  
plomb.




ἑκκοπεύς  
φακωτὸς.

*Lenticu  
laire.*

*Lenier.*

Μητροφό-  
λαξ.


*Lewier.*




Αναβο-  
λεὺς Pau-  
li.

*Elena-  
toir  
den-  
telé.*

*Tenailles.*

*Tenailles incisives.*

ὁσάρεα Gal. τριχοπαβίς Pauli.  
Le tir'os de Galien. Le tirepoil de Paul.






*Instrument tranchant d'un costé pour  
couper le pericrane, s'il en reste  
quelque chose que la ru-  
gine n'ayt tranché.*

*De Botallus.*



*Autres*

Autres trepanes excogitez par Botallus.




4. 4. 4. La plus seure maniere de trepane.  
 3. 3. La façon de trepane la plus usitée aux chirurgiens.  
 2. Trepane canellé duquel aucuns chirurgiens usent.  
 A. Trepane à l'anneau, incômode, pource que les fen-  
 tes se remplissent de la racleure de l'os.  
 1. Trepane long & pointu.

Première


*Premiere forme de trepaner le crane  
blessé, plus large que n'est le trepane.*



*Seconde forme de trepaner.*



Tierce forme de trepaner l'os de la teste,





Sies courtes pour s'ier le crâne,



Radula.

ξύσῆρες. *Radula*. *Rugines*.





## ANNOTATIONS.

\* Ce passage de nostre auteur est un peu difficile & obscur. Pour l'eclaircir & rendre plus intelligible qu'à mon iugement, il n'est en nostre auteur, qui l'escrit & recite, comme il dit, suyuant l'opinion de Galien, mais au contraire de ce que nous lisons au chap. 7. liure 6. de la Methode : il faut entendre qu'en la  
monten

vouture, & enfonceure une partie de l'os rompu s'ab-  
 baisse contre la membrane, & une partie se releue  
 contremont: mais en l'enfonceure le milieu de l'os fra-  
 cturé s'abbaisse, & les bors de la fracture s'eleuent  
 contremont: Au contraire en la vouture, le milieu de  
 l'os fracture s'eleue contremont, & les bors de la fra-  
 cture s'abbaissent contre la membrane, & ainsi il y a  
 depression & eleuation en l'une semblablement com-  
 me en l'autre, mais en diuerses parties. En ceste façon  
 nous accorderons ces deux passages. Les paroles de  
 Galien au lieu sus allegué sont: Enfonceure est quand  
 l'os rompu est appuyé sus la membrane par son milieu:  
 Vouture, quand l'os a son milieu eleué, & rehaucé,  
 mais au lieu ou l'os blezé commence à estre separé du  
 sain, par les bors & fentes de la fracture il se tourne  
 plus en dedans, & porte sus la membrane. On  
 doute aujourdhuy (& à bon droict) si la contrefente  
 se peut faire. Soranus estoit de cest'opinion, & sem-  
 ble Hippocrates la favoriser par ces paroles, si l'homme  
 est blezé en la teste, & l'ulcere est en autre part de  
 l'os qu'au lieu frappé, & l'os n'est point decouvert,  
 c'est la cinquieme espece de fracture. Quand ce mal-  
 heur auient, on n'y peut remedier. Car on ne peut co-  
 gnoistre, en interrogât le patient, où ce mal est, ny en  
 quelle partie. Celsus aussi, comme cy-apres le reci-  
 terons, assure le mesme. Nostre auteur estime le con-  
 traire, & n'admet point la comparaison de Soranus.  
 Galien au 9. liure de l'usage des parties chap. 17. es-  
 crit les coustures du tés auoir esté faictes pour la tran-  
 spiration des excremens fuligineux: à fin que par  
 icelles la dure membrane fust attachée au tés: pour  
 donner passage aux uaisseaux entrās, & sortans: pour

*opinion de  
Gallien  
L'aujourdhuy*  
*opinion de  
L'aujourdhuy*  
*Les coustures  
du tés pour  
quoy ont esté  
faites.*

la generation du pericrane : & finalement pour rendre le tés composé de plusieurs pieces, à fin que quand il est frappé, & rompu, la fracture ne s'avance par toute sa contenance, & grandeur, ains cesse, & soit arrestée en la costure où l'os blessé se termine. Ces paroles ont quelque apparence qui s'approche au jugement de nostre auteur : mais véritablement concluent tant seulement la fente d'un des os de la teste ne pouvoir estre plus grande que ledict os, & non pas qu'estant donné un grand coup sus un os, du contrecoup ne se puisse fendre & rompre l'os opposite : non plus que Hippocrates au lieu sus allegué ne dit pas, estant receu un coup, se faire fracture en l'os opposite, & contraire, mais en autre partie, que là où le coup a donné, ce qu'on peut entendre & exposer, en autre partie de l'os mesme frappé, que là où le coup est assis, & non en l'os contraire. Ainsi les autorités de ces grands personnages directement & clairement ne confirment point l'avis de nostre auteur, ny de Soranus. L'experience, qui en ces cas douteux est de grande consequence, enseigne que la contrefente se fait. Ici ie pourrois reciter nos observations par maniere d'hystoire : mais suffise au curieux lecteur le recit de ce cas auenu, que monsieur Paré fait en sa chirurgie des playes de la teste. Plus utile sera dire que principalement elle peut auenir quand le tés n'a point ses costures ordinaires, & singulierement les grandes, à sçauoir la lambdoeide, coronale, & sagittale, ou quand elles sont si pressées & serrées, que les os sont presque unis ensemble. La coniecture qu'on peut auoir de la contrefente, est, que le patient met souuent la main sus le lieu, se plaignant de quelque douleur ou pesant



pesanteur: & qu'appliquant sus le lieu douteux quelque emplastre cephalique, comme celuy qui est fait de poix liquide, poix noire, cire, mastic, iris, terebinthine, quelque endroit se uoit plus humide, plus mol, & aucunement eleue en tumeur. Nostre auteur fait seulement deux especes de contusion. Les practiciens en font quatre. La premiere, quand toutes les deux tables sont enfoncees, comme un uaisseau de plomb ou d'estain: ce qu'auient au tés des petis enfans, par ce que les os sont encores mollets, & tendres. La seconde, quand la premiere table est seulement enfoncée. La troisieme, quand la seconde est enfoncée, & non la premiere, comme aucune fois ell'est rompue, avec d'eclats piquants la membrane, estant entiere la premiere. La quatrieme, quand l'enfonceure faicte se releue de soy mesme. En ceste derniere se trompe aisément le chirurgien, comme aussi en la contrefente, en la fente capillaire, & quand sans blesseure de la premiere table, la seconde est rompue, & eclatee: & quand sans blesseure de la peau & du tés, se rompt au cerueau ou en ses membranes quelque partieule, comme Galien liure 2. de la compos. des medic. particuliers, examinant les remedes escrits d'Apollonius cōtre la douleur de teste, dit auenir à ceux qui tombent de haut. Au liure des Definitions medicinales, qu'on attribue à Galien, quelques definitions des Fractures mentionnees de nostre auteur, par la faute de l'exemplaire Gree depraué, sont ou uitieuses, ou imparfaites: comme celle de la fente, laquelle nous restituerōs ainsi, Fissura est ossis diuisio, profunda, uel in superficiali, lata uel angusta, la so osse. à sua sede non translata, ad interiora usque.

Pour entendre mieux, & plus facilement, les especes & differences des fractures de la teste, nous les auons reduictes en ceste petite table suyuante.

Fracture du têt, est ou	1. Fissure.	1. Apparente, <i>ῥωγμή</i> .
		2. Capillaire, <i>τρίχισμός</i> .
		3. Contrefente, <i>ἀπὲλκωμα</i> .
	2. Marque ou siege.	1. Vouteure, <i>καμάρωσις</i> .
		2. Enfonceure non brisee, <i>ἐγγύσιμα</i> .
		3. Briseure enfoncée, <i>ἐκπίσιμα</i> .
		4. Piece taillee & non leuee, <i>ἐκκοπή</i> .
		5. Piece taillee & leuee, <i>ἀποσκεπαρισμός</i> .
	3. Cõtusion.	1. En la premiere table seulement.
		2. En la seconde seulement.
		3. En toutes deux.
		4. Qui demeure sans se releuer.
		5. Qui se releue.

• Pour entendre la cause, qui (estant la membrane separee par la uiolence du coup) engendre tels & si facheux accidents, que nostre auteur les recite, faut presupposer que le cerueau, tout ainsi que le cœur, a perpetuel mouuement de dilatation, pour prendre l'air frais, qui reffrigere le sang contenu en si grand nombre d'arteres epandues par sa substance, & assemblees au repli choroeide, & dictyoide: & de contraction pour euacuer les excremens fuligineux, & vapoureux adustes, abondans en iceluy, qui sont les deux moyens pour conseruer la moderation & temperature du sang arterieux, & esprit tant uital, qu'animal. Or est le cerueau couuert de deux membranes, l'une subtile & deliée, pareille à sa grandeur, qui le touche immediatement, & entre dans tous ses replis, iusques à la

à la partie calleuse d'iceluy, qu'elle n'atouche point comme le reste : l'autre dure, & epaisse, plus grande, ample, & spatieuse que le crâne, à fin qu'elle luy donne assez de lieu pour son mouvement. Ceste membrane grosse par son interieure partie a connexion avec la subtile, moyennans certains petits rameaux d'arteres, & veines, qui de l'une vont en l'autre : & en ceste mesme partie est lisse, luy sante, mouillée d'une humidité aqueuse : mais en son exterieure partie est tousiours adherente & attachee au tés, fors qu'à l'endroiect de l'os surnommé uulgairement Basilaire : & des Grecs *σφλωμενός*, combien qu'en aucuns lieux du tés ell'est plus estroictement serree avecques l'os, & en aucuns plus lachement. A ceste raison son exterieure partie prochaine du tés est apre, & inegale, suyuant & correspondant à la figure du tés. Sa connexion avec l'os se fait, par le moyen du pericrane, qui entrant dans les coustures s'insere en icelle : d'auantage par certains filets membraneux produits d'icelle, & se terminans en l'os : puis par quelques petits sourgeons de veines & arteres implantés aux trous de l'os, pour luy porter son aliment, ueu que dās sa cavitē il n'a point de mouelle reseruee pour son nourrissement, comme plusieurs autres os : & semble nature auoir ordonné cela par une grande prouidence, par ce que souuent en la grande fracture des os du tés, avec deperdition d'iceux, est besoin pour restituer ce qui est perdu, reengendrer non une substance ainsi calleuse comme aux os de la grēue, & du bras, desquels fracturés les pieces ne s'ostent point, ains se reioignent, & r'habillēt, mais une substāce de moyenne cōdition entre l'os & la chair, comme uoyons or-

diminuer est produite aux fractures de la teste, auxquelles on oste les pieces des os, & laquelle substance a matiere plus commode pour sa generation, un aliment sanguin de l'os, que l'aliment qui tient de la nature de la moëlle. Or la dure membrane se separe du tés, ou par l'impetuosité du coup, qui rompt ses attaches susdictes, ou par quelque uehement inflammation, qui suppure, & se tourne en absces, & qui les putrefie. La uiolence du coup fait grande separation de la membrane, & soudainement: la suppuration & putrefaction la fait moindre, & apres quelque reuolution de iours comme du septième, onzième, & quatorzième. Auenant la grande & soudaine separation de la membrane, qui est merueilleusement sensible, se fait douleur, par la tension d'icelle abaissée hors de sa connexion sus le cerueau, tension: par la substance uaporeuse & flatueuse, qui se iette entre icelle & l'os, pungitiue, propre aux membranes: & par la dilaceration de ses attaches, ulceratiue: se fait effusion de sang, qui estant retenu, se pourrit, & excite inflammation opprimante la chaleur naturelle, d'ont s'ensuyt fièvre, decoloration de l'os, crudité & indigestion de la matiere purulente, conuulsion, réuerie, & par consentement de l'orifice de l'estomach, uouïssemēt de cholere. A l'inflammation, putrefaction, & chaleur excessiue, ayde beaucoup ce que le cerueau, comme estant accablé par la cheute de la membrane, ne peut auoir son mouuement libre de dilatation & contraction, & à ceste cause est priué de la uentilation & refrigeration de sa chaleur naturelle. Outre les signes de la fracture du tés recités par nostre auteur, les practiciens aioustent que l'os

l'os découuert de la peau, & frappé d'un baston, sonne  
quasé, comme qui toucheroit sus un pot rompu: que  
si le patient essaye d'ecacher un noeu de paille avec  
les dents, il ne peut. D'auantage on luy met entre les  
dents un fil ciré, en l'exhortant qu'il le tienne &  
serre fort par un bout: le medicin prend d'une main  
l'autre bout, le tirant fort à soy: & des ongles de l'au  
tre main qu'il meime sus le fil, le fait bruire. Ce fai  
sant si le tes est rompu, le malade ne peut endurer ce  
bruit, & sent qu'il luy respond à l'endroit de la fra  
cture. Hippocrates aux Coaques expose ceste  
observation un peu autrement. Voycy ses paroles:  
Quand on doute si les os de la teste sont rompus, ou  
non, il en faut faire iugement en ceste maniere: Apres  
auoir donné au patient à macher souz l'une & l'au  
tre machoire un tige d'asphodele, ou un morceau de  
ferule, commande luy, se prendre garde, si en machant  
il sent bruire quelque os. Car le rompu bruira. M.  
Guy de Cauliac a pris cest'experience de M. Nico  
las Florentin, qui par auenture l'auoit remarquee de  
ce passage d'Hippocrates, comme il estoit homme de  
grandissime lecture. M. Paré tesmoigne en l'ex  
perimentant n'y auoir trouué grande certitude. Ou  
tre ce sus l'os découuert on applique un liniment  
faict avec poudre de mastic fort blanc, incorporee a  
vec blanc d'œuf, & reduicte à consistance de miel.  
Après douze heures on le leue, en regardant & ob  
seruant s'il est point plus seché en une partie qu'en  
l'autre. Là où il sera plus deseché, sera la fracture,  
par la diuision de laquelle sort une uapeur chaude,  
qui seche le liniment. C'est aussi un grand signe de fra  
cture, quand le baston tranchant qui a baillé le coup,  
a semb

a semblablement coupé les cheucux, qui se tiennent & monstrent droicts dans la playe. Car il est presque impossible de couper le poil qui obeit, que d'un tel coup l'os ne soit rompu. Le iugement de la fracture fait par la sonde qui rencôtre l'asperité & inégalité des pieces de l'os, est fallacieux, quand la playe est sus les coustures de la teste: par ce que leur assemblage represente mesme asperité & inégalité que la fracture: & en cela quelquefois se trompa Hippocrates, comme cy-apres nous dirons en alleguant Celsus.

<sup>d</sup> Hippocrates aux liures des playes de la teste, commande au medecin, quand du commencement, il est appelé, ayant cognu la fracture de l'os, que sans delayer, ou differer, il le coupe dans trois iours, & principalement en temps chaud, pour empecher & preuenir l'inflammation: & lors ne se doit couper iusques à la membrane, tellement qu'on la découure, par ce que l'air externe l'offence, & expose à dāger de putrefaction: outre ce que arrachant l'os qui est encor fort ioinct à la membrane, souuent on la desirre, ou quelqu'une de ses attaches: ou bien poussant l'instrumēt iusques à elle, on la blesse & atteint: parquoy le meilleur est, quand il reste peu de l'os à couper, & que l'os branle, cesser & attendre que de soymesme il se separe. Mais si le medecin n'est appelé du commencement, ou le patient a esté gouuerné par quelque ignorant, qui n'a cognu la fracture, & à faute de couper l'os pour donner issue à la matiere sanieuse, a permis qu'inflammation accompagnée des mauvais accidens sus recités, y soit uenue, en esté, que la putrefaction s'y fait plus soudainement, il le faut couper dans le septième iour, auant que le cerueau soit

soit du tout sphacelisé & corrompu: & en hyuer que  
 la putrefaction est plus tardiue, dans le quatorzième.  
 Car ces iours passés tant pour la foiblesse de la uertu,  
 que pour la grandeur \* du mal, encore qu'on coupe \*aph. 50. li. 7.  
 l'os, estât la maladie ia incurable, cela ne sert de rien,  
 & ne le doit on entreprendre. Ceste distinction est  
 mal consideree d'aucuns chirurgiens, qui sans limi-  
 tation, disent l'excision de l'os fracture deuoir estre  
 faite en esté, dans le septième iour, & en hyuer dans  
 le quatorzième. Quand pour l'occasion des grans  
 accidens on coupe l'os au septième ou quatorzième  
 iour, soudain & tout d'un coup, il le faut trepaner  
 iusques à la membrane, & l'enleuer: ce qu'on fait sans  
 aucune peine ou difficulté. Car comme dit Hippocra-  
 tes, l'os \* se coupe plustost, si au dessous y a de la \* Ce passage  
 matiere purulente, & ensemble il est purulent: & est fort mal  
 souvent on trouue la piece rompue ia separee de la traduit aus  
 membrane, & approchée de la superficie du tés, prin vulgaires exē-  
 cipalement si la playe est au lieu de la teste, ou l'os est plaires d'Hip-  
 mince & non épais. Ces passages d'Hippocrates al- pocrates.  
 leguez & confrontez mōstrent l'exemplaire de no-  
 stre auteur estre mutilé, & qu'il faut lire: Si la mem-  
 brane n'est point separee, & dès le commencement tu  
 as entrepris la cure, soudain avec le trepan il faut  
 oster l'os, & ne differer plus longuemēt que de trois  
 iours; mais si du commencement on ne t'a appelé pour  
 gouverner &c. Entre les mauuais signes Hippo-  
 crates a recité la conuulsion en la partie opposite de  
 la playe. Auicēne aiouste paralysie en la partie bles-  
 see, avec conuulsion de l'opposite, & est auiourdhuy  
 entre les mediciens & chirurgiens debatū, comme si  
 diuers accidens viennent en ces deux parties, & de  
 quelle

quelle cause s'engendre la conuulsion, ou de repletion, ou d'imanition, ou de quelque uapeur putride & ueneneuse, ou de quelque sanie acre, ou par sympathie & consentement de douleur. Monsieur Vidius confesse liberalement n'entendre la raison pourquoy la conuulsion se fait en la partie cõtraire. Monsieur Paré la cuide estre faicte par imanition, imaginant de la partie cõtraire estre enuoyee en la malade si grande quantité de sang, & d'esprits, instrumens de la chaleur naturelle, que la partie contraire par une telle euacuation & transmission demeure épuisée & tarie, & que par cest'imanition se fait le spasme. Pour liquider ceste doute faut presupposer, ce signe de conuulsion en la partie contraire proposé d'Hippocrates, auenir quand pour la grandeur & uehemençe de l'inflammation faicte en la partie blessée, qui ia est tournée en gangrene du cerueau, & de ses membranes, avec commencement de sphacele au tés, le patient doit mourir. En telle disposition, & ainsi conditionnée, est necessaire le sentiment & mouuement y estre perdu, comme nous uoyons aux autres gangrenes, par l'extinction de la chaleur naturelle: & d'auantage par la grandeur de l'inflammation estre tellement bouchés les conduits de l'esprit animal, qu'il ne peut descendre ou passer aux parties inferieures, & prochaines du cerueau de ce costé là, & quand bien y pourroit descendre & passer, si seroit il inhabile à communiquer & porter la uertu du sentiment & mouuement, estant infect & alteré de la putrefaction auenue en la playe: d'où s'ensuit que la partie blessée priuée de sentimēt, n'est prouoquée à se retirer, pour secourir & chasser de soy ce qui luy pourroit estre moleste



moleste, luy demeurant le sens, & pour ceste raison les nerfs procedans d'elle, ne sont aussi point retirez & affligez de conuulsion: d'auantage que tous les nerfs ayans leur origine de ceste partie sont destituez de la presence & assistance de l'esprit animal, comme a esté declaré: & de là procede la paralysie des parties situes au costé de la blesee. Car paralysie se fait ou estant le nerf coupé, comme aux grandes playes: ou estant le passage d'iceluy bouché, comme en l'apoplexie: ou estant sa substance abreuuee & mollifiée de quelque humeur subtile, ou par quelque grande intemperature tellement offensee, qu'elle ne peut receuoir l'affluence & uertu de l'esprit animal. Quant à la partie contraire, & sa conuulsion, nous tenons pour chose accordee, le spasme estre fait, ou par repletion qui en estendant la substance des nerfs, l'accourcit: ou par inanition, quand estant consommee & dissipée leur humidité naturelle, la propre substance d'iceux est desechée & retirée, comme nous uoyons une chorde de luc approchée du feu: ou par sentiment de quelque uapeur, ou de quelque humidité sanieuse, acre & mordante, ou d'une douleur excessiue, comme il auient en l'épilepsie, causée d'une exhalation ueneneuse, qui du pié monte au cerueau: aux piqueures des nerfs, quand estant fermé l'orifice de la playe, la matiere sanieuse y est retenue: & aux playes des nerfs, quand quelque nerf estant seulement à demi coupé, excite douleur uehement. Or nous trouuons en la partie contraire de la blesee, deux de ces causes insignes, une matiere sanieuse resudante de la gangrene, acre & cuisante, qu'Hippocrates au denombrement des accidens mortels, pour specifier sa malignité

*Causes de la paralysie.*

*Spasme d'ou procede.*

malignité appelle  $\iota\chi\omega\pi\alpha$ , comme au liure des fractu-  
 res  $\delta\lambda\alpha\pi\upsilon\omega\delta\epsilon\varsigma$ , & non  $\pi\acute{o}\nu\upsilon$ : d'avantage une vapeur  
 exhalante de la gangrene, puante, & infecte, comme  
 d'une charogne pourrie. Ce n'est donc merueilles si la  
 partie contraire, estant son sentiment bon & entier,  
 est offencee, tant de la matiere sanieuse, que de la va-  
 peur infecte, & pour les dechasser se retire, secout,  
 & branle, à quoy s'ensuyt la conuulsion des nerfs qui  
 prennent leur origine d'icelle, comme en l'épilepsie.  
 A mon iugement uoyla comment se doit expliquer le  
 dire d'Hippocrates, & d'Auicenne. Hors l'occasion  
 d'une playe ainsi mortelle, les praticiens adnotent  
 quelquefois en la partie blessée estre paralysie, en l'op-  
 posite conuulsion: quelque fois en la blessée cōuulsion,  
 en la contraire paralysie: quelque fois en toutes deux  
 conuulsion ou paralysie: quelque fois en chacune d'i-  
 celles separement, conuulsion, ou paralysie, sans que  
 l'autre soit offencee: mais icy n'est le lieu de recher-  
 cher les causes de cela. Les playes de la teste sont  
 douteuses & suspectes de mauuais accidents iusques  
 au quinzième iour: ou comme maistre Rogier uent,  
 iusques au centième: ou, comme les Iuriconsultes or-  
 donnent, pour iuger si le malade est mort ou de la  
 playe, ou par sa faute, ou par autre occasion, iusques  
 au quarantième: & s'eueillent plus les mauuais acci-  
 dens, quand la lune est au plein, pource que lors elle  
 augmēte toute humidité, des flots de la mer, des œufs,  
 des huïstres, des écreuices, & singulièrement celle  
 qui est contenue dans les os, cōme la mouëlle, & l'hu-  
 midité du cerueau. Quand la membrane est inflāmee,  
 elle se uoit enfle & tumide, elle se iette hors la playe:  
 elle n'a plus de mouuement, & est de couleur rouge,

ou noire, si l'inflammation tend à gangrene: mais pour ne se tromper, faut auertir que la noirceur soit accompagnée des autres accidens sus mentionnez: car elle peut aussi prouenir des medicamens appliquez. C'est tresmauuais indice, quand aux playes de la teste une tumeur grande & apparente \* s'euanouit, & pert soudain. Je finiray ce discours ia assez prolix, & neantmoins utile, aioustant les signes des fractures mortelles du crane, recitez d'Hippocrates, qui sont, fieure en hyuer deuant le quatorzième iour, en esté, deuant le septième: mauuaise & estrange couleur de la playe: matiere sanieuse en petite quantité: mortification de ce qui est enflammé: consistance uisqueuse des parties corrompues: siccité & aridité en la peau de la teste, cōme d'une chair salee, avec couleur rousse, plombee, & noirastre: qui est signe de corruption, commençant en l'os, qui alors deuiet aspre \* & rude, où il estoit lisse & poli, & en fin monstre une couleur blanchastre, ou iaunastre. Quand il est corrompu d'auantage, tellement qu'au dessouz d'iceluy y a matiere purulente assemblee, le malade rêue, en la langue il luy uiennent des pustules: en la partie opposite se fait conuulsion: aucuns tombent en apoplexie, & la mort s'ensuyt.

\* aph. 65. li. 5.

\* comme on le trouue quand il est carieux & pourri.

L'operation manuelle requise en la fracture du tés.

**A** Pres auoir razé la teste à l'endroit de la playe, nous ferons deux incisions passant l'une sus l'autre en sautoir, ou croix de saint André, ou en figure de la lettre Chi, X. l'une des incisions sera celle qui y est \* desia. Ce faict

\* faicte par le baston qui a donné le coup.

nous écorcherons la peau, commençant au plus haut de l'incision, là où les quatre angles se rencontrent, iusques à ce que l'os qui doit estre pertuisé, ou trepané, soit du tout découuert. S'il suruient flus de sang, nous metrôs en l'incision de charpie trempée en eau & vinaigre : s'il ne suruient point, nous y mettrons de la charpie sèche, & par dessus vne compresse, ou drapeau plié & trempé en vin & huile, puis le banderôs comme il appartient. Le lendemain, si quelque accident y suruenant de nouueau n'empesche, nous pertuiserons & trepanerons l'os blessé. La maniere est telle : On fait asséoir le patient en vne chaire, ou bien on l'accommode en vn liêt, ainsi qu'il vient à propos pour la situation de la playe. On luy estoupe les oreilles avec de la laine, à fin qu'il n'entende le bruit, que fait l'instrument heurtant à l'os : on debende la playe : & ayant osté la charpie qui est à l'entour, & nettoyé la playe d'une esponge, on commande à deux seruiteurs qu'avec de petites bandes de liees \* ietees par dessus, ils souleuent les quatre coings de la peau incisée, qui sont estendus sus la playe. Les choses ainsi apprestees, si l'os est foible de \* nature, ou à cause de la fracture, on le tranche avec des coupeurs, <sup>a</sup> appliqués & imprimés dessus : premieremēt vsant du Vibrequin à gouge, & employant du commencemēt le plus large, puis changeant au plus estroit : en apres vsant de ciseaux, ou Fermails, & frapant doucement du maillet, pour n'esbranler la teste. Si l'os est fort, & robuste, premierement le faut pertui

\* à fin qu'elles ne glissent & echappent.

Quelques vns passent vn fil à trauers de chacun angle, & par iceluy le font souleuer \* comme aux ieunes personnes : & en certains endroits de la teste, où il est plus subtil, & debile.

pertuiser avec des tirefonds à arrest, que les Grecs nomment Abaptysta, pource qu'ils ne peuvent plonger & descendre plus bas que l'arrest. Ces tirefonds ont vn peu au dessus de la poincte \* des eminences qui empeschent qu'ils ne profondent iusques à la membrane. L'os par ce moyen pertuisé, nous l'ostons avec vn coupeur : & l'emportons, non soudainement & de force, mais doucement, & petit à petit, s'il est possible, avec les doigts : & sinon, avec vn tiredent, ou tir'os, ou vnes pincettes, ou autre semblable instrument. L'espace qui est entre les pertuis, doit auoir d'interualle autant qu'est long vn fort grand bouton d'éprouuete. Il faut profiler l'instrument iusques à ce qu'on vienne pres de l'interieure superficie de l'os, se donnant bien garde de ne toucher la membrane avec le tirefons. A ceste cause il faut auoir plusieurs tirefons prests, à fin d'en trouuer vn correspondant & proportionné à l'épaisseur de l'os. Si la fracture ne va que iusques à la seconde table du tés, il faut seulement pertuiser du tirefons iusques à icelle : & ayant osté l'os, appliquer d'une rugine, ou de quelque fermailles asperités faictes & delaisées en iceluy par l'excisió, ietant par dessous vn Leuier ou eleuatoire, nommé des anciens Meningophylax. Ce faict, on oste dextremement & habilemēt les eclats & pointes des os demeurees en la playe : puis on y applique de la charpie & plumaceaux. Voyla la plus commune, plus aisée, & moins dangereuse maniere d'operation. Galien loue merueilleu

\* aucuns pour  
arrest y mettēt  
de petits clous  
trauersants.  
De mesme in-  
uention sont  
no<sup>z</sup> Trepanes  
à chapperon.

\* avec le tire-  
fon on perce  
jusques au pro-  
fond de la fra-  
cture: mais a-  
vec le vibre-  
quin à gouge,  
on caue &  
fait seulement  
vn pertuis qui  
soit suffisam-  
ment profond  
pour donner  
competence en-  
tree au lenti-  
culaire.

sement la curation & operation qui se fait par le coupeur lenticulaire, apres auoir caué l'os à l'entour, d'vn \* vibrequin à gouge, sans le pertuiser à l'enuiron d'vn foret ou Tirefon. Si (dit il) tu as vne fois decouuert la partie, iétant par dessus vn coupeur qui ait au bout vn'eminent de figure semblable à vn grain de lentille, mouce & lisse, & de long, son tranchant droit, appuyant contre la membrane le large de l'extremité lenticulaire, on frappe avec vn petit marteau, & ainsi on diuise & incise le tés. Par cest'industrie nous venons à bout de tout ce que pretendons. Car la membrane, quand cela se feroit en sommeillant, ne peut estre blessée, par ce qu'elle rencontre seulement la partie large de l'extremité lenticulaire: & si en quelque endroict ell'est adherente au tés, la rondeur de l'extremité lenticulaire sans douleur & fache-rie separe son adherence, & connexion: par derriere, le tranchant du coupeur la suit comme la guide & conduicte, par lequel est incisé le tés de sorte qu'il n'est possible inuenter vn'autre fa-çon de pertuiser moins perilleuse, & qui plu-  
stost expedie. Les modernes reiectent & bla-ment, comme mauuaise & hazardeuse, l'operation qui se faict par la \* sie, & le trepan rond den-  
telé. Nous auons recité l'operation necessai-  
re en la fissure du tés. Ceste mesme industrie d'oster les os conuient aux autres fractures du tés. Galien nous enseigne & monstre aussi, com-  
bien il se doit trancher & oster de l'os, disant  
clairement: Consequemment ie t'exposeray  
combien

\* Aucuns li-  
sent trepans  
ronds à sie:  
Hippocrates  
les nomme sies  
rondes & den-  
telées.

combien il faut trancher de l'os blessé. S'il est grandemēt brisé, il le faut tout ôter. Si on voit plusieurs fissures, qui d'un endroit d'iceluy s'estendent & auancent ça & là, comme aucunes fois il auient, il ne les faut suyure iusques à leur extremité, tenans pour certain qu'il n'en succedera aucun dommage, pourueu que les autres choses soyent deuēment faictes. Apres l'opération, on iette sus la membrane vn drapeau de lin, de la grandeur de la playe, trempé en huile rosat, comme vn couuercle d'icelle: par dessus iceluy on applique vn petit flocc de \* laine, mouillé semblablement en huile rosat: puis on iette sus toute la playe vne compresse d'un drapeau plié, mouillée en vin & huile, ou au même huile rosat, auisans & considerans de ne charger trop la membrane. Finablement nous vsons d'un bendage large, & même d'iceluy ne serrerons trop la teste, ains autant seulement qu'il est de besoing pour contenir les plumaceaux & appareil. Le regime du patient soit tel qu'en la fièvre, & ordonné pour obuier à l'inflammation: & ce-pendant que souuent on arrouse la membrane avec d'huile \* rosat. Le troisiēme iour on debande la playe pour faire le second appareil, & l'ayant nettoyée d'une éponge, on y applique les medicamēs qui conuiennent aux playes sanglantes, & empeschent l'inflammation, ietans sus la membrane quelque médicament cephalique puluerisé, iusques à ce que la chair y soit regenerée. Quelquefois on racle l'os (si besoing est) à cause de quelques

\* ou de coton.

\* qu'on épand  
& distille sus  
l'appareil, sans  
bouger rien  
que le benda-  
ge, & la com-  
presse.

\* qui piquent la chair regenerée.

\* étant altéré de l'air, ou des medemens, ou de la matiere sanieuse, de sorte que la chair ne peut trouuer sus iceluy fonnement de sa regeneration.

\* se dilatant, & reserrant, haussant & abaissant.

\* interne, & procedante du corps, qu'on nomme Antecedente.

petits éclats\* pointus, ou s'il empesche\* la regeneration de la chair. La matiere des autres medemens se doit appliquer & choisir, comme est de coustume en la curation des playes. Souuent apres l'operation suruiuent inflammation en la membrane, de sorte que s'eleuant ell'excede & surmonte non seulement l'épaisseur du tés, mais aussi la peau d'iceluy, avec durté, renitence, & empeschement du mouuement naturel qu'elle a de\* pulsation, à quoy s'ensuit principalement couuulsion, & autres accidens, dangereux & difficiles, ou la mort. L'inflammation vient en la membrane, ou par quelque eminence & pointe d'os qui la pique, ou par la pesanteur des charpies & plumaceaux mis à l'entour de la playe, ou pour auoir sentu froid, ou pour auoir trop mangé, ou pour auoir beu de vin, ou pour quelque autre cause\* moins apparëte & manifeste. Si l'inflammation procede de cause manifeste, & externe, soudain il la faut oster, & empêcher. Si la cause est interne & occulte, il la faut combattre plus attentiuement & curieusement, vsant de saignée, mais que rien n'y empêche: ou d'abstinence de manger: ou de regime conuenable à l'inflammation: sans omettre les remedes topiques, comme l'embrochation & bacinement d'huile rosat chaud: fomentier de la decoction de guimauue, senegré, graine de lin, chamomille, & semblables: cataplasmes de farine d'orge, farine de lin, avec du vin cuit: faire embrochation, degoutant avec de la laine trempée sus la teste, sus le quignon, & dans le conduit des



des oreilles quelque huile sedatif de douleur, donnant ordre qu'aux entrailles ne suruienne quelque mauuais accident avec cataplasmes conuenables : preuoyant & preuenant ce qui pourroit offencer tout le corps, en le baignant dans l'eau chaude, & l'oignant d'huiles appropriez. Si l'inflammation perseuerere, & autre consideration n'empesche, on purge le corps par quelque medicament euacuatif de la cholere, comme <sup>b</sup> Hippocrates commande. Si la membrane deuient noire, & la noirceur est superficielle, & principalement par l'usage des medicamens qui la peuuent causer, on la cure avec trois parties de miel, meslees avec vne d'huile rosat, & appliquant des plumaceaux trempes en ceste mixtion: au reste vsant des remedes conuenables & ordinaires. Si la noirceur vient de \* soy-même, & sans ceste occasion, avec les autres signes dangereux, & ell'est profonde, il n'y faut mettre la main, car cela monstre la mortification & extinctio de la chaleur naturelle. I'ay cogneu quelqu'un, auquel le rés fut ouuert & trepané vn an depuis la blessure, & qui échappa. La fracture estoit faicte d'une fleche en l'un des quartiers \* du rés, & auoit ladicte fracture vuidange, issue, & ouuerture de ses excremens, à raison dequoy la membrane fut preseruee de mal & offence.

## A N N O T A T I O N S.

<sup>a</sup> En nostre exemplaire vulgaire y a ἀντιθέτοις ἐκκοπέσι, & ie ly ἰσίδαις. Les plus doctes exposent ἀντιθέτας \* ἐκκοπέας, tenailles incisives, lesquelles

\* parla vehemence de l'inflammation: par la contusion & violence du coup: par le sang repandu & congelé dessus: par putrefaction, & mortification. \* On les nomme vulgairement ossa bregmatica, & parietalia.

\* Un mesme passage a esté noté cy-dessus chap. 77

les n'ont aucun lieu ou usage en l'operation proposee, où il ne se trouue eminence qui doye estre tenaillee & coupee: mais bien y cōuenient les ciseaux ou fermails ietez & poussez dans les trous faicts par le tirefons, ou dans la graucure que caue le uibrequin à gouge: & cela s'accorde fort bien à la signification du uocable *ἐκσθέναι*, qui signifie mettre dedans quelque chose. Selon diuers siecles, & diuerse pratique des maistres, les ferremens propres aux fractures de la teste se sont diuersifiés. Hippocrates use du foret, tariere, ou tirefons, qu'il nomme *τρύπανον* & *μελίον*: de la rugine qu'il nomme *ξύστρον*: du coupeur qu'il nomme *ἐκκοπέα*: & du trepan dentelé, qu'il nomme *ὀπίον χαραινδόν*. Galien use de la rugine, du tirefons, du uibrequin à gouge, du ciseau, & du lenticulaire, avec leuiers, & eleuatoires. Nos chirurgiens usent de tous les susdicts & de sies, de separatoires droicts & courbes, de trepanes exfoliatifs, de trepanes perforatifs à pointe triangulaire & quadrangulaire, de trepanes dentelés à chaperon, qui est une belle inuention, de compas incisifs avec la piece de fer, tenailles incisives, tenailles capitales, eleuatoire à trois piedz & autres tels, desquels M. Paré a curieusement representé les figures. Au contraire des fractures qui se font aux autres parties du corps, le medecin pour plusieurs respects oste les pieces de l'os rompu: premierement pour donner issue à la sanie & sänge de l'ulcere, qui échaufe, inflamme

1. & pourrit l'os, & les membranes. Secondement, pour euacuer le sang, caillé, ou non caillé, tombe en la playe par la ruption des uaisseaux semez entre les deux tables du tés, & aussi de ceux qui attachent la

grosse

grosse membrane avec l'os. Tiercement pour oster 3.  
 les éclats, fragments, & pointes qui piquent la mem-  
 brane. Quartement pour appliquer remedes conue- 4.  
 nables à la playe selon la disposition presente. Quin-  
 tement pour supplier à la ligature repercussive & 5.  
 defensive de phlegmō, laquelle on peut employer aux  
 autres membres fracturés, & non à la teste, par ce  
 que sa figure ronde ne la comporte point, & qu'une  
 telle ligature qui doit estre fort serree à l'endroict de  
 la playe, causeroit douleur & inflammation en la te-  
 ste, empescheroit le mouuement des arteres, arreste-  
 roit l'euacuation des excremens fuligineux qui s'eu-  
 porent par les coustures du tés, rechasseroit le sang  
 du lieu de la playe aux membranes & cerueau, d'o-  
 seroyent produicts plusieurs & tresfâcheux acci-  
 dents. Nos praticiens considerans l'importance  
 & consequence de ces fractures pour l'excellence &  
 dignité du cerueau prochain, qui est (comme chacun  
 sait) partie si noble, commandent sagement, qu'en  
 icelles premierement on use de grand'abstinence, de  
 saignée & purgation, si besoing est: puis qu'on rase  
 le poil, le mouillant avec d'eau & d'huile, & neant-  
 moins auisant que dans la playe n'entre ny poil, ny  
 l'eau, ny l'huile: qu'on appaise la douleur avec blanc  
 d'œuf mis sus la playe, & avec oignement de bolo, ap-  
 pliqué à l'entour, qui repercute les humeurs afflue-  
 tes, ou avec cataplasme de farine d'orge ou de feues,  
 huile rosat, & uinaigre: qu'on tienne la teste fort  
 chaude avec quelque chose legiere, & neantmoins  
 chaude, comme un bonnet fourré de peau de lieure en  
 hyuer, & doublé en esté: car le froid est merucilleu-

sement ennemy du cerueau, & parties nerveuses: à raison de quoy on tient le malade en une chambre obscure, fermee, & chaude: on l'abille à la chandelle, & non au iour: & l'abillant on approche ou une palette embrasée, ou un chaufeliçt, ou une chaufette pleine de braise. Quand la playe iette abondamment, en este on l'abille deux fois le iour, en hyuer, une. Du commencement on laisse coucher le patient sus le costé qu'il se trouue mieux: mais quand la playe iette, il faut que le plus il demeure & repose sus icelle, à fin que la matiere coule tousiours dehors. Outre ces auertissemens notables auant qu'entreprendre l'operation, qui de nostre temps se fait le plus communement & souuent par trepanes à chaperon, faut entendre, que l'os du tout rompu, ou quelque grande piece totalement separee, ne doiuent estre trepanés, par ce que le ferrement les enfonceroit sus les membranes: qu'on ne doit appliquer le trepan sus les coustures, par ce qu'avec douleur & effusion de sang on couperoit l'adherence du pericrane & de la grosse membrane: mais auenant que la fracture soit sus une cousture aux deux costés d'icelle, sans la toucher, on applique le trepan, estant necessaire d'y proceder ainsi. Car trepanant en un costé seulemēt, la matiere & le sang ne pourroyent sortir que de cest endroict-là, & non de l'autre part, estant la membrane entredeux. On ne doit aussi trepaner les quartiers du tés, qu'on nomme ossa Bregmatis, aux petits enfans, par ce que leur tendre mollesse ne supporteroit le ferrement: ny les parties inferieures & pendantes du tés, à fin que le cerueau par sa pesanteur ne sorte en poussant ses membranes uers l'issue de la playe, combien qu'en trepanant

*avoué, en  
d'and roia do  
la tige, et  
en rombioy  
fortu de  
fracture non  
naple guona  
le trepan*

nant on doine regarder que l'ouuerture soit plustost basse que haute, pour donner sortie à la matiere : ny sus les sourcils, par ce qu'en cest endroict y a une grande cavitè pleine d'une humidité blanche, & glu-euse & d'air, ordonnee & construite de nature pour preparer l'air qui monte au cerueau, ainsi que dans le poulmon il est preparé pour le cœur. Aucuns estimēt dans icelle estre contenu l'air qui reçoit les especes des odeurs, pour les presenter à l'instrumēt principal qui les discerne, comme dans le tabourin de l'oreille l'air qui reçoit la difference des sons, est enfermé dans certaines cavitès anfractueuses : mais pour cela nature a basti deux moindres cavitès au dessus des os du nés, qui se rendent au crible du huietieme os de la teste, ainsi que par l'anatomie il est manifeste. Cela est digne d'estre sceu, à fin que le chirurgien ne se trompe, cuidant la cavitè susdicte estre un' enfonceure d'os, qui requiere le trepan. Il ne faut aussi trepaner sus les temples pour ne blesser le muscle temporal, à cause de plusieurs nerfs, arteres, & veines distribuees en iceluy, qui pourroyent exciter douleur, fievre, conuulsion particuliere & uniuerselle, & en fin tuer le malade : ioinct que sous iceluy est l'assemblage des os ecailleux : & que à raison de son mouuement qui se fait en parlant, & machant, la consolidation de la playe est plus difficile : & que son incision, comme dit Hippocrates, fait au uisage une laide & uilaine distorsion. Ayant fait ceste distinction des lieux qui peuuent estre trepanés, nous choisirons, s'il est possible, autre disposition de la lune que son plein, pour les raisons susdictes : auiserōs que le malade soit fort pour endurer l'operation, predirons aux parens, amis & assistens

assistens le danger où il est, puis mettrons la main à  
 l'œuvre, & manierons le trepan, assés du clou qui  
 est au milieu, à fin qu'il ne uacille, & engressé d'huile,  
 à fin qu'il coupe mieux, & plus doucement: & en  
 trepanant souuent leuons le ferrement, & le trem-  
 perons en eau froide, à fin qu'il n'échauffe & altere  
 le tés: d'auantage obseruerons avec une épingle, ou  
 autre semblable chose, si le ferrement coupe plus  
 d'un costé que d'autre, pour le presser plus où il cou-  
 pera le moins, & où l'os sera plus épais. Estant la  
 première table coupee, on oste le clou qui pourroit  
 blesser la membrane, puis on continue d'ouurer le re-  
 ste de l'os. L'operation acheuée, si l'os est gasté, ou  
 pour estre decouvert de la peau, qui naturellement le  
 reuest, & à ceste cause desché de l'air: ou pour estre  
 abreuvé de la matiere sanieuse qui le pourrit, ou  
 pour estre indeuement humecté d'huiles, & autres  
 remedes suppuratifs, qui rendent la playe sordide, &  
 maligne: ou pour estre arrousé de la sänge que la peau  
 circonuoisine se pourrissant, & suppurant distille,  
 nous l'osterons incontinent, & sans peine: mais s'il  
 n'est point encor interessé, il ne le faut tirer de uio-  
 lence, ains attendre que nature engendre par dessous  
 une chair, qui le iette de soy mesme, ou autrement se  
 feroit nouvelle alteration & corruption d'iceluy: &  
 se doit noter, que là où le trepan aura tourné, se fait  
 tousiours exfoliation de l'os separé de son prochain,  
 & ainsi priué de son nourrissment: & que sembla-  
 blement se leue tousiours une petite écaille de l'os que  
 l'air touche & altere. Hippocrates au liure de Locis  
 in homine, comprend en peu de paroles toute la cura-  
 tion des fractures du tés. Si (dit-il) l'os est rompu  
 & brisé,

& brisé, il n'y a point de danger, & le faut curer avec  
 medicamens \* humectatifs : s'il est fendu, il est  
 dangereux, & y faut appliquer le trepan, à fin que la  
 matiere sanieuse qui distille en la fissure ne pour-  
 risse la membrane Car comme ell'entre par ce lieu  
 estroit, & n'a point d'issue, elle tourmente le patient,  
 & le rend furieux. Par quoy il faut trepaner, & fai-  
 re large ouuerture, à fin que la matiere sanieuse ayt  
 non seulement entree, mais aussi son issue: puis appli-  
 quer medicamens qui attirent l'humidité de l'os, &  
 nettoient la playe. Celsus auteur insigne, princi-  
 palement en la traictation de Chirurgie, discours am-  
 plement non seulement de ces fractures, mais aussi de  
 tout vice & corruption des os, suiect à chirurgie.  
 En faueur des chirurgiens moins exercez au latin,  
 ie reciteray tout son discours, encor qu'il soit proli-  
 xe, presupposant qu'il ne nous sera plus ennuyeux de  
 le lire, qu'il a esté à ce docte personnage de l'escrire.  
 Tout os (dit-il) endommagé & offensé, ou est ca-  
 rieux & pourry, ou fendu, ou rompu, ou quassé &  
 contus, ou deloé. L'os corrompu se fait premierement  
 \* gras, puis, ou noir, ou carieux: & auient cela aux  
 ulceres malignes & facheuses, ou aux fistules, ou par  
 longue diuturnité, ou pour y estre suruenue gangre-  
 ne. Auant toutes choses il faut inciser l'ulcere pour  
 decouurir l'os; & si la corruption d'iceluy est plus  
 large que l'ulcere, par dessouz on coupe la chair,  
 iusques à ce que de toutes parts l'os se mostre entier.  
 Ce fait, ou l'on cauterise avec un fer chaud appliqué  
 une fois ou deux, ce qui est gras en l'os pour le sepa-  
 rer d'auec le sain: ou l'on le \* racle, iusques à ce qu'il  
 apparaisse un peu de sang, qui est signe de l'os bien

\* qui mitigues  
 la douleur: em-  
 pechent & di-  
 minuent l'in-  
 flammation:  
 mollissent l'os,  
 à fin que sans  
 douleur on le  
 tire.

\* cela dit Hip-  
 ocrates de l'os  
 de la teste.

\* d'yneru-  
 gine.

dispo

\* De sang, mais non pas de matiere saineuse.

\* qui a fort grande vertu de secher, & resister à putrefaction.

\* fait par l'erosion de la carie.

\* comme dans un bois pourry. Ce signe n'est certain: car quelquefois l'os decouvert loquement & alteré est si dur & ferme, que le trepan & autres instrumens ne le peuuent couper. \* prochains l'un de l'autre.

disposé, par ce que necessairement l'os gasté est aride. Le mesme se fait, quand la charnilage est vitice, qui est, qu'on la racle avec le rasoir à deux tranchans, iusques à tant que ce qui demeure soit entier. Ayant raclé l'os, ou la charnilage, on iette dessus du nitre bien puluerisé: & n'est besoing de faire autre chose quand la noirceur ou carie est plus bas qu'en la superficie de l'os. Seulement on le cauterise ou racle plus longuement avec le ferrement mesme: & celuy qui racle doit hardimēt presser & imprimer son fer, à fin que cela profite, & qu'il expedie plustost. On cesse de racler, quand on rencontre l'os blanc, ou ferme & solide. Car il est manifeste que la corruption se termine, où l'os qui estoit noir & carieux, se trouue blanc & solide. Nous auons aussi dit cy-dessus, que l'os sain, estant raclé, iette quelque peu de sang. Si la corruption est encor plus profonde, le signe qui se prend de la noirceur & pourriture carieuse est douteux, & mal aisé à obseruer. Neantmoins on cognoist plus aisément la carie & pourriture, ietant dans le pertuis de l'os une éprouuette subtile, laquelle entrant plus ou moins, enseigne & monstre la carie estre plus superficielle ou profonde. On peut coniecturer de la noirceur par la douleur & par la fievre: car où les deux sont petites, la noirceur ne peut estre profonde. Toutesfois elle se manifeste mieux au tirefons, par ce que la fin de la corruption est où la poussiere & racleure de l'os que le tirefons ameine, n'est plus noire. Or si la carie est fort profonde, il la faut percer du tirefons, & y faire plusieurs pertuis, & épais, qui soyent aussi profonds que la carie est basse, & dans les pertuis mettre des ferrements chauds, iusques



iufques à ce que du tout l'os foit defeché. Par le moyē de cefl'operation ce qui eft pourry fe separera de l'os fain qui eft au deffaux : & la cavitē se remplira de chair : & ne s'y fera aucune fluxion, ou fi elle y uient, fera petite. Si la noirceur penetre tout à trauers de l'os iufques à la partie oppofite, il le faut trancher, & le mefme se doit faire en la carie penetrante iufques à l'autre part, à fin d'ofter tout ce qui eft uitieux. Si l'inférieure partie de l'os n'eft point endommagée, il faut feulement trancher iufques à icelle ce qui eft corrompu. Si l'os de la tefte, ou le brichet de la poitrine, ou quelque cofte eft carieufe, à caufe de tels uices, ces os font inutiles, & neceffairement fe doyuent trancher : & ne faut croire ou fuyure ceux qui apres auoir incisé la chair pour decouurir l'os, attendent trois iours premier que de le trancher : car deuant que l'inflammation y foit uenue, on fait plus feulement l'operation. A cefte caufe, s'il eft poffible, en mefme instant faut incifer la peau, decouurir l'os, & le netoyer de tout ce qui fera corrompu. La corruption eft tresdangereufe au brichet de la poitrine, parce que quand bien l'iffue en feroit bonne, la curation toutesfois n'apporte \* point une uraye fanté. On tranche l'os en deux manieres : fi la corruption eft petite, avec la boîte dentelee, que les Grecz nomment *Χοιρίδιον* : fi ell'eft grande & fpatieufe, avec des terieres. I'expoferay l'une & l'autre façon. La boîte dentelee eft un ferremēt rond, caue, qui en fon inférieure extremité a des denteleures comme une fie, & au milieu a fichee une pointē ou clou, \* ceint & enuironné de l'interieure circonference. Il y a deux fortes de terieres : l'une semblable au forêt ou tirefons, duquel

\* La raifon  
eft qu'en tel  
lieu aifēmēt se  
font des fistu-  
les latentes : &  
aufsi que les  
parties enclofes  
dans la poictrī  
ne refroidies  
& alterees de  
l'air, par l'ex-  
cifion de l'os,  
se portent mal  
tout le reſte de  
la vie, ioinēt  
aufsi que telle  
& fi grande  
corruption ne  
se peut faire  
sans intereffier  
quelque partie  
neceffaire à la  
respiration.  
\* Voila la  
propre descri-  
ption de noſtre  
trepan excepté  
ſon chaperon.

\* c'est le tire-  
fons à arrest  
de Galien,  
qu'il nomme  
Abaptiston.  
\* à sa partie  
la plus large.  
\* que la te-  
riere.  
\* & non per-  
tuisé de la ca-  
rie.  
\* comme les  
artisans me-  
nent leurs te-  
rieres, perfoirs,  
ou furets, avec  
une bande, ou  
archet, ou brou-  
cal, qu'ils nom-  
ment aussi  
Trapan.

duquel usent les charpentiers. L'autre qui a la teste plus \* longue. Ceste teste commence d'une pointe a-  
gue, puis soudain se fait plus large: & derechef d'un  
autre commencement procede & môte un peu moins  
\* qu'egale. Si la corruption est estroicte de sorte que  
la boite dentelee la puisse comprendre & empogner,  
plustost on \* l'employe: & si l'os est carieux, on plan-  
te la pointe, qui est au milieu du ferrement dans le  
trou faict de la carie. Si l'os est \* noir, avec le coing  
d'un ciseau on caue une petite fossette, qui reçoive  
ladicte pointe, à fin que tenant ferme, la boite qu'on  
tournera ne puisse fourvoyer ou échapper: ce faict,  
ou tourne & meine la boite avec une \* courroye, com-  
me une teriere: & y a certaine industrie de la com-  
primer, en sorte qu'elle tourne & pertuise. Car si on  
l'imprime trop legerement, elle avance & proufite  
peu. Si on l'imprime trop pesamment, elle ne se remue  
pas: & n'est hors de propos y distiller du lait, ou de  
l'huile rosat, à fin qu'elle glisse & tourne mieux: &  
toutesfois n'y en faut pas mettre beaucoup; car la gran-  
de quantité gaste & rebouche le tranchant du fer-  
rement. Quand la boite aura tracé son chemin, il faut  
sortir la pointe du milieu, tourner la boite seule, &  
cognoissant à la poudre & racleure que l'instrument  
est uenu iusques à l'os sain, l'oster. Si la carie & cor-  
ruption est si large que la boite dentelee ne la peut  
comprendre, on opere avec la teriere, faisant un trou  
qui voise iusques à la fin de l'os carieux & du sain:  
puis un autre trou pres de cestuy-la, puis un troisieme  
iusques à ce que tout le lieu qu'on veut trancher soit  
environné de ces pertuis: & ce faisant on iuge à ueoir  
la poudre & racleure combien il faut approfondir la  
teriere.

teriere. En apres on pousse avec le maillet un ciseau d'un pertuis à l'autre, pour couper ce qui est entre-deux : & ainsi on fait le rond semblable à celuy que la boîte dentelee imprime en moins de circuit, & plus estroict. En quelque sorte qu'on ayt fait ce rōd, estant l'os \* corrompu & carieux, avec le ciseau on coupe plus net la superficie & premiere table d'iceluy, iusques à ce qu'on trouue & laisse l'os sain. A peine uient-il iamais que la noirceur ou carie penetre tout l'os, & principalement quand le uice est en l'os de la teste. Toutesfois on iuge de cela par l'eprouuete. Car la ietant dans le pertuis fait par la carie, si le tēs n'est point du tout corrompu, mais par dessous a sa seconde table ferme & solide, l'instrument rencontre quelque chose qui luy fait resistance, & le tirant sort mouillé. Si l'os est tout penetré de la corruption, l'instrument descend plus bas, iusques à l'espace qui este entre l'os & la membrane, sans trouuer chose qui en s'opposant l'arreste, & le tirant, uient tout sec, non pas qu'en telle corruptiō n'y ayt de la matiere sanieuse & mauuaise par dessous l'os, mais pource qu'en telle place qui est plus grande & plus large, elle est epan due çà & là. Or soit que la noirceur decouuerte par la teriere, ou la carie monstree par l'eprouuete, penetre tout l'os, la boîte dentelee ne sert presque de rien en cela, par ce que necessairement la corruption qui procede si outre, a grande largeur. Par quoy il faut user de la seconde espeece de \* teriere, declaree cy-dessus : & à fin qu'elle ne s'echaufe trop, il la faut souuent tremper dans d'eau froide. Si l'os est simple, quand par la teriere il est ia percé à moitié, ce qu'on cognoist au sang qui \* en sort, ou s'il est double, quand

\* non seulement  
alteré de couleur,  
& noirci.

\* à arrest.

\* des vaisseaux  
espanus par  
le milieu de sa  
substance : ou  
biē le sang qui  
doit estre con-  
uertie en la sub-  
stance de la  
monelle.

sa premiere table est pertuissee, ce qu'on cognoist à l'espace & interualle qui se rencontre uide entre les deux tables, il faut manier l'instrument plus sagement, menant la bende ou courroye de la terriere plus doucement & lentement, tenant la main \* gauche plus suspendue, leuant souuent la terriere, pour considerer la profondeur du trou, à fin que nous sentions quand l'os sera du tout penetré, & ne ueniōs \* point en danger que de la poignée nous bleussions la membrane. Car de là procede inflammation avec danger de mort. Les pertuis faicts, on coupe l'os d'entremy, mais encor plus discrettement, auisant que le coing du ciseau n'outrage la membrane, iusques à ce que nous ayons faict ouuerture pour mettre l'eleuatoire, ou Leuier, contre garde de la membrane, que les Grecs nomment Meningophylax. Cest instrument est une lame de cuiure, ferme, un peu courbe, lisse & polie en dehors. On la iette deffous l'os, en façon que son \* exterieure partie soit plus prochaine du cerueau, & son \* interieure soit par deffous, à l'endroit de l'os qu'on ueut trancher. En ceste maniere elle reçoit le coing du ciseau, & ne permet qu'il passe outre, & à ceste cause le medecin frappe du marteau plus hardiment & seurement le ciseau, iusques à ce que par ce mesme eleuatoire on emporte & leue l'os tranché de toutes parts, & qu'on le puisse oster sans nuisance du cerueau. Ayant ieté dehors tout l'os gasté, il faut racler & aplanir ses bors, & si quel que poudre ou racicure est au dessus de la membrane, l'amasser. Si on oste la premiere table, sans toucher à la seconde, il faut aplanir & racler non seulement les bors : mais aussi tout l'os, à fin que par apres sans dommage & facherie

\* qui assiet  
l'instrument.

\* Ce discours,  
comme l'au-  
teur dira cy  
apres, touche  
plus l'os de la  
tête, que des  
autres parties.

\* qui est aspre.

facherie du patient la peau y croisse. Car si elle s'engendre sus l'os aspre & rude, ce n'est point la santé du malade, ains rafraichissement des nouvelles douleurs. Cy apres, en traitant de la fracture des os, ie diray quelle procèdeure on doit tenir, quand le cerueau est déconuert. Quand la base & \* fondement de l'os demeure, la chair croist de l'os mesme, & remplit la cavité faicte par l'operation manuelle. Pareillement si on cauterise un os carieux, ce qui est corrompu & brulé se separe de ce qui est sain: & entre la partie entiere, & celle qui est mortifiée s'engendre une petite chair, qui pousse & chasse ce qui est separé, que les Grecz nomment *νεκιδος*, c'est à dire ecaille, par ce que pour la plus part c'est une ecaille, ou exfoliation mince & estroicte. Il peut auenir que d'un coup l'os n'est point fissuré, ou rompu, ains seulement contus, ou quassé, & exasperé en sa superficie: quoy auenât, il suffit de l'aplanir & racler. Ces choses se font & obseruent principalement en la teste, iacqoit neantmoins qu'elles soyent communes aux autres os, de sorte qu'en quelconque partie se trouuera une mesme affection de l'os, on usera de mesme remede. Si est-ce que les os rompus, fissurez, pertuisez, quassez ou contus demandent quelques curations propres en chacun genre d'iceux, & quelques unes communes à plusieurs, desquelles incontinent ie traiteray, commençant par l'os mesme de la teste. Quand le tés est rompu, soudain il se faut enquerir si le malade a point uomi de la cholere: si la ueuë luy est point eblouye & obscurcie: s'il a point perdu la parole: s'il a point ieté du sang par le nés, ou par les \* oreilles: s'il est point tombé: s'il est point demeuré couché

\* En laquelle soit contenu encor son nourrissement: assauoir quand on ne le tranche point du tout.

\* Par les yeux, ou par la bouche.

comme endormy. Ces accidens ne viennent point si l'os n'est fracturé: & quand ils viennent, il faut estimer que la curation & operation y est nécessaire: mais difficile. Si outre cela le patient demeure assoupi: s'il réue: s'il tombe en conuulsion ou paralysie, il est croyable que la membrane du cerueau est blessée, qui donne moindre esperance de sa santé: & bien que aucun de ces accidens n'est ensuyuy, encor peut-on douter si l'os est fracturé ou non: & pour s'en resoudre, promptement on considere dequoy il a esté blessé, d'une pierre, d'un baston, d'un ferremēt, ou de quelque autre arme: & d'auantage si ce qui l'a frappé estoit grand ou mediocre, lisse ou aspre, si on l'a rüé doucement ou impetueusement: car d'autant que le coup est plus doux & lâche, d'autant est il plus uray semblable que l'os ayt resisté. Toutesfois il n'est rien meilleur que de le sonder & iuger par un signe plus certain. Dōc par l'orifice de la playe on iette une éprouvette, qui ne soit pas trop mince, ny aussi pointue & ague, à fin que trouuant quelques naturelles cauités de l'os, elle ne nous donne imagination abusive que l'os soit fracturé: aussi ne doit elle estre trop grosse, à fin qu'elle ne passe sus les petites fentes sans les sentir. Quand l'éprouvette est descendue sus l'os, si elle ne rencontre rien qui ne soit lisse & glissant, nous estimons qu'il est sain & entier: mais si elle rencontre quelque chose aspre & rude, pourueu que ce ne soit à l'endroit des coustures, c'est signe que l'os est rompu. Hippocrates \* escrit, comme font les excellens hommes, & qui se tiennent assurez de leur grand saoir, qu'il a esté deceu à recognoistre la cousture d'auec la fracture. Les rudes & foibles \* esprits, par ce qu'ils

\* Ce passage est au 5. des Epidemiques, en l'histoire de Autonomus d'Omilos, lequel estant blessé d'un coup de pierre au milieu du Sinciput, & à l'endroit des coustures, mourut le 16. iour par faute d'auoir esté trepané.  
\* Ceste senten ce est fort notable.

qu'ils n'ont rien, ne se peuuent aussi rien oster : mais il est bien seant à un singulier & rare entendement, qui pour cela ne laisse d'estre beaucoup riche, confesser & auouer simplement sa urayé faute, & principalement en telle operation qu'on enseigne à la posterité pour le respect du bien public, à fin que nos successeurs ne se trompent point en mesme façon que nous auons esté deceus. La memoire d'un si grand docteur nous a incité de tenir ce propos, & l'interposer à nostre discours. La cousture trompe pource qu'elle est semblablement rude comme la fissure, de sorte que là où il est uraysemblable que l'os soit fendu, quelqu'un estimerait la cousture estre une fissure. Parquoy en ceste occasion il ne se faut laisser trôper, ains le plus seur est de decouurir l'os. Car, comme cy-deuant a esté dict, les coustures n'ont point de certaine situation, & peut auenir que le naturel assemblage des os sera mesmement fissuré, ou aura prochain quelque partie fissurée. D'auantage, quand le coup est grand & uiolent, encor qu'avec l'éprouuette on ne trouue rien, si est il plus expedient de decouurir l'os : & si apres l'auoir decouuert, la fente n'est point apparente, on iette dessus l'os de l'encre à escrire, puis on le racle avec une rugine : car ce qui est fendu retiët la noirceur. Il auient aussi que l'os est frappé d'un costé, & fendu de l'autre. Parquoy si le malade a esté frappé rudement, s'ils sont ensuyuis de mauuais signes, & où la peau est diuisee ne se trouue point de fente, on doit considérer en l'autre partie s'il y a point quelque lieu tumide, & plus mol, & le decouurir : car là on trouuera l'os fendu : & d'auantage, encorés qu'on ayt coupé & incisé la peau sans occasion, facilement elle

se consolide. Si l'os est rompu, & on n'y remédie, il uient bien plus grande inflammation, & qui par-  
 apres \* est plus mal aisee à gouverner. Quelquefois,  
 mais peu souvent, il auient, que tout l'os est entier &  
 sain, neantmoins pour la uiolence du coup quelque  
 ueine se rompt en la membrane du cerueau, & iette  
 du sang, lequel se caille, fait grandes douleurs, & ob-  
 scurcit la uue. En ce cas presque tousiours à l'en-  
 droict de la ueine rompue y a douleur, & si on incise  
 la peau, en ce lieu là l'os se monstre palle: parquoy il  
 le faut couper. Pour quelcōque cause & respect ceste  
 curation est necessaire, si la peau n'est assez ouuerte,  
 il la faut inciser d'auantage, & tant qu'on puisse uoir  
 tout l'os qui est blezé: & incisant la peau faut auiser  
 qu'on ne laisse sus le tēs aucune portion de la petite  
 membrane, qui au deffouz de la peau enuironne l'os.  
 Car en apres estant desirée par le ciseau, ou par la  
 terriere, ell'excite une fieure uehementie avec inflam-  
 mation: à ceste raison il est plus expedient qu'elle soit  
 totalement separee de l'os. Si la bleffeur a fait playe  
 & incision de la peau, nous nous seruirons d'icelle  
 telle que la trouuerons: s'il la nous conuient faire par  
 manuelle operation, la plus commode est celle qu'on  
 tire en forme de la lettre Chi, X. avec deux lignes  
 trauersieres, de sorte que par chacun de ses angles a-  
 uancez, on écarte & retire la peau. Ce-pendāt qu'on  
 fait l'operation, s'il auient flux de sang, on l'arreste a-  
 uec un'eponge treppee en uimaigre: ou bien on le pre-  
 uient avec des plumaceaux ietez dans l'incision, &  
 faut situer la teste plus haut. La perte de sang en ces  
 parties là n'est point à craindre, fors qu'entre les mu-  
 seles temporels, & encorcs là n'est point dangereu-  
 se.

\* qu'on aura  
 omis de le dé-  
 couvrir.



fe. En toute fracture & fissure du tés soudain les anciens uenoyent aux ferremens pour le couper: mais il est meilleur de premierement experimenter les emplastres qu'on ordonne & compose pour la fracture du tés. On applique quel qu'un d'iceux, ramolli en uinaigre, tout seul, sus l'os rompu ou fendu: & au dessus d'iceluy, un drapeau quelque peu plus grand que la playe, engressé du medicament mesme: & d'auantage de la laine grasse trempée en uinaigre. Ce faict, nous bendons la playe: la debendons, & abillons tous les iours, & cōtinuons ceste curation iusques au cinquiesme iour. Depuis le sixieme, on perseuerer en ce mesme remede, aioustant de plus une uaporation & fomentation d'eau chaude avec des éponges. Or s'il commence à croistre une petite chair, & la petite fieure qui tenoit le patient, est allegee, ou passée, & l'appetit de manger, retourne, & le malade dort suffisamment, on persistera d'user ce mesme remede: lequel apres quelque espace de temps on adoucit, y aioustant du cerat. \* rosat, à fin que plus aisément il produise la chair: car de soy il a uertu de l'abbattre & \* consumer. Par ce moyen les fissures sont souvent remplies d'une callosité, qui est comme cicatrice de l'os: & aux fractures grandes & larges les pieces des os qui ne sont plus ioinctes ensemble, sont cōglutinées & soudées par ceste mesme callosité, qui est une couuerture quelque peu meilleure pour le cerueau que la chair regénérée apres qu'on a tranché & osté l'os. Si procedant en ceste curation la fieure s'augmente, le dormir du malade est petit, & avec songes tumultueux, l'ulcere est mouillée & sanieuse, & ne se remplit point de chair: au col naissent des glandes, suruiennent

\* faict d'huile  
rosat, & cire  
blanche.  
\* il est cathe-  
retique.

\* à l'endroit  
de la playe.

de grandes \* douleurs : le malade est plus degousté : lors ils faut uenir à l'operation manuelle du ciseau. Aux grands coups & percussions uiolentes du tés, y a deux dangers : l'un, qu'il ne soit fissuré, l'autre, que par le milieu du coup il ne soit enfoncé. S'il est fissuré, les bords peuuent estre serrés & comprimés, ou par ce que l'un monte sus l'autre, ou par ce que uiolentement ils se sont reioincts. Ceste compression est cause que \* l'humour descend sus la membrane, & n'ayant point d'issue, l'irrite, d'où procede grande inflammation. Quand le tés est enfoncé par le milieu, \* l'os foule ceste mesme membrane du cerueau, & aucune fois quelques pointes de l'os fracturé la piquent. En ces deux cas perilleux il faut secourir le patient, de sorte qu'on oste de l'os le moins qu'il sera possible. Si l'un des bords monte sus l'autre, il suffira avec la \* Plane, ou le ciseau couper ce qui est auancé. Car ostant cela, la fissure est asses ouuerte pour suyure le reste de la curation. Si les bords se reioignent, & compriment l'un l'autre, de costé de la fissure, par distance de la largeur d'un doigt, on fait un trou avec la teriere : & de ce trou on meine le ciseau iusques à la fissure, par deux lignes tirees à la figure de la lettre C. de sorte que la sommité de ceste figure soit au pertuis fait de la teriere, & sa base à la fissure. Si la fissure a longue estendue, derechef on fait un autre trou, & d'iceluy une sinuosité pareille à la susdicte, qui se rende à la fissure. Par ce moyen il ne demeure rien caché en l'os, qui sera caué de ceste façon : & ce qui estant dedans peut nuire, a issue.

\* Le sang  
épanché, ou la  
matiere sanieu  
se, ou l'humidi  
té affluente.  
\* en la fractu  
re que les grecs  
nomment En-  
gisma.

\* ικκονι σμι  
λιντω.

alind b foin ?  
etio & anget  
adma  
adma foin ?  
coup

A. B. Les deux excisions que Celsus fait au tés enfoncé.

A. Celle en laquelle la sommité marquée C. est autrou faict par la terriere, & les deux lignes marquées D. D. se finissent en la fracture, comme en leur base.

B. L'excision en laquelle la sommité marquée E. est en la fracture & les deux lignes courbes, marquées F. F. finissent à l'os entier.



Quand bien l'os fracturé seroit enfoncé, si ne le faut il pour cela couper du tout : mais s'il est totalement rompu, & separé de son voisin, ou bien si de quelque petite part il est encor adherent au tés prochain, avec le ciseau on le divise de l'os sain & en-

tier: puis iouste la fente que le ciseau a fait sus la piece enfoncée on fait des pertuis: si ell'est petite, deux: si ell'est lorge, trois: & par ces pertuis on meime le ciseau d'un costé & d'autre vers la fissure, de sorte que la cavité de l'excision soit en forme de croissant, la sommité duquel se rende à la fracture, & le bout des cornes à l'os \* entier. En après si quelque morceau d'os branle, & se peut aisement separer, on l'empoigne avec tenailles faictes expressément pour cela, & principalement si c'est quelque piece qui blesse la membrane. Si on ne le peut aisement separer, on iette par dessous la lame contregarde de la membrane, que nous nommons Eleuatoire, & sus icelle coupons tout ce qui s'avance en dedans, & est piquant: & d'icelle mesme releuons ce qui est enfoncé. Par ceste curation l'os rompu se reprend, & consolide à l'endroit où il est encor adherent: & là où il est du tout rompu, sans aucune peine les iours suyans \* il tombe: & demeure assez d'espace pour uider la sanie: outre ce que le cerueau a plus de rampart & defence en l'os qui reste, que si on le coupoit. Ces choses faictes, on arrouse la membrane de fort uinaigre, tant pour arrester le flux de sang, si aucun y en a, que pour dissoudre & fondre celuy qui est caillé, & accumulé dans la playe: puis on applique le medicament \* sus mentionné, ramolli comme auons dit, sus la membrane, & faisons les autres choses quant au crapeau engraisé du medicament, & à la laine grasse: & metôs le malade en un lieu tiede: & abillons la playe une fois le iour, & deux en esté. Si à cause de l'inflammation la membrane est grosse, & tumide, il faut ieter dessus de l'huile rosat tiede: & si ell'est si tumide qu'elle

\* avec lequel la piece fracturée a encor quelque petite adherence.

\* Autres li-fent, pour subsequenti tempore. sub medicamenti tempore.

\* un emplaistre cephalique ramolli, avec uinaigre, ou cerat rosat.

qu'elle s'enfle & auance par dessus les os, pour l'abaisser & reserrer, on y applique de la farine de lentilles, ou des feuilles de uigne broyees, & meslees avec du beurre frais, ou de la graisse d'oye fraiche: puis on engraisse & adoucit le col avec cerat fait d'huile d'iris. Si la membrane ne se uoit nette & pure, apres auoir meslé de l'emplastre susdict & de miel en egale portion, on le icte par dessus, & pour le retenir sus la playe, on met une compresse ou deux: puis on le couure d'un drapeau enduiet de l'emplastre. Quand la membrane sera plus nette & mundifiée, il faut mesler l'emplastre avec le cerat en telle proportion que ce medicament ainsi composé soit conuenable à engendrer la chair. Quant à l'abstinence, & au manger & boire requis aux premiers iours & subsequens, il faut obseruer ce que i'ay commandé en la curation des playes: & d'autant plus, que la blesseure de ceste partie est plus perilleuse: & quand bien on iugera estre besoing de nourrir abondamment le malade, & non seulement de l'entretenir, si ne luy doit-on donner aucune viande qu'il falle macher: & doit euitier la fumee, & toute autre chose qui prouoque à esterneuer. Si la membrane a sa naturelle couleur, & son mouuement: si la chair qui croist est rouge: si facilement on remue le col & la machoire: ces signes monstrent esperance assurée de guerison. Mais si la membrane n'a point de mouuement: si elle est noire, liuide, ou de quelque autre couleur uitieuse: si le malade réue: s'il a grand uomissement: s'il tombe en paralysie, ou conuulsion: si la chair de la playe est liuide: si le col & les machoires sont roides & tendues: ces signes sont mauuais. Le iugement du dormir, de l'appetit, de la fièvre,

fieure, de la couleur de la matiere, est ou pour la mort, ou pour la santé, pareil qu'aux autres playes. Quand la playe se porte bien, la chair commence à croistre de la membrane ou de l'os, si en cest endroit il est double: & remplit ce qui est uuide entre les os: & quelquefois croist par dessus le tés: quoy auenant, pour l'abbatre & reprimer on iette dessus de la poudre d'ecaille d'erain, & par dessus on applique quelque medicament cicatrisatif. La chair aisemēt est regenee en tous les endroits de la teste, fors en la partie du front, qui est \* un peu au dessus de l'entremy des sourcils. En ce lieu-là à peine y peut elle croistre, de sorte que pour toute la vie l'ulcere y demeure, lequel on doit couvrir d'un drapeau enduit d'emplastre conuenable. En la fracture de la teste il faut obseruer, iusques à ce que la cicatrice soit ferme, & qu'on n'use plus de bendage, qu'on ne boyue guerres de uin, & qu'on ne se baigne dans les estuues guerres souuent. Voyla le discours de Celsus. La chair superflue de laquelle il fait mention, aucune fois<sup>de</sup> devient grosse comme un œuf: est molle, fort sensible, le plus souuent puante, de figure semblable à un champignon, assauoir large par dessus, gresle en sa racine, à raison de quoy les Latins l'ont appellee *Fungū*, & les Grecs *μυκή*. Alexandre Aphrodisée en ses problemes essaye de trouuer la cause de sa generation. Sa cause materielle est un sang melancholique & superflu en quantité, abondant aux uaisseaux de la dure membrane, & des os du tés, qui se nourrissent de tel aliment, lequel sang nature enuoye en la playe pour la regeneratiō de la chair necessaire, cōme nous uoyons aux arbres croistre des champignons, par resuda-  
tion

\* Par ce que là est vne inter-  
ne cauité, pleine  
d'air seulement,  
qui se rend au  
crible du nés: & qui  
a par deuant  
l'os si dense  
qu'il ne peut  
fournir assez  
d'alimēt pour  
la regeneratiō  
de la chair: outre  
ce que du nez  
& des yeux est  
enuoyee en l'ul-  
cere grande  
quantité d'ex-  
cremens, qui  
empēchent la  
consolidation  
d'iceluy.

tion de quelque humeur glueuse & visqueuse, & quelquefois pourrie, qui sort par l'écorce. Ceste chair tient quelque chose de la nature & condition des uerrues malignes, & s'augmente selon la quantité de sa matiere, ou selon le peu de diligence que le chirurgien fait d'empêcher sa generation, par remedes fort desiccatifs, & doux catheteriques, comme sont le iaune d'œuf brulé: la poudre de sabine. & d'ochre meslez ensemble: les hermodactes brulez. Si ell'est fort grosse, on la serre & lie par sa racine, comme est l'usage en telles excroissances, iusques à ce qu'estant priuee de son nourrissement elle tombe de soy mesme.

Du nés quassé & rompu. CHAP. XCI.

**L'**Inferieure partie du nés qui est cartilagineuse, n'est point rompue, mais bien quassée, enfoncée, entorçee. La superieure partie qui a nature & substance d'os, aucune fois est rompue. En la fracture d'icelle Hippocrates n'approuue point la ligature, par ce qu'elle red la partie plus enfoncée & entorçee, sinon quand au milieu du nés y a quelque partie eminente pour estre engendree vne callosité trop grande & trop releuee. \* En tel cas il vse de ligature & médicament conuenable, à fin de reduire le nés à sa figure & forme naturelle en le pressant. Or si le nés est fracturé en son inferieure partie, il faut ieter dedans le \* petit doigt, ou l'indice, & redresser la fracture en dehors. S'il est fracturé plus haut, il faut faire le mesme, poussant au dedans & profond d'iceluy le bouton d'une eprouvette, & ce dès le premier iour, ou

\* τῷ ἰνδίκῳ γώματι. Hippocrates.

\* Du malade mesme, qui est proportionné au nés, ou d'un enfant, ou de vne femme. Hippocrates. Ce faisant pour le redresser plus aisément, on le pousse contre-mont par le bout d'embas.

non

non gueres plus tard. Car les os du nés dans le dixieme iour se consolident. Par dehors aussi

*\* ou de charpie, ou couverte de cuir de Carthage, ou d'un morceau de poulmon de monton. Hippocrates.* on racoustre la figure avec le ponce & l'indice. Et à fin que la figure rabillée demeure ferme, & les pieces ne tombent point, il faut mettre dans les narilles deux tentes faictes de linge \* vse & tordu, asçauoir vne dans chascune narille, encor que la distortion fust seulement en vne partie du nés : & les y faut laisser, iusques à ce que l'os ou la chartilage soit consolidee. Aucuns cou-

*\* Ie ly suyuât Galien sus le I. des Fract. ou quelque suc cōuenable, ou le cataplasme &c tels sucs sont, ou le vin seul, ou meslé avec de l'huile. A ceste correction fauorise ce que l'emplastre Diachylon n'est point propre à repercuter & empescher l'inflammation.* urent & enuoloppent d'un drapeau les tuyaux de plumes d'oye, & les mettent dans le nés, tant pour cōseruer la figure d'iceluy, que pour n'empescher point la respiration : mais cela n'est point necessaire, par ce qu'on peut respirer par la bouche. Si avec la fracture y a inflammation, on applique quelque vn des medicamens qui y sont propres, comme vne embrocation d'huile & vinaigre, ou le \* medicament nommé Diachylon, ou le cataplasme faict de farine de froment, cuicte avec pouille \* d'encens, ou Gomme Arabe. Ce medicament mitigue l'inflammation, & cōtient le nés en la figure où il a esté remis. Si le nés est estors vers l'un des costés, apres l'auoir redressé comme il appartient, Hip-

*\* ou incorporee avec blanc d'œuf.* pocrates commande faire \* vne courroye large d'un doigt, fort longue, & de ses bouts oindre l'un de colle forte, ou de Gomme Arabe distrempee, & le plaquer sus l'extremité du nés, obliquement, sus le costé vers lequel le nés estoit étordu : & apres que ce bout sera pris & seché, mener la bende par dessus l'oreille opposi-

site



site au quignon de la teste, & de là au front, sus lequel on assûre l'autre bout de la bende : de sorte que le nés étant retiré, obliquement en la partie contraire, se redresse en figure moyenne.

Ceste \* inuention n'est pas trouuée bonne des modernes. Si les os du nés sont brisez en petites pieces, n'y étant point de playe, il faut faire incision, & s'il y a playe, il la faut dilater & aggrandir, pour auoir commodité de tirer avec vnes pincettes les petites brises de l'os, & ce fait, ioindre & coudre les parties diuisees & separees, puis y ser de remedes glutinatifs conuenables aux playes fraiches & sanglantes. Si au dedans du nés y a vlcere, on la traite avec tentes ointes d'oignemens conuenables. Aucuns vsent de canules de plomb, iusques à ce que l'ulcere soit cicatrisee, à fin qu'il ne s'y engendre quelque \* chair superflue.

\* Galien dit y auoir trouué peu d'effect: car si on tire trop fort la bande, elle se decolle, & detache: si on la tire doucemēt, elle ne fait chose d'importance.

## ANNOTATIONS.

Hippocrates en la fracture du nés, blâme non simplement la ligature, mais la trop affectée & curieuse, qui de son temps se faisoit en lozanges, par les medecins uoulans acquerir reputation de sauoir bien & gentilement faire un bendage. Ceste ligature par plusieurs reuolutions de la bende, chargeoit tant le nés fracturé & enfoncé, que de sa pesanteur, elle l'accamusoit d'auantage. Oribase décrit plusieurs tels bendages, & de grande ostentation, comme l'Accipiter, de Menecrates, le Fosse d'Amyntas, la Fronde, les Bardes, & autres tels. Albucasis a mal entendu le dire de nostre auteur en deux poincts: l'un, qu'estant fractu

\* De la nature du polype.

fracturee seulement une moitié du nés, il uent qu'en icelle seule on mette la tente, & nō en toutes les deux narilles: l'autre que si du premier iour on n'a r'habillé la fracture, on la redresse apres le septième, ou dixième, ce qui ne se peut faire. Car comme dit Hippocrates, duquel tous ont pris ceste curation, Si le nez n'est incontinent redressé, par-apres il ne le peut estre, ains s'entorce & peruertit. Aucuns r'habillent, du temps d'Albucasis, oignoient les tentes avec du beurre, & les changeoyēt tous les iours: mais il est meilleur les oindre avec une mixture faicte de blanc d'œuf, & sōlle farine: & les laisser dans le nez sans les changer, iusques à ce que les os soyent consolidéz. Celsus traite ceste curation diligemment. Anés (dit-il) coustumièrement se rompt & l'os, & la

\* par fracture de la chartilage, entendons contusion, ou quassure.

\* chartilage: tantost par dessus, tātost de costé. Si tous deux, ou l'un d'iceux seulement, sont fracturez par dessus, le nez s'enfonce, & le malade à peine tire son aleine. Si l'os est rompu de costé, le lieu de la fracture a cavité: si la chartilage, le nés est entorcé uers la partie opposite. Si la chartilage est rompue, il la faut redresser doucement, ou metant per dessus une éprouvette, ou avec deux doigts, qui d'une part & d'autre la pressent. En apres on met dans les nés des tentes

\* d'estoupes, charpie, coton, ou autre chose semblable.  
\* le tuyau d'icelle.

\* longues entortillees, couuertes de quelque cuir doux, cousu par dessus: ou faictes de drapeau use: ou une

\* grosse plume, ointe de gomme Arabic, ou de colle forte, & couuerte d'un cuir doux, qui ne permette à la chartilage de s'abaisser. Si la chartilage est fracturee par dessus, il faut également remplir les deux narilles des choses susdictes. Si elle est fracturee de costé, ce qu'on met dedans doit estre plus gros en la partie

partie vers laquelle le nés decline, & en l'autre plus mince. Par dehors on tire une courroye de cuir doux, ointe par le milieu de fine farine & manne d'encens \* meslez ensemble, & la faut mener outre les oreilles, & avec deux chefx la coller sur le front. Cela s'attache & prend au corps, comme une colle, & quand il est endurcy, retient le nez en droicte situation. Si ce qu'on met dedans fait mal (comme principalement il auient, quand l'interieure \* chartilage est grandement rompue) apres auoir redressé la fracture on retient le nez en bonne figure avec la courroye seule ia mentionnee: & passés quatorze iours on l'oste. Elle se destrépe & separe avec d'eau chaude, de laquelle tous les iours on bacine le lieu où ell'est attaché. Si l'os est rompu, il le faut semblablement reduire en sa place avec les doigts. S'il est fracturé par dessus, on remplit de tentes les deux narilles. S'il est fracturé de costé, on remplit la narille vers laquelle il a esté poussé: par dessus on applique un \* cecrat; puis on le bende serrant fort, quand en cest endroit la callosité s'engendre, non seulement pour guerir & resoudre l'os, mais pource qu'il croist en tumeur trop eleuee. Apres le troisieme iour on le bacine \* & fomenté d'eau chaude, & d'autant plus qu'il approche d'estre guery. Si l'os est rompu en plusieurs pieces, il faut semblablement reduire chacune d'icelles en sa place, avec les doigts mis dedans le nez: par dehors appliquer la courroye susdicte, & sus icelle le cecrat, sans user d'autre bendage. Si quelque piece d'os separee de toutes parts, ne se peut reioindre avec les autres (ce qu'on cognoist de l'humeur qui sort de la playe en grande quantité) il la faut tirer avec des

\* & incorporer avec blanc d'auf. Ce recis est quelque peu different de celui de nostre auteur, & d'Hippocrates.

\* qui diuise une narille de l'autre.

\* fait de cire & huile rosat, pour empêcher la fluxion, & l'inflammation, & pour mitiguer la douleur.

\* pour attirer en cest os petit & mince la matiere propre à la generatiō de la callosité

\* Pour tous-  
jours corrob-  
rer la partie  
sujette à rece-  
voir plusieurs  
excremens.

pincettes. L'inflammation passée on applique un me-  
dicament, qui ait quelque petite faculté \* repercu-  
sive. Le mal est pire, quand outre la fracture de l'os,  
ou de la charnille, y a playe en la peau, & auient  
cela rarement; toutes fois quand il auient, il faut sem-  
blablement reduire les os en leur place, & appliquer  
sus la peau un emplastre propre aux playes frai-  
ches: mais par dessus ne faut user d'aucune ligature.

De la fracture en la machoire inferieure, & de la con-  
tusion en l'oreille. CHAP. XCII.

\* chap. 23.

**A**V \* troisieme liure nous auons parlé de la  
contusion & quassure de l'oreille, par ce  
que telle affection n'est point du genre des Fra-  
ctures. La machoire inferieure est rompue par  
plusieurs occasions. Si par dehors sans estre to-  
talement rompue de trauers, ell'est seulement  
frappee, & enfoncée en dedans, cela est facile à  
cognoistre. En ce cas si la machoire dextre est  
fracturee, avec le doigt indice & mitoyen de la  
main gauche, & si la machoire gauche est rom-  
pue, avec ces mesmes doigts de la main dextre,  
iectés dans la bouche du patient, il faut dextre-  
ment pousser en dehors la partie de l'os rompu  
qui s'auançoit en dedans, & avec l'autre main  
par dehors le redresser & l'agencer. On iuge  
& coniecture la machoire estre en sa droite si-  
tuation, quand les dents plantées en icelle sont  
en pareille assiette de leur rang. Si l'os est tout  
fracturé de trauers, premierement on vse \* d'ex-  
tension & contr'extension (l'estirant en deux  
parts contraires, pour aiouster ses pieces au  
droit l'une de l'autre) puis avec l'aide d'un ser-  
uiteur

\* τὰς, &  
ἀντιτάς (ces  
mots sont aiou-  
stés par manie-  
re de para-  
phrase)

uiseur qui tient l'os estendu, on le redresse & rabille. Les dents qui sont diuisees & separees en la partie rompue de l'os, doyuent estre approchees, reioinctes, & liees ensemble, comme dit Hippocrates, aueques d'or, qu'il faut entendre avec vn fil d'or, que les vns appellent en Grec χρυσόλινον, & les autres χρυσόνημα. Mais pource que chacun n'a pas le pouuoir de recouurer vn fil d'or, on les lie ausi avec vn fil de lin vulgaire, fort, ou de ce lin precieux qu'aux temps passez ils nommoient Byssum, ou avec vne chordelete de poil de cheual. Si la fracture est avec playe, il faut sonder avec l'eprouuete, s'il y a point quelque os brisé. Si ainsi est, & la playe est petite, on l'incise d'auantage, pour tirer d'un instrument couuenable les petites pieces de l'os brisé, soyent vne, ou plusieurs, & ce faict on ioint & coust les bords de la playe: & y ayant appliqué vn medicament propre aux playes fraiches & sanglantes, on la ben-de. Si la fracture est sans playe, on y applique vn cerat\* simple puis on la ben-de. Le milieu de la ben-de se met sus le quignon, les longues d'icelle se meinent d'un costé & d'autre par dessus les oreilles iusques à l'extremite du menton: puis retournent au quignon derechef: puis au dessous du menton: & dela, par dessus les ioues aux quartiers de la teste: & dela, vne autrefois au dessous du menton: & là se doit terminer. Outre ce ben-dage, faut aiouster ce que les Grecs nomment επίδημα, comme si nous disions Surbandage: qui est vn \* Fronteau iecté sus le front, & att-

\* faict de cire  
& huile ro-  
sat. Le compo-  
sé qu'ils nom-  
moient Pica-  
tū, auoit d'a-  
uantage de la  
poix.

\* faict d'une  
liſiere de drap.

ché au derriere de la teste, pour serrer toutes les reuolutions susdictes. Aucuns mettent au dessous du menton vn'estelle legiere de Ferule, les autres vn morceau de cuir de la longueur de la machoire : & l'attachent avec les langes susdictes. Les autres vsent du bandage qu'on nome

\* *Μυελιηρη*. \* Museliere. Si les deux parts de la machoire sont separees en l'extremite du menton, & au lieu où elles sont vnies, avec les deux mains on les \* écarte quelque peu l'une de l'autre, puis on les reioint ensemble : on approche les dents separees ; on les lie, comme a esté dict : & ayant fait bandage \* conuenable, on nourrit le malade de boillons, & autres viandes qui ne soyent pas trop substantieuses, & de gros aliment : car le macher luy est fort nuisible. Si on cuide que la figure en laquelle a esté remise & redressée la machoire, soit en quelque chose changée, & remuée, de trois iours en trois iours il faut debender, & racoustrer le bendage : continuant ainsi iusques à ce que la callosité soit engendrée. Elle s'engendre au plus long terme dans trois semaines, par ce que la machoire est rare, spongieuse, & pleine de mouelle. S'il y a quelque inflammation, il ne la faut mépriser, ains y remedier avec embrochations & cataplasmes, ce qu'on doit obseruer en toutes telles dispositions.

## A N N O T A T I O N S.

Ce discours est pris du second des Articles ou Delouëures d'Hippocrates. Il faut entendre la solution de continuité en la chair auoir son propre nom, qui est Vlcere : en l'os aussi ; qui est Fracture : mais en la chart

chartilage n'estre aucun mot propre pour la specifier. Toutesfois par ce qu'apres l'os c'est la plus dure & solide partie du corps, Hippocrates luy donne comme par emprunt le uocable particulier à l'os, & nomme la solution de continuité en icelle, Fracture. Nostre auteur au troisiéme liure la nomme Côtusion, τὴν θλάσειν. Hippocrates ne recite aucuns remedes pour appliquer dessus, excepté le cataplasme de farine glueuse, qu'il dit y estre presque utile. Mais considerans sa substance & composition, qui est de chartilage & de peau, quelque peu de chair, nerfs, veines, & arteres, sa temperature, qui est fort seche, nous y appliquerons un medicament fait de myrrhe, aloë, encens, acacia, chacun en égale portion, incorporés avec du uinaigre: ou le mol d'un pain chaud avec du miel: ou bitumen, encens, aloë, chair de limaçon, racine de bulbus d'Aphrique, de chacun en égale portion, le tout incorporé avec uinaigre. Et est à noter, que ces remedes doyuēt estre fort legers, par ce que toute chose pesante blesse l'oreille: & qu'il les faut appliquer sans bendage, ou que le bendage soit peu serré (dit nostre auteur.) Neantmoins Hippocrates reiette du tout le bendage, par ce que s'il ne serre, il est inutile: & s'il serre, il excite inflammation, voire en une oreille, qui ne seroit point offencée: ioinct que l'oreille coustumiere d'estre nue & decouuverte, hayt comme une chose inacoustumee les bendages, cataplasmes, & medicamens qui la couurent, & chargent. Si par ces remedes l'inflammation ne peut estre empeschée, on met dans l'oreille de la laine mouillée en huile, & par dessus on applique un cataplasme fait de farine de \* sossiman, ou de speautre, cuist avec

\* Sesamum.

uinaigre. Si par ces remèdes l'inflammation n'est point résolue, & terminée, ains semble procéder à suppuration; avec le doigt on teste s'il y a quelque inondation & mollesse, qui signifie matière purulente: en quoy ne se faut tromper: par ce qu'en l'oreille & autres telles parties aucunes fois se fait un amas de pituite risqueuse, laquelle du commencement est molle au toucher, comme la matière purulente, mais avec le temps s'endurcit, & tourne en ganglion duquel auôs traité. Or faut il, tant qu'il est possible, cuiter les incisions de l'oreille, par ce que mal aisément sa substance se reioint, & restitue. Parquoy, encor que certainement on y trouue de la fange, si ell'est en petite quantité, on doit tacher de la resoudre avec un médicament de myrrhe, aloes, encens, miel, & la mucosité d'un limaçon, qui sera léger, & desechera sans mordication: & s'il n'est possible la resoudre, ou il faut cauteriser l'oreille de part en part, qui est le meilleur, & le plus seur, combien que l'oreille demeure mutilée & raccourcie: ou y faire une grande incision pour donner issue à la matière, qui estant retenue, corrompt & sphacelise la charnille, avec grande douleur, fièvre uehement, uomissemens & dejections bilieuses, & autres mauuais accidens: puis y appliquer médicament propre aux playes fraiches. Quant à la fracture de la machoire, ce qu'on met les doigts dans la bouche du patient, en luy reculant fort la langue, est tant pour chercher les piéces de l'os rompu, qui est la premiere intention, que pour les repousser en dehors, qui est la seconde: & se doit faire ce recherchement & repoussement non seulement par les doigts du médecin, mais aussi du patient mesme.



La fracture de la machoire requiert aussi peu de bandage, & que les medicamens appliquez ne soyent pesans, comme seroit petite quantité de cerat rosat. Le bandage y estant bien fait, proufite peu: & mal fait, y nuit beaucoup. Hippocrates a declare un bandage, duquel nostre auteur ne fait aucune mention. Il se fait de deux bendes de cuir doux, larges de trois doigts. L'une s'applique avec colle, un doigt au dessouz de la fracture: & par dessouz le menton, à l'endroit duquel & de l'oreille est percée pour leur donner issue, iusques au sommet de la teste. L'autre se colle un doigt au dessus de la fracture, estant percée au droict de l'oreille pour l'intention susdicte: & va au sommet de la teste rencontrer l'autre, où elles sont liees ensemble: & pour les nouër commodement, faut que leurs bouts soyent plus estroicts que le chef. Les ayant liees, on passe par dessus icelles (pour les tenir plus fermes, & les serrer mieux) un fronteau fait d'une lisiere de drap, qui s'attache derriere la teste. Ce bandage fait tenir les pieces de l'os rompu, les unes au droict des autres, apres qu'on les a redressees & adioustees. Nous ne trouuons point en Oribase la description du bandage nommé Museliere, & des Grecs *φασελιζ*, mais bien celui de Soranus, qui a quelque figure du licol d'un cheual, & se fait ainsi: On coupe une bende par les deux bouts, laissant entier le milieu, qui se met au dessouz du menton. Des quatre longues, les deux inferieures vont par dessus les iouës s'attacher entre le front & les quartiers de la teste: les deux superieures vont de trauers s'attacher au derriere de la teste. En l'oreille (dit Celsus) aucune-fois se rompt la chartilage: & auant tel cas, auant

que la matiere purulente s'y engendre, faut appliquer un medecament glutinatif, qui souvent empesche la suppuration, & consolide la fracture. En ceste fracture, & en celle du nés, faut entendre que la chartilage ne se reprend & conglutine point : mais qu'il y croist de la chair, qui consolide & reioint la partie. Si avec la chartilage la peau est rompue & incisee, il la faut coudre d'une part & d'autre. Mais ie parle icy de la fracture qui est sans incision de la peau. S'il y a ia de la matiere purulente faicte & assemblee, en l'une des \* parties de l'oreille, il faut tailler la peau : puis trancher la chartilage au droict de l'incision en forme de \* croissant : & y appliquer un medecament doucement repercussif, comme est le Lycium detrempe en eau, iusques à ce que le sang cesse de fluer : & lors on y applique un drapeau oint d'emplastre \* conuenable, sans user d'aucuns medicamens unctueux & gras. Par derriere l'oreille il faut mettre de la laine molle qui remplisse ce qui est entre la teste, & icelle : & en apres la faut bender doucement, & passé le troisieme iour, comme auons dit du nez, la fomentier avec un'euaporation & \* bacinement d'eau chaude. En ces fractures l'abstinence des premiers iours est necessaire, iusques à ce que l'inflammation soit finie.

Deliberant parler consequemment de la machoire fracturee, ie veux premicrement declarer aucunes choses qui concernent en general la fracture de tous les os, à fin que ne redisons souvent une mesme chose. Tout os se rompt, quelquefois en long, comme un baston : quelquefois de trauers : quelquefois obliquement & de biais : & les pieces rompues quelquefois ont leur bout mouce : quelquefois agu & pointu, qui est la

\* en l'interne ou externe, selon que la fange se tourne plus çà ou là.

\* pour faire la playe plus grande, & pour suivre la naturelle figure de la partie.

\* de ceux qui sont bons aux playes fraiches,

\* pour mitiguer la douleur & inflammation.

est la plus mauuaise sorte de fracture, par ce que les bouts qui ne sont appuyés & affermis sus aucune chose mouce, ne se peuuent aisément reioindre: & leur pointe blesse la chair, & quelque fois le nerf, ou le muscle: & quelque fois la piece rompue se diuise encor en plusieurs autres eclats. Aux autres os souuēt les pieces rompues sont du tout separees l'une de l'autre: mais en quelque sorte que la\* machoire soit rompue, tousiours les pieces s'entretochent, & sont coherentes. Pour curer sa fracture, premierement on repousse les pieces en leur lieu, avec deux doigts mis dedans la bouche, & deux doigts qui par dehors pressent sus la peau. Puis si la fracture est de trauers, en laquelle presque tousiours une dent est plus haute que sa prochaine voisine, ayant remis les os en leur place, avec un fil de poil de cheual, on attache ensemble les deux dents prochaines & inegales: & si elles tremblent & branlent, on attache les dens fermes qui sont au dessus & dessous outre icelles: ce qui n'est besoing de faire, quand la machoire est fracturée d'autre sorte. Le reste de la curation est \* semblable. On met dessus un drapeau double, trempé en huile & uin, avec de la fine & pure farine, & manne d'encens, comm'auons dict cy-dessus. \* Puis on applique une bande, ou une courroye de cuir doux, coupee de long par le milieu, à fin que çà & là elle embrace le menton & d'icelle on meine & noue les bouts sus la teste du patient. Nous auons ia dit, ce qui est necessaire en toute fracture d'os, que les premiers iours il faut user de grande \* abstinence: passé le troisieme, donner quel que bouillon: & l'inflammation finie, viande plus nutritiue, & qui conuienne à la regeneration de la

\* La machoire inferieure est fort solide, & dure: creu-se en son milieu: enfoncée par dehors: remparee de l'os iugal: couruete de la substance de la ionē, épaisse, molle & obeissante: à raison dequoy on ne peut donner si enorme coup, sans la mort du patient, qu'en sa fracture les pieces & fragmens soyent du tout separés l'un de l'autre.

\* De sorte qu'elles ne puissent soutenir le fil.

\* à celle du nez fracturée.

\* Celuy n'expose point assez distinctement le bandage d'Hippocrates.

\* qui est ne manger rien du tout.

\* qui resoude  
 & conioint les  
 pieces de l'os  
 rompu, comme  
 seroit un pied  
 de veau & au-  
 tres semblables  
 \* pour appai-  
 ser la douleur:  
 resoudre quel-  
 que portion de  
 l'humeur qui  
 afflue: relaxer  
 les parties ten-  
 dues & empêcher  
 la convulsion.  
 \* que l'inflam-  
 mation est ter-  
 minee.

\* qu'il hume  
 ou boyue sans  
 mâcher.

\* qui engen-  
 drent sang  
 glueux, propre  
 à la generatiō  
 de la callosité.  
 Les Lyonnais  
 les nomment des  
 Bugnes.

\* par l'espece  
 d'assemblage,  
 que les Grecs  
 nomment Sym-  
 physin.

\* chair: mais durant toute la curation il ne faut boi-  
 re du uin. Le troisieme iour on debende l'appareil, &  
 fait-on fomentation d'eau \* chaude, puis on applique  
 les mesme remedes qu'on auoit mis le premier iour.  
 On fait le mesme au cinquieme iour, & iusques à ce  
 que l'inflammation cesse, qui auient presque tousiours  
 au septieme, ou huietieme iour. L'inflammation ces-  
 see, de rechef on manie les os, à fin que si quelque pie-  
 ce n'est point encor en sa place, on l'y reduise: & ne  
 faut \* par-apres debander la partie, que les deux  
 tiers du temps dans lequel les fractures de chacun os  
 se consolident, ne soyent passés. Pour la plus part la  
 machoire, l'os ingal, le brichet de la poitrine, les cô-  
 stes, le palleron, l'espine du dos, les hanches, le talon,  
 les cheuilles, les os de la main, & de la plante du pied,  
 se consolident entre le quatorzieme & uingtunieme  
 iour: les os du petit bras & de la grêue, entre le uin-  
 gtieme & trentieme: les os de l'auanbras, & de la  
 cuisse, entre le uingtseptieme & quarantieme. En la  
 curation de la machoire fracturée faut de plus aiou-  
 ster, que par plusieurs iours le malade doit user de  
 \* uiandes liquides: & apres long espace de temps, con-  
 tinuer & persueuer de manger des uiandes de \* pa-  
 ste, fricassees avec d'huile, que les Latins nomment  
 Lagana, & autres semblables, iusques à ce que la cal-  
 losité de la fracture soit du tout ferme, & assuree.  
 Les premiers iours aussi il faut que le patient demeu-  
 re en silence.

De la forcelle, ou clauette rompu.

#### CHAPITRE XCIII.

**L**A naturelle figure de la forcelle est, que par  
 son interieure extremité ell'est \* ynie avec  
 le bri

le brichet de la poitrine: & par son extérieure, enioinctee avec la sommité de l'épaule, à raison de quoy elle soustient le palleron, & l'os de l'a-  
uanbras. A ceste cause pource qu'elle soustient l'espaule, & mesme le bras, si ell'est rompue en  
aucune de ses parties, quelle qu'elle soit, presque  
tousiours son extrémité prochaine de l'espaule  
est plus abbaissee que \* l'interieure, par ce que  
le bras la tire contrebas. Il est meilleur que la  
fracture en la forcelle soit de trauers, \* qu'en  
éclat, ou en ongle, au contraire de ce que plu-  
sieurs estimeroyent. Car l'os rompu de trauers,  
facilement retourne en son naturel, le souleuant  
d'un costé, & de l'autre le foulât avec les doigts:  
mais s'il est fracturé d'autre façon, ses eminences  
sont mal aisées à r'habiller. Si ell'est rompue  
de toute son épaisseur, en quelque maniere que  
ce soit, vn seruiteur stile à ce faire, empoigne des  
mains le bras prochain de la forcelle rompue,  
le tirant contremont, & endehors: vn autre ser-  
uiteur au contraire tire vers soy l'espaule oppo-  
site, ou bien le col: & ainsi se fait la contr'exten-  
sion. Ce pendant le medecin avec les doigts  
r'habille & redresse la fracture, poussant contre-  
bas ce qui est plus eminent & releué, retirant &  
haucant en dehors, ce qui est profond. Et s'il  
est besoing de plus grande contr'extension, il  
faut mettre sous l'aixelle vne grosse boule de  
vieux drapeau, ou de laine, ou quelque autre  
morceau semblable: puis approcher le coude  
vers la coste au droict de laquelle il est situé, &  
poursuyure le reste comme il a esté dict. Si le  
medecin

\* qui est r'nie  
avec le bri-  
chet.

\* Voy cy des-  
sus au chap.

89 la proprie-  
té de ces fra-  
ctures.

medecin ne peut retirer en l'exterieure superficie le bout de la forcelle contigu à l'espaule, qui est abbaissé, & enfoncé, il couche le malade à la renuerse, & luy ayant mis sous le dos vn \* oreiller de conuenable grandeur, commande à vn seruiteur luy presser contre bas les espaules, à fin que l'os de la forcelle qui est caché & descendu contrebas, retourne contremont: & avec cest'occasion il redresse des doigts la fracture. Si nous sentons quelque piece de l'os brisée, remuante, ou piquante, avec le rasoir à deux tranchants nous ferons vn'incision droicte, pour tirer ce qui est rompu: puis applanirons le reste avec vn ciseau, ietans au dessous de la forcelle ou vn eleuatoire, que les Grecs appellent Meningophylax, ou vn autre ciseau, pour la tenir \* ferme: & s'il n'y a point d'inflammation, couvrirons la playe: s'il y en a, appliquerons de la charpie, & plumaceaux. D'auantage nous appresterons des compresses de diuerse grandeur & grosseur, & metrons les plus grosses & plus grandes sus l'os eminent, comme vn contrepois, pour l'abbaisser, lesquelles s'il y a inflammation, seront trempées en huile: & s'il n'y en a point, seront toutes seiches: puis apres auoir mis sous l'aisselle prochaine vn peloton de laine, qui soit de proportionnée & mediocre grosseur, nous vserons de bendage conuenable, menans la bende par les aisselles, par la forcelle blessée, & par le palleron, ainsi qu'il appartient. \* Si la partie de la forcelle prochaine à l'espaule, s'est enfoncée contrebas, nous ieterons sous le coudé

\* au lieu de l'oreiller, aucuns mettent le genoil entre les deux espaules.

\* pendant qu'on applane l'os.

qui

qui est du costé d'icelle, le milieu d'une bande large, pour tenir tout le bras en écharpe, suspendu au col : & avec une autre bande attachée semblablement au col, tiendrons la main haute & souleuee, comme il se fait quand on a saigné quelqu'un de la veine qui est au pli du coude. Si au contraire, l'interne extrémité de la forcelle est descendue contrebas, & l'extrémité prochaine de l'espaule est eleuee contremont, & cheuauche sus l'autre (ce qu'aduient rarement) \* il ne faut point tenir le bras ainsi suspendu : mais faire coucher le malade à la renuerse, le contenir qu'il mange peu, & si besoing est, vser d'embrochations & autres remedes susdicts, iusques à ce que la callosité soit engendrée. Elle s'engendre, & consolide la fracture de la forcelle pour la pluspart en vingt iours.

\* Il faut ainsi restituer ce pas sage du texte d'Hippocrates

## A N N O T A T I O N S.

<sup>a</sup> Hippocrates declarant cecy plus particulièrement dit, que si la partie de la forcelle prochaine de l'espaule est enfoncée contrebas, ou bien detournée à costé çà ou là, pour la remonter il faut mettre le coussin entre les deux espaulles, comme a esté dict : ou mener le long des costés & iouxte icelles, le coude uers la poitrine, & ce pendant que le patient mette la main de la partie malade sus l'espaule qui est saine : & s'il uent demeurer au liét, qu'on luy mette sous le coude un contr'appuy qui le contraigne de haucer la teste de l'auanbras : s'il uent sortir, & cheminer, qu'on luy bande le bras en echarpe, ainsi qu'il l'explique. Si par ce moyen la partie supérieure de la forcelle ne peut

peut estre remontee, M. Guy de Cauliac ueut qu'on y applique la main, ou un morceay de cuir glué, puis qu'on l'eleue de force. Ceste uiolence la retire en dehors. Et où ceste industrie ne proufiteroit de rien, il ueut que sans entamer la membrane couchee par dessous, on la monte & souleue en dehors avec un crochet, principalement quand son enfoncemēt empesche l'aíme. Si la fracture est sans playe & incision de la peau, Albucasis cōmande appliquer dessus un emplastre faict de sole farine avec blanc d'œuf: & par dessus iceluy une estoupade douce: par dessus l'estoupade & l'emplastre, un drapeau double comme un petit coucin: puis mettre au dessus de l'aixelle (si besoing est) une pelote: & au dessus de la fracture, une astelle de bois mince, longue & large trois doigts, enveloppee d'un drapeau: ce faict il ueut qu'on meine par dessus l'astelle & la fracture une bande fort longue, large d'une paume ou enuiron: & de la fracture qu'on la roule au col, puis souz l'aixelle saine & malade, & bres sus toutes les parties circōuifines de la fracture. Or faut il auiser tous les iours comme la ligature se maintient, ne remuant rien l'astelle, si elle demeure ferme: mais si le bendage se lâche, & l'astelle s'oste de dessus la fracture, il la faut defaire, reserrer, & redresser. Oribase recite plusieurs bendages conuenables en ceste fracture, comme l'Epi de Glaucius: la Grue de Perigenes: la Fronde: le Corselet d'Amyntas: & autres semblables, curieux, ingenieux, & de grande ostentation, lesquels Hippocrates dit à l'œuvre & pratique se cognoistre qu'ils sont inutiles.

La forcelle (dit Celsus) aucune fois si ell'est rompue de trauers, de soy mesme se reioint, & cōsolide bien:

& si



Et si on ne la remue, se peut guerir sans bendage. Aucune fois, & principalement si le membre est remué, l'une partie échappe & s'écarte de l'autre: & pour la plus part, ce qui est prochain de l'épaule descend souz la moitié prochaine du brichet en l'inférieure partie de la poitrine: & la raison est, que la forcelle de soy n'a mouuement aucun: mais suit le monuement du bras & de l'épaule, qui tire contrebas la portion qui luy est contigue: & de uray, l'épaule fait son mouuement sus la forcelle, qui la porte, & ne se remue point. C'est chose fort rare, que les pieces de la forcelle rompue se détournent uers l'antérieure ou postérieure region de la poitrine, de sorte que les excellens medecins escriuent \* ne l'auoir iamais ueu: toutes fois Hippocrates est auteur digne de soy, qui afferme cela auenir. Or comme ces deux cas sont differés, aussi requièrent ils diuerse operation. Si la forcelle rompue se detourne en la postérieure partie uers les pallerons, avec la main dextre il faut tout d'un coup repousser gaillardement l'esspaule en derriere, & tirer la forcelle en deuant. Si elle se destourne en l'antérieure partie uers le brichet, il faut amener l'esspaule en deuant, & repousser la forcelle en derriere. Si la partie contigue à l'esspaule est plus basse que la prochaine du brichet, il ne faut point abbaïsser celle qui tient à la poitrine, par ce qu'elle est immobile, mais haucer l'esspaule. Si par fortune la partie iointe à l'esspaule est plus haute, on remplit de \* laine l'espace qui est depuis la poitrine iusques à l'esspaule, puis on bende l'esspaule, commençant d'icelle, & menant la bēde uers la poitrine. S'il y a quelques éclats piquāts à l'endroiēt où ils sont, il faut inciser la peau, & cou-

\* car pour la plus part, l'une est hante, & l'autre est basse, sans se détourner plus en deuant qu'en derriere.

\* à fin que la bende ne casse point les parties qu'elle serre.

per les pieces qui blessent la chair, puis quand elles seront epoinctees & mouces, les reioindre. Si quelque piece est eminente & releuee, on iette dessus un drapeau à trois doubles, baigné en vin & huile. Si la force est brisée en plusieurs pieces, apres les auoir adoustees, il les faut contenir avec un petit canal fait d'un tige de ferule party en deux, & ciré par dedans, à fin que la bande ne l'oste point de dessus la fracture: & doit-on faire plustost sus la force elle r'habiller les plusieurs reuolutions de la bande, que trop serrees: qui est un precepte infallible & perpetuel en toute fracture d'os. Si la force dextre est rompue, le bandage commence d'icelle, & va à la fenestre: comme aussi il commence de la fenestre, si elle est fracturée, & va à la dextre, puis est mené sous l'aisselle du costé malade: & si la force rompue est détournée en la partie posterieure vers le palleron, il faut lier le bras sus le costé: si elle est détournée en deuant, il le faut lier au col: mettre le patient à la renuerse: & faire au reste tout ce qu'auons dict cy-deuant. Plusieurs autres os de nostre corps, qui sont presque immobiles, ou durs, & cartilagineux sont rompus, pertuisez, quassés, fendus, comme l'os iugal, le brichet, le palleron, les costes, l'espine du dos, l'os des hanches, les cheuilles, le talon, les os de la main, & de la plante du pied: & tous se guerissent d'une mesme sorte. Si avec la blesseure de l'os y a playe, il la faut gouverner avec remedes incarnatifs. Comme elle guerira, la callosité remplira les fentes de l'os, & seruira de soudeure, s'il en est besoing, pour consolider les pieces rompues. Si la peau est entiere, & la douleur nous fait

\* Par costé si gon la force est poussée en deuant, & par l'autre en derriere.

*fait cognoistre que l'os est bleſſé, autre chose ne faut il faire que tenir le malade en repos, appliquer du cerat, & bender doucement, iusques à ce que par la guerison & curation de l'os la douleur cesse.*

De la fracture du palleron.

## CHAP. XCIII.

**L**E palleró en sa partie large & semblable à vn tableau, n'est point fracturé, mais bié en sa creste, qui quelquefois est seulement enfoncée, quelquefois outragée d'une simple fracture, & quelquefois brisée. L'enfonceure se cognoist au toucher, par ce qu'ó y trouue vne cauité, & que le bras prochain est endormi, & stupide: & qu'il sent vne douleur poignáte. on cognoist la simple fracture, par ce qu'on rencontre quelque chose aspre, & qui fait douleur quand on la touche. Ces deux especes se guerissent par remedes qui empeschent l'inflammation. La briseure se cognoist pareillement au toucher. Si les pieces ne bougent rien, & ne piquent point, on la redresse, presse, & cõtient avec bendage conuenable. Si elles bougent, & piquét, il faut inciser la peau comme a esté dict, & les oster: puis appliquer tel bendage qu'en la forcelle rompue. Pendant la curation, il faut que le malade se couche sus la partie contraire, & saine.

## ANNOTATIONS.

*Albucrasis specifice le remede qui empesche l'inflammation: à sauoir de ſolle farine incorporee avec un blanc d'œuf: & par dessus un'estoupade douce: & par dessus icelle, une compresse d'un drapeau double:*

puis une astelle de quelque bois mince, de la largeur du  
 palleron, ou quelque peu plus grande. Si entre icelle  
 & le palleron se trouue quelque cavit   uuide, on la  
 remplit tant avec d'estoupes douces, que l'un soit egal  
    l'autre, puis on la benche & serre tant qu'elle demeu-  
 re sus le lieu ou elle est mise, auisant chaque iour, si la  
 benche se l  che point, & retournant l'astelle en sa pla-  
 ce, si elle en est ostee. Pass   le uingtieme ou uingtcin-  
 quieme iour, dans lequel terme se consolide la fractu-  
 re du palleron, on peut asseur  ment la deb  cher, & iu-  
 ger sa consolidation estre faicte. La fracture & solu-  
 tion de continuit   en cest os n'est point dangereuse.  
 Hippocrates au liure de la nature des os descriit brie-  
 uement la particularit   du palleron, en ces parolles:

\* en son infe-  
 rieur extreme  
 t  .

Le palleron, (dit il) pres de sa \* creste est chartila-  
 gineux: le reste de sa substance est lax  : son externe  
 partie inegale: il a un col, & une boite chartilagi-  
 neuse, au deffous de laquelle les c  stes sont situes.  
 Apres l'auanbras, de tous les os, le palleron se deloue  
 le plus ais  ment.

De la fracture. du brichet.

CHAP. XCV.

\* Ainsi lisent  
 Albucasis  
 & Anderna-  
 cus, & bien.

**L**E milieu du brichet est incis   & enfonc  :  
 son extremit   est bris  e. Si en son \* milieu  
 y a fracture, au lieu d'icelle on sent douleur: la  
 partie n'est pas egale: & la foulant des doigts, il  
 s'y fait vn bruit. Si son milieu est enfonc  , la  
 douleur est vehemente, avec difficult   d'aleine,  
 & la toux, par ce que l'os pique la membrane;  
 quelquefois, encor que rarement, on crache le  
 sang: le \* lieu fractur   est caue, & obeit au doigt  
 qui le touche. En la curation de ces affections  
 il faut

\* Albucasis  
 lit: au lieu fra-  
 ctur   y a cavi-  
 t   sensible.

il faut proceder par les remedes mesmes qu'a-  
uons dit en la curation du palleron. Nous re-  
dressons l'enfonceure, en la maniere que Hip-  
pocrates enseigne de releuer la forcelle descen-  
due au dedans de la poictrine, asçauoir couchât  
le malade à la renuerse, & metant au dessous de  
son dos vn oreiller, puis foulant les pallerons  
contrebas, & avec les mains d'une part & d'au-  
tre pressant les côstes. Ayant icelles couuert de  
laine, on fait vne ligature circulaire, sous les re-  
uolutions de laquelle on iette en droicte ligne  
par dessus les espaules deux bendes, desquelles  
par apres on \* remeine les bouts de l'un costé  
en l'autre alternatiuement. Ces deux bendes  
empeschent de couler & tomber les reuolutiôs  
circulaires.

\* C'est à dire,  
que le bout de  
la bende gau-  
che se termine  
sus l'espaule  
dextre: & ce-  
luy de la ben-  
de dextre sus  
l'espaule gau-  
che.

## A N N O T A T I O N S.

Albucasis par mesme industrie qu'en la fracture  
du palleron, apres auoir redressé & abillé l'os rom-  
pu, applique dessus un emplastre, puis un'estoupade, &  
par dessus une astelle de bois leger comme de saule, &  
semblables, enueloupee de drapeau, laquelle on lie in-  
genieusement sus la fracture, de maniere qu'elle ne s'o-  
ste point. On meime la ligature en rond par dessus le  
dos, avec plusieurs reuolutions, serrant autant qu'il  
est de besoing, & considerant à chacune heure si le  
bendage se lache point, quoy auenant, on le doit def-  
faire & reserrer. S'il suruient demangeson, ou ulcere  
corrosiue, ou aposteme, ou douleur, qui contraigne de  
debender, promptement il le faut faire, & remedier  
aux accidens susdicts par choses appropriees: puis si

nous cuidons qu'il soit expedient, remettre l'emplastre, & reserrer le bandage, iusques à ce que la fracture soit guerie. Le bandage droit de Sostratus décrit par Oribase au liure des Bendes chap. 81. est presque semblable à celuy que nostre auteur expose, excepté que les bandes droictes finissent & retournent chacune sus son espaule, sans se croiser l'une sus l'autre, & aller en la partie opposite alternatiuement,

De la fracture des côstes.

CHAP. XCVI.

\* Les sept  
vrayes.

\* les cinq plus  
basses.

**D**ES côstes, que les Grecs nomment *ωστέ-  
ρας*, & *σώθρες*, celles qui sont \* fort ossues  
reçoient fracture en toute part : mais les côstes  
\* fauces sont fracturees seulement pres de l'espi-  
ne du dos, auquel endroict seulement elles sont  
ossues. Car en la partie anterieure qui leur est  
chartilagineuse, elles sont quassées & non fra-  
cturees. Les signes des côstes rompues ne sont  
pas difficiles. Celuy qui avec les doigts touche,  
& cherche la fracture, sent vne inequalité, & vn  
bruit : les doigts tombent & glissent sus l'en-  
droict de la fracture. Si la coste rompue est tour-  
nee en dedans, on sent vne vehemente douleur,  
pungitive, plus violente & facheuse que la dou-  
leur de la pleuresie, par ce que la tunique esten-  
due sous les côstes est piquée comme d'un éclat  
de bois : le patient a difficulté d'aleine, & la toux :  
souuent il crache le sang. On peut redresser avec  
les doigts les fractures des côstes qui sont de-  
tournées en autre lieu : mais si elles sont detour-  
nées en dedans, il n'est possible de les r'habil-  
ler, par ce qu'on n'y peut faire la tension requise  
& neces

& necessaire. \* Pour ceste consideration aucuns veulent & commandent qu'on donne au malade beaucoup à manger, & de viandes venteuses, à fin que l'inflation qui procedera de la ventosité pousse en dehors la coste fracturée: ce qui n'aient pas ainsi. Car quant à cela, la poitrine n'a rien de commun avec les parties naturelles; & nutritives: & d'avantage par la grande repletion du manger l'inflammation s'augmente. \* Aucuns pour retirer l'os en dehors appliquent vne ventouse: & cela n'est sans raison, & methode, n'estoit que par la contraction & compression des parties circoniacentes faicte par la ventouse, l'os fracturé est plus chassé en dedans. A ceste cause, Soranus couure premierement la partie fracturée de laine, baignee en huile chaud: puis il remplit l'entremi des côstes de drapéaux mis en double, à fin de faire vne ligature egale, avec reuolutions circulaires, comme a esté dict en la fracture du brichet. Au reste, il use de mesmes remedes qu'aux pleuritiques, avec respect de la \* grandeur du mal. Si nous sommes contraincts de quelque grande necessité, par ce que la membrane esté due sous les côstes est violement & outrageusement piquée, il faut inciser la peau pour decouvrir la coste fracturée, & ayât ieté sous icelle vn eleuatoire contregarde de la membrane estendue sous les côstes, à fin qu'elle ne soit offencée, trancher habilement & dextrement les éclats poignants de l'os, & les sortir: & ce faict, s'il n'y a point d'inflammation, \* ioindre les bords de la playe, &

\* Ceste mesme raison allegue Hippocrates au liure des Articles, contre ceux qui par applicatiō de ventouse pretendoient retirer vne rouelle de l'espine du dos, delouee en dedans.

\* pour la saignée, & autres diuersions pour l'abstinence, & qualité du manger.

\* Albucrasis lit: Si la playe est grande, il la faut coudre.

user de remedes conuenables aux playes fraiches & sanglantes : s'il y a inflammation, appliquer de la laine treppee en huile: nourrir & gouverner le malade, comme il se doit faire pour empescher & guerir l'inflammation : & le faire coucher & reposer en la part & facon qu'il se trouuera mieux.

## ANNOTATIONS.

<sup>a</sup> Il semble que tacitemēt nostre auteur, ou plustost Soranus ( de qui il a pris ceste curation ) en ce lieu reprend Hippocrates, escriuant ainsi: Si la fieure continue ne uient point au malade, il est pire, & fait plus de douleur, de fieure, & de toux, quand le malade s'extenue par abstinnce, que quand il mange. Car la mediocre repletion du uentre dresse les costes, comme par extenuation du corps & abstinnce elles demeurent suspendues : & la suspension cause douleur. Mais pour sauuer de calomnie ce diuin personnage, pere & auteur de la medicine, outre ce que Galien au Commentaire dit, estre cogneu par experience, qu'en ce mal les hommes uentrus sont moins affligez de douleur, & plus les maigres, il faut entendre que Hippocrates en ce texte parle de la fracture de la coste simple, qui est sans cōtusion des parties circonuoisines & sans playe, & sans penetration ou declination des eclats & fragmens en dedans, en laquelle pour la plus part n'y a point de fieure, ny crachemēt de sang, ny absces suppuree, ny ulcere, ny corruption d'os: & laquelle se guerit en uingt iours avec cerat, drapcaux, compresse, & bendage: & encor il limite nommément, que la repletion du uentre soit mediocre



cre, non pas uentuse, ny trop abondante : & que la  
 ficure n'y soit point, laquelle procede de l'inflamma-  
 tion. Hippocrates traite fort legerement de ceste  
 fracture simple, comme rien dangereuse, & facile à cu-  
 rer : fort amplement de la fracture complice avec  
 quassure des parties prochaines, laquelle est moins  
 suspecte, & plus perilleuse : mais il ne dit rien de la fra-  
 cture avec declination des éclats en dedans. Albucra-  
 sis rend une autre raison pourquoy la uentouse n'est à  
 propos, qui est, que par sa uehement attraction elle  
 assemble les excrements & superfluités sus la partie  
 malade & foible. Cemeisme auteur ueut que sus ceste  
 fracture, comme aussi sus les autres, on applique des  
 astelles enueloupées de drapeau. Nos praticiens, si  
 la coste fracturée se tourne en dehors, apres la sai-  
 gnee, purgation, & bon regime, la remettent à l'egal  
 des autres avec la main, puis appliquent l'emplastre  
 de farine avec blanc d'œuf, & par dessus des estoupes,  
 & astelles de cuir, avec ligature de bonnes & lon-  
 gues bendes : & sus la declination l'adoucissent avec  
 l'oignement Dialthæa, & l'emplastre Oxycroceum,  
 pour faciliter son mouuement, & des muscles qui la  
 remuent, & s'il reste quelque excrement pituiteux,  
 qui ordinairement abonde aux os, chartilages, &  
 membranes, pour l'extenuer & resoudre, à fin que la  
 partie chargée d'iceluy, & intemperee, ne soit plus  
 sujette à recevoir fluxion, ou digerer moins son nour-  
 rissement : à fin aussi qu'une telle humeur n'engendre  
 quelque tumeur froide : ou s'echauffant & pourris-  
 sant ne corrompe l'os. Si la coste fracturée incline en-  
 dedans, & la fracture est petite, tellement qu'il n'en

puisse uenir inconuenient, ils y appliquent pour appaiser la douleur, de laine trempée en huile chaud, avec bendage: si elle est plus grande, l'emplastre de commun, baies de Laurier, pulegium, costus, avec miel, qui est epispastique, & carminatif, pour la tirer en dehors: ou dedans un'estuue, ou au deuant d'un feu, ils plaquent sur la côte la main engluée, ou grasse de terbenrhine, ou autre médicament ainsi uisqueux, & la tirant de force, releuent ensemble la côte, pour quoy faire plus aisément, faut que le patient aide au maistre, en toulant & retenant son aine. Si par ce moyen on ne la peut releuer, ils appliquent des uentouses, & en extreme neceffité font incision, & ouuerture, pour l'accrocher, & soulcuer. L'incision faicte pour mitiguer la douleur, les trois ou quatre premiers iours ils appliquent estoupes mouillées en huile rosat & blanc d'œuf: puis un emplastre de miel & farine de seues, avec bendage peu curieux, qui seulement tienne les remedes appliqués. En fin pour les intentions susdictes ils appliquent l'Oxycroceum, & Dialthæa, & remuent la ligature de cinq en cinq iours. Je ueux particulièrement traiter des côstes (dit Celsus) par ce qu'elles sont prochaines des entrailles, & est ceste partie exposée à grands dangers. Quelque fois la côte est tellemēt fendue, que la fissure ne se trouue point en l'os superficial, ains en son interieure \* partie qui est rare & spongieuse: & aucune fois tellement, quelle est toute rompue. Si elle n'est entierelement rompue, le malade ne crache point de sang: n'est point assailli d'une fièvre petite & lente: n'a point grande douleur: il n'y uient point, que bien rarement, de tumeur qui

\* qui est au milieu de l'os entre l'externe & interne superficielle.

suppure : & la douleur n'est pas grande : & neant-  
moins au toucher la partie se doult quelque petit. Il  
suffira de faire ce \* qu'auons escrit, & commencer la  
ligature par le milieu de la bende, à fin qu'elle n'incli-  
ne ou renuerse d'une part ny d'autre. Passé le uingt-  
unième iour, que l'os doit estre conglutiné, il faut fai-  
re ce qui s'ensuyt : Nourrir le malade plus largemēt,  
à fin que le corps estant fort rempli couure & reue-  
ste mieux l'os, encores tendre, qui en cest endroit-là,  
au dessous de la peau mince & tendre, est exposé à  
receuoir iniure. Pendant le temps de toute la cura-  
tion, il faut euitier le crier, uoïre le parler, le tumulte,  
la cholere, le grand mouuement du corps, la fumee, la  
poussiere, & tout ce qui prouoque à toussir, ou ester-  
nuer : & mesmes n'est bon de retenir son aleïne gran-  
dement. Si toute la cōste est rompue, le cas est plus  
grief : & suruient grande inflammation, fieure, cra-  
chement de sang, suppuration, & souuent danger de  
la uie. Parquoy si la \* uertu du malade le permet, du  
bras qui est au dessus de la cōste blessée, il faut oster du  
sang. Si la uertu est trop abbatue, & ne le souffre  
pas, il luy faut lâcher le uentre, avec quelque chose  
quine soit point acré, & combattre longuement le mal  
par abstinance, sans manger du pain iusques au septie-  
me iour, s'entretenant d'un bouillon seulement. Sur la  
partie, on applique un cerat fait d'huile de lin, y a-  
ioustant de la resine cuiſte; ou le malagme \* de Polyar-  
chus; ou un medicamēt composé de racine de panax,  
uin, & huile rosat : & par dessus de la laine grasse,  
molle; avec ligature \* de deux bēdes, peu serrees, com-  
mençant à bender par le milieu d'icelles : & faut plus  
curieusement euitier toutes les choses susdictes, &

\* en parlant  
des autres os  
blessés, quand  
au cerat, ben-  
dage, & repos  
du malade.

\* Hippocra-  
tes recite tou-  
tes ces choses  
de la coste fra-  
cturee avec  
contusion.

\* La recepte  
est, cyperi, car-  
damomi, pollî-  
nis, thurn, a-  
momi, cera, re-  
sine liquide :  
chacun en éga-  
le portion.

\* Hippocra-  
tes dit simple-  
ment ligature  
à deux cheſz :  
& s'expose  
quand au pre-  
mier tour on  
iette la bande  
par son milieu,  
de sorte que  
iusques à la  
fin de la liga-  
ture, les deux  
bouts demeu-  
rent libres.

même ne faut souuent prendre son aîné. Si le malade est importuné de la toux, pour y remedier, il faut

\* chamædrys. donner un breuuage de la decoction de \* germædree, ou de rue, ou de stœchas, ou de commin avec du poyure. Si la douleur est uehement, un cataplasme fait

\* lolij. de farine & d'uraye, ou d'orge, avec la tierce partie de figues grasses, y proufitera beaucoup : & doit-on tenir ce cataplasme ce iour sus le mal, & la nuict, ou le cerat, ou le malagme susdicts, ou des drapeaux, par ce que le cataplasme peut tomber : remuant tous les

\* ou de deux iours l'un. Hipocrates.

\* Estant la douleur passée.

\* Aucuns li- sent, si on ne se craint ou doute d'au- cune.

\* iours l'appareil, iusques à ce que puissons nous con- tenter du \* cerat, ou du malagme. Par l'espace de dix iours il faut extenuer le corps avec grande abstenen- ce, & apres l'unzième commencer à le nourrir, & refaire; & lors faut mener la ben- de plus lâche qu'au par- auant, continuant ceste curation quasi iusques au quarantième iour : pendant lequel temps s'il \* ne se fait aucune suppuration, le malagme sera plus utile pour resoudre que le cerat : mais si on ne peut em- pescher que la suppuration ne se face, & la matiere n'a peu estre resoluë par les remedes susdicts, il ne faut rien tarder & differer, à fin que l'os ne se cor- rompe : ains à l'endroit où se uoïrra la plus grande tumeur, faut appliquer un fer chaud, iusques à ce que onuienne au lieu de la matiere, laquelle il faut ieter dehors. S'il n'apparoist point de tumeur en aucun lieu, pour cognoistre l'endroit où sera la matiere, nous couurons toute la partie de la craye nommee \* Cimolia, & la laissons secher. A l'endroit où l'hu- midité demeure & perseuerer le plus, est prochaine la matiere purulente, & là faut donner le feu. Si l'ab- sces tient beaucoup en large, il faut percer du cautere

\* d'une des isles de l'Ar- chipelago nom- mee Cimolus & Echinussa. Quant à ces especes & fa- cultés voy Ga- len & Dio- scoride.

en deux

en deux ou trois lieux, & ieter dedans l'ouuerture une tente faiëte de charpie, ou de drapeau, attachée d'un fil en son extremité superieure, à fin qu'on la sorte aisément. Au reste il faut faire les autres choses qui sont usitees & coustumieres, quand on a cauterisé quel que partie. Quand l'ulcere sera mondifié, il faut nourrir & refaire le corps, à fin qu'il ne s'ensuyue un amaigrissement & consommation tabide, qui seroit perniciose. Quelque fois quand l'os n'est pas si griëusement bleßé, & du commencement on n'en a pas tenu grand conte, au dedans il s'assemble & accumule un humeur semblable à une muccosité, & à l'endroict d'iceluy la peau est molle. Ceste tumeur doit estre cauterisée en la maniere susdite.

De la fracture des hanches, & de l'os du penil.

## CHAP. XCVII.

**L**Es os des hanches & des flaquets sont rarement fracturés. La fracture en iceux a autant de différences qu'aux pallerons. Car leurs extremités sont brisées, ou rompues en long, ou leur milieu est enfoncé. Les accidens de ces fractures sont, sentiment en icelles de douleur punitiue & pulsatiue; & stupeur en la iambe du costé mesme, quād le milieu est enfoncé. Ceste fracture veut estre redressée & rabillée comme celle du palleron, excepté que par incision de l'exterieure partie il ne faut point essayer de tirer les pieces brisées, ains, si besoing est, les ranger & rassembler avec les doigts, & consequemment proceder au reste de la curation, comme il appartient, vsant d'embrochations, & remplissant les cauités des flancs avec des drapeaux

peaux mis en double, à fin de faire vne ligature egale avec reuolutions circulaires, comme auos dit aux fractures precedentes. Le mesme disons nous & commandons de la fracture des os du penil, de laquelle on ne peut discourir aucune autre chose propre, & particuliere.

## A N N O T A T I O N S.

L'observation & contemplation de l'Anatomie nous monstre, le grand os, qui est conioinct aux apophyses du croupion, estre diuisé en trois, par l'espece d'assemblage, que les Grecz nomment Symphisis, & nous Vnion. Le premier & le plus haut, est celuy qui confronte & aboutit aux flancs. A ceste cause nous l'appellons le Flanquet, & les Latins os Ilium: les Grecz τὸ τὸ λαγώριον ὀστέον. Le second & plus bas, est celuy dans la boîte, duquel est implantée la teste de l'os de la cuisse. Les Grecz le nomment ἰσχίον: les Latins Coxëdicem: & nous la Hanche. Le troisieme est la portion qui se rend au bas du uentre, & au dessus des parties honteuses. Les Grecz le nomment τὸ τὸ ἰσχίον ὀστέον: les Latins, os pubis: & nous, l'os du penil. Aux petis enfans la separation de ces trois se voit manifestement diuisée par une ligne enduite d'une chartilage: aux hommes de plus grand aage ces trois ne semblent estre qu'un, fait d'une piece. Nous ne discourrons plus longuement de sa composition. Albucrasius outre le texte de nostre auteur, note, qu'en rabillant ceste fracture, le malade doit estre couché sus le uentre: qu'apres l'auoir rabillée, il faut appliquer un emplastre, & des astelles de bois ou de cuir: & faire la ligature si serrée, que le bendage ne se gaste

gaste point, & l'astelle ne s'oste pas; que le malade se couche sus le dos, ou sus le costé sain: que si il suruient inflammation, on cesse de rabiller, redresser & estendre les pieces, iusques à ce qu'elle soit passée, usant des remèdes qui la curent & mitigent; icelle finie, qu'on retourne à la dresser & bender, comme il appartient; & finalement, s'il y a des éclats & fragmens, qu'on les tire dehors, qui est formellement cōtre le precepte de nostre auteur. La raison pourquoy nostre auteur defend de tirer par incision les pieces brisées en l'extremité de cest os, est, que d'icelle, tant interieurement qu'exterieurement, naissent plusieurs muscles destinés pour le mouuement de la cuisse, & de la grēue, comme il apparroist par l'anatomie, desquels faisant incision, nous blefferions & outragerions les chefx.

De la fracture des rouelles, & creste de l'espine, & du cropion. CHAP. XCVIII.

**L**A rondeur & circonference des rouelles quelque fois est quassee, & rarement fracturée. Quand par cest'occasion les membranes de la mouelle sont foulees, ou la mouelle mesme, auient par consentement & sympathie des affections \* aux nerfs, & s'ensuyt la mort soudaine du patient, principalement si ce cas auient aux rouelles du col. Apres auoir predict le danger, il faut s'enhardir, & s'il est possible, faire incision pour oster l'eclat qui comprime la mouelle, ou ses membranes; & s'il n'est possible, mitiguer la douleur par remèdes propres à l'inflammation. Si des crestes des rouelles, desquelles crestes ce que disons \* l'espine, est

\* comme douleur, spasme, paralysie.

\* douleur & non l'axe.

est bastie, & compoſee, aucune eſt brisee, on le cognoist aisément en tastant du doigt, par ce qu'on ſent la piece qui ſe remue, & change de place. Par dehors il faut inciser la peau, & l'oſter : puis coudre les bords de l'incision, & appliquer medicaments conuenables aux playes fraiches & ſanglantes. Quand le cropion eſt fracturé, il faut mettre l'indice de la main gauche dans le fondement, pour repouſſer d'un coſté ce qui eſt fracturé, & de l'autre main le redreſſer & rabiller comme on peut. Si on ſent quelque piece brisee, pour la tirer on incise la peau : faiſant apres bendage conuenable, & uſant des remedes appropriés.

## A N N O T A T I O N S.

L'ordre ueut, premier que d'entreprendre la curation d'une maladie, qu'on ſache ſi ell'eſt curable, ou non. Albucraſis pour ſauoir ſi ceſte fracture ſe peut guerir, ou non, ueut ſi la fracture eſt en la partie ſuperieure qu'on conſidere les bras, & ſi ell'eſt en l'inférieure, qu'on regarde les mains. Car ſi les mains ſont ſtupidés, paralytiques, amorties, de ſorte qu'on ne les peut remuer, eſtendre, ny ſerrer, ou que les piquant des doigts, ou piquant d'un'eguille, elles ne ſentent rien, la fracture eſt incurable. Semblablement, quand les accidens ſuſdicts ſe trouuent aux piedz, quand le patient eſtant ſus le dos & ſus le uentre laiſſe ſortir la matiere ſecale & les uentofitez ſans le ſentir, quand eſtant couché à la renuerſe il ueut piſſer & ne peut, ceſte fracture eſt irremediable, & ne faut s'ingerer de la penſer. Auant toutes choſes il faut empêcher



empêcher l'inflammation, & appaiser la douleur, avec oignement fait d'huile rosat, & iaune d'œuf cuit en la braise : le remuant plusieurs fois le iour. Estant diuertie ou curee l'inflammation, on applique un emplastre desiccatif & confortatif, avec bandage, commandant au malade qu'il demeure coy, & en repos, iusques à son entiere santé, & qu'il ne dorme point sus le lieu qui luy est douloureux. Hippocrates au liure des Articles, parlant des mediciens qui cuident auoir guery une delouure des rouelles en dedans, & s'en uantët, voire font entendre aux ignorans, qu'aisément elle se guerit, & de soy mesme, sans le secours du medecin, acquerans par leur arrogance, & audacieuse ignorance, à l'endroiët du peuple reputation & gaing (comme auiourdhuy s'en trouuent plusieurs) dit, ces mediciens-là s'abuser, en ce qu'ils cuident la fracture de la creste des rouelles estre une delœure d'icelles en dedans. Or quand les crestes des rouelles sont rompues, on le cognoist, en ce que le lieu de la fracture est caue, & enfoncé, qui fait croire que la rouelle se soit reculee en dedans, si le malade ueut plier l'echine, il sent douleur, par ce que la peau qui est sus la fracture, s'estend, & presse les pieces qui piquent la chair : s'il se dresse & renuerse, se trouue mieux, par ce que ladiëte peau se lâche, & les picces piquent moins : si on le touche à l'endroiët du mal, il se recule, & craignant d'estre manié, retire en deuant l'echine : le lieu de la fracture est uuide & mol. Ces fractures se guerissent tost, & d'elles mesmes, par ce que tous os rares, mols, & spongieux, comme sont les crestes des rouelles, en peu de temps se consolident. En l'essime du dos (dit Celsus) y a quelque particularité

\* la creſte. l'arité digne d'eſtre notee. Si ce qui eſt \* eminent & releué ſus les rouelles, eſt en quelque façon rompu, le lieu ſe fait caue: on y ſent des piqueures, parce que neceſſairement les éclats & fragments ſont pointus & eſpincieux, & pour ceſte raiſon ſouuent le malade ſe iette en deuant. Voyla les ſignes. Quant aux remedes, il faut uſer de ceux qu'auons dit, en parlant de la fracture des coſtes.

De la fracture de l'auanbras.

CHAP. XCIX.

\* d'une cou-  
dee, & rond  
comme le man-  
che d'une  
houë.

Eſtant l'auanbras rompu, Hippocrates fait l'extension en ceſte maniere: Il faut attacher (dit il) vn baſton \* long, ſemblable à vn poſteau ou pilastre avec des chordes par ſes extremités, & le ſouleuer de trauers en quelque poutre: puis faire ſeoir le patient en vne chaire haute, ayant le corps plus dreſſé que n'eſt la figure & ſituation nommee des Grecs *ἐπὶ πρὸς ὀρθῶς*, qui eſt quand on s'aſſiet droit: puis paſſer le bras fracturé par deſſus le baſton, de ſorte que le milieu du baſton ſe rencontre & rapporte iuſtement ſous l'aixelle. Il faut d'auantage que le coude ſoit plié en angle droit, & qu'un ſeruiteur ordonné pour cela, ſe baiſſe & luy tienne la main: puis qu'on luy attache pres du coude vn contrepois peſant, d'une pierre, ou de plomb, ou quelque autre choſe ſemblable, & qu'on le laiſſe pendre en vain. Ces choſes ainſi appreſtees pour faire l'extension, on rabille & redreſſe la fracture. Aucuns au lieu du pilastre ſuspendu ſe ſeruent de l'echelon ou degré de  
vne

vne echelle. Aucuns au lieu du contrepois font qu'un seruiteur tire le bras contrebas. Soranus y procede ainsi : Il fait asséoir le malade, ou bié (qui est le meilleur, à fin qu'il endure moins de peine) le fait coucher à la renuerse : puis luy met vn las à la main, à l'endroiect du poignet, & apres l'attache au col, de façon que la figure angulaire du coude soit obseruee. Ce faict, il commande à vn seruiteur que par dessous la fracture, & à vn autre que par dessus, ils iettent les mains à l'entour du membre, & que ainsi ils fassent l'extension. S'il est besoing d'un plus grand effort, & de tirer plus gaillardement, on met à l'entour de l'auanbras deux benides de pareille largeur & longueur, l'une attachee par dessous la fracture, & l'autre par dessus ; & d'icelles on baille les bouts à deux seruiteurs ausquels on commande de faire la contr'extension. L'un des seruiteurs qui tirent, est au dessus de la teste du malade, & l'autre à ses pieds. Si la fracture est pres de la sommité de l'espaule, ayant iecté le milieu d'une benide sous l'aisselle, nous commandons au seruiteur qui est pres de la teste du patient, qu'il la tienne, & à l'autre qui est aux pieds, qu'il tire à l'opposite la partie inferieure du bras, & ainsi nous faisons la cōtr'extension, comme a esté dict. De mesme façon si la \* fracture

\* de l'auan-  
bras.

est pres du coude, nous ietons le las duquel se fait l'extension, ou sus iceluy, ou sus le poignet. Ayant rabillé les os comme il appartient, il faut lâcher l'extension, & bender le membre, ainsi que Hippocrates ordonne. Si la fracture est

recente, & sans inflammation, les bandes doivent estre de toile de lin, fort longues, & larges de trois ou quatre doigts, mouillees en eau, ou en eau & vinaigre. S'il y a inflammation, au lieu \* des dictes bandes on applique \* de laine fine & molle, trempee en huile. Si la fracture est au milieu de l'avant bras, il faut mettre le commencement du bandage sus icelle, & apres avoir fait deux ou trois tours, le remener contre-mont, à fin, comme dit Hippocrates, que l'affluxion des humeurs soit empeschee: & là se doit terminer. Outre ceste premiere bande il en faut appliquer vne seconde, ietant semblablement le commencement d'icelle sus la fracture, & la mener pareillement comme la premiere, deux ou trois tours sus la fracture, puis la tirer de haut contrebas, & en apres de bas la faire retourner contre-mont, là où elle se termine. Il faut serrer ces bandes mediocrement, mesurant la mediocrité à nostre iugement & au sentiment du malade. Si la fracture est pres de la sommité de l'espaule, avec la premiere soubéde on embrace & comprend ladicte sommité, les passerons, & le brichet, faisant la ligature qu'ilz nomment la petite Grue, en Grec *γεραις*: & la seconde soubéde se meine iusques au coude, puis de là retourne aux parties superieures, enuirognant & embrassant les passerons, & le brichet avec la sommité de l'espaule, comme la premiere. Si la fracture est pres du coude, il faut bender aussi le petit bras, gardant la figure angulaire d'iceluy avec l'avant bras. Semblable-

\* Car l'inflammation ne souffre point estre pressée des bandes.

\* Albucasis lit de laine grasse mouillée en vinaigre & huile rosat: & passée l'inflammation, apres le septième iour on applique le bandage.

ment

ment aux autres extremités, comme du petit bras, de la cuisse, de la gréue, si la fracture est au bout desdictes extremités, ou pres de la ioincte, & non au milieu d'icelles, il faut bender la ioincte \* aussi bien que la fracture. Les modernes apres auoir du commencement bendé la fracture, soudain appliquent des astelles, pour conseruer le redressement & la figure du rabillage, & les serrent autant qu'ils iugent estre necessaire, & le malade dit qu'il suffit, considerans aussi la tumeur & grandeur de l'inflammation. Les anciens passé le septieme iour appliquoyent les astelles. Car dans ce terme l'inflammation decline, & le membre deuient plus grellé. \* Hippocrates commande que de trois iours en trois iours on debende la ligature, à fin que le malade ne soit trop importuné & inquieté d'icelle, & de la situation, où il demeure si longuement contrainct : à fin aussi qu'estant le membre couuert & enueloppé si long temps, sans estre debendé, il ne suruienne \* vne demangeson facheuse : & d'auantage, à fin que la transpiration & resolution de \* l'humeur ia arrestee & inculquee au lieu de la fracture, ne soit longuement empeschee. Car par la retention d'icelle non seulement aucuns sentent vne demangeson intolerable, mais aussi à aucuns se font des vlceres en la peau, à raison de l'humeur sanieuse & acre qui croupit là. Auenant cest accident il faut bacier & fomentér la partie d'eau tiede, autant qu'il est necessaire & suffisant pour resoudre l'humeur sanieuse. Passé le septieme iour, il

\* à fin qu'elle ne se remue rie. Car se remuant les os rabillés se separeroient, ou le bendage se lacherait.

\* Ce discours est pris de mot à mot du 6. chap. liure 6. de la Methode.

\* Albucasis lit, vne inflammation, & demangeson : ce que la bende trop serree n'empesche l'acces du nourrissement.

\* tant de celle qui astue à raison de la chaleur & douleur : que des excremens & superfluités du nourrissement de la partie, qui abondent pour raison de son imbecillité.

faut debéder par plus long interualle de temps, n'estant besoing à la partie que si souuent on euacue l'humeur sanieuse d'icelle : outre ce que la callosité par ce moyen s'engendre, & fait mieux. La maniere d'appliquer les astelles est: Par dessus les soubendes on jette des compresses faictes de linge en trois doubles, à l'entour du membre. Si le membre est de grosseur par tout egale, les compresses aussi doiuent estre par tout egales : mais si le membre n'est également gros, pour deuement mettre les astelles, on remplit ce qui est caue & bas de plus grande quantité de compresses, à fin qu'estant applani, & egalé, commodement il recoiue les astelles, lesquelles on \* range à l'entour de la fracture enueloupees mediocrement de laine, ou d'estoupes, non moins distantes l'une de l'autre, que par l'espace d'un doigt, les serrant autant qu'il est raisonnable : se prenant soigneusement garde qu'elles n'approchent la ioincture, & principalement en l'interieure partie vers laquelle se fait la flexion du membre. Car cela souuent cause vlcere, & inflammation des parties nerveuses. Par quoy il faut qu'en cest endroict elles soyent plus courtes, & plus fortes là où est releuee & \* eminente la fracture. Il est meilleur de lier & attacher le bras rompu doucement avec la poictrine, à fin que se remuant il ne peruertisse & gaste la figure de l'osrabillé. S'il y a inflammation, ce qu'on cognoist par la tumeur qui est à l'enuiron, par la rougeur, & par ce que le malade sent le membre plus serré qu'au parauant: si la

\* ordinairement on les applique cinq ou neuf.

\* pour mieux la comprimer & abbaïsser. Auicenne note que pour la plus part la fracture de l'auant bras est eminente en dehors.

si la figure de l'os fracturé est gastée & peruer-  
tie : ou bien sans les occasions susdictes, si les  
bendes sont plus serrees ou plus laches que de  
coustume, il faut defaire le bendage, & le racou-  
strer. Pendant ceste curation le malade doit es-  
tre couché sus le dos, ayant la main sus l'esto-  
mach, & au dessous du bras vn coussin mol, avec  
vn long canal de cuir, qui recoiue la cheute &  
influxion des embrochations. Chacun iour on  
fait embrochation avec d'huile chaud, & prin-  
cipalement s'il y a inflammation. Durant icelle,  
il le faut nourrir fort sobrement: & en apres, au-  
tant qu'il est de besoing pour la generation de  
la callosité, & le tenir en repos iusques à ce qu'il  
le soit faicte. Elle se fait au bras, & en la grèue,  
enuiron le quarantieme iour. Iceluy passé, on  
oste le bendage: on fait aller aux estuës le pa-  
tient: puis on applique sus le lieu de la fracture  
les emplastres appelez \* Catagmatiques. Ce-  
ste procedure & operation couient presqu'en  
toutes les autres fractures des extremités.

\* qui fortifient  
& corroborent  
les fractures



- A. Le bois de la longueur d'une coudee.
- B. La bande par laquelle il eſt pendu.
- C. Vn ſiege haut.
- D. Le bras miſ ſur le manche.
- E. Quelqu'autre choſe, ſurquoy le bras eſt appuyé.
- F. Vn cuiſſinet de cuir.
- G. Le coude faiſant un anglet droit.
- H. Vne courroye molle, ou une large bende.
- I. Quelque choſe peſante.



## ANNOTATIONS.

En toutes grandes fractures des extremités, où les pieces de l'os rompu sont hors de leur place, par ordre & succeſſiuement se font quatre choses: la premiere, contr'extension, en Grec *τδοις*, ou *αριτασις*: la seconde, conformation & reduction des pieces éloignées de leur assiete, en Grec *διιδνασις*, *απειθυσις*, *αταρτησις*: la troisieme, Ligature, en Grec *δέσις*: La quatrieme collocation du membre en figure moyenne, où il repose sans douleur, en Grec *απόθεσις*. Ces quatre operations ont pour but & scope une figuration conuenable, assauoir les trois premieres la figuration de l'os naturelle, telle qu'ell'estoit auant la fracture: & la derniere la figuration qui ne soit point douloureuse. Par la contr'extension, les pieces de l'os reculees en derriere sont menees en deuant: celles qui se foriettent en deuant, sont retirees en derriere: celles qui se destournent à gauche, sont remenees à dextre: & celles qui s'écartent à dextre, sont reduictes à gauche, à fin que toutes s'aioustēt & rencontrent de droiēt, comme naturellement elles sont assises, à quoy aide la main du maistre qui les redresse chacune en son lieu, qui est la seconde operation immediatement conioincte à la premiere. La contr'extension se fait par engins & machines: par la force des mains: par bendes: par contrepois, & autre telle industrie. Pour bien redresser & rabiller, il faut auoir parfaite cognoissance de la nature des os, & la pratique de ce faire, apprise d'un bon maistre, & longuement continuee. Estant le membre rendu & rabillé, on le bande pour trois intentions principales, l'une, pour le contenir en la figure où il a esté reduict,

*n/*  
*combien de*  
*soient*  
*de la fracture*

*le membre*  
*de la fracture*  
*tant*

*combien de*  
*manieres*  
*de la fracture*  
*tant*

*le membre*  
*de la fracture*  
*tant*

iusques à ce que les pieces soyent conglutinees par  
 la callosité qui les soude: l'autre, pour empêcher l'in-  
 flammation qui aisément y uient, tant pour la douleur  
 que pour la debilité de la partie: & la troisieme pour  
 retenir les compresses, astelles, & remedes appli-  
 qués. Quelquefois on bende aussi pour faire attra-  
 ction du sang & aliment en la partie, mais c'est une  
 autre consideration & differente de celle qui se pre-  
 sente maintenant. L'inflammation est empêchée &  
 preuenue en reprimant, & rechassant le sang, & les  
 humeurs, qui autrement y afflueroient: & en ex-  
 primant le sang contenu au membre uers les parties  
 prochaines, tant superieures qu'inférieures. Si sou-  
 dainement uient inflammation en la fracture, on disse-  
 re de l'estendre, rabiller, & bender, iusques apres le  
 septieme iour que l'inflammation est passée, mais au  
 lieu du bendage on applique de la laine grasse, avec  
 Oxyrrhodinum: s'il n'y a point d'inflammation, in-  
 continent on la bende, avec deux soubendes, qu'Hippocra-  
 tes nomme *ἑσπιδας*: avec des compresses, qu'il  
 appelle *σπιννας*: & avec des surbendes, qu'il nomme  
*ἑσπιδας*: toutesfois la propriété de ces uocables,  
 n'est point obseruée de nostre auteur. Les soubendes  
 comme aussi les compresses, & surbendes, se font de  
 bonne toile & forte, mais nō pas rude. La largeur des  
 soubendes doit estre de quatre ou cinq doigts. La lon-  
 gueur gist en nostre coniecture, qui la mesure selon  
 que la fracture est grande, ou petite; regardant tous-  
 iours que les bendes doiuent couurir toute la partie  
 malade, & grande portion de la saine: ià soit que  
 Hippocrates au liure de la Boutique du medecin dise  
 la longueur des bendes deuoir estre de trois ou qua-

tré coudees du malade. Des deux soubendes, la premiere & la plus cōurte, apres auoir fait premieremēt deux ou trois tours sus la fracture, est menee contremont où elle se termine. Ces reuolutions doyuent estre fort ioinctes & pressées l'une contre l'autre. Elle exprime, & reprime. La seconde & la plus longue, du commencement fait un tour seulement sus la fracture, puis ua contrebas avec reuolutions plus ecartees l'une de l'autre que la premiere, & de bas retourne contremont où elle se finit. Son effect est de semblablement exprimer & reprimer. Ces reuolutions, principalement en descendant contre bas, sont moins ioinctes à fin qu'il se face moindre expression de sang aux extremités, qui ne peuuent sans inflammation en receuoir beaucoup. Aucuns diuisent ceste seconde soubende en deux, l'une qui ua contrebas, & l'autre qui remonte : de sorte qu'ils appliquent trois soubendes : la premiere qui de la fracture ua contremont, & la troisieme qui de l'extremité du membre monte en haut, pareilles de longueur, & la seconde qui de la fracture ua contrebas, plus cōurte que les deux. Ces soubendes doiuent estre ointes de cerat rosat, ou de quelque emplastre conuenable à empescher l'inflammation, destrempé avec huile rosat, & ce en quantité mediocre, de sorte que pour y en auoir peu mis, elles ne soyent dures & seches deuant le troisieme iour qu'on remue premierement le bendage : & aussi que pour en auoir trop mis, elles ne se lachent & glissent. Aucuns appliquent immediatement sus la fracture quelque emplastre avec un drapeau, & en apres les soubendes, lesquelles doyuent estre tant serrées qu'elles retiennent les pieces de l'os aioustees,

si fermement, qu'elles ne se remuent point, & non toutesfois si pressantes, qu'elles fassent douleur. Car toute douleur permanente, & principalement si elle est causée de quassure ou compression, excite inflammation. Ceste mediocrité s'apprend & cognoist par long usage, & par le sentiment & par le parler du patient, & par l'habitude de son corps. Si le malade dit qu'il est trop serré, il faut lacher la bande: si il dit qu'il ne sent quasi point la ligature, il faut serrer. L'habitude de molle ne veut estre trop pressée: la dure souffre mieux la compression. Quand le bandage est ainsi sagement conduit, la nuit suivante & le iour mesme aussi, le malade se sent plus serré que quand on l'a mis du commencement: & en l'extremité du membre se fait une tumeur petite, & molle, par l'expression de l'humeur qui estoit en la partie fracturée. Les premiers tours de ces bandes qui expriment & reprennent, doivent estre plus serrés, & les derniers plus laches: mais si on fait le bandage pour attirer l'aliment en la partie, au contraire les dernières reuolutions doivent estre serrées, & les premières laches.

*Les compresses doivent tousiours estre de longueur & largeur pareilles à la première ligature. Car si elles estoient plus larges l'un des bouts cheuaucheroit sur l'autre, & redroit en ce lieu le membre plus gros. Si elles sont si estroictes que les bouts ne se touchent l'un l'autre, il demeure un espace uuide entremy, & ainsi la ligature fera inegale & se lachera. Si elles sont trop longues, en se redoublant elles feront une tumeur qui nuit à la ligature: si elles sont trop courtes, elles ne la peuuent comprendre toute, ce qui toutesfois est necessaire. Leur epaisseur & nombre se prend d'*

*y aller doucement  
Après la compression*

deux utilités, qu'on pretend en l'usage d'icelles : l'une qu'elles tiennent ferme la premiere ligature, & par consequent l'os rabillé : pour quoy faire leur epaisseur convenable est de trois ou quatre doubles du drap, & le nombre d'une, deux, ou trois, selon que le maistre uoit estre necessaire pour l'assurance de la fracture grande ou petite. L'autre utilité est, qu'estant le membre plus grelle & mince en son extremité, comme le petit bras au poignet, & la grêue aux cheuilles, elles remplissent ce qui est uuidé, pour le rendre egal à ce qui est plus gros, à fin que la seconde ligature tienne ferme : & sus ce respect, il faut que pour rendre le membre droict, elles soyent plus epaisses là où il est plus gros, & plus minces où il a moins de chair : & est ce qu'Hippocrates commande en la Boutique du medecin, que les appliquant pour egaler le membre, on ne les mette tout d'un coup & d'une piece, ains observant la diuersité susdicté. On les engresse pareillement de cerat pour la raison sus exposée, & en telle quantité qu'auons limitée. Les subendes lient tout le membre, & conseruent toute la ligature en l'estat & disposition qu'on l'a mise. Galien en appliquoit deux, l'une qui d'embas tiroit contremont, & l'autre qui alloit d'enhaut contrebas : mais (comme il dit) aucuns de son temps aïoustoyent une troisieme, & aucuns une quatrieme. Leur largeur est comme des soubendes : leur longueur selon la longueur du membre, & le nombre des tours qu'on uent faire : mais on les meine d'autre façon que les soubendes. Car le commencement des soubendes se met tousiours sus le lieu où l'os fracture est le plus eminent pour le repousser en sa naturelle situation : mais si l'une des subendes

commence au dedans, ou deuant, ou dessus du membre, l'autre au contraire doit commencer au dehors, ou derriere, ou dessous d'iceluy, à fin d'embracer & retenir mieux la ligature. Celles qui vont du dedans au dehors & au contraire, du deuant en derriere & au contraire doyuent estre de pareille longueur: mais celle qui du bas va contremont, doit estre plus longue que celle qui du haut va contrebas, à fin qu'elle face plusieurs tours, car il est meilleur rechasser les humeurs en la partie superieure qu'en l'inférieure. La dernière operation qu'auons nommée Collocation du membre bendé, doit auoir trois respects, que la situation soit molle, egale & haute. Molle, par ce que la dure comprimant la partie malade cause douleur, & inflammation. D'auantage le patient ne la pouuant cōporter, est cōtraint pour la changer & se soulager, remuer le membre, qui doit demeurer en repos, sans estre remué. Egale, par ce que la contraire fait douleur, & distorsion du membre, quand une partie d'iceluy est appuyee, & l'autre suspendue sans appuy. Haute, pour empêcher la fluxion, qui est emuë & irritée par la situation basse, & panchante. Sur ceste consideration les chirurgiens ont inuenté de tenir le bras fracturé en écharpe, que les Grecz nomment τριπλῶν, comme aussi telle maniere de suspension ἀνδρῶν: & la iambe rompue plus haute que le reste du corps, ainsi qu'il est cōmandé par Hippocrates. Les astelles ont mesme usage que les compressees, de contenir les pieces de l'os en la situation qu'on les a remises. Les pieces de l'os à cause de leur naturelle siccité ne se peuent reioindre immédiatement, ains ont besoyn d'une callosité qui se caille & époïsist à l'entour.

*La situation  
du membre  
doit estre  
molle, egale  
& haute*

*Les astelles  
ont mesme usage  
que les compressees*

de leurs bords, & qui les attache ensemble, cōme une soudure ou ciment. La matiere de ceste callosité est l'excrement bening de l'os fracturé. Or si le malade use de mauuais regime & mange trop, ou est replet & plethorique, souuent cest excrement semblable à un sang gros, coule à trauers de la peau, & tache les bendes. La portion donc de cest excrement épandue sus les bords de l'os rompu se caille & condense, & par espace de temps estant changée de l'os qui la touche, luy deuient semblable, & se nomme des Grecz *πῦρος*. Or si les bords de la fracture sont ébranlés & remués, cela empêche la condensation & agglutination de l'excrement susdict, & consequemment la generation de la callosité. Car comme on ioint les pieces de bois avec de la colle, ainsi nature cimente les os rompus avec ceste callosité, de sorte qu'ils ont grand besoing pendant qu'elle s'engendre & fortifie, d'estre & demeurer en repos; autrement si pendant que la callosité se prend & condense, on la remue & agite, elle se dissout & foud comme la colle qui assemble les pieces de bois, ou le lait qui se caille. La partie demeure en ce repos necessaire par le moyen non seulement des soubendes; mais aussi des cōpresses, astelles, & susbendes qui les tiennent en raison. Hippocrates en la Boutique du medicin veut que les astelles soyent lisses, égales, mouées en leurs extremités, moindres d'un costé & d'autre que la ligature, plus épaisses à l'endroit de la fracture, & qu'à l'endroit des os denués de chair, & éluees, comme les doigts & cheuilles, ou l'on n'y en mette point du tout, ou qu'elles soyent si courtes, qu'elles ne s'auancent iusques là. On les applique par dessus les susbendes, les serrant avec

avec des lisières de draps, & ce apres que le septieme iour sera passé, & l'inflammation cessée. Les anciens iusques au septieme iour, ont remuë le bandage de trois iours en trois iours, & passé le septieme, de sept iours en sept iours, usans tousiours de fomentation d'eau chaude ou seule, ou avec d'huile chaque fois qu'ils le remuoyent, pour diuerses intentions, & en diuerses manieres. La fomentation d'eau chaude appliquée par peu de temps resout l'humeur subtile & superficielle preparée à resolution, liquefie & subtilie la plus grosse & profonde, à fin qu'aisément apres elle soit resoluë: mais si on l'applique longuement, resout l'une & l'autre: si mediocrement, fait attractiō du sang & de l'aliment en la partie, & tousiours appaise la douleur, relaxe ce qui estoit tendu par la compression du bandage, échaufe modérément la partie refroidie par la repression & expression du sang & des esprits, principalement si on y a iousté d'huile. Nous iugeons la fomentation auoir esté appliquée peu de temps, quand il commence à y apparoirre un peu de rougeur & tumeur: mediocrement, quand la rougeur & tumeur y est apparente & manifeste: longuement: quand la rougeur qui apparoissoit est perdue, & la tumeur abaissée. Il faut aussi auoir consideration du corps, de son habitude, & disposition. Car s'il est plethorique, la mediocre fomentation remplira la partie d'humeur superflue: mais s'il est maigre & extenué, rendra la partie que l'on fomenté, charnue, mieux nourrie, succulente, & resaiete. La chair s'engendre quand les membres sus lesquels elle doit estre agglutinée, sont temperés en chaleur & froideur, & le sang qui afflue n'est vitieux en qualité,

*De temps à autre  
faulx humeur  
de lair*

*De guetter  
l'ignition faulx  
faire la fomentation  
trou aux feux  
et guetter  
aportant la chaleur*

*De temps à autre  
de l'effait de  
la fomentation*



lité, ou quantité. Or la fomentation moderee attire le sang, & si la partie est intemperée en froideur, l'échauffe, si en chaleur, accidentalement la refroidit, en resoluant les humeurs chaudes, & laissant en la partie une humidité gracieuse, comme les baings d'eau douce echauffent & presque resuscitent ceux qui sont ia roides & transis de froid, rafraichissent, desalterent, & reiouissent, ceux qui brulent de chaud. Quand nous disons eau chaude, entendons temperée, ou tiède, qui est moyenne entre la froide & la bouillante, mesurans ceste temperature & mediocrité partie au sentiment de nostre main, & partie au sens du malade, qui estant interrogué la dit estre trop chaude, ou trop froide, ou moderee. Estant ainsi distinguee la faculté de l'eau chaude, si au premier remuement du bendage qui se fait le troisieme iour, il n'y a grande douleur causée de compression, ny tumeur grande, inflammation, erysipelas, contusion, meurtrisseure ou ecchymome, il faut peu de temps fomentier, pour resoudre l'excrement sanieux contenu en la partie, qui cause demangeson, & souuent ulcere la peau, pour mitiguer son acrimonie: pour relaxer doucement ce qui par necessité est tendu, & pressé du bendage: & pour conseruer en mediocrité la temperature de la partie: S'il y a douleur, tumeur, contusion, ou meurtrisseure, il faut longuement fomentier pour resoudre ce qui est estrange en la partie, aioustant bonne quantité d'huile qui mollit la durté, relaxe la tension, appaise la douleur, & estant chaud, resout comme l'eau. Passé le septieme iour que la callosité commence à s'engendrer, si la matiere d'icelle ne uient suffisamment, on l'attire par fomentation mediocre: mais si par sa grande abondance

dance ell'empesche la condensation & generation de la callosité, ou l'on use de petite fomentation, qui resout ce qui est present, & superficiel, sans en attirer d'auantage, liquefiant ce qui est au profond, à fin que plus facilement il soit exprimé hors de la fracture par le bandage : ou l'on use de longue fomentation, qui resout plus qu'elle n'attire. Voyla l'usage de la fomentation en la curation des fractures. L'auteur du liure des bandages, soit Oribase (comme plusieurs euident) ou Galien (comme il est intitulé) décrit trois ligatures, surnommées la petite Grue, l'une de Perigenes ou Hippocrates, & deux faictes en fischelle. Le curieux lecteur entendra de ce liure la maniere de les faire. Ce que nostre auteur sus la fin du chapitre parle du canal de cuir, préparé pour receuoir la cheute des embrochations, est pris d'une ancienne pratique & maniere de faire, qui estoit telle : Sus la fracture ou simple & sans incision de la peau, & de la chair, ou avec incision & playe d'icelles, ou aux grandes & dangereuses playes sans fracture, pour empêcher la fluxion, & inflammation, on appliquoit des drapeaux baignés en uin noir de couleur, rude de saueur, gros de substance, qui refroidit, serre, exprime ce qui est en la partie, arreste & rechasse l'humour qui y flue, & n'a point d'odeur forte qui face mal à la teste : & pource que les drapeaux petit à petit deséchés & echaufés, principalement l'esté, causent douleur & inflammation, pour ne traualier le malade en les luy ostant & remetant souuent, incessamment le iour & la nuict on appliquoit sus les drapeaux des esponges molles, trempées au mesme uin, ageant au dessous du membre blezé un canal de cuir, sortant par

par les pieds du liēt où le malade est couché, qui conduisoit le uin degoutāt des esponges dans une bacinne, ou derechef l'on mouilloit les esponges, quand elles estoient seches. Mais pource que ce bacinement requiert extreme diligence, estant à craindre que les drapeaux sechez & durs ne portent nuisance aux malades, & plusieurs de ceux qui les seruent ne veulent prendre ceste peine, principalement de nuit, à fin que par leur negligence, il n'auienne quelque danger, on se contente du cerat, appliqué aux soubendes & compressees, comm' auons dict. Neantmoins quand le grand danger nous conseille ce remede, les gardes des malades font ce que le medicin ordonne, & ne s'epargnent de prendre la peine. D'auantage le medicin cognoissant le danger estre si grand, uisite plus souuent le malade, & s'il doute que les gardes ne fassent leur deuoir, uveille & passe la nuit près d'iceluy. Nos practiciens auant les soubendes estant encor le membre en contr'extension, appliquent sus la fracture un drapeau ou des estoupes douces trempées en blanc d'œuf & huile rosat au lieu du cerat des anciē: pour compresse usent ou d'un drapeau en double, ou d'un futre cousu par dessus: ou d'estoupes trempées cōme dessus & pressées: serrent les astelles avec des tuyaux de canne retenus par un baston trauersier: iettent sus le membre un arc de berceau pour empescher que rien ne foule la partie: font un pertuis au liēt sus lequel est couché le malade, au droiēt du fondement, à fin qu'il uoise à ses affaires sans se bouger: attachent une chorde au plancher, qui tombe droiētment au milieu de son liēt, à laquelle il se pend des bras pour se leuer, ou tourner: si la fracture est bien rabillée, n'y

touchent rien deuant 12. 15. ou 20. iours : si elle n'est bien redressée, la racoustrent dans le septieme ou dixieme iour que la callosité n'est ny grande, ny ferme, ou à peine commencée : apres le septieme pour auancer la generation & condensation de la callosité, appliquent l'emplastre fait de blanc d'œuf, colle farine, & roses : passé le uingtcinquieme iour, pour fortifier & endurcir la callosité, chaque troisieme iour lauent le membre avec decoction de roses, aluine, & mousse de chene : puis en fin l'adoucissent avec l'emplastre Oxycroceum, & l'oignement dialthæa : s'il uient demangeson, bacinent la fracture avec eau salee, ou l'oignent de populeum, ou d'oignement blanc : si la matiere n'afflue suffisamment pour la generation de la callosité, l'attirent avec fomentation d'eau chaude, friction, & emplastre de poix, en tenant lâche le bandage : & si la callosité est trop grosse, la diminuent attachant dessus une piece de plomb. Si la fracture est mal abillée, & on presse de la racoustrer, il faut auiser quell'est la callosité. Car le moyen d'y proceder, est la fracturer derechef, puis redresser ce qui n'est pas bien. Or ne faut il essayer de ce faire, quand la callosité est trop dure, & ferme, par ce que le tourment & la douleur que le patient endure, souuent cause spasme, & la mort d'iceluy, & luy est meilleur de uiure avec telle incommodité, que hazarder sa uie à tel peril : d'auantage, souuent quand on uent rompre l'os derechef à l'endroiect de la fracture precedente, il se rompt en autre lieu, qui est double & plus grand mal. Mais si la callosité pour ce fait est maniable, au cune fois aux corps humides, mols, & delicats, apres l'auoir ramollie par long temps avec gresses, huiles,

fome

fomentations, & cataplasmes conuenables, en pressât dessus, elle se deffait, & separe, sans nouuelle fracture. Si le corps est plus dur, & la callosité si ferme que par ce moyen on n'en puisse uenir à bout, l'ayant ramollie par l'espace de quinze iours avec les remedes susdicts, incontinent on refracture l'os. Aucuns attachent le membre avec deux bendes, l'une mise dessus la fracture, & l'autre dessous, qu'ils font tenir ferme à deux seruiteurs, chacun tirant fort de son costé, puis donnent contre leur genoil un grand coup du membre, à l'endroict de la fracture, & ainsi le rompent, comme un baston de fagot. Aucuns, comme M. Guy de Cauliac, usent de la poulie avec le contrepois : la maniere est : D'une poulie attachée au plancher, ou à un solineau on laisse pendre une chorde, qui ait les deux bouts attachés & noués ensemble, le patient iette l'en droict du membre où est la fracture dessus la chorde, à fin qu'il demeure suspendu en uain. On attache à l'extremité du membre un contrepois qui soit bien pesant : & le tout ainsi appresté, le maistre donne un coup à la fracture & la renouuelle. Si nous cuidôs les remedes susdicts n'estre suffisants pour ramollir la callosité, & la preparer à nouuelle fracture, Auicenne ueut qu'on face incision sus la fracture, puis qu'avec un ferrement on oste & racle la callosité qui est au bord des pieces de l'os : & ce faict qu'on renouuelle la fracture par l'un des moyens susdicts. Cy apres nostre auteur discourra particulièrement de ces choses en leurs propres chapitres, desquelles se presentant l'occasion, nous auons comme en passant, maintenant traité. Les accidents & curations pour la plus part (dit Celsus) sont semblables en l'os de la cuisse.

& de l'auanbras. Semblablement il y a quelque chose de commun à l'auanbras, petit bras, la cuisse, la greue, & les doigts: à sauoir qu'en ces parties la fracture est moins dangereuse au milieu de l'os: & d'autant pire qu'elle est plus pres de l'extremité superieure ou inferieure d'iceluy, par ce qu'elle cause plus \* grande douleur, & est \* plus mal aisément guerie. La moins facheuse fracture est la \* simple & trauersiere: celle qui ua de biais, & est avec éclats, ou fragments de l'os, est pire: & la pire de toutes est celle où il y a des éclats piquants. Quelquefois les pieces de l'os rompu demeurent en leur place: le plus souuent elles sont hors de leur lieu, & l'une cheuauche sus l'autre, ce qu'il faut considerer auant toutes choses, & se cognoist par signes propres, & certains. Si les pieces sont hors de leur lieu, en l'os y a cavitè, au toucher il est inegal, & les fragments piquent. Si les pieces se rencontrent & ioignent obliquement, & n'ont à droit front, comme souuent il auient, quand elles sont hors de leur place, le membre est plus court que son opposite, & ses muscles sont tumides & enflés. Donc si on trouue l'os \* enfoncé, soudain il faut estendre le membre. Car les muscles & nerfs tendus par l'os, & retirés uers leur chef, ou uers leur fin, ne permettent que les pieces de l'os retournent en leur place, si on ne les estend de force & uiolence: & si cela n'est fait dès les premiers iours, il suruient inflammation, durant laquelle il est dangereux de forcer les nerfs & tendons, par ce qu'il en auient ou conuulsion, ou gangrene, ou certaine suppuration & absces, encor que l'operation soit faite le plus gracieusement qu'il est possible. Par quoy si les os n'ont point esté rabillés

\* à cause des implantations ou explantations des muscles qui sont à cest endroit-là: & des nerfs, veines, & arteres qui en tel lieu ne sont point remparees de chair.

\* par ce que commodement on n'y peut faire ligature.

\* qui est sans éclats & sans playe de la chair, ou de la peau.

\* qui est signe que les pieces ne sont en leur lieu.

deuant

deuant l'inflammation suruenue, on les raccoustre apres qu'ell'est finie. Vn \* homme seul pourroit estendre un doigt rompu, ou quelque autre membre, s'il est encor tendre \* mol, l'empognant d'une part avec la main dextre, & de l'autre avec la senestre. Si le membre est plus robuste, il y faut employer deux hommes, qui le tirent à l'opposite l'un de l'autre. Si les tendons sont forts, comme aux hommes puissants, & principalement en leurs iambes & cuisses, d'une part & d'autre il faut attacher les bendes pres les chefs des os qui s'assemblent \* aux ioinctes, & avec plusieurs seruiteurs les tirer en diuerses & contraires parts. Quand par la force de l'extension le membre sera un peu plus alongé que naturellement il ne doit estre, lors il faut remettre les os en leur place avec les mains. Le signe qu'ils sont retournés en leur lieu, est, que la douleur cesse. Ce fait, & le membre reduict en pareille grandeur que le sain son opposé, on l'enueloppe de drapeau mis en deux ou trois doubles, trempé en uin & huile, & sera meilleur pour cest effect un drapeau de \* toile de lin. Pour la plus part il faut appliquer six \* bendes. La premiere & la plus courte est mencee trois tours sus la fracture, puis ua contremont, grimpant comme une uis de pressoir : & suffit de l'entortiller trois fois en ceste maniere. La seconde plus longue de la moitié, commence sus la fracture, si l'os est eleué, sus son eminence : s'il est tout egal, d'ou lon uoudra, & au contraire de l'autre ua contrebas, puis retournant à la fracture, ua contremont, & se termine en la superieure partie du membre, outre la \* premiere bende. Par dessus ces bendes on iette un drapeau \* large engreßé de cerat, qui les

\* vn seruiteur  
stille à cela.  
\* comme d'un  
enfant.

\* tant dessus  
que dessous.

\* qui est ferme  
& douce.

\* M. Tagaut  
en cecy n'est  
point de l'avis  
de Celsus : &  
cuide suffire  
deux soubendes,  
& autant de  
subendes, qui  
sont quatre en  
tout.

\* Les deux pre  
mieres bendes  
sont nommees  
d'Hippocrates  
Hypodesmi-  
des.

\* Hippocrates  
le nomme Sple  
nem, & nous  
vne Cöpresse.

\* Hippocrates  
les nomme Epi  
desmos.

\* à sauoir les  
deux premie-  
res.

retient : & si l'os est eminent en quelque part, on applique d'avantage sus l'eminence d'iceluy, un drapeau en trois doubles trempé en uin & huile. La \* troisieme bende, & la quatrieme aussi, embracent & environnēt tout l'appareil susdict, de sorte que la suyuante uoyse tousiours au contraire de la precedente : & la troisieme seule se termine en l'inférieure partie, & les autres \* en la supérieure. On use de tant de bendes, par ce qu'il est meilleur de faire plusieurs tours, que de serrer trop. Car ce qui est trop serré, s'altère, se corrompt, & est suiet à gangrene. Il ne faut bender la ioimēte que fort peu, toutesfoiſ si l'os est rompu pres d'icelle, necessairement il la faut bender. Il ne faut remuer ou defaire la ligature iusques au troisieme iour, depuis que le membre est bende. La ligature doit estre telle que le premier iour elle ne soit douloureuse ou facheuse, & toutesfoiſ le patient ne la sente lache : le second iour, qu'elle soit plus lache : & le troisieme qu'elle soit quasi toute lachee & defaictē. Lors il faut rebender le membre, & aiouster la cinquieme bende aux quatre precedentes : puis derechef le debender au cinquieme iour, & de surplus mettre la sixieme & derniere bende, de sorte que la troisieme & cinquieme se terminent en bas, & les autres en haut. Toutes les foiz qu'on debende le membre, il le faut fomentē avec d'eau chaude. Mais si la fracture est pres de la ioimēte, il faut longuement distiller & degouter du uin dessus, aioustant quelque petite portion d'huile, & faire les autres choses susdictes, iusques à ce que l'inflammation soit passē, ou que le membre soit plus allegē que de coustume, ce qu'auient au neuuieme iour, si le septieme n'a apportē ce meilleur



eurement & lors on peut manier les os sans aucune difficulté. Parquoy s'ils ne sont bien aioustés, derechef il les faut redresser, & assembler: & si quelques pieces sont eminentes, les remettre en leur place: puis bender le membre comme a esté dict: & par dessus renger les astelles, faictes des branches de serule, fendues, qui demeurent à l'entour de l'os, le retiennent & assurent en sa place. Du costé que la fracture incline, l'astelle doit estre plus large & plus forte. Toutes les astelles pres de la ioincte doiuent estre emoucees, à fin qu'elles ne la blessent: & ne doiuent estre d'auantage serrees qu'il est de besoing pour contenir les os: & pource qu'avec le temps elles se lachent, chacun troisieme iour doiuent estre un peu plus serrees avec les cheuclieres ou rubans qui les tiennent: & s'il n'y auient douleur ou demangeson, demeurer ainsi, iusques à ce que les deux tiers du temps dans lequel l'os est soude & conglutiné soyent accomplis. En apres il faut legerement fomentier d'eau chaude: par ce que premierement il faut resoudre la matiere inutile, puis attirer la bonne. Par quoy il faut engresser doucement la fracture d'un \* cerat liquide: frotter la superficie de la peau: & faire la ligature plus lache. En apres chacun troisieme iour il faut debender, & faire les choses n'aguères dictes, excepté la \* fomentation d'eau chaude: seulement faut il oster chacune bende l'une après l'autre, toutesfois que d'elles mesmes elles se lacheront & desfairont. Ces preceptes & obseruations sont communes aux fractures des membres susdicts. Outre icelles il y en a de particulieres. Car l'auanbras fracturé ne s'estend point comme les autres membres: ains le patient est assis

\* non pas du cerat rosat duquel on vsoit du commencement, ains de quelque attractif.  
\* par ce qu'il faut plustost endurcir que ramollir la callosité.

\* en figure  
angulaire.

en une chaire haute, & le medecin uis à uis de luy en  
une plus basse. Vne bende, ou echarpe attachee au  
col du bleſſé, enuironne & ſouſtient le petit \* bras.  
On en met un' autre plus haut, aſſauoir ſus la teſte de  
l'auanbras rompu, qui eſt nouee là. D'une troiſieme  
on attache l'inferieure extremité de l'auanbras : &  
pend ceſte-cy contrebas, ayant ſes bouts noués enſem-  
ble. Par derriere la teſte du malade, un ſeruiteur paſ-  
ſe l'une des mains ſous la ſeconde bende, & d'icelle  
empogne le petit bras dextre, ſ'il faut eſtendre l'auan-  
bras dextre : & le ſeſtre, ſ'il faut eſtendre l'auan-  
bras ſeſtre : de \* l'autre main il prend un baſton  
planté au ſiege où eſt le malade, entre les cuiſſes d'ice-  
luy : & l'operateur iette ſus la troiſieme bende la  
palme de la main dextre, ſ'il rabille l'auanbras gau-  
che, & la palme de la main gauche, ſ'il rabille l'auan-  
bras dextre, & enſemblement le ſeruiteur ſouleue la  
ſeconde bende, & l'operateur abbaiſſe la troiſieme.  
Par ce moyen eſt faiſte doucement & gratieusement  
la contr'extension de l'auanbras. Si la fracture eſt au  
milieu ou au bas de l'os, les \* bendes doyuent eſtre  
courtes : ſi ell'eſt en la ſuperieure partie d'iceluy, el-  
les doyuent eſtre plus longues, à fin que du bras rom-  
pu on les puiſſe \* mener par deſſous l'autre aixelle, à  
trauers de la poictrine, & des pallerons. A l'heure  
meſme qu'on bende l'auanbras, il faut incliner & ſituer  
le petit bras en figure conuenable & profitable, de  
ſorte que meſme auant bender il ſoit mis en figure  
commode, à fin qu'eſtant pendu en echarpe, il ne tour-  
ne l'auanbras en autre facon, qu'il n'eſtoit quand on  
le bendoit. Ayant mis le petit bras en echarpe, il faut  
lier doucement \* l'auanbras au coſté. Par ce moyen il  
ne ſe

\* Par ce moyē  
il tiēt des deux  
bras & mains  
le malade ſi  
ferme, qu'il ne  
ſe peut remuer  
quād on eſtēd  
& rabille le  
membre.

\* Deſquelles  
on fait ligatu-  
re de tout le  
membre, apres  
que la fractu-  
re eſt rabillee.  
\* comme il ſe  
fait en la liga-  
ture que no-  
ſtre auteur no-  
me la petite  
Grue.

\* par ſon infe-  
rieure extre-  
mité :

ne se remue point, & à ceste cause les os demeurent comme on les a rabillés. Quand on applique les astelles, les plus longues doyuent estre mises au dehors du membre : les plus courtes au dedans, où est la poulpe & souris du bras : & sous l'aixelle, les plus courtes de toutes. Quand l'auanbras est rompu pres de l'os du coude, il faut delier souuent les astelles, à fin que les nerfs ne \* s'enroidissent, & le petit bras deuiene inutile, estant priué de son mouuement. Toutes les fois qu'on les delie, il faut tenir la fracture avec la main, fomentier la iointe & pli du coude d'eau chaude, la froter curieusement avec un cerat \* mol, & du tout ne mettre point les astelles contre l'eminence du coude, ou les y mettre quelque peu plus courtes.

De la fracture de l'os du coude, & du rayon.

## CHAPITRE C.

\* par l'interposition de quelque Gâgion, qui est engendré de l'attouchement & frottement des astelles.

\* qui empesche la fluxion, & inflammation.

L'Os du coude & du rayon quelquefois sont rompus ensemble d'une mesme fracture: quelque fois l'un d'eux seulement. La fracture est ou au milieu d'iceux, ou en l'extremité prochaine du coude, ou du poignet. La pire fracture est, quand tous deux sont rompus ensemble: en après, quand l'os du coude seul est rompu : la plus facile à guerir est, quand le rayon seul est fracturé. Car il est moindre, que l'os \* du coude, & est porté & soustenu sus iceluy. Si l'un de ces os est seulement rompu, il faut principalement faire sus iceluy la contr'extension plus forte. Si tous deux sont rompus, il les faut également estendre, tenant la main en figure angulaire, de sorte que le pouce soit plus haut que les autres doigts, & le petit plus bas que tous. Car

\* En Hippocrates on lit: car combien qu'il soit plus gros & epais que l'os du coude, il est porté &c.

en ceste maniere l'os du coude est droictement situé au dessous du rayon. Si tous deux sont rompus, & il est besoing de plus grande contre-extension, non seulement on la fait avec les mains, mais aussi avec les bandes, & las, comme a esté dict en la fracture de l'avanbras. Le bandage & tout le reste de la curation, avec l'application des \* astelles, se font de mesme sorte comme en la fracture d'iceluy, continuant iusques à ce que l'os soit conglutiné & soudé par la callosité. Les os du petit bras pour la plus part sont consolidés en trente iours. Apres l'auoir abillé & bandé on le pose en \* mesme situation que l'avanbras fracturé, excepté que dessous on met des coussins & oreillers sus lesquels il repose.

\* *Albucrasis*  
noté que pour  
la plus part on  
n'y en met que  
six, quelque  
fracture que ce  
soit.

\* *moyenne &*  
*non douloureuse*  
*se.*

## ANNOTATIONS.

La curation de ceste fracture n'a rien différent en general ou particulier de la fracture de l'avanbras. Si le petit bras est rompu (dit Celsus) auant toutes choses nous considerons, si l'un des os seulement, ou tous deux ensemble sont \* brisez, non pas que pour cela nous usions de curation différente: mais si les deux os sont rompus, nous faisons premierement la contr'extension plus forte, par ce que les tendons sont moins retirés, demeurant entier l'un des os, qui les tient droicts: puis nous faisons plus curieusement ce qui est necessaire pour contenir les os rabillés, quand l'un des os ne peut aider à l'autre pour se soutenir. Car si l'un d'eux demeure entier, il sert plus que les bandes, ny les astelles. Quand on bande le petit bras, il faut que le ponce incline quelque peu sus la poitrine.

\* *fracturés.*

ne. Ceste figure luy est urayement naturelle. Estant faite la ligature, il est bõ de le pèdre en une echarpe, qui de sa plus large partie le reçoive par dessous, & par ses bouts, soit estroict soit attachée au col. En ceste manière le membre est commodement suspendu au col, il le faut tenir soulevé un peu plus \* haut que le coude opposite. Si l'extrémité du coude est rompue il n'est à propos de \* tacher à la conglutiner par bandage. Cela rend le petit bras immobile : mais n'y faisant autre chose que mitiguer la douleur, son mouvement demeure tel qu'au paravant.

De la fracture de la main, & de ses doigts.

## CHAP. CI.

**L**Es os du poignet, du rateau de la main, & des squadrons des doigts, estans de leur nature rares & cauerneux, le plus souvêt sont quälsez, & \* rarement fracturés. On fait asséoir le malade en vne chaire haute, luy commandant qu'il estende la main tournée contre bas, en figure prone, sus vne tablette egale. Ce fait, vn serviteur luy estend les os fracturés, & le maître les redresse & rabille avec deux doigts, assavoir l'indice & le ponce : \* puis s'il ne survient point d'inflammation, on fait la ligature estroicte, & serrée, par ce qu'en ces os, à cause de leur substance rare, la callosité se fait aisément trop grande. Si le doigt, ou l'un de ses squadrons est fracturé, & la fracture est simple, estant le mal au ponce, ayant fait ligature convenable, à fin qu'il ne se remue point, il faut bender & lier avec luy la montagne de la palme, qui est au dessous, nommée des Grecs *θέραι*. Si le mal est en

\* Car la situation haute sans douleur empêche la fluxion.

\* Car la ténacité bende, entre icelle & la cavité postérieure de l'avant bras s'engendre vne callosité qui empêche que la pointe du coude ne peut plus retourner en la cavité

qui la reçoit, & ainsi le membre demeure courbe, & immobile.

\* Galien au 2. liure des fractures attribue cela à leur durté, & petitesse.

\* J'ay corrigé ce passage, suivant le précepte général, non seulement de ne serrer point, mais aussi de ne bender, quand il y a inflammation : & le conseil qu'Albucasis nommément donne d'y obvier.

\* l'indice avec  
le mitoyen: &  
le petit avec  
l'annulaire.  
\* aucuns lisent:  
de repos, que si  
on les bende.

en quelqu'un des autres doigts, & l'indice ou le petit est blessé, il les faut lier avec leur \* voisin: si quelcun des mitoyens est blessé, il les faut lier chacun avec son voisin qui le costoye, ou bien il faut lier tous les quatre luyuamment ensemble: car en ceste façon ils demeurent mieux de \* repos, comme aussi si on les bende avec des astelles.

## A N N O T A T I O N S.

Albucrasis ueut, incontinent que l'os du doigt est rabillé, qu'on y applique un emplastre, avec un estoupade, & les astelles, s'il n'y a point d'inflammation: si l'un des os du rateau de la main est rompu, & la fracture se tourne en dedans, qu'on donne au malade une boule faicte de drapeau à tenir, & serrer fort, pour repousser l'os rompu en dehors: puis qu'on face la ligature avec une longue bende, & qu'on applique des astelles faictes de cuir doux, les serrant autant qu'est de besoing. Si la fracture de l'os se tourne en dehors, qu'on applique par dedans & par dehors un astelle sus l'os rompu, & tenant la main ouuerte, & droicte, que par dessus on la bende, estendant la ligature iusques sus les doigts. Hippocrates liure 7. des Epidemies raconte une histoire d'un patron ou pilote d'une nef, qui pour la fracture du doigt mitoyen, tomba en inflammation, grangrene, fieure, & conuulsion Opisthotonique, de laquelle il mourut. Celsus dit qu'en la fracture du doigt il suffit apres l'inflammation passée, de le lier à une astelle.

De la fracture de l'os de la cuisse.

CHAP. CII.

**L**E discours de l'os de la cuisse correspond à celui de l'auanbras. Particulierement l'os de la cuisse a cela de propre, qu'estant rompu il s'entorce vers la partie anterieure & exterieure, estant naturellement incliné & renuersé vers ces endroits-là. On le rabille avec les mains, ou avec des las & chordes egaleement rendues, metant l'une au dessus de la fracture, & l'autre au dessous. Auenant la fracture aux extremités, siell'est prochaine à la teste de la cuisse, on met en l'entrefession le milieu d'une bende large tout à l'entour enuelopee de laine, à fin qu'elle ne coupe ce qu'elle attouche, & menant les chefs d'icelle vers la teste du patient, on les baille à tenir à un seruiteur : puis au dessous de la fracture, on iette un las, duquel on donne les bouts à un autre seruiteur pour faire la contr'extension. Si la fracture est pres du genoil, au dessus d'icelle, nous metons un las, donnant les bouts à un autre seruiteur pour faire la contr'extension. Si la fracture est pres du genoil, au dessus d'icelle nous metons un las, donnant les bouts à un seruiteur qui tienne le membre souleué : nous faisons soustenir avec un autre las le genoil aussi enuolupé de drapeaux mis en double : & lors nous rabillons la partie fracturée, estant couché le malade, & la iambe estendue. S'il y a quelque piece d'os qui pique, comme souuent a esté dict, apres auoir incisé & ouuert la peau qui est dessus, on la tire. Le reste de la curation a esté deduit

deduict en traitant de l'aubanbras. L'os de la cuisse est consolidé dans cinquante iours. Ayant déclaré ce qui touche aux fractures de toute la iambe, nous dirons en quelle maniere il faut poser & situer la cuisse rompue.

## A N N O T A T I O N S.

\* M. Guy de Canliac mal à propos entend qu'Albucrasis fait la ligature estant le talon ioinct & plaqué contre la fesse.

Albucrasis apres avoir rabillé ceste fracture, fait la ligature \* en ceste façon : D'une bende fort longue il fait premierement deux ou trois tours sus la fracture, de sorte qu'il en reste encor beaucoup. Apres il estend la gréue, de maniere que le talon se rencontre au droit du bas de la fesse : & pour cognoistre cela, il pend un fil qui d'enhaut ua par dessus la cuisse, & la gréue, le long du genoil, & sert de niueau, pour remettre droit la gréue, si elle se destourne çà ou là : puis il achève d'entortiller ce qui reste de la bende, à l'entour de la cuisse & de la gréue : & ayant rempli de linge doux la partie plus gresse du membre, qui est pres du genoil, à fin que la ligature soit egale, il applique de chaque costé trois astelles sus la cuisse, & de chaque costé une sus la gréue, puis bende, serrant asses fort les trois ou quatre premiers tours sus la fracture, & serrant d'autant plus lachement, qu'il s'eloigne d'icelle. En apres auisant & suyuant le niueau du fil qui pend sus la cuisse, & sus la gréue, il mène le bendage iusques à la cheuille du pied, serrant pareillement les astelles mises sus la gréue, à fin que la ligature demeure ferme, n'y remuant & bougeant rien de long temps, s'il n'y auenoit inflammation, ou ulcere, ou demangeaison, ou enfleure, ou autre pareil accident. Tous nos praticiens en cecy regardent, que la cuisse soit tellement

située



située, qu'elle se repose sans douleur, & ennuy, & sans se remuer, haücer, ou destourner en aucune part, & qu'on la tienne à pareille longueur de la saïne. Pour ce faire, aucuns d'iceux l'appuyent d'un costé & d'autre, sans bédage, avec des drapeaux, & des estoupes, ce qui n'est pas seur : aucuns l'appuyent avec des fais de paille, de la longueur de la iambe, enueloupés de quelque linceul cousu à l'entour, & liés sus le membre avec deux ou trois bendes. Aucuns l'appuyent avec des astelles longues iusques aux pieds, & bédage conuenable, faict par dessus icelles. Aucuns la mettent dans une chasse, qui comprenne toute la cuisse iusques au pied, & par dessus la bendent. Tels estoient les canaux d'Hippocrates liure 2. des fractures, rods par dehors, caues par dedans, semblables à des tuiles enfoncées, de largeur & longueur proportionnées à la cuisse. Du temps de Galien ils se faisoient de teil, qui est un bois blanc, mol, & fort. Retournant à propos, aucuns de nos practiciens la situent droicte, sus un liét pertuisé au milieu, à fin que sans se leuer, le malade uoïse à ses affaires, & lient tant la iambe que la cuisse en trois ou quatre lieux au bord du liét : & le pied à la colonne, à fin que le malade ne le puisse tirer à soy : aucuns au lieu de cela lient au pied un contre-pois de plomb, passans la corde dessus une petite poulie, pour tenir le membre en sa longueur. Les anciens usoyent d'une chasse quarrée, qu'ils nommoient Glot tacome, en deux manieres : l'une, metant simplement le membre dedans, sans le guinder, & ietant entre le bois & iceluy, tant de laine, qu'il ne puisse se detourner ny à dextre, ny à senestre : l'autre, le guindant, & retenant guindé avec cordage tout d'un coup en deux

diner

diuerses parts, comme Galien le décrit en plusieurs lieux. Ceste dernière façon de Glottocome s'appelloit proprement Glottocome mécanique. Aucuns des anciens n'ont trouvé bonne la chaise, en quelque sorte qu'on l'applique: mais au lieu d'icelle mettoient sous la cuisse un oreiller accommodé à la hauteur du membre, de sorte qu'il embrasse tout, ietans par-dessous l'oreiller une large écharpe, qu'ils lioyent au-dessus du membre, & plantans au bout du lit un bois droit, contre lequel ils attachoyent le pied, étant toutesfois entre iceluy & le bois quelque rampard de laine, à fin qu'il ne se blesse. Cela garde la cuisse de s'avancer, & l'oreiller avec l'écharpe, de se hauser, outre ce que l'oreiller étant mol, obéit, & ne donne aucune fâcherie. Quant à la fracture de la grève (dit Celsus) il est aussi avantageux que l'un des os demeure entier, qu'au petit bras. Elle a de commun avec la cuisse, qu'estant bndée on la loge dans un canal, ayant par-dessous des pertuis, par lesquels descend l'humidité, si aucune y en tombe: & à l'endroit de la plante du pied un arrest qui la soustienne, & ne permette que le malade coule embas: ayant aussi des trous aux costez, par lesquels on passe des longes, ou cordes, qui retiennent tant la cuisse que la grève, ainsi qu'on l'aura située. Si la grève est rompue, le canal doit estre long depuis la plante iusques au iaret: si la cuisse, iusques à la hanche: & si la fracture est iouste la teste supérieure de l'os de la cuisse, il faut que la hanche mesme entre dedans. Il ne conuient ignorer, si la cuisse est rompue, qu'elle se fait plus courte, parce que iamais elle ne retourne en son précédent estat. A ceste cause le malade chemine sus le bout des doigts.

Mais la cuisse se trouue beaucoup plus debile, quand outre le malheur de la fracture le medicin la traite negligemment. Voyla le discours de Celsus, duquel le dernier iugement, que la cuisse rompue ne retourne iamais en son precedent estat, est estimé faux, & repugnant tant à la raison & experience, qu'à dire d'Hippocrates, duquel il est si grand imitateur. Car en toute fracture de cuisse la iambe ne demeure point courte: mais quand soudain, apres qu'elle est fracturée, le maistre l'estend & tire moins qu'il ne faut: ou ne l'estend pas droit, ains l'entorce: ou les parties de l'os separees & diuisees ne sont pas aioustees de droit, comme il faut, auant que la callosité s'engendre, & les conglutine. Quand une telle faute se commet, la iambe se raccourcit, & le malade cloche. Auienne dit, que bien peu souuent on guerit si heureusement la fracture de la cuisse, que le patient ne demeure boiteux.

De la fracture en la meule du genoil.

## CHAP. CIII.

**L**A meule du genoil est vn os rare, & laxé, retenu d'une grande force par\* plusieurs parties situees dessus & dessous. Souuent cest os est quasié & contus, & peu souuent rompu. Quelque fois il est fendu de toute son epaisseur, & quelque fois brisé en petites pieces: & auient cela ou sans playe, ou aueques playe. Les signes sont manifestes. En maniant on rencontre la solution de continuité, & vne cauité: les pieces se touchant l'une à l'autre, font bruit. On la rabille en estendant la iambe, quand ell'est fendue en deux, de trauers. Par ce moyen on re-

*\*ses propres ligaments, & les tendons des muscles de la gréue.*

joint les deux moitiés separees, iusques à ce que les bords de la fracture se touchent l'un l'autre, & soyent aioustés ensemble. Si ell'est brisée en petites piéces, on les redresse & remet en leur figure, & situation. Quand bien la callosité ne pourroit s'engendrer, pour reioindre & conglier les deux moitiés de cest os fendu, par ce que les tendons & muscles assis sus la cuisse & sus la gréue retirent vers eux, & en diuerses parts, l'une & l'autre moitié : si est-ce que par l'extension de la gréue, le plus de leur séparation & distance est rassemblé & rapproché. Toutesfois ce que la callosité ne les peut reioindre, cause au malade empeschement & difficulté de remuer le membre. Car le genoil ne peut souffrir qu'il chemine longuement. En marchant, & se pourmenant, il trauaille principalement en montant. En vn lieu plain ceste peine ne se manifeste point : mais en la montée elle se decouure, par ce que pour leuer & hauser la iambe, il ne peut plier le genoil. Si quelque éclat d'os pique, on incise la peau pour l'oster, & apres on poursuit le reste de la curation, comme il est requis, & conuenable.

## A N N O T A T I O N S.

*Albucrasius veut, apres auoir redressé & rabillé ceste fracture, qu'on y applique un emplastre de colle farine, ou de farine de sésimano, destrempee en blanc d'œuf : & par dessus une astelle ronde, laquelle nos praticiens font de cuir, avec ligature conuenable.*

De la fracture en la gréue.

CHAP. CIIII.

**L**E discours de la fracture en la gréue, est semblable à celuy de la fracture au petit bras. Car ell'est composée de deux os, comme iceluy, l'un plus espois, nommé l'os de la gréue, & en Grec *κνήμη*, de même nom que tout le membre : l'autre plus mince & subtil, que nous nommons l'Eguille de la gréue, & les Grecs *ἄσπερον*, pour la similitude qu'il a avec vn poinçon, ou l'alene d'un cordonnier. La gréue est rompue en autant de sortes que le petit bras : & se tourne la fracture en tous endroicts, quand les deux os sont rompus ensemble : mais si l'un est seulement rompu, elle se tourne en trois endroicts, asçauoir en deuant, & derriere : & l'os de la gréue, en dedans : l'eguille en dehors. On rabille ceste fracture semblablement que celle du petit bras, avec les mains, & avec des las, ben des, ou cordages, les appliquant quelque fois sus la gréue, quelque fois sus la cuisse. Car la iointe du genoil est si forte, que par cest'extension elle ne reçoit aucun dommage. On applique aussi semblablement, qu'il a esté dict du petit bras, vn las au dessous de la fracture. Le reste de la curation se fait comme en l'auanbras.

## A N N O T A T I O N S .

*L'os de la gréue seulement rompu se trouue au dedans de la iambe, par ce que l'eguille entiere ne le laisse ieter en dehors : & l'eguille seulement rompue se trouue en dehors, par ce que l'os de la gréue entier ne*

*\* c'est vno ecor-  
ce ferme &  
epaisse, large  
par embas,  
estroict par  
enhaut, à la  
similitude d'un  
ne epee, qui en  
ueloppe comme  
vn estuy, ou  
fourreau, le  
monceau des  
fleurs du Dat-  
tier, commen-  
çant à naistre,  
& pousser.*

la laisse ieter en dedans : mais l'un & l'autre estants rompus, se peuuent aussi bien tourner en deuant qu'en derriere. Albucasis ueut, apres auoir appliqué les astelles, & les auoir bendees, que pour tenir ferme le membre, on applique d'un costé & d'autre un demicanal faict de bois de sapin, du quel on bastit les planchers, & du quel on fait des ais pour mettre sous les tables, à fin qu'on ne les souille avec les pieds fangeux : ou bien faict de la \* spathule d'une Palme, pour le moins qu'il ne soit trop mince, & foible, & qu'il soit de pareille longueur que la gréue, depuis le genoil iusques aux cheuilles : au dessus de ces demicanaux, il ueut qu'on jette un drap ou linge qui face deux tours à l'enuiron du membre : puis qu'on les bède en trois lieux, asçauoir aux deux bouts, & au milieu ; & si la fracture est avec ulcere, qu'on y applique une chasse. Hippocrates prognostique, comme il est notoire à un chacun, la fracture de l'os de la gréue estre plus facheuse, dangereuse, tardiue, & difficile à guerir que de l'eguille, par ce qu'il est plus gros, & soustient quasi tout le corps.

De la fracture en l'extremité du pied,

CHAP. CV.

**L'**Osselet ou astragalus du tout ne peut estre rompu, par ce que de tous costés il est remparé & enuironné d'autres parties, asçauoir de l'os de la gréue, de l'eguille, du dé, ou cyboeide, de l'esquif, ou scaphoeide. L'esquif, les os de l'auant pied ou tarse, les os des doigts du pied, le dé même, sont fracturés comme les os du poignet, du rateau & des doigts de la main. Par quoy

quoy la curation de la fracture en ceux-cy, se prendra de ce que nous auons dict en parlant des autres, à fin que vainement & sans proffit nous ne repetions point vne chose deux fois.

Pour l'extension du pied rompu,




- A. Le moyeu de la rouë.
- B. Vne corroye large.
- C. Le pilon.
- D. Ceux qui estendent par l'espaule.
- E. Ceux qui estendent par le iarrer.




- A. Vn boys rond & legier.  
 B. L'extension par les piés.  
 C. Celuy qui repousse la fesse par le costé.



*Extension avec vn bois sous  
l'aixelle.*




- A. Le boys sous les aixelles.  
B. Vn seruiteur prenant le genouil.

*Extension avec soliveau.*


- A. La trame.
- B. Les boys courues.
- C. Les corroyes.


*Extension avec petits  
aixeuls.*

## Glossocome.



- A. L'aixeul auquel les las sont liés.
- B. Le las supérieur.
- C. Le las inférieur.
- D. La partie inférieure du glossocome.
- E. Les poulies.
- F. Les chefs & bouts du las supérieur par le dehors du glossocome.

*Autre glossocome.*



- A. L'aixeul.
- B. Vn las trauerfant.
- C. Vn las droit.
- D. Les poulies.
- E. La tablette.
- F. La fracture.

## ANNOTATIONS.

Albucrafis ueut, si les os de l'auā pied ou tarsus qui sont sept, asçauoir le talon, l'osselet, l'esquif, le dé, & trois qui n'ont point de nom propre, ou ceux du peigne du pied, que nous disons Pedion, qui sont en nombre cinq, sont rompus (iasoit que nous cognoissions par le texte de nostre auteur, l'osselet ne se pouuoir rompre) & les os rompus se haucent contremont, au dessus de leurs uoissins & contigus, que le malade plaque le pied contre terre en même façon que s'il marchoit; puis que l'operateur iette son pied sus l'os eminent, foulant & pressant la fracture eleuee, iusques à ce qu'il la redresse, & l'os retourne en sa place: ce fait, que par dessus le pied il mette un emplastre & estoupade, & par dessous une tablette qui ait ses deux bouts applanis, & arrondis, enueloupee de drapeau, laine, ou coton, & autre chose semblable, & commode, & en fin qu'il la bende avec ligature conuenable, laquelle se peut defaire apres le troisieme ou quatrieme iour. Car lors les os ou fracturés, ou deloués, sont remis & restitués en leur place. Si un os des doigts est rompu, il ueut qu'on le rabilie comme ceux des doigts de la main; puis que sous iceluy on mette une astelle quelque peu plus large que l'os, & d'auantage la tablette susdicte, avec ligature mediocrement serree. Si deux ou trois, ou encor plusieurs os des doigts sont rompus, il commande que sous chacun d'iceux on mette une astelle enueloupee de drapeau, & de pareil le grandeur à l'os sous lequel elle se doit rencontrer, & outre icelles la tablette susdicte, & que le malade s'appuye sus le bout du deuant de la tablette, à fin qu'elle tienne fermes les os: avec diligence & curiosité

sité d'obuier aux accidents qui peuuent suruenir, comme douleur, inflammation, & autres tels. Ce même auteur en la tractation des fractures asses impertinemment, comme ie cuide, parle de la cheute & precipitation de la matrice, qu'il appelle fracture, & de la contusion ou uiolente distorsion de la uerge de l'homme, que pareillement il nomme ainsi. Cest accident auendroit, si un homme d'armes estant à cheual receuoit un coup contre le penil, de l'arçon de la selle rompu : si en cest endroit on iette quelque pierre ou autre chose, de uiolence. Vn quidam pour s'estre trop efforcé apres une femme, s'affola, & luy demeura la uerge courbe, avec une nodosité engendree par dessus, entremy les deux corps ligamenteux : un autre pour semblable occasion, ayant ieté grande quantité de sang, demeura toute sa uie impuissant de la dresser : & luy estoit la uerge comme pliee au milieu. Or pour ce que la premiere affection se rencontre souuent, & la seconde quelque fois, pour instruire le ieune chirurgien, ie reciteray ce qu'il en escrit. En la precipitation de la matrice, il ueut qu'on face seoir la femme dans une chaire, puis qu'on la renuerse un peu sus le dos, & la tenant ainsi renuersee, & un coussin dessous les reins, qu'une sage femme luy remplisse la nature de coton, iusques à ce qu'il se face dedans comme une petite boulle : ce faict, qu'on luy souleue le dos petit à petit, & qu'on luy secouë les cuisses. Si elle ueut uriner, ou aller à ses affaires, & que cela l'empesche de se uider, \* que doucement on oste le coton, & puis qu'on le remette. Procedant ainsi, dans le septieme iour elle demeure ferme en sa place. Aucuns attachēt au col de la uescie d'une brebis, un canon faict ou de

\* Cecy touche à la chirurgie seulement. Les medecins entendent quels remedes y sont propres : comme il se peut voir deduiēt ample ment en Aëce.

plume,



plume, ou de plomb, ou de canne : mettent dans la nature de la femme la uescie entierement, puis soufflant de force, font telle extension, que cela repousse la matrice en son lieu, & apres ils remplissent de coton la nature, comm' auons dict cy-dessus. Ceste inuention est semblable à celle de qui parle Hippocrates au liure des Delouëures, c'est une bourse de cuir, enflée avec une siringue de cuyure, par laquelle on remetoit la cuisse delouée. Quant à la contusion ou uiolente distorsion de la uerge, il ueut qu'on la mette dans la grand'artere respiratoire dun'oye, & que par dessus on la ben-de. Au bout de trois iours avec l'aide de Dieu ell'est guerie. On met en question à quel usage il demande cest'artere de l'oye. Aucuns presument qu'ell'ait quelque occulte propriété en ce mal, ce qui n'a aucune apparence. Les autres cuident, & mieux, que cest'artere estant incisée par le long, & estendue est une naturelle astelle, comme les rondes qu'on fait de cuir : & qu'elle soustient la uerge droicte, pendât que la contusion se resout, ou l'entorceure se redresse. A mon auis on pourroit aussi se seruir pour cela de l'artere d'un bœuf, ou d'un ueau, & autre semblable animal, ou d'un canon de cuir, ou de feutre, lacé par dessus, comme nous uoyons estre pratiqué des escuyers qui coiffent & agencent la queue de leurs cheuaux. Les autres entendent, tout ainsi que la peau du mouton frais ecorché, est bonne aux quassseures, aussi quand la uerge est contuse, qu'on incise en long le col d'une oye, & qu'on iette dedans la uerge, pour mitiguer la douleur & resoudre l'humidité accumulée.

La maniere de poser la iambe rabillee &amp; bendee.

CHAP. CVI.

**E**stant la cuisse ou la gréue rompue, il ne faut moins estre curieux de la poser & situer, que de tout le reste de la curation. Car l'equallité & rabilleure des parties fracturées est principalement conseruee par le moyen de cela. Aucuns posent dans vn canal de bois, ou de \* brique le membre fracturé, ou la cuisse: les autres vsent de cela aux fractures. seulemēt qui sont avec vlcere, par ce, comme ils disent, qu'on ne les peut serrer avec des astelles. Les modernes & successeurs des anciens totalement ont blamé l'vsage du canal, pour plusieurs raisons, & principalement que sa durté foule & quasse le membre: sans toutesfois defendre ou blamer qu'on applique des astelles aux fractures qui sont avec playe, comme cy-apres nous dirons. Il faut que le malade soit couché à la renuersē: & qu'au dessous de la iambe, principalement à l'endroiēt de la fracture, on iette vn \* gros drap pareil de longueur à la iambe, qui soit reuolu & enueloupé d'une part & d'autre sus le membre, de maniere que sa cavitē mitoyenne corresponde & soit de figure semblable à celle d'un canal. Au bout du feutre doit estre attaché vn egoutoir de cuir doux, qui reçoive les embrochations. Sur ceste cavitē acoustree & agēcée à la figure d'un canal, on accommode & situe la iambe en long: puis de costé, çà & là on aiouste ou d'autre feutre, ou de laine, à fin que le membre demeure droiēt, & ne se detourne en nul des

\* Aucuns lisent, ou de cuir, Bugoiva, pour d'osier. Aucuns suivāt les paroles de Gal. liur. 2. des fract. lisēt, dans vn canal de bois, semblable à vne tuile de brique &c.

\* Le feutre seroit bon à cela.

des costés. D'auantage contre la plante du pied, on dresse & plante vne tablette de bois enueloupee de quelque drap ou linge vse, à fin qu'il soit mol: & pour plus grande assurance, on iette le milieu de deux ou trois bendes sous le feutre courbé en figure de canal, & avec iceluy on bende doucement le membre fracturé. Si le malade estant impatient, & ne pouuant demeurer en telle situation, essaye de retirer tout le pied, il le faut bender par dessus l'auanpied, & l'attacher gracieusement à vne tablette, à fin qu'en dormant, sans y prendre garde (comme aisément cela se fait) il ne retire le pied. Aucuns couppent la coudre & le fonds du liét par le milieu, à fin que sans bouger, le malade pisse & voïse à la selle par le pertuis, iusques à ce que la callosité soit ferme, & assurée.

## A N N O T A T I O N S.

*Nos commentaires sus le chap. 102. seruent d'ample declaration pour l'intelligence de ce passage: tellement qu'il n'est besoïn repeter ce discours.*

Des fractures ioinctes avecques playe.

## CHAP. CVII.

**S**I la fracture est avec playe, & il y a flux de sang, premieremēt nous l'arresturons. S'il y a inflammation, nous y employerons les remedes conuenable. Si la chair est fort quassée & meurtrie, pour doute que la partie ne tombe en gangrene, nous la scarifierons. Si la gangrene est desia venue, ou quelque autre putrefaction corrosiue & depascente, nous y donnerons or-

dre, & y pouruoyeron comme il appartient. Tu as la curation de toutes ces affections escripte au quatrieme liure. Si aucune d'icelles n'y est suruenue, & n'y a grande portion de l'os decouuerte, ayant premierement osté les eclats & fragments de l'os brisé, comme coustumierement ils se trouuent, qui piquent, ou qui branlent & sont séparés, nous ioignons les bords de la playe avec cousture, ou avec des happes, & la curons avec remedes propres aux playes fraiches & sanglantes. S'il y a quelque grand os eminent & forieté, qui par l'extension ne retourne point en sa place à cause de sa grandeur, il y faut proceder avec grande prudence & discretion. Hippocrates commande, si les os de l'auanbras & de la cuisse fracturés sortét dehors, que du tout on ne les rabille & redresse point, & predit le danger de l'inflammation & couulsion des muscles, & nerfs, ou ils tombent, comme il est raisonnable, à cause de l'extension. Neantmoins le temps a decouuert & enseigné qu'aucune fois l'operation y proffite, quand nous faisons l'extension de l'os eminent, n'y estant point encores venue inflammation, mais dès le premier iour auant qu'elle y soit commencée, ou enuiron le neuuieme, quand ell'est ia finie. Nous les racoustrons & remetons avec l'instrument nommé le Petit Leuier. C'est vn instrument de fer long enuiron de sept ou huit doigs, mediocrement epais, à fin qu'en poussant & leuant il ne se plie, agu & large par le bout, quelque peu courbe. On iette le bout agu sous l'eminence de l'os,

de l'os qui cheuauche sus l'autre, appuyant le ferrement sus l'os qui est au dessous. Par ce moyen en tirant on fait mediocre extension du membre, par laquelle les bouts de la fracture se rapportent & reioignent l'un au droit de l'autre. Si cela ne se peut faire, avec des tenailles incisives nous couperons ce qui est eminent, ou le fiers en la maniere declarée, quand nous auons traité des fistules : puis après auoir applany l'asperité des os, & redressé le membre, nous y appliquerons les oignemens cōuenables, avec plumaceaux & charpies. Aux membres que les Grecs nomment *ἰσώρυα* & *διώρυα*, pource qu'ils sont composés de deux os accouplés. \* & joincts ensemble, à fin que le membre ne demeure raccourcy & retiré, après auoir lié & coupé quelque partie de \* l'un des os, il faut faire bonne & grande extension. La ligature se fait en ceste sorte : Il faut faire les reuolutions circulaires de la bende sus les parties qui sont d'un costé & d'autre de la playe : & les reuolutions obliques suyuant la longueur de l'ulcere, de sorte que se croisant les vnes sus les autres en forme de sautoir, ou de la lettre, X, la playe ne demeure point entr'ouuerte. Si la playe est sordide & mal nette, on vse de mondificatifs, & abstersifs : si elle est nette, & pure, d'oignements incarnatifs avec charpies & plumaceaux, desquels on cognoist la matiere & ingredients par experience. Hippocrates \* veut qu'on vse du cerat avec la poix, sus de la charpie. Aucuns estiment que ce medicament est le Tetrapharmacum ba

\* comme la grène, & le petit bras.


\* Aucuns lisent : de tous les deux os : les autres : raccourcy & retiré, quand toutes les deux parts des os qui les composent, sont fracturées, il faut faire &c. qui est un precepte de grande importance, escrit de Hipp. liure 2. des fract.

\* en Hippocrates y a de cerat avec la poix, ou autre medicament conuenable aux playes fraiches.

silicum. Apres que la playe sera remplie de chair, il y faut appliquer les astelles. Aucuns les appliquent dès le commencement, mais non sus le lieu de l'ulcere, & les serrent ou lachent selon que l'occasion & necessité requiert. Les signes pour cognoistre qu'il se doit faire exfoliation & separation de quelque piece d'os, sont, qu'il sort plus d'humidité de la playe, & plus subtile que de coustume : que la chair qui est autour de l'ulcere s'eleue, & est molle, laxé, & enfle. Lors nous faisons la ligature plus lâche : puis ayant tiré d'un crochet ou autre instrument semblable la piece de l'os, de rechef nous la serrons. Pendant tout le tēps que l'ulcere dure par dessus la charpie pour la tenir, nous appliquons quelque emplâtre qui ait vertu d'empêcher l'inflammation & faisons vne simple ligature qui se debende tous les iours, sans remuer l'autre bandage, qui est tel, comme il a esté dict en la fracture de l'avanbras.

Extension

*Extension de l'os de la cuisse  
avec billons.*



- A. L'annelet au dessous le genouil.
- B. L'annelet au dessus la cheville.
- C. L'anse des deux costés.
- D. Les bastons de cornillier.

Ce discours est un'epitome & abrégé du troisieme liure des fractures, ainsi que Galien par la section de ses commentaires le diuise : duquel, & des commentaires de Galien, le studieux lecteur pourra entendre la raison des preceptes & principaux chefs contenus en ce sommaire. Hippocrates en ceste partie-là de son œuvre reprend les operateurs, qui n'estendoient ou bendoyent la fracture que l'ulcere ne fust gueris: puis ceux qui bendoyent les parties circonuoi fines de l'ulcere, & non l'ulcere, causants par ceste indiscretion, inflammation & gangrene en l'ulcere: en apres, ceux qui les quatre premiers iours n'auoyent respect que de l'ulcere, & au quatrieme estendoient & bendoyent la fracture, au temps que l'inflammation est plus grande: d'auantage ceux qui bendoyent les fractures ulcerees avec eminance d'os, comme les fractures simples, assauoir de soubendes estroictes & serrees, estant besoing les bender avec compresse, pour contenir seulement le membre: & en fin décrit la maniere d'estendre l'os de la cuisse avec des billons & aneaux de cuir, l'usage du leuier ou eleuatoire: la maniere de serrer l'os qui ne peut estre reduict par le leuier: les prognostiques de ces fractures: la maniere de les curer par regime: purgation de tout le corps, & topiques.

De l'excessiue grandeur de la callosité.

CHAP. CVIII.

**L'**Excessiue grandeur de la callosité aux fractures, cause tousiours déformité, & quelque fois empesche l'action, si elle est pres de la ioincte. Si la callosité est encor recente & fraiche



che, nous y appliquons des remèdes fort adstringents, les comprimant sus icelle avec estroite ligature. Auncunes fois nous la comprimons avec vn pois de plomb, & succede bien ce remède. Si ell'est dure, solide, & pierreuse, nous faisons incision par dessus, & la raclons, ostans ce qui est de trop avec vn ciseau : & si besoing est, faisons premieremēt avec vne terriere des trous à l'entour d'icelle, puis poussant le ciseau d'un trou en autre pour la couper.

Des fractures conglutinees estant l'os entorcé & mal rabillé. CHAP CIX.

**S**I la fracture est consolidee n'estant pas l'os remis & aiousté de droict, il s'ensuyt grand empechement d'action en la partie, & principalement aux pieds. En ce cas il ne faut approuuer la maniere que plusieurs tiennent de fracturer & rompre l'os derechef, par ce qu'elle precipite le malade en extreme danger. Mais si la callosité est encor recente & fraîche, il faut vser de bacinements & fomentations relaxatiues: & de cataplasmes faicts de figues grasses, fiente de pigeon, & autres remèdes només des Grecs *ωρολυτικά*, pource qu'ils resoluent, deffont, & detrempent la callosité. D'auantage en frottāt & ecachant des mains, on essaye de la rompre & dissoudre. Si ell'est dure & pierreuse, avec le rasoir à deux tranchants on incise la peau superficielle, puis avec des ciseaux on separe la continuité de l'os, & apres on redresse & racoustre la fracture, comme il a esté dict.

Des fractures qui ne peuvent estre conglutinees par la callosité. CHAP. CX.

\* qui empeche que la matiere de la callosité ne s'attache

& prend aux bords de l'os.

\* qui resoluent la matiere de la callosité.

\* cela empeche que la matiere de la callosité ne se condense.

\* qui serrent & foulent le

membre, de sorte que la matiere de la callosité n'y peut venir.

\* comme ceux que les Grecs nomment *Piccata*.

**A** Vcunes fractures outre le temps prefix & déterminé de nature demeurent sans estre consolidees par interuention d'une callosité, ou pource qu'on \* les debende trop souuent : ou pource qu'on vse de \* fomentations immoderees : ou pource qu'on remue le membre mal à propos, & \* auant qu'il en soit temps: ou pource qu'on le charge de trop de \* bendes: ou pource qu'en tout le corps y a faute d'aliment, & lors tout le membre est plus grelle & extenue, qu'il ne deuroit estre. Il faut oster les causes susdictes qui retardent la generation de la callosité, & singulierement obuier à l'indigence d'aliment, tant du corps, que de la partie, attirant le nourrissement en icelle par application de medicaments \* chauds, & remplissant le corps par abondance & suffisance d'aliments, par baings, & autres delices du corps & de l'esprit. Quand la callosité s'engendre, cela nous est demonsté par plusieurs signes, & principalement que les soubédés sont rouges, & sanglantes, encor qu'il n'y ait point de playe : & parauenture la raison est, que quand la matiere de la callosité s'assemble, elle exprime & fait sortir quelques gouttes de sang, qui estoient aux cauernosités de l'os

#### ANNOTATIONS.

Cy dessus au commentaire du chap. 99. nous auons traité, se presentant incidemment l'occasion, de ce que nostre auteur expose en ces trois chapitres. Pour diminuer

diminuer l'exceſſiue grandeur de la calloſité, Albucraſis ſpecifie le remède compoſé d'aloë, encens, myrrhe, ſarcocolle, acacia, incorporés avec du gros uin, rude: ou du uimaigre: ou le blanc d'œuf: & pour ramollir la calloſité, à fin qu'on la puiſſe diſſoudre, ſpecifie pour ſomentation, la decoction de la racine de guimaues, & melilot: l'emplâtre diachylon: le cataplaſme de la racine de guimaues, greſſe de poullaile, & huile de ſoſimano. La methode de proceder en cela eſt telle, qu'en la curation des ſcirrhes, amolliſſant du commencement, puis reſoluant. Galien au premier commentaire ſus les fractures, ne dit pas, comme noſtre auteur, que touſiours les bendes ſoyent ſanglantes, quand la calloſité ſe fait, & epoiſſit, mais quand le ſang qui eſt matiere d'icelle, eſt trop abondant, ou par ce que le malade ne fait aſſes d'abſtinence, ou que ſon corps eſt trop replet: & dit ceſt humeur qui teint & tache les bendes, eſtre ſemblable à un gros ſang. Aux fractures (dit Celfus) y a quelques preceptes communs. Le malade doit pour les premiers iours manger fort peu: & quand la calloſité eſt ſus le point de ſe faire, & de croiſtre, plus largement, de long tēps il ne luy faut boire du uin: il faut baciner & ſomenter le membre d'eau chaude longuement & beaucoup, s'il y a inflammation: mediocrement, s'il n'y en a point. Les membres qui ſont au deſſus de la fracture, doyuent eſtre longuement & doucement engreſſés d'un cerat mol. Soudain comme la fracture eſt conſolidée, il ne faut exercer le membre, ains petit à petit le reduire à ſon antique uſage. Le mal eſt plus grand, quand avec la fracture de l'oſ y a playe en la chair, & principalement ſi les muſcles de la cuiſſe ou de l'auanbras ſont

bleffés : car ils tombent en inflammation plus grande, & plus soudain en gangrene. Si l'os de la cuisse est tellement rompu, que les pieces soyent separees l'une de l'autre, presque \* tousiours il en faut couper pour les rabiller. L'os de l'auanbras se trouue en ce même danger, toutes fois on le sauue & conserue plus aisément.

\* Aucuns exposent qu'il faut couper le membre gangrené.

\* ou pour dilater la playe, à fin que plus aisément on rabille la fracture : ou pour faire cesser la douleur, & conuulsion, qui auient à cause du nerf cutané offensé.

\* en l'auanbras & en la cuisse fracturés avec playe pres de la jointure.

\* gros, noir, & vnde.

Si l'os est atteint & rompu pres de la jointure, il est plus suiet aux dangers susdicts d'inflammation, & gangrene. A ceste cause il y faut proceder avec curieuse diligence, & par le milieu de la playe couper le \* muscle de trauers. Si la playe a ietté peu de sang, il faut ouurir la ueine, & en tirer : extenuer & amalgamer le corps par abstinence ; & aux autres membres faire doucement l'extension, & remettre gracieusement les os en leur place : mais en \* ceux-cy, il n'est expedient de tirer les nerfs & tendons, ny de manier les os : & faut permettre au malade situer ainsi le membre, comme il cognoistra ne luy faire point douleur. Sur toutes ces playes, du commencement on applique de charpie mouillée en \* uin, avec un peu d'hui le rosat : puis on fait ligature avecques bendes quelque peu plus larges que la playe, moins serrees que s'il n'y auoit point de playe, par ce que la blesseure tombe facilement en corruption & gangrene, & est meilleur plustost y mettre plusieurs bendes, qui contiennent le membre rabillé aussi fermement que si elles estoient moins en nombre, & plus serrees. Voila comme il faut bender la fracture de l'auanbras ; & de la cuisse, avecques playe, quand les pieces de l'os sont remises & aionstées de droit : mais si elles sont autrement, il n'est besoin y appliquer bendage, si non pour tenir le médicament, & appareil. Au reste il faut faire les mêmes

mêmes choses qu'auons dict cy-dessus, excepté les astelles, chasses, & canaux, sous lesquels la playe ne peut guerir. Aulieu d'iceux on use de plusieurs bandes larges, arroufant souuent la playe de uin & huile chauds. Au commencement, lors que l'abstinence est plus necessaire au patient, il faut \* plus fomentier la playe d'eau chaude, & autant qu'il est possible euter le froid, puis user de medicaments suppuratifs, ayant plus grand respect de la playe que de l'os fracturé. A ceste cause tous les iours il la faut debender, & traiter avec medicaments abstersifs, & incarnatifs. Ce pendant se trouuant quelque piece de l'os eminent, si ell'est mouce, il la faut remettre en sa place: si ell'est longue & poinctue, il faut retrancher sa poincte: si ell'est courte, & poinctue, il la faut applanir & d'une part & d'autre, limer avec une rugine, puis la reduire en sa place. Or s'il n'est possible de la remettre avec la main, il faut ieter un petit leuier semblable à celui duquel se seruent les tailleurs de pierre, sous le bout de l'os eminent, & cheuauchant sus l'autre, à fin que de sa partie enfoncée il repousse l'os qui est dessous, en son lieu, & de sa partie courbe, l'os qui s'auance par dessus. Si l'os eminent est trop grand, & couuert de petites \* membranes, il faut auoir patience iusques à ce que par les medicaments suppuratifs elles soyent separees de l'os, & comme l'os sera denué d'icelles, le couper au plustost qu'il sera possible. Par ce moyen les os se remettent, & reioignēt, & la playe se guerit. Les os se reioignent au temps prefix de nature: & la playe se guerit, selon qu'elle est, ou plustost ou plus tard. En une grande playe quelque fois il auient, que les pieces de l'os, par maniere de dire, \* meurent, & ne

\* souuent, & longuement.

\* du periostios.

\* ne reçoivent plus nourriture. Paulus dit qu'elles flatēt.

& ne se rassemblent plus avec les autres, ce qu'on co-  
 gnoist à la quantité de l'humcur qui flue de l'ulcere:  
 & lors il est plus necessaire debender souuent l'ulce-  
 re, & le tenir ouuert, & mondifié. Faisant ainsi  
 quelques iours apres l'os, de soy mesme sort. Or iasoit  
 que la playe ioincte à la fracture, rende la qualité du  
 mal plus facheuse & miserable, si est-ce qu'aucune fois  
 il la faut agrandir, & dilater. Car souuent l'os est  
 rompu, estant la peau entiere, & lors incontinent on  
 sent douleur, & demangeson. Estant ainsi, il faut de-  
 bender plustost, & fomentier la partie, en esté, d'eau  
 froide: en hyuer, d'eau tiede & amortie: puis appli-  
 quer le cerat \* myrtin. Quelque fois la fracture pl-  
 que la chair comme de petits eguillons, ce qu'on co-  
 gnoist à la piqueure & demangeson, & lors le meil-  
 leur est ouurir & inciser la peau, & couper ces poin-  
 ctes. La curation en ceste espeece derniere de fracture  
 est telle, que si le coup dès le commencement auoit fait  
 ulcere manifeste: & doit on user en toutes deux, de  
 uiandes qui ayent uertu \* d'engendrer & produire  
 la chair. Si le membre fracturé est plus court que son  
 compagnon, & les os ne sont pas bien reduits en  
 leur place, il faut ieter entre les pieces de l'os, pour  
 les ecartier, un pieu ou baston mince, fort leger, qui sor-  
 te son extremité quelque peu hors de l'ulcere, & de  
 iour à autre y en mettre un plus gros, iusques à ce  
 que le membre soit de pareille longueur à son compa-  
 gnon. Adonc il faut oster le baston: guerir la playe:  
 & fomentier la \* cicatrice de la decoction froide de  
 myrte, lierre, & autres semblables herbes: engresser  
 la partie de quelque oignement desiccatif: & la repo-  
 ser soigneusement, iusques à ce que l'os soit fermement  
 consolidé

\* fait d'huile  
 de myrae.

\* qui font le  
 sang vis-  
 queux &  
 glueux.

\* la callosité  
 de l'os.

consolidé, & le membre fortifié. Si l'os n'est point consolidé, par ce qu'on l'a debendé & remué trop souvent, la curation est manifeste. En reposant il se conglutine. Si la fracture est ia uieille, il faut estendre le membre : avec la main diuiser les os l'un de l'autre, à fin qu'on les blesse quelque peu : les egratigner & rendre aspres, en les frotant l'un contre l'autre, à fin de racler & oster la substance grasse, d'ou s'engendre la callosité, si aucune en y a, & rendre comme fraiche & recente la fracture, se donnant bien garde de ne blesser les nerfs, ou les muscles. En apres on foment la partie du uin où aura cuit l'ecorce de grenade : ce fait, on applique cest'ecorce incorporee avec blanc d'œuf. Le troisieme iour on debende, puis on foment le membre de la decoction des herbes susdictes. Le cinquieme iour on fait le même : & d'auantage on applique les astelles. Quelque fois les os peruertis, entorcés, & mal adressés se conglutinent, ce qui fait le membre plus court, & deforme, avec piqueure assiduele, si le bout des os est poignant & agu. A ceste cause derechef il faut rompre & redresser les os : ce qu'on fait en ceste maniere : On foment & bacine fort le membre avec d'eau chaude : puis l'ayant oint d'un cerat liquide, on l'estend. Ce pendant si la callosité est encores tendre, le medicin avec la main cherche & manie les os, les separe l'un de l'autre, & pousse en sa place celuy qui est eminent. Si avec la main il ne l'y peut reduire, du costé que l'os s'incline, & foriette, il applique une late enuelppee de laine, & le pressant avec la bande, le contraint de se remettre & demeurer en son lieu. Quelque fois les os sont bien & droictement aioustés, & consolidés, mais par  
dessus

dessus la callosité est trop creuë, qui fait le lieu tumide. Auenant ce cas, il faut longuement & doucement froter le membre avec du sel, de l'huile, & du nitre: le fomentier beaucoup d'eau chaude salée: y appliquer un \* malagme resolutif: le bender avec ligature bien serree: prouoquer le uomir: & nourrir le malade avec \* d'herbages. Par ces moyës on extenuë la callosité, & les parties charnues du corps. Il est aussi bon d'appliquer sus l'autre membre, compagnon du blessé, de la graine de moustarde avec une figue, qui petit à petit le ronger, & ulcerer, & diuertisse là les humeurs. Estant la tumeur de la callosité extenuée & abaissée par ces remedes, le patient retournera à sa maniere de uiure accoustumée.

\* comme celui de Nileus, & Moschus, & Polyarchus, descrits de cest auteur au 5. li. \* & autres tel les viandes qui engendrent petite quantité de sang.

## Des deloueurs. CHAP. CXI.



Ntrons maintenant au discours des deloueurs, qui suit le traité des fractures. Pour dire en brieF, Deloueur est cheute, & issue de l'os enioincté hors de sa propre cavitè, en vn lieu inacoustumé, qui empeche le mouuement volontaire. Ses differences ne peuuent estre assignees & proposees autres, que de plus & de moins. Car si l'os enioincté est du tout hors de sa place, les Grecs appellent cest affectiõ d'un vocable general *ἐκδορμη*, & nous Deloueur parfaicte: mais s'il est ebranlé seulement, ou transporté iusques sus le bord de sa cavitè, sans en sortir du tout, les Grecs nomment cest accident *παρὰδορμη*, & nous Deloueur imparfaicte, ou Subluxation.



## A N N O T A T I O N S.

Arthron uocable Grec signifie tantost la teste ronde & grosse d'un os, inseree & logée dans une cavitè & boîte, destince pour la recevoir. Ainsi appelle Hippocrates la teste de l'Auanbras & de la cuisse, ἀρθρον : tantost il signifie un assemblage & liaison d'os, considerée entant qu'ils sont cōioincts ensemble sans interuention d'aucune substance differente. Les os de nostre corps sont assemblés sans interiection d'autre substance, par leurs eminences & cavités, ou avec icelle. La premiere conionction a mouuement apparent, ou obscur, ou nul. Celle qui a mouuement manifeste est nommee en Grec Diarthrose & Proarthrose, & a trois especes : Enarthrose, quand l'os qui est inferé, a la teste grosse, comme celui de la cuisse : & l'os qui le reçoit, a la boîte grande & profonde, dictée des Grecs κοτύλη, comme l'os de la hanche : Arthrodie, quand la teste est mince, & la cavitè petite, dictée des Grecs γλῶσσῃ, comme aux ioinctes des doigts : Ginglymos, quand les os entrent mutuellement l'un dans l'autre, comme les pieces d'une fiche qu'on attache aux fenestres : ainsi est ioinct l'os du coude avec l'os de l'auanbras. La seconde conionction qui n'a mouuement aucun, ou l'a fort obscur, & en quelque temps seulement, comme les coustures de la teste aux enfans, est nommée des Grecs synarthrose, & d'Hippocrates en certain lieu Symphysis, & a pareillemēt trois especes : Encloueuire, dictée des Grecs Gomphosis, comme les dents en la machoire : Cousture, comme les pieces du tés : Harmonie qui se fait par une simple ligne, cōme les deux moitiés de la machoire inferieure.

re. La conionction des os, considerée entant qu'elle se fait, ou assure, par interuention ou interiection d'autre substance, encores qu'elle soit quelqueune des especes susdictes, neantmoins a trois differences selon la propriété & nature de la substance interuenante, ou interposée. Si c'est chair, comme aux dents, qui sont aussi enioinctes par enclauure, on la nomme Syssarcosis. Si c'est une chartilage, comme aux os du penil, qui sont aussi enioinctes par une simple ligne, on la nomme Synchondrosis. Si c'est une substance nerueuse, assauoir tendon, ligament, ou membrane, comme en l'os de la cuisse attaché en la boîte de la hanche par un ligament rond, naissant de la sommité de sa teste, on nomme cest accouplement Synneurosis. Ainsi en ceste iointe se trouue Enarthrose & Synneurose. Le uocable general pour signifier ces trois differences, est Symphisis qu'on interprete Vnion, ou accouplement d'os. En ce discours de la delouure des os, nous entendons delouure, cheute ou issue de l'os enioincté par enarthrose, arthrodie, ou ginglyme, & destiné à quelque mouuement apparêt, hors de sa propre cavitè, en lieu estrange & inaccoustumé. Les differences de la delouure sont trois: ou que l'os est tout hors de sa place: ou qu'il n'est pas du tout déplacé, aussi n'est il pas iustement en son lieu comme il doit estre: ou que les os naturellement contigus l'un à l'autre, comme sont en leurs extremités l'os du coude & du rayon, l'os de la grèue & de l'eguille, sont ecartés & separés l'un de l'autre, au lieu où ils s'entrebaïsoient. La première espece nommée en Grec Exarthrema, & de nous Delouure parfaite, a six differences, prises de ce que l'os delogé tombe en deuant

ou derriere: en dehors ou dedans: en dessus ou dessous. La seconde nommee des Grecs Pararthreme, & de nous Delouure imparfaicte, a trois differences, prises de ce que le ligamēt enuironnant la ioincte est relaxé, ce qui pareillement auient au ligament caché dans la ioincte, comme en la hanche: ou qu'il est uiolentement efforcé, comme en ceux qui font quelque mauuais pas, & se tordent le pied: ou que petit à petit il est peruertí, & tire l'os apres soy, comme aux rouelles de l'espine du dos: ou ces delouures ont trois propres noms Grecs: Cyphosis, qui est la bosse releuee en dehors: Lordosis qui est enfonceure baissée en dedans: & Scoliosis qui est entorceure. Hippocrates liure 4. des Delouures dit, l'auanbras & l'os de la cuisse n'estre iamais deloués imparfaictement: & Galien au commentaire de ce texte, dit la delouure imparfaicte auenir à la ioincte du coude, de la main, de la gréue, du pied. La troisieme espee nommee en Grec Diastasis, n'a point de differences, si non entât que les os naturellement contigus sont plus ou moins separés. Nos praticiciens aioustent d'autres differences prises du temps, en ce que les delouures sont recentes, ou uieilles: & de la complication des autres affections, en ce qu'elles sont accompagnées d'inflammation, douleur, playe, fracture: & que par espace de temps, quand elles n'ont point esté reduictes lors qu'il estoit besoing, dans la cavité uiuide s'engendre de la chair, qui l'occupe & remplit: & à l'entour de la teste de l'os, au lieu des muscles entre lesquels elle est tombee, s'engendre une callosité dure & forte, nommee *τρίπος* d'Hippocrates, qui la tient estroitement serree, & cela fait la reduction ou impossible, ou tres

difficile. Les causes des delouures sont ou externes, de cheute, de coup, ou d'estendre, peruerter, & en torcer violement & contre sa naturelle figure les iointes : ou internes, comme extenuation des muscles situés sus la iointe : imbecillité naturelle des ligaments qui l'environnent : accumulation d'humeur pituiteuse liquide, ou mucilagineuse, ou qui remplissant la cavitè pousse dehors la teste de l'os qui y estoit logee, ou qui relaxe & ramollit les ligaments posez à l'entour, qui doyuent tenir ferme la liaison des os. On cognoist les delouures à la tumeur extraordinaire de l'os qui est déplacé, avec l'enfonceure uuide de la cavitè où il estoit logé, qui au parauant ne se trouuoit point : à la douleur qui se sent : à l'empeschement ou priuation du mouuement de la partie. Les delouures accompagnées d'inflammation, playe, fracture, & uehement douleur, sont non seulement difficiles à guerir, mais souuent dangereuses, & quelque fois est meilleur n'essayer point de les reduire. Les delouures uieilles pour la raison susdicte sont ou incurables, ou tresdifficiles à guerir. Si les bords qui sont à l'entour de la cavitè de l'os sont brisez, ou les ligaments relaxez, la delouure est incurable, ou tresdifficile : non pas qu'on ne la puisse reduire, mais pource que l'os remis tombe derechef, & ne peut demeurer en sa place. Les os les plus prochains de la iointe delouee croissent moins, par ce qu'ils se remuent moins. La partie en l'espace de laquelle tombe l'os déplacé, s'amaigrit moins que l'opposite, par ce que la confrication de l'os luy sert de mouuement. Car, comme dit Hippocrates, l'usage & exercice des parties, les corrobore & entretient bien habi-  
tues

tues : la paresse & cessation de mouvement les extenue, & debilité. Les os deloués se remettent plus aisément ou difficilement selon la structure & composition de la iointe, ou selon la force & corpulence, debilité ou extenuation des muscles, ligaments, & tendons. Les os (dit Celsus) sortent hors de leur lieu en deux sortes. Quelque fois estans ioints ensemble, ils s'entr'ouurent, & separent l'un de l'autre, comme l'épaulette de la clauette ou forcelle, au lieu que les Grecs nomment Acromion : l'os du coude & du rayon : l'os de la grêue, de l'éguille & quelque fois à raison d'un grand saut, le talon de l'osset, ou astragalus, qui est un cas fort rare. Quelque fois la tette de l'os eniointee se deplace. Je parleray en premier lieu de la premiere espece. Quand les os contigus se separent, soudain au lieu y a cavitè, & pressant du doigt, on trouue l'enfonceure : puis y suruient grande inflammation, & principalement en la separation du talon & de l'osset, qui cause aussi fièvre, gangrène, conuulsion, & autre espece de spasme nommée Opisthotonos, qui renuerse & tient roide la tete contre les pallerons. Pour euites ces accidens, incontinent il faut faire les \* remedes qui conuiennent aux os blessés & fracturés par la rencontre & occurrence de quelque pesante masse. L'avis & conseil qu'on doit incontinent prendre en tel accident, est d'appaiser la douleur, & leuer la tumeur, & inflammation. Car les os entr'ouverts & ecartés ne se reioignent iamais, & encor que le membre n'en demeure point de forme, il ne recouure point son usage & action. La machoire, les rouelles de l'espine, & toutes les autres extremités des os eniointees, par ce

\* Comme le cerat rosat : le cerat avec la poixila fomentation de vin & d'huile.

qu'elles sont enuironnées de ligaments forts, sont déplacées à raison de quelque violence : ou à raison que les ligaments sont rompus ou débilités par quelque accident : & auient cela plustost aux enfans & ieunes hommes, qu'aux grands & robustes. Les os se delouent en la partie anterieure posterieure : interieure exterieure : superieure inferieure : les aucuns en toutes ces parties, les autres en aucunes d'icelles seulement. Des signes les uns sont communs à toutes delouures : les autres propres à chacune. Tousiours y a tumeur à l'endroit ou l'os s'est forietté : & cavitè au lieu d'où il est sorti. Ces signes se trouuent en toutes delouures, & d'autres en chacune, lesquels ie reciteray en traittant particulierement d'icelles. Toutes ioinctes se peuuent delouer, mais toutes ne se peuuent remettre. La \* teste, & les rouelles de l'espine ne se reduisent point : ny aussi la mâchoire tombee d'un costé & d'autre, si, auant que la remettre, il y a desia inflammation. Les delouures faictes par le uiec des ligaments, encor qu'on les reduise, tombent derechef. Si la delouure faicte en enfance n'est point remise, le membre croist moins que son compagnon. Si la delouure n'est point reduicte, la chair croist plus au membre prochain de l'os déplacé, qu'au membre qui en est plus eldigné : \* comme si l'os de l'auant bras est hors de son lieu, la chair croist plus en iceluy qu'au petit bras : & plus au petit bras, qu'en l'extremité de la main. Selon que l'os a pris place hors de sa cavitè, & que l'accident qui fait la delouure est moindre ou plus grand, il demeure moins, ou plus d'action au membre : & d'autant plus qu'il y en demeure, d'autant moins est il extenué. Toute delouure se doit remettre

\* Ces deux delouures à l'instant tuent le malade par la compression de la mouelle.

\* car le frottement de l'os

sert de mouuement au mem-

bre où il tôle, & fait quel-

que attraction d'aliment pour

iceluy, qui en distribue quel-

que peu à son voisin : mais le

membre plus éloigné est de-

stitué de tout mouuement,

& n'a participation de l'aliment qui viét

aux membres superieurs.

mettre auant que l'inflammation y uienne : & si desia elle y est, il faut laisser le malade en repos, & n'irriter point le mal: & quād elle sera finie, il faut essayer de remettre l'os, aux membres qui le peuuēt souffrir. A cela aide beaucoup l'habitude du corps, & des ligaments. Car si le corps est mince, & humide, si les ligamens sont foibles, on le reduit plus promptement: mais aussi premierement il retombe plus facilement, & par apres est moins asseurement retenu. Si les parties susdictes sont en contraire qualité, & condition, elles retiennent mieux l'os reduict, mais elles le reçoynent plus difficilement quand il est déplacé. On mitigue l'inflammation avec de laine grasse trempée en uinaigre, appliquee dessus. Si quelque grande & forte ioincture est delouée, le malade se doit abstenir de manger trois iours, & aucune fois \* cinq iours, & ce pendant pour contenter sa soif, boire de l'eau chaude, \* tenant ce regime plus curieusement, si la delouée est aux ioinctes qui sont enuironnées & retenues par gros & forts muscles, & encores plus, si la fieuë y est suruenue. Le cinquieme iour apres on fait fomentation d'eau chaude, & ayāt osté la laine grasse, on applique le cerat fait d'huile \* cyprin, adioustant un peu de nitrum, iusques à ce que l'inflammation soit du tout finie : & lors il faut froter le membre, user de bonnes uiandes, mediocrement de uin, & ia employer le membre en son action. Car comme le mouuement, pendant la douleur, est pernicious, aussi est il fort bon & sain au corps, quand la douleur ne tourmēte point. Ces choses sont communes à toutes delouées. Suy-  
namment ie parleray de chacune d'icelles.

\* s'il est plethorique, ou phlegmatique.

\* car le froid est contraire aux nerfs.

\* fait de fleur de troene.

Commençans des ioinctures superieures de nostre corps, nous parlerons de la machoire inferieure. Car la superieure estant immobile, ne peut estre delouee. L'inferieure mal aisément & rarement souffre delouee parfaite, par ce que de ses extremités superieures ell'est fermement serree & enclauée en la machoire d'enhaut, mais souuent luy auient delouee imparfaicte : par ce que les muscles desquels ell'est retenue, & suspendue, estans affoiblis par la continuelle exercitation de macher, & parler, facilement se relaxent, voire pour legiere occasion. Car ce que Hippocrates dit en Grec *χαλαί*, signifie estre relaxé: & lors sans luy donner le tour en rond, l'os déplacé retourne facilement, & de soy mesme en son lieu. Quant à la delouee parfaite, il suffira reciter les paroles d'Hippocrates, qui sont breues, claires, & n'omettent rien de ce qui doit estre proposé. La machoire (dit il) peu souuent tombe hors de sa place : mais souuent en baillant est relaxee & entorcee, comme les autres membres sont entorcés par vne soudaine transposition & inuersion de leurs muscles & nerfs. Les signes par lesquels on iuge qu'ell'est delouee, sont: Ell'est auancee & forieectee en dedans, elle est transportee au contraire du lieu vers lequel ell'est tombee & glissée : la sommité large d'icelle, nommée des Grecs *κορυφή*, se trouue grosse & tumide pres de la machoire superieure:

\* tendons & ligaments.

\* d'un costé seulement.

\* Car sortant de son lieu, elle va contrebas: puis estant du tout delouee, elle est retirce par les muscles de la partie saine.



difficilement le patient ioint les machoires : il est manifeste & notoire par quelle industrie on la doit remettre. Il faut que quelqu'un tienne la teste du malade : que le malade bâille & ouvre la bouche tant mediocrement qu'il pourra, & que le maistre luy empogne avec les doigts par dedans & par dehors le menton, que premierement la conduisant avec la main, il la remue par quelque temps çà & là, commandant au malade qu'il tienne la machoire lasche: qu'il auance la machoire vers le lieu où le maistre la tournera, prestant & obeissant au mouuement de sa main : & lors soudainement l'operateur doit auiser que tout d'un coup il luy donne le tour en trois figurations : car pour la remettre en son lieu naturel, il la faut \* estordre, puis la pousser en derriere vers la posterieure partie de la teste : & à l'instant faut que le malade ioigne les deux machoires, & ne bâille plus. Voyla l'industrie de la remettre, qui ne se peut faire par autre figuration. L'ayant remise, il faut vser peu de remedes. Il suffira d'appliquer vne compresse oincte de cerat, avec ligature peu serree : & pour faire l'operation plus seurement, on couche le patient à la renuerse, luy appuyât la teste contre vn oreiller de cuir, bien plein, & rembourré, à fin qu'il n'obeisse point : & quelqu'un tient la teste du malade. Si la machoire est delouee d'un costé & d'autre, la curation est semblable. Le patient peut moins ioinde les deux machoires : car l'inferieure est descendue & auallee plus bas, mais non estordue. Qu'elle ne soit

\*tirer contre  
bas, & à costé  
qui sont deux  
figurations.

point estordue, on le cognoist rapportant & aioustant les dents superieures aux inferieures, qui se rencontrent au droict les vnes des autres. Ceste delouure doit estre soudain remise. La maniere a esté declaree. S'il n'est possible de la remettre, le malade tombe en fièvre continue, & dormir profond, & est dangereux de la vie. Car les muscles de la machoire alterés & tendus contre nature, causent vn dormir profond: ordinairement ils iettent par le ventre des excrements cholériques, synceres, & en petite quantité: & s'ils vomissent, leur vomissement est aussi syncere: & meurent pour la plus part, enuiron le dixieme iour. Nous auons souuent vsé de ceste maniere de la reduire: fomentans premierement la machoire delouee, avec vne éponge trempée en eau & huile chauds: quand nous la trouuions mal obeissante pour se laisser retourner en son lieu: & couchans le malade à terre, puis nous tenans debout derriere luy, nous faisons l'operation, ainsi que Hippocrates le commande.

#### ANNOTATIONS.

*Le texte d'Hippocrates allegué de nostre auteur, est suffisamment expliqué de Galien aux commentaires écrits sur les liures des Delouures. L'anatomie nous enseigne, la machoire inferieure auoir deux auancemens ou apophyles: l'une poinctue & subtile, eleuee au dessus de l'os iugal, en laquelle s'implante le muscle des temples: l'autre plate, ronde, & large, qui s'insere en une petite fosse, située entre l'oreille*

le, & le commencement de l'os iugal : d'avantage  
 quelle est remuée par quatre muscles de chaque costé,  
 assavoir le crotaphite ou temporel, qui la souleue,  
 & hauee contremont; le macheur, ou massetere exte-  
 rieur, naissant de l'os iugal, & le macheur interieur,  
 produict des auancemens surnommés Pterygoeides,  
 qui la font moudre, & tourner en rond, comme il se  
 fait en machant : & le dernier celuy qui l'abbaisse.  
 Le muscle temporel, & les deux macheurs recoyuent  
 cinq rameaux de nerfs, insignes tant de la troisieme  
 que de la cinquieme coniugation originaire du cer-  
 ueau : à raison dequoy ces muscles alterés de chaud,  
 froid, humidité, siccité, inflammation, erysipelas, pu-  
 trefaction, ou uiolamment estendus communiquent  
 aisément leurs affections au cerueau, d'où s'ensuyt fie-  
 ure, estonnement, endormissement, & lésion de tous  
 les sens, tant interieurs qu'exterieurs, & du mouue-  
 ment uolontaire. La fièvre ague, & uehement, par  
 colliquation de la gresse & chair fraîchement con-  
 densées, & adustion du sang, engendre des excremens  
 synceres, & cholériques, qui descendent en l'esto-  
 mach, & aux boyaux, comme il auient à ceux qui  
 souffrent douleur des parties nerueuses, ou quelque  
 grande tristesse, par ce que l'orifice de l'estomach qui  
 est fort nerueux, est affligé & passionné avec elles.  
 La curation de toute delouure en general s'exécute  
 par quatre intétions, semblables à celles qu'on se pro-  
 pose en la curation des fractures. La premiere est  
 de remettre l'os deloué en sa place : ce qu'on fait esten-  
 dant le membre avec la main, ou bendes, ou chorda-  
 ge, rouage, & instrumens propres, selon la nature &  
 construction de la ioincte, la force & foiblesse des li-

gamens & tendons, la condition & qualité de la douleur, grande ou petite, on l'estend en deux parts contraires, le plus gracieusement & sans douleur qu'il est possible, iusques à ce qu'entre les os qui doyuent se rencontrer en la ioincte, y ait espace, & intervalle suffisant, & libre. Lors de la partie en laquelle est tombé l'os deioincté, on le pousse en l'opposite, pour l'acheminer & remettre en son lieu. On le cognoist estre remis, quand entrant dans sa boîte ou fosse, il fait un petit bruit; & le membre deloué au toucher, & à la uue, est semblable au sain, de figure, conformation, & grandeur. La seconde est, puis qu'on l'a remis en son lieu, de l'y arrester & cōtenir, à fin que derechef il n'en sorte; ce qu'on fait, premierement l'engressant d'huile rosat, puis ictant un drapeau uieux, use, & delié, par dessus, trempé au mesme huile, & sus iceluy appliquant un'estouppade, & des compresses baignées en blanc d'œuf, le tout mediocrement chaud, comme Auicenne commande, pour ne faire attraction d'humeurs en la partie, qui excite inflammation: avec ligature mediocrement serrée, pour ne causer inflammation, faicte de bandes longues & larges, selon la nature de la partie, trempées en eau & uinaigre: & en fin avec les astelles de bois, ou de chartons, ou de gros cuir. Avant le septieme ou dixieme iour, ne suruenant aucun fâcheux accident, on n'y touche rien. Ces iours-là on debende l'appareil, & ayant fomenté le membre d'eau chaude, pour oster la douleur, si aucune en y a, & resoudre les excréments accumulés & accroupis sous l'appareil, on applique un emplastre composé de sole farine incorporée avec blanc d'œuf, faisant ligature plus serrée qu'au

parauant. Si la deloueuure est ia uieille, & les ligamens & tendons forcés, par la longueur du temps, sont desechés, & endurcis, auant qu'on essaye de la remettre, il les faut adoucir & ramollir avec la decoction de malue, guimaue, lin, senegré, & autres semblables : laquelle ne seroit bonne en la deloueuure fraiche, ou causee par mollification des ligamens, & tendons, par ce qu'elle les relaxeroit en echaufant & humectant: d'ou s'ensuiuroient deux inconueniens: l'un, que la partie debilitée seroit plus disposée à recevoir fluxion, & tomber en inflammation: l'autre que remplissant la cavitè d'humidité superflue, & affoiblisant les tendons, & ligamens, qui doyuēt tenir ferme l'os reduict en son lieu, la deloueuure se renouuelle, par ce que l'os remis glisse & tombe derechef. La troisieme intention est de poser le membre acoustré, ben-dé, & astellé en situation conuenable & indolente, preuenant la fluxion d'humeur, inflammation, & douleur, outre les remedes topiques, par abstinence de uin, de chair, & de beaucoup manger, par saignée, ou purgation, ainsi que iugerons estre plus necessaire. Estant le membre ou guéri, ou preserué d'inflammation, sus la fin de la cure, on le corrobore & fortifie avec decoction de roses, aluine, mousse de chêne, faicte en uin: ou avec l'emplastre oxycroceum: ou avec une toile cirée, que vulgairement on appelle Spanadrap, faicte expressement pour cest intention: puis doucement & petit à petit on l'acoustume & habilite à son action. La quatrieme intention est, de remedier aux accidents, & affections compliquees, comme douleur, inflammation, playe, fracture: en quoy suyuant, la methode enseignée de Galien, faut toujours auiser

ce qui est cause de l'autre : ce qui ne peut estre guéri sans l'autre, & ce qui est plus urgent : considerant aussi, ce qu'on doit faire deuant : ce qu'on doit faire ensemble : & ce qu'on doit faire apres. La procedure generale susdicte se peut practiquer, comme par maniere d'exemple, en la curation de chacune delouure particuliere, escrite de nostre auteur. Albucasis, en la delouure parfaicte de la machoire deplacee de tous les deux costés, dit les signes estre, qu'elle pèd sus la poitrine : que la salive coule de la bouche du patient, ne la pouuant retenir : qu'il ne peut fermer la bouche : ny remuer commodement la langue pour parler. Ce meme auteur commande, pour la reduire, que l'operateur mette les deux pouces dans la bouche du malade, à l'endroi où est l'eminence de l'os deplacé, & pendant que par son instruction le malade s'efforcera de remuer la machoire, & la haucrer, comme s'il uouloit manger quelque chose, il la remette avec les doigts qui sont dehors la bouche. L'ayant remise, qu'on applique dessus des compresses ointes de cerat rosat, avec bendage peu serré, de linge doux : que le malade dorme sus le dos, ayant la teste situee entre deux oreillers, à fin qu'il ne la remue çà ny là : qu'il ne mache rien, iusques à ce que la douleur soit finie, & la iointe assuree : ains qu'on le nourrisse de bouillons, & viandes liquides : quand il commencera à macher, qu'il ne s'efforce trop d'ouurir la bouche pour prendre le morceau, ou pour boire, ou pour bâiller. M. Iamerius couche le malade à terre : iette deux coings dans la bouche qui conduisent la machoire quand on la tirera : met dessous le menton une bande si large qu'elle l'embrasse tout : baille les deux bouts

bouts d'icelle à un seruiteur estât derriere le malade, & tenant les genous contre les epaules d'iceluy : le seruiteur tirant uers soy, le maistre avec la main dresse la machoire & la reduit. Nos practiciens disent qu'en douze iours apres sa reduction, ell'est asseuree : & remuent l'appareil de quatre iours en quatre iours. La machoire (dit Celsus) estant hors de son lieu, tombe en la partie anterieure : & quelque fois est delouee d'un costé seulement, quelque fois de tous les deux. Si c'est d'un costé seulement, la partie delouee & le menton sont tournés & inclinés uers la partie contraire & saine : les dents ne correspondent point de droit à leurs pareilles, ains les oreilles ou canines se rencontrent sous les cousteaux, ou \* dents de lait. Si c'est des deux costés, tout le menton est auancé en l'antérieure partie : les dents de la machoire inferieure & delouee se foriectiont plus en dehors, que de la superieure : par dessus la machoire delouee on voit ses \* muscles tendus. Incontinent il faut asseoir le malade en une chaire, de sorte que par derriere un seruiteur luy tiennne la teste : ou bien il faut, que le malade assis soit pres de la paroy : & qu'entre la paroy & sa teste y ait un oreiller de cuir, dur, contre lequel un seruiteur tiennne la teste d'iceluy fermement appuyee, à fin qu'elle ne se remue point. Lors le maistre luy icette dans la bouche ses \* deux pouces, enueloupés de drapeau, ou d'une bende, à fin qu'ils n'echappent, & glissent, & applique ses autres doigts par dehors. Ayant ainsi fermement empoigné la machoire, si ell'est delouee d'un costé seulement, il secout le menton, & le menant uers la gorge, empogne la teste, & haucant le menton qu'il tient, chaf-

se &

\* Auicenne & Lanfranc appellent ceste delouee imparfaicte, faicte en derriere. \* les temporels & macheurs extérieurs.

\* on deux coings, comme nos practiciens le commandent, si la bouche est si fermee, que les pouces n'y puissent entrer.

se & pousse la machoire en sa place, & ferme la bouche du patient, de maniere que toutes choses se fassent quasi en un instant. Si la delouure est de tous les deux costés, il faut memement faire les choses susdictes, sinon qu'il faut également repousser en derriere la machoire. Estant remise, s'il auient douleur des yeux, & au derriere du col, il faut saigner le malade de la veine du bras. En toutes delouures, du commencement il faut nourrir le patient de viandes liquides, mais principalement en ceste cy: uoyre que le parler à cause du frequent mouuement de la bouche, en ceste delouure offence les nerfs. Voyla le discours de Celsus, quant à la machoire delouue. J'ay adousté ce qu'il escrit de la delouure de la teste, de laquelle nostre auteur ne parle point. Cy-dessus (dit il) j'ay déclaré que la teste est asise sus le col, par le moyen de deux auancemens ou apophyses, inserees au deux cavités de la premiere & plus haute roelle. Ces auancemens quelque fois sont deloués en la posterieure partie, à raison de quoy la mouelle spinale qui procede sous la posterieure partie de la teste, est souleue & estendue: le menton \* attaché à la poitrine; le malade ne peut boire, ny parler: & aucune fois icelle inuoluntairement sa semence. Avec ces accidens la mort fort soudainement l'emporte. Cela ay-ie voulu noter, & escrire, non que ceste delouure soit curable, mais à fin que par ses signes on la cognoisse, & que ceux qui par ce malheur perdront quelque ami, ou parent, ne tiennent estre la faute du medicin.

\* par l'espece  
de conuulsion  
nommee Em-  
prosthotonos.



De la clauette ou forcelle delouee, & de  
la sommité de l'espaule.

## CHAP. CXIII.

**L**A forcelle par son extremité interieure  
n'est point delouee : car ell'est ioincte avec  
le brichet par \* Synarthrose : à raison de quoy  
en ce bout là elle n'a mouuement aucun : & si  
de fortune ell'est arrachée par la violence &  
coup exterieurement donné de quelque chose  
ague & tranchante, ceste affection est reduicte  
à la curation & rabillage des fractures. Son  
extremité enioinctee par diarthrose en l'epau-  
le, n'est pas souuent ou aisément delouee : & ce  
qui l'empêche est la sommité de l'epaule nom-  
mée des Grecs Acromion, & le \* muscle qui  
en son origine a deux chefs. La forcelle de soy  
n'a mouuement aucun violent, ou d'importan-  
ce, ains est seulement faicte pour separer le bras  
de la poictrine. A ceste cause entre les animaux  
l'homme seul a des forcelles. Or s'il auient en  
lui tant & exerçant le corps, comme il peut auē-  
ir, qu'elle soit imparfaitement delouee, on la  
rabille & redresse avec la main : puis en la fou-  
lant avec des compressees faictes de drapeau mis  
en plusieurs doubles, avec ligature cōuenable.  
Avec mesme industrie & procedurē l'acromio  
ou sommité de l'epaule est reduicte en son pro-  
pre lieu. L'acromion est vn osselet chartilagi-  
neux, qui attache la forcelle avec le palleron, &  
ne se trouue point en l'assemblage sce de tous  
les os, nommé des Grecs Sceletos. Quand il  
est osté hors de son lieu, les ignorants & peu ex-  
perts

\* Nous auons  
cy-dessus page  
836. déclaré  
quell'espece de  
iointure c'est.

\* c'est la ioin-  
cte qui se fai-  
t par l'assembla-  
ge de l'avan-  
bras, de la for-  
celle, & du  
palleron.

\* le premier des  
ceux qui fle-  
chissent le pe-  
tit bras.

perts cuident la teste de l'auanbras estre deu-  
louee. Car lors la sommité de l'épaule que les  
Grecs appellét Epomis, se voit & apparoist plus  
tumide : & le lieu d'où est partie & separee la  
forcelle, caue, & enfoncé, mais il faut distin-  
guer par les signes qui seront dictz cy-apres.

## A N N O T A T I O N S.

Pour entendre ce discours, il est necessaire auoir  
bien desaignee en son esprit la composition de la ioin-  
te de l'épaule, nommee des Grecs Omos, qui se fait  
par l'assemblage de la forcelle, de la teste de l'auanbras,  
& du palleron : & singulierement la figure du palle-  
ron, qui en son exterieure partie, a une creste releuee  
tendantte contremont. Au bout d'icelle est une epiphy-  
se, ou addition d'un petit os cartilagineux, nommé  
des Grecs Acromion, contre lequel est appuyee par  
dessus, la forcelle, & par dessous contre l'apophyse,  
ou production nommee Sigmoeide, & Ancyroide, à  
raison de sa figure qui ressemble à un Sigma des Grecs,  
C, ou à la dent d'une ancre. Ces choses ainsi compri-  
ses, il est aisé d'entendre le discours de nostre auteur  
transcript du premier liure des Deloueurs d'Hippo-  
crates : où Galien recite prolixement, qu'estant en  
l'aage de trentecinq ans, en s'exercant dans l'eschole  
publique, luy auoit esté arraché l'os de l'acromion d'a-  
uec la forcelle, si grandement qu'entre l'acromion &  
la forcelle estoit interualle de trois doigts : & conte-  
cette delouure auoir esté guerrie par une si uiolente  
ligature qu'il sentoit au dessous de la forcelle le batte-  
ment des arteres : & laquelle il porta par l'espace de  
quarante iours, sentant le lieu si froid qu'il estoit con-  
trainct

trainēt incessamment de faire embrochation d'huile chaud : & si on cessoit de la faire, les muscles comme estans au commencement d'une conuulsion, incontinēt se tendoyent, & roidissoyent. En ceste delouure, si le corps est ieune, tendre, & mol, aisément on abbaïsse la forcelle pour la reioindre avec l'acromion, comme facilement on plie une uerge humide, & uerde : mais non, si le corps est uieil, & sec, outre ce que peu des malades ueulent souffrir une si grande cōpression de ligature, & si longuement, comme il est necessaire de la faire. Le curieux lecteur pourra uoir en Galien le reste de l'histoire.

De la delouure de l'auanbras.

CHAP. CXIII.

**L**A teste de l'auanbras qui est ioincte par diarthrose avec la cavitē du palleron, se delouē souuent, non point en dessus : car l'auancement ou apophyse ancyroide du palleron l'en empeche : ny en derriere : car le palleron l'en garde : ny en deuant, à cause du tendon du muscle qui a deux chefs, & ausj du fest de l'epaule, ou acromion : peu souuent en dedans, & dehors : mais souuent contrebas : principalement aux corps qui ne sont gueres charnus : auxquels il tombe facilement, & facilement est remis : comme à l'opposite, aux corps charnus, difficilement il se deplace, & difficilement il est reduict. A quelques vns blessez, encor que l'auanbras ne soit delouē, toutesfois il monstre apparence de l'estre, pour la vehemente inflammation qui y \* suruiuent. La delouure faicte contrebas se cognoist par ces signes : L'auanbras

\* & empeche le mouuement du bras cōme s'il y auoit delouure. M. Guy de Cauliac escrit pour semblable cas les maistres s'estre abusez & tropés en vne fille du Roy de France.

malade comparé avec le sain est beaucoup différent : par ce que la sommité de l'épaule ou epomis d'ou est séparé l'avanbras, se monstre caue & enfoncée : le fest, ou acromion, comme auons dit traitans de la delouure imparfaite, se monstre plus \*tumide que naturellement il n'est : la reste de l'avanbras qui est delouée, se rencontre manifestement au dessous de l'aisselle : l'eminence du coude en ce bras est plus écartée des côstes qu'en l'autre : & si de force on l'en approche, avec peine ils le menét pres d'icelles : l'eminence du coude est fort contournée en dehors : & le malade ne peut haucer ou porter la main iusques à l'oreille, ny faire les autres diuers mouuemens du bras. Aux ieunes enfans, & si la delouure est recente, & non trop grâde, avec le nœu eleué du doigt mitoyen flechi, ou du medicin, ou du malade mesme, s'il n'est enfant, souuent on le \* reduit, comme témoigne Hippocrates ; mais les plus vertueuses & prôpres, avec effect, manieres de le reduire, sont : On couche sus terre, & à la renuerse ; le malade qui se soit bagné, & ait vsé de fomentations laxatiues : puis on luy met sous l'aisselle vne boule ou pelote de cuir, ou d'autre matiere, qui ne soit pas gueres molle, de grosseur mediocre, & proportionnée à la capacité de l'aisselle. Le medicin s'assiet vis à vis du malade, & au deuant du membre blessé : & si l'avanbras droit est offensé, il accommode le talon de son pied droit sus la pelote mise au dessous de l'aisselle : si l'avanbras gauche est deloué, il y accommode le talon

\* on lit en nos  
exemplaires,  
plus agn.

\* Ce faisant il  
faut mener le  
long des côstes  
vers la poitrine,  
la sommité  
du coude. Par  
ce moyen la te-  
ste de l'avan-  
bras retourne  
en la partie an-  
terieure & su-  
perieure. Hip-  
pocrates.

le talon du pied gauche : apres il empogne le bras malade, & le tirant vers les pieds, avec le talon il pouffe contre l'aixelle : & pendant que cela se fait, à fin que le corps ne suyue & obeisse quand il tirera le bras, vn seruiteur par derriere la teste du patient, retire & tient ferme le haut de son epaule. Il y a vne autre maniere de le reduire, qui se fait en metant l'epaule d'un seruiteur sous l'aixelle du patient. Pour la practiquer, il faut qu'un ieune homme, ou plus grand que le patient, ou se tenant sus quelque chose qui le rende plus haut que iceluy, au droict du bras deloué, le malade estant sus pieds au deuant de luy, iette son epaule par dessous l'aixelle du malade, & le souleuant luy tire le bras vers son esto mach, de sorte que le corps du malade demeure suspendu au derriere du seruiteur qui le porte & soustient. Si le malade est fort leger, il faut que quelque enfant qui ne soit gueres pesant, se pendre & branle sus iceluy. Par ce moyen le bras & le reste du corps estans tirés contre bas & par diuers \* lieux, l'epaule du seruiteur qui est sous l'aixelle du malade, aisément reduit la teste de l'aubanbras delouée. On la reduit aussi avec le pilon. C'est vn bois long, planté droict en terre, sus quelque chose ferme, ayant la teste ou superieure extremité rōde, ny trop grosse, ny trop mince, laquelle on met sous l'aixelle du patient, estant debout ou assis, ainsi que la longueur du pilon luy donne commodité de se tenir. On tire le bras estendu le long du pilon contrebas, demeurant le reste du corps souleué, & suspen-

\* le bras par  
deuant : le  
corps par der-  
riere.

\* en metant,  
comme dit  
Hippocr. la  
main sus le col,  
à l'endroit de  
la forcelle, &  
pressant contre  
bas.

du, de maniere qu'aussi on le balance & branle  
contrebas en la partie contraire, & ainsi l'os est  
reduit, ou de soy mesme, ou avec l'aide de quel  
qu'un qui le pousse \* contre bas. On le re-  
duit aussi avec le degré d'une échelle, en la ma-  
niere qu'auons déclarée, parlant de la contr'ex-  
tension de l'avanbras rompu. Mais pour en user  
en ceste delouure, il faut attacher sus l'échelon  
quelque chose ronde qui puisse entrer sous l'ai-  
xelle du patient, & pousser la teste de l'avanbras.  
Si la réduction est difficile, par ce que la deloueu-  
re est vieille, ou le corps dur, nous y employe-  
rons l'invention & industrie du bois à poulie,  
que les Grecs nomment *ἀπὸ λω*. C'est un bois  
long environ de deux coudées : large de quatre  
doigts : épais de deux : ayant son extrémité su-  
périeure ronde, qui puisse aisément entrer sous  
l'aisselle, comme le bout du pilon susdict, & qui  
\* ait un bord quelque peu relevé, en façon de  
poulie, qui se tourne vers la teste de l'avanbras,  
& non vers les côtes : on enveloppe ce bout, de  
drapeau, à fin qu'estant mis sous l'aisselle, il ne  
blesse la teste de l'avanbras : & l'y ayant mis, on  
estend le bras au long d'iceluy, puis on les atta-  
che ensemble en trois lieux : savoir est, à l'en-  
droit de l'avanbras, du brasçal, & de la main.  
En apres on iette le bras ainsi acoustré & lié  
avec le bois, par dessus un soliveau posé de tra-  
uers entre deux colonnes droictes, ou dessus le  
degré d'une échelle : & tirant le bras contre bas,  
on laisse pendre le reste du corps soulevé vers la  
partie contraire : & lors la teste de l'avanbras  
retourne

\* ces mots ne-  
cessaires sont  
ajoustés au  
texte d'Hip-  
pocrates.

retourne en son lieu. L'ayant remise il faut accommoder sous l'aixelle vn peloton de laine: sec, s'il n'y a point d'inflammation: & s'il y en a, trempé en huile: puis faire ligature, menant la \* bende du dessous de l'aixelle, par dessous l'épaule malade, puis par dessous l'autre aixelle: de sorte que ses reuolutions se croisent en forme de sautoir, ou de Chi, X, lettre Greque: & là où elles se rencontreront, & croiseront, soit sus l'épaule malade. D'auantage il faut attacher le bras avec les côstes: & pendre en echarpe, passée sus le col, le braçal, depuis l'eminence du coude iusques au bout de la main: à fin que l'os fraichement reduict ne tombe derechef. Apres le septieme iour, & encores plus tard, on deffait le bendage, on frote mediocrement le bras, à fin que rendant les parties plus fermes & solides, l'os reduict tombe & sorte plus difficilement. Si l'os remis tombe souuent, ou à raison d'humidité superflue, ou pource qu'estant coustumier de sortir, il s'a fait vn chemin aisé, il faut appliquer le cautere, comme cy-dessus \* a \* esté dict. Quand l'auanbras est deloué & non reduict, aux enfans dans le ventre de la mere, ou apres qu'ils sont nés, en leur bas aage, pendant qu'ils croissent encores, les muscles situés à l'entour de l'épaule ne perdent beaucoup de leur habitude naturelle, par ce que le bras n'est tant estropié, qu'il ne face quelque action: mais l'os de l'auanbras demeure court, & ne croist point. Les Grecs nomment ceux qui sont ainsi maleficiés, Galiangones. Si le mes-

\* Nos practiciens veulent qu'elle soit large de cinq doigts, longue de deux braccées, à deux chefs, & commencent le bendage par le milieu d'icelle, ieté sous l'aixelle.

\* chap. 42

me accident vient en l'os de la cuisse, toute la jambe s'amaigrit, & desèche. Car ne pouvant soustenir la charge du corps, elle n'est point exercée. Aux autres membres si les deloueurs ne sont remises, toutes les parties qui sont au dessous en sont offencées, & extenuées.

### Reduction




*Reduction de l'aunbras deloué  
au dessous.*



- A. Les doigts mis dessous l'aisselle, en la partie intérieure de la ioincte delouée.
- B. La teste mise contre la poitrine, à l'endroit de la ioincte de la forcelle & de l'épaulette.
- C. Le seruiteur qui tire le coude uers la poitrine.

*Reduction de l'avant bras par con-  
tournement.*



Imaginez que la teste de l'avant bras, qu'il appelle l'article de l'os large des espaulles, quād il est premierement remué, est menée de costé vers la partie anterieure, par la ligne C D, & de là en haut par la ligne D B, & apres qu'elle est mise en sa cavité, où il y a A: & si elle est ainsi menée, elle n'est pas tournoyée: mais si les angles D B, sont obtus & comme rompus, elle ne sera plus menée par trois lignes droictes, ains par vne courbe. Le haut du bras donc ainsi tournoyé, est amené au bord de sa cavité, auquel quand il est parvenu, retourne dans ladicte cavité en poussant vn peu dedans: & ce est commun à toutes parties qu'on remet en tournoyant.

*Reduction*




- A. Le Chirurgien prenant avec ses mains le bras mal disposé, & le tirant en bas, & en mettant le talon sous l'aisselle, poussant en la partie opposée.
- B. Quelqu'un seant de l'autre costé, tenant l'homme à l'endroit de la commissure de l'os de l'auanbras, avec l'os large des espaules.
- C. La courroye & bande molle de laquelle il embrasse la balotte mise sous l'aisselle.
- D. Vn autre qui estend les deux bouts de la courroye, & qui repousse avec le pied la partie où la forcelle est ioincte avec le bout de l'os del'auanbras.


*Reduction de l'avant bras en mettant  
le malade sur l'espaule  
d'un autre.*




*Reduction de l'auanbras par  
l'eschelle.*



*Redu*

*Reduction avec l'instrument  
dict à l'usage.*

*Reduction de l'auanbrás par colom-  
nes, & vn solineau  
trauersier.*



**Redu**

*Reduction du haut bras avec vn siege  
Theffalique.*




Redu



*Reduction dudit bras sur vne  
porte double.*



*Deux bras pour montrer où se doit cau-  
terizer l'aueanbras  
deloué.*



ANNOT.

## ANNOTATIONS.

En la ioincte de l'épaule sont six differences de situation, dessus dessous, deuant derriere, dedans dehors, uers lesquelles on pourroit imaginer se faire la delouure de l'auanbras. L'anatomie monstre qu'elle ne se peut faire en derriere, par ce que la cavitè du palleron qui recoit la teste de l'auanbras ne le permet: ny en dedans: par ce que l'interieure partie de la ioincte a par dessus le second muscle de l'auanbras, sur nommè Deltocide grand, & fort: tirant uers le col, a la creste du palleron, & l'acromion, tirant en dedàs, a l'apophyse ancyroide, qui la retienent. Restent quatre differences, dessus, dessous, deuant, dehors. Hippocrates dit l'auoir tant seulement ueuè faicte en bas. Auicenne conteste qu'elle se fait en dehors. Albucrasis escrit que l'auanbras deloué & abbaisé quelquefois retourne sa teste uers la poitrine, ainsi ie interprete son dire: autrement il seroit du tout contraire à Galien. Nul des mediciens Grecs ou Arabes ne dit que ceste delouure se face en la partie superieure: & de uray, il seroit mal aisé, par ce que la naturelle pesantcur de l'os le tire contrebas. Galien dit auoir ueu une fois en Smyrne, & quatre fois à Rome, ceste delouure faicte en l'antérieure partie: & que cela peut auenir en luiètant, quand on tire de trop grand effort, le bras de celuy contre lequel on luiète: ou par la faute des rabilleurs & operateurs, qui pretendans guerir une delouure faicte contrebas, tirèt le bras de si grande uiolence qu'ils le deplacent & transportent en deuant, ou estant receu par l'impetuositè & uiolence du mouuement entre l'espace des muscles situés là, il est retenu & empeché de tomber

en bas par leurs filets charnus, qui soudain se reioignent, ramassent, & reserrent à l'entour d'iceluy. Ainsi pouuons nous imaginer qu'il se deloue en dehors, & uers la poitrine. En la delouure faicte contre bas, l'os sortant de son lieu, ua du commencement en l'antérieure partie: puis descend en l'inférieure: & apres est reculé en la postérieure iouxte les côstes, par les muscles qui se retirent uers leur origine. Pour le reduire, il le faut mener tout au contraire, & premierement le tirer en l'antérieure: puis le haucer en la supérieure: & apres le pousser en la postérieure dans sa cavitè: ce qu'on fait ou en droicte ligne, qui est le meilleur: ou tournoyant la teste de l'os enuiron sa cavitè, qui est une maniere suspecte & dangereuse de rompre les bords circuissants icelle: & se nomme ceste seconde façon κατὰ περισφαλσιν, c'est à dire, en donnât le tour. Hippocrates sans le talon, le pilon, le degré d'echelle, & le bois à poulie, nous enseigne trois façons de remettre ceste delouure. La premiere est, approchant le bout du coude uers la poitrine d'une main, & ietant les nœus des doigts de l'autre sous l'aisselle. La seconde est, poussant du genoil la sommité du coude uers la poitrine, par embas & iouxte les côstes: ietant les nœus des doigts d'une main sous l'aisselle: pour separer des côstes la teste de l'os: de l'autre main poussant l'os en sa place: & appuyant ferme la teste contre le fest de l'épaule, à fin que tirant le bras en deuant, le corps ne suyue. Ces deux manieres se font en ligne droicte. Aucuns maistres ne poussent point du genoil le coude uers la poitrine, ains le font conduire à un seruiteur. La troisieme se fait en donnant le tour circulairement, &

comme

comme dit Hippocrates, κατὰ περισφαιδον. Le maistre sans ieter rien sous l'aixelle, d'une main pousse le bout du coude par embas, iouxte les côstes uers la poitrine, & soudain le contourne en haut, appuyant ferme l'autre main en la partie posterieure, qui est pres la ioincte de l'epaule, à fin que se presentant la teste de l'auanbras pour entrer en sa cavitè, le palleron ne recule point. Albucrasis au lieu de mettre les noës des doigts sous l'aixelle, ueut que le maistre y iette les deux pouces, & qu'un seruiteur souleue & estende le bras du patient : puis que soudain estans encor les pouces sous l'aixelle, il le laisse tomber. Par ce moyen l'os aisément retourne en son lieu. Nos praticiens enseignent cinq manieres de reduction. La premiere avec le poing, ou les dois, ou l'epaule, mis sous l'aixelle : qui conuient aux deloueurs faciles à reduire. La seconde avec la pelote poussée du talon, ou tirée contremont avec une nappe, pendant qu'un seruiteur tire le bras contre bas. La troisieme avec la pelote, ietant le bras sur une barre soustenue par deux uarlets. La quatrieme avec la pelote, ietant le bras sus un degré d'echelle. Le malade est assis, & comme il a passé le bras sus l'echelon, un seruiteur luy tient ferme : & lors soudain le maistre luy oste le sca-beau de deffous : & il demeure suspendu en uain sus l'echelon. Ceste inuention est de maistre Roger. La cinquieme est du pilon, que maistre Guy de Cauliac confesse n'auoir peu entendre. Estant le bras reduict, Albucrasis applique sus toutes les parties circonuoisines de l'epaule, un emplastre fait de folle farine, encens, & blanc d'œuf. Nos praticiens y appliquent un'estoupage trempé en blanc d'œuf, pour

les trois premiers iours : & en apres un emplastre fait de folle farine, & poudre restreictiue, ne remuans l'appareil que de neuf iours en neuf iours. Pour la plus part ceste reduction est assuree au vingtieme iour. L'os de l'auanbras (dit Celsus) quelque fois tombe en l'aixelle : quelque fois en l'antérieure partie. S'il tombe en l'aixelle, le coude se jette en dehors, & s'ecarte des côstes : d'auantage on ne le peut haucier avec l'auanbras, pour le mener à l'oreille de la partie malade; & le bras deloué est plus long que l'autre. S'il tombe en l'antérieure partie, le malade peut estendre la supérieure partie du bras, moins toutesfois que quand il est en son naturel; & est plus difficile d'auancer le braçal en deuant, que le retirer en derriere. Si l'auanbras est deloué & tombé en l'aixelle, & le corps est d'un enfant, ou autrement delicat, mol, & avec foiblesse des ligamens & tendons, il suffira commander à un seruiteur, qu'estant le malade assis en une chaire, il repousse doucement par derriere le col du passeron : à un autre qu'il estende & souleue le bras : & que le maistre des nœus des doigts pousse en deuant, vers le passeron, la teste de l'os arrestee en la posterieure partie sous l'aixelle, & de l'autre main conduise le bras vers la poitrine. Si le corps est grand, & robuste, les tendons & ligamens puissants, il est necessaire y employer \* une bille de bois, epaisse de deux doigts : si longue que de l'aixelle elle uoie iusques au doigts. Au bout y a une teste ronde, & doucement enfoncée, à fin qu'elle puisse recevoir & loger une portion de la teste de l'auanbras. En la bille on fait trois trous distans l'un de l'autre, & par dedans on passe des rubans doux : puis ayant couuert & en-

ueloupé

\* ainsi le tra-  
duis Spathom  
lineam. Hip-  
pocrates la  
nomme ἀμφο-  
ν.

deloupé la bille de linge, à fin que touchât le membre,  
 il ne soit bleffé, le long du bras on l'adresse en l'aixel-  
 le, de sorte que son bout soit au dessous du profond de  
 l'aixelle. En apres avec les rubans on l'attache au  
 bras : en premier lieu, quelque peu sous la teste de  
 l'auanbras : en second, un peu au dessus du coude, &  
 tiercement, sus la main : estant pour ce faire accom-  
 modee la distance qui est d'un trou à l'autre. Le bras  
 ainsi lié se iette sus le degré d'une échelle, semblable à  
 celle par laquelle montent les poulailles pour s'aller  
 iucher, & se iette si haut que le patient ne puisse tou-  
 cher terre des pieds. En ceste sorte d'une part le  
 bras est estendu, & de l'autre, le corps suspendu con-  
 tre bas : & ainsi le bout de la bille pousse la teste de  
 l'auanbras en son lieu, auquel il rentre quelque fois  
 sans bruit, & quelque fois en bruyant. Il est aisé de  
 sauoir, à qui lira les œuvres d'Hippocrates, qu'il y a  
 encores plusieurs autres manieres de remettre ceste  
 delouure : mais la dernière par experience est trou-  
 uée la meilleure. Si l'auanbras est deloué en l'ante-  
 rieure partie, il faut situer le patient à la reuerse : puis  
 luy ieter dessous l'aixelle le milieu d'une bende, ou  
 d'une longe, & bailler les deux bouts à un seruiteur  
 qui soit derriere la teste du patient : un autre serui-  
 teur luy tient le bras : on commande au premier de  
 tirer la longe : au second d'estendre le bras. En\* apres  
 l'operateur de la main gauche repousse la teste du pa-  
 tient : de la droite empogne le coude & l'auanbras,  
 & les souleuant reduit l'os en sa place, & qui plus  
 facilement se remet en son lieu, qu'en la delouure  
 \* susdicte. L'ayant reduict, on met de la laine sous  
 l'aixelle : si la delouure a esté en l'inférieure partie,

\* Galien en  
 Smyrne redui-  
 sant ceste de-  
 louure de me-  
 me façon, me-  
 toit quelque  
 chose sous l'ai-  
 xelle, pour  
 remplir sa ca-  
 uité.

\* car, comme  
 dit Galien,  
 quand par la  
 tension faicte  
 de la bende, &  
 l'attraction du  
 bras, la teste  
 de l'os est des-  
 enueloupee des  
 muscles qui la  
 serrent, en la-  
 chant, soudain  
 les muscles or-  
 donnés pour re-  
 mener l'auan-  
 bras, le redui-  
 sent en son  
 lieu.

pour arrester l'os : si ell'a esté en l'anterieure, pour faire plus commodement la ligature. La bende doit premierement estre mencee sous l'aixelle blessée, à fin qu'elle embrasse la teste de l'os : puis aller sous l'autre aixelle : & de là sus le palleron : & apres retourner à la teste de l'os reduict, continuant ainsi plusieurs reuolutions, iusques à ce qu'elle tienne bien ferme l'os remis. L'auanbras bende en ceste sorte est asseurement contenu. Il faut aussi l'approcher des côstes, & le lier d'une bende à la poitrine. Si la delouure est uers la poitrine, Albucasis repousse la teste de l'os en dehors : puis hausant & estendant le bras chasse l'os en sa place.

De la delouure du coude.

CHAP. CXV.

**D'**Autant que la ioincte & diarthrose du coude a plus grande diuersité que celle de l'epaule, d'autant la delouure d'icelle est plus facheuse, & l'os se deplace plus malaisément, & se reduit plus difficilement, par ce qu'il y a plusieurs eminences & cauités. Quelque fois la delouure est imparfaicte, & souuēt parfaicte, en toute figure & situation : mais le plus ordinairement en deuât, & en derriere. On cognoist aisément ceste delouure au voir, & au toucher. Car l'os déplacé se rencontre au lieu où il s'est ieté : & l'endroiect d'ou il est sorti apparoist enfoncé : & se remarque principalement en conserant le membre sain avec le blessé. Soudain, & deuant que l'inflammation y soit venue, il le faut reduire. Car si l'inflammation y est desia, la curation est tresdifficile, & quelquefois du tout



du tout impossible, principalement quand la delouure est faicte en derriere. Car entre toutes les delouures du coude ceste-là est la plus \* dangereuse & douloureuse. Si l'os est seulement quelque peu forissu de sa place, avec mediocre extension on le reduit. Deux seruiteurs tiennent le bras estendu, l'un par l'auanbras, l'autre par le braçal, & le tirent chacun vers soy en parties contraires: & le maistre avec la montagne qui est sous le ponce de la main, reachasse & reduit l'os deplacé en son lieu. Hippocrates reduit la delouure faicte en deuant, en pliant fort le bras, de sorte que le patient de la montagne qui est sous le ponce de la main, touche droict sus l'épaule du bras malade: & celle qui est faicte en derriere par vne grande & forte extension. Car là delouure du deuant se fait par vne violente extension du braçal: & la delouure du derriere par flexion semblablement violente. Si ceste delouure est ia faicte de long temps, il faut faire plus vehemente & grande extension. Telle est l'extension proposée d'Hippocrates en la fracture de l'auanbras, en laquelle il vse d'un baston rond, semblable \* à vn pilastre, ou manche d'une houë. Aucuns modernes la reduisent ainsi: Deux seruiteurs, comme a esté dict, estendent le bras: l'un le tient par dessus iouxte l'aixelle: l'autre par dessous au poignet. Le medecin estant debout vis à vis du patient, iette sus l'auãbras d'iceluy pres de là ioincte les montagnes qui sont sous les ponces de ses deux mains: puis se fait ieter des-

\* de fièvre,  
spasme, & vomissement de  
cholere pure.  
Hippocrates.

\* Ceste maniere est descrite cy-dessus au commencement du chap. 99.

sur les mains ainsi appliquees, & dessus le bras du malade vn linge plié, long, ou vne bende large, & commande à vn seruiteur de le tirer outre, & contrebas vers la main du patient: luy suit avec ses mains ainsi serrees & tirees, iusques à ce qu'il ait passé outre la ioincte du coude: & faut engraisser d'huile le bras du malade, à fin que le dedans des mains du medecin coulent & glissent mieux. En ceste maniere les os déplacés, comme on tire de force les mains du medecin contre bas, sont poussez & remis en leur lieu. Les ayant reduits, nous situons le bras en figure angulaire, & au reste vsons de compresses, & de ce qui cōcerne la ligature conuenable.

## A N N O T A T I O N S.

*C'est autre chose dire la delouëure faicte en deuant ou derriere, & faicte du deuant ou du derriere. Elle se fait en deuant, quand par une uiolente flexion du bras, l'apophyse posterieure du coude est deplacee: en derriere; quand par extension uiolente l'apophyse anterieure du coude est ietee hors de son lieu: & est ceste seconde plus dangereuse que la premiere, par ce que nous estant naturel de flechir plus le bras, que de l'estendre, elle se fait par plus uiolente force. Mais la delouëure du deuant, ou de l'anterieure apophyse, est celle qui se fait en derriere par extension immoderee: & la delouëure du derriere, ou de l'apophyse posterieure, est celle qui se fait en deuant par excessive flexion. Outre les signes proposez par nostre auteur,*  
de la

de la tumeur & cavit   apparentes, nos praticiens  
 aioustent, que d'un cost   ou d'autre il se voit une arcua-  
 tion & courbeure, avec difficult   de mouuement, &  
 impuissance de porter & hausser la main sus l'epaule.  
 Ils disent aussi, le rayon estre peu souuent delou  , par  
 ce qu'il ne fait pas grands & insignes mouuemens  
 comme le coude : mais que l'os du coude se deloue, par  
 ce que ses deux apophyses ne trauersent pas les caui-  
 t  s de l'auanbras qui les re  oyuent. Par quoy se fai-  
 sant plus grande flexion, que l   o   l'apophyse inte-  
 rieur   rencontre le fons de sa cavit  , l'apophyse po-  
 sterieur   se deplace : & se faisant plus grande exten-  
 sion que l   o   l'apophyse posterieur   touche le fons  
 de sa cavit  , l'apophyse anterieur   se deloue. Tous  
 s'accordent en la fa  on de reduire la delou  ure faicte  
 en deuant, que nostre auteur enseigne, qui est ou d'e-  
 tendre fort le bras : ou par la compression des deux  
 mains, liees d'une bende par dessus le bras, engrais    
 d'huile, repousser l'os en son lieu : aucuns aioustent  
 qu'on face leuer & porter au malade quelque chose  
 fort pesante,    fin que les muscles enuironnans la ioin-  
 t   s'estendent fort, & poussent l'os en son siege. Mais  
 outre la curation de la delou  ure faicte en derriere,  
 que nostre auteur expose, & qui est d'Hippocrates  
 au commencement du second liure des Delou  ures,  
 assauoir, de flechir soudainement & impetueusement  
 le bras sus quelque chose ronde, & dure, mise au pli  
 du coude, ils en declarent trois, l'une qu'ils nomment  
 l'Estrie ou Esquis : la seconde, avec le talon : la troi-  
 sieme avec le genoil. L'Estrie se fait ainsi : On lie &  
 nou   par le milieu une bende longue au dessus de l'em-

nence du coude : on lie apres les deux bouts ensemble, & par dessus le seruiteur qui tirera l'auanbras, passe le pied, comme dans un estrie. Vn seruiteur pour faire contr'extension, tire le braçal contre bas; un autre tire en derriere la bende liee au dessus du coude, tenant le pied ferme dans l'estrie : & le maistre soudainement & abillement empoigne le braçal & le plie uers l'epaule. Pour le reduire avec le talon, ou le genoil, on estend le bras sus quelque chose plaine : & apres l'auoir faict etirer par deux seruiteurs, le maistre pousse du talon ou du genoil l'os deplacé qui est eminent, & ensemble plie le braçal uers l'epaule. Aucuns operateurs reduisent ceste delouure, estendans le braçal à l'entour d'un posteau rond, & le tirans de force, qui est une maniere prompte, & facile. Hippocrates ueut que apres la reduction de l'une & l'autre delouure, pour adoucir & assouplir les ligaments, on remue le braçal, en figure prone, & supine. Nos praticiens commandent qu'on l'estende, & flechisse, & qu'on souleue & porte quelque chose pesante. La figuration, le cerat, la ligature, la collocation ou suspension du membre bende, est telle qu'en la delouure de l'auanbras. Noz praticiens en la delouure faicte en derriere, serrent petit à petit le bras iusques là, que la main du patient touche son epaule : la remuet de quatre iours en quatre iours, flechissās & estedās la iointe à chaque fois, & tiennent la reduction assuree en quinze iours. Ayant reduit l'os, Albucasis applique dessus un emplastre faict de choses adstringentes, incorporees avec blanc d'œuf : & si apres le terme prefix pour assurer la reduction, le mouuement du mebre n'est bien restitué, il fait

il fait baigner le patient, use de frictions, principalement quand il sue dans le baing, applique dessus du suif de mouton, ou un cataplasme faict de fiente de uache, avec du beurre, usant alternatiuement de ces remedes, du baing, & de la friction, iusques à ce que le membre soit retourné en sa naturelle disposition. On peut entendre (dit Celsus) de ce qui est traité au commencement de ce liure, qu'en la ioincte du coude s'assemblent trois os: assauoir l'os du coude, le rayon, & l'auanbras. Si l'os du coude qui est accolé avec l'auanbras se deloue, le rayon qui est ioinct à l'os du coude, quelque fois est distraict & separé de luy: quelque fois demeure en sa premiere situation. L'os du coude se peut delouer en toutes les quatre \* parties. Mais s'il est deloué en la posterieure partie, le bras est estendu, & ne se flechit point: si en l'anterieure, le bras est flechi, ne se peut estendre, est plus court que l'autre, quelque fois donne fieure, & prouoque à vomir. Si la delouure est petite, & le bras estendu en dedans ou dehors, mais peu forietté & courbé uers la partie, en laquelle se tourne l'os déplacé, auenant ainsi, on le reduit de meme sorte, que si la delouure est grande & parfaite: & se pratique la maniere, non seulement au coude, mais en tous membres longs, qui s'assemblent en une ioincte avec longs os. La maniere est, tirer l'un & l'autre membre en diuerses parts, iusques à ce que l'interualle d'entre les os soit libre, & spatieux: puis repousser l'os déplacé de la partie, en laquelle il est transporté uers la partie contraire. Les façons d'estendre sont diuerses, selon que les tendons & ligamens sont puissans, & les os sont transportés de leur lieu, en çà, ou en là. Quelque fois on s'aide

\*anterieure,  
posterieure: in-  
ferieure, superieure.

s'aide seulement des mains, quelque fois on y employe d'autres choses. Donc si l'os du coude est deloué en l'antérieure partie, il suffit de l'estendre avec les deux mains, & quelquefois avec des bandes, ou longes attachees: puis mettre quelque chose ronde sus la suture du bras, & soudain pousser sus la chose ronde le bras vers l'épaule. Aux autres delouures, il est bon d'estendre le bras, comme nous auons dit en la fracture de l'avant bras, puis remettre les os en leur lieu. Le reste de la curation est semblable à celle qu'on suyt en toutes delouures, excepté qu'en ce membre on remue plustost & plus souvent la ligature: & qu'on le foment d'avantage avec d'eau chaude: & qu'on le frote plus longuement avec d'huile, du sel, & du nitre. Car soit que l'os du coude demeure hors de sa place, ou soit retourné en son lieu, la callosité s'engendre plustost à l'entour, qu'en nulle autre iointe: & si la callosité, pour auoir \* tenu le membre en repos, est creuë plus que de raison, elle empêche la flexion du bras. Hippocrates sus la fin du troisieme liure des Fractures dit, les signes de la separation du rayon, & de l'os du coude, estre, qu'on ne peut commodement estendre ny flechir le bras: & que maniant l'endroit où est la veine mediane, on sent & apperceoit la separation: d'avantage que ceste delouure, si ainsi on la doit nommer, est incurable, comme toute autre distraction des os ioints par symphysis, & union: & que le lieu où est faite la disjonction, devient gros, & tumide, ce que l'experience m'a monstré estre veritable en cinq, ou six, & principalement en un Theode, orfèvre & laveur, qui eut ces os separés par un grand coup de pierre, en se deffendant contre

\* sans le debenter, foment, & frotter.

tre quatre brigands, qui le uouloyent assassiner.

De la delouure du poignet & des os de la main.

CHAP. CXVI.

**L**A delouure du poignet & des doigts de la main, n'est pas difficile à reduire, si elle n'est aueques playe. Mais nous parlerons cy apres d'icelle, en traictât des fractures aueques playe. Celle qui est sans playe se reduit auec mediocre extension, & l'usage des remedes qui obuient à l'inflammation.

ANNOTATIONS.

Le poignet souuent est deloué, & plus facilement reduict, que plusieurs autres ioimctes, pourueu que soudain on le remette, deuant qu'il y suruienne inflammation. Car si ia ell'y est suruenue, il faut appliquer dessus, un emplastre conuenable pour la curer, & n'essayer point de le reduire. Vray est, que la ioimcte demeure tortue, mais le patient le souffre sans grand ennuy, fors que la main en est debilitée à raison de la quassure, ou incision des nerfs, ou tendons, de sorte qu'elle ne peut serrer aucune chose: & ceste disposition est incurable. Aucuns appliquent un caustere pres de la delouure, à fin de consommer l'humidité superflue, qui, comme ils cuident, ramollit & affoiblit les nerfs, mais ce remede ne sert de rien, ou de bien peu. La maniere de reduire le poignet est: On l'estend auec la main sus une table; s'il est deloué en dehors, le dedans de la main touche la table; s'il est deloué en dedans, on couche la main sus la table à la renuerse, à fin que le restaurateur tousiours rencontre ce qui est déplacé: & lors le maistre iette sa main  
ou le

ou le talon, comme dit Hippocrates, sus l'os eminent, & le reduire en sa place. Estant reduict, on applique dessus un emplastre adstringent : remuant l'appareil de cinq iours en cinq iours : puis les astelles de bois, ou de cuir, longues iusques aux doigts. Comme la reduction sera ferme, & asseuree, il faut exercer & travailler la main, pour decroir les nerfs, ligaments, & tendons : & si le mouuement est empeché ou difficile, pour adoucir la iointe, on use de fomentation, & friction, comme n'agueres auons dit. Les doigts se delouent en toute part, & principalement uers le dessus ou dessous de la main. Pour les reduire, quand ils sont deloués en la superieure partie de la main, premierement on les estend : puis avec les pouces on rechasse l'os deplacé en son lieu. En apres on met le bout du doigt en echarpe faicte d'une petite bende & le tient on suspendu par un ruban mis pres de la iointe, de sorte qu'on face baisser l'os en la partie opposite de celle uers laquelle il s'est forieté. Le troisieme iour on debende, & si besoing est, on estend & redresse encores le doigt, à fin qu'il soit bien en sa figure urayement naturelle, puis on le suspend comm'a esté dict : le tenant lié de nuit, de iour le deliant, & travaillant, iusques à ce que la restitution soit ferme, & asseuree : on y procede semblablement, quand il est deloué uers le dessus de la main, ou en autre part. La main (dit Celsus) se deloue en quatre \* parts. Si elle est delouée en la posterieure partie, on ne peut estendre les doigts. Si en l'anterieure on ne les peut flechir : si en l'un ou l'autre des costés, la main est contraincte au contraire, sauoir est, ou uers le ponce, ou uers le petit doigt. Elle est reduicte, & non par trop difficile

\* mais plus souvent en dedans vers la paume. Hippocrates.



difficilement. Sur un lieu dur, & qui resiste, d'une part on estend la main, de l'autre le braçal, de façon qu'elle soit tournée en dedans, si l'os est deloué en dehors: & tournée en dehors, si l'os est foriection en dedans: & sur le \* costé, s'il est déplacé en l'intérieure ou extérieure partie. Quand les tendons & opposé. ligaments sont assez tirez, & ecartez en tirant, si la main est delouée vers l'un des costés, il la faut repousser en la partie contraire, & aussi le braçal. Si elle est déplacée en la supérieure ou inférieure partie, on met dessus quelque chose \* dure, qu'avec la main on presse sur l'os éminent: & par ceste industrie on \* molle. Hippocrates. augmente la force de la main, qui plus facilement recherche l'os en son lieu. Les os du rasteau de la main quelque fois sont aussi deloués, tantost au dedans de la main, tantost au dehors. Ils ne se delouent point de costé, par ce que leurs voisins & compagnons qui leur sont opposez, les \* en empêchent. Le signe seul qui \* Ceste raison manifeste leur eiection, est commun à toutes delouées seroit probable aux os du rasteau qui soustiennent l'indice, le mitoyen, & l'annulairez main non en ceux qui portent le pouce, & le petit.

retourne en son lieu. La delouée des doigts se fait vers autant de parts, qu'en la main, & avec tels signes. Pour les estendre il n'est besoin de si grande force qu'en la main, par ce que les iointes sont plus courtes, laches, & superficielles, & leurs ligaments & tendons plus foibles. Seulement il les faut estendre sur une table, s'ils sont deloués en la supérieure ou inférieure partie de la main, & avec la paume les repousser en leur lieu: mais s'ils sont deloués de costé, on les réduit avec les doigts. Hippocrates outre ces delouées

deloueurs fait mention de deux accidens, ou ignorés, ou non escrits de nos praticiens. L'un quand l'epiphyse du rayon qui soustient les huit os du poignet, se deloue: l'autre quand pres du poignet, l'un des os du braçal se separe de l'autre. Comme il est auenu à madame de Monioli, par la morseure d'un cheual, qui l'empogna pres du poignet, & luy separa tellement l'os du coude d'auec le rayon, que l'epiphyse styloide de l'os du coude estoit au milieu de la superieure partie du braçal. En ce dernier il commande qu'on face grande & forte extension: puis qu'on repousse l'os eminent, & separé, uers son compagnon, & que de la main ou du talon, on pousse l'autre os qui a demeuré ferme, & n'est point eminent, à costé, & uers la posterieure partie: combien qu'au parauant il eust

\* sur la fin du  
3. liure des  
Fract.

\* dict, parlant de la disjonction du rayon & de l'os du coude, faite au pli du bras, les unions des os, qu'il nomme *συμφύσεις*, separées, estre incurables. La delouure de l'epiphyse du rayon qui porte le poignet se guerit comme la delouure du poignet mesme.

De la delouure des rouelles en l'espine du dos.

CHAP. CXVII.

SI les rouelles de l'espine sont parfaitement delouees, elles font à l'instant mesme mourir le patient, par ce que la mouelle de l'espine ne souffre, tant soit peu, d'estre foulée, & pressée, & non seulement elle n'endure ceste lésion, ains vne seule production des nerfs qui ont leur origine d'icelle, estant foulée, seroit suffisante pour mettre en danger le malade. Mais les rouelles souuent se foriettent par delouure imparfaite: quelque fois en l'antérieure partie, ce que les

Grecs

Grecs nomment Lordosis, & nous Enfonceure: quelque fois en la postérieure, ce qu'ils nomment Cyphosis, & nous Bosse: & quelque fois de costé, ce qu'ils appellent Scoliosis, & nous Entorceure. Quand plusieurs rouelles ensemble sont quelque peu sorties hors de leur lieu, ce déplacement de plusieurs ensemble se voit estre faict en flexion ronde, & circulaire: & s'abusent aucuns, pensans qu'il se face par deloueu re grande d'une rouelle seulement. Car vne si grande & insigne deloueu re d'une seule rouelle feroit la flexion de l'espine non circulaire, mais angulaire, qui apporteroit extreme danger de la vie. Il n'est possible de reduire la deloueu re des rouelles faicte en dedans, par ce qu'on ne peut au deuant du ventre, opposer aucune chose qui repousse l'os en son lieu. Hippocrates reprend suffisamment ceux qui ont cuidé auancer & profiter quelque chose, en estendant les patients sus vne echelle: ou appliquant des ventouses: ou prouoquant à toulsir, & esternuer: ou donnant les choses qui engendrent ventosité. Quelque fois il auient qu'aucun petit os de la creste des rouelles est brisé, à raison de quoy le lieu se monstre caue, & enfoncé, comme a esté dict en traitant des fractures, & aucuns estimét ceste affection estre la deloueu re cy-dessus nommee Lordosis. Or voyans que telle affection est soudain guérie, par ce que l'os de la creste des rouelles est \* tost resoudé & reioinct par sa callosité, ils cudent & afferment la deloueu re faicte en dedans estre facile à guérir, qui est ou du

\* comme estât  
mince, rare, &  
spongieux.

tout incurable, ou tresdifficile à curer. Les ma-  
 lades ne peuuent vriner, ni aller à leurs affaires  
 du commencement. Le \* corps leur deuient  
 tout froid : en apres il se vuident, & pissent in-  
 uolontairement, & sans le sentir. Ces accidents  
 auient par le consentement des nerfs & des  
 muscles : & incontinent le patient meurt : &  
 principalement si les rouelles \* superieures du  
 col sont delouees. Hippocrates dit, la deloueu-  
 re faicte en derriere, & cy-dessus nommee Cy-  
 phosis, principalement quand elle vient à vn  
 ieune enfant, durer long temps, & ne tuer sou-  
 dainement, mais causer diuerfes maladies, &  
 estre incurable. Si ceste deloueuere est recente,  
 faicte d'vne cheute, c'est moquerie de la vou-  
 loir reduire par l'echelle, en pendant droict le  
 malade, ou luy metant sous le dos vn'oudre plei-  
 ne de vent. La reduction enseignee & declaree  
 par Hippocrates est suffisante pour cela. Il faut  
 (dit il) poser aupres d'vne muraille vn \* bois si  
 long & large qu'il recoyue le malade ; ou vn  
 blanc de pareille grandeur que le patient, qui  
 soit estendu en long iuxte la muraille, en di-  
 stance d'vn pied, & non plus, & ieter par dessus  
 des robes ou linges, à fin de ne quasser le corps  
 du malade : lequel, apres l'auoir faict baigner le  
 iour precedent, on estend à bouchons sus le bœc  
 ou bois susdict : en apres on luy passe sus la poi-  
 trine, & dessous les aixelles, par deux fois vne  
 longe qui l'attache à l'endroit du dos : & d'i-  
 celle longe on lie les deux bouts à vn bois long,  
 & droict semblable à vn posteau, qui sera plan-  
 té en

\* les cuisses, les  
 iambes, & les  
 pieds. Hippo-  
 crates.

\* par ce qu'il  
 ne peut plus  
 respirer.

\* vne table de  
 bois.

Hippocrates  
 de morbo  
 crur. lib. 1.


ré en terre, au bout du banc ou bois susdict, qui est sous le malade. D'auantage on commande à vn seruiteur qui est debout, en la superieure partie du banc, au dessus & au derrier de la teste du patient, qu'il tienne ferme la longe & le posteau, à fin qu'estant l'inferieure partie du banc contr'appuyee, & la superieure tiree contremont, par dessus la teste du malade, quand il sera besoing, & l'occasion le commandera, on face l'extension comme il appartient. D'une autre longe on attache les pieds ensemble au dessus des chevilles: d'une troisieme on attache la partie qui est au dessus des flancs, de sorte que le nou de ceste troisieme longe se face dessus les reins: & de ces deux dernieres longues on joint les bours, pour les attacher à vn autre bois, semblable à vn posteau, comme le susdict, qui soit planté, comme le premier, au bout du banc ou bois estendu, qui est aux pieds du malade. Ce faict, nous commandons aux seruiteurs que par le moyen des postaux ils fassent la contr'extension. Aucuns se seruent à cela de petits aixeuls, nommés d'Hippocrates *ὀνίστροι*, lesquels on tourne sus des bois droicts plantés en l'un & l'autre bout du banc ou grand bois, qui soustient le malade, à l'endroit de la teste & des pieds d'iceluy: & à l'entour d'iceux on entortille & tourne les longues. Se faisant ainsi la contr'extension, le medecin avec la paume des mains foule & presse la bosse: & si besoing est, & il ne doute que de cela procede quelque inconuenient, il \* s'assiet dessus. Si par ce moyen l'espine ne se redresse

Genetrix  
 Amantemque  
 Et apparet clausis  
 Effigies, comas  
 Vndeque mittitur  
 Oppellus, et  
 Sic de pulchra  
 Gravibus lentius  
 Sed quidam est  
 • Epiphora.


point, & le malade peut endurer d'estre pressé, il faut vis auis de la bosse faire dans la prochaine muraille vn trou semblable à vn canal, de la longueur d'une coudee, qui ne soit ny plus haut, ny de beaucoup plus bas que l'espine du malade: & sera meilleur de tenir expressément ce trou tout prest: car pour ceste raison du commencement auons nous commandé que le banc fust pres de la muraille. Ces choses ainsi ordonnées, on met le bout d'un ais accommodé pour cela dans le trou, en pressant & foulant l'autre bout contrebas, iusques à ce que manifestement l'espine se redresse. Hippocrates \* dit la distension seule sans presser de l'ais, & semblablement la curation seule faicte avecques l'ais, estre suffisante pour venir à bout du redressement qu'on pretend. S'il est ainsi, il ne fera impertinēt en l'enfonceure dictē Lordosis, & l'entorceure dictē Scoliosis, du commencement faire la distension susdictē sans presser l'os. Ayant reduit & remis ceste delouēure, on acoustre vn feuillet de bois, large de trois doigts, & si long qu'avec la bosse il cōprenne quelques vnes des rouelles saines, on le couure & fourre de bēdes de lin, ou d'estoupes, à fin que la durtē ne quassē & blessē: puis on l'applique sus les rouelles avec ligature cōvenable: cōtenant le malade en grāde abstinence & sobriété de regime. Apres ces choses s'il demeure encorēs quelque reste de la bosse, on vse par long temps de la curatiō, qui cōsiste en remedes laxatifs & remollitifs, en appliquant & foulant dessus le feuillet de bois. Aucuns vsent d'une chappe ou feuille de plomb.

\* Hippocrates disant cela, parle seulement de la bosse, ou cyphosis, & non des autres especes, comme il appert clairement par son texte.

*Extension de l'espine sur l'échelle, l'homme  
ayant la teste  
en bas.*



- A. L'échelle avec des coussinets de cuir.
- B. Vne haute tour.
- C. Le lieu sus lequel l'homme doit estre branlé.
- D. La poulie.



- A. La colonne quarrée de la hauteur d'un empan,  
couverte de draps.
- B. Les pilons à la teste & aux pieds.
- C. Les las environnans la poitrine.
- D. Le las sus le genoil & les chevilles du pié.
- E. La courroye liée bien fort aux cuisses.
- F. La muraille cauee.
- G. Vn ais de tillier mis sus l'espine à l'endroit de la gibosité.



## ANNOTATIONS.

En l'espine du dos se font quatre manieres d'affections qui concernent la uitieuse situation des rouelles : assavoir bosse ou uouteure, en Grec κύρῳσις, ou κύρτωσις : enfonceure, en Grec λόρδῳσις : entorceure, en Grec σκολίῳσις : ebranlement, ou concussion, en Grec σείσις ὕβῳσις ; ou ὕβῳσις est uocable general à signifier toutes ces especes. La concussion, qui est un ebranlement si grand de toutes les rouelles, que leur assèblage est separé, & que l'une est distraicte de l'autre, & la mouelle quassée, ne se peut faire que par externe uiolence excessiue, de cheute, ou de coup, & tue soudainement. Les autres trois especes se font par causes externes, & internes. Les externes sont cheute, principalement sus les epaules, & sus les hanches, & coup. Les internes ne sont recitees autres de Galien au commentaire du 3. liure des Delouueures, & de l'aphor. 46. liure 6. que tumeurs froides engendrees aux ligaments des rouelles : mais nos praticiens aioustent d'auantage une uentosité qui estend les ligaments : ou une humidité superflue qui les relaxe, & mollifie : ou une par trop uehementie toux qui les esforce : ou une immoderee siccité qui les retire, comme il se uoit aucune fois aux hectiques : & Hippocrates une uehementie inflammation, comme Galien l'expose aph. 26. liure 3. La maniere comme les tumeurs froides font l'enfonceure & bosse, est, que quand elles quiennēt en l'interieure partie d'une ou plusieurs rouelles suyuantment, & sans intermission, comme elles croissent, & s'aggrandissent, elles tirent uers soy, & en dedans, les ligaments des rouelles qu'elles occupēt, pour quoy necessairement auient que les rouelles suy-

uent leurs ligaments, & ainsi l'espine s'enfonce circulairement. Mais si les tumeurs froides occupent l'interieure partie de quelques rouelles dessus, & de quelques unes dessous, demeurant une rouelle au milieu d'icelles entiere, & saine, ou bien deux ou trois, les rouelles occupees de la tumeur se déplacent en dedans circulairement, & doucement, & la saine ou les saines demeurent fermes en leur lieu, & ainsi se fait la bosse, ou uouteure, comme nous voyons se courber une houssine uerde, quand on la plie, & flechit par ses deux bouts. Par meme cause se fait l'entorceure, quand une tumeur froide, dure, & crue, occupe les costés & parties obliques de l'espine. Les tumeurs froides, selon qu'elles sont grandes ou petites, & plus ou moins dures, sont les deloueurs susdictes moindres ou plus grandes, & causent diuers accidents, plus ou moins facheux. Si les tumeurs froides uiennent aux rouelles de la poitrine, au dessus du Diaphragme, nature ne les guerit iamais, ny par uarices, ny par flux de uentre: par ce que la matiere d'icelles qui est grosse & gluense, ne peut estre transportee dans les uaisseaux epandus & distribués en la poitrine, qui sont estroicts & petits: & quand bien il en seroit transporté quelque peu, ne sauroit estre commodemēt euacuee. Neantmoins aucune fois quelques tumeurs qui sont moins dures, & froides, reiettent quelque peu de leur humidité dans les arteres respiratoires, & prouoquent la toux: & quand avec le temps elles suppurent, tuent, & suffoquent le malade. Si pour ceste occasion en l'age d'enfance l'espine se fait uotee, les costés ne croissent point en large, mais en deuant: la poitrine perd sa largeur conuenable, & s'aguise en pointe: les pa-

tiens deuiennent asthmatiques, & ranquotent, par ce que la gorge & l'artere respiratoire sont trop à l'estroict : les malades sont contraincts, pour plus librement auoir leur aëine, tenir le col flechi en derriere, ce qui leur fait monstrier la gorge emïnente en deuant : & sont suiets à tumeurs froides du poulmon, & ne uiuent pas longuement. Si les tumeurs se font en l'interieure partie des rouelles, des lumbes, & en ieune aage, quelquefois elles se guerissent par uarices des iambes, du iarret, & de l'eime, estant la matiere d'icel le transportee dans la grande ueine caue, qui est couchée sus les reins, & dilatant les ueines dans lesquelles ell'est arrestee. Or si elle est fort grosse, elle s'arreste aux ueines de l'eime : si ell'est mediocrement grosse, elle flue iusques aux ueines du iarret : & si ell'est encores moins grosse, elle descend iusques aux ueines de la iambe. Quelque fois aussi ces tumeurs se finissent par un long flux dysenterique, quand elles suppurēt, & la matiere suppuree passe dans les boyaux, & les racle. Les patiens sont suiets à maladies de rognons & de uescie, & à des absces longs & difficiles à guerir, qui suppurent aux flancs, & aux eimes : par consentemēt & communication de ces parties avec les malades : comme il auient souuent aux parties qui sont de mesme nature & substance : ou qui sont prochaines : ou qui sont allies ensemble par le moyen des nerfs, ueines, & arteres. Les iambes deuiennent plus grelles : la barbe & le poil du penil leur sort plus tard, & moins : ils sont moins fertiles en lignee, que si le vice estoit en la poëtrine, mais l'espine du dos ne se raccourcit pas tant. Hippocrates sommairement reduit les causes de ces delouneurs, à quatre :

sauoir est, la nature, ou de tout le corps, ou d'aucunes parties, qui enuoyent leurs superfluités, aux rouelles de l'espine, & à leurs ligaments: ou la nature mesme des rouelles & ligaments, qui accumulent une telle humeur. L'usage & coustume de pancher en deuant, ou se courber en derriere, ou s'entorcer de costé. La uieillesse, principalement en un grand corps, comme Galien note au commentaire du dernier aphor. liure 2. La douleur qui fait attraction des superfluités en la partie douloureuse. La delouure des rouelles du col donne grand empeschement à passer la viande & le boire. Hippocrates liure 2. des Epidemies parle d'une squinance, causée par enfonceure faicte sous la seconde rouelle du col, assauoir de la troisieme. Ses paroles sont: Les maladies de squinance estoient de ceste façon, Les rouelles du col se deplassoient en dedās: aux autres plus, aux autres moins. En l'exterieure partie du col, on uoyoyt une cavitē manifeste. Quand en cest endroit la on touchoit le malade, il sentoit douleur. La squinance uint à un quidam par delouure faicte au dessous de la seconde rouelle, qu'on nōme la Dent: mais ce mal ne fut pas si \* agu, & uiolent. En aucuns on uoyoyt manifestement n'estre le mal si uiolent, par ce que le dedans de la \* bouche n'estoit en son contour empesché d'inflammation, & le destroit de la gorge estoit mol & laxé, & non inflammé. Les parties qui sont au dessous de la machoire, estoient tumides, mais non pas comme quand il y a inflammation. Les \* eimes n'estoyent point tumides, ains en leur naturelle disposition. La langue se tournoit à peine: & leur sembloit estre plus grande, & ieter en dehors. Les ueines sous la langue estoient apparentes:

\* comme en l'enfonceure de la premiere & seconde rouelle.

\* Fuchsius tourne ce passage autrement.

\* Fuchsius traduit les glā des de la bouche.

ou du tout ils ne pouuoient rien aualler, ou malaisément: & se contraignant trop, ce qu'ils auoyent en la bouche sortoit par le nés: ils parloyent du nés: leur respiration n'estoit point trop petite. &c. Galien liure 4. de Locis affectis recite & declare ce passage tout entier. Hippocrates aph. 26. liure 3. dit les enfans auant que les dents sortēt, estre suiets à la delouure des rouelles en dedans, faicte par grande inflammation. Quand les rouelles du col s'enfoncent angulairement, & principalement la seconde & premiere, toutes les parties situees au dessous perdent le sentiment & mouuement: mais si elles s'enfoncent circulairement, le mouuement & sentiment des parties inferieures est peu, ou rien interesse. Si elles s'entorcent obliquement, du costé de la delouure se fait paralytie aux parties qui reçoient la faculté de leur mouuement & sentimēt par le rameau du nerf foulé, & au costé opposite se fait conuulsion: & viennent plus ces accidens en l'entorceure des rouelles du col: moins si l'entorceure est aux rouelles de la poitrine: & encores moins si elle est aux rouelles des reins, par ce que le pertuis d'ou sort le nerf, est egalement greué en la rouelle superieure & inferieure contigues du col: en la poitrine il est plus greué en la superieure, & moins en l'inferieure: aux reins il est tout greué en la superieure, & rien en l'inferieure: & ainsi aux reins la rouelle entorcee empere du tout le nerf, le preseruant d'estre greué, en la poitrine, moins: au col, rien. Hippocrates enseigne, comme on attachoit droicts sus une echelle iouxte les cheuilles, par dessus & dessous les genoux, à l'entour des cuisses, des flancs, de la poitrine, & du col, & sus le front, ceux qui estoient

estoyent bossus : puis montant l'echelle en haut, avec un cable, & une poulie, on la laissoit tomber à plomb, sus le paue dur & ferme, à fin que par ceste maniere d'astrapade, & d'ebroulement, les rouelles qui sont la uouteure, fussent repoussees en leur lieu. Quant à l'ordre, la façon estoit telle, On couchoit le malade sus le dit bœc à la reuerse, avec la ligature, posteaux, & longes susdictes, mais on luy metoit dessous la bosse une oudre de cuir uuide, semblable aux borraches desquel les les Espagnols se seruent en lieu de flacons : ou aux oudres dans lesquelles on porte le vin par les montagnes de Forés & de Velay, que vulgairement ils nomment Oires : par une syringue on enflait l'oudre, pendant que les seruiteurs faisoient la contr'extension : & la tumeur de l'oudre enflée rechassoit les rouelles eminentes en leur lieu. Hippocrates donne les raisons pour lesquelles ces inuention estoient incertaines, fallacieuses, & plustost pour ostentation, & parade, que pour aucun effect, lesquelles il n'est besoing d'amener icy. Seulement diray-ie, quelques uns blamer les inuentions d'Hippocrates même, par ce que si en la uouteure, comme a esté dict, aucunes rouelles dessus celle qui se monstre eminente, & aucunes dessous, sont tirees en dedans, hors de leur assiete naturelle, & celle qui apparroit eminente, demeure ferme en son lieu, il faudroit retirer en dehors celles qui sont deplacees en dedans, & non pas chasser de son lieu celle qui est demeuree, ce qu'on fait par les grandes compressions inuentees, & approuuees d'Hippocrates : & si on dit que la contr'extension du corps, & de l'espine, fait retourner en dehors celles qui sont auancees en dedans, ils disent que par mesme contre-

extension

extēſion l'enſonſcure ſeroit curable, & ſe reduiroit, laquelle toutesſois Hippocrates dit ne pouuoir eſtre guerrie. Je laiſſeray debatre & examiner ces conteſtations aux doctes & ingenieux medecins. Nos praticiens ſuyuent tous la curation d'Hippocrates. Maiſtre Iames perſonnage ueritablement ſingulier, & fort exerce en la chirurgie, pour reduire la deloueu-  
 re des rouelles du col, met un coing entre les dents du patient : les pieds ſus les epaules d'iceluy, l'empogne par les cheueux, ou par le menton, tirant la teſte contre-  
 mont, pouſſant les epaules contrebas, commandant à un ſeruiteur que ce pendant il preſſe l'eminnence qui apparoit. Aucuns trouueroient meilleur tirer la teſte cōtre-  
 mont avec une bende attachee ſous le menton. Ceste induſtrie de maiſtre Iames ſeruiroit à ceux qui eſtans menez au gibet, & ietés de l'eſchelle embas, n'eſtans encores eſtranglez, echappent, par ce que la corde rompt, ou par quelque autre auenture, comme de noſtre temps il eſt auenu quelque fois. Albucraſis ſagement nous auſe que aucune fois il s'engendre quel-  
 que tumeur froide entre les creſtes des rouelles, ou des ſus icelles, qui donnant apparence de uouteure, trom-  
 peroit un medecin indiſcret. Nos praticiens remueēt l'appareil de ceſte reduction de cinq iours en cinq iours, & la tiennent aſſeuree en douze iours. En la uouteure faiſte par humidité qui relaxe les ligamens, ils louēt fort les embrochations, oignemens, & empla-  
 ſtres compoſez de ſabine, alume, ſtoechas, enula, pyre-  
 thrum, caſia, mariolaine, cardamome, noix de cypres, caſto-  
 ream, euphorbium, ammoniac, rue, ſiſymbrium, ſpica, acorym, ſtyrax, bdellium, les incorporant avec cire, poix, reſine, pour leur donner conſiſtence. dem-  
 al 501  
 plaſtre

\* Il appelle ainsi les propagations des nerfs, qui sortent deux à deux par les costes de chaque rouelle.

plastre. Les memes accidents (dit Celsus) uiennent en la delouure des rouelles de l'espine, qu'en la delouure de la teste. Car elle ne se peut faire, que la rouelle qui est au milieu, & les deux \* petites membranes qui sortent par les deux apophyses situees au costé de chaque rouelle, & les ligaments qui les tiennent ioinctes ne soyent rompus. Elles se delouent en l'anterieur & posterieur partie: au dessus & dessous du diaphragme. Si elles sont delouees en dedans, ou dehors, au derriere il se fait ou une tumeur, ou une cauite. Si au dessus du diaphragme, les bras tombent en paralysie: les nerfs en conuulsion: le patient uomit: mal aisement a son aleine: sent grande douleur: a l'oye dure. Si au dessous du diaphragme, les cuisses tombent en paralysie: l'urine est retenuë: & auuefois sort inuoluntairement. Par cest accident les patients ne meurent pas si tost, que quand la teste est delouue: neantmoins ils sont depechez en trois iours. Car ce qu'Hippocrates dit, estant la rouelle forictee en derriere, qu'il faut coucher le patient à bon hon, & l'estendre, puis que quelqu'un monte sus la fosse, & la pousse du talon en dedans, se doit entendre quand les rouelles sont seulement quelque peu deplacées, & non quand elles sont du tout delogées. Car auuefois il auient par la foiblesse des ligamens, iugoit que la rouelle ne soit du tout iettée hors de son lieu, que toutes fois elle s'auance un peu en l'interieur partie. Cest accident ne suffoque point le malade: mais si la delouure est en dedans, elle ne se peut reduire, n'estoit que la force & uertu des ligamens leur fust restituee, ce que rarement auient: si elle est en dehors, en la poussant, souuent elle se retourne, & reduit.



De la delouure faicte en la hanche.

CHAP. CXVIII. De la delouure faicte en la hanche.

**L**es autres os de nostre corps aucunefois s'ont  
parfaictement deloués : & aucunefois im-  
parfaictement : mais la jointe & diarthrose de  
la hanche & de l'épaule, ne peuuent estre depla-  
cees que par delouure parfaicte : & plus celle  
de la hanche : par ce qu'elle a vne cauité profon-  
de, & ronde, & est entournee de bors fort ele-  
ués. Or si l'os de la cuisse par quelque rude &  
impetueuse violence est ieté hors de sa propre  
cauité, selon qu'il en est sorti plus ou moins, il y  
a plusieurs differences de ceste delouure. La  
jointe de la hanche se deloue en quatre façons,  
ou plustost en quatre lieux : en dedans, en de-  
hors : en deuant, en derriere. En dedans & de-  
hors, souuent : & beaucoup plus souuent en de-  
dans. En deuant & derriere, rarement. Quand  
elle se fait en dedans, l'iambe malade compa-  
rée avec la saine se moult plus longue, & le ge-  
noil d'icelle plus abbaisé que de la saine. Le pa-  
tient ne peut plier la iambe à l'endroit de l'eïne,  
en l'entrefession du perinée, on rencontre la tu-  
meur manifeste de la teste de l'os de la cuisse,  
qui est arrestee, & retenue là. Quand la de-  
louure est faicte en dehors, les signes sont con-  
traires aux susdicts. Car la iambe malade est  
plus courte que l'autre. En l'entrefession y a ca-  
uité : en la fesse tumeur eminente : le genoil de  
la iambe malade est plus tourné en dedans que  
de la saine : le patient peut plier la iambe. Quand  
elle se deloue en deuant, le malade estend le ge-  
noil

noil sans douleur : mais essayant de cheminer il ne peut mener la jambe en dedans : il auient suppression d'vrine , & tumeur en l'eine : la fesse apparoit ridee , & decharnee : en cheminant le malade marche sus le talon. Quand elle se deloue en derriere, le malade ne peut estendre le iaret, ny le genoil : ny les plier aussi, que premierement il nayt plié l'eine : la jambe malade est plus courtée que la saine. En l'eine n'y a aucune durté, ny tumeur : la teste de l'os de la cuisse apparoit au bas de la fesse. Si ceste delouure est faicte en aage d'enfance , ou bien de long temps, sans qu'on y ait donné ordre de la reduire, ell'est incurable par ce que le membre est ia

\* deueni calleux. Si l'os de la cuisse souuent est reduict, & souuent retombe, il faut vser de la curation d'Hippocrates. Premierement on le remet soudain : car les delouures inueterées de la ioincte de la hanche sont du tout incurables. En toutes les quatre especes de ceste delouure, generalement conuient la reduction qui se fait par contr'extension, & celle qui se fait en virant & donnant le tour. Si la delouure est recente, & le patient ieune, quelque fois empoignant la cuisse, & la contournant çà & là, on reduit l'os deplacé. Si la delouure est en dedans, seulement en pliant fort & tout d'un coup la jambe à l'endroict de l'eine, & la menant en dedans, le plus qu'il est possible, on execute & parfait la reduction. Si par ces moyens on ne la peut remettre, il faut vser de contr'extension : premierement serrant des mains la cuisse & la gréue, &

\* Cy dessus  
chap. cxi. en  
l'annotation  
auons exposé  
que cela vent  
dire.

les tirant contrebas, puis retirant contremont le corps avec les mains d'un autre ietees sous les aixelles. Estant besoin de plus forte contr'extension, on lie la iambe au dessus des cheuilles, de sangles tissues, ou faictes en maniere de passement, ou de longes : & à fin que le genoil ne soit offencé, on la lie pareillement au dessus d'iceluy : il n'est besoin de lier la poictrine, ains, comm'a esté dict, on l'embrace avec les mains ietees sous les aixelles : mais on iette par dessous l'entrefession le milieu d'une bende, ou longe, forte, & douce, & d'icelle on meine les bouts sus l'épaule du costé malade : en deuant, par dessus l'eine & la forcelle : en derriere, par le dos : on donne ces deux bouts à un seruiteur pour les tenir : puis tous tirent ensemble, de sorte que le corps du patient demeure suspendu en l'air, & font la contr'extension. Ceste maniere d'extension est commune aux quatre especes de la delouure de la cuisse : mais en chacune d'icelles particulierement on change la façon de pousser l'os en sa place. Car si la delouure est en dedans, pendant qu'on estend le patient, il faut mettre le milieu de la longe qu'on a ietee sus l'entrefession, entre la teste de l'os de la cuisse, & l'entrefession, & leuer contremont ladicte longe par dessus l'eine prochaine, & la forcelle : ou tire ce il faut qu'un ieune homme avec les deux bras embrace la cuisse malade, à l'endroit où ell'est la plus grosse, & la tire fort en dehors. Ceste maniere de reduction est plus aisée que les autres : & si par icelle l'os déplacé n'est re-

mis, on en use d'autres qui ont plus d'apparat, & plus grande variété qu'icelle, & aussi plus d'effect. Il faut estendre le patient sus la table ou banc, sus lequel on ested ceux qui ont le dos bossu, pour le leur redresser. Quasi tout le long d'iceluy on caue des mortaises, & fosses longues, qui n'ayent plus de largeur & profondeur que trois doigts : & qui ne soyent plus distantes les vnes des autres que quatre doigts, à fin qu'on ayt commodité de pousser l'os vers le \* costé qu'il sera de besoing. Au milieu du banc on fiche vn bois semblable à vne cheuille, ou quille, long d'un pied, gros comme le manche d'une houë; de sorte que quand on tirera le patient, ce bois se rencontre entre la teste de la cuisse & l'entrefession. Cela empêche que tirant par les pieds, le corps ne s'uyue, & obeisse: & ce faisant, bien souuent il n'est besoing faire contr'extension par dessus: outre ce que quand on tire le patient, ce bois rechasse & repousse en dehors la teste de la cuisse. L'extension & principalemēt de la part des pieds, se fait comme a esté dict \* cy-dessus. Si par cest industrie l'os n'est reduict, il faut oster ce bois droict, planté entre les cuisses, & ficher vis à vis d'iceluy d'un costé & d'autre, vn posteau comme les \* huisiers d'une porte, pour le moins long d'un pied. Sus ces postesaux on accommode vn autre bois comme vn degré d'echelle, de sorte que la figure de ces trois bois assemblez, represente la figure de la lettre  $\text{H}$  des Grecs : H : par ce que l'echelon est situé de trauers vn peu plus bas que l'extremité

\* on le pousse en dehors, quand la douleur est en dedans : on le pousse en dedans, quand elle est en dehors.

\* au chap. precedent parlant de l'espine.

\* ainsi non mēt les maistres les piliers qui sont aux deux costés d'une porte: qu'on nomme aussi les iambes d'une porte.

tremité supérieure des posteaux. Le patient se couche sus le costé sain: iette la iambe saine entre les deux posteaux au dessous de l'echelon, & la malade au dessus d'iceluy, à fin de l'acommoder & approcher à la teste de l'os de la cuisse: & faut estédre au dessous du malade des linges, ou acoustremens en plusieurs doubles, à fin que la cuisse ne soit quassée & foulée. D'auantage on prepare vn autre baston \* de lar-  
 geur competente, de longueur telle que depuis la teste de l'os de la cuisse il descende iusques à la cheuille: on l'applique par dedans cuisse & iambe, le liant avec icelles: puis on fait l'extension, ou avec les posteaux, comm'auons dit en la reduction de la voulture de l'espine, ou avec les aixeuls, tirant la iambe contrebas avec le baston attaché, à fin que par telle violence l'os retourne en son propre lieu. Il y a encor vne autre maniere d'estendre sans tirer par dessus l'echelon, qu'Hippocrates loue fort. Il faut (dit-il) lier doucemét les \* bras du malade contre ses flancs: & les deux pieds ensemble, avec vne longe douce & puissante, à l'endroict des cheuilles, & au dessus des genoux, de sorte que les pieds soyent distans l'vn de l'autre par l'espace de quatre doigts: & la iambe \* malade soit tirée avec le posteau, & alógée plus que l'autre de deux doigts: on iette aussi sus la poictrine vne longe, pareillement douce & forte: puis on pend le malade \* la teste contrebas, distant de terre deux coudées. Ce faict, vn ieune homme practiq de ceste operation, embrasse avec ses

\* Semblable au boi à pou-  
 lie, duquel il a  
 usé chap. II. 4.  
 en la redu-  
 ction de l'a-  
 uanbras.

\* Tout cecy se  
 fait sus vne  
 echelle, sus la-  
 quelle le ma-  
 lade est cou-  
 ché, comme a  
 esté dict en la  
 reduction des  
 rouelles.


\* Ce passage  
 est corrompu  
 au Grec.

\* Souleuēt  
 attachant l'e-  
 chelle à vn  
 sommier tra-  
 uersier.

deux braçals la cuisse malade, à l'endroit qu'elle est la plus grosse, & là où est la teste de l'os: & soudain il se pend d'effort sus le malade, poussant de violence l'os forissu, qui par ce moyen retourne aisément en son lieu. Ceste maniere de reductiō est plus simple, & a moins de parade que les autres, ne se faisant point comme icelles avec vn grand aprest, mais plusieurs la reiettent & refusent, comme estant vn spectacle piteux à voir. Si la delouee est en dehors, il faut estendre le patient, comme a esté dict cy-dessus, mener la longe qui passe par l'entrefesson sus les parties opposites, assavoir l'eine & la forcelle: & que le medecin pousse l'os du dehors en dedans, par vn leuier large appliqué contre la fesse malade, & quelque peu au dessus: & ce pendant qu'un seruiteur pousse la hanche saine à l'endroit de la fesse, ou de la main, ou d'un autre leuier semblable, planté dans vne fosse cauee expressement pour cela, \* qui luy sera cōuenable. Si la delouee est en deuant, comme le patient sera estendu, & tiré, vn homme robuste mette le mont de la paume dextre en l'eine de la iambe offencee, & que de l'autre main il empoigne celle qu'il a mise sus l'eine, & ainsi cōprimant la iambe, qu'il la pousse contrebas & vers le genoil. Si la delouee est en derriere, il ne faut point estendre le patient, ayant vne iambe souleuee par dessus l'echelon, comme quand la cuisse est delouee en dedans: ny le coucher à la renuerse sus le dos, comme quand ell'est delouee en dehors, ains le  
situer

\* on le caue au  
bord du banc,  
vis à vis de  
l'autre qui est  
au milieu, dās  
laquelle est  
planté l'autre  
leuier large qui  
pousse en dedās  
la teste de l'os  
deplacee.

situer à bouchons dessus la table, ou banc, comme auons dit en la reduction de la vouteure, l'estendre, & l'attacher, non par les flancs, mais par la iambe, ainsi qu'auons dit maintenant : & repoussier l'os deplacé aueques l'ais, appliqué sus la fesse, à l'endroit où l'os est tombé. Ces manieres & procedures de curation conuiennent en la delouure de l'os de la cuisse faicte en la hanche, par cause externe: mais si ceste delouure se fait par quantité d'humeur superflue, comme il auient en l'epaule, il faut vser de cauterres, comme auons dit en la curation d'icelle.



- A. Le bois long de six coudées, large de deux, & épais de neuf doigts.
- B. Quatre bois longs d'un pié ronds au bout.
- C. Les aixeuls qui ont des clous au milieu & en leur sommité de petits manches.
- D. Les fosses profondes de trois doigts.
- E. Le priapisque rond au haut mis dedäs le milieu du bois qui est caué profondemēt en figure quarrée.
- F. Deux ais.
- G. Le bois de trauers en forme d'echelle.



## ANNOTATIONS.

La cuisse delouee en dedans monstre la iambe plus longue que la saine, pour deux raisons: la premiere, par ce que la teste de son os qui estant dans la boîte de la hanche la tient haute, & plus courte, s'auale, & s'abbaisse: l'autre, que l'os de la cuisse logé dans sa boîte, est naturellement quelque peu uouté en dehors, ce qui tient la iambe plus courte. Se perdant ceste uouteure, à cause que l'os n'est plus en son lieu, la iambe s'allonge. Le genoilest tourné en dehors, par ce que necessairement le bout inferieur de la cuisse se tourne au contraire de la teste deplacée. On ne peut plier la cuisse à l'eine, par ce que l'os déplacé tient les muscles qui font son extētion si tendus, qu'ils ne peuvent suyure & obeyr aux muscles qui la doyuent plier. Si ceste deloueeure n'est remise, les patiens en cheminant approchent la iambe saine uers la malade, & iettent la iambe malade en dehors, en tournoyāt, comme nous uoyons cheminer les bœufs. Car estant necessaire qu'en marchant, on hausse la cuisse en deuant à l'endroit de l'eine, & la grēue en derriere à l'endroiēt du iarret, les muscles affoiblis de la deloueeure, & suyans le sentiment de douleur, ne peuvent leuer & plier droiēt le membre, mais le tournoyent. En quoy y a deux commodités: l'une que la iambe malade tournoyee en dehors, ne soustiet point le corps avec si grande peine, que si elle demeueroit droiēte au deffous d'iceluy: l'autre que la iambe saine d'autant qu'elle est plus pres de la malade, fait plustost son mouuement pour la decharger du fais qu'elle porte. D'auant age, comme le patient met la iambe malade sus terre en chemināt, il se panche uers

le costé d'icelle, pour se garder de tomber du costé de la saine, uers lequel l'os déplacé pousse & incline le corps: pour ceste mesme raison il porte une potence sous l'aixelle du costé sain: d'auantage cheminant sus la malade, il iette la main sus la cuisse delouée, pour luy donner plus de force à s'appuyer fermement contre terre; autrement estant foible, & ne portant point le tronc du corps droit comme au parauant, il seroit dangereux qu'elle le renuersast sus la iambe saine. Outre ce, la fesse saine petit à petit se fait eminente en dehors, par ce qu'en marchant on approche la iambe saine de la malade pour la raison susdicte: & aussi par ce que qui tiendrait la iambe saine loing de la malade, on luy ietteroit dessus la charge du corps qu'elle ne peut porter, qui seroit cause de faire trébucher le patient. Les malades se tiennent moins droicts, que si la cuisse est delouée en dehors. Voyla les signes de la delouure faicte en dedans avec leurs causes. Quand elle se fait en dehors, la iambe malade est plus courte que la saine, par ce que la teste de l'os ne glisse point contrebas, ains se roule en dehors dans les muscles situés en ce lieu là: qui se retirants, la tirent ensemble contremont, & acourcissent la iambe: la fesse est en dehors, & en dessus, eminente, & tumide, pour la reception de l'os: le genoil, la gréue, & le pied se tournent en dedans: le malade ne peut en cheminant mettre le talon contre terre, ains marche sus le môt & mol du pied, qui est en la racine des doigts: la iambe malade porte mieux le corps, qu'en la delouure susdicte, par ce que la teste de l'os, & son col, se ietants en dehors, sont pour la plus part au dessous de la hanche: & le pied qui se tourne en dedans, se

trouue

trouuée & rencontre presque droit au dessous du corps: avec le temps, quand la douleur est passée, le malade chemine sans baston, mais il ua branlant: par ce que s'appuyant sus la iambe saine, il haue la malade, & le corps ensemble: & se soustenant sus la malade, il s'abbaisse: la iambe s'extenue, & amaigrit moins, que si la delouure est en dedans, par ce qu'on la traueille plus commodement. Aucuns ne peuuent chauffer leurs souliers, qui ont la iambe trop roide. Aucuns deuiennent bossus en l'espine du dos, quand par consentement il s'engendre inflammation aux ligaments des rouelles, qui delaisse une durté scirrheuse en la partie: ou quand à raison de la douleur il s'y fait un tubercule cru, & maling. Ces accidents uient plustost en ceste delouure, qu'en la superieure. Car en la superieure la teste de la cuisse deplacee tombe sus l'os du penil, qui à cause de sa durté ne peut estre inflammé, ou comprimé: mais en ceste-cy les muscles exterieurs qui sont plusieurs, & grands, sont estendus & quassés de la teste de l'os qu'ils reçoynent, d'où s'ensuit douleur & inflammation qui se communique aux parties circonuoisines, & principalement à l'espine. La delouure en derriere uient fort rarement, par ce que la partie posterieure de la boite de la hanche est fort profonde, comme l'interieure l'est beaucoup moins, à raison de quoy la delouure en dedans est plus frequente que les autres. La cuisse incontinent apres la delouure demeure flechie en l'eine, & les malades ne la peuuent estendre, ny le iaret aussi: par ce que le sixieme, septieme & huitieme muscle de la cuisse ne peuuent souffrir plus d'extension que l'os déplacé leur en fait souffrir: ce que ne-

cessairement ils endureroient, si pour estendre la cuisse ou le iarret, la teste de l'os estoit plus poussée en derriere. D'avantage le gros nerf qui s'epand en toute la iambe, & sort entre le croupion & la queue, est tendu & pressé de la teste de l'os: à raison dequoy il ne permet aux muscles flechissans la gréue, de se relâcher, & obeyr aux muscles qui la doyvent estendre. La iambe malade est plus courte que la saine, par ce qu'on ne la peut estendre, & que la teste de l'os est cachée dans les muscles des fesses, qui la retirent contremont, principalement dans la partie inferieure du grand & premier muscle, qui fait le coussinet de la fesse, lequel en ceste delouure est plus estendu & pressé que les autres, & à ceste cause, inflammé & douloureux. Son inflammation & douleur aisément est communiquée au septieme de la Gréue, prenant son origine du grand Trochanter ou uireur, pres l'insertion du muscle susdict. A ceste cause deuant que l'inflammation & la douleur soit passée, le patient ne peut flechir le iarret, par ce qu'en le flechissant on estend l'aponeurose large qui couvre le genoil, & qui est faite des extremités du septieme, huitieme & neuuisme muscle de la gréue: & ne la peut on estendre que ce septieme muscle ia inflammé & douloureux par le consentement du premier de la fesse, ne soit grièvement offensé. La gréue & le pied en ceste delouure sont presque droicts, sans incliner çà ou là. La chair en l'eine est laxee, & molle quand on la touche: on trouue au derriere de la fesse la teste de l'os: en cheminant le patient plie fort la cuisse malade, à l'endroit de l'eine, par ce que la iambe offensée est plus courte que la saine, & qu'il ne peut mettre contre

tre terre le talon, voire à peine y met-il le mont du pied : s'il s'efforce de se tenir sus le pied de la iambe offencee, sans quelque appuy, il tombe en derriere, par ce que le corps panche en derriere outre la longueur de la marche du pied, & l'espine se iette & ap-  
poise sus la hanche : se soustenant sus la iambe malade, il iette la main sus la cuisse du costé mesme, pour la tenir plus ferme contre terre, de peur qu'il ne renuerse, par ce que la teste de l'os n'est pas au dessous du corps pour l'estançonner : ou bien s'appuye d'une potence au dessous de l'aixelle du costé malade. Si la potence est longue, le malade en chemine plus droict, mais il ne touche terre que du bout du pied : si ell'est plus courte, il couche plus du pied sus terre. Demeurant ceste deloueu-  
re non reduicte, si le patient chemine sans potence, la iambe saine deuiant en fin difforme : par ce que pour seruir à la malade, on est contrainct la ieter en dehors, & plier fort le iarret : mais si le malade use d'une potence, tenant la iambe offencee suspendue, la saine deuiant puissante, par ce qu'elle traueille, & ne perd rien de sa figure naturelle. La deloueu-  
re en deuant est fort rare. La iambe malade est presque de semblable longueur à la saine. Le patient estend bien la iambe, mais il ne la peut plier en l'eine, pource que la teste de l'os est à l'endroit où se fait la flexion, & tient roides tant les muscles qui la doyent flechir, que leurs opposites, qui leur doyent obeyr. Il ne peut aussi plier le iarret, par ce que le premier muscle de la gréue estendu de la teste de l'os autant qu'il le peut estre, ne se peut estendre d'auantage pour obeyr aux muscles qui le doyent plier. La iambe malade est droicte ; on ne peut toucher terre du bout du pied

du pied, car cela ne se peut faire sans plier le iaret: & comme a esté dict, on ne le peut flechir. La douleur est incontinent grande: & l'urine s'arreste, parce que la teste de l'os offence les nerfs qui vont en la uescie, dont s'ensuit par consentement inflammation, tant en icelle, qu'en son col, qui fait suppression d'urine, le malade chemine fort droit, & sans potence, traînant le pied contre terre, par ce qu'il ne peut flechir ny le iaret, ny la cuisse: & le couchant tout de son long: toutesfois il donne plus du talon que du bout du pied: on trouue en l'eine une eminence & distension: la fesse deuiant ridee & maigre. Les contr'extensions & reductions descrites de nostre autcur sont asses intelligibles, excepté l'usage des leuiers larges en la reduction de la delouure faicte en dehors. Pour l'entendre, il faut presupposer que le malade soit couché à la renuerse: qu'au pertuis du milieu, au lieu de la quille nommee des anciens Priapiscos, ou Scalmus, on y plante un leuier large, qui pendant qu'on fera l'extension, embrace par dehors la teste de l'os, pour la pousser en dedans, sans qu'il y ait rien entre les iambes du patient: & à fin que le corps n'obeisse à l'impulsion que fait le leuier large, pres le bord du banc, uis à uis de la fosse du milieu où est le leuier susdict, on caue une autre fosse, & en icelle met-on un autre leuier large, qui embrace la fesse saine, la tiennent fermement, & la pousse contre la malade, de sorte que le corps couché entre la moitié du banc, & le bord d'iceluy soit serré entre les deux leuiers. Le desseignant ainsi, facilement on entendra & nostre Hippocrate & nostre autcur. Ceste delouure donc & celle qui se fait en deuant, se reduisant estant le malade couche


la re

la renuerse : celle qui se fait en dedans, se reduit estant le malade couché à la renuerse, ou sus la cuisse saine : celle qui se fait en dehors, se reduit estant le malade couché de bouchons, & sus le uentre. Albucrasis ueut, quand la cuisse est reduicte, ce qu'on cognoist à deux signes : l'un que les iambes sont pareilles en longueur : l'autre que le patient l'estend & flechit sans peine : qu'on ioigne ensemble les deux iābes, qu'on applique un emplastre sus la cuisse reduicte, & qu'on le lie avec une bende, de sorte que de trois ou quatre iours la iambe ne se remue point. La premiere fois qu'on debende ra, si les deux iambes sont egales, qu'on laisse cheminer le malade : & si non, ou si la cuisse reduicte est encores tendre & foible, qu'on remette l'emplastre : & qu'on rebende, sans y toucher iusques au troisieme iour suyuant : puis qu'on oste la bende, & qu'on ne permette au malade de cheminer par aucuns iours, iusques à ce que la cuisse reduicte soit forte & ferme. Nos practiciens en la delouure faicte en dedans & en deuant, font la contr'extension : puis le maistre iette le talon de son pied en l'eine du malade, sus la teste de l'os, la poussant en dehors uers sa cavitē, & prenant le genoil, le tire en dedans uers l'autre iambe. En la delouure faicte en dehors, & en derriere, font la contr'extension, puis le maistre pousse la teste de l'os eminente, avec son genoil, uers sa cavitē : & prenant le genoil du malade, le tire en dehors, le reculant de l'autre iambe. Quand la delouure est reduicte, on la bende en serrant fort. Le bendage commence sus le lieu où estoit l'eminence de l'os déplacé : tire uers la partie opposite, & saine, passant sus les reins par derriere, & sus le uentre par deuant, de sorte que les deux cuisses

cuisse demeurent liees ensemble. Si la delouure estoit en dedans, ils mettent un monceau de drap ou d'estoupes dedans l'eine, qui tiennent l'os reduict, ferme en sa place: & ayant passé quelque nombre de iours, delient les cuisses, & pendent la iambe reduicte dans une touaille, en façon d'un'estruiere: & est la touaille pendue au col, ou à la ceinture, qui est encores plus commode. Si la delouure estoit en dehors, ils appliquent par dehors une astelle qui soit longue iusques au talon: & apres quelque nombre de iours mettent sus le lieu où estoit l'eminence de l'os déplacé, une lame ou platine de plomb, pesante quatre ou cinq liures, qui embrace toute la cuisse, attachée par dessus à une ceinture faite expres pour cela: au dessous de la platine, au dehors & dedans de la cuisse, on attache une poulie, sus laquelle on passe une corde, qui va iusques au bas de la iambe, où elle fait comme un estrie, sus lequel le malade repose la iambe reduicte. Les poulies tiennent ferme la platine de plomb sus le lieu où elle est mise, de maniere que remuant la iambe en deuant, en derriere, en dedans, en dehors, elle ne bouge point.

A. Le





- A. Le contrepoids de plomb pesant 4. ou 5. livres
- B. La ceinture où il est attaché.
- C. La poulie.
- D. La corde qui comprend toute la jambe.
- E. L'estrie de la corde sur lequel repose le pied.

Pour faire la contr'extension, ils estendent le malade sur un banc, aux deux bouts duquel y a un posteau: ils passent une touaille longue au dessous de l'eine, menant les bouts en haut par dessus le uentre & le dos, lesquels ils attachent au posteau qui est pres de la teste: puis ils iettent par dessus le genoil & toute la gréue du costé malade une autre touaille, de laquelle ils attachent les bouts à l'autre posteau qui est pres des pieds: ce fait, ils iettent une cheuille entre les deux iambes des touailles, & la tournant, les entortillent, faisant par ce moyen l'extension necessaire. Aucuns font tourner les posteaux avec deux barres passees à trauers, mettent les bouts des touailles dans un des pertuis où passent les barres, à fin que la barre remise en son trou les tienne fermes: puis tournent le posteau, & font ainsi l'extension. Ayant parlé (dit Celse) des deloueurs qui se font au bras, il semble que l'aye aussi traité de celles des iambes: car en ce cas y a grande similitude de la cuisse à l'auanbras, de la gréue au braçal, & du pied à la main. Si faut il neantmoins en discourir quelque chose particulièrement. La cuisse est delouee en quatre parts: le plus souuent en dedans: puis en dehors: rarement en deuant, & derriere. Si ell'est delouee en dedans, la iambe malade est plus longue & plus grande que la saine, & le pied se tourne en dehors. Si ell'est delouee en dehors, la iambe malade est plus courte que l'autre: le pied se tourne en dedans: en marchant le talon ne touche point terre, ains le bout de la plante du pied: la iambe en ce cas porte mieux le corps qui luy est dessus, qu'en l'autre delouee, & a le patient moins besoin de potence. Si la delouee est en deuant, on ne

peut plier la iambe: la iambe malade est à l'endroit du talon, de longueur pareille à la saine: mais il est plus mal aisé de tourner le bout du pied en deuant sus l'extrémité des doigts: la douleur est principalement grande en ceste deloueuere: & l'urine est retenue: l'inflammation & la douleur passée, le malade chemine commodement, & s'aide de tout le pied. Si l'os est déplacé en derriere, la iambe est plus courte que la saine: & ne peut estre estendue: en cheminant le malade ne donne point du talon à terre. En la deloueuere de la cuisse y a grand danger, ou que l'os se reduise mal aisement, ou qu'estant reduict il ne tombe derechef. \* Aucuns contestent & debatent que tousiours il recheoit: mais Hippocrates, Diocles, Philotimus, Nileus, Heraclides de Tarente, tous auteurs fort renommés & fameux, ont escrit que du tout ils l'ont reduict. D'auantage, Hippocrates, Andreat, Nileus, Nymphodorus, Protarchus, Heraclides, Faber, n'eussent pas inuenté tant de sortes de machines pour en ce cas estendre la cuisse, si ce labeur estoit uain. Mais comme cest'opinion-là est fauce, ainsi est il uray, estās fort puissans les muscles & tendons de ceste partie, s'ils ont leur uertu & force entiere, qu'à peine ils laissent reduire l'os: s'ils ne l'ont pas, qu'ils ne le retiennent point quand il est remis. Il faut donc essayer de le reduire. Si le membre est mol, & tendre, il suffira de le tirer avec une longe passée sous l'eine, & une autre attachée par dessus le genoil. Si le membre est plus robuste, on le tirera mieux attachant les longes à des postaux forts, qui ayent leur inferieure partie plantée contre un arrest, de sorte que ceux qui conduisent cela, tirent uers eux des deux mains le bout

\* en cest'opinio  
estoit Ctesias  
Gnidius, de la  
race des As-  
clepiades, accu-  
sant, & repre-  
nant Hippo-  
crates de ce  
qu'il reduisoit  
ceste deloueuere  
estant impossi-  
ble de la guer-  
rir.

superieur d'iceux, on fait aussi l'extension plus forte  
 sus un banc, aux deux bouts duquel y ayt des aixeuls:  
 à iceux on attache les longes. Or si on les tourne,  
 comme il se fait aux presses & pressoirs, ils pourro-  
 yent rompre, qui uoudroit perseuerer de les tourner,  
 & non seulement estendre les \* nerfs, & muscles.  
 On situe le malade sus ce banc, ou à la renuerse, ou sus  
 le uentre, ou sus le costé, de maniere que la partie en  
 laquelle l'os s'est foricé, soit tousiours la plus haute,  
 & celle d'où il est delogé, la plus basse. Si la deloueu-  
 re est en dedans, apres auoir fait l'extension, on met des-  
 sus l'eime quelque chose ronde, & soudain par dessus  
 icelle, on tire le genoil du patient en dedans, en la mes-  
 me façon, & pour la mesme raison qu'il a esté dict se  
 faire en l'auanbras: incontinent, si on peut plier la  
 cuisse, l'os est retourné en son lieu. Aux autres espe-  
 ces de deloueu- re en ce membre, quand les os par force  
 de les tirer sont quelque peu separés l'un de l'autre, le  
 medicin doit pousser en arriere ce qui est eminent, &  
 à l'opposite de luy \* un scruteur doit tenir ferme la  
 cuisse saine. Estât l'os reduict, la curation ne requiert  
 autre chose de nouueau, fors qu'on tienne pour long  
 temps le patient dans le liét: à fin que s'il remue la cuif-  
 se premier que les nerfs soyent fortifiés, elle ne se de-  
 loue encores derechef. Quant à la dispute, à sauoir  
 si c'est temps & labeur perdu de remettre l'os de la  
 cuisse deloué, & si tousiours il retombe, ou non, Ga-  
 lien resout ce doute autrement que Celsus, disant  
 que la principale & immediate cause de la deloueu-  
 re en ceste ioiméte est la ruption ou relaxation du liga-  
 ment gros, court, & rond, produit du milieu de la te-  
 ste de l'os, qui serre & ioint estroictement ladicte te-  
 ste au

\* ligamens &  
 tendons,

\* Hippocrates  
 comme est dict  
 cy-dessus, com-  
 mande cela  
 nommément  
 en la reductio  
 de la deloueu-  
 re qui est fai-  
 cte en dehors.

ste au fons de sa boite. Ce ligament est rompu, par quel que uiolēt effort: & relaxé, par une humidité superflue amassée en la sinuosité de la boite, comme Hippocrates dit aphor. 59. liure 6. qui l'abreuue, & molifie. Si ce ligament est rompu, l'os reduict ne tient iamais, & rechoit tousiours: s'il est humecté, & relaxé, apres l'auoir remis, si on consomme l'humidité superflue qui l'arrouse & abreuue, ou par medicamens desiccatifs appliqués à l'environ de la iointe, ou par cautere actuel, comme dit Hippocr. aph. 60. liure 6. & comme nous auons déclaré cy. dessus, chap. 76. l'os restitué en son lieu y demeurera ferme, & ne retombera point. Heraclides de Tarente temoigne en auoir guéri deux enfans, & allegue pour temoins qu'il se peut faire, Hippocrates, Diocles, Philotimus, Euenor Nileus, Molpis, Nymphodorus, mediciens, & restaurateurs trescelebres.

De la delouëure du genoil.

CHAP. CXIX.

**L**E genoil est deloué en trois manieres: en dedans: en dehors: & au iarret. En deuant ne le peut il estre, par ce que la rouelle qui le couure l'en empeche. Nous vsons pour le reduire des manieres susdictes d'extension, quelque fois avec les mains seulement, quelque fois avec des longes, puis le bendons comme il appartient, & employons au reste la curation & diligence conuenable, le contenans par long temps en repos, sans qu'on le remue.

ANNOTATIONS,

Ceste delouëure se fait aisémēt, par ce que la coche

du genoil semblable à un canal est fort lisse & glissante. A aucuns il se deloue pour sauter:aux autres pour courir trop uiste. Les signes sont que le malade ne peut ioindre la gréue à la cuisse. Selon Albucrafis on fait asseoir le malade droict quelque peu au dessus de terre. Le maistre commande qu'il estende la iambe s'il luy est possible : & tournant le dos contre son visage, luy prend la gréue & la met entre ses deux iambes, la faisant estendre & tirer à un seruiteur : puis estendant les mains & les doigts sus le genoil approche la gréue de la cuisse : & apres empogne de force avec les paumes des mains, les deux costés du genoil, pour l'amener uers la cuisse, iusques à ce qu'il l'ait reduit. On le cognoist estre remis quand il est reioinct à la cuisse, sans peine & sans travail. L'ayant reduit on y applique un emplastre conuenable : & pour le faire tenir avec la cuisse, on les lie ensemble d'une ben de, iusques au troisieme ou quatrieme iour : puis on le debende, defendant neantmoins au patient que de plusieurs iours il ne chemine. Si avec les mains on ne peut faire suffisante extension, il faut user des machines & instrumens sus mentionnés. Le genoil, dit Hippocrates, pource qu'il a sa naturelle structure moins serree que la ioincte du coude, se deloue & reduit plus aisément. Il se deloue plus souuent en dedans, & quelque fois en dehors, & derriere. On le remet en pliant soudainement la gréue : en le poussant avec le talon : ou metant au iarret une pelote de bendes rollees, puis ietant à l'entour du genoil & du iarret une ben de, & soudain le menant contremont pour le faire rencontrer avec la cuisse. Toutes ces choses seruent pour la delouure faicte en derriere. La delouure donc

donc faicte en derriere se reduit en pliant la grêue, & poussant du talon : & celles qui sont faictes en dedans, ou dehors, par mediocre extension, comme en la ioincte du coude. Mais pour retourner toutes ces deloueurs, il faut faire mediocre extension. C'est chose tresnotoire (dit Celsus) que le genoil se deloue en dedans, en dehors, & en derriere. Aucuns escriuent qu'il ne peut estre deloué en deuant : & est cela uray-semblable, uen que la rouelle qui luy est au deuant le retient, & aussi la teste de l'os de la grêue. Toutefois Meges escrit en auoir guerri un qui l'auoit deloué en deuant. En ce cas il faut estendre les \* nerfs en la façon declaree quand nous auons traicté de la delouure de la cuisse : & si la delouure est en derriere, de mesme maniere il faut mettre quelque chose rōde sous le iarret, & menant la grêue uers la cuisse repousser l'os en sa place. Aux autres deloueurs avec les mains ioinctes ensemble, on retourne les os en leur lieu.

\* tendans & ligamens.

De la delouure des cheuilles, & des doigts du pied.

## CHAP. CXX.

SI la ioincte, ou diarthrose des cheuilles est seulement vn peu deplacee, avec mediocre extension la remet & guerit. Si ell'est parfaitement delouee, il est necessaire pour la reduire y vser de plus grande violence. Premieremēt on essaye de l'estendre plus fort avec les mains : & si par ce moyen elle n'est reduicte, on couche le patient sus terre, à la renuerse : on luy plante entre les cuisses en l'entrefesson vne cheuille droite, \* fichee profondement en terre, à fin que le corps s'arrestant cōtre icelle, ne suyue & n'o-

\* enuelopee de linge, ou drappeaux, de peur qu'elle ne blesse les cuisses. Albucrasis.

beisse point quand on tirera le pied. Le meilleur  
 est que premierement la cheuille soit plantee a-  
 uant que de coucher le patient. Si le maistre a  
 vn banc au milieu duquel soit dressée vne che-  
 uille, comme a esté dict, sus iceluy il faut faire  
 l'extension : & pour l'exécuter, vn seruiteur tiét  
 la cuisse, & la tire contremont vers soy: vn autre  
 seruiteur avec vne longe, ou avec les mains tire  
 le pied contrebas : vn troisieme seruiteur tient  
 le pied sain fermement estendu contrebas: & ce  
 pendant le maistre avec les mains reduit la de-  
 loueure. Estant reduicte, on fait bonne & seure  
 ligature, menant les bandes par dessus les che-  
 uilles, & par dessous le tarse ou au apied: auisant  
 de ne presser trop le gros tendon qui est au der-  
 riere du talon, & contenant le patient en repos  
 sans cheminer iusques au quarantieme iour: car  
 s'il essaye de marcher deuant qu'il soit parfaite-  
 ment gueri, il rend la partie moins disposée &  
 prompte à son action. Si quelqu'un pour auoir  
 sauté, comme il auient souuent, s'est deplacé le  
 talon, ou est tombé en quelque autre disposition  
 d'inflammation, il faut faire l'extension, redu-  
 ction, & figuration doucement: yser d'embro-  
 chations & bacinements qui mitiguent l'inflam-  
 mation, ou qui l'empêchent: puis avec bonne  
 & seure ligature le tenir en sa droicte & vraye  
 figure: & tenir le malade en repos iusques à ce  
 que la reduction soit ferme & assée. Si la de-  
 loueure des doigts est imparfaicte, il n'est diffi-  
 cile de la reduire avec mediocre extension, com-  
 me nous auons dict aux doigts de la main. En  
 toutes



toutes delouueures, tant parfaictes qu'imparfaictes, apres la reduction, & auoir passé les iours que le malade doit demeurer en repos, si, comme souuent il auient, il reste en la partie quelque inflammation qui cause ou tumeur contre nature, ou vn long & durable empeschement de son action, nous y remedions par medicamens remollitifs, la matiere desquels n'est ignoree d'aucun qui exerce & fait profession de l'art.

## ANNOTATIONS.

Nostre auteur ne traite point de la delouueure faite en la rouelle du genoil, qui toutes fois auient souuent. Elle se deloue en dedans, en dehors, en dessus, en dessous: non en derriere, par ce que les os qu'elle couure, ne le permettent: & peu en deuant. Pour la reduire, Auicenne commande que le malade plante droit le pied sus terre: puis que le maistre avec les deux mains la retourne de force en son lieu: ce fait, qu'on remplisse le iarret de linge, & drapeaux, en telle quantité qu'on ne puisse \* plier la iambe, avec une astelle ronde, comme est la figure de la rouelle, posée du costé uers lequel la rouelle s'estoit deplacée: avec bendage conuenable: & ordonne cest auteur expressément, encor que la rouelle soit reioincte à son lieu, où lon l'a reduite, que le malade ne plie soudainement le genoil, ains petit à petit, iusques à ce qu'il sente & cognoisse facile & aisé le mouuement de la iointe. M. Lanfranc Milannois chirurgien fameux, en sa grande chirurgie, ueut que le malade mette le pied à terre, & qu'on reduise la rouelle, ainsi que dessus: & l'ayant reduite, que soudain on iette une ben-

\* car la pliant, on fait derechef sortir de son lieu, la rouelle qui est reduite.

de au dessous du pli du iarret, & que de force, neantmoins avec discretion, on plie la gréue, de sorte que le talon donne à la fesse, la liant avec la cuisse. Cela fait que l'extension uehement de tendon large, qui couure la rouelle du genoil, & qui est composé de l'aponeurose du septieme, huitieme, & neuueme muscle de la gréue, plaque si fermement la rouelle contre sa place, où ell'est retournée, qu'aisément elle ne s'en deloge pas. Quand la gréue & la cuisse auront esté liées ensemble par l'espace d'une heure, on les delie: puis on met au pli du iarret un'estoupade en forme de plumaceaux, & tout à l'entour de la rouelle on met des coussinets, qui la tiennent si ferme, qu'elle ne puisse branler ou sortir de son lieu çà ou là, & avec boudage conuenable on tient la iambe tellement en raison, qu'on ne la puisse plier, ou remuer, iusques à ce que la reduction soit asseuree. En la delouure des cheuilles, & du talon, Albucasis fait asseoir le malade droit: un seruiteur par derriere le tient embracé fermement au milieu du dos: le maistre prend le pied par dessus, de sa main droite, & de la gauche par dessous, à l'endroit de la cheuille: en apres il tire le pied deux fois de la main dextre, & autant de la senestre: puis l'estendant avec la senestre, il pousse doucement uers la gréue avec la dextre, le mont du pied qui est en la racine des doigts. Si le pied n'est reduit, il fait de rechef ce qui a esté dict, & au mesme ordre qu'il est dict, par deux ou trois fois, iusques à ce qu'il soit remis: & où ceste industrie ne profite, il employe l'operation de nostre auteur. En la delouure des doigts du pied, ce mesme auteur commande au patient de plaquer sus terre le pied, en un lieu plain, ou sus une table: le  
maistre

maistre met son pied sus celuy du malade, à l'endroit où est l'eminence de l'os delogé, & le presse de force iusques à ce que l'eminence n'apparoisse plus, & l'os soit remis. Ce fait, il met sous le pied une planchette, de laquelle les bouts passent çà & là, & le bēde avec ligature conuenable, sans le deffaire de trois iours: & iceux passés, l'oste, faisant reposer le malade par plusieurs iours, iusques à ce que la reduction soit ferme & assuree. Nos practiciens adnotent que le pied est deloué & reduit facilement, mais que mal aisément la reduction est assuree, pour la multitude & uariété des os, desquels il est composé: qu'il se deloue plus en dedans & dehors, qu'en deuant & derriere. On cognoist la delouure par l'eminence & cauité qui au precedent n'y estoyent point: par la douleur, & priuation du mouuement. Pour le reduire ils situent le malade ferme: luy font estendre la iambe: luy remuēt & tirent fort le pied de toutes parts, pressant avec les mains l'eminēce de l'os déplacé, iusques à ce qu'il soit reduit, & lors appliquent des astelles avec ligature conuenable, qu'ils remuēt de cinq iours en cinq iours, contenant le malade en repos un mois entier. L'osset, astragale, ou talus (dit Celsus) se deloue en toutes parts. Quand il se deplace en dedans, l'inférieure partie du pied se tourne en dehors. Quand il se deplace au contraire, le signe est aussi contraire. S'il se deloue en deuant, le tendon large qui s'implante au talon, est dur, & tendu, & soustient ceste ioiñcte plus mal aisément le corps. S'il se deloue en derriere, l'os du talon est quasi caché: & la playe \* est plus grande. On le reduit avec les mains, apres auoir estendu & tiré le pied, & la grēue en parties opposites. En ce cas le pa-

\* La cause qui a fait ceste solution de cōtinuité, est plus violente & impetueuse.

tient doit garder longuement le liét, à fin que l'osselet qui soustient tout le corps, n'estans point encores les parties nerveuses qui l'assurent, retournees en leur premiere force, ne cede & preste au faix qu'il porte, & derechef sorte hors de son lieu. Estant guéri le malade aux premiers iours qu'il commencera de chemi-

\* comme des pantoufles.

\* du tarsus, ou du pied : & du pedion, ou peigne du pied.

\* du poignet, & rateau de la main.

\* car le bédage qui couient au comencement des delouures, doit aussi bien exprimer & recomprimer, comme au comencement des fractures.

\* qui est tres-dangereuse en toutes parties nerveuses, & singulierement au pied.

ner, il doit porter sa \* chaussure basse, à fin que la couture ne blesse la ioimete reduite. Les os de la plante du \* pied se delouent & remettent, entant & mesmes façons, que les \* os de la main: ceste observation seule y est d'avantage, que la bende de laquelle on fait la ligature, doit aussi comprendre le talon. Car estant necessaire de bender le milieu de la plante, & son extremité de devant, l'osselet demeurant sans \* bendage apres le milieu de la plante, pourroit recevoir quelque matiere abondante & superflue, qui viendroit en suppuratiō. \* En la delouure des doigts du pied, il ne faut rien faire d'avantage que ce qui a esté dict & commandé aux doigts de la main. Toutesfois si la ioimete est la derniere ou la moyennne du doigt, ayant reduit l'os, on le peut enchasser dans un canon, ou tuyau, iusques à ce que la reduction soit assuree.

Des delouures avec vlcere.

CHAP. CXXI.

**Q** Vand la delouure est avec vlcere, il y faut proceder avec grande sagesse. Car si on essaye de les reduire, le malade tombe en extreme \* danger, & quelquefois à la mort. Car come les muscles & parties nerveuses prochaines sont estendues, & tirees, ils auient douleurs vehementes, conuulsions, & fieuresagues, & principalement quand cest accident vient au coude

\* de douleur, conuulsion, fièvre, gangrene.

coude, au genoil, & aux ioinctes qui sont au dessus. \* Car d'autant qu'elles sont plus prochaines des parties nobles & principales, d'autant elles causent plus grand danger. Hippocrates deffend que du tout on n'essaye de les reduire, & qu'on n'vse de bendage trop serré, ains qu'au commencement on applique seulement les remedes, qui empêchent & mitiguent l'inflammation, & qui appaisent la douleur. Par ce moyen parauenture est il possible de leur sauuer la vie. Or nous essayerons de faire en la deloueu-  
 re des dois: qui est, soudain au commencement auant que l'inflammation soit venue en la partie, nous reduirons l'os déplacé avec mediocre extension: & si nous rencontrons la fin pretendue, nous demeurerons & persueuerons en la curation qui empêche & mitigue l'inflammation. S'il suruient inflammation, ou conuulsion, ou quelque autre accident des susdicts, si l'os peut obeir sans violence, nous le reduirons. Si le voulant remettre, nous doutôs qu'il n'y suruienne aucun des accidents susdicts, par ce que l'os estant preuenu d'inflammation, n'obeiroit pas, & ne supporteroit pas telle violence, estant la ioincte grande, du commencement, nous n'attenterons point la reduction: mais comme l'inflammation aura decliné, ce qu'auient apres le septieme ou neuuieme iour, ayant predict le danger qui peut s'uyure en faisant la reduction, & neantmoins si on ne la fait, que le patient, bien qu'il echappe, sera stroppié du membre, nous  
 essayerons

\* de l'aubrâ, de la cuisse, des  
 rouelles du dos  
 &c.

essayerons sans violence de faire l'operation, & si besoing est, pour la faciliter, vsurons de quel- que instrument propre a faire l'extension. Quāt à la curation de l'vlcere, nous y procederons comme a esté dict parlant des fractures avec vlcere.

De la deloueuure avec fracture.

CHAP. CXXII.

**S**I la deloueuure est avec fracture, mais sans vlcere, il faut vser de l'extension commune à toutes deloueures, & conformer le membre avec les mains, comme est l'ordinaire, & ainsi qu'il a esté dict en traictant des simples fractures. Si la deloueuure est avec fracture & vlcere tout ensemble, il faut la traicter & manier ainsi qu'il appartient, selon ce qu'a esté dict en parlant specialement & particulièrement des fractures & deloueures accompagnées d'vlcere.

ANNOTATIONS.

Autexte Grec γα : πάλιν ἐκβαλεῖν αὐτὰ θύον : qui est en françois: il faut sortir & ieter l'os reduict, hors de son lieu. Les interpretes ont suyui ce texte, par ce que Hippocrates commande liure 4. des Deloueures, & liure 3. des Fractures, si apres auoir remis l'os il suruient cōuulsion, qu'on le reiette dehors. Mais la suite du propos de l'auteur monstre clairement qu'il faut lire ἐμβαλεῖν, qui signifie reduire, & remettre, comme ie l'ay traduit. Car, s'il n'y a point d'inflammation, ny autres mauuais accidents, il ueut qu'on le remette. S'il y a inflāmation, ou quelque autre mauuais accident, mais non si grand & uehement, que l'os n'obeisse, & ne se laisse reduire, il ueut qu'on le re

le retourne. Si l'inflammation & autres accidents sont si uiolents, que l'os ne puisse s'accômoder à estre reduict, il ueut qu'on le laisse, & differe sa reduction iusques à ce que l'inflammation soit cessée. Hippocrates ueut, apres la reduction de l'os, s'il suruient cōuulsion, qu'on le iette dehors, pourueu qu'on le puisse faire sans grande facherie : & qu'on foment la ioincte fort souuent d'eau chaude : & que tout le corps, & principalement la ioincte, repose chaudement, doucement, & mollement : par ce que l'os reduict ne peut demeurer en sa place sans bendage, lequel n'y peut estre appliqué à raison de l'inflammation & cōuulsion. Or n'estant bendee la partie, l'os qui n'est retenu en sa place, se deloue derechef, ou du tout, ou à moitié, & sortant hors de son lieu, presse & quasse les extrémités nerueuses des muscles inflâmés, qui environnent la ioincte, à raison de quoy s'irritēt & augmentent la douleur, inflammation, & cōuulsion. Par quoy le plus expedient est, le déplacer, pour le reietter entre les espaces charnus des muscles, qui sont moins sensibles que leurs extrémités nerueuses, & n'y toucher pour le reduire, iusques à ce que l'inflammation soit finie. Les choses que nous auons recitees (dit Celse) se doyuent faire & practiquer au cas que la deloueu-  
 re ne soit aueques playe. Car estant aueques playe, il y a grand danger : & d'autant plus que le membre est grand, & que la ioincte est embrassée & cōtenue par tendons & muscles plus robustes. A ceste cause quād l'auanbras & la cuisse sont deloués aueques playe, le cas certes est fort douteux. Mais si on ueut reduire l'os, le malade est hors de toute esperance d'echapper : si on n'y met point la main, il y a quelque\* danger. En  
 l'un

\* & de la ris,  
 & que le mē-  
 bre ne demeu-  
 re estropié.

\* Aucuns exposent, mēbre: s'auoir, l'auan-bras & la cuiſſe : les autres exposent, l'un & l'autre, soit qu'on reduiſe l'os, ou qu'on ne le reduiſe point.

\* L'un & l'autre, la doute & crainte, est d'autant plus grande, que la playe est plus pres de la iointe. Hippocrates ne cuide aucune de ces delouures pouuoir estre reduicte ſeulement, fors au doigt, au poignet, au rateau de la main, & à la plante du pied: & encores qu'il y faut proceder ſagement & diſcretement, à fin de ne precipiter le malade en inconuenient. Aucuns n'ont fait difficulté de reduire les iambes, & les bras ainſi deloués: & à fin qu'il ne ſuruiſt ou gangrene, ou conuulſion, qui en ceſt accident tuast incontinent le malade, on fait ſaignee du bras. Or le doigt meſme, du quel la delouure est petit mal, & peu dangereux, ne doit estre remis, ſinon auant que l'inſtālation y uienne, ou apres qu'elle est paſſee, eſtant ia uicille la delouure. Eſtant l'os remis s'il auient conuulſion, ſoudainement derechef il le faut deplacer. Toute iointe delouee aueques playe, & non reduicte, doit estre ſituee & couchee de ſorte, que le patient ſe trouue mieux: & faut auifer ſeulement qu'elle ne ſoit remuee, & qu'elle ne pende contre bas. En toutes ces delouures l'abſtinēce longue & continuee est un ſingulier remede. Le reſte de la curation est tel, comme on l'uſe au fractures aueques playe. S'il y a quelque os nud, decouvert, & eminent, touſiours il dōnera empechemēt & nuifance: par quoy ce qui ſort dehors doit estre coupé: & faut appliquer deſſus, de la charpie ſeche, & non des medicamens gras & unctueux, iuſques à ce que l'os ſoit gueri, ainſi qu'il le peut estre. Car certes il demeure debile, & ſi fait une cicatrice

\* Tant des eſuſes internes qu'externes.

tenure & mince, laquelle par neceſſité est ſuiette à estre

\* offencee.

\* \*